

續修四庫全書

《續修四庫全書》編纂委員會編

續修四庫全書



上海古籍出版社

七九三・史部・政書類


明會要八十卷

〔清〕龍文彬撰

.....

2653/03

明會要



光緒丁亥
永懷堂藏板

明會要 例略

例略

會要始於宋王祁公蘇冕初成唐會要四十卷祁公續成之爲一百卷臨江徐氏

繼之徐氏兩漢會要皆列十五門分繫子目西漢三百六

十七事東漢三百八十四事體從簡嚴王氏唐會要五代

會要不標總目依類編輯較徐氏更爲詳贍茲編沿徐氏

十五門繫以子目四百九十八事其編纂則參酌二氏之

式期於文約事詳瑣細事故無可隸者亦以雜錄附各條

後

西漢會要五代會要不加論斷唐會要有蘇冕駁議東漢

會要間附按語及雜引他說茲遵此例恭錄輯覽

明會要例略

御批及三編發明其他論列與鄙見所及者亦附入焉

總目從徐氏惟祥異移後列方域前治通考物異之下接

輿地例也至子目則略有更益如嘉禮之經筵日講視學

旌表賓禮之蕃王來朝蕃使入貢凶禮之奪情諡法學校

之宗學社學武學書院選舉之廷推傳奉食貨之莊田加

派兵之衛所海防刑之廠衛廷杖此一代典故之關繫最

巨者按各總目排比增入以志勸置之殊若宰輔之識量

忠諫舉賢委任崇獎諸條据唐會要兵之料敵誘敵間謀

鄉導刑之決斷守正諸條据通典皆增徐氏目中之所無

各實以事蹟亦足資稽覈而備法鑑

徵引必注書名以事之先後為次明史但書某志某傳某表不標明史以省繁冗他書雖有傳表記考不詳注以別於正史首引之條或注全目以後或省一二字并不注人名惟王圻續文獻通考則稱王圻通考以別於

欽定續文獻通考問稱王圻考亦如續通典之稱杜佑通典曰杜典省文耳

蒐羅易去取難茲編摭輯自明史三編外洗覽二百餘種或一事而詳畧紛歧異同錯出必擇其簡而明確而當者錄之閒有譌誤略為辨正附之按語辭繁不能備載者概從刪節斷鶴之譏固不免也

明史從史彙例議洪武以前多書至正年號而地理志於

明會要例略

二

江南江西各府更名在洪武前仍用干支書太祖某年是編專載明事未便夾入元年號止統書明初太祖初之類閒有數條因原文以干支繫事未便更改則仍之

宏光及唐桂二王遵三編輯覽例入帝號後按宋史列瀛國公本紀附昱曷二王於後昔人有以附二王為非者明維祺宋史新伏讀編不錄二王

純廟聖諭及輯覽之所附可以破其惑矣

明史載蒙古人地官名俱多譌舛茲遵輯覽三編改用新譯仍注舊作某某以便省閱

英宗正統天順明史分前後紀編年之體應爾是編總敘

帝號宜前後歸併不以中夾景泰為嫌從唐會要書中宗例也

會要紀掌故於書法稍寬然亦有難於詮次者如惠帝母常孝康皇后係追諡生母呂太后及世宗母蔣太后皆由妃加尊宜與諸后妃有別仿西漢會要書宣帝母王夫人哀帝母定陶王姬之例稱曰惠帝母曰惠帝生母曰世宗母

職官至明更詳且密其有仍元之舊或仍其舊而殊名者或同名而殊其職掌者皆詳注各條下以志因革之由

徐氏職官不載事蹟茲編沿王氏例於各官閒載事蹟奏

明會要例略

三

疏以資考鏡

六部都察院其在南京者依類分載通政司以下南京官事簡不另標目

徐氏屯田屯田卒二目均入兵門茲編屯田入食貨門田制後屯田卒入兵門班軍後各從其類爾

通典證法入凶禮門茲編於喪服後專志文武臣僚之證以帝后親藩諡均見帝系且親藩照例給與不必書亦鮑

山父例也山父諡彙考與弇州諡法考皆斷自萬厯弇州考略有舛異閒為釐正自二考外復據三編輯覽及見於

明史各傳者增二百餘人共計八百五十三人其為

本朝賜諡改諡者以非明事從略若爲南都以後所贈者雖未盡出大公亦據三編諸書錄之皆史例也

災異諸目明史天文五行二志不能備錄茲以三編爲主并採大政記二申錄諸書其有修省之詔及臣下諫疏擇其切要者錄之以備鑒戒亦王氏例也

明史宮殿列輿服志茲從徐氏入方域門據明史三編旁採史概野獲編春明夢餘錄涿化類編日下舊聞諸書然名號紛繁徒憑故紙臚列恐未能罄其萬一也

方域但誌州縣改置斷自元始其明改元舊或增或廢者悉書府由路改者不能備書其改府名及由土司改者書之土司亦但誌改置其已改入州縣者不復書

凡直隸州高一格與府平頭若州非直隸而仍領縣者加圈以誌之并以別於未領縣之州

天下之治統於一尊故首之以帝系治莫大於興禮樂故次禮次樂禮樂興而后名分正故次輿服辨名分由於崇教化故次學校教法天時故次運麻天工人代故次職官任官必審賢故次選舉賢以康民民以阜食故次民政次食貨民之梗頑則有創懲故次兵次刑政之善敗厥有徵應故次祥異政令之敷訖乎遐邇故次方域而以外蕃終焉文彬單志明史歷有年所久廢曹司毫無所立退食之

明會要例略

四

暇掇拾舊聞編次成帙以備遺忘海內君子儻矜擿埴之闕閱紉績之劬爲之剔蕪而補漏或足爲鑑古者涓滴之助爾爲卷八十類次目錄如左

卷一

帝系一

帝號 宏光年號 附 唐桂二王 帝號雜錄 追

諡皇帝

卷二

帝系二

太皇太后皇太后皇后 妃嬪 后妃雜錄 宮官

明會要目錄

五

出宮人

卷三

帝系三

皇太子 雜錄 皇太孫 追諡太子

卷四

帝系四

諸王 雜錄

卷五

帝系五

公主 雜錄

卷六

禮一吉

祭祀總敘 省牲 齋戒

卷七

禮二吉

親郊 郊議

卷八

禮三吉

郊祀配位 祈穀 大雩附禱雨 大饗 朝日夕月

星辰 大歲風雲雷雨之祀 社稷 嶽

明會要目錄

六

鎮海濱山川 先農 先蠶 高禩 城隍

卷九

禮四吉

宗廟 廟議

卷十

禮五吉

禘祫 時饗 薦新 奉先殿 奉慈殿 獻皇帝

廟 親王從享 功臣配享 功臣廟 王國宗廟

羣臣家廟

卷十一

禮六吉

祀先代帝王 三皇 聖師 先師孔子 諸神祠

五祀附秦厲

卷十二

禮七嘉

朝儀 諸王來朝 諸司朝覲 朝賀中宮 朝賀

東宮 朝賀班序 免朝參 輟朝 宴禮 賜食

卷十三

禮八嘉

上尊號徽號 冊封皇子 行幸 視學

明會要目錄

七

卷十四

禮九嘉

經筵日講 東宮出閣講學 冠禮 婚禮 鄉飲

酒禮 禁踰侈 旌表

卷十五

禮十賓

優禮元裔 蕃王來朝 遣使之蕃 蕃使入貢

卷十六

禮十一軍

親征 閱武附閱馬 遣將 勞軍 受俘 田獵

卷十七	兵祭 大射
禮十二	禮 <small>凶</small>
山陵	顯陵 太子陵寢 親謁陵 遣官祭陵
從葬	陵災 忌辰
卷十八	
禮十三	禮 <small>凶</small>
喪服	雜錄 奪情
卷十九	
禮十四	禮 <small>凶</small>
立後議	恤死事 諡法上
卷二十	
禮十五	禮 <small>凶</small>
諡法下	雜錄
卷二十一	
樂上	
樂	樂器
卷二十二	
樂下	
樂歌	樂舞 論樂

明會要目錄

八

卷二十三	輿服上
輿服下	
冠服	諸王冠服
卷二十四	
百官冠服	士庶冠服 寶璽 印信 賜印符
節	牙牌
卷二十五	
學校上	
學校下	
國學	府州縣學 宗學 社學 武學
卷二十六	
書院	書籍 編輯
卷二十七	
運麻上	
麻	歲差
卷二十八	
運麻下	
測影	儀象 句股 權量 時令

明會要目錄

九

卷二十九

職官一

宗人府 三公三孤 東宮六傅 宰輔 識量 舉賢

卷三十

職官二

忠諫 委任 崇獎 宰輔雜錄

卷三十一

職官三

六部總敘 吏部尚書侍郎 吏部四司 南京吏

明會要目錄

十

部 戶部尚書侍郎 戶部十三司 司農司 總

督倉場 督餉侍郎督理錢法附 南京戶部 督理糧

儲 禮部尚書侍郎 禮部四司 南京禮部

卷三十二

職官四

兵部尚書侍郎 兵部四司 協理京營戎政 南

京兵部 刑部尚書侍郎 刑部十三司 南京刑

部 工部尚書侍郎 工部四司 提督易州山廠

南京工部

卷三十三

職官五

都察院 南京都察院 諫諍 彈劾

卷三十四

職官六

巡按 雜差遣 巡撫 總督總制

卷三十五

職官七

通政司以下南京官附見不另標目 大理寺 詹事府 翰林

院上

卷三十六

明會要目錄

十一

職官八

翰林院下 祕書監 文華堂 宏文館 起居注

修前代史 修國史

卷三十七

職官九

六科 國子監

卷三十八

職官十

太常寺 提督四夷館 光祿寺 太僕寺 行太

僕寺 苑馬寺

卷三十九

職官十一

鴻臚寺 尙寶司 中書舍人 行人司 欽天監

太醫院 上林苑監 五城兵馬司 順天府

應天府 僧道錄司 宦官

卷四十

職官十二

衍聖公 王府官 布政司 分守道 按察司

分巡道 提學 都轉運鹽使司

卷四十一

明會要目錄

三

職官十三

府州縣 儒學 巡檢

卷四十二

職官十四

駙馬都尉 五軍都督府 上直衛 留守衛 南

京武職 王府護衛 總兵官 大將軍 將軍

前將軍 副將軍 偏將軍 列將軍 留守司

都指揮使司 土官

卷四十三

職官十五

封爵 勳階 宗藩歲祿 百官祿秩

卷四十四

職官十六

錄軍國重事 遣使 兼官 行試 久任 休

假 封贈 致仕 省官

卷四十五

職官十七

集議

卷四十六

職官十八

明會要目錄

三

考課 戒救官吏 懲貪吏

卷四十七

選舉一

科目 宗科 武科目 外夷會試 科目雜錄

卷四十八

選舉二

任子 世襲 掾吏 銓選 武選 廷推 行取

卷四十九

選舉三

徵辟 雜錄 保舉 卓異 治劇 納賞 傳奉

方技

卷五十

民政一

戶口 移徙 逃戶 附籍

卷五十一

民政二

風俗 里老 糧長 尊高年 恤鰥寡孤獨 恤

流民

卷五十二

民政三

明皇自錄

古

治豪猾 奴婢 禁自宮 瘞遺骸 優免

卷五十三

食貨一

田制 屯田 水利田 莊田 勸農桑

卷五十四

食貨二

田賦 賜田租 蠲逋賦 荒政 加派 力役

卷五十五

食貨三

錢法 錢禁 鈔法 鹽法 茶法

卷五十六

食貨四

漕運 豫備倉 社倉 軍儲倉 庫藏

卷五十七

食貨五

商稅 船料 塌房 魚課 雜課 土貢 坑冶

珠池 市易 市舶 馬市

卷五十八

兵一

京營 南京營 侍衛上直軍 皇城守衛 京城

明皇自錄

古

巡捕 四衛營 幼軍

卷五十九

兵二

衛所 班軍 屯田卒 民壯 鄉兵 土司兵

卷六十

兵三

教練 選募 宿衛 番戍 調發 料敵 誘敵

閒諜 鄉導 處降

卷六十一

兵四

軍伍	兵占	軍功	軍法	兵器	火器
卷六十二					
兵五					
戰車	戰船	馬政	印馬	茶馬	草場
卷六十三					
兵六					
邊防	海防	江防			
卷六十四					
刑一					
刑制	律令				
卷六十五					
刑二					
詳讞	決斷				
卷六十六					
刑三					
守正	寬恕	矜老弱	囚繫		
卷六十七					
刑四					
贖罪	赦宥	赦宥雜錄	登聞鼓	廷杖	枷
衛獄	東廠 <small>西廠附</small>	駕帖			

明會要目錄

七

卷六十八					
祥異一					
符瑞	日食	日月變異	彗孛	五星陵犯	
卷六十九					
祥異二					
星聚	星隕	雪	霜	雹	水冰
震	山崩	隕石			總天變地
卷七十					
祥異三					
水災	火災	旱	蝗	人異	禽獸之異
之異	雜變異				草木
卷七十一					
方域一					
都邑	殿	宮	閣樓	館	齋室
臺觀	亭	坊			堂
卷七十二					
方域二					
諸門 <small>城門附</small>	宮殿雜錄	親王府	百官第宅		
卷七十三					
方域三					

明會要目錄

七

十三布政司分轄道 州縣改置上

卷七十四

方域四

州縣改置下 土司改置

卷七十五

方域五

道路 橋梁 關津 街市 寺觀 城郭 邊牆

驛傳

卷七十六

方域六

明會要目錄

末

黃河 運河

卷七十七

外蕃一

正東

朝鮮 日本 婆羅 馮嘉施蘭 蘇祿 合貓里

美洛居

東南

雞籠山 琉球 呂宋 古麻刺朗 佛郎機 和

蘭

卷七十八

外蕃二

正南

安南 暹羅 彭亨 占城 滿刺加 阿魯瓜

哇 真臘 三佛齊 淳泥 巴喇西

西南

蘇門答刺 覽邦 淡巴 百花 那孤兒 黎伐

南渤利 柯枝 小葛蘭 錫蘭山 朵甘 長

河西魚通甯遠 董卜韓胡 烏斯藏大寶法王

大乘法王 大慈法王 剛化王 贊善王 護教

王 闡教王 輔教王 西天阿難功德圖 尼八

明會要目錄

末

刺國

卷七十九

正西上

沙州 赤斤蒙古 罕東 安定 阿端 察遜

哈嗎爾 羅密 坤城 阿蘇 天方 默德那

阿丹 榜葛刺 沼納樸兒 忽魯謨斯 溜山

西洋古里 西洋瑣里 意大里亞 拂菻

卷八十

外蕃四

正西下

哈密 土魯番 火州 柳城 衛喇特 于闐
賽瑪爾堪 布噶爾 沙喇斯 哈魯 實喇哈雅

默色爾 哈喇

西北

伊里巴拉

正北

韃靼 烏梁海

明會要目錄

三

明會要目錄終

明會要卷一

永新龍文彬纂

帝系一

帝號

德祖元皇帝

伯六公家句容仲入公第三子太祖之高祖考也

洪武元年正月乙

亥追尊元皇帝廟號德祖葬朱家巷

懿祖恆皇帝

四九公德祖第二子

洪武元年正月乙亥追尊恆皇帝

廟號懿祖葬朱家巷

熙祖裕皇帝

初一公懿祖長子徙泗州盱眙縣

洪武元年正月乙亥追尊

裕皇帝廟號熙祖葬泗州祖陵基運山

明會要卷一

十

仁祖高皇帝

諱世珍熙祖長子徙濠州之鍾離

洪武元年正月乙亥追尊

高皇帝廟號仁祖葬中都皇陵翊聖山

太祖開天行道肇紀立極大聖至神仁文義武俊德成功

高皇帝諱元璋字國瑞

仁祖第四子母曰高皇后陳氏

以元天曆元年九

月丁丑生至正十二年從郭子興於濠州二十四年正月

丙寅朔立為吳王二十七年稱吳元年明年正月乙亥即

皇帝位建元洪武三十一年閏五月乙酉崩於西宮

年七十一

辛卯葬孝陵諡曰高皇帝廟號太祖永樂元年六月丁巳

諡神聖文武欽明啟運俊德成功統天大孝高皇帝嘉靖

十七年十一月辛未朔增諡開天行道肇紀立極大聖至

神仁文義武俊德成功高皇帝有明帝諡皆十七字世宗未存唯唐懿宗加諡宣宗至十九字

加太祖至二十一字前代

丞相四人李善長徐達汪廣洋胡惟庸洪武十三年罷中書省

恭閱惠皇帝諱允炆太祖孫懿文太子第二子母曰呂妃洪武十年十一月

己卯生二十五年九月庚寅立為皇太孫三十一年閏五

月辛卯即位改元建文四年六月乙丑燕兵陷京師宮中

火起不知所終燕王遣中使出帝后屍於火越八日壬申

葬之

大清乾隆元年追諡曰恭閱惠皇帝

成祖啟天宏道高明肇運聖武神功純仁至孝文皇帝諱

明會要卷一

二

棣太祖第四子母曰孝慈馬皇后元至正二十年四月癸酉生洪武三年

四月乙丑封燕王十三年三月壬寅之藩北平建文元年

七月癸酉舉兵反四年六月乙丑陷京師己巳自立為皇

帝改元永樂二十二年七月辛卯崩於榆木川年六十五九月

壬午上尊諡曰體天宏道高明廣運聖武神功純仁至孝

文皇帝廟號太宗十二月庚申葬長陵嘉靖十七年九月

戊寅改上尊諡曰啟天宏道高明肇運聖武神功純仁至

孝文皇帝廟號成祖

閣臣七人黃淮胡廣楊榮解縉楊士奇金幼孜胡儼

仁宗敬天體道純誠至德宏文欽武章聖達孝昭皇帝諱

高熾成祖長子母曰仁孝徐皇后洪武十一年七月辛未生於鳳陽二

十八年閏九月壬午冊為燕世子永樂二年四月甲戌立

為皇太子二十二年八月丁巳即位改元洪熙元年五月

辛巳崩於欽安殿年四十八七月己巳上諡號九月壬寅葬獻

陵

閣臣六人黃淮楊榮楊士奇金幼孜楊溥權謹

宣宗憲天崇道英明神聖欽文昭武寬仁純孝章皇帝諱

瞻仁宗長子母曰張皇后建文元年二月甲辰生於燕邸永樂

九年十一月丁卯立為皇太孫二十二年仁宗即位十月

壬子立為皇太子洪熙元年六月庚戌即位改元宣德十

明會要卷一

三

年正月乙亥崩於乾清宮年三十七丁酉上諡號六月辛卯葬

景陵

閣臣七人楊士奇楊榮黃淮金幼孜楊溥張瑛陳山

英宗法天立道仁明誠敬昭文憲武至德廣孝睿皇帝諱

祁宣宗長子母曰孫貴妃宣德二年十一月乙未生三年二月戊

午立為皇太子十年正月壬午即位年九歲改元正統十四

年八月壬戌北狩九月癸未皇太后命廊王即皇帝位遙

尊帝為太上皇景泰元年八月丙戌還京師入居南宮八

年正月壬午武清侯石亨右副都御史徐有貞等以兵迎

上皇於南宮遂復位改元天順八年正月庚午崩年三十八

月乙未上諡號五月庚申葬裕陵

閣臣十七人楊士奇楊榮楊溥馬愉曹鼐陳循苗衷高穀
張益徐有貞許彬薛瑄李賢呂原岳正彭時陳文

恭仁康定景皇帝諱祁鈺宣宗次子母吳賢妃宣德三年八月壬

午生英宗即位封邸王正統十四年八月英宗北狩孝恭

皇太后命王監國九月癸未命即皇帝位改元景泰八年

正月丁丑輿疾宿南郊齋宮壬午英宗復位二月乙未廢

帝為郕王遷西內癸丑薨於西宮年三諡曰戾以親王禮

葬西山成化十一年十二月戊子復帝號上尊諡

閣臣十人彭時商輅陳循苗衷高穀俞綱江淵王一甯蕭

明會要卷一

四

磁王文

憲宗繼天凝道誠明仁敬崇文肅武宏德聖孝純皇帝諱

見深英宗長子母周貴妃正統十二年十一月庚寅生初名見濬

十四年八月己巳皇太后命立為皇太子景泰三年五月

甲午廢為沂王天順元年三月己巳復立為皇太子改名

見深八年正月乙亥即位改元成化二十三年八月己丑

崩年四九月乙卯上諡號十二月壬午葬獻陵

閣臣十人彭時李賢陳文劉定之商輅萬安劉珝劉吉彭

華尹直

孝宗達天明道純誠中正聖文神武至仁大德敬皇帝諱

祐憲宗第三子成化六年七月己卯生於西宮十一年

十一月癸丑立為皇太子二十三年九月壬寅即位改元

宏治十八年五月辛卯崩於乾清宮年三六月庚申上諡

號十月葬泰陵

閣臣九人萬安劉吉彭華尹直徐溥劉健邱濬李東陽謝

遷

武宗承天達道英肅睿哲昭德顯功宏文思孝毅皇帝諱

厚照孝宗長子母日宏治四年九月丁酉生五年三月戊

寅立為皇太子十八年五月壬寅即位改元正德十六年

正月丙寅崩於豹房年三五月己未上諡號九月庚午葬

康陵

閣臣十四人劉健李東陽謝遷焦芳王鏊楊廷和曹元梁

儲劉忠費宏靳貴楊一清蔣冕毛紀

世宗欽天履道英毅神聖宣文廣武宏仁大孝肅皇帝諱

厚熹憲宗孫父興獻王國安陸正德二年八月辛巳生於

興邸十六年武宗崩無嗣慈壽皇太后與大學士楊廷和

定策迎王於興邸四月癸卯至京師即位改元嘉靖四十

五年十二月庚子崩於乾清宮年六明年正月乙亥上諡

號按本紀是月上諡號無日明政統宗系之正月二十日

之書三月壬申葬永陵

明會要卷一

五

閣臣二十七人袁宗臯費宏楊廷和蔣冕毛紀石瑄賈詠

楊一清謝遷翟鑾張璠改名孚敬桂萼李時方獻夫夏言顧

鼎臣嚴嵩許讚張璧張治李本徐階袁燁嚴訥李春芳

郭朴高拱

穆宗契天隆道淵懿寬仁顯文光武純德宏孝莊皇帝諱

載坫世宗第三子嘉靖十六年正月癸卯生十八年二月

庚子朔封裕王四十五年十二月壬子即位改元隆慶六

年五月庚戌崩於乾清宮年三七月丙戌上諡號九月甲

午葬昭陵

閣臣九人徐階李春芳郭朴高拱陳以勤張居正趙貞吉

明皇卷一

木

殷士儋高儀

神宗範天合道哲肅敦簡光文章武安仁止孝顯皇帝諱

翊鈞穆宗第三子嘉靖四十二年八月癸亥生隆慶二年

三月辛酉立為皇太子六年六月甲子即位年十改元萬

曆四十八年七月丙申崩於宏德殿年五八月甲申上諡

號十月丙午葬永陵

閣臣二十一人張居正呂調陽張四維馬自強申時行潘

晟余有丁許國王錫爵王家屏趙志皋張位陳于陞沈

一貫沈鯉朱賡于慎行李廷機葉向高方從哲吳道南

光宗崇天契道英睿恭純憲文景武淵仁懿孝貞皇帝諱

常洛神宗長子母萬曆十年八月丙申生二十九年十月

乙卯立為皇太子四十八年八月丙午即位改元泰昌九

月乙亥崩於乾清宮年三熹宗即位改萬曆四十八年八

月以後為泰昌元年是月己丑上諡號本紀十月上諡號

之明年九月壬寅葬慶陵

閣臣八人方從哲史繼偕沈淮何宗彥劉一燝韓爌朱國

祚孫如游

熹宗達天闡道敦孝篤友章文襄武靖穆莊勤哲皇帝諱

由校光宗長子母萬曆三十三年十一月十四日生泰昌

元年九月乙亥光宗崩羣臣哭臨畢請見皇長子於寢門

明皇卷一

七

奉至文華殿行禮還居慈慶宮時選侍李氏居乾清宮吏

部尚書周嘉謨等疏請選侍移宮己卯選侍移噉鸞宮庚

辰即位改元天啟七年八月丁卯崩於乾清宮年二十

庚子上諡號明年三月己巳葬德陵

閣臣二十人葉向高劉一燝韓爌史繼偕沈淮何宗彥朱

國祚孫如游孫承宗顧秉謙朱國禎朱延禧魏廣微周

如磐黃立極丁紹軾馮鈺施鳳來張瑞圖李國楫

莊烈愍皇帝諱由檢光宗第五子萬曆三十八年十二月

二十四日生於東宮天啟二年九月乙卯封信王七年八

月丁巳即位改元崇禎十七年三月丙午李自成陷京師

丁未內城陷帝崩於萬歲山

大清兵入京師以帝禮改葬諡曰莊烈愍皇帝陵曰思陵閣臣四十九人黃立極施鳳來張瑞圖李國楫來宗道楊景辰周道登錢龍錫李標劉鴻訓韓爌成基命周延儒何如寵錢象坤孫承宗溫體仁吳宗達鄭以偉徐光啟錢士升王應熊何吾騶文震孟張至發黃士俊孔貞運賀逢聖劉宇亮薛國觀傅冠程國祥楊嗣昌方逢年蔡國用范復粹姚明恭張四知魏炤乘謝陞陳演蔣德璟黃景昉吳牲魏藻德李建泰方岳貢范景文邱瑜

宏光年號

明會要卷一

八

文彬謹按綱目三編通鑑輯覽遵奉

純廟諭旨以福王偏立江左尙可比宋代建炎之例故於崇禎甲申五月後分注福王存其統系必俟次年蕪湖被執始書明亡茲遵例記崇禎後特書宏光年號以別之

福王由崧神宗孫福恭王常洵長子初封德昌王崇禎十六年嗣封福

王十七年三月京師失守由崧與潞王常汭俱避賊至淮安時參贊機務兵部尙書史可法方督師勤王在浦口南京諸大臣議立君倫序當屬福王諸臣以潞王爲神宗姪賢明當立可法亦以爲然由浦口還南京而鳳陽總督馬

士英利福王昏庸欲立之與諸將送福王至儀真連營江北勢甚張可法不得已乃以福王名告廟五月庚寅稱監國以可法及士英等俱爲大學士士英仍督鳳陽軍務壬寅稱帝於南京以明年爲宏光元年命可法督師江北召士英入閣辦事明年五月我

大清兵渡江福王出奔太平

大清兵至蕪湖總兵田雄劫福王以降

附 唐桂二王 閣臣六人史可法高宏圖姜曰廣王鐸馬士英蔡奕琛

附 唐桂二王

文彬謹按通鑑輯覽奉

明會要卷一

九

純廟諭旨以唐桂二王自不等於福王但爲明室宗支與宋之昱昺相同未可概從僭偽之例故於福王後撮敘二王本末綱目三編終於福王而唐王之立於福州桂王之立於肇慶皆附載目中茲敬遵此例附二王於宏光之後

唐王聿鍵端王碩熹子崇禎五年嗣封九年京師戒嚴倡義勤

王詔切責廢爲庶人幽之鳳陽十七年北都陷福王立於

南京乃赦聿鍵出命移居廣西平樂府

大清順治二年五月

大兵已定南京聿鍵行至杭州遇鎮江守將鄭鴻逵及戶

部侍郎何楷戶部郎中蘇觀生等遂奉以入闕故禮部尙書黃道周與巡撫都御史張肯堂南安伯鄭芝龍奉聿鍵稱監國閏六月丁未稱號於福州改年隆武進芝龍爲侯觀生道周俱大學士肯堂爲兵部尙書然權在鄭氏聿鍵屢促芝龍出兵輒以餉絀辭道周自請行至婺源兵潰死明年七月湖廣總督何騰蛟遣使迎聿鍵八月至汀州大兵奄至被執死於福州

桂王由榔神宗孫桂王常瀛次子崇禎時封永明王

大清順治三年八月

大兵下汀州執唐王聿鍵於是兩廣總督丁魁楚巡撫瞿

明會要卷一

十

式耜等迎由榔監國十一月十八日稱號於肇慶改年永麻順治四年正月我

大清兵克肇慶由榔奔桂林七年

大兵入桂林十三年李定國奉由榔走雲南十六年

大兵克雲南由榔走南甸遂入緬十七年平西將軍吳三

桂請進兵緬甸十八年

大兵臨緬甸人執由榔獻之軍前明年四月死於雲南

帝號雜錄

本宗朱氏出自句容地名朱巷在通德鄉上世以來勤農桑五世祖仲八公三傳至先祖初一公生子二長五一公

次先考諱世珍元初籍洵金戶金非土產市於他方先祖困於役遂棄田廬攜二子遷泗州盱眙縣先考娶陳氏泗州人生子四長重四公生於盱眙次重六公重七公生於五河某其季也生於鍾離其父兄因某幼疾捨入皇覺寺中甲申父母長兄俱喪次兄守業又次兄出贅劉氏某託跡緇流至正十二年天下大亂諸兄皆亡淮兵大起掠入行伍乃招集義旅兵力漸眾因取滁和龍鳳三年帥師渡江駐兵太平爲念先考常言世爲朱巷人卽訪求故鄉宗族調兵取句容明年克金陵朱巷距城四十里族父兄昆弟四十餘人至始與之敘長幼之禮朱氏世系自仲八

明會要卷一

十一

公以上不可考歷世墓在朱巷惟先祖葬泗州先考葬鍾離太祖自敘世德碑見春

離太祖自敘世德碑見春

吳元年七月甲申右相國李善長等請曰王起濠梁不階尺寸遂成大業四方羣雄削除殆盡遠近歸心願早正大

位以承天命太祖曰自古帝王知天命有歸猶且謙讓以俟有德嘗笑陳友諒初得一隅妄自尊大驕恣速亡吾豈能更蹈之大訓記

十二月甲子太祖以羣臣推戴不已祭告於上帝神祇時善長等進儀衛太祖見仗內旗有天下太平皇帝萬歲字顧善長曰此夸大之詞非古制命去之同上

建文四年六月都城陷宮中火起帝不知所終燕王遣中使出后屍於火詭云帝屍越八日用學士王景言備禮葬之然葬地所在後無聞焉或曰帝由地道出亡其後滇黔巴蜀間皆傳有帝爲僧時往來跡世遂以帝爲遜國云編三輯覽注云遜國之說明舊史例議力辨其妄且言建文帝闔宮自焚身殉社稷死之正也後人心惡成祖誅夷忠烈之慘而不忍建文之遽殞故詭言削髮出亡以明帝之不死於火耳此其言誠是但據王鏊陸樹聲薛應旂鄭曉朱國禎等所載諸書皆歷歷可考雖有舛訛或未必悉由附會且史傳稱黃觀募兵未還或謂曰宮中

明會要卷一

主

火帝已失後神宗時嘗命閣臣錄帝在滇詩以進似又非盡無稽者第事難徵覈姑從闕疑今故附錄出亡之略而復辨之如此

燕王既即位七月壬午朔詔今年以洪武三十五年爲紀明年爲永樂元年紀本

楊椿曰革除建文年號明代諸書俱言之甚有稱建文時爲革除年間者余考之不然實錄四年六月己巳燕王卽皇帝位翼日庚午命今年仍稱洪武三十五年七月壬午朔大赦天下詔今年仍以洪武三十五年爲紀云今年者明六月己巳前尙爲建文之年六月庚午後

方爲洪武三十五年也蓋成祖不欲於季夏改元又不欲用建文年號故於卽位後仍以洪武紀年猶後漢高祖改晉開運四年二月爲天福十二年非并從前開運年號盡革除之也赦詔中有建文以來又有建文年間後凡詔辭敕諭語及惠帝或呼建文或稱建文君諸帝實錄於惠帝事及諸臣逮事惠帝者皆書建文間天順元年釋建庶人之囚書釋建文君子孫則建文之號當時未嘗諱之也萬曆十六年司業王祖嫡請復建文年號大學士申時行以成祖實錄首書元年二年三年四年爲未嘗革除之證同時王尙書世貞本朝顧處士

明會要卷一

主

炎武王尙書鴻緒俱主申說世貞謂儒臣淺陋嫌於載建文之號於成祖實錄之前於是創一無號之元年書之則其義未盡也祝允明九朝野記張太后大漸召問楊士奇國家尙有何大事未行者士奇請修建文實錄太后云建文年號麻日已革除之乃知所謂革除者永樂間之欽天監見洪武三十五年之詔遂於所進麻日不敢復書建文盡妄改之爲洪武成祖悅其如是未之禁於是諸臣奏疏有司文移始皆有洪武三十二年三十三年三十四年之稱實錄三十五年八月壬戌禮部言大統麻例在先歲九月朔進呈此因卽位之初造麻

未備請以十一月朔進從之命著為令亦未言革除建文年號也史臣未奉革除之令故於實錄書元年二年三年四年不敢正欽天監之失故不書年號惟於四年六月庚午詔下之日始書洪武三十五年而六月己巳燕王即位之日則尚屬之四年此史臣紀實而後之讀之者可曉然建文年號之未革除矣

成化三年十一月荆門州訓導高瑤上言正統己巳之變先帝北狩皇上方在東宮使非郕王繼統則禍亂何由而平先帝復辟貪大功者遂加厚誣使不得正典禮望敕禮官追加廟號事下禮部會議以左庶子黎澹疏遂格不行

明會要卷十

古

昭代後御史楊守隨復請改諡事亦未行至十一年十二月命閣臣議商輅力贊成之乃下詔曰朕叔郕王踐祚戡亂保邦奸臣讒構請削帝號先帝旋知其枉深懷悔恨以次抵諸奸於法不幸上賓未及舉正朕敦念親親用成先志郕王可仍舊皇帝號諱上尊諡令所司脩飾陵寢編三宏治十二年四月前禮部主事楊循吉上言建文君乃高皇帝嫡孫躬受神器後太宗入繼大統削建文位號百餘年來未蒙顯復夫建文雖以左右非人得罪社稷而實則生民之主也請復尊號如景泰故事庶幾裨益先聖有光大孝下禮部議格不行編三

萬曆十四年國子監司業王祖嫡言建文之革除未復景泰之實錄未正今宜復建文位號修輯四年事蹟盡廢野史不經之說其景泰宜自為一錄削郕戾舊名疏下羣臣議於是申時行奏言建文年號因成祖靖難之日詔今年仍以洪武三十五年為紀其建文年號相傳以為革除及考靖難事蹟亦稱少主稱元年二年三年四年則是未嘗革除也但不稱建文耳英宗實錄修於成化初年在景皇帝位號未復之先故仍稱郕戾王而景泰七年事遂附英宗實錄之內今景皇帝位號已復不過於實錄內改正其理順而事亦易於是乃詔改景泰實錄然是時上下偷惰

明會要卷十

五

詔敕多不奉行景泰實錄終明世未嘗改也編三萬曆二十三年禮科給事中楊天民與御史牛應元請復建文年號從之未幾南京太常寺卿沈子木言建文御宇五年願不得一盂麥飯下同齊民於誼未忍請附食懿文太子之側章下部議不果行同上

福王立南京東平伯劉澤清言宋高宗即位南京遂以靖康二年五月為建炎元年從民望也乞以今歲五月為宏光元年禮部尚書顧錫疇言明詔已頒不可追改乃已願錫傳是年追諡崇禎帝曰烈皇帝廟號思宗時朝廷大議多出

高宏圖手趙之龍欲傾宏圖以思非美諡上疏糾駁尋改曰毅宗三編

太僕少卿萬元吉請修建文實錄復其尊稱並還懿文追尊故號祀之寢園以建文配乃追復懿文太子廟號追諡建文帝曰惠宗讓皇帝並上景帝廟號曰代宗同上

追諡皇帝

興宗孝康皇帝太祖長子標太祖長子洪武元年正月乙亥立為皇太子二十四年八月乙丑敕太子巡撫陝西比還獻陝西地圖遂病明年四月丙子薨八月庚申附葬孝陵東諡曰懿文太子建文元年二月追尊為孝康皇帝廟號興宗燕王即

明會要卷一

末

位復稱懿文皇太子福王時復故號

睿宗獻皇帝祐憲宗第四子成化二十三年七月戊申封興

王宏治七年九月癸卯之藩德安正德十四年六月己卯

薨諡曰獻王踰二年而武宗崩召王世子入嗣大統是為

世宗禮臣援漢定陶宋濮安故事考孝宗改稱王為皇叔

父興獻大王嘉靖三年三月癸丑稱為本生皇考恭默獻

皇帝七月乙亥諭去本生號九月丙寅詔稱孝宗皇伯考

稱獻皇帝曰皇考明年五月庚辰建世廟七年七月己卯

加上尊諡曰恭睿淵仁寬穆純聖獻皇帝十七年九月辛

巳加上尊號知天守道洪德淵仁寬穆純聖恭儉敬文獻

皇帝廟號睿宗附太廟位次武宗上明堂大饗奉主配天罷世廟之祭穆宗立乃罷明堂配饗

明會要卷一

七

明會要卷一終

明會要卷二

永新龍文彬纂

帝系二

太皇太后皇太后皇后

洪武元年正月追尊高祖妣胡氏曰元皇后曾祖妣侯氏

曰恆皇后祖妣王氏曰裕皇后皇妣陳氏曰滄皇后元皇后恆

皇后姓氏明史及三編質實俱未載據明政統宗弁山集證之太祖世德碑書之

太祖馬皇后宿州人父馬公母鄭媪早卒馬公以后託郭

子興馬公卒子興奇太祖狀貌以后歸焉洪武元年正月

太祖卽位冊爲皇后十五年八月丙戌崩九月庚午葬孝

明會要卷二

陵謚曰孝慈皇后永樂元年上尊謚曰孝慈昭憲至仁文

德承天順聖高皇后嘉靖十七年加上尊謚曰孝慈貞化

哲惠仁徽成天毓聖至德高皇后附太廟

惠帝嫡母孝康皇后常氏本懿文太子元妃也洪武四年

四月冊爲皇太子妃十一年十一月薨謚敬懿建文元年

二月追尊爲孝康皇后永樂元年復稱敬懿皇太子妃福

王立南京復故號

惠帝生母呂氏懿文太子繼妃也建文元年二月尊爲皇

太后永樂元年復稱皇嫂懿文太子妃福王立南京復故

號

惠帝馬皇后洪武二十八年冊爲皇太孫妃建文元年二

月冊爲皇后四年六月城陷崩於火

成祖徐皇后洪武九年冊爲燕王妃王卽帝位冊爲皇后

永樂五年七月乙卯崩謚曰仁孝皇后十一年二月長陵

成以后葬焉仁宗卽位上尊謚曰仁孝慈懿誠明莊獻配

天齊聖文皇后附太廟

仁宗張皇后洪武十六年封燕世子妃永樂二年封皇太

子妃仁宗立冊爲皇后宣宗卽位尊爲皇太后英宗卽位

尊爲太皇太后正統七年十月崩上尊謚曰誠孝恭肅明

德宏仁順天啟聖昭皇后合葬獻陵附太廟

明會要卷二

宣宗胡皇后永樂十五年選爲皇太孫妃已爲皇太子妃

宣宗卽位立爲皇后時孫貴妃有寵后未有子又善病三

年春帝令后上表辭位乃退居長安宮賜號靜慈仙師正

統八年崩用嬪御禮葬金山天順六年孫太后崩錢皇后

爲英宗言后賢而無罪廢爲仙師其沒也人畏太后殮葬

皆不如禮因勸復其位號英宗問大學士李賢賢對曰陛

下此心天地鬼神實臨之然臣以陵寢享殿神主俱宜如

奉先殿式庶稱陛下明孝七年七月上尊謚曰恭讓誠順

康穆靜慈章皇后修陵寢不附廟

孫皇后宣宗卽位封貴妃三年三月胡后廢遂冊爲皇后

號

一第 丁 卯 冊 貴 參 四 庫 全 書 第 二 卷 史 部 政 書 類

英宗立尊爲皇太后英宗北狩太后命郕王監國景帝卽位尊爲上聖皇太后英宗復辟上徽號曰聖烈慈壽皇太后宮闈徽號自此始天順六年九月崩上尊諡曰孝恭懿憲慈仁莊烈齊天配聖章皇后合葬景陵附太廟

吳太后景帝母也宣德三年封賢妃景帝卽位尊爲皇太后英宗復辟復稱宣廟賢妃成化中薨

英宗錢皇后正統七年立爲后后無子周貴妃生憲宗及卽位命議上兩宮尊號中官夏時欲獨尊貴妃爲皇太后李賢彭時持不可已而議兩宮並尊將上冊寶時曰兩宮同稱則無別錢皇后請加二字以便稱謂從之遂稱后爲

明會要卷二

三

慈懿皇太后成化四年六月崩七月上尊諡曰孝莊獻穆宏惠顯仁恭天欽聖睿皇后附太廟九月合葬裕陵周太后英宗妃憲宗生母也天順元年封貴妃憲宗卽位尊爲皇太后二十三年四月上徽號曰聖慈仁壽皇太后孝宗立尊爲太皇太后宏治十七年三月崩諡孝肅貞順康懿光烈輔天承聖睿皇后合葬裕陵別祀於奉慈殿不附廟嘉靖十五年與紀邵二后並移祀陵殿題主曰皇后不繫帝諡以別嫡庶其後穆宗母孝恪神宗母孝定光宗母孝靖熹宗母孝和莊烈帝母孝純咸遵用其制景帝汪皇后正統十年冊爲郕王妃十四年王卽皇帝位

冊爲皇后景泰三年妃杭氏生子見濟景帝欲立爲太子而廢憲宗后執不可以是忤帝意遂廢后英宗復位仍稱郕王妃正德元年十二月薨議祭葬禮大學士王鏊曰葬以妃祭以后遂合葬金山明年上尊諡曰貞惠安和景皇后

杭皇后景帝妃景泰三年五月汪后廢遂立爲皇后七年崩諡肅孝英宗復位削皇后號毀所葬陵

憲宗吳皇后天順八年七月王申立爲皇后先是憲宗居東宮萬貴妃已擅寵后旣立摘其過杖之帝怒廢后別宮立甫踰月耳正德元年薨以妃禮葬

明會要卷二

四

王皇后憲宗旣廢吳后遂冊爲皇后孝宗立尊爲皇太后武宗立尊爲太皇太后正德五年十二月上尊號曰慈聖康壽十三年二月崩上尊諡曰孝貞莊懿恭靖仁慈欽天輔聖純皇后合葬茂陵附太廟

紀太后憲宗妃孝宗生母也賀縣土官女成化中征蠻俘入掖庭授女史命守內藏帝偶行內藏悅幸之遂有身時萬貴妃專寵而妬聞而甚恚令婢鉤治婢謬報曰病瘡乃謫居安樂堂六年七月皇子生使門監張敏溺焉敏驚曰上未有子奈何棄之稍哺粉餌餽蜜藏之他室貴妃日伺無得時吳后廢居西內近安樂堂密知其事往來哺養帝

不知也帝自悼恭太子薨常鬱鬱不樂成化十一年帝召張敏櫛髮照鏡歎曰老將至而無子敏伏地曰死罪萬歲已有子也帝愕然問安在對曰奴言即死萬歲當為皇子主於是太監懷恩頓首曰敏言是皇子潛養西內今已六歲匿不敢聞耳帝大喜即日幸西內遣使召皇子使至妃抱皇子泣曰兒去吾不得生兒見黃袍有鬚者即兒父也衣以小緋袍乘小輿擁至階下髮披地走投帝懷帝置之膝撫視久之悲喜泣下曰我子也類我使懷恩赴內閣具道其故明日頒詔天下移妃居永壽宮其年六月乙巳妃暴薨諡恭恪莊僖淑妃孝宗即位追諡淑妃為孝穆慈慧

明書卷二

五

恭恪莊僖崇天承聖純皇后遷葬茂陵別祀奉慈殿

御批輯覽曰憲宗偏寵萬妃任其妬毒而不能檢制幾成災劉燕啄之禍柔闇實無可辭責但宮闈事祕流傳又豈可盡憑如所稱後宮有娠皆遭潛害則前此之祐極生於成化五年何獨無恙且其伺察必嚴又何獨於紀妃得以病痞相蒙而宮婢鉤治亦肯代為容隱至皇子既生即使張敏溺斃敏縱欲護救亦必潛藏外庭密為保育又安敢仍留附近安樂堂之他室吳后復往來哺養竟不慮萬妃之稍有知覺乎且祐極故在而敏之驚稱上未有子出於何意且祐極旋即立儲又豈能隱祕

不使萬妃知之紀載家傳聞異辭往往從而緣飾不足深信者類此多矣

邵太后憲宗妃興獻帝母也成化十二年封宸妃尋進封貴妃世宗入繼大統尊為皇太后嘉靖元年上尊號曰壽安十一月崩十二月上尊諡曰孝惠康肅溫仁懿順協天祐聖皇太后別祀奉慈殿七年七月改稱太皇太后十五年遷主陵殿仍稱皇后與孝肅孝穆等

明書卷二

六

言尊為聖母章聖皇太后七月上尊號曰慈仁十五年加上尊號曰康靜貞壽十七年十二月崩上尊諡曰慈孝貞順仁敬誠一安天誕聖獻皇后合葬顯陵主祔睿宗廟孝宗張皇后成化二十三年選為太子妃孝宗即位冊立為皇后武宗立尊為皇太后正德五年上尊號曰慈壽皇太后世宗入繼稱聖母加上尊號曰昭聖慈壽嘉靖三年加上昭聖康惠慈壽已改稱伯母十五年復加上昭聖恭安康惠慈壽二十年八月崩諡曰孝康靖肅莊慈哲懿翊天贊聖敬皇后合葬泰陵祔廟武宗夏皇后正德元年冊立為皇后嘉靖元年上尊號曰

莊肅皇后十四年正月崩合葬康陵祔廟及議諡大學士張孚敬曰大行皇后上嫂也與累朝元后異宜用二字或四字李時曰宜用八左都御史王廷相吏部侍郎霍韜等曰均帝后也何殊尙書夏言集眾議因奏曰古人尙質諡法簡稱其行後人增加臣子情也生今世宜行今制大行皇后宜如列聖元后諡二四及八於禮無據帝不從令再議羣臣請如孚敬言帝曰用六合陰數焉於是上諡孝靜莊惠安肅毅皇后十五年帝覺孚敬言非是敕曰孝靜皇后諡不備不稱配武宗乃改諡孝靜莊惠安肅溫誠順天偕聖毅皇后

明會要卷二

七

世宗陳皇后嘉靖元年冊立爲皇后七年十月崩諡曰悼靈葬襖兒峪十五年改諡孝潔穆宗卽位禮臣議孝潔皇后大行皇帝元配宜合葬祔廟若遵遺制祔孝烈則舍元配也若同祔則二后也大行皇帝升祔時宜奉孝潔配遷葬永陵孝烈主宜別祀報可隆慶元年二月上尊諡曰孝潔恭懿慈睿安莊相天翊聖肅皇后
張皇后世宗第二后也初封順妃七年陳皇后崩遂立爲后十三年正月廢居別宮十五年薨喪葬儀視宣宗胡廢后
方皇后世宗第三后十三年正月張后廢遂立爲后舊制

立后謁內廟而已至是下禮臣議廟見禮於是羣臣以天子立三宮以承宗廟禮經有廟見之文乃考據禮經參稽大明集禮擬儀注以上至期帝率后謁太廟及世廟越三日頒詔天下明日受命婦朝二十六年十月乙未后崩詔以元后禮葬豫名葬地曰永陵諡孝烈二十九年十一月豫祧仁宗祔孝烈皇后於太廟隆慶初上尊諡曰孝烈端順敏惠恭誠祇天衛聖皇后移主宏孝殿

明會要卷二

八

杜太后世宗妃穆宗生母也嘉靖十年封康嬪十五年進封妃二十三年正月薨賜諡榮淑葬金山穆宗立上尊諡曰孝恪淵純慈懿恭順贊天開聖皇太后遷葬永陵祀主神霄殿
穆宗李皇后穆宗爲裕王選爲妃生憲懷太子嘉靖三十七年四月薨穆宗卽位諡曰孝懿神宗卽位上尊諡曰孝懿貞惠順哲恭仁儷天襄聖莊皇后葬昭陵祔太廟
陳皇后嘉靖三十七年選爲裕王繼妃隆慶元年冊爲皇后神宗卽位上尊號曰仁聖皇太后六年加上貞懿十年加康靜二十四年七月崩諡曰孝安貞懿恭純溫惠佐天宏聖莊皇后祀奉先殿別室
李太后穆宗妃神宗生母也隆慶元年三月封貴妃神宗卽位上尊號曰慈聖皇太后舊制天子立尊皇后爲皇太

后若有生母稱太后者則加徽號以別之是時太監馮保欲媚貴妃因以並稱風大學士張居正下廷臣議尊皇后曰仁聖皇太后貴妃曰慈聖皇太后始無別矣六年三月加尊號曰宣文十年加明肅二十九年加貞壽端獻三十四年加恭熹四十二年二月崩上尊諡曰孝定貞純欽仁端肅弼天祚聖皇太后合葬昭陵別祀崇先殿

神宗王皇后萬曆六年冊立為皇后四十八年四月崩諡孝端光宗即位上尊諡曰孝端貞恪莊惠仁明媿天毓聖顯皇后合葬定陵主附廟

王太后神宗妃光宗生母也萬曆十年四月封恭妃八月

明皇卷二

九

光宗生是為皇長子既而鄭貴妃生皇三子進封皇貴妃而恭妃不益封三十四年元孫生加慈聖徽號始進封皇貴妃四十年薨諡溫肅端靜純懿皇貴妃熹宗即位上尊諡曰孝靖溫懿敬讓貞慈參天允聖皇太后遷葬定陵祀奉慈殿

光宗郭皇后萬曆二十九年冊為皇太子妃四十一年十一月薨諡恭靖熹宗即位上尊諡曰孝元昭懿哲惠莊仁合天弼聖貞皇后遷葬慶陵附廟

王太后光宗妃熹宗生母也待光宗東宮為選侍萬曆三十二年進才人四十七年三月薨熹宗即位上尊諡曰孝

和恭獻溫穆徽慈諧天鞠聖皇太后遷葬慶陵祀奉先殿劉太后光宗淑女莊烈帝生母也初入宮為淑女萬曆三十八年十二月生莊烈皇帝已失光宗意被譴薨葬西山莊烈封信王追進賢妃及即位上尊諡曰孝純恭懿淑穆莊靜毗天毓聖皇太后遷葬慶陵帝五歲失太后問左右遺像皆莫能得傳懿妃者舊與太后同為淑女比宮居自稱習太后言宮人中狀貌相類者命后母瀛國夫人指示畫工可意得也圖成由正陽門具法駕迎入帝跪迎於午門懸之宮中

熹宗張皇后天啟元年四月冊為皇后性嚴正數於帝前

明皇卷二

十

言客氏魏忠賢過失嘗召客氏至欲繩以法客魏交恨三年后有娠客魏盡逐宮人異己者而以其私人承奉竟損元子帝嘗至后宮后方讀書問何書對曰趙高傳也帝默然及熹宗大漸折忠賢逆謀傳位信王者后力也莊烈帝上尊號曰懿安皇后十七年三月李自成陷都城后自縊大清順治元年命合葬熹宗陵

莊烈帝周皇后天啟七年帝即位立為皇后崇禎十七年三月丁未日晡都城陷帝令后自裁后入室闔戶遂先帝崩

世祖章皇帝定鼎諡后曰莊烈愍皇后已上皆后妃傳

妃嬪

皇貴妃 憲宗封萬貴妃始稱皇萬麻十三年冊鄭氏為皇貴妃三十四年進封恭妃為皇貴妃崇禎元年封田氏為皇貴妃

貴妃 洪武三年冊孫氏為貴妃但授冊無寶宣宗立孫

貴妃製金寶賜焉貴妃有寶自此始后妃傳

妃 妃嬪無寶止用途金銀冊會典

諸妃位號惟取賢淑莊敬惠順康甯為稱后妃傳序

洪武十七年十月冊李氏為淑妃攝六宮事未幾卒冊郭

氏為淑妃攝六宮事后妃傳

明會要卷二

十一

正德元年冊沈氏為賢妃吳氏為德妃上御華蓋殿皮弁

升座傳制執事官舉冊至右順門捧冊授內官由正門入

詣二妃所二妃拜受之女官宣冊授二妃而以節授內官

內官出右順門授使使持節復命形史拾遺記

嬪 明初無九嬪名自后妃下雜置諸宮嬪而閒以婕妤

昭儀貴人美人諸位號形史

嘉靖十年三月二日上欲仿古禮為九嬪之選冊方氏為

德嬪與鄭氏王氏閻氏韋氏沈氏盧氏沈氏杜氏同冊為

賢嬪莊嬪麗嬪惠嬪安嬪和嬪僖嬪康嬪冠九翟冠大采

鞠衣圭用次玉穀文冊黃金塗視皇后殺五分之一帝袞

冕告太廟還服皮弁御華蓋殿傳制遣大臣行冊禮既冊

從皇后朝奉先殿禮成帝服皮弁受百官賀蓋創禮也同上

才人 孝和王太后傳萬曆二十二年進才人

婕妤 永樂中李婕妤好朝鮮人見會山集

昭儀 永樂中李昭儀朝鮮人

美人 永樂中崔美人朝鮮人正德十二年太原劉氏命為美人

昭容 永樂初王氏冊為昭容已上皆形史

選侍 李康妃傳光宗時有二李選侍又孝和王太后傳初侍光宗東宮為選侍

淑人 大政記嘉靖十年正月選淑人四十八人明史孝純劉太后傳初入宮為淑人

后妃雜錄

明會要卷二

十三

洪武元年帝謂翰林學士朱升等曰治天下者修身為本

正家為先正家之道始於謹夫婦后雖母儀天下然不可

使預政事嬪嬙之屬不過備職事侍巾櫛恩寵或過則驕

恣犯分歷代政由內出鮮不為禍惟智者能察於未然其

纂述女誡及古賢后妃事可為法者使子孫知所持守三編

三年五月詔嚴宮闈之政上以元末宮嬪淫瀆喪亂深戒

前代之失著為令皇后止治宮中嬪婦事宮門之外悉不

得預羣臣命婦非朝賀不見中宮人君無見命婦禮以上

皆垂為永制命子孫世守之貴錄

五年命工部製紅牌鐫戒諭后妃之詞懸於宮中牌用鐵

字飾以金后妃傳序

成化四年九月彗星見敕羣臣修省彭時等言外廷大政固所當先宮中根本尤為至急諺云子出多母今嬪嬙眾多惟能無兆必陛下愛有所專而專寵者已過生育之期故也望均恩愛為宗社大計彭時傳給事中魏元等言入春以來災異疊至近又彗星見東方光拂台垣皆陰盛陽微之徵臣聞君之與后猶天之與地不可得而參貳也傳聞宮中乃有盛寵匹耦中宮尚書姚夔等向嘗言之陛下謂內事朕自裁置屏息傾聽將及半載而昭德宮進膳未聞少減中宮未聞少增夫宮闈雖遠而視聽猶咫尺衽席之

明憲卷二

三

微謫見天象不可不懼且陛下富有春秋而震位尙虛豈可以宗社大計一付之愛專情一之人而不求所以固國本安民心哉願明伉儷之義嚴嫡妾之防俾尊卑較然各安其分本支百世之基實在於此魏元傳

宏治元年中官郭鏞請豫選妃嬪以廣儲嗣庶子謝遷上言山陵之工未畢諒闇之痛猶新此必宦豎巧為諛詞以動陛下非本心也陛下富於春秋俟祥禎之後徐議未晚願亟寢前命從之三編

嘉靖九年十月丁巳朔禮部奏宮中應行事宜及講女訓儀注初上諭翰林院撮諸書關女教者撰為詩言進呈以

備宮中誦詠又命將仁孝文皇后內訓及聖母章聖皇太后所撰女訓通行翰林院講讀官每月撰成直解各三章仍依經傳及高皇后傳內事實互證事取簡明以便女官記誦每月逢六之期女官進講三次皇后率妃夫人於坤甯宮聽講並具儀注上之報可實錄

穆宗頗耽聲色陳皇后微諫帝怒出之別宮外庭皆憂之莫敢言隆慶三年御史詹仰庇入朝遇醫禁中出詢之知后寢疾危篤即上疏言先帝慎擇賢淑作配陛下為宗廟社稷主陛下宜遵先帝命篤宮闈之好近聞皇后移居別宮已近一載抑鬱成疾陛下略不省視萬一不諱如聖德

明憲卷二

四

何臣下莫不憂惶徒以事涉宮禁不敢訟言臣謂人臣之義知而不言當死言而觸諱亦當死臣今固不惜死願陛下采聽臣言立復皇后中宮時加慰問臣雖死賢於生帝手批答曰后無子多疾移居別宮聊自適以冀卻疾爾何知內廷事願妄言仰庇自分得重譴同列亦危之及旨下中外驚喜過望仰庇益感奮仰庇傳

萬曆十四年二月貴妃鄭氏生子常洵進封皇貴妃而王恭妃育皇長子已五歲無所益封中外藉藉疑帝將立愛給事中姜應麟言禮貴別嫌事當慎始貴妃所生陛下第三子猶位亞中宮恭妃誕育元嗣翻令居下揆諸倫理則

不順質之人心則不安傳之天下萬世則不正非所以重儲貳定眾志也請俯察輿情收還成命其或情不容已請先加恭妃爲皇貴妃而後及於鄭妃則禮既不違情亦不廢疏入帝怒謫典史姜應麟傳光宗卽位諭閣臣封貴妃爲皇太后孫如游奏曰考累朝典禮以配而后者乃敵體之經以妃而后者則從子之義祖宗以來豈無抱衾之愛而終引去席之嫌此禮所不載也先帝念貴妃勞不在無名之位號陛下體先帝志亦不在非分之尊崇若義所不可則遵命非孝遵禮爲孝臣不敢曲阿自蹈不忠之罪孫如游傳給事中楊漣亦言貴妃封號尤乖典常尊以嫡母若大行皇

明會要卷二

五

后何尊以生母若本生皇后何請亟寢前命楊漣傳

宮官

洪武五年六月命禮臣議宮官女職之制禮臣上言周制後宮設內官以贊內治漢設內官一十四等凡數百人唐設六局二十四司官凡一百九十人女史五十餘人皆選良家女充之帝以所設過多命重加裁定於是折衷曩制立六局一司局曰尙宮尙儀尙服尙食尙寢尙功司曰宮正俱正六品每局領四司其屬二十有四而尙宮總行六局之事戒令賞罰則宮正掌之官七十五人女史十八人自后妃以下至嬪御女史巨細衣服之費金銀幣帛器用

百物之供皆自尙宮取旨牒內使監覆奏移部臣取給焉以私書出外者死宮嬪以下有疾醫者不得入以證取藥后妃傳序

是年選蘇杭二府婦女願入宮者四十四人授內職蠲其家徭役野獲編

大祖嘗怒責宮人后亦佯怒令執付宮正司議罪帝曰何爲后曰帝王不以喜怒加刑賞當陛下怒時恐有畸重付宮正則酌其平矣高皇后傳

十四年敕諭蘇松嘉湖及浙江江西有司民間女子年十三以上十九歲以下婦人年三十以上四十歲以下無夫

明會要卷二

六

者願入宮備使令各給鈔爲道里費送京師女子以備後宮婦人則充六宮也野獲編

十五年更定品秩二十四司正六品增設二十四掌正七品宮正司增設司正正六品二十七年重定品職增設二

十四典正七品改二十四掌爲正八品尙儀局增設彤史正六品宮正司增設典正正七品六局各鑄印給之凡宮

官一百八十七人女史九十六人職官志

二十二年定六尙局官服勞旣多或五載六載歸其父母從宜婚嫁年高者許歸願留者聽其在宮闈及見受職者

家給與祿視外品王圻續通考

二十九年敕周之內宰以陰禮教六宮九嬪以婦職之法
教九御各有職司朕起布衣陟尊位於內治不敢忽是以
設六尚以職六宮卽列聖相繼之道近年精選民間淑德
入宮者數人使兼六尚事爾等慎守乃職毋怠春明夢餘錄
成祖初詔求民間婦女充內宮其婦人年至五十願還鄉
里女子給事十年願還家適人者從之大政記
凡諸宮人通文理者先爲女秀才遞陞女史陞宮官以至
六局掌印則爲清華內職凡聖母后妃禮儀等事用女秀
才爲引禮贊禮官史形
嘉靖九年皇后行親蠶禮內賜酒飯以夫人秀才爲第一

明會要卷二

七

等野獲編

隆慶三年諭禮部祖制設六尚以備內治其選民間淑女
十一歲至十六歲者三百人王圻續通考

出宮人

洪武元年八月甲午遣內官往北平放元宮人諭之曰宮
人皆良家子幽閉深宮誠有可憫至卽放遣適人勿使失
所

天順八年憲宗卽位李賢上言天時未和由陰氣太盛自
宣德至天順間選取宮人太多浣衣局沒官婦女愁怨尤
甚宜皆放還從之已上三編

嘉靖四年五月己未朔放宮女大政記
八年二月丙戌御史穆相等以災異陳八事一清宮禁謂
後宮女謁太多陰氣閉鬱亦足以致災異宜如貞觀故事
大出宮女上以其事關君德留中自裁實錄

明會要卷二

六

明會要卷二終

明會要卷三

永新龍文彬纂

帝系三

皇太子

洪武元年正月立世子標為皇太子本紀

太子文奎建文元年立為皇太子燕師入七歲矣莫知所

終諸王傳

永樂二年四月甲戌立子高熾為皇太子帝初起兵高煦常從戰有功帝以為類己高煦亦以此自負謀奪嫡及議建儲邱福等言高煦有功宜立獨金忠力爭以為不可帝

明會要卷三

十一

召解縉問之縉稱皇長子仁孝天下歸心帝不應縉又頓首曰好聖孫謂皇孫瞻基也復問黃淮尹昌隆對與縉同帝意乃決

二十二年仁宗即位十月壬子立子瞻基為皇太子明年五月帝不豫遣使召皇太子於南京太子方謁孝陵即日就道時南京頗傳凶問又傳漢王高煦謀伏兵於道邀太子羣臣請整兵衛或請從間道行太子不可曰君父在上誰敢干之驛道馳還入宮發喪越十日即位

宣德三年二月戊午立皇長子祁鎮為皇太子時胡皇后未有子而孫貴妃有寵陰取宮人子為己子帝以長子生

大喜甫八日羣臣上表請立為太子皇后亦屢表請早定國本貴妃伴驚曰后病痊自有子吾子敢先后子耶帝不允貴妃子遂立已上三編

正統十四年八月己巳皇太后詔立皇子見深為皇太子景泰三年五月甲子廢皇太子見深為沂王立皇子見濟為皇太子四年十一月辛未皇太子見濟薨諡懷獻

天順元年三月己巳復立長子見深為皇太子

成化七年十一月甲寅立皇子祐極為皇太子八年正月薨諡悼恭已上本紀

十一年十一月癸丑立皇子祐樞為皇太子時皇子潛養

明會要卷三

十二

西內已六年是年五月遣使至安樂堂迎皇子越數日帝召閣臣問曰皇子既出將何以處之商輅曰陛下踐祚十年儲副未立天下引領望久矣當即立為皇太子安中外心帝遂定名頒詔中外三編

宏治五年三月戊寅立皇子厚照為皇太子

嘉靖十八年正月庚子朔立皇子載壑為皇太子乙卯幸承天太子監國年四二十八年三月丁亥皇太子薨諡莊敬

隆慶二年三月辛酉立皇子翊鈞為皇太子已上本紀

萬曆二十九年十月辛卯立皇長子常洛為皇太子時太

子年二十羣臣屢請冊立冠婚並行沈一貫草敕請下禮官具儀而廷議有欲先冠婚後冊立者一貫不可曰不正名而苟成事是降儲君為諸王也帝意亦悟命即日舉行既而復令改期一貫封還論旨力爭乃立為皇太子編三太子慈煥莊烈帝第一子崇禎二年二月生九月立為皇太子京師陷賊獲太子偽封宋王及賊敗西走太子不知所終由崧時有自北來稱太子者驗之以為駙馬都尉王昇孫王之明者偽為之繫獄中南京士民譁然不平袁繼咸劉良佐黃得功輩皆上疏爭左良玉起兵亦以救太子為名一時真偽莫能知也諸王傳

雜錄

洪武元年正月辛巳中書省都督府請倣元制以太子為中書令帝以元制不足法令詹同考歷代東宮官制設少師少傅少保詹事率府使論德贊善賓客等官以李善長兼領之諭之曰朕於東宮不別設府僚而以卿等兼領者蓋軍旅未息朕若有事於外必太子監國若設府僚卿等在內事當啟問太子或聽斷不明與卿等意見不合卿等必謂府僚導之嫌隙易生朕所以特置賓客論德者欲輔太子德性且選名儒為之職此故也昔周公教成王克詰戎兵召公教康王張皇六師此居安慮危不忘武備蓋繼

世之君生長富貴暱於安逸不諳軍旅一有緩急罔知所措二公之言其並識之洪武聖政記

十一月辛丑建大本堂取古今圖籍充其中徵四方名儒教太子諸王選才俊之士充伴讀上時臨幸評論古今嘗御文樓太子侍問近與諸臣讀何史對曰漢七國事問曲直安在對曰曲在七國上曰此講官一偏之說景帝為太子時以博局殺吳世子及為帝又輕聽晁錯黜削諸侯七國之變實由於此若為諸子則宜言藩王當上尊天子毋撓天下公法如此則為太子者知敦睦九族隆親親之恩為諸子者知夾輔王室盡君臣之義矣編三

十年六月丙寅命羣臣大小政事先啟皇太子裁決上聞諭曰自古創業之君歷涉勤勞達人情周物理故處事咸當守成之君生長富貴若非平昔練達鮮不謬者故吾特命爾日臨羣臣聽斷諸司啟事以練習國政興宗傳永樂二年三月文華寶鑑成上御奉天門召皇太子授之又顧大學士解縉等曰朕皇考訓戒太子嘗集經傳格言為書名儲君昭鑑錄今朕此書稍充廣之昔秦始皇教太子以法律晉元帝授太子以非聖之書帝王之道廢而不講所以速亡朕此書皆大經大法卿等兼輔東宮從容閒暇以此陳說庶幾成其德業他日不失為守成令主昭代典則

成祖數北征命太子監國裁決庶政高煦高燧與其黨日伺隙譏構或問太子亦知有讒人乎曰不知也吾知盡子職而已十年北征還以太子遣使後期且書奏失辭悉徵宮僚黃淮等下獄十五年高煦以罪徙樂安明年黃儼等復讒太子擅赦罪人宮僚多坐死者侍郎胡濙奉命察之密疏誠敬孝謹七事以聞其後黃儼等謀立高燧事覺伏誅高燧以太子力解得免自是太子始安

本紀

金忠傳

明會要卷三

五

十八年十二月皇太子奏前過山東境內遇民饑即令布政使放粟賑之帝曰是也昔范仲淹之子猶能舉麥舟濟其父之故舊况百姓吾之赤子乎大訓記
景泰三年四月賜閣臣陳循高穀白金各百兩江淵王一甯蕭鎡商輅半之上自即位後久欲易皇太子以己子見濟代之而難於發言遲回久之太監王誠舒良為上謀先賜閣臣以緘其口然猶未發也會廣西土目黃竑有罪下獄遣其黨千戶袁洪至京師行賂有教之上書迎合帝意者乃倡易儲議以上上曰萬里之外乃有此忠臣趣下廷臣議於是更封太子為沂王立見濟為太子三編

四年懷獻太子既薨中外望復沂王於東宮御史鍾同與禮部郎中章綸早朝語及沂王皆泣下因約疏請復儲同上疏抗論時政遂及復儲事其略曰父有天下固當傳之於子乃者太子薨逝足知天命有在臣竊以為上皇之子即陛下之子沂王天資厚重足令宗社有託伏望擴天地之量敦友于之仁蠲吉具儀建復儲位實萬世無疆之休

鍾同傳

明會要卷三

六

五年七月南京大理寺少卿廖莊上疏略曰太子者天下之本上皇之子陛下之猶子也宜令親儒臣習書策以待皇嗣之生使天下臣民曉然知陛下有公天下之心豈不美與蓋天下者太祖太宗之天下仁宗宣宗繼體守成者此天下也上皇北征亦為此天下也今陛下撫而有之宜念祖宗創業之艱難思所以繫屬天下之人心即弭災召祥之道莫過於此廖莊傳
天順二年四月太子始講學於文華殿即所謂左春坊也
八年正月乙卯帝不豫臥文華殿有間太子於帝者帝密召李賢告之賢頓首伏地曰此國本也願陛下三思帝曰然則必傳位太子乎賢又頓首曰宗社幸甚帝起召太子至賢扶太子令謝太子抱帝足泣帝亦泣諶竟不行三編
憲宗一日視內藏見累朝金窖俱盡謂太監梁芳及韋興

曰靡費內藏實由汝二人與不敢對芳曰建顯靈宮及諸祠廟為陛下祈萬年福耳帝不懌曰吾不汝瑕後之人將與汝計矣芳大懼遂說貴妃勸帝廢太子而立興王會泰山屢震占者言應在東朝帝懼乃止梁芳傳

宏治七年正月馬文升以太子年及四齡當早諭教請擇醇謹老成知書史如衛聖楊夫人者保抱扶持凡言語動止悉導之以正若內庭曲宴鐘鼓司承應元宵釐山端午競渡諸戲皆勿令見佛老之教尤宜屏絕恐炫惑心志帝深納之馬文升傳

隆慶五年二月甲午廷臣及朝覲官謁太子於文華左門

明會要卷三

本紀

萬曆十年八月丙申皇長子常洛生恭妃王氏出也十四年鄭貴妃生子常洵遂進封而王妃生皇長子已五歲不益封中外藉藉疑帝將立愛戶科給事中姜應麟抗疏言欲別嫌明微莫若册立元嗣為東宮以定天下之本帝怒貶應麟廣昌典史已吏部員外郎沈璟刑部主事孫如游繼言之並得罪兩京申救者疏數十上皆不省自後言者

盜起姜應麟傳

二十二年皇長子常洛已十四歲帝手諭閣臣令議出閣講學禮儀免御門慶賀用輔臣侍班侍臣六人侍講讀俱

如東宮儀大學士王錫爵言皇長子出閣輔臣每日一員侍班此雖隆慶年新例但今天顏尚不得時觀而於皇長子進見頻數似涉嫌疑請自初講二日以後間十日輪侍從之三編

三十一年獲妖書託鄭福成為問答鄭福成者謂鄭之福王當成也言帝必易東宮詞極詭妄帝大怒敕錦衣衛按捕甚急久之乃得皦生光者坐極刑四十三年梃擊事起主事王之案疏言張差獄情詞連貴妃宮內侍龐保劉成等朝議洵洵貴妃聞之對帝泣帝曰須自求太子貴妃向太子號訴帝召見羣臣令太子降諭禁株連於是張差獄

明會要卷三

乃定后妃傳

皇太孫

洪武二十五年夏四月皇太子標卒帝御東角門召對羣臣慟哭曰太子不幸至此古云國有長君社稷之福朕意欲立燕王何如學士劉三吾進曰皇孫世嫡承統禮也即立燕王置秦晉二王於何地帝意遂決九月立孫允焮為皇太孫三編

二十六年七月戊申選秀才張宗濬等隨詹事府官分直文華殿侍皇太孫

初太祖命太子省決奏章太子仁厚於刑獄多所減省至

是以命太孫亦復佐以寬大嘗請於太祖遍考禮經參之
歷朝刑法改定洪武律畸重畸輕者七十三條紀上

帝命太孫裁決庶務邏者獲盜七太孫目之言於帝曰六
人者盜其一非是訊之果然帝問何以知之對曰周禮聽

獄色聽為先此人眸子瞭然顧視端詳必非盜也帝曰治
獄貴通經信然編三

永樂九年十一月立長孫瞻基為皇太孫

皇太孫始冠自是巡幸征討皆從嘗命學士胡廣等即軍
中為太孫講論經史每語仁宗曰此他日太平天子已上本紀

追諡太子

明會要卷三

九

哀沖太子載基世宗第一子嘉靖十二年八月生十月薨

追册諡

憲懷太子翊鉞穆宗長子母莊皇后李氏嘉靖三十四年生三十八年

薨初贈裕世子隆慶元年追册諡已上集山別集

懷沖太子慈然熹宗第一子悼懷太子慈煇熹宗第二子懷獻太子

慈貝熹宗第三子皆殤諸王傳

明會要卷三終

明會要卷四

永新龍文彬

帝系四

諸王

明制皇子封親王授金冊金寶歲祿萬石府置官屬護衛
甲士少者三千人多者至萬九千人隸籍兵部冕服車旗
邸第下天子一等公侯大臣伏而拜謁無敢鈞禮親王嫡
長子年及十歲則授金冊金寶立為王世子長孫立為世
孫冠服視一品諸子年十歲則授塗金銀冊銀寶封為郡
王嫡長子為郡王世子嫡長孫則授長孫冠服視二品諸

明會要卷四

十

子授鎮國將軍孫輔國將軍曾孫奉國將軍四世孫鎮國
中尉五世孫輔國中尉六世以下皆奉國中尉其生也請
名其長也請婚祿之終身喪葬子費親親之誼篤矣諸王傳序
洪武元年追封叔父為壽春王兄為南昌王盱眙王臨淮
王從兄弟為霍邱王下蔡王安豐王蒙城王兄子為山陽
王昭信王從子為寶應王六安王來安王都梁王英山王
所謂宗室十五王也通紀

三年封南昌王嫡孫守謙為靖江王

太祖二十三王秦愍王棟事具雜錄晉恭王桐周定王橚

惠帝即位以罪廢為庶人成祖復封事具雜錄楚昭王楨齊王樽建文初以罪廢

為庶人成 祖復封 譚王梓洪武二十三年以子趙王杞坐胡惟庸黨自焚死

魯荒王檀 蜀獻王椿雜錄 湘獻王柏 代簡王桂

建文初以罪廢為庶人 肅莊王樸 遼簡王植 慶成祖復封事具雜錄

靖王楠 甯獻王權雜錄 岷莊王棟建文初以罪廢為庶人成祖復

封 谷王穗燕師入京開門迎降成 韓憲王松 濬簡王模 安惠王楹 唐定王桎 郢靖王棟 伊厲

王樛 與宗四王虞懷王雄英洪武十五年薨年 吳王允燧建文元年封成祖降

元年封成祖降為庶人 衡王允燧建文元年封成祖降 澤王旋廢為庶人 徐王允燧建文元年封成祖降為庶人

人 徐王允燧建文元年封成祖降為庶人 徐王允燧建文元年封成祖降為庶人

明會要卷四

二

成祖二王漢王高煦宣德初謀反伏法事具雜錄 趙簡王高燧事具雜錄

仁宗九王鄭靖王瞻垞 越靖王瞻墉 蕪獻王瞻垠初

靜樂王永樂十九年薨謚 襄憲王瞻墉事具雜錄 荆憲王瞻垠莊獻仁宗即位追加封謚

王瞻垠 淮靖王瞻墉 滕懷王瞻垞 梁莊王瞻垠

衛恭王瞻垞

英宗七王德莊王見濬 許悼王見瀆 秀懷王見澍

崇簡王見澤 吉簡王見浚 忻穆王見治 徽莊王

見沛事具雜錄

憲宗十王與獻王祐杭事具追諡皇帝 岐惠王祐棣 益端王

祐檠 衡恭王祐樞 雍靖王祐棣 壽定王祐檣

汝安王祐棣 涇簡王祐樞 榮莊王祐樞 申懿王

祐楷

孝宗一王蔚悼王厚煒早殤追加封謚

世宗五王景恭王載圳 穎殤王載壘 戚懷王載壘

薊哀王載壘 均思王載城已上四王俱早殤

穆宗二王靖悼王翊鈴早殤贈藍田王隆 潞簡王翊鏐

神宗七王福恭王常洵雜錄 沅懷王常治早殤 瑞王常

浩崇禎十七年張獻忠 惠王常潤 桂端王常瀛

邪王常澈 永思王常溥早殤

光宗五王簡懷王由楨 齊思王由楫 懷惠王由楨

明會要卷四

三

湘懷王由栴 惠昭王由楨已上五王俱早殤追加封謚

莊烈帝五王懷隱王慈烜殤 定王慈炯 永王慈炤崇禎

十七年賊陷京師 悼靈王慈煥殤 悼懷王殤

二王俱不知所終 雜錄

凡王世子必以嫡長如或以庶奪嫡輕則降為庶人重則

流竄遠方若王年三十正妃未有嫡子其庶止為郡王待

王與正妃年五十無嫡子始立庶長子為王世子王圻續

洪武三年帝徵宋元孤立失古封建意於是擇名城大都

豫王諸子待其壯而遣就藩服外衛邊陲內資夾輔

洪武六年三月頒昭鑑錄戒諸王先是命陶凱張籌等采

撫漢唐以來藩王善惡可爲勸戒者會凱出參行省編輯
未成於是召文原吉王僕等續修之書成二卷賜名昭鑑
錄頒賜諸王已上三編

九年二月丙戌定諸王公主歲供之數丙寅定親王宮室
之飾昭代典則

十一月平遙訓導葉伯巨上疏言三事其一分封太侈略

曰先王之制大都不過三國之一上下等差各有定分所
以強幹弱枝遏亂原而崇治本耳今裂土分封蓋懲宋元
孤立宗室不競之弊而秦晉燕齊梁楚吳蜀諸國無不連
邑數十城郭宮室亞於天子之都優之以甲兵衛士之盛

明會要卷四

四

臣恐數世之後尾大不掉然後削其地而奪之權則必生
觖望甚者緣間而起防之無及矣昔賈誼勸漢文帝盡分
諸國地空置之以待諸王子孫向使文帝早從誼言則必
無七國之禍願及諸王未之國之先節其都邑之制減其
衛兵限其疆理以待封諸王之子孫此制一定然後諸王
有賢且才者入爲輔相其餘世爲藩屏與國同休割一時
之恩制萬世之利消天變而安社稷莫先於此葉伯巨傳
八年詔郡王諸子年十五人賜田十六頃爲永業除其租
王圻續通考
蜀獻王椿性孝友慈祥博綜典籍容止都雅太祖常呼爲

蜀秀才在鳳陽時闕西堂延李叔荆蘇伯衡商推文史既
至蜀聘方孝孺爲世子傅表其居曰正學以風蜀人時諸
王皆備邊練士卒椿獨以禮教守西陲蜀人安業日益殷
富川中二百年不被兵甲椿力也自椿以下四世七王幾
百五十年皆檢飭守禮法好學能文孝宗稱蜀多賢王舉
獻王家範爲諸宗法本傳

周王椿初封吳王洪武七年有司請置護衛於杭州帝曰
錢塘財賦地不可十一年改封周王十四年就藩開封以
國土夷曠庶草蕃庶考覈其可佐饑饉者四百餘種繪圖
疏之名救荒本草本傳

明會要卷四

五

十一年秦王棖就藩西安賜璽書曰關內之民自元氏失
政不勝其敝今吾定天下又有轉輸之勞民未休息爾之
國若宮室已完其不急之務悉已之二十八年薨賜諡冊
曰哀痛者父子之情追諡者天下之公朕封建諸子以爾
年長首封於秦期永綏祿位以藩屏帝室夫何不良於德
竟殞厥身其諡曰愍本傳
太祖念邊防甚且欲諸子習兵事諸王封並塞居者預軍
務而晉燕二王尤被重寄數命將兵出塞及築城屯出大
將如宋國公馮勝穎國公傅友德皆受節制又詔二王軍
中事大者方以聞晉王傳

洪武二十一年給事中卓敬以諸王服乘有擬太子者乘
間言京師天下視效陛下於諸王不早辨等威而使服飾
與太子埒嫡庶相亂尊卑無序何以服天下卓敬傳

二十六年賜諸王永鑑錄

二十八年更定宗人封爵冊寶之制親王金冊金寶妃授
金冊郡王授塗金銀冊銀印

晉王第三子慶成王生一百子俱長成長子襲爵餘九十
九人并封鎮國將軍此古今異事也已上王圻續通考

建文初卓敬密疏言燕王智慮絕倫雄才大略酷類高帝
北平形勝地士馬精強金元所由興今宜徙封南昌萬一

有變亦易控制卓敬傳

惠帝為太孫時常坐東角門謂黃子澄曰諸王尊屬擁重
兵多不法奈何對曰諸王護衛兵纔足自守儻有變臨以
六師其誰能支漢七國非不强卒底滅亡大小强弱勢不
同而順逆之理異也比即位命與齊泰同參國政謂曰先
生憶東角門之言乎子澄頓首曰不敢忘退而與泰謀欲
先圖燕子澄曰不然周齊湘代岷諸王在先帝時多不法
削之有名今欲問罪宜先周周王燕之母弟削周是剪燕
手足也謀定明日入白帝會有言周王櫛不法者遂命李
景隆帥兵襲執之詞連湘代諸府於是廢櫛及岷王概為

明會要卷四

木

庶人幽代王桂於大同囚齊王榑於京師湘王柏自焚死
黃子澄傳

甯獻王權洪武二十六年就藩大甯大甯在喜峯口外東
連遼左西接宣府為巨鎮所屬朵顏三衛騎兵皆驍勇善
戰燕王初起兵與諸將議曰曩余巡塞上見大甯諸軍標
悍吾得大甯斷遼東取邊騎助戰大事濟矣建文元年朝
議恐權與燕合使人召權權不至坐削護衛燕王聞之喜
遂單騎入大甯詭言窮蹙求救執權手大慟求代草表謝
罪陰令吏士結三衛部長及諸戍卒乃辭去權祖之郊外
伏兵起擁權行王府妃妾世子皆隨入松亭關歸北平大

明會要卷四

七

甯城為空權入燕軍燕王許以事成中分天下比即位留
之京師乞改南土請蘇州錢塘皆不許封之南昌已而有
告權巫蠱誹謗者密探無驗得已權自是日韜晦構精廬
一區讀書鼓琴其間終成祖世得無患甯王傳

永樂元年十一月賜代王桂璽書曰聞弟縱戮取財國人
甚苦告者數矣且王獨不記建文時耶尋命有司自今王
府不得擅役軍民斂財物聽者治之代王傳

九年使者至西安秦王尙炳稱疾不出迎見使者又傲慢
帝逮治王府官吏賜尙炳書曰齊王拜昨遂以國霸晉王
惰玉見譏無後王勉之尙炳懼來朝謝罪秦王傳

景隆帥兵襲執之詞連湘代諸府於是廢櫛及岷王概為

景隆帥兵襲執之詞連湘代諸府於是廢櫛及岷王概為

景隆帥兵襲執之詞連湘代諸府於是廢櫛及岷王概為

宣德元年漢王高煦反帝召楊榮等定計榮首請帝親征曰彼謂陛下新立必不自行今出不意以天威臨之事無不濟楊榮傳帝難之夏原吉曰獨不見李景隆已事耶臣昨

見所遣將命下卽色變臨事可知矣且兵貴神速卷甲趨之所謂先人有奪人之心也榮策善帝意遂決夏原吉傳車駕發京師過楊村馬上顧從臣曰度高煦計安出或對曰必

先取濟南爲巢窟帝曰不然濟南雖近未易攻聞大軍至亦不暇攻護衛軍家樂安必內顧不肯徑趨南京高煦外

誇詐實內怯臨事狐疑不能斷今敢反者輕朕年少新立眾心未附不能親征耳今聞朕行已膽落敢出戰乎至卽

明會要卷四

八

擒矣高煦傳帝擒高煦歸至單家橋尙書陳山迎駕言曰趙王與高煦共謀逆久矣宜移兵彰德擒趙王否則趙王反側不自安異日復勞聖慮帝未決時惟楊士奇以爲不可山復邀蹇義夏原吉共請帝曰先帝友愛二叔甚漢王自絕於天朕不敢赦趙王反形未著朕不忍負先帝也高燧傳景泰時岷王徽燂奏蒙封臣子音塗爲嫡長子臣弟徽燂爲江川王凡遇節令及家庭行禮班次不定命禮部議以宗子法言之則以嫡長爲重以家人禮言之則以尊卑爲先凡遇公禮則當依宗子法重在世子家庭私禮則當依家人禮尊歸叔伯

天順中命諸宗室凡無子者方許請繼室生子至八歲者方許請名女至十五歲者方許請封

七年楚府岳陽恭僖王薨無嗣其弟鎮國將軍墀嫡長子輔國將軍均鎰請嗣封以奉恭僖之祀禮部言稽考近制惟親王無嗣有以郡王進封者郡王無嗣有以鎮國將軍進封者無輔國將軍封郡王例事遂止已上春明夢餘錄

英宗北狩諸王中瞻塏長且賢眾望頗屬太后命取襄國金符不果召瞻塏上書請立皇長子令邸王監國募勇智士迎車駕書至景帝立數日矣英宗還京師居南內又上

明會要卷四

九

石亨等誣于謙王文有迎立外藩語帝頗疑瞻塏久之於宮中得瞻塏所上二書而襄國金符固在太后閣中乃賜書召瞻塏比二書於金勝比至宴便殿命百官朝王於館尋請還帝親送至午門外握手泣別瞻塏遂巡再拜帝曰叔父欲何言頓首曰萬方望治如饑渴願省刑薄斂襄王傳初土木之難韓憲王子襄陵王冲炆赴京師勤王會解嚴下書慰勞及成化六年寇入河套冲炆復請率子墀擊賊憲宗止之冲炆與兄冲斌並急王事以藩禁嚴不用自是宗臣無預兵事者韓王傳成化十七年徽王見沛就藩鈞州承奉司自置吏左布政

使徐恪革之見沛以聞憲宗書諭王置吏非制也恪無罪

徽王傳

宏治中唐王彌錦疏言朝廷待親藩生爵沒諡親親至矣

間有惡未敗聞歿獲美諡是使善者怠惡者肆也自今宜

勘實用寓彰輝禮臣請降敕獎諭勉勵諸王詔可唐王傳

初洪武二十五年議准王妃以下有所出者稱夫人宏治

四年定親王庶子受封其母始稱夫人王圻續通考

十二年雍王祐標之藩衡州地卑溼宮殿朽敗不可居邸

中數有異乞移山東東平州廷臣以擇地別建勞民傷財

四川敘州有申王故府宜徙居之詔可雍王傳

明會要卷四

十

秦王誠泳性孝友恭謹嘗銘冠服以自警秦以多賜地軍

民佃以為業供租稅歲歉輒蠲之長安有魯齊書院久廢

故址半為民居誠泳別易地建正學書院又旁建小學擇

軍校子弟秀慧者延儒生教之親臨課試王府護衛得入

學自誠泳始秦王傳

正德初詔王府莊田畝徵銀三分歲為常德王見濬奏初

年兗州莊田歲畝二十升獨清河一縣成化中用少卿宋

旻議歲畝五升若如新詔臣將無以自給戶部執山東水

旱相仍百姓凋敝宜如詔帝曰王何患貧其勿許德王傳

十二年襄陵王徵鈴請樂戶祀安王明年樂平王徵鈺援

徵鈴例以請禮部言親王有樂戶郡王別城居者有事假

鼓吹於有司其附近王國者假樂戶於長史司因並革安

王供祀樂戶安王傳

十三年秦王請關中閒田為牧地帝排羣議許之命閣臣

草制梁儲度不可爭乃上制草曰太祖高皇帝著令茲土

不界藩封非吝也念其土廣饒藩封得之多畜士馬富而

且驕奸人誘為不軌不利宗社王今得地宜益謹毋收聚

奸人毋多畜士馬毋聽狂人謀不軌震及邊方危我社稷

是時雖欲保親親不可得已帝駭曰若是其可虞事遂寢

梁儲傳

明會要卷四

十一

嘉靖初襄陽王祐槐請除宗人祿使以四民業自為生賢

者用射策應科第寢不行襄王傳

嘉靖七年輔國將軍當潰奏辭輔國將軍及子奉國將軍

祿佐助運河賜敕褒諭又上書言各藩郡縣主縣君先儀

賓沒者故事儀賓得支半祿今四方災傷邊陲多事民窮

財盡而各儀賓暴橫侈肆多不法請勿論品級減其月給

明年又請以父子應得祿米佐振因勸帝法祖宗重國本

裁不急之費息土木之工詞甚愷切帝特敕褒之不聽辭

祿魯王傳

東甌王健楸無子上書言宗室所以蕃由詐以媵子為嫡

糜費縣官今臣無嫡嗣請以所受府第屯廠盡歸魯府待給新封省民財萬一乞著爲例報可上

九年禮部議覆豐林王疏議處宗室事上自爲書賜諸王欲將朝廷皇子皆封郡王親王次子皆封鎮國將軍書成未發以示少傅張璉言諸王封爵原有定制恐一旦降封有失親睦之道以臣愚計莫若量減祿而不降封郡王以下凡全支俸米者照依京官事例米鈔或四六或中半折支其有米鈔兼支者亦量爲遞減以示撙節上遂不果行至嘉靖末禮部議上宗藩事例於是秦晉周楚蜀趙慶襄淮德崇歲祿萬石辭一千石魯益衛歲祿萬石辭二千

明會要卷四

三

石榮王萬三百石與唐王六千五百石而郡王以下至中尉皆有所減削矣明臣奏議

戶部議覈王府所請山場湖陂斷自宣德以後者皆還官詔允行於是山東巡撫都御史邵錫奏德府莊田俱在革中與德王祐榕相許奏錫持之益堅德王傳

秦王惟焯嘗奏請潼關以西鳳翔以東河埧地曰皇祖所賜先臣棧也戶部尙書梁材執奏陝西外供三鎮內給四王困已極豈得復奪埧地濫給宗藩詔如材言秦王傳

鄭靖王四世孫恭王厚烷世宗幸承天厚烷迎謁於新鄉加祿三百石世宗脩齋醮諸王爭遣使進香厚烷獨不遣

二十七年七月上書請帝脩德講學進居敬窮理克己存誠四箴演連珠十章以神仙土木爲規諫語切直帝怒下其使者於獄已而故盟津王見濊子祐樞許厚烷謀不軌遣官往訊無左驗帝下詔數厚烷驕慢無禮廢爲庶人幽之鳳陽隆慶元年復王爵增祿四百石世子載堉篤學有至性痛父非罪見繫築土室宮門外席藁獨處者十九年厚烷還邸始入宮萬曆十九年厚烷薨載堉言鄭宗之序盟津爲長前王見濊既錫諡復爵矣爵宜歸盟津屢疏懇辭禮臣言載堉雖深執讓節然嗣鄭王已三世無中更理宜以載堉子翊錫嗣載堉執奏如初乃以祐樞之孫載璽

明會要卷四

三

嗣二十三年上厯算歲差之法及所著樂律書考辨詳確識者稱之鄭王傳

四十一年御史林潤言天下財賦歲供京師米四百萬石而各藩祿歲至八百五十三萬石山西河南存留米二百三十六萬三千石而宗室祿米五百四萬石卽無災傷獨免歲輸亦不足供祿米之半年復一年愈加蕃衍勢窮弊

極將何以支事下諸王議明年南陵王睦楨條上七議請立宗學以崇德教設科選以勵人才嚴保勘以杜冒濫革允職以除素餐戒奔競以息饜食制拜掃以廣孝思立憂制以省祿費後頒宗藩條例多採睦楨議云周王傳

四十三年肅懷王紳堵薨無子靖王孫輔國將軍縉熿以屬近宜嗣禮官言縉熿懷王從父不宜襲詔以本職理府事上冊寶罷諸官屬穆宗即位定王妃吳氏及延長王眞澆等先後上言聖祖刈羣雄定天下報功之典有隆無替臣祖莊王受封邊境操練征戍屏衛天家不幸太宗中絕反拘於昭穆之次不及勳武繼絕之典非所以崇本支厚藩衛也下部議議以郡王理藩政帝不許隆慶五年特命縉熿嗣肅王設官屬之半肅王傳

隆慶二年尙書王世貞奏臣於嘉靖二十九年遇故修玉牒臣云自親王而下至庶人已書名者幾三萬位又二十

明會要卷四

南

年可得五萬位周府已近四千位韓府亦近千餘位雖竭天下之財力恐不足以供其源源之產臣竊以爲國家待宗室之意往往傷於用恩其法又傷於用義夫族屬至於奉國將軍亦可已矣又復推而三其中尉以至世世不絕所謂傷於用恩者也雖其疎者皆高帝及列聖後也無罪而困之於一城而絕其仕進之路所謂傷於用義者也乞下禮部會議於奉國將軍諸子免其祿秩分居附近州縣廢著之日給與房價量復徭役終身使得畢力農賈其有志科目者照常肄學應試聽爲南京及司府州縣等官疏入不納明臣奏議

三年五月禮部郎中戚元佐疏諸藩日盛祿糧不繼不及今密爲區處將來更有難處者昔高皇帝眾建諸王皆擁重兵據要地以爲國家屏翰此一時也靖難以後防範滋密兵權盡解朝堂無懿親之跡府僚無轉補之階此又一時也嗣是人多祿寡支用不敷乃有共蓬而居分餅而食年四十而未婚沒數載而不寔強者劫奪於通衢弱者浸入於輿阜此又一時也夫國初親王郡王將軍纔四十九位女纔九位今二百餘年宗支玉牒見存二萬八千有奇視國初不啻千倍卽盡歲供之輸猶不能給其半十年之後又將何以給之議者謂祖制不敢擅更不知國初親王

明會要卷四

五

之祿以五萬計其他緞匹茶鹽各項亦復相等不數年而止給米又不數年而減爲萬石萬石不能給而於代肅遼慶諸王且歲給五百石是高皇帝令自己出而已減於前矣其在今日事勢愈難可不變而通乎明通紀萬厯十年議准親王薨逝其子應襲者及世孫承重者俟服制滿方許請封若薨而絕嗣許親弟親姪進封爲親王如無親弟姪以次推及倫序相當者進封王圻續通考鎮國中尉睦契覃精經學論者以方漢之劉向萬厯五年舉文行卓異爲周藩宗正領宗學約宗生以三六九日午前講易詩書午後講春秋禮記雖盛寒暑不輟周王傳

十八年六月更定宗藩事例始令無爵者得自便本紀

二十一年先是景王封德安土田倍諸藩國絕賦額猶存

及帝弟潞王之國衛輝悉以景賦予王王奏賦不及額帝

為奪監司以下俸責撫按急奏報巡撫湖廣郭維賢言景

府賦額皆奸民投獻妄張其數臣為王履畝增賦二萬五

千非復如往者虛數王反稱不足何也且潞去楚遠莫若

徵之有司轉輸潞府會典皇莊及勦戚官莊遇災蠲減視

民田今襄漢水溢王佃民流亡過半請蠲如例郭維賢傳

二十三年正月鄭世子載堉請宗室皆得儒服就試毋論

中外職視才器使從之許奉國中尉以下入試輔國中尉

明會要卷四

未

以上爵尊不得與其後禮臣李廷機言封爵科目原自兩

途彼既願從科目入試應照士子出身資格銓除何拘原

爵亦從之惟不得除京朝官編

趙翼曰崇禎中中部知縣名新堞者守城死流賊之難

雲南通判壽鏞孫可望兵至欲降之不從遂遇害鞏昌

通判廷璋署秦州城陷為賊所執使之跪叱曰我天朝

宗姓也今日惟求一死遂殺之諸王寶豐知縣朱由械

密縣知縣朱敏汀亦皆以宗貢生出仕死流賊之難武大

烈此皆萬厯以後許宗人應試得官者也向使早如唐

制宗人各有進身之路則平時既無坐食廩祿之費一

旦有事或亦有如吳王號王之為國立功未嘗不可收
維藩之助乃直至末造始開入仕之途而已無及矣

明初親王歲祿外量給草廠牧地間有以廢壤河灘請者

多不及千頃部臣得執奏不盡從也景王就藩時賜予概

裁省楚地曠多閒田詔悉予之景藩除潞王翊鏐得景故

籍地多至四萬頃部臣無以難至福王常洵之國版籍更

定民力益絀尺寸皆奪之民間海內騷然論者推原事始

頗以翊鏐為口實云潞王傳

先是有旨言福王常洵之國非莊田足四萬不行廷臣大

駭葉向高因言會典載親王祿米萬石養贍名目已是添

明會要卷四

七

設豈可過多各直省田土之數惟大郡方有四萬頃少者

止一二萬頃自祖宗以來封國不少使各割一大郡則天

下地已盡今日非但百姓無田即朝廷亦無田矣况聖子

神孫源源未已乎列聖相傳遵守家法豈無愛子欲加厚

以祖制不敢踰越必如是而後萬世可常行耳福王所陳

不過引景府潞府事例夫潞府就封時廢府田地尚多未

嘗括及民間今田地已盡而租銀之入已過潞府何更求

多乎至景府久不之國皇考在裕邸嘗懷危疑其後皇祖

斷然遣之人心始安景府屢請楚地幾至激變當時皆譏

皇祖過寵非以愛之亦前事之鑑也臣愚謂祖制當遵吉

典當舉王方建維城之固與國同休不當以土田小事滋天下之口又言使福王莊田必足四萬頃則之國無日王疏以祖制為言試思親王四萬頃之莊田祖訓會典累朝功令有之乎臣不知王所引祖制何指也自景府以前無出數千頃外者惟景府以寵愛越分致壞祖制王奈何尤而效之乎況今河南山東撫按官揆括已盡恐有奸徒以投獻為名者挾仇報怨中州齊楚間稍有土地者不安其生天下由此多事矣編三

明會要卷四

太

餉由此絀戶科給事中姚宗文言方今鹽法壅滯鹽課不登今王府公行貨賣則狐鼠羣奸必至公然夾帶兩淮正額引鹽必滯河東行鹽之地自有成法一旦阻絕則行鹽地少鹽課必虧河南境內民肆向有堆賣官鹽價值一定若王府售賣昂值專利勢必騰湧民何以堪編三

三十一年秦王以嫡子久未生請封其庶長子為世子復請封其他子為郡王禮部尚書郭正域皆持不可首輔沈一貫使大璫以上命脅之正域榜於門曰秦王以中尉進封庶子當仍中尉不當為郡王妃年未五十庶子亦不得為世子一貫無以難郭正域傳

四十三年五月山西巡撫吳士度言國家建藩頒爵自親王郡王至將軍中尉俱有定祿年來宗支蕃衍間有無祿極貧或以擅婚私濫妾之子不敢請名者或以幼而無父不能請名者或已請名而家貧不能封者與孀婦身無所依者每名月給米一石折銀一錢於各府正項糧餉內支給從之實錄

天啟五年五月行宗室限祿法紀本

宗藩婚嫁命名例請於朝貧者為部所稽自萬厯末至崇禎初積疏累千有白首不能完家室骨朽而尙未命名者禮部尚書何如寵請貧宗得嫁娶者六百餘人何如寵傳

明會要卷四

九

崇禎中戶部尚書倪元璐奏曰天下諸藩孰與秦晉秦晉山險用武國也請諭二王以勦賊保秦責秦王以遏賊不入責晉王王能殺賊假王以大將軍權不能殺賊悉輸王所有餉軍賊平益封王各一子如親王亦足以明報矣二王獨不鑒十一宗之禍乎王忠而熟於計必知所處矣書上不報馮師孔傳

十四年冬李自成攻開封周王恭枏出庫金五十萬餉守陣者懸賞格殪一賊予五十金賊穴城守者投以火賊被薰死者不可勝計乃解圍去周王傳

明會要卷四終

明會要卷五

永新龍文彬纂

帝系五

公主

明制皇姑曰大長公主皇姊妹曰長公主皇女曰公主俱

授金册祿二千石婿曰駙馬都尉親王女曰郡主郡王女

曰縣主孫女曰郡君曾孫女曰縣君元孫女曰鄉君婿皆

儀賓郡主祿八百石餘遞減有差傳

仁祖二女

太原長公主嫁元年追册 曹國長公主嫁李貞洪武元年追册為

孝親公主三年改册 曹國長公主西長公主五年改册

太祖十六女

臨安公主李禧下嫁 甯國公主梅般下嫁 崇甯公主牛城下嫁

安慶公主陽倫下嫁 汝甯公主陸賈下嫁 懷慶公主王甯下嫁

大名公主李堅下嫁 福清公主張麟下嫁 壽春公主傅忠下嫁

十公主早薨 南康公主胡觀下嫁 永嘉公主郭鎮下嫁 十三

公主早薨 含山公主尹清下嫁 汝陽公主謝達下嫁 寶慶公

主趙輝下嫁

南昌王女附 福成公主嫁王

蒙城王女附 慶陽公主嫁黃琛建文時

改慶成郡主

興宗四女

江都公主元下嫁取濬初稱江都郡主建文元年進公主永樂初復郡主

宣倫郡主干禮下嫁 三女無考 南平郡主十年下嫁永樂

成祖五女 永安公主袁容下嫁 永平公主李讓下嫁 安成公

主宋瑛下嫁 咸甯公主宋瑛下嫁 常甯公主沐昕下嫁

仁宗七女 嘉興公主井源下嫁 慶都公主焦敬下嫁 清河公

主李銘下嫁 眞定公主王誼下嫁 德安公主 延平公主 德慶

公主俱早薨

宣宗二女 順德公主石璟下嫁 常德公主薛桓下嫁

英宗八女 重慶公主周景下嫁 嘉善公主王增下嫁 瀋安公

主蔡震下嫁 崇德公主楊偉下嫁 廣德公主樊凱下嫁 宜興公

主馬誠下嫁 隆慶公主游泰下嫁 嘉祥公主黃鏞下嫁

景帝一女

固安公主英宗復辟降稱郡主憲宗五年下嫁王憲禮儀視公主

憲宗五女

仁和公主世美下嫁 永康公主崔元下嫁 德清公主林岳下嫁

長泰公主 仙遊公主皆早薨

孝宗三女

太康公主早薨 永福公主景和 永瀄公主謝詔下嫁

世宗五女

常安公主 思柔公主俱早薨 甯安公主李和 歸善

公主 早薨 追册 嘉善公主 下嫁 許從誠

穆宗六女

蓬萊公主太和公主 俱早薨 壽陽公主 下嫁 侯拱辰 永甯公主 下嫁 梁邦瑞 瑞安公主 下嫁 萬焯 延慶公主 下嫁 王昂

神宗十女

榮昌公主 下嫁 楊春元 壽甯公主 下嫁 冉興讓 靜樂雲和雲

夢靈邱仙居泰順香山天台八公主 俱早薨 追册

光宗九女

懷淑公主 早薨 甯德公主 下嫁 劉有福 遂平公主 下嫁 齊贊元

樂安公主 下嫁 鞏承固 餘五女 皆早世

明會要卷五

三

熹宗二女 皆早薨

莊烈帝六女

坤儀公主 追諡 長平公主 周顯尚之 昭仁公主 城陷死 餘

三女 皆早世 無考

雜錄

洪武元年册南昌蒙城兩王女為公主授王克恭黃琛為駙馬都尉四年三月禮官上言皇姪女宜改封郡主克恭琛當上駙馬都尉詔帝曰朕惟姪女二人不忍遽加降奪其稱公主駙馬如故 公主傳

洪武元年以臨安公主歸李善長子祺拜駙馬都尉始命

禮官定公主下嫁之儀先期告奉先殿下嫁前二日遣使册公主册後次日謁奉先殿又定駙馬受誥儀吏部奉誥命置龍亭至太師府駙馬朝服拜受次日善長及駙馬謝恩後十日始請婚期 續通

十九年壽春公主下嫁傅忠穎國公友德子也先是九年二月定制公主未受封者歲給紵絲紗絹布線已封賜莊田一頃歲徵租一千五百石鈔三千貫主為太祖所愛賜吳江縣田一百二十餘頃皆上腴歲入八千石踰他主數倍 公主傳

二十六年稍更儀注然拜舅姑及公主駙馬相向拜之禮

終明世未嘗行也 通典

慶陽公主至建文時改封慶成郡主四年五月遣主詣燕軍議割地罷兵棣不奉詔主蓋成祖從姊或謂福成慶陽皆太祖從姊者誤也 公主傳 三編

成祖即位駙馬都尉梅殷尙擁兵淮上帝迫甯國公主齧血為書投殷殷得書慟哭乃還京未幾都督僉事譚深錦衣衛指揮趙曦擠殷死橋下以殷自投水聞主牽帝衣大哭問駙馬安在帝曰為主跡賊無自苦初主聞成祖起兵貽書責以大義不答成祖至淮北貽主書命遷居太平門外主亦不答然成祖故重主即位後歲時賜與無算諸主

外主亦不答然成祖故重主即位後歲時賜與無算諸主

外主亦不答然成祖故重主即位後歲時賜與無算諸主

外主亦不答然成祖故重主即位後歲時賜與無算諸主

外主亦不答然成祖故重主即位後歲時賜與無算諸主

明會要卷五

四

莫敢望公主傳

公主薨逝例無諡號惟洪武元年追諡隴西公主為孝親
公主仁宗追封第四女為德安公主諡曰悼簡世宗朝郭
勛請追諡高祖母永嘉大長公主特賜諡曰貞懿

寶慶公主者高帝幼女也文皇既定京師俾仁孝皇后女
之年十九歸駙馬都尉趙輝資粧比諸公主特厚時仁廟
在東宮令送之至邸亦殊典也已上春明夢餘錄

仁宗即位進汝陽甯國懷慶大名南康永嘉舍山寶慶七
主皆進稱大長公主自後諸帝即位公主進封長公主大
長公主皆如制公主傳

明會要卷五

五

洪熙元年封皇女六人為公主命先為嘉興延平慶都三
主府造中使司印中使司有正有副闈宦領之如王府之
承奉野獲編

天順五年重慶公主下嫁周景主事舅姑甚孝衣履多手
製歲時拜謁如家人禮景每早朝主必親起視飲食主之
賢近世未有也公主傳

故事儀賓尙主無得繫牙牌惟成化六年禮部為邸府儀
賓王憲乞給牙牌上從之憲蓋尙景帝固安公主也野獲編
宏治二年册封仁和長公主重定婚儀入府公主駙馬同
拜天地行八拜禮堂內設公主座於東西向駙馬東向座

餘如前儀禮志

宏治四年固安公主卒上命喪禮一視嘉祥長公主嘉祥
為英宗女時固安母汪氏尙稱邸王妃其女乃得異數如
此因思懿文太子三女長為江都公主下嫁駙馬耿璿文

皇降為郡主儀賓竟以罪死野獲編
英宗第二女嘉善公主下嫁王驥孫王增世宗第四女下
嫁許崇誠亦封嘉善公主同上

嘉靖元年永福長公主下嫁擇昏於七月下旬給事中安
馨言公主於孝惠皇太后為在室孫女期服未滿宜更其
期舊儀駙馬見公主行兩拜禮公主坐受乖夫婦之分亦

明會要卷五

六

當革正帝以遺旨格之相見禮如故安磐傳
十二年永嘉大長公主元孫郭勅武定侯勛弟也援累朝
公主例請廢入監禮臣言公主子孫本無入監事例因汝

陽大長公主庶孫謝琰乞恩允之究非令典得旨不許萬
厯壬寅以册立皇太子恩詔內許公主廕子送監讀書野獲編

萬厯三十六年七公主下嫁宣索至數十萬戶部尙書趙
世卿引事力爭詔減三之一世卿復言陛下大婚止七萬
長公主下嫁止十二萬乞陛下再裁損一倣長公主例帝
不得已從之世卿傳

崇禎元年教習駙馬陳鍾盛言臣教習駙馬鞏永固駙馬
黎明於府門外月臺四拜云至三月後則上堂上門上影
壁行禮如前始視膳於公主前公主飲食於上駙馬侍立
於旁過此方議成婚駙馬饋菓肴稱臣公主答禮書賜皆
大失禮夫既合盃則儼然夫婦安有跪拜數月稱臣視膳
然後成婚者會典載行四拜於合盃之前明合盃後無拜
禮也以天子館甥下同隸役豈所以尊朝廷帝是其言令
永固卽擇日成婚禮志

明會要卷五

七

揮斫之斷左臂又斫昭仁公主於昭仁殿越五日長平公
主復甦
大清順治二年命顯復尙故主土田邸第金錢車馬錫予
有加主涕泣踰年病卒公主傳

明會要卷五終

明會要卷六

永新龍文彬纂

禮一古

禮

太祖初定天下首開禮樂二局廣徵耆儒分曹究討洪武
元年命中書省暨翰林院太常寺定擬祀典乃歷敘沿革
之由酌定郊廟宗社議以進禮官及諸儒臣又編集郊廟
山川等儀及古帝王祭祀感格可垂鑑戒者名曰存心錄
二年詔諸儒臣脩禮書明年告成賜名大明集禮其書準
五禮而益以冠服車輅儀仗鹵簿宗學音樂凡升降儀節

明會要卷六

十一

制度名數纖細畢具又屢敕議禮臣李善長傅瓛宋濂詹
同陶安劉基魏觀崔亮牛諒陶凱朱升樂韶鳳李原名等
編輯成集且詔郡縣舉高潔博雅之士徐一夔梁寅周子
諒胡行簡劉宗弼董彝蔡深滕公琰至京同脩禮書若夫
釐正祀典凡天皇太乙六天五帝之類皆爲革除而諸神
封號悉改從本稱一洗矯誣陋習其度越漢唐遠矣禮志
洪武六年三月甲辰禮官上所定禮儀帝謂尙書牛諒曰
元世廢棄禮教因循百年中國之禮變易幾盡朕卽位以
來夙夜不忘思有以振舉之以洗汙染之習常命爾禮部
定著禮儀今雖已成宜更與諸儒參詳考議斟酌先王之

典務合人情永爲定式大訓記

二十四年六月己未詔廷臣參考歷代禮制更定冠服居室器用制度本紀

明初之議禮也宋濂方家居諸儀率多陶安裁定大祀禮專用安議其餘參彙諸說從其所長裕禘用簎同時享用朱升釋奠耕藉用錢用壬五祀用崔亮朝會用劉基祝祭用魏觀軍禮用陶凱皆能援據經義酌古準今郁然成一代休明之治雖折中斷制裁自上心諸臣之功亦曷可少哉陶安諸臣贊

明會要卷六

二

李善長傳已帥禮官定郊社宗廟禮尋奏定六部官制

議官民喪服及朝賀東宮儀奉命監脩元史編祖訓錄

大明集禮諸書定天下岳瀆神祇封號

宋濂傳濂於書無所不通在朝郊社宗廟山川百神之

典朝會宴享律麻衣冠之制四裔貢賦賞勞之儀旁及

元勳巨卿碑記刻石之辭咸以委濂

范常傳洪武元年擢翰林直學士兼太常卿帝銳意稽

古禮文羣臣集議間有異同常能參合眾言委曲當上

意

梁寅傳時以禮律制度分爲三局寅在禮局中討論精

審諸儒皆推服

陶安傳吳元年初置翰林院首召安爲學士時徵諸儒議禮命安爲總裁官

錢用壬傳初官御史臺經歷尋與陶安等博議郊廟社稷諸儀其議釋奠耕田皆援據經文及漢魏以來故事以定其制洪武元年拜禮部尙書凡禮儀祭祀宴享貢舉諸政皆專屬禮官又詔與儒臣議定乘輿以下冠服諸式時儒生多習古義而用壬考證尤詳確詹同傳初遷考功郎中直起居注會議禘祫禮同議當遂用之

明會要卷六

三

朱升傳洪武元年進翰林學士定宗廟時享齋戒之禮

崔亮傳初亮居禮曹時卽位大祀諸禮皆其所條畫丞

相善長上之朝由是知名及爲尙書一切禮制用壬先

所議行者亮皆援引故實以定其議考證詳確逾於用

壬又請大祀前七日陪祀官詣中書受誓戒戒辭如唐

禮又依周禮定五祀及四時薦新裸禮圭瓊鬱鬯之禮

並言旗纛月朔望致祭煩而瀆宜止行於當祭之日皆

允行之帝以日中有黑子疑祭天不順所致欲增郊壇

從祀之神亮執奏漢唐煩瀆不宜取法乃止

牛諒傳諒三遷至禮部尙書更定釋奠及大祀分獻禮

與詹同等議省牲冠服又奏三皇立廟京師春秋時祭

漢唐以下就陵立廟帝為更定行之

劉仲質傳洪武十五年拜禮部尚書命與儒臣定釋奠禮頒行天下學校

陶凱傳洪武三年與崔亮並為禮部尚書各有敷奏軍禮及品官墳塋之制凱議也

任昂傳十五年為禮部尚書請更定冕服之制及朝參坐次又奏毀天下淫祠正祀典稱號

李原名傳為禮部尚書以帝命行養老之政申明府州縣多寡之數定官民巾服之制皆著為令凡郊社宗廟社稷嶽瀆諸制先後儒臣論定時有詳略帝悉令原名

明會要卷六

四

更正之

劉三吾傳時天下初定典章闕略帝銳意制作宿儒凋謝得三吾晚說之一切禮制及三場取士法多所刊定

建文三年閏三月禮制成頒詔天下明紀

永樂中頒文公家禮於天下又定巡狩監國及經筵日講之制

世宗以制禮作樂自任其更定之大者如分祀天地復朝日夕月於東西郊罷二祖並配以及祈穀大雩享先蠶祭聖師易至聖先師號皆能折衷於古獨其排眾議附睿宗大廟躋武宗上御本生而違大義以明察始而以豐昵終

矣已上禮志

嘉靖四年十二月大禮集議成頒示天下

七年六月明倫大典成頒示天下已上本紀

祭祀總敘

明初以圜丘方澤宗廟社稷朝日夕月先農為大祀太歲星辰風雲雷雨嶽鎮海瀆山川歷代帝王先師旗纛司中司命司民司祿壽星為中祀諸神為小祀後改先農朝日夕月為中祀

天地太廟社稷山川諸神皆天子親祀國有大事則遣官祭告若先農城隍旗纛馬祖五祀京倉先賢功臣合祀皆

明會要卷六

五

遣官致祭而帝王陵寢及孔子廟則傳制特遣王圻續通考

正月三祭 上辛祈穀 立春享太廟 祭司戶

二月九祭 驚蟄祭太歲月將風雲雷雨諸神 春分朝

日於東郊 上戊祭太社太稷 上戊之明日祭帝社

帝稷 上丁祭先師孔子 上甲祭三皇 祭歷代帝

王廟 祭先農 祭司馬之神

三月三祭 清明祭奉先殿祭嶽鎮海瀆之神 祭泰厲

四月三祭 孟夏享太廟 大雩 祭司竈

五月二祭 夏至祀皇地祇於方丘前期祭告太廟

六月一祭 季夏祭中霤

七月二祭 孟秋享太廟 祭司門

八月十祭 秋分夕月於西郊 上戊祭太社太稷 上

戊之明日祭帝社帝稷 上丁祭先師孔子 上甲祭

三皇 祭歷代帝王廟 祭城南旗纛廟 祭都城隍

之神 祭天神地祇於山川壇 祭太歲月將風雲雷

雨之神 望日祀靈神

九月三祭 季秋大饗 霜降祭嶽鎮海瀆之神 祭旗

纛於教場

十月三祭 孟冬享太廟 朔日祭泰厲 祭司井

十一月二祭 冬至祀昊天上帝於圜丘前期祭告太廟

十二月三祭 季冬享太廟 歲暮大禘 祭旗纛於承

天門外

省牲

牲四等曰犢曰牛曰大牢曰少牢色尙騂或黝大祀入滌

九旬中祀三旬小祀一旬吾學編

滌牲立神牲所設官二人牧養神牲祀前三月付廩犧令

滌治如法其中祀滌三十日小祀滌十日者亦如之明集禮

洪武二年帝以祭祀省牲於神壇甚邇人心未安尙書崔

亮乃奏考古省牲之儀遠神壇二百步崔亮傳

三年帝以郊祭之牲與羣祀牲同牢芻牧不足以別祀天

之敬乃因其舊地改作而加繪飾中三間以養郊祀牲左

三間養后土牲右三間養太廟社稷牲餘屋養山川百神

之牲凡大祀犧牲前一月帝躬視滌養繼命羣臣更日往

視歲以爲常錄實

崔亮言大祀帝親省牲中祀小祀之牲當遣官代帝命親

祭者皆親省牲崔亮傳

六年御史臺言吏部尙書呂本奉職不謹郊壇牲角非蘭

栗功臣廟壞不修詔免官罰役功臣廟明會典

七年定制大祀皇帝躬省牲中祀小祀遣官禮志

十三年九月溧水縣祭社稷以牛醢代鹿醢禮部言定制

祭物缺者以他物代帝曰所謂缺者以非土地所產溧水

固有鹿是有司故爲苟簡也百司所以能理其職而盡民

事者以其常存敬懼之心耳神猶忽之於人事又何懼焉

命論如律上同

凡郊廟犧牲已在滌者或有傷則出之死則埋之其有疾

者亦養於別所待其肥膾以備小祀中祀之用若未及滌

或有傷疾者歸所司別用春明夢餘錄

景泰四年令禮部鑄造牲字牢字火印各一會同太常寺

及御史印記各處解到牛羊上同

正德十五年三月戊戌清明節太常寺奏陵寢祭牲已有

定制豕為必用之物請弛其禁從之實錄

嘉靖十一年更定冬至夏至祈穀俱祭前五日親視後俱遣

大臣圍丘蒼犢方丘黃犢配位各純犢禮志

隆慶元年五月太常寺卿鄒應龍省牲北郊東廠太監馮

保傳呼至導者引入正面焚香儼若天子應龍大駭劾保

僭肆保深銜之鄒應龍傳

萬厯四十四年八月南京太常寺少卿桂有根言孝陵元

旦清明長至三大祭文物俱備中元孟冬兩忌辰及萬壽

節五祭向止陳設酒果應加用牲帛祭文從之實錄

齋戒

明會要卷六

八

洪武元年翰林學士朱升等奉敕撰齋戒文大祀七日前

四日戒後三日齋上曰凡祭祀天地社稷宗廟山川等神

為天下祈福宜下令百官齋戒若自有所禱不關民事者

不下令又以致齋七日五日為期太久人心易怠止臨祭

齋戒三日務致精專通典

又詔大祀前七日陪祀官詣中書省受誓戒各揚其職不

共者國有常刑從禮部尚書崔亮請也同上

三年諭禮部尚書陶凱曰人心操舍無常必有所警而後

無所放乃命禮部鑄銅人一高尺有五寸手執牙笏大祀

則書致齋三日中祀則書致齋二日於簡上太常司進置

齋所禮志

陶凱又奏凡親祀皇太子宮中居守親王戎服侍從皇太

子親王雖不陪祀一體齋戒通典

五月建齋宮於圍丘之西方丘之東實錄

四年禮官奏定天子親祀齋五日遣官代祀齋三日降香

齋一日

二十一年定制齋戒前二日太常寺司官宿於本司次日

奏請致齋又次日進銅人傳制諭文武百官齋戒禮志

宣德七年大祀南郊帝御齋宮命內官內使飲酒食葷入

壇唾地者罪之司禮監縱容者同罪齋之日御史檢視各

明會要卷六

九

官於齋次會典

嘉靖九年定前期三日帝御奉天殿百官朝服聽誓戒禮志

世宗以舊存齋宮在圍丘北是踞視圍丘也欲改建於丘

之東南夏言言更起齋宮於圍丘之旁似於古人掃地之

義未為允協且秦漢以來並無營室者正謂質誠尊天不

自崇樹以明謙恭肅敬之旨故惟大次之設為合古典願

寢其議報聞春明夢餘錄

明會要卷六終

明會要卷七

永新龍文彬纂

禮二 吉禮

親郊

太祖祀上帝於圓丘九

洪武元年十一月庚子二年十一月乙巳三年十月庚戌四年十一月辛酉五年十一月辛酉六年十一月辛酉七年十一月辛酉八年十一月辛酉九年十一月辛酉

合祀天地於奉天殿一

十月丁亥十一月辛酉

大祀天地於南郊二十

十月癸卯十一月己卯十二年正月己卯十三年正月己卯十四年正月己卯十五年正月己卯十六年正月己卯十七年正月己卯十八年正月己卯十九年正月己卯二十年正月己卯二十一年正月己卯二十二年正月己卯二十三年正月己卯二十四年正月己卯二十五

明會要卷七

明會要卷七

明會要卷七

丁亥正月甲子二十一年正月辛卯二十二年正月辛卯二十三年正月辛卯二十四年正月辛卯二十五年正月乙卯二十六年正月乙卯二十七年正月乙卯二十八年正月乙卯二十九年正月乙卯三十年正月乙卯三十一年正月乙卯三十二年正月乙卯三十三年正月乙卯三十四年正月乙卯三十五年正月乙卯三十六年正月乙卯三十七年正月乙卯三十八年正月乙卯三十九年正月乙卯四十年正月乙卯四十一年正月乙卯四十二年正月乙卯四十三年正月乙卯四十四年正月乙卯四十五年正月乙卯四十六年正月乙卯四十七年正月乙卯四十八年正月乙卯四十九年正月乙卯五十年正月乙卯五十一年正月乙卯五十二年正月乙卯五十三年正月乙卯五十四年正月乙卯五十五年正月乙卯五十六年正月乙卯五十七年正月乙卯五十八年正月乙卯五十九年正月乙卯六十年正月乙卯六十二年正月乙卯六十四年正月乙卯六十六年正月乙卯六十八年正月乙卯七十

惠帝大祀天地於南郊二

建文元年正月庚辰二年正月辛未三年正月辛未四年正月辛未五年正月辛未六年正月辛未七年正月辛未八年正月辛未九年正月辛未十年正月辛未十一年正月辛未十二年正月辛未十三年正月辛未十四年正月辛未十五年正月辛未十六年正月辛未十七年正月辛未十八年正月辛未十九年正月辛未二十年正月辛未二十一年正月辛未二十二年正月辛未二十三年正月辛未二十四年正月辛未二十五

成祖大祀天地於南郊十七

建文元年正月庚辰二年正月辛未三年正月辛未四年正月辛未五年正月辛未六年正月辛未七年正月辛未八年正月辛未九年正月辛未十年正月辛未十一年正月辛未十二年正月辛未十三年正月辛未十四年正月辛未十五年正月辛未十六年正月辛未十七年正月辛未十八年正月辛未十九年正月辛未二十年正月辛未二十一年正月辛未二十二年正月辛未二十三年正月辛未二十四年正月辛未二十五

皇太子攝祀天地於南郊一

八月己卯九月己卯十月己卯十一月己卯十二月己卯

仁宗大祀天地於南郊一

洪熙元年正月丙戌

宣宗大祀天地於南郊九

宣德元年正月丁未二年正月丁未三年正月丁未四年正月丁未五年正月丁未六年正月丁未七年正月丁未八年正月丁未九年正月丁未十年正月丁未十一年正月丁未十二年正月丁未十三年正月丁未十四年正月丁未十五年正月丁未十六年正月丁未十七年正月丁未十八年正月丁未十九年正月丁未二十年正月丁未二十一年正月丁未二十二年正月丁未二十三年正月丁未二十四年正月丁未二十五

英宗前紀大祀天地於南郊十

正統元年正月己未二年正月己未三年正月己未四年正月己未五年正月己未六年正月己未七年正月己未八年正月己未九年正月己未十年正月己未十一年正月己未十二年正月己未十三年正月己未十四年正月己未十五年正月己未十六年正月己未十七年正月己未十八年正月己未十九年正月己未二十年正月己未二十一年正月己未二十二年正月己未二十三年正月己未二十四年正月己未二十五

景帝大祀天地於南郊七

景泰元年正月丙戌二年正月丙戌三年正月丙戌四年正月丙戌五年正月丙戌六年正月丙戌七年正月丙戌八年正月丙戌九年正月丙戌十年正月丙戌十一年正月丙戌十二年正月丙戌十三年正月丙戌十四年正月丙戌十五年正月丙戌十六年正月丙戌十七年正月丙戌十八年正月丙戌十九年正月丙戌二十年正月丙戌二十一年正月丙戌二十二年正月丙戌二十三年正月丙戌二十四年正月丙戌二十五

英宗後紀大祀天地於南郊六

天順二年正月甲戌三年正月甲戌四年正月甲戌五年正月甲戌六年正月甲戌七年正月甲戌八年正月甲戌九年正月甲戌十年正月甲戌十一年正月甲戌十二年正月甲戌十三年正月甲戌十四年正月甲戌十五年正月甲戌十六年正月甲戌十七年正月甲戌十八年正月甲戌十九年正月甲戌二十年正月甲戌二十一年正月甲戌二十二年正月甲戌二十三年正月甲戌二十四年正月甲戌二十五

憲宗大祀天地於南郊二十二

成化元年正月乙卯二年正月乙卯三年正月乙卯四年正月乙卯五年正月乙卯六年正月乙卯七年正月乙卯八年正月乙卯九年正月乙卯十年正月乙卯十一年正月乙卯十二年正月乙卯十三年正月乙卯十四年正月乙卯十五年正月乙卯十六年正月乙卯十七年正月乙卯十八年正月乙卯十九年正月乙卯二十年正月乙卯二十一年正月乙卯二十二年正月乙卯二十三年正月乙卯二十四年正月乙卯二十五

孝宗大祀天地於南郊十八

宏治元年正月辛未二年正月辛未三年正月辛未四年正月辛未五年正月辛未六年正月辛未七年正月辛未八年正月辛未九年正月辛未十年正月辛未十一年正月辛未十二年正月辛未十三年正月辛未十四年正月辛未十五年正月辛未十六年正月辛未十七年正月辛未十八年正月辛未十九年正月辛未二十年正月辛未二十一年正月辛未二十二年正月辛未二十三年正月辛未二十四年正月辛未二十五

武宗大祀天地於南郊十五

正德元年正月乙未二年正月乙未三年正月乙未四年正月乙未五年正月乙未六年正月乙未七年正月乙未八年正月乙未九年正月乙未十年正月乙未十一年正月乙未十二年正月乙未十三年正月乙未十四年正月乙未十五年正月乙未十六年正月乙未十七年正月乙未十八年正月乙未十九年正月乙未二十年正月乙未二十一年正月乙未二十二年正月乙未二十三年正月乙未二十四年正月乙未二十五

武宗大祀天地於南郊十五

正德元年正月乙未二年正月乙未三年正月乙未四年正月乙未五年正月乙未六年正月乙未七年正月乙未八年正月乙未九年正月乙未十年正月乙未十一年正月乙未十二年正月乙未十三年正月乙未十四年正月乙未十五年正月乙未十六年正月乙未十七年正月乙未十八年正月乙未十九年正月乙未二十年正月乙未二十一年正月乙未二十二年正月乙未二十三年正月乙未二十四年正月乙未二十五

己丑十年正月戊辰	十一月正月乙未	十二年正月	癸巳改卜郊十二月丁酉	十四年正月甲辰改卜郊
世宗大祀天地於南郊九	嘉靖元年正月己未	二年正月	年正月丙戌	五年正月乙未
祀昊天上帝於南郊一	九月辛酉	十一月	年十一月乙亥	十五年十一月辛巳
神宗祀天於南郊三	萬曆三年十一月乙巳	六年十一月	十一月辛酉	十四年十一月癸卯
熹宗祀天於南郊一	天啟三年十一月丁巳	崇禎元年十一月	十一月庚申	十二月辛巳
親祀北郊	一月丁亥	十一月	十一月	十一月
太祖祀地於方丘三	洪武二年五月癸卯	三年五月	五月	五月
世宗祀皇地祇於方澤二	嘉靖十年五月壬子	十四年五月	五月	五月
穆宗祀地於北郊一	隆慶元年五月辛酉	萬曆四年五月	五月	五月
神宗祀地於北郊二	萬曆四年五月癸亥	七年五月	五月	五月
熹宗祀地於北郊一	天啟五年五月乙丑	崇禎二年四月	四月	四月
莊烈帝祀地於北郊四	崇禎二年四月癸未	十四年五月	五月	五月

明會典卷七

三

五年六月甲子皆本紀
 吳元年八月癸丑園丘成本紀
 十一月甲午太祖初觀園丘顧謂起居注熊鼎等曰此與古制合否對曰小異帝曰古人於郊埽地而祭器用陶匏以示儉樸周有明堂其禮始備今予創立斯壇雖不必盡合古制然一念事天之誠不敢頃刻少怠大訓記
 十一月乙巳有事於園丘禮官請罷禮成詣太廟躬謝之儀唯先祭三日詣太廟以配享告從之帝欲增郊壇從祀之神崔亮奏漢唐煩瀆不宜取法乃止通典
 洪武二年八月建望祭殿實錄帝慮郊社諸祭壇而不屋或驟雨沾服亮引宋祥符九年南郊遇雨於大尉廳望祭及元經世大典壇壇內外建屋避風雨故事奏之遂詔建殿於壇南
 帝一日問崔亮曰朕郊祀天地拜位正中而百官朝參班列東西何也亮對曰天子祭天升自午陛北向答陽之義也祭社升自子陛南向答陰之義也若羣臣朝參當避君上之尊故升降皆由卯陛朝班分列東西以避馳道其義不同
 亮又言郊特性曰器用陶匏周禮疏外祀用瓦今祭祀用甃與古意合而盤盂之屬與古尚異宜皆易以甃惟簋用

明會典卷七

四

竹從之已上皆崔亮傳

三年增祀風雲雷雨於圓丘天下山川之神於方丘禮志

二月太常少卿陳昧言周禮天府孟冬祀司民司祿而獻

民數穀數則受而藏之今圓丘郊祀宜以戶口錢糧之籍

陳於臺下禮畢藏之內府以見拜受民數穀數於天之義

從之實錄

六年正月選朝天宮道士供事郊壇三編

御批輯覽曰郊壇理宜誠肅駿奔執事豈宜司以羽流當

時議禮諸臣如劉基宋濂詹同輩俱博古而達於政體

何不聞一言匡正耶至嘉靖時而齋醮事興益以崇尚

道教為務此其濫觴矣

明會要卷七

五

七年冬至詞臣撰南郊祝文用予我字帝以為不敬桂彥

良曰成湯祭上帝曰予小子履武王祀文王之詩曰我將

我享古有此言帝色霽曰正字言是也桂彥良傳

是年增設天下神祇於南北郊帝謂詹同曰大祀終獻畢

始行分獻禮未當同乃與學士宋濂議以上初獻奠玉帛

將畢分獻官即行初獻禮亞獻三獻皆如之禮志

八年十一月學士樂韶鳳等奏定大祀祭壇脫舄之儀謂

古者以履不上堂為敬漢魏朝祭皆洗鞵惟蕭何劍履上

殿以為異數宋南郊皇帝至南階脫舄升壇入廟脫舄升

殿所以崇敬也今議於郊祀廟享前期一日有司以席藉

地設御幕於壇東南門外設執事官脫履之次於壇門外

西階側祭日大駕入幕次脫舄始升壇殿行禮分獻陪祀

官皆脫舄於外協律郎樂舞生皆洗鞵上詔行之實錄春明夢餘錄

九年定郊社大事國有三年喪不廢吾學編

十年八月帝感齋居陰雨覽京房災異之說謂分祭天地

情有未安欲舉合祀之典命即圓丘舊址為壇以屋覆之

命曰大祀殿十一月冬至以殿工未成乃合祀於奉天殿

續通典

明會要卷七

木

文彬案太祖釐正祀典革除天皇太乙六天五帝之類

去嶽鎮海瀆城隍諸神封號改從本稱盡洗漢唐以來

陋習又分祀天地舉千數百年相沿之誤一旦整飭洵

足為萬世法守未幾感齋居陰雨仍改天地合祀立大

祀殿屋而不壇合圓丘明堂為一制此失禮之尤者揆

其意不過欲省煩而趨便耳彼時禮部長貳官如朱夢

炎李冕輩庸闇不識大體未能抗疏力爭沿謬百六十

年至嘉靖始復舊典然非夏言輩力排羣議亦未能贊

成其美則甚矣復古之難也

十二年正月己卯始合祀天地於南郊本紀又建神樂觀於

郊壇之西以處樂舞生實錄

永樂十八年京都大祀殿成規制如南京南京舊郊壇國
有大事則遣官告祭禮志

洪熙元年正月丙戌南郊誓戒畢帝進分獻官諭之曰事
神之道豈獨臨事之際務致誠敬要其奉天子民之心積

累於平日者乎達鬼神所以祭則受福大訓記

正德十年正月戊辰帝有事於南郊逮暮成禮給事中王

良佐言郊廟之祀天子必省牲必誓戒散齋致齋有常期

有專所當祭之日夙駕而往行禮之際無貳爾心期昭格

也邇者正月五日躬祀太廟薄暮方出行禮十日郊祀七

明會要卷七

七

日當誓戒臣等導駕與百官俱朝服候至夜漏下忽傳聞

免朝不知旨從何出九日車駕當臨齋宮百官莫不晨趨

以俟乃薄暮方往倉猝至壇行禮甫畢旋即下營臣愚不

知陛下此行果事天耶抑遊幸也及次日駕還復至夜分

城門失啟閉之期禁闔縱馳騁之樂一切非時與制乞自

今祭祀朝賀之期經筵講書之候起居寢興之節務各及

時遵制舉行不報

十二年正月戊寅召百官至左順門告以己丑郊竣將幸

南海子觀獵廷臣極諫不聽及期速蕝祀事遂往畋

十三年正月丙午帝至自宣府庚戌當南郊以初至不及

致齋遂行禮已上三編

十四年正月甲辰改卜郊先是太常寺奏以是月十二日

郊祀至是以聖駕未回請改卜內批改次日既又命改卜

於是禮科給事中邢寰等言祖宗以來郊祀必於正月上

旬所以重一歲之首昭莫大之敬也今改而又改日復一

日不惟隳祖宗相循之制亦且非祗畏天地之道請如期

返蹕以成大禮禮部尚書毛澄等馳疏諫曰皇祖之訓曰

凡祀天地精誠則感格怠慢則禍生今六龍遐騁旋軫無

日萬一冰雪阻違道途梗塞元正上日不及躬執玉帛於

上帝前陛下何以自安伏乞趣駕速還躬親禋享宗社臣

明會要卷七

八

民幸甚俱不報壬戌欽天監奏擬郊祀日期傳旨令擇二

月上旬以聞太常寺奏仲春當釋奠先師及祀社稷而郊

禮未成請俟郊後擇丁戌日行禮報可

嘉靖十年九月丙辰罷南京郊祀初上命脩輯郊社諸壇

未成南京太常寺卿黃芳等言天地社稷山川既統祀於

京師其在南京者可弗舉也若有時祭告及災變脩理等

事因事行之亦非常祭之比宜祭告孝陵及山川諸神不

必備物酒醴脯醢而已上以為然遂罷之已上實錄

十一年冬至尚書言前此有事南郊風寒莫備乃采禮書

天子祀天張大次小次之說請作黃氈御幄為小次每大

祭所司以隨值風雪則設於園丘下帝就幄中對越而升降奠獻以太常執事官代之命著為令

十七年十一月辛未朔詣南郊上皇天上帝號

隆慶四年十一月己卯祀天於南郊舊制郊畢舉慶成宴

自世宗倦勤典禮久廢至是禮部尙書殷士儋始考定舊儀行之

萬曆十三年禮科給事中王三餘疏言郊祀必躬親載之

會典乃者秋七月雷震郊壇恭繹德音宣示臣工共圖脩

省今歲似宜親郊以答天戒代攝之舉未可以為常疏入

帝以其奏請不早詰責之仍遣官代

明會要卷七

九

郊議

洪武元年二月壬寅朔中書省臣李善長等奉敕撰進郊

祀議略言王者事天明事地察故冬至報天夏至報地所

以順陰陽之義也祭天於南郊之園丘祭地於北郊之方

澤所以順陰陽之位也周禮大司樂冬至禮天神夏日

至禮地祇此三代之正禮而釋經之正說自秦立四時以

祀白青黃赤四帝漢高祖復增北時兼祀黑帝至武帝有

雍五時及渭陽五帝甘泉太乙之祠而昊天上帝之祭則

未嘗舉行魏晉以後宗鄭元者以為天有六名歲凡九祭

宗王肅者以為天體惟一安得有六一歲二祭安得有九

雖因革不同大抵多參二家之說自漢武用祠官寬舒議

立后土祠於汾陰睢上禮如祀天而後世因於北郊之外

仍祠后土鄭元又惑於緯書謂夏至於方丘之上祭崑崙

之祇七月於泰折之壇祭神州之祇析而為二後世又因

之一歲二祭元始閒王莽奏罷甘泉泰畤復長安南北郊

以正月上辛若丁天子親合祀天地於南郊由漢唐歷千

餘年間皆因之其親祀北郊者惟魏文帝周武帝隋高祖

唐元宗四帝而已宋元豐中議罷合祭紹聖政和閒或分

或合高宗南渡以後惟用合祭之禮元成宗始合祭天地

五方帝已而立南郊專祀天泰定中又合祭文宗至順以

明會要卷七

十

後惟祀昊天上帝今當遵古制分祭天地於南北郊冬至

祀昊天上帝於園丘以大明夜明星辰太歲從祀夏至祀

皇地祇於方丘以五嶽五鎮四瀆從祀太祖如其議行之

建園丘於鍾山之陽方丘於鍾山之陰

三編質實云按唐書睿宗太極元年夏五月祭北郊是

月改元延和八月元宗即位改元先天是親祭北郊者

睿宗非元宗也此議偶誤耳

嘉靖九年帝既定明倫大典益覃思制作凡郊廟百神咸

欲斟酌古法釐正舊章乃問張璠曰書稱燔柴祭天又曰

類於上帝孝經曰郊祀后稷以配天宗祀文王於明堂以

配上帝以形體主宰之異言也朱子謂祭之於壇謂之天祭之屋下謂之帝今大祀有殿是屋下之祭帝耳未見有祭天之禮也況上帝皇地祇合祭一處亦非專祭上帝摠言國初遵古禮分祭天地後又合祀說者謂大祀殿下壇上屋屋卽明堂壇卽圓丘列聖相承亦孔子從周之意上復論摠曰二至分祀萬代不易之禮今大祀殿擬周明堂或近矣以爲卽圓丘實無謂也摠乃備述周禮及宋陳襄蘇軾劉安世程頤所議分合異同以對且言祖制已定無敢輕議帝銳欲定郊制卜之奉先殿太祖前不吉議且寢會夏言請舉親蠶禮帝以古者天子親耕南郊皇后親蠶

明會要卷七

十一

北郊適與所議郊祀相表裏因令摠會言陳議言乃上疏言國家合祀天地及太祖太宗之並配諸壇之從祀舉行不於長至而於孟春俱不應古典宜令羣臣博考詩書禮經所載郊祀之文及漢宋諸儒匡衡劉安世朱熹等之定論以及太祖國初分祀之舊制陛下稱制而裁定之此中興大業也禮科給事中王汝梅等詆言說非是上切責之乃敕禮部會廷臣各陳所見且言汝梅等舉召誥中郊用二牛謂明言合祭天地夫用二牛者一帝一配位非天地各一牛也又或謂天地合祀乃人子事父母之道擬之夫婦同牢褻慢已甚又或謂郊爲祀天社稷爲祭地古無北

郊夫社乃祭五土之神猶言五方帝耳非皇地祇也社之名不同自天子以下皆得隨所在而祭之故禮有親地之說非謂祭社卽方澤祭地也於是下言疏令禮部一併議行三月丙申摠錄上郊祀考議一冊時詹事霍韜深非郊議且言分祀之說惟見周禮莽賊僞書不足引據於是言復上疏言周禮一書於祭祀爲詳大宗伯以祀天神則有禮祀實柴禋燎之禮以祀地祇則有血祭薶沈醢辜之禮大司樂冬至日地上圓丘之制則曰禮天神夏至日澤中方丘之制則曰禮地祇天地分祀從來久矣故宋儒葉時之言曰郊丘分合之說當以周禮爲定今議者旣以太社

明會要卷七

十三

爲祭地則南郊自不當祭皇地祇何又以分祭爲不可也合祭之說實自莽始漢之前皆主分祭而漢之後亦間有之宋元豐一議元祐再議紹聖三議皆主合祭而卒不可移者以郊齊之費每傾府藏故省約安簡便耳未嘗以分祭爲非禮也今之議者往往以太祖之制爲嫌爲懼然知合祭乃太祖之定制爲不可改而不知分祭固太祖之初制爲可復知大祀文乃太祖之明訓爲不可背而不知存心錄固太祖之著典爲可遵且皆太祖之制也從其禮之是者而已敬天法祖無二道也周禮一書朱子以爲周公輔導成王垂法後世用意最深切何可誣以莽之僞爲耶

且合祭以后配地實自莽始莽既僞爲是書何不削去圓丘方丘之制天神地祇之祭而自爲一說耶疏入下禮部令折衷羣議以聞辛丑禮部集上羣臣所議郊禮奏曰主分祭者都御史汪鋹等八十二人主分祭而以慎重成憲及時未可爲言者大學士張璠等八十四人主分祭而以山川壇爲方丘者尙書李瓚等二十六人主合祭而不以分祭爲非者尙書方獻夫等二百六人無可否者英國公張崙等一百九十八人臣等祇奉敕諭折衷衆論分祀之義合於古禮但壇壝一建工役浩繁禮屋祭曰帝夫既稱昊天上帝則當屋祭宜仍於大祀殿專祀上帝改山川壇爲地壇以專祀皇地祇既無創建之勞行禮亦便上復諭當遵皇祖舊制露祭於壇分南北郊以二至日行事言乃奏曰南郊合祀循襲已久朱子所謂千五六百年無人整理而陛下獨破千古之謬一旦舉行誠可謂建諸天地而不悖者也已而命戶禮工三部偕言等詣南郊相擇禮臣欲於具服殿稍南爲圓丘言復奏曰圓丘祀天宜卽高敞以展對越之敬大祀殿享帝宜卽清闕以盡昭事之誠二祭時義不同則壇殿相去亦宜有所區別乞於具服殿稍南爲大祀殿而圓丘更移於前體勢峻極可與大祀殿等制曰可於是作圖丘是年十月工成而分祀之制遂定

明會要卷七

七

隆慶元年禮部會議罷祈穀及明堂大享禮圓丘方澤分祀已久宜照例於冬至夏至日親祭仍奉太祖高皇帝配禮部又言郊廟社稷諸祀先期具奏行禮止奏日不奏時以故陪祀諸臣失期者眾請以後並奏日時從之通典萬曆三年十一月大學士張居正進郊禮新舊圖冊略言高皇帝初制郊禮分祀十年矣而竟定於合享者良以古今異宜適時爲順故舉以歲首人之始也卜以春初時之和也歲惟一出事之節也爲屋而祭行之便也百六十餘年列聖相承莫之或易者豈非以其至當允協經久而可行乎今以冬至極寒而裸獻於星露之下夏至盛暑而駁奔於炎歊之中一歲之間六飛再駕以時以義斯爲戾矣且成祖文皇帝再造宇宙功同開創配享百餘年一朝而罷之於人情亦大有不安者故世宗雖分建圓方之制而中世以後竟不親行雖肇舉大享之禮而歲時禮祀止於內殿是斯禮之在當時已窒礙而難行矣況後世乎臣等愚昧竊以爲宜遵高皇之定制率循列聖之攸行歲惟一舉合祀之禮而奉二祖並配斯於時義允協於人情爲順顧郊禮禮重今且未敢輕議謹稽新舊規制禮儀而略述其概以俟聖明從容裁斷焉上從之王圻續通考通典注按居正進新舊禮圖欲改合祀然四年七年五

明會要卷七

七

月俱嘗祀地北郊固未嘗改為合祀故神宗熹宗莊烈帝三紀皆書祀天特祭地之禮不行耳

文彬按江陵此議疎謬之甚特其時未嘗舉行耳神宗

自七年後郊祀不親惟十四年一祀天非特祀地之禮

不行也熹宗祀天一年三祀地一年五莊烈祀天四年元年八

年十祀地四年十五年十皆見本紀通典注云三紀

皆書祀天特祭地之禮不行誤也

明會要卷七

五

明會要卷七終

明會要卷八

永新龍文彬纂

禮三吉禮

郊祀配位

洪武元年十一月庚子冬至始祀上帝於圓丘有司議配祀太祖謙讓不許親為文告太廟曰歷代有天下者皆以祖配天臣獨不敢者以臣功業有未就政治有闕失去年上天垂戒有聲東南雷火焚舟擊殿吻恐無以承上帝好生之德故不敢輒奉以配惟祖神與天通上帝有問願以臣所行奏帝前善惡無隱候南郊竣事臣率百司恭詣廟

明會要卷八

庭告成大禮以共享上帝之錫福禮志

二年五月癸卯夏至將祀方丘羣臣復請太祖執不允曰俟慶陽平議之八月慶陽平十一月乙巳冬至羣臣復固

請乃奉仁祖配天於圓丘上同

三年五月戊申祀地於方丘以仁祖配

建文元年正月庚辰大祀天地於南郊奉太祖配已上本紀

洪熙元年正月敕曰太祖受命上天肇興皇業太宗中興

宗社再奠寰區聖德神功咸配天地朕崇敬祖考永惟一

心今年正月十五日大祀天地神祇奉皇祖皇考配祀仍

著典章垂範萬世通典

嘉靖九年給事中夏言上疏言太祖太宗並配父子同列
稽之經旨未能無疑臣謂周人郊祀后稷以配天太祖足
當之宗祀文王於明堂以配上帝太宗足當之禮臣集議
謂二祖配享百有餘年不宜一旦輕改帝降敕諭欲於二
至日奉太祖配南北郊孟春祈穀奉太宗配上帝於大祀
殿閣臣以二祖分配於義未協且錄仁宗所撰勅諭並告
廟文以進帝復命集議於東閣皆以爲太廟之祀列聖昭
穆相向無嫌並列况太祖太宗功德並隆圖丘大祀殿所
祀均之爲天則配天之祖不宜闕一臣等竊議南北郊及
大祀殿每祭皆宜二祖並配帝終以並配非禮諭閣臣講

明會要卷八

三

求璉等言古者郊與明堂異地故可分配今圖丘大祀殿
同兆南郊冬至禮行於報而太宗不與孟春禮行於祈而
太祖不與心實有所不安帝復報曰萬物本乎天人本乎
祖天惟一祖亦惟一祖故大報天之祀止當以高皇帝
配文皇帝功德豈不可配天但開天立極本高皇帝肇之
耳如周之王業武王實成之而配天止以后稷配上帝止
以文王當時未聞爭辨功德也因命寢其議已而言復疏
言虞夏殷周之郊惟配一祖後儒穿鑿分郊丘爲二及誤
解大易配考孝經嚴父之義以致唐宋變古乃有二祖並
侑三帝並配之事望斷自宸衷依前敕旨帝報曰禮臣前

引太廟不嫌一堂夫配帝與享先不同此說無當仍命申
議張璉入言郊祀之議聖見已決獨臣不忍無言皇上信
以分配之說盡古禮乎大祀殿非明堂之位孟春祈穀又
非大享之禮則未免有失於古也皇上信以並配之說非
今宜乎太祖百有餘年之神座豈忍言撤文皇百有餘年
配天之報豈忍言廢則又未免有失於今也竊以天地分
祀宜從古禮彰我皇上善繼善述之孝祖宗並配宜從今
制彰我皇上不愆不忘之心疏入帝乃責璉前後變志非
忠愛之道於是禮臣復上議南北郊雖曰祖制實今日所
創請如聖諭俱奉太祖獨配至大祀殿則太宗所創今乃

明會要卷八

三

不得侑享於中竊恐太宗之心有所未安宜仍奉二祖並
配既復古禮又存祖制禮意人情兩不爲失遂依擬行之
實錄
禮志
萬曆三年張居正進郊禮圖冊云自洪武初奉仁祖西向
配享建文初更奉太祖配享洪熙元年奉太祖太宗同配
享嘉靖九年初建圖丘方澤分祀天地俱止奉太祖一位
配享而罷太宗之配其大祀殿則以孟春上辛舉行祈穀
奉太祖太宗同配享十年又改以啟蟄日行祈穀禮於圖
丘仍止奉太祖一位配享十七年九月詔舉明堂大饗禮
於大內之元極寶殿奉獻皇帝配享隆慶元年詔罷明堂

配享通典

祈穀

嘉靖十年正月辛卯祈穀於大祀殿奉太祖太宗配本紀

明初未行祈穀之典世宗欲更定二祖分配禮因諸臣固請乃許於大祀殿祈穀奉二祖配至是始以上辛日舉行

禮畢帝心以為未當諭張璠曰自古惟以祖配天今二祖並配決不可法後世嗣後大報與祈穀祇奉太祖配尋親製祝文更定儀注改用驚蟄節禮視大祀少殺不設從壇不燔柴著為定典三編

十一年正月辛未祈穀於圓丘始命武定侯郭勛攝事本紀

明會要卷八

四

給事中葉洪言祈穀大報祀名不同郊天一也祖宗無不親郊成化宏治間或有故甯展至三月蓋以郊祀禮重不宜攝以人臣請俟聖躬痊改卜吉日行禮不從禮志

文彬按世宗釐正祀典皆能折衷於古顧郊祀更定後三十餘年間祀南郊者七祀方澤者一議行祈穀大饗諸典僅初舉時一躬親以後皆遣代所為紛紛制作徒崇虛文以飾觀瞻而已

十八年二月丁未祈穀於元極寶殿不奉配遂為定制禮志
隆慶元年正月禮臣言先農親祭遂耕藉田即祈穀遺意今二祀並行於春未免煩數且元極寶殿在禁地百官陪

祀出入非便宜罷祈穀止先農壇行事從之同上

崇禎十四年正月辛巳祈穀於南郊本紀

十五年正月行祈穀禮上辛即在朔日辛未禮部以朝賀不便疏請改十一日辛巳為中辛得旨改中辛日行禮五禮通考

大雩禮雨附

明初凡水旱災傷及非常變異或躬禱或露告於宮中或於奉天殿陛或遣官祭告郊廟陵寢及社稷山川無常儀洪武二年太祖以春久不雨祈告諸神祇中設風雲雷雨嶽鎮海瀆凡五壇帝親行禮已上禮志

明會要卷八

五

三年六月戊午朔以久旱禱雨素服草屨徒步至山川壇露宿凡三日本紀

七年五月大雩吾學編

宣德八年六月乙酉禱雨不應作閔旱詩示羣臣

景泰六年五月己巳禱雨於南郊

成化六年二月丁丑禱雨於郊壇

八年四月旱遣使禱於郊社山川淮瀆東海之神已上本紀

宏治十七年五月畿內山東久旱遣官祭告天壽山分命各巡撫祭告北嶽北鎮東嶽東鎮大海

嘉靖八年帝諭禮部去冬少雪當春雨澤不降當親祭南

郊社稷山川尙書方獻夫等具上儀注二月親禱南郊山川同日社稷用次日不除道冠服淺色羣臣同文五品武四品以上於大祀門外餘官於南天門外就班陪祀

九年帝欲於奉天殿丹陛上行大雩禮夏言請築雩壇每歲孟春祈穀後雨暘時若則雩祭遣官攝行如雨澤愆期則躬行禱祝

十一年乃建雩壇於圓丘壇外泰元門之東歲旱則禱奉太祖配已上明會典

十二年夏言等言古者大雩之祀命樂正習盛樂舞皇舞蓋假聲容之和以宣陰陽之氣請於三獻禮成之後九奏

明會要卷八

六

樂止之時樂奏雲門之舞仍命儒臣括雲漢詩詞制雲門

一曲使文武舞士竝舞而合歌之禮志

十七年四月大雩時將躬禱郊壇帝諭禮部禱雨乃脩省

事不用全儀不奉祖配實錄

二十二年七月丙午以久旱親禱雩壇大政記

二十四年四月丙申上禱雨於神祇壇實錄

三十七年五月大雩大政記

四十三年四月大雩同上

四十五年六月親禱雨於凝道雷軒

萬曆十三年二月旱庚午大雩三月甲申大雩四月丙午

大雩

崇禎元年五月辛巳禱雨

四年四月庚戌禱雨五月甲戌朔步禱於南郊已上本紀

大饗

明初無明堂祀上帝及配位之制嘉靖十七年前揚州府同知豐坊上言孝莫大於嚴父嚴父莫大於配天宜建明堂尊皇考為宗以配上帝下禮部會議尙書嚴嵩言明堂圓丘皆所以事天今大祀殿在圓丘之北禁城東南正應古之方位明堂秋饗之禮即此可行不必更建至侑饗之禮昔周公宗祀文王於明堂傳以為萬物成形於秋故秋

明會要卷八

七

祀明堂以父配之取其成物之時也自漢武迄唐宋諸君莫不皆然主親親也至錢公輔司馬光等之議則主於祖宗之功德今以功德論則宜配文皇以親親論則宜配獻皇至稱宗之禮則未有稱宗而不耐太廟者臣等不敢妄議帝降旨明堂秋報大禮宜於奉天殿行之其配享皇考稱宗何為不可命再議戶部侍郎唐胄疏爭之曰三代之禮莫備於周孝經曰郊祀后稷以配天宗祀文王於明堂以配上帝又曰嚴父莫大於配天則周公其人也說者謂周公有聖人之德制作禮樂而文王固其父故引以證聖人之孝答曾子問而已非謂有天下者皆必以父配天然

後為孝不然周公輔成王踐阼其禮蓋為成王而制於周公為嚴父於成王為嚴祖矣然周公歸政之後未聞成王以嚴父之故廢文王配天之祭而移於武王也及康繼成亦未聞以嚴父之故廢文王配天之祭而移於成王也後世祀明堂者皆配以父此乃誤孝經之義而違先王之禮昔有問於宋儒朱熹者曰周公之後當以文王配耶當以時王之父配耶朱熹曰祇當以文王配又問繼周者如何熹曰祇以有功之祖配之後來第為嚴父之說所惑耳由此觀之明堂之配不專於父明矣皇上繼統之初廷臣執為人後之說於是力正大倫惟張孚敬席書諸臣及何淵

明會要卷八

八

有建廟之議陛下嘉答諸臣亦云朕奉天法祖豈敢有干太廟顧今日乃惑於豐坊之言耶臣謂明堂之禮誠不可廢惟當奉太宗配於禮為宜若獻皇帝得聖人為之子不待稱宗議配而專廟之享百世不遷矣疏入帝怒下胄詔獄嵩乃再會廷臣議請奉獻皇帝配明堂而文皇帝配祀於孟春祈穀帝從獻皇帝配帝之請卻文皇議不行已復集文武大臣於東閣議獻皇帝宜稱宗帝以疏不言耐廟留中不下乃設為臣下奏對之詞作明堂或問以示輔臣大略言文皇遠祖不應嚴父之義宜以父配稱宗雖無定說尊親崇上義所當行既稱宗則當耐廟豈有太廟中四親

不具之禮帝既排正議崇私親心念太宗永無配享無以謝廷臣乃上獻皇帝廟號曰睿宗而改稱太宗號曰成祖時未建明堂迨季秋遂大饗上帝於元極寶殿奉睿宗配禮志三編二十一年四月丙辰建大饗殿諭禮部曰周之明堂與郊祀並重曩以季秋享地未定特祭於元極寶殿朕心歉焉茲朕自作制象立為殿恭薦名曰泰享用昭寅奉上帝之意乃定歲以秋季大饗上帝奉皇考睿宗配享行禮如南郊陳設如祈穀通典

明會要卷八

九

通典云明堂之禮明初未議及嘉靖中豐坊首創嚴父配天之說迎合上意由是特舉斯禮追崇所生元極既配之後明年幸承天享帝於龍飛殿亦奉獻皇帝配其後自定規制更建泰享殿三年而後成然大享之禮終未舉行內殿殿薦亦止遣官攝事蓋帝之排羣議崇私親雖矯強於一時終有怒然不自安者故禮臣敦請屢諭緩行非僅耽奉元脩憚乘輿之一出也先聖所云名不正言不順而事不成者豈不信哉

二十四年八月辛丑大饗殿成禮部請行秋享於新殿上命是秋仍於元極寶殿行禮自是歲遣官行之以為常上同隆慶元年禮臣言我朝大饗之禮自皇考舉行追崇睿宗

以昭嚴父配天之孝自皇上視之則睿宗爲皇祖非周人宗祀文王於明堂之義於是帝從其請罷大享禮命元極寶殿仍改欽安殿禮志

朝日夕月

洪武三年禮官言古者祀日月之禮有六然郊之祭大報天而主日配以月此從祀之禮非正祀也大宗伯肆類於四郊兆日於東郊兆月於西郊觀禮祀方明禮日於南門之外禮月於北門之外此因事之祭非常祀也惟春分朝日於東門之外秋分夕月於西門之外此祀之正與常者蓋天地至尊故用其始而祭以二至日月陰陽之義春分

明會要卷八

十

陽氣方永秋分陰氣始長故祭以二分今宜各設壇專祀朝日壇築於城東門外夕月壇築於城西門外朝日以春分夕月以秋分星辰則耐祭於月壇從之春明夢餘錄七年二月丁酉朔日有食之是日春分禮官奏朝日禮改用已亥制日可典

二十一年二月增脩南郊壇壝於大祀殿丹墀內疊石爲臺四東西相向以爲日月星辰四壇其朝日夕月崇星之祭悉罷之通典

嘉靖九年二月帝諭張璁曰日月照臨其功甚大太歲等神歲有二祭而日月星辰止一從祭於義未安當並建東

西郊與南北郊而四遂定春秋分之祭如常儀而建朝日壇於朝陽門外西向夕月壇於阜成門外東向禮志三編時改郊壇禮朝日夕月等壇玉爵各用其方之色因詔求

紅黃玉於天方哈密諸國不可得有回回館通事撒文秀者言二玉產在阿丹去吐魯番西南二千里其地兩山對峙自爲雌雄或自鳴請如永樂宣德時齋重賄往購帝從部議已之外國傳

十年夕月壇以鐵爐置於坎上焚燎不必造燎壇以稱祭月于坎之義圖書編

二月庚辰上親祀大明於朝日壇八月癸未親祀夜明於

明會要卷八

十一

夕月壇大政記隆慶元年禮部議定東郊以甲丙戊庚壬年西郊以丑辰未戌年車駕親祭餘歲遣文大臣攝祭朝日壇武大臣攝祭夕月壇禮志

三年禮部上朝日儀言正祭遇風雨則設小次於壇前駕就小次行禮其升降奠獻俱以太常寺執事官代制日可會典

天啟六年二月己亥祭日於東郊本紀

星辰

洪武三年帝謂中書省臣日月皆專壇祭而星辰乃耐祭

於月壇非禮也禮部擬於城南諸神享祭壇正南向增九
間日月及周天星辰皆於是行禮朝日夕月用春秋分祭
星辰則於天壽節前三日從之

四年九月帝躬祀周天星辰儀如朝日

二十一年以星辰既從祀南郊罷祭星之祭

先是元年太常司奏請以立秋後辰日祀靈星立冬後亥
日祀司中司命司民司祿為壇於城南從之二年從禮部
尚書崔亮奏每歲聖壽日祭壽星同日祭司中司命司民
司祿八月望日祀靈星皆遣官行禮至三年罷壽星等祀

禮志

明會要卷八

三

太歲風雲雷雨之祀

洪武初以太歲風雷雨師從祀圓丘增雲師於風師之次

會典

二年以太歲風雲雷雨諸神合祀城南享祀之所未有壇
壇非尊神之道命禮官考古制以聞禮官奏太歲風雲雷
雨嶽鎮海瀆及天下山川城隍諸神宜合為一壇春秋專
祀從之遂定以驚蟄秋分日祀太歲諸神以清明霜降日

祀岳瀆諸神王圻續通考

六年命天下祀風雲雷雨之神通典

七年令春秋上旬擇日祭太歲未幾以諸神從祀南郊遂

省春祭春明夢餘錄

嘉靖九年改定風雲雷雨神牌次序曰雲雨風雷舊聞

十年何孟春言國初定祭太歲於山川壇之正殿而以春
夏秋冬四月將分祀兩廡或謂月將非經見者按祭法埋
少牢於泰昭祭時也相近於坎壇祭寒暑也太歲實統四
時而月將四時之候寒暑行焉古人有時與寒暑之祭今

祭太歲月將則固時與寒暑之神孰謂非經見耶春明夢餘錄

是年建太歲壇於正陽門外之西與天壇對中太歲殿東

廡春秋月將二壇西廡夏冬月將二壇帝親祭於拜殿中

每歲孟春享廟歲暮禘祭之日遣官致祭禮志

明會要卷八

三

十一年釐正祀典改敘雲雨風雷祭期每歲仲春秋上旬

擇日行事並同社稷儀注通典

社稷

吳元年八月癸丑建社稷壇於宮城西南北向異壇同壇

王圻續通考

洪武元年二月戊申祀社稷太社以句龍配太稷以周棄
配是日上親祀社稷服皮弁服省牲祭服通天冠絳紗袍
行三獻禮初上命中書省翰林院議創屋備風雨學士陶
安言天子太社必受風雨霜露亡國之社則屋之不受天

陽也建屋非宜若遇風雨則請於齋宮望祭從之春明夢餘錄

十二月己丑頒社稷壇制於天下郡邑皆建於本城西北
右社左稷祭用春秋二仲月上戊日禮志

三年於社稷壇北建享殿又北建拜殿五間以備風雨通典

十年八月癸丑太祖以社稷分祭配祀未當下禮部議尙

書張籌歷引禮經及漢唐以來之制請改建於午門外之

右社稷共爲一壇罷句龍棄配位奉仁祖配享遂升爲大

祀紀事本末明
史張籌傳

文彬按社稷升爲大祀始於唐天寶三載至於同壇合

祭奉祖配享自周以來二千餘年未之聞初陶安議禮

謂社稷之社與郊社之社異社與郊對舉則天地分祭

之本義也社與稷異名則社稷異壇之本義也故據古

禮分祀而以句龍配社后稷配稷今張籌迎合上意改

爲合祀改爲配祖說多強爲傅會且旣以仁祖配南郊

合祭之社又以配五土之社混淆無別於尊祖親地之

道兩失之此與改天地合祀同一變禮之過也

十一年禮臣言太社稷旣同壇合祭王國各府州縣亦宜

同壇稱國社國稷之神不設配位詔可

十三年九月復定制兩壇一壇如初式已上禮志

建文元年二月祀社稷奉太祖配撤仁祖位太常紀

永樂十九年正月北京社稷壇成制如南京奉安神位遣

明會要卷八

南

太孫行事實錄

洪熙元年二月祭社稷奉太祖太宗同配命禮部永爲定

式通典

宣德二年二月祀社稷仍用上戊日是日適當萬壽節禮

官以祭期妨慶典請改用中甸帝以祖宗定制不可改至

日行禮如常實錄

正統二年令應天府建社稷壇春秋祈報以守臣行事會典

嘉靖九年諭禮部天地至尊次則宗廟次則社稷今奉祖

配天又奉祖配社此禮官之失也宜改從皇祖舊制太社

以句龍配太稷以后稷配禮志

明會要卷八

五

十年上命於西苑空閒地開墾爲田樹藝五穀改土穀壇

爲帝社帝稷壇每歲仲春秋上戊之明日祭帝社帝稷春

錄餘

十八年三月帝至承天秩於國社國稷本紀

隆慶元年禮部言帝社稷之名自古所無嫌於煩數宜罷

從之禮志

通典云按漢書郊祀志有太社太稷又別立官社臣瓚

注所謂王社是也自魏晉至唐皆有帝社相沿已久嘉

靖時帝社稷之名不爲無據隆慶禮臣謂自古所無未

免失考以爲煩數而罷之則可矣

郊廟先是改山川為中祀嘉靖中凡山川皆天子親祀國
有大事則遣官祭告會典

十一年大學士李時等以聖嗣未降請廷臣詣嶽鎮名山
祝禱禮部尚書夏言言輔臣所請止於嶽鎮竊以山川海
瀆發祥效靈與嶽鎮同功祈禱之禮皆不可缺遂命大臣
詣壇分祀吾學編

是年改山川壇名為天地神祇壇天神壇在左南向改序
雲雨風雷凡四壇地祇壇在右北向五岳五鎮五陵山四
海四瀆凡五壇從祀京畿山川西向天下山川東向以辰
戌丑未年仲秋皇帝親祭餘年遣大臣攝祭明會典

明會要卷八

六

隆慶元年禮臣言天神地祇已從祀南北郊其仲秋神祇
之祭不宜復舉令罷之禮志

先農

吳元年十一月太祖欲舉行藉田禮諭廷臣曰古者天子
藉田千畝所以供粢盛備饋膳自經喪亂其禮遂廢上無
以教下無以勸夫欲財用之不竭國家之常裕鬼神之常
享莫先務農遂命以來春舉藉田禮大訓記

初御史尋適請行耕藉享先農禮上命禮官錢用壬等議
謂先農與社異當以耕藉日祭之國語農正陳藉禮韋昭
注云祭其神為農祈也漢以藉田之日祀先農其禮始著

由晉至唐宋相沿不廢政和間命有司享先農止行親耕
禮南渡後復親祀元雖議耕藉竟不親行其祀先農命有
司攝事今議耕藉之日皇帝躬祀先農禮畢躬耕藉田以
仲春擇日行事從之春明夢餘錄

洪武二年二月帝建先農壇於南郊在藉田北親祭先農
以后稷配祀畢行耕藉禮御耒耜二具韜以青絹御耕牛
四被以青衣禮畢皇帝還大次應天府尹及上元江甯兩
縣令率庶人終畝是日宴勞百官耆老於壇所禮志
八年遣應天府尹祭先農不設配春明夢餘錄
十年二月遣官享先農命應天府官率農民耆老陪祀禮志

明會要卷八

九

二十年二月上躬耕藉田遣官享先農禮成宴羣臣於壇
所明通紀

二十一年更定祭先農儀不設配位禮志

永樂中建壇京師如南京制在太歲壇西南每歲仲春上
戊順天府尹致祭後凡遇登極之初行耕藉禮則親祭上
宣德元年禮部進春耕藉田儀注上觀之謂侍臣曰先王
制藉田以供粢盛以率天下務農天子公卿躬秉耒耜貴
有實心耳不然三推五推何益於事通典
宏治元年二月丁未耕藉田禮畢宴羣臣教坊以雜伎進
都御史馬文升厲聲曰新天子當知稼穡艱難豈宜以此

瀆亂宸聰卽斥去之耕藉之禮自成祖以後唯登極一行之至是始定於每歲仲春上躬自行禮定爲制三編

嘉靖元年命終畝農夫照例引見人賞布一疋圖書編

九年二月禮部上耕藉儀帝以其過煩命來歲別議錄

十年正月更定耕藉儀同又命墾西苑隙地爲田建殿曰

無逸亭曰幽風又曰省耕曰省斂置倉曰恆裕貯田之所

入以供祀事會典

十六年諭凡遇親耕則戶部尙書先祭先農皇帝至行三

推禮

三十八年罷親耕惟遣官祭先農禮志

明會要卷八

辛

四十一年遣順天府尹祭先農免樂舞圖書編

隆慶元年罷西苑耕種諸祀皆取之藉田禮志

二年二月己亥耕藉田以禮部言增上中下三等農夫各

十人於耆老之後如宏治中例通紀

崇禎十五年二月親祭先農行藉田禮科臣沈迅言教坊

承應歌詞俚俗宜改正上諭閣臣以後耕藉宜歌幽風無

逸之詩教坊俚俗之詞斥令改正春明夢餘錄

先蠶

洪武二年二月命皇后率內外命婦蠶於北郊通紀

嘉靖九年正月丙午作先蠶壇於北郊本紀初給事中夏言

請皇后親蠶以爲耕蠶禮本並行不宜偏廢帝召禮官詳

考古制大學士張璠等請於安定門外建先蠶壇從之三

月丁巳皇后親蠶於北郊禮畢親詣采桑壇公主及內外

命婦從之賜宴畢還宮踰月蠶事告成復行浴繭禮編

十年改築先蠶壇於西苑仁壽宮側四月丁巳皇后行親

蠶禮於西苑十六年詔罷之仍命進蠶具如常儀遣女官

祭先蠶三十一年罷親蠶禮四十一年並罷所司奏請通典

高禘

嘉靖九年張璠疏頃者生員李時颺監生張岑各疏請舉

祀高禘之禮以祈聖嗣夫古后稷之生祈於郊禘孔子之

明會要卷八

辛

生禱於尼山乞禱之說古禮有之然大雅既醉之詩曰公

尸嘉告曰君子萬年永錫祚允曰釐爾女士從以孫子夫

公尸之告皆祖考之錫福也願值茲慎選淑女之時以廣

求嗣續之誠告於太廟世廟以祈祖考之祐以慰聖母之

心上嘉其請於是建木臺於皇城東永安門北震方擇十

二月二十四日行禮夏言充祈嗣醮壇監禮使春明夢餘錄

十一年十一月復於欽安殿建祈嗣醮以夏言充監禮使

湛若水顧鼎臣充迎嗣導引官實錄

城隍

洪武二年封京師及天下城隍圖書編

是年以城隍止合祀於城南諸神享祀之所未有壇壝非

隆敬神祇之道命禮官考古制以聞禮官言國家開創之

初嘗以京城城隍及天下城隍祀於城南享祀之所既非

專祀又室而不壇非禮所宜今宜以城隍及太歲風雨等

合為一壇春秋祀之詔可春明夢餘錄

三年詔去封號止稱某府州縣城隍之神命從祀於山川

壇會典

九月戊子京師城隍廟成改東嶽行祠為之大政記

永樂中建廟都城之西曰大威靈祠禮志

宏治中倪岳疏歲以五月十一日為神之誕辰及萬壽聖

節各遣官致祭夫廟祀城隍之神本非人鬼安得誕辰可

謂謬妄况每歲南郊大祀壇八月山川壇俱有合祭之禮

事體已重與天下府州縣之祭不同所有前項祭告煩瀆

無據俱各罷免王圻通考

嘉靖九年罷山川壇從祀歲以仲秋祭旗纛日並祭都城

隍之神凡聖誕節及五月十一日神誕皆遣太常寺堂上

官行禮國有大災則告廟在王國者王親祭之在各府州

縣者守令主之禮志

明會要卷八終

明會要卷九

永新龍文

禮四吉禮

宗廟

吳元年九月甲戌朔太廟成四世祖各為一廟中德祖東

懿祖次仁祖西熙祖皆南向每廟東西有夾室旁兩廡三

門門設二十四戟繚以周垣如都宮之制吾學編

洪武元年正月製太廟祭器太祖曰近世泥古好用古籩

豆之屬以祭其先生既不用死而用之甚無謂也其製宗

廟器服御皆如事生之儀於是造銀器以金塗之酒壺孟

盞皆八朱漆盤椀二百四十及揮梳枕篋筥筒幃幔浴室

皆具後又詔以金塗銀者俱易以金

八年七月辛酉改建太廟前正殿後寢殿殿翼皆有兩廡

寢殿九間間一室奉藏神主為同堂異室之制中室奉德

祖東一室奉懿祖西一室奉熙祖東二室奉仁祖皆南向

十五年以孝慈皇后神主附享太廟其後皇后附廟仿此

建文即位奉太祖神主附廟正殿神座次熙祖東向寢殿

神主居西二室南向已上禮志

永樂十八年建廟北京如南京之制前正殿九間翼以兩

廡後寢殿九間間一室皆南向春明夢餘錄

明會要卷九

十九年正月甲子朔奉安五廟神主於太廟本紀

洪熙元年二月丙寅太宗神主附太廟同上

成化二十三年八月憲宗將升祔而九室已備始奉祧懿

祖熙祖而下皆以次奉遷迺奉憲宗神主於寢殿西第四

室南向正殿神座右第四位東向先期告憲宗几筵祭畢

奉遷懿祖神主衣冠於後殿牀幔儀物俱暫貯於神庫會典

宏治十七年三月癸未定太廟各室一帝一后之制本紀

嘉靖五年七月壬午朔享太廟遣駙馬崔元代給事中章

僑言曰廟享重禮無故不宜遣代元雖親屬貴臣終非氣

類相感安能致祖宗之享况臨時差遣倉皇就位誠敬何

明會要卷九

二

存上以僑妄言奪俸三月章僑傳

十年正月甲午更定廟祀奉德祖於祧廟本紀敕諭禮部以

太祖高皇帝重闢宇宙肇運開基四時享祭歷於德祖不

得正南向之位命祧德祖而奉太祖神主居寢殿中一室

為不遷之祖太宗而下皆以次奉遷每歲孟春特享夏秋

冬合享改擇季冬中旬大禘而以歲除為節祭歸之奉先

殿特享則奉太祖居中太宗而下以次居左右各設一幄

南向合享則奉太祖居中南向太宗而下以次東西向大

禘則奉德祖於太廟居中南向懿祖而下皆以次東西向

會典

十三年六月甲子南京太廟災上以南京祖宗根本之地

令禮部擇日上易服親詣太廟祭告專遣大臣一人往南

京祭告先是上欲更營京師太廟命夏言等相度規制會

南京太廟災禮部尚書湛若水請權將南京太廟香火併

於奉先殿重建太廟補造列聖神主上召言會廷臣集議

言等言國有二廟自漢惠始神有三主自齊桓始周之三

都三廟乃遷國立廟去國載主非二廟二主也子孫之身

乃祖宗所依聖子神孫既親奉祀事於此則祖宗神靈自

當陟降於此今日正當專定廟議一以此地為根本南京

原有奉先殿其朝夕香火當合併供奉如常太廟遺址當

明會要卷九

三

仿古壇墀遺意高築牆垣謹司啟閉以致尊嚴之義王圻續通

考帝欲改建九廟夏言又言京師宗廟將復古制而南京

太廟遠災殆皇天列祖啟佑默相不可不靈承者帝悅詔

春和興工諸臣議於太廟南左為三昭廟與文祖世室而

四右為三穆廟羣廟各深十六丈有奇而世室殿寢稍崇

具圖進帝以世室尚當隆異令再議言等請增拓殿寢視

羣廟崇廣報可

十四年正月諭閣臣今擬建文祖廟為世室則皇考世廟

字當避張孚敬言世廟著明倫大典頒詔四方不可改文

世室宜稱太宗廟其餘羣廟不用宗字用本廟號他日遞

遷更牌額可也從之二月己亥作九廟盡撤故廟更建之諸廟各爲都宮廟各有殿有寢太祖廟寢後有祧廟奉祧主藏焉太廟門殿皆南向羣廟門東西向內門殿寢皆南向

十五年十二月辛卯新廟成乃奉安德懿熙仁四祖神主於祧廟太祖神主於太廟太宗以下神主於羣廟

十七年九月辛巳上太宗廟號成祖獻皇帝廟號睿宗

二十年四月辛酉九廟災燬成祖仁宗主上親祭告南北郊宗廟青服御西角門視事

二十二年十月壬戌上以舊廟基隘命相度規制議三上

明會要卷九

四

不報久之乃命復同堂異室之制諭曰太祖肇基之初首建四親廟其後更制特奉殿薦同乎一堂當其始事豈不博采遐觀卒從同堂異室之規以示酌古準今之義暨我成祖定鼎於茲廟寢之營率遵其舊百數十年以裕以享緝於純嘏則有由然夫萃之爲享其則不遠曩因廷臣之議咸稱七廟之文是用創興以從周典乃所司討論不詳區畫失當成祖以六世未盡之親而遽遷世室不獲奉於三昭仁宗以穆位有常之主而移就左宮遂致紊於班祔武宗朕兄也不得用爲一世顧居七廟之中有妨十世之祀揆之古義斯爲戾矣往者回祿之警天與祖宗實啟朕

心茲當重建之辰所宜釐正以圖新制又我皇考睿宗廟於都宮之外朕每事廟中考廟未備雖於祀祀同享而奉主往來深爲瀆擾茲禮官會議欲奉處於孝宗同廟雖爲兄弟同世之義然題扁各殊終未爲安朕是究是圖惟遵先制其永無愆夫禮非天降乃起人情祖考列聖惟聚一堂斯實時義之順者茲當建立新廟仍復舊制前爲太廟後爲寢又後爲祧以藏遷主太祖居中羣廟分爲左右每時祫祭享奉太祖正位南向而奉迎成祖及羣廟及皇考廟神主俱同堂而序祭祭畢奉列廟主歸寢

二十四年六月壬辰朔新太廟成禮部奏上奉安神主儀

明會要卷九

五

注先期祭告從之御史周冕言大典初成皇上宜於奉安之日親致孝享不宜更遣官代攝以負神人之望帝怒下詔獄七月辛酉朔奉安太祖列聖神主於太廟太祖居中左四序成宣憲睿右四序仁英孝武皆南向德懿熙仁四祖爲祧廟亦南向於是奉睿宗於太廟之左第四序躋武宗上而罷特廟之祀二十七年十一月丙子詔議孝烈皇后祔廟既而罷之先是部臣以后喪且期年神主宜祔享乃援孝潔皇后故事請權祔奉先殿東夾室上曰非正也可卽祔太廟於是嚴

嵩等請設位於太廟東皇妣睿皇后之次後寢藏主則設
幄於憲廟皇祖妣之右以從附於祖姑之義上曰安有享
從此而主藏彼之禮其祧仁宗附以新序即朕位次勿得
亂禮嵩曰附新序非臣下所敢言上命姑已之且俟再葺
以聞二十八年十一月甲申命藏孝烈神主於皇妣獻皇
后之側而上終欲附孝烈入廟自為一世二十九年十一
月復下禮部議尙書徐階抗言女后無先入廟者宜祀之
奉先殿給事中楊思忠亦以為然上大怒階等惶恐謝罪
會孝烈忌日請祭上曰孝烈繼后所奉者又入繼之君忌
不祭亦可於是階等上祧附儀注如上指遂祧仁宗而附

明會要卷九

六

孝烈於太廟之第九室已上實錄

隆慶元年正月禮部尙書高儀等言孝潔皇后肅皇帝元
配也太廟附享惟一帝一后后惟元配今孝烈先附若奉
孝潔同附則二后並配非制若以孝烈先附而孝潔遂不
附舍元配而附繼后亦非制請孝潔附享移孝烈於宏孝
殿從之會典

六年八月穆宗將附廟敕禮臣議當祧廟室部議宣宗世
次尙近祧之未安但於寢殿左右各增一室則尊祖敬宗
並行不悖帝命如舊敕行遂祧宣宗禮志
萬曆九年禮科給事中丁汝謙奏列聖嘗君臨天下睿皇

帝北面事之一旦與之並列非禮躋武宗之右又非禮且
世廟常尊百世不遷宜以睿宗專祭於世廟太常紀
天啟元年七月光宗將附廟太常卿洪文衡請無祧憲宗
而祧睿宗不聽禮志
通典云按明廟制太祖首建四親廟世宗定太祖南向
之位皆得禮之正其闕而未備者建文祭享無聞景泰
廟號不立神宗時禮科都給事中萬象春嘗上疏極言
未獲俞允而睿皇帝以私親躋武宗之上終明之世莫
之或改亦失禮之甚者矣

廟議

明會要卷九

七

洪武元年命中書省集儒臣議祀典李善長等言周制天
子七廟而商書曰七世之廟可以觀德則知天子七廟自
古有之太祖百世不遷三昭三穆以世次比至親盡而遷
此有天下之常禮若周文王武王以有功當宗不祧故皆
別立一廟謂之文世室武世室亦百世不遷漢每帝輒立
一廟不序昭穆又有郡國廟及寢園廟光武中興於洛陽
立高廟祀高祖及文武宣元五帝又於長安故高廟中祀
成哀平三帝別立四親廟於南陽春陵祀父南頓君以上
四世至明帝遺詔藏主於光烈皇后更衣別室後帝相承
皆藏於世祖之廟由是同堂異室之制至於元莫之改唐

高祖尊高曾祖考立四廟於長安太宗議立七廟虛太祖之室元宗創制立九室祀八世文宗時禮官以景帝受封於唐高祖太宗創業受命百代不遷親盡之主禮合祧遷至禘祫則合享如常其後以敬文武三宗爲一代故終唐之世常爲九世十一室宋自太祖追尊僖順翼宣四祖每遇禘則以昭穆相對而虛東向之位神宗奉僖祖爲太廟始祖至徽宗時增太廟爲十室而不祧者五宗崇甯中取王肅說謂二祧在七世之外乃建九廟高宗南渡祀九世至於甯宗始別建四祖殿而正太祖東向之位元世祖建宗廟於燕京以太祖居中爲不遷之祖至泰定中爲七世

明會要卷九

八

十室今請追尊高曾祖考四代各爲一廟禮志

孝宗卽位憲宗將升祔時九廟已備禮部尙書周洪謨言國家自德祖以上莫推世次德祖視周后稷不可祧太祖太宗視周文武百世不遷憲宗升祔當祧懿祖宜於太廟寢殿後別建祧廟如古夾室之制歲暮則奉祧主合享如古祫祭之禮吏部侍郎楊守陳言禮天子七廟祖功而宗德德祖可比商報乙周亞圉非契稷比議者習見宋儒嘗取王安石說遂使七廟既有始祖又有太祖太祖既配天又不得正南向之位非禮之正今請並祧德懿熙三祖自仁祖下爲七廟異時祧盡則太祖擬契稷而祧主藏於後

寢祫祭行於前殿時享尊太祖祫祭尊德祖則功德並崇恩義亦備帝竟從禮官議上同

楊守陳疏云往者欽蒙敕諭以憲宗純皇帝將祔太廟當定九廟祧遷之制命文武大臣下逮臣等會議臣愚無識以爲當據古禮而定七廟祧德祖懿祖熙祖三廟以仁祖太祖太宗仁宗宣宗英宗憲宗爲七廟別爲殿於太廟之後以奉三廟神主三歲一祫以後仁祖及仁宗以下親盡而祧皆祧於三祖之廟而太祖太宗皆百世不遷庶無悖禮臣議若此眾議建別殿以藏祧主而行祫禮與臣議同唯以明詔言九廟德祖當爲始祖不遷但請祧懿祖與臣

明會要卷九

九

議異臣退而思之竊以爲詔書九廟容或猶可若德祖不祧以爲百世之祖則有不可孔子曰祖有功宗有德此萬世不易之論也天子七廟太祖之廟百世不遷餘皆祧毀此四代帝王之成法也請詳陳之唐虞之文祖尙矣夏之時顓頊既帝而鯀無功故以禹爲始祖殷之始祖曰契周之始祖曰稷皆有大功故號太祖而郊祀配天其廟不遷漢及魏晉上祖無功皆以創業之君爲太祖李唐祀四世謚其高祖曰宣簡公會祖曰懿王祖曰元皇帝而其考謚景皇帝有功實號太祖趙宋亦祀四世號其高曾祖考爲僖順翼宣四祖而以藝祖開國廟號太祖凡號太祖者必

以配天此皆據理以定名號以示當祧與不遷之意矣故魏宋之廟太祖以上親盡皆祧而太祖歷世不遷時無議者唐至中宗既祧宣簡於夾室元宗仍復宣簡而諡爲獻祖并諡懿王爲懿祖至肅宗并祧獻懿德宗又祧元帝於是太祖居東第一室矣然至禘祫之時則獻祖居尊東向而太祖在昭穆之列當時人心猶嫌議者紛然卒遷獻懿之祖於興聖廟不與祫祭而太祖正東向之位爲不遷之祖終唐之世無復議者宋至神宗已祧僖祖於夾室及王安石用事仍復僖祖且定之爲始祖而居累朝祫祭所虛東向之位遷順祖於夾室當時名臣韓維司馬光孫固王

明會要卷九

十

介張師顏者羣議力爭莫能回也哲宗既祧翼祖徽宗又祧宣祖而僖祖猶居尊位太祖猶列昭穆人心亦嫌故高宗以來如董蔡王晉之倫屢嘗論列甯宗乃用趙汝愚鄭僑樓鑰陳傅良諸臣之議并祧僖宣二祖別建四廟殿以奉祧主時唯一朱熹爭之不勝於是太祖始居第一室而祫祭東向之位終宋世不遷無復議矣此則凡號太祖而配之者必居尊位而百世不遷然後合乎典禮協於人心而無可議也國初追帝高曾祖考爲德懿熙仁四祖亦但以爲四親廟而已初無祖功之意故郊祀配天則以仁祖亦唯取嚴父之義耳固未嘗以德祖擬商周之稷契而輒

以配天也太宗嗣位乃尊高皇帝爲太祖而遂以配天仁祖亦不得預則其意亦以四祖親盡當祧而太祖有功不遷當如夏之以禹爲始祖漢以下以創業之君爲太祖者在禮太祖卽始祖高皇帝既號太祖復號德祖爲始祖豈先王之禮祖宗之意哉且古者一帝一廟廟皆南向後世同堂異室亦皆南向時享則諸帝皆南面而各尊唯祫祭則始祖獨尊餘則左右分向皆卑也我朝時享之禮則惟德祖南面獨尊餘皆東西向而卑已如祫之儀矣今祧懿祖則以德祖爲始祖而百世不遷永居南面之位而常尊太祖永居西向之位而常卑後世臣子瞻之孰無憾悵

明會要卷九

十一

必有博聞達禮之儒昌言正議而羣臣和之天子從之卒祧德祖而尊太祖然後已耳唐宋之事是明鑑也若祧德祖則異日以次祧盡而太祖可居南面之尊以稱其名實此天下人心之同願雖傳萬世必無易也况別殿密邇太廟而祫祭則德祖猶居南面之位太祖諸帝皆列左右不失其尊非若唐遷獻祖於興聖廟宋遷僖祖於四祖殿而遠隔別享伸孫之尊廢祖之祭也亦何嫌哉今之議者率謂德祖猶宋之僖祖王安石嘗議尊僖祖爲始祖其後朱熹廟議實取之今尙敢有異議乎臣以爲不然安石謂僖祖有廟與稷契疑無以異熹亦謂莫若以僖祖爲稷契而

祭於太廟之初室曰疑曰莫若則其意豈真以僖祖爲稷契而合於禮之祖有功者哉蓋其說以爲若祧僖祖不可耐於孫之夾室又不可別立一廟故爲是不得已之詞耳然宋亦卒祧僖祖於別殿以藝祖爲太祖而後已蓋祖有功之禮終不可泯也况時異制殊尙有執其說之不可行於宋者而必欲行之於今乎今太廟旣無夾室若執其說雖立別廟亦不可也祧主將安置乎今旣立別殿以奉祧主無所謂下耐於孫者德祖之祧何不可之有而必強無功者以爲始祖而始有功之太祖乃不得如夏之禹漢以下創業之君何哉孔子明言祖有功宗有德安石但論本

明會要卷九

三

統而不論功德已戾乎孔子而朱子有取之者其說雖若得其要亦但如前之所云者耳今議者不察定禮不從孔子而猶以朱子爲辭廟祀不祖有功而以無功者強擬上不當祖宗之意下不愜臣子之願名與實乖文與情乖安可爲典而垂世哉陛下若姑存近制則存九廟祧德祖可矣雖從今議而每歲一祧亦無不可蓋古禮四時皆三歲一祧今四時之外實多歲暮一祭故僉議改歲暮時享爲祫乃禮之從宜而近理者亦可從也若務遵古典則當全用臣議并祧三祖但存七廟三歲而一祫乃協四代之典足垂萬世之法也時不能用

王圻續通考

文彬按文懿此疏詳明曲盡明史本傳不載其事禮志所載止四五行與此意同詞異中有退而思之云云想前疏不行復爲此疏其謂後世臣子必有博聞達禮之儒昌言正議卒祧德祖而尊太祖然後已焉者至嘉靖十年而其言果驗以是徵天理之不容終泯也禮志書吏部侍郎通考書少詹事蓋兼官也

宏治十七年孝肅周太后崩先是成化時預定周太后祔葬祭之議至是召輔臣議耐廟禮劉健等言漢以前一帝一后耐二后自唐始耐三后自宋始曩時定議慈懿太皇太后居左今大行太皇太后居右用唐宋故事帝曰事當

明會要卷九

三

師古末世不足法祖宗來惟一帝一后今若並耐是變禮從朕始也乃援孝穆紀太后別祭奉慈殿爲言下廷臣議英國公張懋等言春秋考仲子之宮胡安國傳云孟子入惠公之廟仲子無祭所以此觀之祖廟無二配而周禮有祀先妣之文疏云姜嫄也唐宋推尊太后不配食者皆別立廟祀之亦得闕宮之義宜做故事於奉先殿外建廟奉祀爲宜帝然之將建廟欽天監奏年月不宜廷議暫祀太皇太后於奉慈殿正中徙孝穆居左終明世皆用其制三編正德十一年十月御史徐文華條上宗廟禮儀祧廟祫祫特享出主耐食凡五事末言僖懿二祖旣祧太廟耐享諸

王宜罷祀皆考證經義可施行者帝責其出位妄言黜為民徐文華傳

嘉靖十一年上欲復七廟制議未決會中允廖道南疏請建九廟上喜下廷議禮官上言太廟垣外左右隙地不盈數十丈若依古制昭穆六廟在太廟前以次而南則今太廟都宮之南至承天門牆不遠即使盡闢其地為左昭右穆猶恐勢不能容若欲稍減規模不必別門異寢又恐禮未必協况古七廟九廟制度皆同今太廟巍然宏壯而羣廟隕然湫隘亦恐於義未安議者欲就太廟兩廡即分羣廟不惟去尊即卑不足以稱聖孝而遷就一時裁損廟貌

明會要卷九

西

尤非細故且有廟無寢神將安棲諸王功臣置之何所議者又欲藏主夾室夫夾室者側室也以藏祧主可也以藏親廟未毀之主情理舛矣至謂周人廟制約儉宜倣為之夫周廟門大局七个闕門小局三个則大門實容二丈一尺小門實容六尺其制過於今廟烏在其為儉約也今損於太廟羣廟可又損於世廟乎且太宗功業比隆太祖憲宗獻皇父也又可減於世廟乎今之廟主太宗之下凡有七廟將如古制三昭三穆而止六廟乎抑如商周以太宗為百世不遷之宗而加立七廟乎即使廟宇既成皇上冠冕佩玉執圭服袞循紆曲之途徧歷羣廟而行興俯拜起

明會要卷九

五

奠獻之禮非獨筋力不逮而日亦不給矣古者宗伯代后獻之文謂在一廟中而代后之亞獻未聞以一人而主一廟之祭者也且古諸侯多同姓今陪祀執事者皆可擬古諸侯乎皇上仁孝誠敬可以終歲舉祭止對越太祖之廟而不一至羣廟乎且規制儀文既分為各廟不得不降從簡易欲尊之而反卑祇見其貶損未見其隆重矣大學士邱濬謂宜一日間祭一廟歷十四日而遍此蓋無所據而強為之說耳夫自東都以來同堂異室未可盡以為非也皇上以皇考專厚世廟而太祖列聖乃不得專廟以全其尊然列聖同享太廟已極尊崇而皇考專居世廟猶為遜避若廟制大小不倫行禮親攝或異則尊卑厚薄之間不足以稱皇上孝敬之誠疏入不允竟從道南議春明夢餘錄二十二年十月壬申朔上欲更新太廟詔廷臣會議廟制廷議孝宗睿宗同居一廟同為昭帝責諸臣不竭忠任事寢其議已而左庶子江汝璧請遷皇考於穆廟以當將來世祖與成祖廟並峙明年四月贊善郭希顏言周建四親廟我太祖創造之初因之今宜立太廟以祀太祖立世室以祀成祖成祖世室居左其右則但立四親廟祀皇高祖以下至皇考睿宗而祧孝宗武宗禮臣力斥其妄上以希顏所陳亦臣子之心然廟制已定毋庸更議實錄

隆慶元年三月給事中王治言先帝追崇獻皇大備尊稱誠萬世不刊之典至入廟稱宗在今日當議更正蓋獻皇雖貴爲天子父實未嘗南面臨天下雖親爲武宗叔然嘗北面事武宗今與祖宗諸帝並列設位於武宗右揆諸古典終爲未協臣以爲獻皇帝祔太廟不免遞遷若專祀世廟則億萬世不改乞敕廷臣博議務求至當以光先帝太

孝紀事本末

萬曆二年五月穆宗將祔廟敕禮臣議當祔廟室禮科陸樹德言宣宗於穆宗僅五世請仍祔睿宗於世廟而宣宗勿祔禮志于慎行言古七廟之制三昭三穆與太祖之廟而

明會要卷九

末

七劉歆王肅並以高曾祖禰及五世六世爲三昭三穆其兄弟相傳則同堂異室不可爲一世國朝成祖旣爲世室與太祖俱百世不遷則仁宗以下必實厯六世而後三昭三穆始備孝宗與睿宗兄弟武宗與世宗兄弟昭穆同不當各爲一世世宗升祔距仁宗止六世不當祔仁宗穆宗升祔當祔仁宗不當祔宣宗引晉唐宋故事爲據其言辨而覈于模傳竝下禮部部議宣宗世次尙近祔之未安因考古者以一世爲一廟非以一君爲一世故晉之廟十一室而六世唐之廟十一室而九世宋自太祖上追始祖至徽宗始定爲九世十一室之制以太祖太宗同爲一世故也

其後徽宗祔以與哲宗同一世高宗祔以與欽宗同一世皆無所祔及光宗升祔增爲九世十二室今自宣宗至穆宗凡六世上合二祖僅八世準以宋制可以無祔但於寢殿左右各增一室則尊祖敬宗並行不悖矣帝命如舊敕行遂祔宣宗禮志

明會要卷九

七

明會要卷九終

明會要卷十

永新龍文彬纂

禮五 吉禮

禘祫

洪武元年三月丁未祫享太廟德祖皇考妣居中南向懿祖皇考妣東第一位西向熙祖皇考妣西第一位東向仁祖皇考妣東第二位西向禮志
七年御史答祿與權請舉禘祭言古之有天下者既立始祖之廟又推始祖所自出之帝祀之於始祖之廟而以始祖配之故曰禘周祭大王為始祖推本后稷以為自出之

明會要卷十

十一

帝今皇上受命已七年而禘祭未舉宜令羣臣參酌古今以成一代之典詔下禮部太常寺翰林院議以為虞夏商周四代世系明白始祖所自出可得而推故禘禮可行漢唐以來莫能明其始祖所自出當時所謂禘祭不過祫已禘之主序昭穆而祭之乃古之大祫非禘也宋神宗嘗曰禘者所以審諦始祖之所自出是則莫知祖之所自出禘禮不可行也今國家追尊四廟而始祖所自出者未有所考則禘難遽行遂寢王圻通考
宏治元年憲宗升祫禘祖乃建祫廟於寢後殿歲暮奉祫主至太廟行祫祭禮通典

嘉靖十年世宗以禘祫義詢大學士張璁令與夏言議言撰禘義一篇略言我祖宗之有天下以德祖為始祖百六十年居中南向享太廟歲時之祭今陛下定大祫之祭又以德祖統羣廟之主若使主禘之祭仍尊德祖夫既身為太祖之始祖矣而又為始祖之所自出恐無是理朱子亦曰禘自始祖之廟推所自出之帝設虛位以祀之而以始祖配夫三代以下必欲如虞夏商周之禘黃帝帝嚳則既無所考若強求其人如李唐之祖時又非孝子慈孫之所忍為臣以為宜設初祖虛位而以太祖配蓋太祖初有天下實始祖也帝深然之會中允廖道南謂皇姓為顓頊裔

明會要卷十

十二

請以太祖實錄為據禘顓頊遂詔禮部會議諸臣咸謂稱虛位者茫昧無據尊顓頊者世遠難稽廟制既定高皇帝始祖之位當禘德祖為正帝意主虛位令再議而言復疏論禘德祖有四可疑且今所定太祖為太廟中之始祖非王者立始祖廟之始祖帝卒從言議乃於太廟設虛位以禘皇初祖南向奉太祖配西向行禮如南郊儀定以丙辛歲行敕禮部具儀通典
四月甲子禘於太廟紀本
是年冬諭禮部曰太祖以恩隆德祖今日當以義尊太祖祫祭奉四祖同太祖皆南向庶見太廟為特尊太祖之意

夏言奏禮合羣廟之主祭於太祖之廟是爲大禘亦以尊太祖也太廟太祖之廟不當與昭穆同序太祖太廟之祖不可與子孫並列自今大禘宜奉德祖居中懿熙仁三祖及太祖東西序皆南向列聖左右序東西向如故不惟我太祖列羣聖之上足以伸皇上之心而懿熙仁三祖得全其尊尤足以體太祖之心帝稱善焉通典

十二月丁酉禘享太廟是時罷歲除之祭以冬季中旬行大禘禮設德祖位於太廟正中南向懿祖而下以次東向實錄

明會要卷十

三

十五年復定廟享制立春植享各出主於殿立夏立秋立冬出太祖成祖七宗主饗太祖殿爲時禘季冬中旬卜日出四祖及太祖成祖七宗主饗太祖殿爲大禘祭畢各歸主於其寢禮志

四月丙申行大禘禮於太廟大政記定五歲一禘每遇丙辛年孟夏大舉禘祭之禮於太廟以祀皇初祖而奉太祖配焉先令中書官書皇初祖帝神牌位於太廟至禘日設太廟殿中祭畢燎之王圻通考

二十年十一月禮官議歲暮大禘當陳祧主而景神殿隘請暫祭四廟於後寢詔可禮志

二十四年罷季冬中旬大禘仍以歲除日行大禘禮同時

享同上

時饗

洪武元年定宗廟之祭每歲四孟及歲除凡五享學士陶安等言古者四時之祭三祭皆合享於祖廟惟春秋祭於各廟自漢而下廟皆同堂異室則四時皆合祭今宜倣近制合祭於第一廟庶適理之中無煩瀆也太祖命孟春特祭於各廟三時及歲除則禘祭於德祖廟禮志

明會要卷十

四

三年八月己卯禮部尙書崔亮言孟月者四時之首因時變致孝思故備三牲黍稷品物以祭至仲季之月不過薦新而已既行郊祀則時享仍宜改舊制從之通典

九年十月新建太廟成凡時享神座俱不奉神主止設衣冠禮畢藏之孟春擇上旬日三孟用朔日及歲除皆合享自是五享皆罷特祭而行合配之禮禮志

十一年秋享太廟太常奏栗未熟請以桃代上曰諸祭果食不必常品有卽用之著爲令鄭曉今言

二十五年定時享若國有喪事樂備而不作禮志

二十六年詳定時享禮儀

正統三年正月享太廟禮部言故事先三日太常寺奏祭

祀御正殿受奏是日宣宗皇帝忌辰例不鳴鐘鼓第視事西角門帝以祭祀重事仍宜升殿

天順六年以皇太后喪閣臣請改孟冬時享於除服後從之

成化四年以慈懿太后喪禮部請改孟秋享廟於初七日已上不從通典

嘉靖五年十月辛亥朔時享太廟及世廟先是禮部議祭世廟用太廟次日太常寺言齋戒省牲先期難於兩用又歲暮之祭次日即元旦也部臣復議歲暮權與太廟同日制曰可俱用同日次第舉行實錄

明會要卷十

五

十三年四月丁酉朔時享太廟遣武定侯郭勛攝行上久不親祀事給事中張選言宗廟之祭惟誠與敬孔子曰吾不與祭如不祭孟春廟享遣官暫攝中外臣心知非得已茲孟夏祫祭倘更不親行則迹涉怠荒如或聖體未復未任趨蹌亦宜靜處齋宮以通神貺帝大怒命執選杖闕下帝出御文華殿聽之是夕不入大內繞殿走製祭祀記一篇一夕侵成明旦分賜百官削選籍三編
十四年四月辛卯朔時享太廟時方脩建宗廟暫於奉先殿崇先殿行禮實錄
十七年定饗祫禮凡立春特享親祭太祖遣大臣八人分

獻諸帝內臣八人分獻諸后立夏時祫各出主於太廟太祖南向成祖西向序七宗之上仁宣英憲孝睿武宗東西相向秋冬時祫如夏禮

二十四年復定享祫止設衣冠不出主

隆慶元年四月丙戌朔享太廟時以世宗几筵未撤遵正

德元年例先一日帝常服祭告几筵祗請諸廟享祀其後

時享祫祭在大祥內者皆如之已上禮志

二年正月饗太廟帝將遣代高儀偕僚屬諫徐階等亦以

為言乃親祀如禮大政記

萬曆七年二月詔更定時享祝文因閣臣張居正等奏言

明會要卷十

六

時享之制止於九廟太祖成祖百世不遷其餘則以親序而祧廟不與焉先朝祝文宏治中自憲宗而上稱八廟嘉靖初自孝宗而上稱六廟至孝烈皇后升附仁宗奉祧始稱五廟隆慶年間因而不改蓋其時世宗新祔之位即孝烈之序世數未增也我皇上嗣統則世次異矣乃時享祝文自憲廟至穆廟已備六廟之數而太祖成祖英宗三廟猶仍五廟之稱揆之世數名義未協請如歲暮大祫禮將時享祝文通列九廟帝后聖號不必更稱五廟其大祫配享壽春等王親屬已遠宜稱本爵其皇高伯祖等稱盡行裁去庶得情理之當從之通紀



薦新

洪武元年二月定太廟月朔薦新儀物其禮皆天子躬行未幾以屬太常禮志

二年五月辛酉詔凡時物太常先薦宗廟然後進御

三年正月定太廟朔望薦新及獻新儀薦新有定品獻新者謂四方別進新物也已上大政記

凡四方別進新物在月薦外者太常卿與內使監官常服獻於太廟不行禮其後朔望祭祀及薦新獻新俱於奉先殿禮志

六年盱眙民進瑞麥御史答祿與權請薦宗廟帝曰以瑞

明會要卷十

七

麥為朕德所致朕不敢當其必歸之祖宗御史言是也答祿與權傳

永樂四年六月丙寅南陽獻瑞麥命薦之宗廟本紀

嘉靖八年二月定太廟薦新品物鷹犬不用大政記

十四年四月上諭夏言曰內殿禮儀四月八日俗事宜革

其賜百官不落莢亦當改禮記月令是月麥先熟薦寢廟

今歲以孟夏之五日薦麥內殿賜百官麥餅大學士張孚

敬曰不落莢者以糯米粳米黑糯米相沿釋氏之說於禮無據

仰見皇上據經析理得先王遺意遂著為令春明夢餘錄

十五年四月薦苑田新麥於內殿大政記

二十七年七月庚子西苑進嘉穀薦於太廟本紀

奉先殿

洪武三年十月上以歲時致享則於太廟至晨昏拜謁節序告奠古必有其所下部考論尙書陶凱等奏古者宗廟之制前殿後寢爾雅室有東西廂曰廟無廂有室曰寢廟是棲身之所故在前寢是藏衣冠之處故在後今太廟祭祀已有定制請仿宋建欽先孝思殿於宮中之制在於乾清宮之左別建奉先殿奉四代神位衣冠每日焚香朔望薦新節序及生忌日皆致祭如家人禮從之春明夢餘錄

明會要卷十

八

宣德元年奉太宗附廟畢復遣鄭王瞻垓詣奉先殿設酒果祭告奉安神位

宏治十七年吏部尙書馬文升言南京進鮮船本為奉先

殿設輓夫至千人沿途悉索今揚徐荒旱願放古凶年殺

禮之意減省以甦民困命所司議行之

嘉靖十四年定內殿之祭

十五年禮部尙書夏言等奏悼靈皇后神主宜暫遷奉先

殿旁室享祀祭告則一體設饌從之已上禮志

二十七年禮臣以孝烈皇后喪且期年請援孝潔皇后故

事權附主於奉先殿東夾室帝曰奉先殿夾室非正也可



卽耐太廟實錄

隆慶元年遷孝烈神主奉安景神殿更名曰宏孝又於神霄殿奉孝恪皇太后神主而耐孝懿皇后於其側每歲五享四序薦新忌祭日供俱如奉先殿儀會典禮部又言舊制太廟一歲五享而節序忌辰等祭則行於奉先殿今孝潔皇后既耐太廟則奉先殿亦宜奉安神位乃設神座儀物於第九室遣官祭告如儀禮志萬曆三年諭禮官曰朕思宏孝神霄二殿孝烈孝恪二后神主宜奉安於奉先殿禮官言嘉靖十五年議耐陵祭不議耐內殿帝曰奉先殿見有孝肅孝穆孝惠三后神位俱

明會要卷十

九

皇祖所定宜遵行耐安蓋當時三后既各耐陵廟仍並祭於奉先殿而外廷莫知也於是奉安孝烈孝恪神位於肅皇室並罷宏孝神霄之祀而專祀於奉先殿春明夢餘錄崇禎十五年五月十七日上諭禮臣曰太廟之制一帝一后祧廟亦然歷朝繼母及生母既皆不得與卽宮中奉先殿亦尚無祭奈何其意蓋在生母孝純劉太后未明言也蔣德璟等奏奉先外別有奉慈殿所以奉繼母及生母者雖廢可舉行上曰奉慈外尚有宏孝神霄本恩諸殿禮臣奏奉慈殿如未可復或卽在神霄殿奉祀上曰奉慈已撤惟奉先尚可恢拓德璟奏奉先止一帝一后與太廟同祧

廟之主未可盡入乃止同

奉慈殿

孝宗卽位追上母妃紀氏孝穆太后諡耐葬茂陵後以不得耐廟詔廷臣議享禮周洪謨倪岳上言周禮有祀先妣之文謂姜嫄也魯頌之闕宮是已唐宋推尊太后不配食祖廟者別立殿以祀之故宋之章獻章懿二后皆有奉慈之建每歲五享四時薦新上食如常儀今孝穆神主宜於奉先殿傍別立奉慈殿歲時祭享一如奉先殿儀從之通紀已而憲宗生母孝肅周太皇太后世宗生祖母孝惠邵太皇太后皆祀殿中孝肅中室孝穆孝惠右室主書皇太后

明會要卷十

十

太皇太后一歲五享薦新忌祭俱如太廟奉先殿儀吾學編嘉靖十五年帝諭禮官夏言等曰廟中帝配一后陵耐葬乃有二三后廟祀陵祀本不同奉慈三后主別祀奉慈殿不如奉主於陵殿爲合禮又梓宮既配葬於帝主無耐廟之禮宜在陵殿今別置之近於黜者非親之也下廷臣議言古者天子宗廟惟一帝一后所生生母薦於寢身沒而已孝宗奉慈殿之祭蓋子祀生母以盡終身之孝焉耳然禮於妾母不世祭者謂子祭之於孫則止以繼祖重故不復顧其私祖母也今陛下於孝肅曾孫也孝穆孫屬也孝惠孫也禮不世祭義當祧攷宋熙甯罷奉慈殿故事與今同

宜遷主陵廟歲時耐享如故言等又言孝潔皇后先因耐於所親暫耐奉慈殿孝惠太后之側茲三后神主既擬遷於陵殿則孝潔亦宜暫遷奉慈殿旁室享祀祭告則一體設饌從之實錄

獻皇帝廟

嘉靖二年二月太常卿汪舉上言安陸廟宜用十二籩豆如太廟儀禮部請置奉祀官又言樂舞未敢輕議禮部侍郎賈詠上言正統本生義宜有閒八佾既用於太廟安陸樂舞似當稍殺以避二統之嫌帝曰仍用八佾紀事本末初帝從玉田伯蔣輪請於承天立興獻帝廟以輪子榮奉祀御

明會要卷十

十一

史黎貫言陛下信一諛臣之說委祀事於外戚神不歆非類獻帝必將吐之不聽黎貫傳三年二月帝諭建室奉先殿側祀獻帝主禮部尙書汪俊上疏爭曰陛下入承大宗不得祭小宗亦猶小宗之不得祭大宗也昔興獻帝奉藩安陸則不得祭憲宗今陛下入繼大統亦不得祭興獻帝是皆以禮抑情者也然興獻帝不得迎養壽安皇太后於藩邸陛下得迎興國太后於大內受天下之養而尊祀興獻帝以天子之禮樂則人子之情獲自盡矣乃今聖心無窮臣等敢不將順但於正統無嫌乃為合禮帝嚴旨切責趣立廟益急俊曰立廟大內有

明會要卷十

十一

干正統臣實愚昧不敢奉詔帝令集廷臣大議俊等復上議曰謹按先朝奉慈別殿蓋孝宗皇帝為孝穆皇太后耐葬初畢神主無薦享之所而設也當時議者皆據周制特祀姜嫄而言至為本生立廟大內則從古未聞惟漢哀帝為定陶共王立廟京師師丹以為不可哀帝不聽卒遺後世之譏陛下有可以為堯舜之資臣不敢導以衰世之事請於安陸特建獻帝百世不遷之廟他日襲封與王子孫世世薦享陛下歲時遣官持節奉祀亦足伸陛下無窮至情矣帝不納仍命遵前旨再議俊再疏乞休允其去汪俊傳以禮部侍郎吳一鵬代之趣立廟益急一鵬復集廷臣上議曰前世入繼之君間有為本生立廟園陵及京師者第歲時遣官致祀尋亦奏罷然猶見非當時取議後代若立廟大內而親享之從古以來未有也臣等甯得罪陛下不欲陛下失禮於天下後世乞速罷建室之議立廟安陸報曰朕起親藩奉宗祀豈敢違越但本生皇考寢園遠在安陸於卿等安乎命下再四爾等欺朕冲歲黨同執違敗父子之倫傷君臣之義往且勿問其奉先殿西室可亟修葺盡朕歲時追遠之情遂趣成之名曰觀德殿吳一鵬傳先是汪俊既罷大學士蔣冕抗疏極諫曰陛下嗣承丕基固因倫序素定然非聖母昭聖皇太后懿旨與武宗皇帝

遺詔則將無所受命今既受命於武宗自當為武宗之後特兄弟之名不容紊故兄武宗考孝宗母昭聖而於孝廟武廟皆稱嗣皇帝稱御名以示繼統承嗣之義今乃欲為本生父母立廟奉先殿側臣雖至愚斷斷知其不可夫情既偏重於所生義必不專於所後將武孝二廟之靈安所託乎不納蔣冕傳

五月丁丑命一鵬偕京山侯崔元等迎主安陸一鵬上言歷考前史並無自寢園迎主入大內者且安陸為獻帝啟封之疆神靈所戀伏乞俯納羣言改題神主奉安故宮為百世不遷之廟其觀德殿中宜別設神位香几以慰孝思

明會要卷十

三

奏入不納一鵬乃行吳一鵬傳七月迎主至甲申奉安於觀德殿上尊號曰皇考恭穆獻皇帝編三

四年四月光祿寺丞何淵請建世室祀獻皇帝於太廟帝命禮官集議戊申席書等上議王制天子七廟三昭三穆周以文武有大功德乃立世室與后稷廟皆百世不遷我太祖立四親廟德祖居北後改同堂異室議祧則以太祖擬文世室太宗擬武世室今獻皇帝以藩王追崇帝號何淵乃欲比之太祖太宗甚無據不報席書傳已而張璠亦言漢哀帝追尊定陶共王立廟京師比孝元帝至今非之今淵請入獻皇帝主於太廟不知序於武宗之上與武宗之

下與昔人謂孝子之心無窮分則有限別立廟禮之得為者也臣昧死勸陛下為之入於太廟禮之不得為者也臣昧死勸陛下勿為紀事本末

帝復令會議戊午禮部會羣臣集議上疏曰禮莫嚴於宗廟分莫大於君臣故承正統為天子者得祔太廟今獻皇帝分封安陸稱藩為臣二十餘年廟祀安陸又三年矣當時議尊崇者其論有三曰別立嗣王使之主祭者廷臣之初議也曰歲時遣官致祭安陸者廷臣之後議也曰別祀大內者張璠桂萼等先後之論也皇上斷自聖衷建室奉先殿側朝夕瞻拜歲時享祀上不干祖廟下不拂人心此

明會要卷十

十四

誠足為萬世法矣今何淵乃欲祔祀太廟何不經之甚也考自唐虞至今五千年未聞有以藩王祔祭太廟者萬一為此將置主於武宗上則武宗君也以臣先君分不可僭置武宗下則獻皇叔也以叔後姪神將不安在廷諸臣於稱考稱伯異同相半今祔廟之舉無一人以為可者伏望俯納羣言毋為儉人邪說所惑疏入帝責席書畏眾飾奸書知帝意不可回遂請於皇城內別立一廟前後寢如文華殿制出入不與太廟同門座位不與太廟相並祭用次日廟欲稍遠庶以成廟獨尊之體避兩廟一統之嫌詔可令於太廟左右相度營建上親定名曰世廟既而上覽

疏內有獻皇親盡與孝廟同之語復令禮部查議於是禮官言天子九廟親盡則祧獻皇與孝宗兄弟同為一世孝宗祧遷則獻皇亦然但孝宗神主藏於太祖寢殿之後獻皇別自一廟雖無左昭右穆亦有前殿後寢請於祧遷之期藏於夾室不享時祭止於歲暮合祭太廟一出主焉請於獻廟寢殿後置一龕室為異日藏主地報曰皇考止生朕一人入繼大統別無奉祀適嗣今既特立一廟宜世世獻享同於不遷之祖以伸朕之孝思實錄遂度地於環碧舊址擇日興工何淵又奏神路迂遠未便宜與廟街同門直開一路以達世廟為當下禮部會議席書等皆言若通此街須毀垣伐木撤神宮監而後可未免有礙上不允命折監北房但容板輿通行議始定大事記

五年七月庚子上以觀德殿迫隘欲改建於奉先殿左工部尙書趙璜言移觀德殿於奉先殿左必與奉慈殿對峙孝肅太皇太后獻皇之祖母孝惠皇太后又聖母也廟出其左恐神靈有所不安帝復諭大學士費宏宏乃請敕該部卜日興工上易殿名曰崇先同上

五年九月丙戌帝以世廟成欲奉章聖皇太后謁見張璉桂萼援廟見禮言宜先見太廟次及世廟禮官劉龍等爭不得諸輔臣以為言帝不報趣具儀石瑤乃上疏曰陛下

欲奉皇太后謁見世廟臣竊以為從令固孝而孝有大於從令者臣誠不敢阿諛以誤君上竊惟祖宗家法后妃已入宮未有無故復出者且太廟尊嚴非時享祫祭雖天子亦不輕入况后妃乎璉輩所引廟見禮今奉先殿是也聖祖神宗行之百五十年已為定制中間納后納妃不知凡幾未有敢議及者何至今日忽倡此議彼容悅佞臣豈有忠愛之實而陛下乃欲聽之乎且陰陽有定位不可侵越陛下為天地百神之主致母后無故出入太廟街門是坤行乾事陰侵陽位不可之大者也臣豈不知君命當承第恐上累聖德是以不敢順旨曲從以成君父之過負覆載之德也石瑤傳

十五年諭禮部夏言曰前以皇考廟比世室之義名曰世廟今分建宗廟惟太宗及世室不遷而世之一字來世或用加宗號今加於考廟又不得世宗之稱徒擁虛名不如題曰獻皇帝廟庶別宗稱且見推尊之意三編

十七年尊獻皇帝廟號曰睿宗附於太廟本紀

二十四年六月新太廟成遂奉睿宗於太廟之左第四序躋武宗上而罷特廟之祀

四十四年以舊廟柱產芝更號曰玉芝宮定日供時享儀穆宗初因禮臣請乃罷時享及節序忌辰有事奉告之祭

但進日供而已

隆慶元年禮科王治請罷獻皇祔廟而專祀之世廟章下

所司已上禮志

光宗既崩太常卿洪文衡請祧睿宗曰此肅宗一時崇奉

之情不合古誼且睿宗嘗為武宗臣矣一旦加諸其上禮

既不合情亦未安當時臣子過於將順因循至今夫情隆

於一時禮垂於萬世更定之舉正在今時疏格不行文衡傳

天啟元年太常少卿李宗延奏祧廟宜議言睿宗入廟世

宗無窮之孝思也然以皇上視之則遠矣俟光宗升祔時

或從舊祧或從新議蓋在孝子固以恩事親而在仁人當

以義率祖章下禮部卒不能從禮志

親王從享

洪武三年八月定以皇伯考壽春王王夫人劉氏為一壇

皇兄南昌王霍邱王下蔡王安豐王霍邱王夫人翟氏安

豐王夫人趙氏為一壇皇兄蒙城王盱眙王臨淮王臨淮

王夫人劉氏為一壇後定夫人皆改稱妃皇姪寶應王六

安王來安王都梁王英山王山陽王昭信王為一壇凡一

十九位春夏於仁祖廟東廡秋冬及歲除於德祖廟東廡

禮志

是年定親王從享皆設位於東廡西向功臣配享皆設位

於西廡東向會典四年進親王於殿內東壁九年新太廟成

增祀蒙城王妃田氏盱眙王妃唐氏禮志

是年奉安四代神主以親王并王妃二十一位侑於殿內

東壁功臣十二位配於西壁不分獻自是四時之祭皆行

合享之禮會典

正德中御史徐文華言族有成人而無後者祭終兄弟之

孫之身諸王至今凡五六世矣宜祧禮官議不可禮志

萬厯初于慎行言南昌壽春等十六王世次既遠宜別祭

陵園不宜祔享太廟不從于慎行傳

九年給事中丁汝謙言諸王世次遠宜罷祭祭於墓親王

之殤無後而近者宜配不從太常紀

十四年太常卿裴應章言諸王本從祖祔食四祖親盡且

祧而諸王得配享百世非所以為殺也壽春等王於太祖

為伯為兄太祖南面而伯若兄俯而侑於側非所以為順

也其以諸王祔祧廟歲祫則祔餘則罷上下禮部議沈鯉

上言宗廟之祭祫為重時享不可預而預於祫其無乃未

安乎且祧以藏毀廟之主為祖非為孫禮有祧不聞有配

祧者請仍遵初制序列東壁為近禮報可

功臣配享

洪武二年正月丁未享太廟以功臣廖永安俞通海張德

勝桑世傑耿再成胡大海趙德勝配享設青布幃六於太廟庭中遣官分獻王圻通考

三年定配享功臣常遇春以下凡八位春夏於仁祖廟西廡秋冬於德祖廟西廡設位東向遂罷幃次之設

九年新太廟成以徐達常遇春李文忠鄧愈湯和沐英俞通海張德勝胡大海趙德勝耿再成桑世傑十二位配於西廡罷廖永安已上禮志

二十年定凡祭功臣令軍官首領官陪會典建文時宋禮言功臣自有雞籠山廟請罷太廟配享帝以先帝所定不從且令候太廟事畢別遣官即其家廟祭之

明會要卷十

九

永樂初享太廟禮成仍遣官祭功臣廟王圻通考洪熙元年以張玉朱能姚廣孝配享太廟禮志

宏治五年三月詔曰太廟配享諸功臣追封王者六人皆佐皇祖平定天下有大功今其子孫有不霑寸祿與編氓

伍欲量加恩俾奉其祀該部查實以聞昭代典則嘉靖九年中允廖道南言姚廣孝髡徒不宜入廟遂移祀

大興隆寺春明夢餘錄

十年以刑部郎中李瑜議進劉基位次六王禮志十六年二月武定侯郭勛請以五世祖英侑享太廟廷臣

持不可侍郎唐胄爭尤力帝不聽卒從勛請初二廟功臣位皆以爵及進基位公侯上至是復令禮官議乃合二廟

功臣敘爵於是列英於桑世傑上張玉朱能於沐英下基於世傑下禮官又言禮有功宗之祀漢祭功臣於廟廷魏

祀尙書令荀攸於太祖廟唐高祖至憲宗廟或六七八人或二三四人宋太祖至光宗亦然如魏徵李沆司馬光皆

文臣不必武功也守成諸君亦各有與享者不必皆創業也我朝二祖開國靖難固有功臣仁宗以後無事武功其

明會要卷十

十

議考求六朝文武大臣有功在當時澤及後世者請上裁定進侑廟廷上不允王圻通考

萬厯中禮部尙書沈鯉以太廟侑享請移親王及諸功臣於兩廡毋與帝后雜祀沈鯉傳

十四年太常卿裴應章言廟中列后在上異姓之臣禮當避嫌且至尊拜俯於下諸臣之靈亦必不安命復改西廡

遣官分獻禮志

功臣廟 洪武二年正月上敕中書省臣曰諸將相從捐軀勦力開拓疆宇有共事而不覩其成建功而未食其報追思功勞

痛切朕懷其命有司立功臣廟於雞籠山序其封爵為像以祀之五禮通考

帝親定功臣位次以徐達為首次常遇春李文忠鄧愈湯

和沐英胡大海馮國用趙德勝耿再成華高丁德興俞通

海張德勝吳良吳禎曹良臣康茂才吳復茅成孫興祖凡

二十一人立廟雞鳴山下死者像祀生者虛其位三編

八年正月辛未增祀雞籠山功臣廟一百八人本紀

十二年七月遣官祭功臣廟祀吳禎等百九十九人明政統宗

十三年正月附祀顧時以下二百八十八人於功臣廟五禮通考

王國宗廟

明會要卷十

圭

洪武四年禮部尚書陶凱等議定王國宮垣內左宗廟右

社稷廟制殿五間寢殿如之門三間

永樂八年建秦愍王享堂命視晉恭王制加高一丈因定

享堂七間已上禮志

十月乙卯上聞周王櫛於國中作殿奉祀高皇帝賜書曰

禮支子不祭王國廟祀肇於始封之王高皇之祀朝廷有

宗廟王祀於國中過矣其審禮而行毋貽物議大訓記

嘉靖八年秦王充燿言代懿王當附廟而自始封至今已

盈五廟之數請定祧廟之制禮臣言親王祧廟古制未聞

宜推太廟祧祔之禮而降殺之始封居中百世不遷以下

四世親盡而祧但諸侯無祧廟祧主宜附始祖之室置積藏之每歲暮則出祧主合祭詔如議禮志

羣臣家廟

洪武六年詔定公侯以下家廟禮儀禮部議奏凡公侯品

官別為祠屋三間於所居之東以祀高曾祖考並祔位如

祠堂未備奉主於中堂享祭所用器皿隨官品第稱家有

無前二日主祭者聞於上免朝參凡祭四仲之月擇吉日

或春秋分冬夏至亦可從之王圻通考

成化十一年祭酒周洪謨言臣庶祠堂神主俱自西而東

古無神道尙右之說惟我太祖廟制合先王左昭右穆之

明會要卷十

圭

義宜令一品至九品皆立一廟以高卑廣狹為殺神主則

高祖居左曾祖居右祖居次左考居次右帝下禮臣參酌

更定禮志

嘉靖十五年夏言疏請依宋儒程頤之議詔令天下臣民

冬至祭始祖立春祭先祖但不許立廟以踰分席上廣錫

類之孝下無禘祫之嫌又禮官疏請官自三品以上立五

廟以下皆四廟為五廟者倣唐制五間九架兩旁隔板為

五室中附五世祖旁四室附高曾祖禰為四廟者三間五

架中為一室附高曾左右二室附祖禰其三品以上若上

無應立廟之祖不得為世祀不遷之祖惟以第五世之祖

奉爲五世祖至世窮數盡則以今之得立廟者爲世世奉祀之祖而不遷焉四品以下四世遞遷而已制可上

明會要卷十

三

明會要卷十終

明會要卷十一

承新龍文彬纂

禮六 吉禮

祀先代帝王

洪武三年五月遣使訪歷代帝王陵寢命各行省具圖以進凡七十有九禮官考其功德昭著者凡三十有六遣祕書監丞陶誼等往修祀禮親製祝文遣之禮

四年遣使祭歷代帝王陵寢始罷天下府州縣祀三皇王

通禮部定議合祀帝王三十五 在河南者十 陳祀伏羲 考禮部定議合祀帝王三十五 在河南者十 商高宗孟

津祀漢光武洛陽祀漢明帝章帝鄭祀 在山西者一 周世宗鞏祀宋太祖太宗真宗仁宗

明會要卷十一

十一

祀商 在山東者二 東平祀唐堯 在北平者三 內黃祀

湯祀 在湖廣者二 鄧祀神農甯 在浙江者二 會稽

禹祀 在陝西者十五 中部祀黃帝咸陽祀周文王武王

孝宗 在陝西者十五 成王康王宣王漢高帝景帝成甯

祀漢文帝興平祀漢武帝長安祀漢宣帝三原祀唐

高祖醴泉祀唐太宗蒲城祀唐憲宗涇陽祀唐宣宗

六年議定三皇五帝三王及漢唐宋創業之君俱於京師

立廟每歲春秋致祭遂建歷代帝王廟於欽天山之陽爲

正殿五室中一室三皇東一室五帝西一室夏禹商湯周

文王又東一室周武王漢光武唐太宗又西一室漢高祖

唐高祖宋太祖元世祖又增祀隋文帝未幾復罷王圻

七年令帝王廟塑袞冕坐像惟伏羲神農未有衣裳之制

不必加冕服鄭曉今言

九年遣官省歷代帝王陵寢禁芻牧置守陵戶本紀

二十一年令每歲郊祀祔祭歷代帝王於大祀殿仍以歲

八月中旬擇日遣官祭於本廟其春祭停之又定每三年

遣祭各陵之歲則停廟祭禮志

是年詔以歷代名臣凡三十七人從祀於東西廡為壇四

以宋趙普負太祖為不忠不可從祀又祀元臣穆呼哩舊作

木華而罷其孫安童王圻通考

永樂元年八月丁巳遣官祭歷代帝王大政記

十九年遷都帝王廟遣南京太常寺官行禮禮志

明會要卷十一

二

嘉靖十年二月丁卯親祀歷代帝王於文華殿初洪武定

制每歲郊祀以歷代帝王祔祭於大祀殿上更定郊制罷

之令建歷代帝王廟於都城西歲以春秋致祭至是廟尙

未成權於文華殿行之十一年廟成名曰景德崇聖之殿

八月壬辰親祭嗣後歲遣大臣一員行禮四員分獻凡子

午卯酉祭於陵寢之歲則停秋祭

二十四年罷元世祖陵廟之祀及從祀穆呼哩等復遷唐

太宗與宋太祖同室凡十五帝從祀名臣三十二人已上通典

三皇
洪武元年三月用太牢祀三皇二年命以句芒祝融風后

力牧配四年帝以天下郡邑通祀三皇為瀆禮臣議唐元

宗嘗立三皇五帝廟於京師至元成宗時乃立三皇廟於

府州縣春秋通祀而以醫藥主之甚非禮也帝曰三皇繼

天立極開萬世教化之原汨於醫師可乎命天下郡縣毋

得褻祀禮志

嘉靖十五年建聖濟殿於文華殿後以祀先醫會典

二十一年建景惠殿於太醫院北中奉三皇及四配而附

歷代醫師於兩廡凡二十八人歲仲春秋上甲日禮部堂

上官行禮太醫院堂上官二員分獻用少牢復建聖濟殿

於內祀先醫遣太醫院正官行禮通典

明會要卷十一

三

隆慶四年禮部侍郎王希烈議三皇既祀於帝王廟請罷

太醫院廟祭專遣太醫院官祭先醫不允春明夢餘錄

聖師

明初宋濂建議伏羲為道統之師神農黃帝堯舜禹湯文

武以次而列皋陶稷契夷益伊尹傳說箕子太周公皆

天子公卿之師宜秩祀天子之學時不能行至嘉靖九年

始祀先聖先師於文華殿東室舊有釋像命撤去奉皇師

伏羲神農黃帝帝師堯舜王師禹湯文王武王九聖南向

左先聖周公右先師孔子東西向每春秋開講前一日行

釋奠禮十六年移祀於永明殿後行禮如初其後常遣官

代祭隆慶初仍於文華殿東室行禮王圻通考

先師孔子

洪武元年二月丁未以太牢祀孔子於國學仍遣使曲阜致祭本紀

二年詔孔廟春秋釋奠止行於曲阜天下不必通祀刑部

尙書錢唐上疏言孔子垂教萬世天下共尊其道故天下

得通祀孔子侍郎程徐亦以爲言不聽久之乃用其言錢唐傳

定制每歲仲春秋上丁皇帝降香遣官祀於國學以丞

相初獻翰林學士亞獻國子祭酒終獻禮志

四年命禮官儒臣釐正祀典國子司業宋濂上孔子廟堂

明會要卷十一

四

議曰世之言禮者皆取法孔子不以古禮祀孔子是褻禮

也古者先師位皆東向漢章帝幸魯祀孔子帝西向再拜

唐開元禮先聖東向先師南向三獻官西向猶古意也今

襲開元二十七年之制遷神南向失神道尙右之義矣古

者木主棲神天子諸侯廟皆有主大夫東帛士結茅爲菴

無像設之事開元禮設先聖神座於堂上兩楹間今因開

元八年之制搏土而肖像焉失神而明之之義矣禮記凡

始立學者必釋奠於先聖先師所謂先師者若漢禮有高

堂生樂有制氏詩有毛公書有伏生之類古之學者非其

師弗學非其學不祭學校既廢天下莫知所師孔子集羣

聖之大成顏曾思孟實傳其道尊之以爲先聖先師而通

祀於天下固宜若七十二子止於國學祀之庶弗悖禮意

開元禮國學祀先聖孔子以顏子等七十二賢配諸州惟

祀顏子今以荀况之言性惡揚雄之事王莽王弼之宗老

莊賈遠之忽細行杜預之建短喪馬融之黨權勢亦廁其

中吾不知其何說也古者子雖齊聖不先父食故禹不先

鯀湯不先契文武不先不窋宋祖帝乙鄭祖厲王猶尙祖

也今回參伋坐饗堂上而其父列食於兩廡間顛倒彝倫

莫此爲甚吾不知其何說也古者士見師以菜爲贄故始

入學者釋菜以禮先師其學官時祭皆釋奠今專用春秋

明會要卷十一

五

非矣釋奠有樂釋菜無樂是二釋之重輕以樂之有無也

今襲用魏晉律所制大成樂乃先儒所謂亂世之音可乎

哉古者釋奠釋菜其儀注雖不可攷然開元禮彷彿儀禮

饋食之節三獻皆有飲福及尸酢主賓之儀今憚其煩惟

初獻行之可乎哉他如廟制之非宜冕服之無章器用雜

乎流俗升降昧乎左右此類甚多不可枚舉同時翰林院

待制王禕亦著孔廟從祀議謂荀况之言性惡揚雄之事

新莽何休注公羊而黜周王魯王弼注易而專尙清虛如

此之等猶在祀列何以在漢獨遺董仲舒在唐獨遺孔穎

達至如宋之范仲淹歐陽修真德秀魏了翁元之吳澄凡

此七人並宜從祀用以蒐累代之曠典昭萬世之公議又謂顏曾思父子配位倒置不免春秋逆祀之譏亟宜釐正其語多與濂合厥後上置國子監先聖改用木主卒從濂議時東閣大學士吳沈嘗著辨言孔子封王為非禮後布政使夏寅祭酒邱濬皆治其說及嘉靖改稱先師實自沈發之云春明夢餘錄

六年八月丁丑遣御史大夫兼領國子監事陳甯釋奠於先師丞相胡惟庸參政馮冕等不陪祀而受胙上以為非禮命各停俸一月甯不舉奏亦停俸半月自是不預祭者不頒胙著為令胡惟庸傳

明會要卷十一

六

七年仲春上丁日食改用仲丁會典
十五年大學落成帝親詣釋奠詔禮官劉仲質等曰孔子道冠百王功參天地今天下郡縣並建廟學而報祀之典止行京師未徧宇宙豈非闕典乃詔仲質等與儒臣共定釋奠儀頒之天下令每歲春秋以上丁日通祀文廟大訓記
十七年敕每月朔望祭酒以下行釋菜禮郡縣長以下詣學行香禮志
二十六年正月頒大成樂器於天下府學令州縣學如式製造會典
二十八年三月壬申以行人司副楊砥言罷漢楊雄從祀

益以董仲舒紀事本末禮志同會典系之二十九年

三十年十月乙未重建國子監先師廟成本紀初上以國學

孔子廟隘命工部改作其制皆上所規畫大成殿門各六楹

楹星門二楹東西廡七十六楹神廚庫皆八楹宰牲所六楹

永樂初建廟於大學之東禮志

十五年九月丁卯脩曲阜孔子廟成上親製文勒石

十九年北京國子監既定其南監春祭命祭酒行禮已上通典

宣德三年命禮部考正從祀先賢名位頒示天下禮志

正統二年以宋儒胡安國蔡沈真德秀從祀本紀

明會要卷十一

七

三年三月禁天下祀孔子於釋老宮孔顏孟三氏教授裴侃言闕里家廟宜正父子以敘彝倫顏子曾子子思子也配享殿廷無繇子皙伯魚父也從祀廊廡非唯名分不正抑恐神不自安况叔梁紇元已追封啟聖王創殿於大成殿西而顏孟父俱封公乞追封子皙伯魚公爵借顏孟父俱配啟聖王殿帝命禮部行之仍議加伯魚子皙封號禮志
此止行之家廟未及國學及府州縣也
八年四月以元儒吳澄從祀禮志系之正統八年會典吾
之宣德十年英宗即位之初蓋沿大政記之譌
成化十二年祭酒周洪謨言先聖像用冕旒十二而舞佾

豆籩數不稱請備天子制古者鳴球琴瑟爲堂上之樂笙
鏞祝敔爲堂下之樂而干羽則舞於兩階今舞羽居上樂
器居下非制當改尙書鄒幹駁止之洪謨再疏爭帝竟俞
其議洪謨傳

十三年閏二月丁丑釋奠初用八佾籩豆各十二春明夢餘錄

宏治八年七月丁亥封宋儒楊時將樂伯從祀孔子廟廷

本紀

九年二月增文廟佾舞七十二人如天子之制

十二年六月甲辰曲阜先師廟災敕有司重建十七年廟

成遣大學士李東陽祭告

明會要卷十一

八

正德十六年詔有司改建孔氏家廟之在衢州者官給錢

董其役令博士孔承義奉祀已上闕里志

嘉靖九年十一月癸巳大學士張璉請更正孔廟祀典命

禮臣會諸臣議改題孔子神位至聖先師去王號及大成

文宣之稱改大成殿爲先師廟大成門爲廟門其四配稱

復聖顏子宗聖曾子述聖子思子亞聖孟子十哲以下凡

及門弟子皆稱先賢某子左邱明以下皆稱先儒某子不

復稱公侯伯遵太祖首定南京國子監規制製木爲神主

其塑像卽令屏撤春秋祭祀遵國初舊制十籩十豆天下

各學八籩八豆樂舞止六佾凡學別立一廟祀叔梁紇題

啟聖公孔氏神位以顏無繇曾點孔鯉孟孫氏配俱稱先
賢某氏程珦朱松蔡元定從祀稱先儒某氏從祀諸賢申
黨卽申棖留棖去黨公伯寮秦冉顏何荀况戴聖劉向賈
逵馬融何休王肅王弼杜預吳澄罷祀林放蘧瑗盧植鄭
眾鄭康成服虔范甯祀於其鄉后蒼王通歐陽修胡瑗宜
增入詔悉如議行又以行人薛侃議進陸九淵從祀三編
隆慶五年九月以薛瑄從祀昭代典則

萬曆十二年十二月以陳獻章胡居仁王守仁從祀

四十一年十二月以宋儒羅從彥李侗從祀已上三編

諸神祠

明會要卷十一

九

洪武元年命中書省下郡縣訪求應祀神祇名山大川聖

帝明王忠臣烈士凡有功於國家及惠愛在民者著於祀

典令有司歲時致祭禮志

三年六月定諸神封號凡後世溢美之稱皆與革去天下

神祠無功於民不應祀典者有司毋得致祭同上

宏治元年四月給事中張九功請正祀典章下禮部尙書

周洪謨等條議以釋迦牟尼文佛上清太上老君不宜修

建齋醮遣官祭告古禮幽祭祭星今北極紫微大帝像之

爲人稱之爲帝非典風雲雷雨南郊合祀山川壇復隆秋

報今徇道家言又有雷聲普化天尊之祀是瀆也歲以正

月十五日為真君張道陵生辰遣官祭告非制大小青龍神禱雨無應不足祀梓潼帝君者傳云神姓張名亞子蜀人仕晉戰沒人為立廟唐宋屢封至英顯王元加號為帝君景泰中因京師舊廟新之歲以二月三日生辰遣祭神廟食於蜀宜也與文昌六星無涉其祠在天下學校者當毀永樂中以道士周思得傳王靈官法有驗乃建天將廟祀靈官謂宋徽宗時有西蜀薩堅授法於林靈素者其師也因於廟立祖師殿宣德中改大德觀封靈官曰崇恩真君祖師曰隆恩真君成化初改顯靈宮歲易袍服其費不貲當革靈濟宮祀金闕上帝玉闕上帝蓋五代時徐溫子

明會要卷十一

十一

知證知謬也神世系事蹟非甚異其僭號亦當革於是祀典為之一正時洪謨建議并謂元武七宿不當信道家武當山修鍊之說城隍非人鬼不當有五月十一日誕辰之祭東嶽泰山既專祭封內且合祭郊壇則朝陽門外東嶽廟之祭實為煩瀆帝以崇祀既久不盡從也編三明北京有真武廟洪恩靈濟宮成化十三年詔建漢壽亭侯廟又鳳陽有顯應廟滁州有豐山廟柏子潭廟徐州靈源宏濟廟河平神廟平陽平水祠汾水靈澤廟沁州南山廟焦龍神廟龍泉神廟兗州青山廟安平鎮顯惠等廟嚴州烏龍廟宜春仰山廟常德陽山廟沅山顯應廟長沙洞

庭廟馬湖顯應廟福州靈濟宮廣州天妃廟南海真武廟瓊州靈山廟電白靈湫廟誠敬夫人祠皆終明之世有司歲時致祭不絕通典

五祀泰厲附

洪武二年八月禮部尙書崔亮請依周官門戶中霤竈井五祀歲終臘享通祀於廟門外通典歲暮享太廟時五祀並列廟西廡下東向太常寺官行禮王圻通考八年七月禮部奏五祀之禮孟春祀司戶孟夏祀司竈季夏祀中霤孟秋祀司門孟冬祀司井四孟月之祭則於有事太廟之日制可昭代典則

明會要卷十一

十一

永樂間改定四孟祭戶竈門井於四立日中霤於季夏土王後戊日皆遣內臣祭歲暮太常卿合祀於太廟丹墀西東向通典洪武三年定制京都祭太厲設壇元武湖中歲以清明及十月朔日遣官致祭王國祭國厲府州祭郡厲縣祭邑厲皆設壇城北一年二祭如京師里社則祭鄉厲禮志泰厲國厲郡邑厲一年二祭春以清明日冬以十月朔日鄉厲一年三祭春以清明日秋以七月十五日冬以十月三日明集禮通典注明祭五祀而不及行厲其京都有泰厲之祭更

有郡邑屬鄉屬卽做祭法泰厲國厲族厲而變通之亦合於五祀者也

明會要卷十一

十一

明會要卷十一

明會要卷十二

永新龍文彬纂

禮七嘉

朝儀

吳元年十二月癸丑李善長帥百官奉表勸進甲子進登極儀

洪武元年正月乙亥上祀南郊服袞冕登壇禮成羣臣奉上卽皇帝位舞蹈呼萬歲者三具鹵簿導從詣太廟上追尊四世冊寶告祀社稷還御奉天殿善長帥百官上賀表已上大政記

明會要卷十一

十一

九月定正旦朝賀儀與登極略相仿其後屢詔更定立爲

中制禮志

三年七月定朔望升殿百官朝參禮大政記

六年九月禮部奏定百官常朝班次及奏事等禮儀帝謂中書省臣曰朝廷之禮所以辨上下正名分百官有列班序有倫非惟尊體統抑亦四方瞻仰所在也今文武百官朝參奏事有未嫻禮儀者是禮法不嚴於殿陛何以訓天下自今凡新任官及諸武臣於禮儀有不嫻習者令侍儀司官日於午門外演習之且命御史二人監視有不如儀者糾舉之百官入朝失儀者亦糾舉如律大訓又令朝班

每日都察院輪委御史二員侍班糾察失儀典會

十一年詔朝參文武官給領牙牌懸帶出入無牌者依律

論罪典會

十三年九月乙巳天壽節始受羣臣朝賀後以為常紀本初

上即位中書省請於聖壽節帥百官行慶賀禮上不許至

是李善長等以天下太平上春秋高請以聖節日受賀許

之其在外諸司五品以上自明年始俱聽表賀王圻通考

十七年罷朔望起居禮禮志

二十年九月乙未天壽節受朝賀宴羣臣於奉天殿皇

太子宴國戚及東宮官於文華殿王圻通考

明會要卷十一

二

二十二年令凡遇大朝賀除已習儀及具服官員許入班

其餘便服人員止於午門外行禮執事官於華蓋殿行禮

披甲帶刀侍衛之人免拜五府六部等官於殿內侍立今

皆入班奏事止於華蓋殿同上

二十六年六月壬寅重定朝賀傳制等儀大政記

三十年令通政司許早晚朝奏事及有軍情重事不時入

奏其各衙門事務止於早朝大班內奏啟不許朝退又將

瑣碎事務於右順門題奏典會

惠帝初即位視朝晏御史尹昌隆疏諫曰高皇帝雞鳴而

起味爽而朝未日出而臨百官故能庶績咸熙天下乂安

陛下嗣守大業宜追繩祖武兢兢業業憂勤萬幾今乃即

於晏安日上數刻猶未臨朝羣臣宿衛疲於伺候曠職廢

業上下懈弛播之天下傳之萬世非社稷福也帝曰昌隆

言切直禮部其宣示天下使知朕過昌隆傳

建文元年正月癸酉朔上受朝不舉樂

二年正月丙寅朔詔天下來朝官勿賀

三年正月辛酉朔以凝命神寶成告郊廟始御奉天殿受

朝賀

永樂元年正月己卯朔上御奉天殿受朝賀宴文武羣臣

及屬國使已上本紀

明會要卷十一

三

四年正月丙辰初御午朝帝諭六部及近侍曰早朝四方

奏事多君臣之間不得盡所言午後事簡卿等有所欲言

可從容陳論毋以將晡朕倦於聽納朕有所欲言者亦欲

及此時與卿等商推也大訓記

七年諭行在禮部曰北京冬氣嚴凝羣臣早朝奏事久立

不堪今後朝見畢於右順門內便殿奏事王圻通考

十一年正月辛酉朔日有食之先是鴻臚寺奏元旦賀儀

帝召禮部問曰旦日當食百官朝賀可乎尙書呂震請朝

賀如常侍郎儀智持不可上問楊士奇對曰日食天變之

大者前代元旦日食多不受賀宋仁宗時元旦日食富弼

請罷宴撤樂呂夷簡不從弼曰萬一契丹行之爲中國羞

後有自契丹回者言是日罷宴仁宗深悔今免賀誠當上

從之詔曰朕乖治理上累三光眾陽之宗薄食元旦羣臣

尙勉輔朕消弭災變朝賀宴會其悉罷免三編

十九年三月己酉萬壽節以三殿災止賀本紀

二十一年令聖節正旦冬至俱赴朝天宮習儀凡正旦節

自十二月二十八日起至正月二十日止百官俱吉服通

政司不奏事冬至聖節前三日後三日俱吉服通政司亦

不奏事王圻通考

洪熙元年正月壬申朔御奉天門受朝不舉樂本紀

明會要卷十一

四

宣德十年正月英宗即位始罷午朝上同

景泰元年正月朔罷朝賀以上皇在衛喇特也

十一月辛亥禮部尙書胡濙請令百官賀上皇生日不許

十二月濙又請明年正旦百官朝上皇於延安門亦不許

二年八月復午朝自永樂初舉午朝後漸罷不行給事中

葉盛疏請復之帝即報可已上三編

成化四年十月吏部尙書李秉等及九卿各衙門俱午朝

失期不及入侍聯名上奏待罪詔爾等常以勤政爲言及

朕視午朝卻又怠慢既引咎姑宥之王圻通考

十三年令朝覲外官及舉監人等不許擅戴暖耳入朝上同

八月戊戌早朝東班官若聞有甲兵聲者因辟易不成列

衛士爭露刃以備不虞久之始定昭代典則

宏治元年三月吏部侍郎楊守陳請遵祖制日再御朝略

言早朝但如舊儀午朝則御文華門大臣臺諫更番侍直

事已具疏者用揭帖舉崖略口奏陛下詳問而裁決之在

外文武官來覲俾條列地方事面陳大要付諸司評議其

陛辭赴任者隨所職任而戒諭之有大政則御文華殿使

大臣各盡其謀勿相推避不當則許言官駁正其他具疏

進者召閣臣議可否以行楊守陳傳

四年八月復午朝王圻通考

明會要卷十一

五

帝自八年後視朝漸晏十年二月徐溥等上疏略言舊制

內殿日再進奏事重者不時上聞又常面召儒臣咨訪政

事今奏事日止一次朝參之外不得一望天顏章奏批答

不時斷決或稽留數月或竟不施行事多壅滯有妨政體

徐溥傳

十三年六月戊子御史劾西甯侯宋愷等文武官五百有

六人朝參不至有詔宥之仍奪一月俸實錄

正德十一年十一月壬辰六科都給事中葉相等言邇來

月不數朝朝或入晏今冬至正旦令節在邇天下諸司官

朝覲及宗藩四夷皆入賀朝廷舉動四方儀法不可不慎

伏望夙興視朝以示法天下十三道御史屠僑等亦言近日免朝日多視朝日少諸司百辟惟知有左順門之趨候而已伏望罷順門之傳旨復奏事之舊規皆不報紀通

十五年帝至南京詔百官戎服朝明年正旦尙書喬宇不可率諸臣朝服賀喬宇傳

嘉靖元年王鏊奏國朝聖節正旦冬至大朝會則奉天殿卽古之正朝也常朝則奉天門卽古之外朝也而內朝獨缺非缺也華蓋武英等殿卽內朝之遺制洪武中如宋濂劉基永樂以來如楊士奇楊榮蹇義夏原吉等常奏對便殿今內朝罕復臨御常朝之後人臣無得進見三殿高閣

明會要卷十一

六

上下之情壅而不通伏乞陛下於常朝外御文華武英做古內朝之意大臣三日或五日一次起居侍從各一員上殿輪對諸司有事咨決上與大臣面議如此人人得以自盡陛下雖身居九重而天下之事燦然畢陳於前矣疏入

報聞春明夢餘錄

二年八月丁未萬壽節從吉受朝以孝惠制未終免宣表

雞唱山呼大政記

三年二月昭聖皇太后壽旦詔免諸命婦朝賀脩撰舒芬言前者興國太后令旦命婦朝賀如儀今遇皇太后壽節忽行傳免恐失輕重之宜乞收成命以彰聖孝帝怒奪俸

三月舒芬傳御史朱泚言皇太后親挈神器以授陛下母子至情天日昭鑒若傳免朝賀何以慰親心而隆孝治御史馬明衡言暫免朝賀在恆時猶可在議禮紛爭之時則斷不可帝怒並下詔獄朱泚傳

七年令凡正旦冬至聖節百官俱於先期之三日及二日習儀正旦冬至於朝天宮聖節於靈濟宮典會

舊制冬至日卽行賀禮嘉靖九年分祀二郊以冬至大報是日行慶成禮次日行冬至朝賀禮畢舉慶成宴再定次日帝詣內殿行節祭禮又詣母后前行賀禮畢始御奉天殿受賀禮志

明會要卷十一

七

十八年十二月以大行皇太后之喪罷明年元旦朝賀時禮部請以本月三十日已當二十七日除服之期仍復疏專請是日御殿受朝奉旨詰責然猶素服御殿百官行八拜禮鳴鐘鼓鞭奏堂下樂上以服除令如議行皆嚴嵩等所請也實錄

隆慶元年正月癸亥有詔免朝越三日復傳免給事中魏時亮以新政不宜遽忘上疏切諫魏時亮傳

常朝舊制每日御門決事萬曆初以方在諒闇聖齡冲幼閣臣議酌三六九日視朝及二年五月禮部請復舊制閣中擬二票上請仍定三六九日遂沿爲例春明夢餘錄

萬曆三年大學士張居正奏請常朝御皇極門每日輪該
記注起居並史官共四員列於東班給事中之上午朝御
會極門列於御座西稍南專記言動詔依擬行通典
七年諭衍聖公以萬壽入賀朝廷待以賓禮不在文武職
官之列不必朝參同上

十七年正月己酉朔日有食之免元旦朝賀自是每元日
皆不視朝矣三編

諸王來朝

明倣古封建親王之藩不常入朝朝則賜賚甚厚禮志

洪武二十一年九月丙戌秦晉燕周楚齊湘魯潭九王來

明會要卷十一

八

朝本紀
二十四年十一月庚戌晉王櫛來朝初櫛在國驕縱多不

法上欲罪之至是隨太子來朝上怒稍解仍勅歸藩晉王傳

二十五年春正月戊子周王橚來朝壬寅晉王櫛燕王棣

楚王楨湘王柏來朝

二十六年二月乙酉蜀王椿來朝四月戊子周王橚來朝

八月癸未秦晉燕周齊五王來朝九月癸丑代肅遼慶甯

五王來朝已上本紀

是年定諸王大朝行八拜禮常朝一拜凡伯叔兄見天子
在朝行君臣禮便殿行家人禮天子伯叔五十不朝兄弟

叔姪六十不朝俱令世子代之通典

永樂二年九月丙午周王橚來朝獻駒虞百官請賀不許

本紀

四年三月齊王樽來朝廷臣劾其罪樽厲聲曰奸臣喋喋

又欲效建文時耶會盡斬此輩帝聞之不懌留之京師削

官屬護衛齊王傳

正統八年二月戊戌淮王瞻塽來朝丙午荆王瞻垞來朝

本紀

天順元年四月襄王瞻塿來朝賜宴便殿特命百官朝王

於館尋請還帝親送至午門外握手泣別諸王自谷府變

明會要卷十一

九

後來朝久不許至是乃特行之四年復入朝六年又召以

老辭歲時存問禮遇為諸藩所未有三編

六年六月戊辰淮王祁銓來朝本紀

宏治八年太皇太后召崇王見澤來朝禮部尚書倪岳言

數年來三王之國道路供億民力殫竭今召王復來往返

勞費兼水溢旱蝗舟車所經恐有他虞親王入朝雖有故

事自宣德來已鮮舉行英宗復辟襄王奉詔來朝雖篤敦

敘之恩實塞疑謗之隙非故事也大學士徐溥亦以為言

帝為請乃已崇王傳

諸司朝覲

明制天下官三年一入朝自十二月十六日始鴻臚寺以次引見禮志

洪武元年正月天下來朝官陛辭上戒諭之遂為令大政記

六年正月覲天下府州縣官編三

十一年正月徵天下布政使及知府來朝本紀

十六年十一月定諸司來朝及差回者先朝見後詣所司

否者以違制論大政記

十八年正月癸酉天下布按二司及府州縣來朝者凡四

千一百餘人五月戊申諭吏部曰外官一歲一朝未免曠

官滋費自今定為三年一朝著為令昭代典則

明會要卷十一

十

永樂十年正月己丑命入覲官千五百餘人各陳民瘼不

言者罪之言有不當勿問本紀

天順三年十二月令凡方面官入朝遞降京官一等序立

大政記

萬曆二年正月召見朝覲廉能官於皇極門面加獎勵賜

銀幣酒饌編三

朝賀中宮

洪武元年九月定皇妃以下正旦冬至朝賀儀

二年正月皇后受命婦朝於坤甯宮賜宴已上大政記

二十六年重定中宮朝賀儀禮志

永樂元年正月己卯朔命婦朝坤甯宮二月丙辰千秋節命婦入朝大政記

二年九月徐皇后一日問陛下誰與圖治者帝曰六卿理

政務翰林職論思后因請悉召見其命婦賜冠服鈔幣諭

之曰婦之事夫奚止饋食衣服而已必有助焉朋友之言

有從有違夫婦之言婉順易入吾且夕侍上惟以生民為

念汝曹勉之后妃傳

三年四月定命婦朝賀止三品以上餘悉免之大政記

嘉靖十三年正月壬子立方氏為后越三日頒詔天下明

日受命婦朝賀同上

明會要卷十一

十一

崇禎五年三月二十八日皇后千秋命婦例當朝賀久不

行上請允之甲戌三月命婦再朝是日皇后母嘉定伯夫

人亦入班朝賀畢即召入殿皇后欲設座拜之辭不許春錄

夢餘錄

朝賀東宮

洪武元年上以東宮師傅皆勳舊大臣當待以殊禮命禮

官定三師朝賀東宮儀議曰唐制羣臣朝賀東宮行四拜

禮皇太子答後二拜三公朝賀前後俱答拜今擬凡大朝

賀設皇太子座於大本堂設答拜褥位於堂中設三師賓

客諭德拜位於前仿唐制行四拜禮皇太子答後二拜從

之通典

十四年給事中鄭相奏舊制百官見東宮皆稱名惟宮臣稱臣下廷臣議編脩吳沈等曰東宮國之大本所以繼聖統承天位也臣子尊敬之禮不宜有二請凡啟事皇太子者皆稱臣如故從之吳沈傳

二十九年重定諸王見東宮儀朝見後於內殿行家人禮以諸王皆尊屬也本紀

宣德九年三月戊寅文武羣臣朝皇太子於文華殿大政記

成化十四年三月甲子朔皇太子冠禮部請每月朔望文武百官奉天殿朝參後皆赴文華殿謁太子制曰可憲章錄

明會要卷十一

十一

隆慶五年正月大學士李春芳言先朝故事東宮未出閣時閣臣以朔望次日行謁見禮即今春和乞舉行如例上許之二月甲午廷臣及朝觀官謁皇太子於文華左門王圻考通

朝賀班序

洪武三年正月癸巳命宰臣定百官入侍班序昭代大典則定文

武官五品以下並列班於丹陛左右不得上殿大政記

三月禮部奏案宋制駙馬班次出入皆依官品今駙馬既授官職當依百官由西門出入其班次品級當在百官之上如一品在一品之上二品在二品之上從之實錄

十六年禮部尚書任昂請更定朝參次序任昂傳

二十年十月丁卯禮部尚書李原名考正禮儀重定朝參及筵宴儀朝班序立公侯居文武班首次駙馬次伯自一品以下各以序文東武西風憲糾儀官居下北面紀事官居文武第一班之後稍近上以便觀聽不得攙越如奏事須從班末至御前跪奏不得班內橫過實錄

二十四年定侍班官員凡文武官員除分詣文華殿啟事外如遇陞殿各用履鞮照依品級侍班有違越失儀者從監察御史儀禮司糾劾又令禮部置百官朝班序牌大書品級列丹墀左右木柵上文武百官照品序立朝參之時

明會要卷十一

十一

將軍先入近侍次之公侯駙馬伯又次之五府六部又次之應天府及在京雜職官員又次之會典

永樂初令內閣官侍朝立金臺東錦衣衛在西後移御道東西對立禮志

仁宗即位戶部尚書夏原吉加太子少傅呂震以太子少師班原吉上帝命鴻臚引震列其下進少保夏原吉傳

景泰初定午朝儀內閣五府六部奏事官六科侍班官按西序立侍班御史二序班二將軍四按南面北立鳴贊一按東西向立錦衣衛鴻臚寺東向立管將軍官侍衛官立於將軍西禮志

三年令師保兼官品同者立班以衙門為次會典

成化十四年令進士照辦事衙門次第立於見任官後上

宏治元年三月禮部進午朝儀注實錄

二年六月戊子朔主事林沂奏欲按品秩列坐御史上為

御史劾之曰朝廷設官分職有拘品秩者有不拘品秩者

故慶成宴科道坐郎中之上翰林坐科道之前若概以品

秩則諸學士當列於少卿之下京縣知縣兵馬司當列於

御史給事中之上矣上以沂故違成憲黜之春明夢餘錄

嘉靖七年帝方視朝見張璉桂萼班兵部尚書李承勛下

意嫌之乃手敕加璉萼俱太子太保張璉傳

明會典卷十一

西

舊制右班武臣以都督為先自嘉靖以來錦衣權重又陸

炳朱永皆三公重銜官在都督之上故列於首萬厯戊寅

朱已沒掌錦衣者俱都指揮等官相沿舊規仍立前列其

後遂有爭議部中不能持可否乃令錦衣仍前立行稍下

都督立其後稍上非正禮也春明夢餘錄

隆慶元年都給事中辛自修等以朝儀久曠班行不肅請

令禮官考議成式禮部禮科會議國初定制百官以品序

立其後更定又有不拘於品者如內閣錦衣衛升立寶位

之東西翰林學士列於僉都御史之上其他翰林官不論

品級序於京堂之內科道官自為一等列於部屬之先及

鴻臚寺尚寶司列於西階三科六道與東班對待雖若次

序參錯然或以顧問糾察或以奉事承旨莫不有因難以

輕改今後常朝悉如此例其餘官員仍依品級崇卑衙門

次序為例如有紊越聽糾儀官糾奏從之通典

萬厯四年題准五府都督官常朝班次不當入侯伯班仍

照殿班立於錦衣官之後稍上俟錦衣衛堂上官詣金臺

邊北司官於臺下各侍立仍與南北無執事官同班而序

於其上同上

十一年令於金水橋邊增設序班三員北向站立俟東西

兩班站定各於班末熟視有回顧耳語咳嗽吐唾者即時

明會典卷十一

五

糾舉同上

免朝參

吳元年以朱升為侍講學士升年老特免朝謁本傳

洪武三年以危素為宏文館學士賜小車免朝謁本傳

十五年六月令國學官年老者遇暑月及雨雪免朝參

成祖初令功臣年老者免朝參已上大政記

永樂十七年工部尚書宋禮自蜀召還以老疾免朝參本傳

宣德時刑部尚書金純有疾上命醫視療稍間免朝參本傳

正統十四年十一月令京營官直操日免朝參大政記

景泰時尚書王直年益高帝優禮之免其常朝

成化五年彭時得疾在告踰三月帝趣赴閣辦事免朝參
宏治初王恕連章求去帝輒慰留且以其老特免午朝遇
大風雨雪早朝亦免

六年邱濬以目疾免朝參

十年徐溥引年求退不許詔風雨寒暑免早朝已上各見本傳

嘉靖二年六月吏部尚書喬宇在告免朝參專理部務大政

五年楊一清復相世宗以一清老臣特免常朝日講侍班

朔望朝參本傳

七年大學士謝遷力求去帝不許待之愈厚以天寒免朝

明會要卷十一

未

參本

輟朝

凡聞皇妃喪輟朝三日發引下葬各免朝一日親王喪輟
朝二日公主喪及下葬各輟朝一日郡王及文武大臣喪
年終類輟朝一日先期禮部具奏出告示於長安左右門
至日早朝不鳴鐘鼓不鳴鞭不設儀仗文武百官各服淺
淡服黑角帶於奉天門朝參典會

洪武十七年徐達卒帝為輟朝臨喪本傳

二十三年三月定公侯卒葬輟朝禮大政

二十四年懿文太子薨禮官議期喪請以日易月及當除

服帝不忍禮官請之始釋服視朝興宗傳

二十八年秦王棧薨禮部尚書任亨泰言考宋制宜輟朝

五日今遇時享請暫輟一日禮志

宣德五年二月定忌辰輟朝之例昭代典則

正統八年五月戊寅雷震奉天殿鴟吻上輟朝祭告大政

成化八年忻王見治薨發引日帝不視朝及葬輟朝一日禮志

十一年三月定侯伯薨爵未久而卒者止與祭不輟朝大政

嘉靖二十八年莊敬太子薨輟朝十日禮志

明會要卷十一

七

宴禮

明制有大宴中宴常宴小宴禮志

凡大祀天地次日慶成及正旦冬至聖節大宴立春元宵

四月八日端午重陽臘八日承樂間俱於奉天門賜百官

宴用樂其後皆宴於午門外不用樂典會

洪武元年正月丁丑大宴羣臣於奉天殿三品以上升殿

餘列丹墀大政

三年十一月丙申大封功臣戊戌大宴明紀

十五年正月辛巳宴羣臣於謹身殿始用九奏樂本紀

二十六年重定大宴禮陳於奉天殿禮志

凡賜宴文臣四品以上及諸學士武臣都督以上皆宴殿上經筵官及翰林講讀尚寶司卿六科都給事中暨文臣五品堂上官武臣都指揮以上官宴中左中右門翰林院中書舍人左右春坊御史欽天監太醫院鴻臚寺官及五品以上官宴於丹墀春明夢餘錄

成祖初以冊立中宮宴文武羣臣四品以上於奉天殿五品以下於丹墀命婦宴於坤甯宮明政統宗永樂元年四月癸亥萬壽節宴百官詔豫定班次命駙馬儀賓及隨侍各王來朝官宴於三公府四品以上文武官諸學士侍宴奉天殿在京各衙門堂上六品以上官近侍

明會要卷十一

六

官尚史官宴於中左門外進表官四夷朝貢宴於中右門餘文武宴於丹墀內實錄

八年七月上至北京大宴羣臣於奉天殿未預宴者各賜之鈔明政統宗

十九年正月甲子朔以北京郊社宗廟及宮殿成大宴禮志二十年九月辛未論從征功勞將士分四等賜宴楊榮金幼孜皆列前席受上賞楊榮傳

二十二年五月丁酉宴從征文武大臣於應昌命中官歌太祖御製詞五章曰此先帝所以垂戒後嗣也雖在軍旅不敢忘已亥次威遠州復宴羣臣自製詞五章命中官歌

之本紀文皇友愛諸弟每來朝賜宴於華蓋殿世子郡王則皇太子宴於文華殿獨宴尚師哈立麻亦華蓋殿蓋以親王例待之也春明夢餘錄

永樂間尚書滿九載如趙犴夏原吉蹇義方賓副都御史李慶賜宴華蓋武英等殿後內閣一品九載亦如之同上凡百官於奉天華蓋謹身武英等殿侍宴奏對皆穿禮鞋上殿違者罪之王圻通考

宣德三年三月宴大臣於西苑三編賜宴之日其官卑祿薄者免宴賜以鈔謂之節錢春明夢餘錄

八年正月宴卓異官何文淵等七人於闕廷大政記

洪武初賜諸進士宴於中書省宣德五年賜宴於中軍都督府八年賜宴於禮部遂著為令選舉志

皇太后聖誕正統四年賜宴午門東宮千秋節永樂間賜府部堂上春坊科道近侍錦衣衛及天下進箋官宴於文華殿宣德以後俱宴午門外禮志

正統六年九月三殿成十一月甲午朔上御奉天殿賜文武落成宴三編十年正月宴天下來朝賢能官於禮部通紀天順二年十一月罷冬至宴上謂李賢曰節固當宴但殺

明會要卷十一

九

牲畜太多尙有正旦慶成一歲四宴朕欲減之由是每歲

二宴至正旦亦或不宴唯慶成一宴歲以為常憲章錄

嘉靖二年十二月帝以災異頻仍欲罷明年郊祀慶成宴

裴紹宗言祭祀之禮莫大於郊丘君臣之情必通於宴享

往以國戚廢大禮今且從吉宜即舉行豈可以災傷復免

脩撰唐皋亦以為言從之明紀

三年正月庚辰免上元節宴實錄

六年正月太祀先期禮官以宴請帝曰郊祀慶成次日設

宴乃祖宗朝故典蓋以上帝監歆君臣歡會其禮誠不可

廢也今四方災異非常方欲上下同加脩省恐多費勞民

明會要卷十一

辛

可暫免一年以見朕奉天恤民之意惟四夷使臣賜宴如

故典通

武定侯郭勛以會武宴列尙書下疏爭之兵部尙書李鉞

言中府官之有會武宴猶禮部之有恩榮宴也恩榮禮部

為主會武中府為主故皆列尙書之次宴圖可徵不得引

團營故事帝竟從勛言李鉞傳

十年九月乙丑西苑宮殿成帝置宴見兵部尙書王時中

工部尙書蔣璠席在外命移殿內而移皇親於殿右以讓

璠曰親親不如尊賢蔣璠傳

隆慶元年八月詔翰林官撰中秋宴致語徐階言先帝未

徹几筵不可宴樂帝為罷宴徐階傳

萬曆十三年大學士申時行特賜宴禮部九卿三品皆陪

列蓋前所未有也春明夢餘錄

賜食

洪武中每日視朝畢上御奉天門或華蓋武英等殿公侯

一品官侍坐門內二品至四品及翰林院坐門外五品以

下官於丹墀內贊拜叩頭就坐光祿寺進膳各設饌食畢

叩頭而退日以為常二十八年十月以禮臣言罷之昭代

宣德四年十二月帝以霜寒命光祿寺賜早朝官羊酒謂

侍臣曰皇祖考臨朝且常賜食必謹識無忘鄧元錫明書

明會要卷十一

辛

明會要卷十二終

明會要卷十三

永新龍文

禮八

上尊號徽號

吳元年十二月癸丑相國李善長等奉表勸進帝曰始吾
即王位不得已勉從眾言今卿等復勸即帝位恐德薄不
足當之羣臣固請上固卻之明日善長等復請曰殿下謙
讓之德著於四方感於神明願為生民計早徇羣臣之請
上曰中原未平軍旅未息吾意天下大定然後議此而卿
等屢請不已此大事須詳酌禮儀而行

明會要卷十三

洪武元年正月乙亥昭告上帝皇祇追尊四代祖考妣為
皇帝皇后奉上玉寶玉册册曰祖父有天下傳之子孫子
孫有天下追尊祖考此古今之通義也某遇天下兵起躬
擐甲胄戡定四方以安人民土地日廣皆祖考深仁厚德
所致也諸臣庶推尊為皇帝先世考妣未致尊崇謹上皇
帝皇后尊號

已上大訓記

天子登極奉母后或母妃為皇太后則上尊號其後或以
慶典推崇皇太后則加二字或四字為徽號上徽號致詞
而上尊號則止進册寶會典
上皇太后尊號自宣宗登極始禮志

英宗復辟岷王徽燦請上皇太后尊號禮部以非本朝故
事乃止已而尙寶司少卿錢溥謂陳汝言曰復辟之初非
奉太后詔誰敢提兵入禁今論功行賞無虛日而母后徽
號未加甯非闕典汝言以聞帝大悅及問李賢曰此莫大
之孝也遂上尊號曰聖烈慈壽皇太后明代宮闈徽號自
此始三編

憲宗即位議上兩宮徽號中官夏時欲獨尊貴妃為太后
李賢彭時持不可頃之中官傳貴妃旨日子為皇帝母為
皇太后豈有無子而稱太后者宣德間有故事彭時曰今
日事與宣德異胡后上表讓位故正統初不加尊今名分

明會要卷十三

固在安得為比中官曰如是何不草讓表時曰先帝時未
嘗行今誰敢草中官復厲聲恍之時拱手面天曰太祖太
宗神靈在上誰敢二心錢后無子何所規利而為之爭不
忍默者欲全主上聖德耳若推大孝之心則兩宮並尊為
宜賢亦極言之議遂定將上册寶彭時曰兩宮同稱則無
別錢皇后請加二字以便稱謂從之彭時傳

嘉靖十五年十二月甲寅兩宮皇太后徽號增至八字皇
太后張氏加上昭聖恭安康惠慈壽皇太后蔣氏加上章
聖慈仁康靜貞壽大政記
神宗即位上兩宮尊號舊制天子立尊皇后為皇太后若

有生母稱太后者則加徽號以別之馮保欲媚貴妃因以並尊風張居正下廷臣議尊陳皇后曰仁聖皇太后生母貴妃李氏曰慈聖皇太后始無別矣后妃傳

册封皇子

洪武三年二月考定諸王册封禮儀寶制四月辛酉以封建告太廟宴羣臣於奉天殿及文華殿帝諭廷臣曰元失其馭羣雄並起四方鼎沸民遭塗炭朕躬率師旅以靖大難皇天眷佑海宇甯謐然天下之大必樹藩屏上衛國家下安生民今諸子既長宜各有爵分鎮諸國朕非私其子乃遵古先哲王之制為久安長治之計羣臣對曰陛下封

明會要卷十三

三

建諸王以衛宗社天下萬世之公議帝曰先王封建所以庇民周行之而久遠秦廢之而速亡漢晉以來莫不皆然其間治亂不齊特顧施為何如耳

乙亥册封諸皇子為王詔天下曰朕惟帝王之子居嫡長者必正儲位其諸子當封以王爵分茅胙土以藩屏國家朕今有子十人即位之初已立長子標為皇太子諸王之封本待報賞功臣之後然尊卑之分所宜早定乃以四月七日封子棧為秦王柵為晉王棣為燕王橚為吳王楨為楚王榑為齊王梓為潭王杞為趙王檀為魯王從孫守謙為靖江王皆授以册寶置相傅官屬

册秦王文曰昔君天下者必建屏翰然居位受福國於一方並簡在帝心第二子棧今命爾為秦王永鎮關中豈易事哉朕起農民與羣雄並驅艱苦百端志在奉天地享神祇張皇師旅伐罪弔民時刻弗怠以成大業今爾有國當恪敬守禮祀其宗社山川謹兵衛恤下民必盡其道體朕訓言尚其慎之諸王文同

册靖江王文曰朕稽古帝王撫有方夏必茂建親支所以敦族固本其來尚矣朕既為天子追念吾兄以爾守謙兄之孫也俾王靖江以鎮廣海之域毋忘訓語益脩厥身尚其慎哉已上大訓記

明會要卷十三

四

二十八年八月更定皇太子親王等封爵册寶之制皇太子親王俱授金册金寶皇太子妃王妃公主授金册不用寶大政記

成化末封岐益衛衡雍五王帝親告奉先殿遣使就各王府册之罷臨軒禮諸王當襲封者俱於歲終遣官册封嘉靖中改於孟春著為令通典崇禎十四年九月辛卯封皇子慈炯為王先是上諭禮臣曰朕第三子慈炯年已十齡敬遵祖制宜加王號但既受册封必具冕服而會典開載年二十五始行冠禮十齡受封加冠二禮並行可乎於是禮臣歷考典故參稽經傳

以奏乃册封為定王仍俟至十二歲始行冠禮諸王傳

行幸

洪武元年四月甲子車駕發京師幸汴梁五月庚寅至汴梁辛卯改汴梁曰開封府六月壬寅躬祀開封府諸神仍遣官祭境內山川大政記

八月己巳詔以應天為南京開封為北京壬午幸北京本紀

二年九月癸卯詔以臨濠為中都大政記四年二月甲戌幸中都本紀

五年定出巡儀注車駕出入有司肅清道路官民不許開門觀望行立所在官員父母合迎駕者於仗外路右叩頭

俯伏候車駕前行方起若遇駐蹕之處合迎駕之人行五拜禮王圻通考

八年四月辛卯幸中都本紀

明會要卷十三

五

永樂六年八月丙戌詔曰成周營洛肇啟二都有虞勤民尤重巡省朕君臨天下統御之初已升北平為北京今國家無事省方維時將以明年二月巡幸北京命皇太子監國親王止離王城一程迎候官吏軍民於境內朝見非經過之處毋得出境凡道途供應皆已節備有司不得有所進獻尋命禮部頒巡狩禮並行直省凡有重事及四夷來朝與進表者俱達行在所小事達京師啟皇太子奏閱實錄

是年改定巡狩儀車駕將發奏告天地社稷太廟孝陵祭大江旗纛等神載祭於承天門將至北京境上設壇祭北京山川等神車駕至北京奏告天地祭境內山川王圻通考

八年七月壬午至北京

十一年二月甲子幸北京

十五年三月壬子北巡

宣德五年九月乙卯巡近郊己未還宮十月丙子巡近郊至洗馬林遍閱城堡兵備本紀

六年七月帝微行漏下十二刻帝從四騎幸楊士奇宅士奇倉皇出迎頓首曰陛下奈何以宗廟社稷之身自輕帝

曰朕思卿一言故來耳越數日帝遣內官問士奇微行有何不可對曰陛下尊居九重幽隱豈能遍洽萬一冤夫怨卒窺間竊發誠不可不慮後旬餘獲二盜如士奇言帝曰今而知卿之愛朕也三編

九年九月上率師巡邊癸未車駕發京師庚子回鑾王圻通考

正統十三年十月幸大興隆寺三編

天順三年十月己未幸南海子本紀

四年十月戊辰幸南海子本紀

正德九年二月庚子帝始微行王圻通考

十二年七月帝聽江彬言將出關幸宣府巡關御史張欽

明會要卷十三

六

上疏諫曰比者人言紛紛謂車駕欲度居庸遠遊邊塞臣度陛下非慢遊蓋欲親征北寇也不知北寇猖獗但可遣將徂征豈宜親勞萬乘英宗不聽大臣言六師遠駕遂成己巳之變夫匹夫猶不自輕奈何以宗廟社稷之身蹈不測之險况今內無儲貳國家多事甘肅有吐蕃之患江右有葦賊之擾淮南有漕運之艱巴蜀有採辦之用京畿諸郡夏麥少收秋潦爲沴而陛下不虞禍變欲縱轡長驅觀兵絕塞臣竊危之已聞朝廷切諫皆不納復疏言臣愚以爲乘輿不可出者有三人心搖動供億浩繁一也遠涉險阻二宮懸念二也北寇方張難與之角三也臣職居言路

明會要卷十三

七

奉詔巡關分當效死不敢愛死以負陛下疏入不報八月朔帝微行至昌平傳報出關甚急欽命指揮孫璽閉關納門鑰藏之分守中官劉嵩欲詣昌平朝謁欽止之曰車駕將出關是我與君今日生死之會也關不開車駕不得出違天子命當死關開車駕得出天下事不可知萬一有如此土木我與君亦死甯坐不開關死死且不朽頃之帝召璽璽曰御史在臣不敢擅離乃更召嵩嵩謂欽曰吾主上家奴也敢不赴欽因負敕印手劍坐關門下曰敢言開關者斬夜草疏曰臣聞天子將有親征之事必先期下詔廷臣集議其行也六軍翼衛百官扈征而後有車馬之音羽旄

之美今寂然一不聞輒云車駕即日過關此必有假陛下名出邊句賊者臣請捕其人明正典刑若陛下果欲出關必兩宮用寶臣乃敢開不然萬死不奉詔奏未達使者復來欽拔劍叱之曰此詐也使使者懼而返爲帝言張御史幾殺臣帝大怒顧錢甯爲我趣捕殺御史會梁儲蔣冕等追至沙河請帝歸京師帝徘徊未決而欽疏亦至廷臣又多諫者帝不得已乃自昌平還意怏怏未已又二十餘日欽巡白羊口帝微服自德勝門出夜宿羊房民舍遂疾馳出關數問御史安在欽聞追之已不及欲再疏諫而帝使中官谷大用守關禁毋得出一人欽感憤西望痛哭於是京

明會要卷十三

八

師傳張御史閉關三疏云張欽傳十三年正月丙午至自宣府命羣臣具綵帳羊酒郊迎御帳殿受賀辛酉復如宣府本紀七月丙午復如宣府工科都給事中石天柱念帝盤遊無度羣臣雖諫帝意不回思所以感動之者乃刺血草疏略曰臣竊自念生臣之身者臣之親也成臣之身者累朝之恩也感成身之恩欲報之於陛下者臣之心也因刺臣血以寫臣心明臣愚忠冀陛下憐察數年以來星變地震大水奇荒災異不可勝數而陛下不悟禍延太皇太后天之意欲陛下居衰絰中悔過自新以保大業也倘或不悟天

意或幾乎息矣夫大位者奸之窺也昔太康田於洛汭煬帝行幸江都皆以致敗可不鑑哉方今朝廷空邊鄙空城市空倉廩空天下皆知危亡之禍獨陛下不知耳治亂安危在此行止此臣所痛心為陛下惜復昧死為陛下言也凡數千言當天柱刺血時恐為家人所阻避居密室雖妻子不知既上即易服待罪聞者皆感愴而帝不悟也石天柱傳十四年二月壬申至自宣府本紀是年三月帝議南巡修撰舒芬等上疏極諫曰古帝王所以巡狩者協律度同量衡訪遺老問疾苦黜陟幽明式序在位是以諸侯畏焉百姓安焉若陛下之出不過如秦皇

明皇卷三十一

九

漢武侈心為樂而已非能行巡狩之禮者也博浪柏谷其禍亦可鑒矣近者西北再巡六師不攝四民告病哀痛之聲上徹蒼昊傳播四方人心震動故一聞南巡詔書皆鳥驚獸散而有司方以奉迎為名徵發嚴急江淮之間蕭然煩費萬一不逞之徒乘勢倡亂為禍非細且陛下以鎮國公自命苟至親王國境或據勳臣之禮以待陛下將北向朝之乎抑南面受其朝乎假令循名責實深求悖謬之端則左右寵倖無死所矣倘有事堪痛哭不忍言者宗藩蕃劉溷之釁大臣懷馮道之心以祿位為故物以朝署為市廛以陛下為弈棋以革除年間為故事特左右寵倖知術

短淺無能以此言告陛下耳使陛下得聞此言雖禁門之外亦將警蹕而出倘敢輕騎慢遊哉舒芬傳

八月癸未車駕發京師十二月丙戌至南京本紀江彬又欲

導帝幸蘇州下浙江抵湖湘諸臣極諫會其黨亦勸阻乃

止三編

嘉靖十六年三月癸酉如天壽山丙午幸大峪山

十八年二月乙卯幸承天辛酉次真定望於北嶽三月己

巳渡河祭大河之神辛未次鈞州望於中嶽四月壬子至

自承天甲子幸大峪山已上本紀

隆慶二年二月丙子幸南海子先是左右有言南海子之

明皇卷三十二

十

勝者上將往幸都給事中王治率同官諫內閣徐階尙書

楊博等並阻止皆不聽至則荒莽沮溼上甚悔之王治傳

視學

洪武五年京師文廟成車駕幸大學行釋奠禮春明夢餘錄時以應

天府學為國子學蓋在應天府學行禮至十五年

十五年五月己未國子學新成帝將行釋菜禮侍臣有言

孔子雖聖人臣也禮宜一奠再拜帝曰昔周太祖如孔子

廟左右謂不宜拜周太祖曰孔子百世帝王師何敢不拜

今朕有天下敬禮百神於先師禮宜加崇乃命禮部尙書

劉仲質詳議仲質請帝服皮弁執圭詣先師位前再拜獻

爵又再拜退易服乃詣彝倫堂命講庶典禮隆重詔曰可

劉仲質傳

永樂四年三月辛卯朔帝詣國子監禮部尚書鄭賜引宋

制請服鞞袍再拜帝不從仍服皮弁行四拜禮御彝倫堂

授經設几榻賜講官及大臣翰林坐祭酒司業博士助教

序進坐講諸生環列以聽禮志三編

正統九年二月大學成三月辛亥朔幸大學釋奠先師祭

酒李時勉當進講會久病及升堂講尚書詞旨清朗上悅

賜予有加本紀及時勉傳

成化元年三月丁巳帝視大學釋奠先師始加牲用樂停

祭酒官以下宴止宴衍聖公三氏子孫於禮部

宏治元年三月癸酉幸大學先期致齋一日奠加幣牲用

太牢改分獻為分奠尚書王恕請之也已上史概

嘉靖十二年三月丙辰上以先師祀典既正再視學命大

臣致奠啟聖公祠禮志

隆慶元年八月癸未朔釋奠於先師孔子本紀

天啟五年三月甲寅釋奠於先師孔子本紀魏忠賢欲先一

日聽祭酒講又議裁諸聽講大臣賜坐茶禮吏部尚書崔

景榮力持不可乃止景榮傳

崇禎十四年八月行釋奠禮禮部先以八月初四請已報

可是日丁未舊例丁祭遣閣臣行禮乃改是月十八日躬

行釋奠而初四日仍遣閣臣行禮春明夢餘錄

十七年二月釋奠遣大學士魏藻德行禮是日天氣晴明

臨祭各官甫就拜位大風忽起殿上燈燭盡滅庭下松檜

作怒號聲黃沙如雨下竟不能成禮而罷同上

明會要卷十三

十一

明會要卷十三終

明會要卷十四

永新龍文彬纂

禮九嘉禮

經筵日講

洪武三年二月上御東閣學士宋濂待制王禕講大學

十六年八月上御謹身殿命東閣大學士吳沈等進講周

書立政

十八年九月上御華蓋殿大學士朱善以周易進講已上禮

通考

洪武中令儒臣更番入禁中每日輪一員進講侍直誤者

明會要卷十四

罪之如大學士吳沈嘗坐進講遲誤被劾殿閣詞林記

永樂二年六月朔御文華殿大學士楊士奇以大學講義

進上覽其文善之遂命翰林春坊諸臣分撰諸經講義與

閣臣再閱有未當處悉與改正然後呈講

宣德二年二月己酉御文華殿召翰林進講離婁篇三年

二月進講舜典因命左右出茶茗以賜講官已上五禮通考

宣德以前儒臣進講無定日亦無定所正統元年三月楊

士奇楊榮楊溥請開經筵並擇老成識達大體者數人以

供侍講之職太皇太后然之命士奇榮溥及侍講學士王

直等為經筵官以月之二日十二日二十二日會講文華

殿餘日仍令講讀官四人入講經史編三

正統初選經筵官閣臣悉以翰林院官充選時章后在內

批云如何不見居外賢良以旨付宏文館於是劉球諸人

自部屬進次經筵陸鈺病逸漫記

景泰元年二月癸未初開經筵上每臨講幄輒命宦官擲

金錢於地任講官遍拾之號恩典文臣與者內閣高穀等

外惟儀銘俞山俞綱蕭鎡趙琬數人而已儀銘傳

八月御經筵先是御史許仕達上言經筵之講一暴十寒

聖學何以有成正統間上下蒙蔽無敢言者願陛下於經

筵之外日召儒臣講論經史稽之於古驗之於今以應無

明會要卷十四

方之變優詔褒答實錄

故事勳臣不知經筵閣臣俱同知經筵至李賢以首輔與

勳臣俱知經筵遂以為例春明夢餘錄

成化五年八月復御經筵先是劉定之請經筵兼講太祖

御製諸書斥異端邪教勿令害政耗財上留其疏至是乃

詔行之憲章錄

宏治元年三月吏部侍郎楊守陳請遵祖制開大小經筵

略言大經筵但如舊制若小經筵當擇端介博雅之臣以

次進講凡前朝典籍祖宗謨訓百官章奏皆當貯文華後

殿退朝披覽日令內閣一人講官二人居前殿右廂有疑

輒問一日閒居文華殿之時多處乾清宮之時少則欲寡
心清臨政不惑而出治之本立矣帝遂於月之丙子開經
筵翼日丁丑命儒臣進講楊守陳傳

七月文華殿日講畢賜講官程敏政等各織金緋衣金帶
上皆呼先生而不名王圻通考

諭德王華在講幄最久孝宗甚眷之李廣貴幸華講大學
衍義至唐李輔國與張后表裏用事指陳甚切帝命中官

賜食勞焉王守仁傳
五年二月定經筵俱用吉服大政記

十年三月有詔以下旬御經筵給事中楊廉言故事經筵
一月三舉苟以月終起以月初罷則進講有幾且經筵起

而後日講繼之今遲一日之經筵即輟一日之日講也報
儒林楊廉傳

侍講學士王鏊充講官中貴李廣導帝遊西苑鏊講文王
不敢盤于遊田反覆規切帝為動容講罷謂廣曰講官指

若曹耳王鏊傳

十八年二月上御經筵學士張元禎請講太極圖西銘等
書上觀之喜曰天生斯人以開朕也元禎長不逾中人每

日講上特設低几聽之元禎傳
正德元年三月丁亥大學士劉健等言自開講以來不時

明會要卷十四

三

傳旨暫免者多以兩宮朝謁為詞近又云擇日乘馬臣等
愚見以為乘馬等事似與講學兩不相妨至於慈宮問安
往來不過頃刻且兩宮以宗社為念見皇上勤於講學亦
必喜動顏色今以頃刻之問安而廢一日之學業恐非所
以慰聖顏承慈意也伏乞日勤聽講除舊例假日外其餘
尋常之日不暫停免使臣等得以少效涓埃則聖德日隆
聖治日新矣報可

九月戊寅上御經筵先是經筵既開以暑月停免至八月
劉健等以為請時上方大婚命俟九月至是司禮監復傳

旨欲免午講健等以先帝故事日再進講伏乞聖明少留
數刻使臣等照舊每日二次進講庶幾盡保傅之責以免
曠職之愆已上實錄

二年三月上御經筵詹事楊廷和學士劉忠直講講畢因
致規諫語上退語劉瑾曰經筵講書耳何添出許多話來

瑾曰二人可令南京去於是並遷南侍郎昭代典則

嘉靖元年五月命經筵輟講林俊舉祖宗勤學故事以諫
不聽林俊傳

六月丁丑大學士楊廷和等上言近以暑日傳旨經筵日
講俱暫免又免午奏臣等職司輔導實有未安伏乞宮中

無事不廢讀書其大學尙書容臣等接續前日所講讀者

明會要卷十四

四

量進起止仍不時御文華殿召見臣等俯賜訪問上是之已而編修湛若水亦以為言俱報聞錄

六年六月上諭講官日輪一員將經書通鑑撮其有關君德者直錄其義以進楊一清言經書淵微通鑑浩繁請日

講大學衍義從之通紀

是月定講大學衍義儀每月初三初八十三十八日用經

筵講官二員進講內閣學士一員侍班講畢賜茶酒飯俱

如日講儀五禮通考

經筵講官及執事官失儀舊制許令出班請罪得面宥世

宗以經筵乃講學親賢之地一切差誤令侍儀科道退而

明會要卷十四

五

具奏免其自請春明夢餘錄

八年三月上御經筵國子祭酒陸深進講言經筵講章必

送內閣裁定是其意盡出閣臣講官不過口宣之耳此於

大義未安而感孚之道亦甚相遠請容臣等各陳所見因

以觀臣等之深淺更請自訓詁衍釋之外凡天下政事典

章得依經比義條列陳奏以裨聖學上以深欺罔詔降一

級謫延平同知通紀

十年定無逸殿講儀五禮通考

十二年五月召講官廖道南進講論語高宗諒陰節吏部

尚書汪鉉求大學士張孚敬改題以其有君薨聽於冢宰

句道南執不肯孚敬遂具揭帖以進上批云前日徐縉講孟敬子章撤去二節人之將死不講夫死生人道之常何諱之有如卿等言則忠讜之論何由得聞還命道南照舊進講王圻通考

隆慶六年定每日早講畢帝進煖閣少憩閱章奏閣臣等

退西廂房久之率講官再進午講講通鑑節要及貞觀政

要講畢帝還宮凡三六九視朝日暫免講讀禮志

神宗即位張居正請定三六九日視朝餘日御文華殿講

讀三編

萬曆初御經筵畢覽貞觀政要曰唐太宗多有慚德魏徵

明會要卷十四

六

大節有虧命以後講禮記其貞觀政要停講春明夢餘錄

二年十二月講讀畢問張居正元夕鼇山烟火祖制乎對

曰非也成化間以奉母后當時諫者不獨言官即翰林亦

有三四人上疏糜費無益所當節損上曰然明年元夕罷

烟火鼇山同上

是年定經筵春講以二月十二日起至五月初二日止秋

講以八月十二日起至十月初二日止禮志

六年十二月甲辰張居正以聖學方新經筵日講遠稽古

訓不若近事之可徵上溯先王不若家法之易守乃屬儒

臣將太祖列聖實錄寶訓分類編輯以經筵日進講上嘉

納之春明夢餘錄

十五年二月罷日講申時行請免日講仍進講章以備觀覽自後為故事講筵遂永罷申時行傳

熹宗初御講筵內閣戒講官宜簡要講畢勿多獻孫承宗曰主上幼冲正宜詳明切直博引曲譬若講官聽中堂為芟改中堂又視中官為忌諱則講筵為無人矣講官李光元亦言講章不宜芟改上書爭之春明夢餘錄

天啟二年十月文震孟上勤政講學疏略言經筵日講臨御有期學非不講然侍臣進講鋪敘文辭如蒙師誦說已耳祖宗之朝君臣相對如家人父子咨訪軍國重務間闕

明會要卷十四

七

隱微情形畢照奸詐無所藏左右近習亦無緣蒙蔽若僅尊嚴如神上下拱手經傳典謨徒習故事安取此正笏垂紳展書簪筆者為震孟傳

時有詔停經筵日講給事中周朝瑞等言此果出聖意輔臣當引爭如輔臣阿中涓意則其過滋大且主上冲齡志意未定獨賴朝講不輟諸臣得一覲天顏共目指鹿之好今常朝已漸傳免儻併講筵廢之九闈既隔無謁見時司馬門之報格不入曰大防之貶不及知國家大事去矣會禮部亦以為言乃命日講如故朝瑞傳
崇禎元年文震孟官中允充日講官在講筵最嚴正時大

臣數逮繫震孟講魯論君使臣以禮一章反覆規諷帝即降旨出尚書喬允升侍郎胡世賞於獄帝嘗足加於膝適講五子之歌至為人上者奈何不敬以目視帝足帝即袖掩之徐為引下時稱真講官震孟傳

三年日講官羅喻義呈講章於政府溫體仁令改不從體仁怒上言故例唯經筵進規多於正講日講則講多規少今喻義以日講用經筵之例令刪改不從乃下吏部議喻義奏辯曰講官於正文外旁及時事亦舊制也臣展轉敷陳冀少有裨益體仁刪去臣誠恐愚忠不獲上達致忤輔臣今稟草具在望聖明省覽部議革職閒住喻義傳

明會要卷十四

八

十五年倪元璐以大司農充講官講生財有大道一節極言加派聚斂之害上震怒謂邊餉匱乏部中未見有長策徒作此皮面語元璐徐曰臣儒者所陳雖是書生語然不敢懷利以事君上默然次日謂閣臣曰講筵有問難而無詰責昨日之意朕甚悔之春明夢餘錄

東宮出閣講學

洪武元年十月建大本堂命魏觀侍太子說書及授諸王經又選國子生國琦王璞張傑等十餘人侍太子讀書禁中琦等入對謹身殿帝謂殿中侍御史郭淵文等曰諸生於文藝習矣然與太子處當端其心術不流浮靡明紀

初太祖命學士宋濂授皇太子諸王經於大本堂後於文華後殿世宗改爲便殿遂移殿東廂禮志

濂傳太子先後十餘年凡一言動皆以禮法諷勸使歸於道至有關政教及前代興亡事必拱手曰當如是不當如

彼皇太子每斂容嘉納言必稱師父云宋濂傳

天順二年四月乙丑皇太子出閣講讀上語廷臣曰東宮

講讀宜在文華殿朕欲移居武英殿但早晚朝見太后不

便乃以左廊居東宮昭代典故

成化十八年十二月文華殿大訓成書凡二十八卷列綱

四日進學曰養德曰厚倫曰明治帝親製文弁其首命詹

明會要卷十四

九

事彭華中允周經等進講於太子太子每起立拱聽萬安

以爲勞謂講官宜請坐聽華與經不從竟得如禮三編

宏治十一年三月己亥皇太子出閣讀講東宮宦豎不欲

太子近儒臣數以事問之詹事吳寬上疏曰東宮講學寒

暑風雨則止朔望令節則止一年不過數月一月不過數

日一日不過數刻是進講之時少輟講之時多豈容復以

他事妨之古人八歲就傅即居宿於外欲令離近習親正

人庶民且然況太子天下本哉吳寬傳

十五年尙書馬文升奏皇太子當進學之時雖日出讀書

止在左春坊與二三內閣翰林等官相接且去處頗狹未

甚從容古者帝王之教太子左右前後罔非正人是以教

諭而德成臣愚請皇太子照皇上御經筵故事每月三次

初六十六二十六出御文華殿令六部都察院諸卿掌印

官同內閣大臣東宮講讀等官侍班讀書庶皇太子收斂

身心相接日久自然識見益廣疏入帝不納明臣奏議

嘉靖二十五年皇太子生十一年猶未出閣講學御史周

冕極言諭教不可緩請早降綸音慎選侍從帝怒謫雲南

典史周冕傳

萬曆二十年正月給事中李獻可偕六科諸臣疏請豫教

言元子年十有一矣豫教之典當及首春舉行儻謂內廷

明會要卷十四

十

足可誦讀近侍亦堪輔導則禁闕幽閒豈若外朝之清肅

內臣忠敬何如師保之尊嚴李獻可傳

二十二年皇長子常洛出閣講學時已十四歲帝手諭閣

臣令議出閣講學禮儀兵部請護衛工部奏儀仗禮部進

儀注皆留中令止豫告奉先殿朝謁兩宮他禮皆廢給事

中張貞觀等言禮官議御門受賀皇長子見羣臣之禮載

在舊儀即諸王加冠亦以成禮而賀賀畢謁見元子初出

乃不當諸王一冠乎且謁謝止兩宮而缺然於陛下及中

宮母妃之前非所以教孝賀斬於二皇子而漠然於兄弟

長幼之間非所以序別疏入忤旨奪俸一年張貞觀傳

三十七年二月大學士葉向高請令東宮講學時東宮輟講者五年廷臣屢請不得命至是向高擇吉以請亦不報自是歲春秋必懇請帝不納向高傳

四十四年皇太子輟講已十有二年羣臣諫疏凡數百上及是始命舉行以詹事府劉一燝等為講讀官皇太子進執事諸臣及賜酒饌皆稱先生進對進做敏妙合法中外大悅然一講而輟後不復更舉矣三編

崇禎十一年二月太子出閣十五年正月開講閣臣條上講儀七月改慈慶宮為端本宮慈慶懿安皇后所居也時太子年十四議明歲選婚故先為置宮而移懿安后於仁壽殿諸王傳

明會要卷十四

士

壽殿諸王傳

冠禮

太子皇孫年十二或十五始冠天子自為主擇三公太常為賓贊凡三加冠一祝醴成化間始定祝詞醮詞勒戒詞其諸王冠祝醮詞皆洪武間定會典

洪武元年定皇太子冠禮通典始加折上巾再加遠遊冠三

加九旒冕陸鐵病逸漫記

二十六年定親王冠禮會典

永樂九年十一月立皇長子瞻基為皇太孫冠於華蓋殿

冕服如皇太子玉圭如親王三編

景泰四年二月乙未皇太子冠大政記

成化十四年三月續定皇太子冠禮初加翼善冠再加皮弁三加冕旒會典甲子皇太子冠大政記

二十三年更定親王冠禮會典

宏治九年三月乙亥皇太子冠大政記

嘉靖二十四年穆宗在東宮方十歲欲行冠禮大學士嚴嵩尚書費宗初皆難之後遂阿旨以為可行而請稍簡煩儀止取成禮帝以冠當具禮至二十八年始行之禮志

三十一年三月癸未朔裕王景王行冠禮賓自致祝不用宣祝官會典

隆慶元年十一月定東宮加冠儀注宏孝殿神霄殿亦當預告

萬曆三年正月帝擇日長髮命禮部具儀張居正等言禮重冠婚皇上前在東宮已行冠禮三加彌尊執爵而酌巨禮既成可略其細不必命部臣擬議第先期至奉先殿宏

孝殿神霄殿以長髮告禮畢詣兩宮皇太后行五拜三叩頭禮隨御乾清宮受賀帝是之遂著為令通典

二十四年禮部奏皇長子出閣在適合先行冠禮以見講官但尚未册立既不可遽用東宮之儀又不可下同親王之服姑令暫著常服出講以待册立之日再行冠禮如勅

明會要卷十四

士

奉行禮科給事中楊天民奏皇長子已及十有五歲加冠
選婚正當其候乞諭禮部擇吉具儀及時并舉則於大典
有光典

二十九年禮部尙書馮琦言舊制皇太子冠設冠席醴席
於文華殿內今文華殿爲皇上臨御遣官之地則皇太子
冠醴席應移於殿之東序又親王冠舊設席於皇極門之
東廡今皇太子移席於殿東序則親王應移席於殿西序
從之禮志

天啟元年正月上行冠禮科臣成明樞爲規以獻通紀
品官冠禮始加緇布冠再加進賢冠三加爵弁會典

明會要卷十四

三

婚禮

洪武元年令民間婚娶並依朱子家禮又令男女婚姻各
以其時或有指腹割衫襟爲親者並行禁止會典

十二月定皇太子親王士庶婚禮大政記

五年詔曰古之婚禮結兩姓之歡以重人倫近世以來專
論聘財習染奢侈宜令中書省集議定制頒行務從節儉
以厚風俗違者論罪如律會典

十七年十二月翰林院待詔朱善上疏論昏媾律曰民間
姑舅及兩姨子女法不得爲婚仇家誣訟或已聘見絕或
既婚復離甚至兒女成行有司逼奪按舊律尊長卑幼相

與爲婚者有禁蓋謂母之姊妹與已之身是爲姑舅兩姨
不可以卑幼上匹尊屬若姑舅兩姨子女無尊卑之嫌成

周時王朝相與爲婚者不過齊宋陳杞故稱異姓大國曰
伯舅小國曰叔舅列國齊宋魯秦晉亦各自爲甥舅之國
後世晉王謝唐崔盧潘楊之睦朱陳之好皆世爲婚媾温
嶠以舅子娶姑女呂榮公夫人張氏卽其母申國夫人姊
女古人如此甚多願下羣臣議弛其禁從之朱善傳

二十六年正月重定諸王公主婚禮大政記
永樂十四年四月定皇太孫婚禮儀仗如親王降皇太子
一等而用象輅同上

明會要卷十四

四

深澤知縣王源勸民及時嫁娶革其爭財之俗王源傳

明興諸帝卽位後行冊立禮正統七年英宗大婚始定儀
注禮志

天順八年憲宗卽位有司以遺詔請大婚南京吏部侍郎
章綸言山陵尙新元朔未改百日從吉心甯自安陛下踐
阼之初當以孝治天下三綱五常實原於此乞俟來春舉
行議雖不從天下咸重其言章綸傳

成化十八年十一月禁諸王府不得與親屬爲婚大政記
正德元年七月帝將大婚詔取太倉銀四十萬兩御史趙
佑言左右以婚禮爲名將肆無厭之欲計臣懼禍而不敢

阻閣臣避怨而不敢爭用如泥沙坐致耗國韓文亦連疏請命減四之一趙佑傳

嘉靖元年九月乙巳以大婚期近遣徐元祚告天地郭勛告太廟刑部尙書林俊上言今日之最急者惟取法祖宗躬行節儉茲大婚屆期六禮之儀固不可缺中外賞犒爲費尤多時繼舉贏其何能濟願一切罷省崇節儉以爲天下先詔褒納之實錄

舊制立后謁內廟而已嘉靖十三年正月立皇后方氏下禮臣議廟見禮於是羣臣議以天子立三宮以承宗廟禮經有廟見之文乃考據禮經參稽大明集禮擬儀注以上

明會要卷十四

五

至期帝率后謁太廟及世廟同上

三十二年正月詔裕王景王出邸同日婚禮部尙書歐陽德以裕王儲貳不當出外疏言曩太祖以父婚子諸王皆處禁中宣宗孝宗以兄婚弟始出外府今事與太祖同請從初制帝不許德又言會典醮詞主器則曰承宗分藩則曰承家今裕王當何從帝不悅然終諒其誠婚亦竟不同

歐陽德傳

萬曆六年帝大婚屆期以居正充納采問名副使吉服從事給事中李冰言大婚重典而使居正變服從吉駭觀聽不宜乞別簡用不聽三編

十年議准宗室奏選正配仍奏請封號俟有成命方許成婚若成婚在未封之先者謂之擅婚所生之子止許請名不許請封王圻通考

又議准宗室子女年十五以上奏行本境內官軍軍民之家及居官入籍年久者選擇婚配雖係重結王親亦必服屬無礙方准題請授封成婚同上
二十四年四月以諸皇子婚詔取太倉銀二千四百萬兩戶部告匱命嚴覈天下積儲本紀

鄉飲酒禮

洪武初詔中書省詳定鄉飲酒禮使民歲時宴會習禮讀

明會要卷十四

末

律期於申明朝廷之法敦敘長幼之節遂爲定制

五年四月戊戌詔天下行鄉飲酒禮每歲孟春孟冬有司與學官率士大夫之老者行於學校民間里社以百家爲一會或糧長里長主之年最長者爲正賓餘以齒序每季行之讀律令則以刑部所編申明戒諭書兼讀之武職於每月朔日以大都督府所編戒諭書率僚佐讀之已上會典

是年魏觀出知蘇州府聘耆民周壽誼楊茂林文友行鄉飲酒禮魏觀傳

十四年二月申明鄉飲酒禮大政記

十六年頒行鄉飲酒禮圖式其儀以府州縣長吏爲主以

鄉之致仕官有德行者為僕擇年高有德者為賓其次為介又其次為三賓又其次為眾賓教職為司正贊禮贊引讀律皆使能者會典

十八年重定鄉飲酒禮敘長幼論賢良別姦頑異罪人其坐席間高年有德者居於上高年純篤者居於次餘以齒序其有曾違條犯令之人列於外坐同類者成席不許雜於善良之中同上

二十二年定鄉飲酒禮以善惡分列三等為坐次不許混淆如有不遵序坐及有過之人不赴飲者以違制論通典

禁踰侈

明會要卷十四

七

洪武元年十二月論中書省臣曰帝王之治天下必定禮制以辨貴賤明等威是以漢高初興即有衣錦繡綺縠操兵乘馬之禁歷代皆然近代風俗相沿流於奢侈閭里之民服食居處與公卿無異貴賤無等僭禮敗度此元之所以失也宜明立禁條頒示中外俾各有所守以正名分政聖記

三年八月己卯申禁官民器服僭用大政

十八年九月庚午諭戶部曰足食在於禁末作足衣在於禁華靡宜申明天下四民各守其業不許游食庶民之家不許衣錦繡大訓記

二十六年六月辛丑申嚴公侯制度僭侈之禁大政三十年八月上御奉天殿見散騎舍人衣極鮮麗問制用幾何對曰五百貫上曰五百貫農夫十數口之家一歲之資也爾乃費之於一衣豈非暴殄命切責之昭代

宣德四年二月乙未諭行在禮部尚書胡濙曰朝廷之禮最先正名尊卑等級不可僭差凡內外官員士庶服飾儀從皆有定制近多越禮犯分其揭榜申明定章使無僭越大訓

成化六年十二月禁奢侈從給事中王宏請也大政

宏治十一年十二月庚子禁中外奢靡踰制

明會要卷十四

六

正德元年六月辛酉禁吏民奢靡十四年二月丁未禁冠服非制

嘉靖九年二月丁丑禁官民服舍器用踰制

十四年二月丁未禁冠服非制本紀

二十四年閏正月詔中外嚴禁奢靡大政

二十七年四月給事中奏請申明禮制凡飲食宴會服舍輿馬器用之類悉差為等第令不得踰越憲章

萬曆十五年六月戊辰禁廷臣奢僭本紀沈鯉為禮部尚書

念時俗侈靡稽先朝典制自喪祭冠婚宮室器服率定為

中制頒天下沈鯉傳

崇禎十六年十月十六日勅朕浣衣減膳已有諭旨今用錫木磁器以示儉約其金銀各器係關典禮者留用餘貯庫以備賞賚內文武諸臣俱宜省約賊平之後照舊明

旌表

明初凡有孝行節義由各地方申報風憲官覈實奏聞即與旌表其後止許布衣編民委巷婦女得以名聞其有官職及科目出身者不與焉

洪武二十七年九月命禮部定旌表例時日照民江伯兒以母病殺其三歲子祀岱嶽有司以孝聞帝怒其滅絕倫

明會要卷十四

九

理杖百戍海南因命禮部定旌表孝行事例尙書任亨泰議曰人子事親居則致其敬養則致其樂有事則謹其醫藥臥冰割股事非恆經割股不已至於割肝割肝不已至於殺子違道傷生莫此為甚墮宗絕祀尤不孝之大者宜嚴行戒諭儻愚昧無知亦聽其所為不在旌表之例詔曰

徐宗實為蘇州通判請旌元節婦王氏禮部以前朝事不當允宗實言武王封比干墓獨非前朝事乎遂得旌
宣德元年五月總旗衛整女母病篤割肝煮液母飲之而愈禮部特為請旌帝曰孝親有道剖腹割肝豈可為孝若

因此傷生其罪益大女子無知不必加罪所請不允

明會要卷十四

辛

明會要卷十四終

明會要卷十五

永新龍文彬纂

禮十賓

優禮元裔

洪武三年封密迪哩巴拉舊作買地里八喇為崇禮侯誥曰昔帝

王之有天下必封前代子孫使作賓王家其來尙矣元失

其馭四海紛爭朕削平羣雄混一區宇為天下主而密迪

哩巴拉為元之宗孫比者遣將北征爾祖已歿既克應昌

爾迺來歸朕念帝王之後爰稽古制錫以侯封稱朕優禮

之意尋賜第龍光山聖政記七年九月上謂廷臣曰草木無

明會要卷十五

心遇春而茂遇秋而零氣之所感猶知榮悴况於人乎崇

禮侯密迪哩巴拉南來已五載今已長成豈無父母鄉土

之思宜遣之還於是厚禮而歸之通典

蕃王來朝

洪武二年九月壬子定蕃王蕃使朝貢禮昭代典則

二十七年四月更定蕃國朝貢儀大政記

永樂六年八月淳泥國王麻那惹加那帥妃及弟妹子女

陪臣泛海來朝次福建遣中官往迎勞所過州縣皆宴比

至帝慰勞再三饗於奉天門妃以下饗於他所禮訖送入

會同館禮官請王見親王儀帝令準公侯禮

九年滿刺加國王拜里迷蘇喇帥妻子陪臣五百四十餘人來朝有司供張會同館入朝奉天殿帝親宴之妃以下宴他所光祿日致牲牢上尊賜賞甚厚及歸賜宴奉天門禮官餞於龍江驛復賜宴龍潭驛十七年王子母幹撒于的兒沙率妻子陪臣來朝謝恩

十年九月淳泥國王遐旺偕其母來朝命禮官宴之會同館光祿寺旦暮給酒饌明日帝饗之奉天門王母亦有宴

越二日再宴

十五年西洋蘇祿國東王西王尚王帥其家屬頭目凡三百四十餘人浮海來朝比辭歸東王次德州卒於館帝遣

官營葬賜諡曰恭定

十八年八月古麻喇朗國王幹義亦奔敦帥妻子陪臣來朝還至福建卒諡曰康靖葬以王禮

明會要卷十五

宣德八年滿刺加王西里麻哈刺率妻子陪臣來朝抵南

京天已寒命俟春和北上別遣人齎勅勞賜王及妃及入

朝宴賚如禮已上外國傳及通典

遣使之蕃

明祖既定天下分遣使者奉詔書往諭諸國或降香幣以

祀其國之山川禮志

洪武二年命侍讀學士張以甯等往封陳日燧為安南國

王以甯抵安南境日燿先卒其姪日燿嗣立迎請誥印以甯不與論日燿請命於朝以甯駐安南俟命教世子服三年喪令其國人效中國行頓首稽首禮帝聞而嘉之賜璽書比之陸賈馬援安南與占城構兵帝命編修羅復仁等諭令罷兵兩國皆奉詔外國傳張以甯傳

十二年二月定遣使外國儀注集禮

宣德六年禮部侍郎章敬使安南命黎利權國事利遣人白相見禮敬曰汝敬使者所以尊朝廷奚白爲利聽命趨拜下坐噉以聲色不爲動還致厚贐不受利以付貢使及關悉閱貢物封其贐付關吏章敬傳

明會要卷十五

三

行人侯璉使交趾關門卑前驅偃而入璉叱曰此狗竇耳奈何辱天使交人爲毀關乃入及歸饋遺無所受侯璉傳

景泰元年六月以給事中李實爲禮部侍郎大理寺丞羅綺爲少卿令齎敕書諭衛拉特君臣遂偕阿喇使俱往三編

七月遣右都御史楊善等使衛拉特同上

成化四年遣太監鄭同崔安使朝鮮遼東巡按御史侯英奏同等所過驛驛狀因言同安俱朝鮮人見其國王不免屈節褻中國體乞寢成命或翰林或給事中行入內推選一員往使爲便帝然之自後賞賜遣內臣冊封正副使選廷臣有學行者充朝鮮傳

安南多寶貨使者率從水道挾估客往以爲利交人頗輕之宏治元年侍講劉戩頒詔安南由南甯乘傳抵其國交人大驚戩依舊制受陪臣拜謁不交一語越宿即行饋遺一無所受使人要於塗固致之卒麾去章敬傳

嘉靖十八年時當頒詔朝鮮帝以安南事未決欲因以往覘命擇大臣有學識者以往乃起黃綰禮部尙書兼翰林學士爲正使諭德張治副之黃綰傳

隆慶時給事中魏時亮使朝鮮故事王北面聽詔使者西面時亮力爭乃南面宣詔時亮傳

蕃使入貢

明會要卷十五

四

洪武二年六月安南國王陳日燿遣使奉表來朝貢方物帝喜賜宴

八月高麗國王王顥遣使修貢請封命符璽郎俛斯齎詔及金印往封之

十二月阿答阿者遣使奉表貢象虎方物命中書省管句甘桓等往封爲占城國王並賜綵幣頒大統厯

四年占城入貢言安南侵擾因求兵器帝命禮部諭之曰占城安南同奉正朔乃擅自構兵妄害生靈旣失事君之禮又乖交鄰之道已咨安南國王令即日罷兵王亦宜講信修睦各保疆土所請兵器於王何吝但兩國互構而賜

占城是助王相攻甚非撫安之義

是年日本遣僧祖來奉表稱臣貢方物太祖嘉之宴賚其

使者已上外國傳

五年二月安南陳叔明遣使入貢時其主日燈而自立主客曹已

受表曾魯取副封視之白尚書詰使者前王日燈今何驟

更名使者不敢諱具言其實帝曰島夷乃狡獪如此耶卻

其貢曾魯傳

七年論中書及禮部臣曰古諸侯於天子比年一小聘三

年一大聘九州之外則每世一朝所貢方物表誠敬而已

惟高麗頗知禮樂故令三年一貢他遠國如占城安南西

明會要卷十五

五

洋瑣里瓜哇淳泥三佛齊暹羅斛真臘諸國入貢既頻勞

費太甚今不必復爾其移牒諸國俾知之

呂宋瑣里諸國來貢帝謂中書省臣曰西洋諸國素稱遠

番涉海而來難計歲月無論疏數厚往而薄來可也

高麗貢使失風洪師範等二十九人溺焉帝憫之謂中書

省曰高麗貢獻繁數既困敝其民而涉海復虞覆溺宜遵

古諸侯之禮三年一聘貢物惟所產毋過侈其明諭朕意

十二年高麗貢黃金百斤白銀萬兩以不如約卻之

十三年日本遣使來貢無表卻之

十七年高麗遣使貢馬二千匹言金非地所產願以馬代

輸餘皆如約許之尋以高麗既聽命宜損其貢數令三年

一朝貢馬五十匹已上外國傳

二十六年定凡四夷歸化人員及朝貢使客初至會同館

主客部官隨即至彼點視正從一切處分安妥仍加撫綏

使知朝廷恩澤會典

二十七年安南遣使由廣東入貢帝怒遣官詰責卻其貢

永樂元年日本入貢禮部尚書李至剛奏故事番使入中

國不得私攜兵器驚民宜敕所司覈其船諸犯禁者悉籍

送京師帝曰外夷脩貢履險蹈危有所繫以助資斧豈可

概拘以禁令至其兵器亦準時直市之毋阻其向化心

明會要卷十五

六

西洋瑣里刺泥諸國來貢因攜胡椒與民市有司請徵其

稅帝曰徵稅以抑逐末之民豈以為利今遠人慕義來乃

取其貨所得幾何虧損國體多矣其勿徵已上外國傳

七年威喇特遣使貢馬請封遂封嗎哈穆特為順甯王太

平為賢義王巴圖博囉為安樂王三編

九年九月朝鮮使臣將歸例有賜賚禮部尚書趙玘不以

奏帝怒曰是且使朕失遠人心遂下之獄外國傳

阿嚕台復來貢馬因請得役屬吐番諸部求朝廷刻金作

誓磨其金酒中飲諸酋長以盟眾議欲許之因黃淮言乃

止黃淮傳

十三年正月丁未馬哈木等貢馬謝罪且還前所留使詞甚卑順帝曰衛拉特故不足與較受其獻館其使者外國傳宣德末古里蘇門答刺等十一國貢使久留京師未遣正統元年閏六月命與瓜哇使臣同行敕瓜哇國王加意撫卹分遣還國同上

七年十一月衛拉特額森遣使入貢故事衛拉特使止三十餘人其後利朝廷賞賚所遣動以千計大同供應費至三十餘萬是春帝以貢使太多限三百人入關及秋至大同者復二千餘人以馬易弓藏於衣篋不可勝計巡撫羅亨信請於居庸關詰檢之不許郭敬晟造箭鏃數十甕遣

明會要卷十五

七

其使帝亦不問三編

正統十四年十月衛拉特托克托布哈遣使入貢帝從胡濙王直議厚賞賜以間之同上

天順五年保喇遣使來貢受約又請改大同舊貢道由陝

西蘭縣入許之河套之患始此保喇舊作李來

成化三年正月朝鮮頻貢異物海青白鵬之屬敕國王李孫脩常貢勿事珍奇

四年夏日本遣使貢馬謝恩禮之如制十一月復遣使臣清敬入貢其從者殺人於市有司請治罪清敬奏請帶回本國如法論治且自服不能鈐束之罪上命俱赦之自是

使者益無忌

六年四月申諸番三歲入貢之例多不過百五十人由四川雅州入國師以下不許貢於是貢使漸稀

十七年九月暹羅貢使還至中途竊買子女且多載私鹽命遣官戒諭諸番已上外國傳

十九年十月西番賽瑪爾堪舊作撒馬兒罕等國共貢獅子奏請

大臣往迎職方郎中陸容言此無用之物在郊廟不可為犧牲在乘輿不可備驂服宜勿受用洪謨亦言往迎非禮帝卒遣中使往迎之通紀

宏治元年六月小王子遣使千五百餘人款關求通貢巡撫許進以便宜納之聞於朝所上書自稱大元汗朝廷方務優容許遣五百人詣京師三編

明會要卷十五

八

十一月土魯番阿哈瑪特遣使入貢稱與哈尙締媾乞賜

蟒袍及九龍渾金膝襴諸物使至甘州哈密都指揮阿穆呼朗告變朝廷亦不罪番使但令還諭其主反侵地阿哈

瑪特竟不奉命復遣使來貢禮官議薄其賞而拘其使臣外國傳及三編

二年十二月賽瑪爾堪由廣東貢獅子鸚鵡等物禮部尙

書耿裕等言南海非西域貢道請卻勿受禮科給事中韓鼎等亦言猙獰之獸狎玩非宜且騷擾道路供費不貲不

可受從之外國傳

五年九月西域呼喇濟舊作火刺扎國回回布魯完舊作柏魯魯等

由海貢玻璃瑪瑙諸物帝不納賜道里費遣還西域傳

舊設南北兩會同館接待番夷使客遇有貢夷到京主客

司員外郎主事輪赴會同館點視方物謹防出入宏治五

年各夷來貢者眾添設提督會同館主事一員會典

六年土魯番貢使留京師頻有宣召禮部尙書耿裕等言

番人不道因朝貢許其自新彼復潛稱可汗與兵犯順陞

下優假其使適遇倔強之時彼將謂天朝畏之益長桀驁

帝卽遣其使還耿裕傳

明會要卷五

九

嘉靖二年禮官言諸國使臣在途者遷延隔歲在京者伺

候同賞光祿郵傳供億不貲宜示以期約因列上禁制數

事從之西域傳

三年魯迷國貢獅子西牛西狗西馬及珠玉諸物給事中

鄭一鵬引漢閉玉門關謝西域故事請敕邊臣量行賞賚

遣還國以彰不寶遠物之德不聽鄭一鵬傳

七年六月土魯番求通貢乞歸羈留使臣提督三邊都御

史王瓊再疏請詔還番使通貢如故王瓊傳

十二年賽瑪爾堪偕天方土魯番入貢稱王者至百餘人

禮官夏言等言土魯番十五王天方二十七王賽瑪爾堪

五十三王實前此所未有宏治間回賜敕書止稱一王若
循賽瑪爾堪往歲故事類答王號人與一敕非所以尊中
國制外蕃也帝納其言國止給一敕且加詰讓示以國無
二王之義

十五年甘肅巡撫趙載奏諸國稱王者至一百五十餘人
皆非本朝封爵宜令改正且定貢使名數通事宜用漢人
毋專用色目人致交通生釁部議從之已上西域傳

十八年日本貢使至甯波守臣以聞時不通貢者已十七
年敕巡按御史督同三司官覈實果誠心效順如制遣送
否則卻回且嚴居民交通之禁外國傳

明會要卷五

十

二十六年三月甘肅巡撫楊博言西域入貢人多宜爲限
制禮官言祖宗故事惟哈密每年入貢貢使三百人送十
一赴京餘留關內有司供給他若哈烈哈三土魯番天方
賽瑪爾堪諸國道經哈密者或三年五年一貢止送三五
十人其存留賞賚如哈密例宜敕邊臣恪遵制可西域傳

二十七年日本周良復求貢巡撫朱紱以聞禮部言日本
貢期及人與船數雖違制第表辭恭順若概加拒絕則航
海之勞可憫若稍務含容則宗設素卿之事可鑑宜敕紱

起送五十人餘留嘉賓館量加犒賞諭令歸國報可外國傳
三十九年朝鮮國陪臣到京命禮部尙書待又泰甯等夷

人頭目命總督戎政勳臣待自後夷使至京以此爲例會典

隆慶四年十一月諳達遣使乞封貢三編

通典論曰謹按漢時呼韓邪單于入覲蕭望之謂單于

非正朔所加宜待以不臣之禮後代蕃使朝貢儀注率

多優假皆本於望之之議明初定蕃使入朝宣制撫問

國君并及使者略如敵國之儀此亦沿習歷代具文而

揆諸大一統之朝所以駕馭蕃服者其說固未當也夫

普天率土莫非王臣要荒之裔以職事來朝正宜示以

彝憲俾知共主之尊義在則然即頑梗不率之風因之

盡戢彼望之之議特以威德不能及遠聊爲權宜之計

明會要卷十五

十一

耳後儒無識遂至承訛襲謬豈知帝王撫臨中外予以
拊循尤當明其體制若概以敵國待之轉致取輕殊俗
於恩威並用之道甯有當哉

明會要卷十五終

明會要卷十六

永新龍文彬纂

禮十一禮

親征

洪武元年閏七月詔定軍禮中書省會儒臣議親征遣將
禮奏之大政

永樂八年二月帝自將征衛拉特舊作瓦刺五月大敗韃靼於

鄂諾河舊作難河布尼雅實哩舊作木雅失里遁遂征阿嚕台六月

擊阿嚕台敗之

十二年二月詔親征衛喇特六月至和拉和錫衮舊作忽蘭

明會要卷十六

一

大破衛拉特兵追至圖拉河舊作土刺河嗎哈穆特舊作馬哈木

二十年三月帝自將征阿嚕台七月帝至沙璉原阿嚕台

遁遂征烏梁海舊作兀良哈

二十一年七月帝復自將征阿嚕台七月至上莊堡蒙古

額森托噶舊作也先來降

二十二年正月復詔北征六月前鋒至達蘭納穆爾舊作

納木河不見敵命張輔等窮搜三百里無所得帝進駐河

上以糧盡引還已上三編

宣德元年八月漢王高煦反帝親征至樂安高煦出降

三年七月帝自將巡邊敗烏梁海濟勒默特之眾於寬河

已上本紀 正統十四年七月衛拉特分道入寇太監王振挾帝親征

兵部尙書鄺埜侍郎于謙力言六師不宜輕出不聽吏部

尙書王直率廷臣力諫曰敵勢猖獗陛下但宜固守封疆

申號令堅壁清野蓄銳以待之可圖必勝不必親御六師

遠臨塞下况秋暑未退旱氣未回青草不豐水泉猶塞士

馬之用未充兵凶戰危臣等以為不可不從三編刑科給事

中曹凱言今日之勢大異澶淵彼文武忠勇士馬勁悍今

中貴竊權人心玩懈此輩不惟以陛下為孤注即懷愍徽

明會要卷十六

二

欽亦何暇恤皆不納曹凱傳

正德十四年八月帝自將擊宸濠禮部上祭告儀注如舊

帝令祭祀俱遣官代及疏請遣官有制勿遣其頒詔亦如

舊制禮志

閱武

洪武六年三月戊申大閱

二十年二月壬午閱武

永樂八年二月北征大閱

十二年二月己酉大閱四月甲辰朔次興和大閱

二十年四月乙卯次雲州大閱五月丁卯大閱壬申大閱

二十一年八月己酉大閱

宣德四年十月甲午閱武於近郊已上本紀

正統十一年十月上閱武於近郊實錄

天順四年十月甲子閱京營將領騎射於西苑十一月丁

酉閱隨操武臣騎射於西苑本紀

成化元年二月簡閱團營將士大政記

九年四月壬午閱武臣騎射於西苑十一月丁酉復閱騎

射於西苑本紀

隆慶三年九月辛卯大閱武於教場上戎服登壇分別將

領及侯伯錦衣中射等第賞罰有差大閱久不行至是以

明會要卷十六

三

為曠典百官稱賀明書

萬曆九年三月丙寅大閱準隆慶三年例行也同上

崇禎十年八月車駕閱城鎧甲旌旗甚盛羣臣悉鸞帶策

馬從六軍望見乘輿皆呼萬歲帝大悅召尙書入御幄酌

以金卮然徒為容觀而已兵志

附閱馬

嘉靖十二年三月上幸南苑環碧殿閱馬馬有玉麟飛白

玉驄照夜碧銀河練瑤池駿飛白凡七召輔臣入賜茗飲

嘉隆間是日大朝畢上暫退更便服於殿外丹陛上設幄

羣臣侍班御馬監之馬雲錦成羣壯士控之由東過西最

為盛觀嘉靖以後久不舉行崇禎五年冬至郊祀明日百官入賀朝畢復一閱視是日閱馬三百三十三匹春明夢餘錄

遣將

洪武中命大將儀上服武弁服御午門百僚盛服陪大將軍拜前諸將拜後先授節次授鉞訖出勒所部建牙鳴鼓角正行列擊節鉞鼓吹前導百官以次送出身山堂別集

建文元年六月命李景隆為征虜大將軍將兵五十萬北伐賜通天犀帶帝親推轂餞之江濟李景隆傳

永樂四年七月命朱能張輔等討安南上親餞之龍江朱能傳

明會要卷十六

四

天啟元年六月起熊廷弼經略遼東七月廷弼陛辭特賜麒麟服一彩幣四宴之郊外令文武大臣陪餞異數也廷弼傳

二年八月命孫承宗督師經略薊遼賜上方劍御門臨遣閣臣送之崇文門外承宗傳

崇禎十二年八月特旨命楊嗣昌督師討賊賜尚方劍九月朔召見平臺嗣昌條七事以獻四日復召見賜宴手觴

三爵御製贈行詩一章嗣昌跪誦拜且泣越二日陛辭賜膳嗣昌傳

十七年正月庚子輔臣李建泰白請督師勦賊上大喜慰

勞再三曰卿若行朕當仿古推轂禮遂加建泰兵部尚書賜尚方劍便宜從事乙卯行遣將禮以特牲告太廟帝御

正陽門樓衛士東西列自午門抵城外旌旗甲仗甚盛內閣五府六部都察院掌印官及京營文武大臣侍立鴻臚

贊禮御史糾儀賜之宴御席居中諸臣陪侍酒七行帝手

金卮親酌建泰者三乃出手敕曰朕親征宴畢內臣為

披紅簪花用鼓樂導尚方劍而出建泰頓首謝且辭行帝

目逆之建泰傳

勞軍

丙午正月張士誠軍遮海口吳良大敗之太祖詣江陰勞

明會要卷十六

五

軍周巡壁壘嘆曰良今之吳起也吳良傳

洪武二年兩廣既平廖永忠還京師帝命太子帥百官迎

勞於龍江永忠傳

三年十一月徐達振旅還京師帝迎勞於龍江徐達傳

永樂八年七月車駕次開平宴勞軍士編三

崇禎十二年二月曹變蛟從洪承疇入衛帝遣使迎勞將

士各有賜曹變蛟傳

受俘

凡凱還皇帝率諸將陳凱樂俘馘於廟社門外告畢以俘馘付刑部協律郎導樂以退其告祭禮儀與出師同會典

洪武三年六月壬申李文忠捷奏至癸酉密迪哩巴拉至京師羣臣請獻俘帝曰武王伐殷用之乎省臣以唐太宗常行之對帝曰是待王世充耳若遇隋之子孫恐不爾也遂不許紀本

四年傅友德平四川送明昇等至京禮臣請帝御殿受俘如孟昶降宋故事帝曰昇幼弱事由臣下與昶異宜免其伏地待罪之儀授爵歸義侯編三

永樂四年定獻俘前期兵部官以露布奏聞禮部告示文武百官具朝服并坊廂里老人等行慶賀禮會典

五年九月乙卯御奉天門受安南俘大賚將士

明會要卷十六

木

十二年三月癸未張輔俘陳季擴于老撾以獻交趾平

十八年三月甲申山東都指揮僉事衛青敗賊於安邱指押王真敗賊於諸城獻俘京師

正統九年二月丙午王驥擊走思機發俘其孥以獻

景泰二年四月乙酉梁瑤王來等破平越苗獻俘京師紀本

正德十五年閏八月癸巳上在南京受江西俘上欲自以為捷命設廣場戎服樹大纛環以諸軍令釋逆濠等去極桔伐鼓鳴金而禽之然後置械行獻俘禮編三
嘉靖二十三年十月叛賊王三屢導吉囊入犯大同官軍

計擒之遣官祭南北郊景神殿太社稷擇日獻俘百官表賀禮志

隆慶四年十二月丁酉諳達執叛人趙全等九人來獻乙卯受俘紀本禮部奏是日文武百官具朝服詣午門前行慶賀禮會典

萬曆二十年十一月戊辰御午門受甯夏俘

二十七年四月甲戌御午門受倭俘

二十八年十二月乙未御午門受播州俘已上本紀

天啟二年四川獻逆犯樊友邦等山東獻逆犯徐鴻儒等俱遣官告祭郊廟御樓獻俘禮志

明會要卷十六

七

田獵

永樂十年十月戊辰獵城南武岡

十三年十月甲申獵於近郊

二十年五月乙丑獵於偏嶺

宣德四年十月乙未獵於峪口

五年十月己卯獵於全道

九年九月丙戌獵於全道丁酉至洗馬林閱城堡兵備已

亥大獵已上本紀

正統十年十月丙午獵南海子大政記

天順二年十月甲子獵南海子

正德十二年正月己丑大祀天地於南郊遂獵於南海子
十三年正月庚戌大祀天地於南郊遂獵於南海子已上本紀

兵祭

癸卯七月癸丑太祖自將救洪都禡牙於龍江大政記

洪武元年始定親征遣將諸禮儀以爲古者天子親征則類于上帝造于祖宜于社禡于所征之地祭所過山川若遣將出師亦告於廟社禡祭旗纛而後行於是諸儒議定旗纛之祭每歲仲秋祭山川日遣官祭於旗纛廟霜降日又祭於教場至歲暮享太廟日又祭於承天門外俱旗手衛指揮行禮會典

明會要卷十六

八

十二月庚寅立旗纛廟大政記

國有大征討皇帝禡祭祭軍牙之神六纛之神飲福受胙望燎刺五雄雞血於五酒椀酌神焉吾學編

凡親征儀祭告天地宗廟社稷禡祭旗纛所過山川皆行祭告師還奏凱獻俘於廟社以露布詔告天下王圻通考

凡類于上帝前期擇日祭告天地皇帝服武弁服乘革輅

備六軍作樂行三獻之禮造于太廟宜于上帝同上

永樂四年七月辛卯命朱能等征安南癸卯禡祭出師

神旗之祭祭火雷之神每月朔望神機營提督官請祭於

教場會典

八年二月以親征祓於承天門遣官祭太歲旗纛等神八月丁未遣官祭旗纛大政記

嘉靖十八年南巡遣官祭旗纛之神用牲醴制帛三獻如

常儀會典

大射

洪武三年五月丁未詔行大射禮定制凡郊廟祭祀先期行之命工部製射侯定以七鵠天子虎鵠皇太子熊鵠親王豹鵠文武一品同三品至五品糝鵠六品至九品狐鵠文武子弟及士民俊秀皆布鵠采自五采以下有差布鵠無采其司正司射等官皆仿古射禮增損用之上又以先

明會要卷十六

九

王射禮久廢弧矢之事專習於武夫而文士多未解詔國學及郡縣生員皆習射頒大射儀於天下朔望則於公廡或閒地習之春明夢餘錄

二十五年令遇朔望習射於射圃樹鵠置位初三十步累

加至九十步每耦二人各挾四矢以次相繼長官主射射

畢中的飲三爵中采二爵會典

永樂十一年五月五日幸東苑擊毬射柳聽文武羣臣四

夷朝使及在京耆老聚觀分擊毬官爲兩朋自皇太孫而

下諸王大臣以次擊射賜中者幣帛有差通典

明會要卷十六終

明會要卷十七

永新龍文彬纂

禮十二禮

山陵

祖陵 熙祖陵在鳳陽府泗州城城北洪武

皇陵 仁祖陵在鳳陽府太平鄉洪武二年薦號

孝陵 太祖陵在南京鍾山之

長陵 成祖陵在京畿之昌平州永樂七年封

獻陵 仁宗陵在天壽山下

景陵 宣宗陵在天壽山東峯下

明會要卷十七

裕陵 英宗陵在石門山距顯陵西三里

景帝陵 在金山

茂陵 憲宗陵在昌平州

泰陵 孝宗陵在昌平

康陵 武宗陵在昌平

永陵 世宗陵在昌平

昭陵 穆宗陵在昌平

定陵 神宗陵在昌平州大峪山距昭陵北一里

慶陵 光宗陵在昌平

德陵 熹宗陵在昌平州雙瑣山

思陵 莊烈帝陵在田

丙午四月丁卯太祖至濠州念祖考葬時禮有未備乃詢

改葬典禮服制於許存仁等皆以儀禮改葬總對時有言

發祥之地靈秀所鍾不宜啟遷以洩山川之氣太祖然之

乃命增土培其封置守冢二十家

太祖即位設祖陵祠祭署置奉祀一員陵戶二百九十三

設皇陵衛并祠祭署奉祀一員祀丞三員陵戶三千三百

四十二禮

四年建祖陵廟仿唐宋同堂異室之制

十一年四月命脩葺皇陵詔曰皇堂新造予時秉鑑窺形

明會要卷十七

但見蒼顏皓首忽思往日之艱辛竊恐前此碑記出自儒

臣粉飾之文不足以爲後世子孫戒特述艱難以明昌運

乃自製碑文命江陰侯吳良督工刻之

十九年八月甲辰命皇太子修泗洲盱眙祖陵又詔禮部

製帝后冕服命太子詣陵寢行葬衣冠祭告禮

二十六年令車馬過陵及守陵官民入陵者百步外下馬

違者以大不敬論

三十一年太祖崩遺詔喪祭儀物毋用金玉孝陵山川因

其故勿改作

永樂元年工部以泗州祖陵黑瓦爲言帝命易以黃如皇

陵制禮志

十一年營壽陵於昌平既成帝車駕臨視名曰長陵封其山曰天壽遂以徐皇后葬焉三編

宣宗即位方脩獻陵帝欲遺詔從儉約以問蹇義夏原吉二人力贊曰聖見高遠出於至孝萬世之利也帝親為規畫三月而陵成宏麗不及長陵其後諸帝因以為制迨世宗營永陵始益崇侈云蹇義傳

英宗即位罷山陵夫役萬七千人本紀

正統二年諭天壽山陵寢廟伐樹木者重罪都察院榜禁錦衣衛官校巡視工部欽天監官環山立界禮志

明會要卷十七

三

天順元年毀景帝所營壽陵以親王禮葬西山至成化十

一年敕有司繕陵寢祭饗視諸陵景帝紀

成化四年慈懿太后崩詔議山陵大學士彭時及商輅劉

定之言合葬裕陵主祔廟此不易之理皇上所以遲疑者

以今皇太后萬壽後當與先帝同尊自嫌二后並配非祖

宗制考之於古漢文帝尊所生母薄太后而呂后仍祔長

陵宋仁宗追尊生母李宸妃而劉后仍祔太廟今若陵廟

之制稍有未合則有乖前美貽譏來葉帝復猶豫時借朝

臣伏文華門泣請帝與太后皆感動始從時議彭時傳

鳳陽皇陵所在近境取寸木法皆死陵軍多倚禁虐民巡

按何鑑請以山麓為限他樵採勿禁遂著為令何鑑傳

慈懿雖合葬裕陵而異隧距英宗元堂數丈許室之虛右

壙以待隧獨通宏治十七年周太后崩孝宗御便殿出裕

陵圖示大學士曰陵有二隧一室一通此皆先朝內臣所

為未合禮昨見成化時彭時商輅等章奏先朝大臣忠厚

為國如此先帝亦甚不得已耳因與劉健等議欲通隧欽

天監奏恐動地脈乃止錢皇傳

孝宗崩工部言大行遺詔惓惓以節用愛民為本乞敕內

府諸司凡葬儀冥器并山陵殿宇務從簡省禮志

正德元年給事中周璽奏中官李興王瑞營造先帝陵寢

明會要卷十七

四

砍伐禁山樹木數萬株掘取禁山石片數百丈損傷龍脈

驚犯陵寢新甯伯譚祐工部侍郎李璡奉命提督知情故

縱罪俱難追伏覩英宗諭旨於天壽山偷砍樹木該管軍

衛人等不行鈐束罪該處死憲宗諭旨於鳳陽等處應禁

山場伐樹取石正犯處死宏治中南京守備太監蔣忠於

孝陵南二十餘里案山開路私便行走事發論死此列聖

杜漸防微之深意今興等所盜非一木一石比陛下止令

充淨軍罪重罰輕未厭眾心乞將興瑞照例處死祐璡亟

加貶黜以全國法以安陵寢疏入帝不納明臣奏議

十三年二月丙戌傳旨以大行太皇太后山陵將開隧道

朕欲輕騎往視啟土工畢徧祭諸陵楊廷和毛澄等言山陵之役祖宗列聖以來付之有司雖梓宮發引送之不踰禁闕其為慮也深矣伏望勉從家法以安人心科道朱鳴陽等言梓宮在殯陛下於視朝聽政猶且不允輕騎遠出豈禮所宜且吉凶異禮喪祭異宜陛下欲徧祀諸陵不知服從吉乎抑以凶乎以衰經之哀慘行俎豆之雍容尤不可之甚者也不報

嘉靖元年十二月命廷臣議擇壽安皇太后葬地時文武大臣皆言椽子嶺地形高敞可以卜葬而上意欲附近茂陵命興工擇日楊廷和等言宋甯宗欲耐孝宗於裕思諸

明會要卷十七

五

陵之旁朱熹累疏謂祖塋之制不宜數興工作驚動神靈今欲耐壽安皇太后於茂陵左右將開金井興大工在天之靈恐有未安且其襟抱疎洩利害非細請如原議不納已上實錄

四年畿民盜天壽山陵樹巡按楊紹芳引盜大祀神御物律斬都御史王廷相言大祀神御物者指神御在內祭器帷帳之物而言律文盜陵木者止杖一百徒三年今舍本律非法之平延相傳

十四年三月上親詣諸陵閱視語郭勛曰景陵規制獨小又多損壞其於我宣宗皇帝功德之大殊為弗稱當重建

宮殿增崇基構以隆追報憲章錄

十五年十月遷孝肅孝穆孝惠三后神主於陵殿禮官言奉慈殿之祀其稱皇太后太皇太后者乃子孫所上尊號今已遷奉於陵則宜從夫婦之義改題孝肅神主不用睿字孝穆孝惠不用純字則嫡庶有別矣從之

十七年改陵殿曰陵恩殿門曰陵恩門又建成祖聖蹟亭於平臺山率從官行祭禮禮志已上

二十七年二月作永陵時大行皇后將葬上以陵名未定下禮官議於是尚書費采言太祖葬孝慈皇后於孝陵成祖葬仁孝皇后於長陵皆命名在先卜葬在後載實錄中

明會要卷十七

六

上乃自定孝烈皇后陵曰永陵

隆慶元年奉安世宗梓宮乃自天壽山西南襖兒峪遷孝潔皇后梓宮合葬孝恪皇后亦自金山遷耐焉已上實錄

自仁宗獻陵以後規制儉約世宗葬永陵其制始侈及神宗葬定陵給事中惠世揚御史薛貞巡視陵工費至八百餘萬云禮志

萬曆十三年八月作壽宮於大峪山命禮部侍郎朱賡往視中官示帝意欲倣永陵制賡言昭陵在望制過之非所安疏入久不下已竟如其言朱賡傳閏九月帝以李植言壽宮有石數十丈恐寶座將置石上癸卯復躬往天壽山閱

視之終謂大峪吉遂謫植及江東之羊可立於外李植傳

是年禮科都給事中萬象春疏國家之事莫大於祀典祀典之起實由於人心洪惟太祖開基建文君嗣統既緣靖難兵至避位自焚迄今祭享無聞陵園不治行道之人歔歔嘆息臣嘗考往牒當建文君沒成祖駐營龍江發哀命有司治喪葬以天子之禮遣官致祭當其時固未嘗不陵不祭也乃今令甲所載止孝陵及懿文太子陵而建文君不與焉國家脩明典禮凡前代帝王有功德於民者除歲時廟祭外間遣官祀於其陵矧君臨天下四五年為嗣統之正者乎又如革除死事諸臣我皇上登極之初首發明

明會要卷十七

七

詔令得祀於其鄉邇又允言官之奏凡諸臣墳墓苗裔咸蒙脩治卹錄而為之君者反不得一抔之土一勺之水宜天下人心惋然而深悲也似宜勅下所司即其原葬處所立為陵廟歲時一體祭祀仍乞上尊諡以表追報之隆復年號以正君臨之體至景皇帝值土木之變奉太后命進登寶位克戡禍亂迨升遐之日諡號祭葬率從貶損實非人心之公國典之正也憲宗純皇帝允廷臣議復其帝號祭以帝禮然而廟號未加陵制有儉於國制終屬缺典似宜遵照典制備加尊諡仍恭上廟號昭示無疆其陵制隘陋尤須亟為恢改以慰人心企望之殷以垂一代經常之

則帝不允明臣奏議

顯陵

獻皇帝陵在承天府鍾祥縣東十里松林山後號純德山嘉靖三年葺陵廟薦號曰顯陵司香內官言陵制狹小請改營視天壽山諸陵工部尚書趙璜言陵制與山水相稱難概同帝納其言趙璜傳九月錦衣百戶隨全光祿錄事錢子勳既以罪褫希旨請獻帝顯陵改葬天壽山專下工部璜以為改葬不可者三皇考體魄所安不可輕犯一也山川靈秀所萃不可輕洩二也國家根本所在不可輕動三也昔太祖不遷皇陵太宗不遷孝陵願以為法不敢輕議上命

明會要卷十七

八

禮官集議明政統宗十月禮部尚書席書會廷臣集議上言顯陵先帝體魄所藏不可輕動昔高皇帝不遷祖陵文皇帝不遷孝陵全等詔諛小人妄論山陵宜下法司按問報曰先帝陵寢在遠朕朝夕思念其再詳議以聞書復集眾議極言不可乃已席書傳十七年十二月癸卯章聖太后崩先是上營壽陵於大峪山將奉獻皇帝改葬焉至是諭禮部曰茲事重大不可緩其遣重臣於大峪山營造顯陵一面南奉皇考梓宮來山合葬丁未命崔元張瓚等為奉迎禮儀使壬子上詣大峪山相視山陵直隸巡按御史陳讓上言合葬之舉出自陛

下誠孝之一心然臣聞葬者藏也欲令不得見也今出皇考體魄於所藏之地竊非所宜昔黃帝衣冠之陵在陝西者曰橋陵舜葬九疑二女不從古人事死之禮先廟而後墳重魂而後魄臣以為宜奉睿宗遺衣冠與章聖皇太后合葬於大峪山又以章聖皇太后遺冠帔奉以合葬於顯陵如此則體魄不動陟降有歸仁之至義之盡也疏入上責其阻撓成命黜為民已而上自大峪山還已未諭輔臣曰遷陵一事朕中夜思之皇考奉藏體魄將二十年一旦啟露於風塵之下撼搖於道路之遠朕心不安即皇考亦必不安聖母尤大不甯也今欲決以禮之正莫如奉慈宮

明會要卷十七

九

南詣合葬穴中令禮臣再議以聞錄實嚴嵩等言靈駕北來慈宮南詣共一舉耳宜如初議上意終不決因止崔元等且勿行而令指揮趙俊南往啟視幽宮明年俊自承天還言顯陵不吉上欲親詣承天周闕卜兆九卿大臣許讚呂枏等皆諫上曰朕豈空行哉為吾母耳三月庚辰至承天謁顯陵作新宮曰待合葬也四月戊申歸過慶都堯母墓從臣請致祭帝曰帝堯父母異陵可知合葬非古既至京復詣大峪審視曰大峪不如純德遂定南耐之議閏五月庚申葬獻皇后於顯陵編三

太子陵寢

懿文太子陵在孝陵左四孟清明中元冬至歲暮及忌辰

凡九祭禮志

舊例以祠祭司官代萬厯中太常少卿謝杰言祝版署御名而遺賤者將事於禮為褻請如哀沖莊敬二太子例遣列侯帝是之乃用南京五府僉書謝杰傳

嘉靖二十八年命莊敬太子哀沖太子並建寢園歲時祭祀從諸陵後會典

親謁陵

洪武八年四月辛卯上如中都謁皇陵

建文元年三月清明節親祭孝陵已上大政記

明會要卷十七

十

四年六月己巳燕王謁孝陵紀本

永樂元年五月丙戌以太祖忌日謁祭孝陵大政記

二年五月己酉錦衣衛奏明日上謁孝陵請具法駕上曰不用但以騎士數人前導已而命前導騎士亦不可用王圻

七年二月戊子謁鳳陽皇陵

十一年三月辛未車駕次鳳陽謁皇陵

十四年十月丁丑次鳳陽祀皇陵癸未至自北京謁孝陵

洪熙元年四月壬子命皇太子謁孝陵戊午如天壽山謁長陵

宣德元年二月丙戌謁長陵獻陵已上本紀

五年二月乙未奉太后謁二陵帝親乘轎騎導太后輦至

清河橋下馬扶輦畿民夾道拜觀陵旁老穉皆山呼迎拜

太后顧曰百姓戴君以能安之耳皇帝宜重念三編

正統七年二月庚申謁天壽山陵本紀

十年三月甲戌朔謁天壽山三陵令百官具淺色衣服如

洪武永樂例又定制每歲三月謁祭以為常禮志

十一年三月癸酉如天壽山謁陵

十二年三月癸亥如天壽山謁陵已上本紀

十三年二月乙酉如天壽山謁陵大政記

明會要卷十七

十一

正德十三年四月己巳朔謁六陵本紀

嘉靖十五年三月丙子奉章聖皇太后如天壽山謁陵癸

未謁恭讓章皇后景皇帝陵本紀至沙河見居民蕭條顧謂

李時曰七陵在此宜加守護時對曰昔邱濬建議京師當

設四輔以臨清為南昌平為北薊州保定為東西各屯兵

一二萬今若於昌平增一總兵可南衛京師北護陵寢帝

乃下廷臣勘議於沙河築鞏華城為置戍焉李時傳

四月癸卯以建山陵親詣七陵行祭告禮九月庚午如天

壽山謁陵

十六年三月癸酉奉章聖太后如天壽山謁陵

十七年三月戊辰謁天壽山陵九月乙未如天壽山行秋祭禮

十八年三月辛巳謁顯陵十月乙丑朔躬祭長陵

隆慶二年二月丁未如天壽山謁長陵永陵

萬曆八年三月辛亥奉兩宮皇太后謁陵

十一年二月乙丑如天壽山謁九陵庚午如西山謁恭讓

章皇后景皇帝陵九月甲申如天壽山謁陵

十二年九月丙戌奉兩宮皇太后如天壽山謁陵已上本紀

遣官祭陵

吳元年四月仁祖忌日太祖詣太廟祭畢命太子及諸王

明會要卷十七

十二

往鳳陽展奠皇陵王圻通考

洪武元年三月遣官祭仁祖陵大政記

八年十月詔翰林院議陵廟朔望節序祭祀禮學士樂韶

鳳等言舊儀每歲元旦清明七月望十月朔冬夏至日俱

用太牢遣官致祭其伏臘社每月朔望則用特羊祠祭署

官行禮如節與朔望伏臘社同日則用節禮從之王圻通考

建文初定孝陵每歲正旦孟冬忌辰聖節俱行香清明中

元冬至俱祭祀勳舊大臣行禮文武官陪祀會典

宣宗即位遣鄭王瞻埃往南京祭孝陵大政記

宏治中南京司禮太監陳祖圭言魏國公徐備每祭孝陵

皆山紅券門直入至殿內行禮僭妄宜改備言入由紅券門者所以重祖宗之祭尊皇上之命出由小旁門者所以守臣下之分循守故事幾及百年豈敢擅易下禮部議言長陵及太廟遣官致祭所由之門與孝陵事體相同宜如舊從之禮志

正德間定長陵以下諸陵凡清明中元冬至俱分遣駙馬都尉行禮文武官陪祭忌辰及正旦孟冬聖節亦遣駙馬都尉行禮同上

嘉靖十四年二月帝諭夏言清明節既遣官上陵內殿復祭似涉煩瀆言因言我朝以清明中元冬至凡三上陵中

明會要卷十七

三

元俗節事本不經冬至既行大報配天之禮則陵事為輕請罷冬至上陵而移中元於霜降惟清明如故仍輟二節內殿之祭從之通典

萬曆四十四年八月南京太常寺少卿桂有根言孝陵元旦清明長至三大祭文物俱備中元孟冬兩忌辰及萬壽節五祭向止陳設酒果應加牲帛祝文從之三編

從葬

孝陵四十妃嬪惟二妃葬孝陵之東西餘俱從葬

長陵十六妃俱從葬

獻陵七妃三葬金山餘俱從葬已上會典

正統元年八月追贈皇庶母惠妃何氏為貴妃諡端靜趙氏為賢妃諡純靜吳氏為惠妃諡貞順焦氏為淑妃諡莊靜曹氏為敬妃諡莊順徐氏為順妃諡貞惠袁氏為麗妃諡恭定諸氏為淑妃諡貞靜李氏為充妃諡恭順何氏為成妃諡肅僖册文曰茲委身而蹈義隨龍馭以上賓宜薦徽稱用彰節行蓋宣宗殉葬宮妃也后妃傳

陵災

明會要卷十七

四

宏治元年五月丙子南京震雷壞孝陵御道樹

六年十二月壬戌南京大雷雨拔孝陵樹七年六月癸酉如之

十五年六七月南京大風雨孝陵神宮監及懿文陵樹木多摧敗者

正德元年六月丙子南京暴風雨雷震孝陵白土岡樹

十三年八月庚辰獻陵明樓災已上五行志

萬曆二年七月淫雨昭陵地陷三編

二十三年九月淮水溢浸泗州祖陵同上

三十年十月丙申孝陵災

三十一年五月戊寅鳳陽皇陵雨雹

三十二年五月癸酉雷燬長陵樓六月丁酉昌平大水壞各陵橋道

三十三年五月丙申鳳陽大風雨損皇陵正殿御座

四十六年九月壬子茂陵火已上五行志

崇禎八年正月丙寅賊陷鳳陽燔皇陵變聞於朝帝素服避殿三編

忌辰

太祖五月十日 孝慈皇后八月十日

成祖七月十八日 仁孝皇后七月四日

仁宗五月十二日 誠孝皇后十月十八日

宣宗正月三日 孝恭皇后九月四日

英宗正月十七日 孝莊皇后六月二十六日 孝肅皇

后三月一日已上春明夢餘錄

嘉靖元年奏準二月十九日景皇帝忌辰十一月五日恭讓章皇后忌辰穿青紵絲會典

憲宗八月二日 孝貞皇后二月十日 孝穆皇后六月

二十八日 孝惠皇后十一月十八日

孝宗五月七日 孝康皇后八月八日

武宗三月十四日 孝靜皇后正月二十五日

明會要卷十七

五

世宗十二月十四日 孝潔皇后十月二日 孝烈皇后

十月十八日 孝恪皇后正月十一日

穆宗五月二十六日 孝懿皇后四月十三日 孝安皇

后七月十三日 孝定皇后二月九日

神宗七月二十一日 孝端皇后四月六日 孝靖皇后

九月十三日

光宗九月一日 孝元皇后十二月二十四日 孝和皇

后三月一日 孝純皇后七月十九日

熹宗八月二十二日已上春明夢餘錄

明制凡值帝后忌辰遣官祭陵止用香燭酒果無帛讀禮通考

洪武八年四月乙巳仁祖忌日親詣皇陵致祭辛亥仁皇

后忌辰躬詣陵祭大政記

永樂元年禮官具奏五月初十日為太祖高皇帝忌辰自

初八至初十日不鳴鐘鼓不行賞罰不舉音樂禁屠宰文

武官自初八日服淺淡衣黑角帶侍朝至日早赴孝陵行

禮八月初十日孝慈高皇后忌辰禮亦如之實錄

二年五月丙戌高皇帝忌辰上騎從祭陵不用法駕大政記

宣德三年令凡遇忌辰通政司禮科兵馬司免引囚奏事

五年敕瀆皇帝后忌日官員朝參輟奏事高皇帝后文皇

帝后昭皇帝忌辰悉輟朝參

明會要卷十七

六

正統三年正月初三日恭遇章皇帝忌辰令升殿朝參如常儀已上會典

宏治十年八月癸卯吏部尙書馬文升言臣伏聞宣德間有旨仁祖忌辰諸司悉免奏事自太祖至仁宗生忌俱輟朝一日其後不知始於何時仁祖忌辰照常奏事唯太祖至憲宗忌辰百官淺淡服黑角帶朝廷亦出視朝鳴鐘鼓奏事與古禮未合又與宣宗敕旨有違臣竊思之自仁祖至憲宗世有遠近服有隆殺臣愚欲自仁祖忌辰至英宗生忌日照舊視朝鳴鐘鼓奏事若遇憲宗紀太后忌日皇上於奉先等殿祭祀畢回宮不出視朝著淺淡服進素膳

明會要卷十七

七

淵默以居不預他事或如宣宗聖旨自太祖至憲宗生忌照例俱輟朝一日上令禮部詳議禮部言文升所奏不爲無見但奉有先朝事例迄今見行不敢更易伏乞聖明裁處上曰列聖忌辰已有旨淺淡服色視事

十四年令遇忌辰朝參官不許服絛絲紗羅景皇帝恭讓皇后忌辰遇節令服青綠花樣宣宗忌辰遇祭祀服紅會典嘉靖元年五月仁宗忌辰遣官祭獻陵先是給事中安磐等奏稱是日適值經筵衣緋賜宴輟講則廢學如儀則忘孝請移經筵前一日帝下其議禮部覆言經筵禮儀日期累朝未之有改考之祭義曰君子有終身之喪忌日之謂

也此專指父母而言祖父以上經禮未載伏聞孝宗在位遇憲宗忌辰仍御經筵凡侍班等官俱衣青綠花樣賜宴宜倣此行帝特旨暫免

二年八月丁未萬壽聖節先是再遇聖節皆以先帝喪殺禮又值高皇后忌辰移之先一日至是禮官言大喪既除宜盡從吉典先忌祭而後受朝亦不妨同日上可其同日之請猶以孝惠皇太后制未除不忍純吉仍暫免習儀宣表及雞唱山呼之禮是日帝親祀奉先殿奉慈殿孝惠皇太后几筵殿畢出御奉先殿受賀免文武百官及四夷使臣宴賞已上實錄

明會要卷十七

六

十八年五月定列聖忌祭儀舊制俱在奉先殿行禮徧祭列聖上以爲非禮更定高皇帝后忌辰祭於景神殿列聖帝后祭於永思殿大政記

二十四年令遇忌辰仍於奉先殿致祭隆慶元年題准凡遇忌辰文武百官不問內外班行謝恩見辭俱淺淡服色烏紗帽黑角帶不許用公服萬厯四年定凡郊廟秦祭祀日遇有忌辰則移前一日如致齋日內遇忌辰上具常服百官具青綠錦繡其正祭日遇忌者如祭在日間臨時仍具祭服行禮本日祭之前後與致齋遇忌同已上會典

明會要卷十八

永新龍文彬

禮十三禮

喪服

洪武元年十二月辛未詔定官民喪服之制時御史高原侃言京師人民循習舊俗凡有喪葬設宴會親友作樂娛尸無哀戚之情流俗之壞至此已甚且京師天下之本四方之所取則送終大事尤不可不謹乞禁止以厚風俗上是其言通紀

三年禁止浙江等處水葬火葬中書禮部議以民間死喪必須埋葬如無地官司設為義塚以便安葬并不得火化違者坐以重罪通典

明會要卷十八

五年五月戊辰詔曰古之喪禮以哀戚為本治喪之具稱家有無近代以來富者奢僭非分力不足者稱貸財物誇耀殯送及有惑於風水停柩經年不行安葬宜令中書省臣集議定制頒行遵守違者論罪大訓記
又諭禮部曰古有掩骼埋胔之令近世狃元俗死者或以火焚而投其骨於水傷恩敗俗莫此為甚其禁止之若貧無地者所在官司擇寬閒地為義塚俾之葬埋或有宦遊遠方不能歸葬者官給力費以歸之禮志

明會要卷十七

九

明會要卷十七終

洪武七年貴妃孫氏薨勅禮官定諸王服制尙書牛諒等奏儀禮父在爲母服期庶母則無服帝曰父母之恩一也低昂若是不情甚矣命儒臣考定宋濂等考古人論服母喪者四十二人願服三年者二十八人服期者十四人帝曰三年之喪天下通喪人情所安卽天理所在乃定制子爲父母庶子爲其母皆斬衰三年適子眾子爲庶母皆齊衰杖期書成命之曰孝慈錄頒天下時貴妃無子命吳王楠行慈母服斬衰三年主喪事皇太子及諸王皆齊衰杖期太子曰在禮惟士爲庶母服總大夫以上則無服今陛下貴爲天子臣忝居嫡長而爲庶母服期非所以敬宗廟

明會要卷十八

二

重繼體也不敢奉詔帝大怒羣臣震讐不知所出正字桂彥良言於太子曰殿下當緣君父之情不可執小禮以虧大孝因持衰服之太子乃服以拜謝帝怒始解三編八年七月詔百官奔父母喪不俟報本紀九年五月晉王妃謝氏薨上始命學士宋濂等考定王妃喪服之制濂等議皇帝素服入喪次十五舉音百官奉慰皇帝出次釋服服常服制曰可禮志進士王希曾言其母任氏之喪以改嫁服止期年願終三年之制帝命禮部議尙書李原名奏曰不喪出母古之制也希曾之母旣已失節難渝定制詔從之通典

二十三年閏四月甲戌除期服奔喪之制先是百官聞祖父母伯叔兄弟喪俱得奔赴至是吏部言祖父母伯叔兄弟皆係期年服若俱令奔喪守制或一人連遭五六期喪或道路數千里則居官日少更易繁數曠官廢事今後除父母及祖父母承重者丁憂外其餘期喪不許奔赴但遣人致祭從之明史禮志系之二十六年四月按史概昭代典則系之是年閏四月甲戌三編同今據之二十五年四月丙子皇太子薨命禮部議喪禮議曰禮父爲長子服齊衰期年又曰期之喪遠乎大夫皇帝當以日易月服齊衰十二日祭畢釋之禮志三十一年太祖遺詔曰朕膺天命三十有一年憂危積心

明會要卷十八

三

日勤不怠務有益於民奈起自寒微無古人之博知好善惡惡不及遠矣今得萬物自然之理其奚哀念之有皇太孫允炆仁明孝友天下歸心宜登大位內外文武臣僚同心輔政以安吾民喪祭儀物母用金玉孝陵山川因其故母改作天下臣民哭臨三日皆釋服母妨嫁娶諸王臨國中母至京師諸不在令中者推此令從事本紀惠帝卽位詔行三年喪羣臣請以日易月帝曰朕非效古人亮陰不言也朝則麻寯服退則齊衰杖經食則饋粥郊社宗廟如常禮遂命定儀以進上同成祖崩仁宗卽位易月制滿禮部尙書呂震請卽吉侍郎

楊士奇不可尙書蹇義兼取二說進帝曰梓宮在殯易服豈臣子忍言士奇執是也乃素冠麻衣經而視朝時羣臣皆已吉服惟士奇及英國公張輔如常帝嘆曰輔武臣也而知禮過六卿由是益見親重三編

洪熙元年仁宗遺詔山陵制度務從儉約喪制用日易月皆以二十七日釋服毋禁嫁娶音樂在外親王藩屏爲重不可輒離本國各處總兵鎮守備禦重臣及文武大小官員亦毋擅離職守聞喪之日止於本處朝夕哭臨三日悉免赴闕行禮會典

明會要卷十八

四

給事中王詔言禮有喪不祭無已則移日俟釋服議雖不行識者是焉梁璟傳

八年懷獻太子薨年甫三歲帝諭禮部禮宜從簡王府及文武官俱免進香帛禮部具儀上白發喪次日輟朝三日帝服與善冠素服七日而除禮志

二十三年八月憲宗崩孝宗卽位十一月大行未葬帝以梓宮在殯仍不釋服視事百官素服朝參如舊御史曹璘上疏請發梓宮引之日上衰經杖履至大明門外率百官拜哭而別仍率宮中行三年之喪通典進士潘府上疏請行三年喪略言子爲父臣爲君皆斬衰

三年仁之至義之盡也漢文帝遺詔短喪止欲便天下臣民景帝遂自行之使千古綱常一墮不振晉武帝欲行而不能魏孝文行之而不盡宋孝宗銳志復古易月之外猶執通喪然不能推之於下未足爲聖王達孝也先帝奄棄四海臣庶銜哀陛下惻怛由衷麻衣視朝百日未改望排羣議斷自聖心執喪三年一如三代舊制詔禮官參考載籍使喪不廢禮朝不廢政合於古不戾於今行於上可通於下從之上同

明會要卷十八

五

素服朝參從之禮志正德元年十二月丁卯景帝后汪妃薨議祭葬禮學士王

鏊曰妃廢不以罪宜復故號葬以妃祭以后乃命輟朝致祭如制

四年正月己酉憲宗廢后吳氏薨劉瑾欲焚之以滅迹曰不可以成服王鏊曰服不可成葬不可薄也用英宗惠妃禮以葬已上后妃傳

十六年二月毛澄等言大行皇帝大喪成服已畢望皇上少節哀情於西角門視事上曰朕哀痛方切未忍遽離喪次其以二十七日視朝具儀來聞於是澄等上儀注自二

十七日以後照孝宗服制上釋衰服文武百官至百日後變服如常上從之通典

嘉靖元年十一月庚申壽安皇太后邵氏崩服除部臣毛澄等請即吉視事議再上命考孝肅太皇太后喪禮澄等言孝肅崩時距葬期不遠故暫持凶服以待山陵事竣與今不同况當正旦朝元亦不宜縞衣臨見萬國若孝思未忘第毋御中門及不鳴鐘鼓足矣從之禮志

七年十月丁未皇后陳氏崩禮部上喪祭儀帝疑過隆議再上帝自裁定概從簡殺欲五日釋服閣臣張璁等言夫婦之倫參三綱而立人君乃綱常之主尤不可不慎左傳

明會要卷十八

六

昭公十五年六月乙丑周景王太子壽卒秋八月戊寅王穆后崩叔向日王一歲而有三年之喪二焉蓋古禮父為子夫為妻皆服報服三年後世夫為妻始制為齊衰杖期父母在不杖喪服自期以下諸侯絕然特為旁期言若妻喪本自三年報服殺為期年則固未嘗絕者今皇上為后服期以日易月臣子為君母服三年以日易月僅二十七日較諸古禮已至殺矣皇上宜服期十二日臣子素服終二十七日不然則恩紀不明典禮有乖禮臣方獻夫亦雜引儀禮喪服等篇反覆爭辨并三朝聖諭所載仁孝皇后崩太宗衰服後仍服數月白衣冠故事以證之帝言文皇

后喪時上無聖母下有東宮從重盡禮為宜今不敢不更其制於是上素服御西角門十日即御奉天殿羣臣皆素服二十七日而除上同

閏十月壬午禮部奏大行皇后梓宮發引及山陵事宜時已卜葬皇后於襖兒峪山以禮官所定如百官哭臨及禁屠撤樂皆於發引三日之前梓宮出當於端門行辭祖禮從午門等中門出凡此之等悉令從殺哭臨止於一日辭祖亦從罷免而梓宮命從左王門出於是禮科給事中王汝梅上言皇后正位七載齊體至尊生以禮歸沒不以禮葬非所以重大倫為萬世法請更議報曰所言具見忠愛

明會要卷十八

七

但未權其輕重耳已而給事中徐景嵩言哭臨辭祖之儀臣固未敢輕議若梓宮出門乃萬姓瞻仰所係王門之議臣心實不敢安也詔如前旨實錄
十四年正月丙戌莊肅皇后夏氏崩禮臣上喪儀帝曰嫂叔無服且兩宮在上朕當服青臣民如母后儀夏言曰皇上以嫂叔絕服則羣臣不敢素服見皇上請暫罷朝參許三編
十八年正月諭輔臣昨居喪理疾閱檀弓等篇其所著禮儀制度俱不歸一又不載天子全儀雖曰三年之喪通乎上下而今昔亦有大不同者皇祖所定未有全文每遇帝

后之喪亦未免因仍為禮至於冠裳衰經所司之制不一其與禮官考定之自初喪至除服冠裳輕重之製具為儀節俾歸至當於是禮部議喪服諸制奏之帝令更加考定畫圖註釋並祭葬全儀編輯成書備覽

二十八日莊敬太子薨禮部上喪禮帝曰天子絕期況十五歲外方出三傷朕服非禮止輟朝十日百官如制成服十二日而除

鎮國中尉多斫生母象氏卒宗老援歷適之說呈巡按準期年服闋成昏多斫堅執終喪啟於樂安王王批庶子於生母之喪歷適之說第以服色黻淡不敢行悲哀也今多

明會要卷十八

八

斫終喪而後成昏可以厚人倫敦化源宜依所請巡撫胡松具題勅遣官獎諭

四十二年周府南陵王睦楨上疏云文職上自九卿下及百僚皆行三年丁憂之制今各王府所選儀賓受封大夫郎官之職與文職一體相同何父母身終不行丁憂之制豈為人子之道哉伏望勅下禮部自今見爵儀賓凡有父母身故宜照文職事例將半俸停止服滿之日方許開俸疏入下禮部議始定儀賓守制

隆慶元年吏部主事郭諫臣請衍聖公終制先是衍聖公凡遇父母之喪不行丁憂即請承襲與軍職同至是諫臣

疏謂魯為上世秉禮義之國孔子又萬世禮義之宗今國家特世封為衍聖公秩以一品者正以聖人後為能守禮以表率天下之人耳不使其子孫守三年之制其何以責天下乞許遵制丁憂一如文臣從之

是年孟春享太廟以世宗喪禮尚在二十七日之間照宏治十八年例遣官行禮樂設而不作是年正旦後喪禮成服畢御宣治門視事

萬曆六年議準凡文臣三品以上不論已未考滿其各父母妻必曾授本等封俱照例祭葬四品本身及父母皆止一祭無葬而出自特恩者不拘 凡一品父母妻已授本

明會要卷十八

九

等封於例祭外父母有加祭二壇者 正德十一年例 妻有加祭一壇者 宏治十一年例 係出特恩取自上裁陳乞者不得輒援為例 凡三品官曾經考滿者祭一壇全葬未經考滿者祭一壇半葬其以侍郎兼學士贈尚書者祭二壇不拘已未考滿給與全葬

雜錄

景泰五年御史黃溥請罷舉人監生由服以廣科目從之 由服者二十七月正服 之外餘服程限也 嘉靖初減應奎為南京車駕主事以祖庶母喪求去例不得持重猶服私喪三年以重所自出也

姚翼家規曰承重者主宗廟之灌鬯也庶孫不為祖後不得加斬於生祖母雖無嫡孫而庶孫承重亦不概及於生祖母蓋庶子服生母斬衰為其生育之恩與父均也非謂其與父共承宗廟也何為而及於生祖母乎至於庶孫繼祖即不得服生祖母則宋庾蔚之之言本朝典法無考止守齊衰不杖期之本服為是
通典曰承重之服止於正適概不及庶杜典載庾蔚之之論明矣魏廣陵北海二太妃為始封之君母受命歸國諸侯不敢祖天子則太妃是為二王之祖母故議以持重三年臧應奎以私恩加服禮官不能以義斷也姚

明會要卷十八

十

氏家規其知禮與

錢德洪聞王守仁之喪馳書於其父具陳父生師教願為喪服父許之與同門王畿議服制德洪以父母在麻衣布經弗敢加焉畿請服斬衰以從築場廬墓三年而後去
十三年九月以孟冬享太廟先期命侍郎顧鼎臣霍韜捧主會二人皆有期功之服有謂古禮期服諸侯絕大夫降今之公卿即古之諸侯與祭重事不得以私妨公下禮部議尚書夏言奏古之諸侯建邦啟土世有其國伯叔兄弟皆其臣也故期可絕今之所謂公卿者在位則為公卿釋位乃為族屬無君道以臣其伯叔兄弟喪服之制人情所

由生豈以在位釋位而有隆殺哉夫哀有淺深故服有輕重定之三月以哀不能忘於三月也定之期年以哀不能忘於期年也而祭祀吉禮所以致敬於神明若情未忘哀則不能專誠於祭故不與也今以其身不泄喪與夫時之過者皆無可避臣未之前聞禮曰小功總麻執事不與二臣所服之喪非小功總麻皆服之重者也太廟捧主又禮之重者也以服之重而與夫禮之重者焉得謂之知禮臣等職司典禮敢不據經守正以嚴瀆踰之分疏入詔鼎臣韜迴避以侍郎黃宗明林廷楫代之
董應舉湛誠慈母如母服議家禮三父八母圖慈母齊衰

明會要卷十八

十

三年蓋義服也而律亦有為慈母服之說但家禮慈母註云所生母死父令別妾撫育者謂之慈母當服三年則父妾乳哺者謂之乳母止服總麻迹雖相似而恩有淺深服有輕重今湛誠所丁憂者顧氏乃其父之媵妾有子則當杖期無子則當總麻縱有撫抱之恩亦當先請後服

通典曰禮有慈母之條非僅謂母死父使他妾乳之也乃命之為母故行三年之服觀小記為慈母後之語義自可見家禮於慈母條下謂母卒父命他妾養己者似與古所謂庶母慈己者無異又何以有三年小功之別乎蓋父之命妾命子正是命之為後小記更有為祖庶

母後一語則知慈母如母自與庶母慈已者迥別故曰貴父之命也雖云如母而記稱不世祭有不得盡同於母者矣

王廷相曰並有父母之喪如之何曰其父已葬而有母之喪則服母之服既虞也反服父之服既練也則服母之服不以輕掩重也其餘父之喪也服其除服卒事反服母服母先而父後也亦如之有所後父之喪而本生父母亡如之何曰已殯則服其服而往哭之襲而歸反喪服已葬則俟其殯而歸反喪服其除喪也服其除服卒事反喪服曰不亦輕本生乎曰禮有所重斬不可以離次也祖父之喪

明會要卷十八

主

將練而父亡何如曰持重於祖兼主於父禮也練祥禫祭服其除服卒事反父服父喪未終而祖沒何如曰適孫爲父後者承重禮也父雖練也猶服其承服其除父喪也服其除服卒事反喪服

宋纁曰母喪未葬而值父之二祥則不得服祥服以祥祭爲吉未葬爲凶不忍於凶時行吉禮也居母喪遭父喪者亦然

呂坤曰喪禮先王所制以制放逸忘哀之情故謂之制五服者三年一年九月五月三月五等之衣服也十制者斬衰三年齊衰三年齊衰杖期齊衰不杖期齊衰五月齊衰

三月大功九月小功五月總麻三月袒免在次十等之制度也齊衰與斬衰布麻有粗細五齊衰布麻無粗細袒免雖極輕亦先王禮制但成服故不可入五服爾疑服有四正義加降正服禮稱情也義服情從禮也加服禮從情也三者皆隆降服禮裁情也降服非君子所忍服所降以明禮稱所本以明情三年重喪也降爲期稱重期期降大功稱期功小功降總稱功總仁之至義之盡也故曰加服不稱本服降服不忘本服厚道也已上通典

奪情

正統十二年令內外大小官員丁憂者不許奪情起復

明會要卷十八

主

景泰二年九月禁諸司起復紀本

三年九月江淵以母憂起復初侍講學士倪謙遭喪淵薦謙爲講官謙遂奪哀至是御史周文言淵引謙正自爲今日地帝以事既處分不問而令自今羣臣遭喪毋濫保江淵傳

成化二年大學士李賢奔喪畢奉詔還朝修撰羅倫詣賢沮之不聽倫遂上疏諫略曰臣聞朝廷援楊溥故事起復大學士李賢竊謂賢大臣起復大事綱常風化繫焉昔子夏問三年之喪金革無避禮與孔子曰魯公伯禽有爲爲之也今陛下於賢以金革之事起復之與則未之有也以

大臣起復之與則禮所未見也陛下必欲賢身任天下之事則賢身不可留口實可言或降溫詔使賢於天下之事知必言言必盡陛下於賢之言聞必行行必力賢雖不起復猶起復也苟知之而不能盡言言之而不能力行賢雖起復無益也又何必違先王之禮經損大臣之名節哉疏入黜為福建市舶司提舉編三

宏治元年七月吏部尚書王恕疏請禁文職奪情起復敢有營求奏保者許科道糾劾本官以匿喪論奏保之人以違制論乞著為令從之昭代典則

明會要卷十八

古

正德十六年七月癸丑命自今親喪不得奪情著為令禮志
萬曆五年大學士張居正父卒御史曾士楚吏科都給事中陳三謨倡疏請留和者相繼編修吳中行獨憤適彗出詔百官修省中行首上疏曰居正父子異地分睽音容不接者十有九年一旦長棄數千里外陛下不使旬旬星奔憑棺一慟而責以訐謏遠湫調元熙載豈情也哉即云起復有故事亦未有一日不出國門而遽起視事者祖宗之制何如也事繫萬古綱常四方視聽銷變之道無踰此者疏既上以副封白居正居正愕然曰疏進耶中行曰未進不敢白也三編明日檢討趙用賢抗疏略曰國家設臺諫以司法紀任糾繩乃今嘒嘒為輔臣請留背公議而徇私情

茂至性而倡異論臣愚竊懼士氣之日靡國事之日滯也疏入與中行同杖除名趙用賢傳

崇禎十一年楊嗣昌以奪情入閣又起復逆案陳新甲代盧象昇為宣大山西總督少詹事黃道周上三疏其一劾嗣昌謂天下無無父之子亦無不子之臣衛開方不省其親管仲至比之豶狗李定不喪繼母宋世共指為人梟今遂有不持兩服坐司馬堂如楊嗣昌者宣大督臣盧象昇以父殯在途搥心飲血請就近推補乃忽有並推在籍守制之旨夫守制者可推則聞喪者可不去聞喪者可不去則為子者可不父為臣者可不子即使人才甚乏奈何使

明會要卷十八

五

不忠不孝者連苞引葉種其不祥以穢天下乎陛下孝治天下摺紳家庭小小勃谿猶以法治之而冒喪數倫獨謂無禁臣竊以為不可也又曰我朝自羅倫論奪情前後五十餘人多在邊疆故嗣昌在邊疆則可在中樞則不可在中樞猶可在政府則不可止嗣昌一人猶可又呼朋引類竟成一奪情世界益不可黃道周傳編修趙士春上疏曰嗣昌墨經視事既已罔效陛下簡入綸扉自應力辭新命乃閣其奏牘徒計歲月久近閒絕無哀慟惻怛之念何奸悖一至此也陛下破格奪情曰人才不足故耳不知人才所以不振正由愛功名薄忠孝致之且無事不備儲材有事輕

言破格非用人無弊之道也臣祖用賢首論故相奪情幾
斃杖下腊敗肉示子孫臣敢背家學負明主坐視綱常掃
地哉趙士春傳

象昇遭父喪疏上乞奔喪候陳新甲受代未行京師戒
嚴詔督諸軍入衛象昇麻衣草履誓師及郊馳疏報曰臣
非軍旅才愚心任事謹不避難但自臣父奄逝長途慘傷
潰亂五官非復昔時兼以草土之身踞三軍上豈唯觀瞻
不聳尤虞金鼓不靈已聞總監高起潛亦衰經臨戎象昇
謂所親曰吾三人皆不祥之身也人臣無親安有君樞輔
奪情亦欲予變禮以分愆耶處心若此安可與事君他日

明會要卷十八

未

必面責之及嗣昌至軍象昇責以阻師且曰公等堅主和
議獨不思城下之盟春秋所恥長安口舌如鋒恐袁崇煥
之禍立見嗣昌頰赤曰公直以上方劍加我矣象昇曰既
不奔喪又不能戰齒劍者我也安得加人嗣昌辭遁虛象昇傳

明會要卷十八終

明會要卷十九

承新龍文彬纂

禮十四禮

立後議

邱濬曰古人大宗無子則以族人之子繼之而不及小宗
大明令及律雖許同宗立嗣然皆謂其人生前自立而無
死後追立之文聖祖之意蓋以興滅繼絕必前代帝王功
臣賢人之後不可不使血食也先王制禮不下庶人今庶
人之家若生前將昭穆相應之人自幼鞠育者從其自便
既死之後告爭承繼者無非利其財產而已若死者係軍

明會要卷十九

十一

匠籍雖有之使繼彼肯從哉今宜敕禮官定制若前代名
人之後或在今曾有大名顯宦者以宗法爲主先求繼嗣
小宗次繼祖之宗次繼曾祖之宗次繼高祖之宗四宗俱
無人然後及疎遠及同姓之人若其人生前或養同宗之
子世系雖遠而昭穆不失序不必更求其有鞠育之恩氣
雖不純而心已孚故也又凡爲人後承父之命方許出繼
已孤之子不許所以然者爲人後者爲之子既爲之子則
稱其所生爲伯叔不承父命而輒稱己父母爲伯叔可乎
是貪利而忘親也如此則傳序既明而爭訟亦息矣
川汝成立後論曰古稱爲父後者非謂諸子皆可以爲父

後也必適子乃足以當之適子者大宗小宗之統也身為小宗之適則五服之親皆其所統故適子不得後大宗以支子可也而漢初之詔賜民為父後者爵一級蓋適子之謂也古稱立後者非謂昆弟無子人人為之立後也惟大宗乃舉之禮曰大宗不可絕故族人以支子後大宗非大宗而立後者蓋義舉也於禮未之有聞也古稱為大宗後者非必親昆弟之子也有以從昆弟之子後從世父者矣有以諸孫後祖者矣有以諸曾孫後曾祖者矣有以諸元孫後高祖者矣故禮曰為人後者斬衰三年不名所後為父者以所後不定難以豫著其名也後世宗法不明而適

明會要卷十九

二

子庶子皆稱父後立後之義不明而同居異居昆弟之無子者皆為立後稱謂之義不明而為人後者伯父叔父皆易為父而以孫後祖以無服之孫後遠祖者禮既不行名亦不著非先王之本旨矣已上通典

恤死事

洪武元年九月優給陣亡將士之家大政記

三年十一月己亥設壇親祭戰沒將士

七年八月辛丑詔軍士陣沒父母妻子不能自存者官為

存養

十九年六月甲辰詔將校陣亡其子世襲加一秩十月命

官軍已亡子女幼或父母老皆給全俸著為令
建文三年十一月乙巳燕王自為文祭南北陣亡將士上紀本

永樂七年二月己丑遣官祭靈壁等處陣亡將士大政記

七年九月甲戌贈北征死事李遠葛國公王聰漳國公

宣德三年五月辛未贈交趾死事諸臣

正統十四年八月己巳卹陣亡將士九月甲午祭宣府土

木陣亡將士瘞遺骸十二月戊辰祭陣亡官軍於西直門

外 景泰元年三月辛亥錄土木死事諸臣後

明會要卷十九

三

成化二十年正月卹大同陣亡士卒已上本紀

宏治十四年秦紘總制三邊軍務馳至固原按行敗所躬

祭陣亡將士掩其骸奏錄死事指揮朱鼎等五人恤軍士

戰沒者家秦紘傳

嘉靖四十二年十一月祭陣亡士卒大政記

天啟三年二月乙酉贈卹死難博士孟承光及母孔氏子

宏略 崇禎十五年六月築壇親祭死事文武大臣已上本紀

諡法

明諡法凡皇帝十七字皇后十三字皇妃東宮東宮妃二

字親王一字郡王二字文武大臣二字若品官未高而侍
從有勞或死勤事特恩賜諡者不拘常例王折

定例三品得諡詞臣諡文然亦有得諡不止三品諡文不
專詞臣者或以勳勞或以節義或以望實破格褒崇用示

激勸其冒濫者亦間有之禮志

文正 閣臣李東陽謝遷 戶部尚書倪元璐福王諡 諭

德劉理順福王諡

文貞 閣臣楊士奇徐階錢象坤 范景文福王諡 諭德

繆昌期福王諡

文成 誠意伯劉基 新建伯王守仁

明會要卷十九

四

文忠 閣臣曹鼐初諡 楊廷和張孚敬張居正葉向高

孫承宗賀逢聖皆福王諡 陳子莊吳貞毓皆永明王諡 庶子

馬世奇福王諡 兵部尚書堵允錫永明王諡

文端 閣臣陳以勤高儀王家屏沈鯉方從哲劉一燝

何如寵福王諡 吏部尚書王直吳一鵬 禮部尚書周

經吳山 修撰焦竑福王諡

文定 閣臣楊溥蔣冕李春芳于慎行申時行沈淮徐光

啟 禮部尚書吳寬王瓚王道陸樹聲 兵部尚書張

邦奇 祭酒陳敬宗 都御史何瑋 吏部侍郎盛以

宏

文尚 閣臣黃淮毛紀許瓚呂調陽郭朴 禮部尚書李

遜學劉春毛澄孫承恩張璧翁正春黃鳳翔 兵部尚

書湛若水董玘 吏部侍郎許思溫 禮部侍郎儀智

馬汝驥周炳謨劉日甯 工部侍郎何孟春 北行部

侍郎馬京 祭酒陶望齡 侍講學士穆孔暉

文懿 閣臣呂原翟鑾朱賡趙志皋 工部尚書劉宣

禮部尚書章懋 吏部侍郎楊啟元楊守陳儲燿諸大

受 贈禮部尚書瞿景淳

文肅 閣臣劉忠趙貞吉朱國禎王錫爵 文震孟福王諡

呂大器永明王諡 吏部尚書王俱 禮部尚書吳儼王

明會要卷十九

五

圖 刑部尚書何喬新 吏部侍郎羅圮 禮部侍郎

錢習禮謝鐸劉瑞 贊善徐善述 興化知府岳正

文毅 閣臣商輅張治初諡 張四維何宗彥 吏部尚書

倪岳 禮部尚書傅珪 修撰羅倫 工部侍郎黃孔

昭 禮部侍郎郭正域 吏部侍郎趙用賢 兵部侍

郎金聲唐王諡

文憲 閣臣彭時費宏陳于陞 學士宋濂 贈光祿少

卿楊慎

文莊 閣臣邱濬馬自強張位殷士儉初諡 吏部尚書

羅欽順 戶部尚書王鴻儒 禮部尚書邵竇歐陽德

汪俊 工部尙書王一夔 吏部侍郎葉盛劉元震

刑部侍郎吳悌 祭酒鄒守益 陳仁錫福王 蔡清

文敬 處士胡居仁

文裕 禮部尙書白鉞 少詹事陸深黃佐 吏部侍郎

張元禎

文節 閣臣李廷機李標 吏部侍郎莊景 贈禮部侍郎

郎劉應秋 修撰舒芬 沈懋學福王 諭德周鳳翔

福王 編修胡守恆

文義 閣臣高穀

文靖 閣臣金幼孜嚴訥徐溥劉健賈詠 吏部尙書魏

明會要卷十九

六

驥 贊善王汝玉

文穆 閣臣胡廣劉吉成基命許國林鈺 禮部尙書傅

瀚

文昭 兵部尙書蕭維楨 禮部尙書江淵

文恪 閣臣朱善王鏊朱國祚鄭以偉蔡國用吳道南

吏部尙書耿裕 禮部尙書林煥溫仁和楊廉孫陞余

繼登 贈禮部尙書唐文獻楊道賓 副都御史吳訥

吏部侍郎丁士美周子義 祭酒宋訥魯鐸

文恭 閣臣孫如游沈一貫 禮部尙書萬士和 工部

侍郎程文德 少詹事劉鉉 贊善羅洪先 修撰張

元林 檢討陳獻章

文襄 閣臣席書桂萼楊一清方獻夫高拱 吏部尙書

唐龍 工部尙書周忱

文清 禮部侍郎薛瑄

文修 吏部侍郎林俊

文康 閣臣萬安梁儲李時顧鼎臣 兵部尙書苗衷

文潔 吏部侍郎鄧以瓚

文敏 閣臣楊榮余有丁李國樞 吏部尙書姚夔 戶

部尙書李廷相 禮部尙書霍韜董其昌馮琦 吏部

侍郎徐縉 禮部侍郎崔銑 少詹事鄒濟

明會要卷十九

七

文達 閣臣李賢

文通 禮部尙書王一甯費臬 吏部尙書錢溥 大理

寺少卿李奎

文介 閣臣石瑄初隱文隱 禮部尙書孫慎行 禮部侍郎

公黼 學士劉儼

文安 閣臣李本劉定之 禮部尙書王英周洪謨李傑

鄭賜 兵部尙書林瀚劉龍

文烈 閣臣何騰蛟永明王 檢討汪偉福王

文和 閣臣劉珣尹直

文信 閣臣張益靳貴 吏部尙書黃珣 禮部尙書林

廷機黎涇張昇顧清倪謙	工部尙書董越	吏部侍郎孫大臨	禮部侍郎陳陞
文榮	閣臣袁煒	文愍	閣臣夏言
文思	閣臣彭華	武甯	中山王徐達
武毅	夏國公顧成	沂國公金朝興	營山伯高成
朱永	永順伯薛綬	大同伯陶瑾	漳國公王聰
武敏	涑國公孫鏗	靖安伯和勇	總兵安國
武惠	忠誠伯陸炳	武襄	安遠侯蔡遷
武襄	安遠侯蔡遷	安邊伯沐昂	豐城侯李旻
謙	咸甯侯仇鉞	右都督王效	都督同知劉文
安遠侯柳珣	平江伯陳圭	左都督周尙文	武順
武肅	滎陽伯潘毅	汝陰侯高顯	安遠侯柳溥
武靖	岐陽王李文忠	濬國公陳懋	平江伯陳王謨
武信	芮國公楊璟	武康	蕪國公康茂才
			<small>弁洲謚法 考作武義</small>

明會要卷十九

八

武莊	巢國公華高	越國公胡大海
武壯	景成伯馬榮	左都督梁震
武桓	梁國公趙德勝	泗國公耿再成
武愍	鄖國公廖永安	平陰王朱勇
武烈	東平王朱能	武勇
武僖	涇國公蔣貴	伏羌侯毛忠
武僖	阜城伯王貴	沔國公陳友
忠文	學士王禕	祭酒李時勉
忠武	開平王常遇春	廣甯伯劉榮
忠	顯	鄞國公薛祿
忠定	燕府長史朱復	吏部尙書蹇義
忠烈	定興王張輔	虢國公俞通海
甯遠伯李如松	兵部尙書盧象昇	副都御史孫
燧	兵備副使郭應燾	張允登
張銓	王章	長沙推官蔡道憲
忠簡	戶部尙書王佐	刑部侍郎張翀
		太常少卿魏

明會要卷十九

九

良弼

忠肅 吏部尙書王翺 兵部尙書鄭埜于謙初諡肅愍

忠毅 蔡國公張德勝 潞國公張武 漳國公鄭亨

平卿伯陳懷 霍山侯王簡 萊陽侯周長 靖遠伯

王驥 懷遠伯武興 威遠伯方政 都督山雲 吏

部尙書趙南星 僉都御史左光斗 大僕少卿周朝

瑞福王諡 御史周宗建李應昇劉熙祚 山西巡撫衛

景瑗福王諡 主事成德福王諡

忠敬 定遠王沐晟

忠憲 豐國公李賢 都御史高攀龍 光祿卿馬理

明會要卷十九

十

忠節 兵部尙書呂維祺福王諡 刑部尙書吳雲 太僕寺

卿楊最 副使許遠 太常少卿鹿善繼 吳麟徵福王諡

給事中魏大中 都給事中吳甘來福王諡 廣甯參政

高邦佐 員外郎金鉉許直皆福王諡

忠貞 中山王徐輝祖 刑部侍郎孟兆祥福王諡 工部

主事萬燦福王諡

忠靖 武進伯朱榮 戶部尙書夏原吉

忠襄 樂浪公濮英 靖國公陳珪 南和侯方瑛 贈

湯陰伯郭資 兵部尙書金忠儀銘伍文定 山西巡

撫蔡懋德 副使毛吉

忠敏 興濟伯楊善 榆次伯張濂 江南巡撫郝彪佳

唐王諡

忠安 禮部尙書胡濙

忠僖 文安伯張輓 嶧國公劉安 左都督朱希孝

忠穆 沂國公袁溶

忠介 都御史海瑞鄒元標 副都御史施邦曜福王諡

庶吉士鄒智 吏部員外郎周順昌

忠威 保昌伯程寬

忠端 戶部侍郎王家彥福王諡 御史黃尊素福王諡

忠瑞 鄆國公宋瑛

明會要卷十九

十一

忠壯 安國公曹良臣 甯國公王眞 莒國公李遠

興國公郭亮 濱國公薛貴 涼國公吳瑾 新樂侯

劉文炳福王諡 恭順伯吳允誠 清源伯冀傑 陝西

總督傅宗龍 宣府巡撫朱之馮 陝西按察使黃綱

都督同知郭都 副總兵趙傾蔡張紘 參將宗龍

忠宣 戶部尙書黃福 兵部尙書劉大夏

忠裕 大理丞黃鞏

忠果 左都督劉文燿福王諡

忠勇 邠國公吳克忠 滕國公孟善 東海侯陳文

富春侯孫世 成武伯陳亨 左都督殷尚質 總兵

林椿黑春

忠愍 蕪國公康鐸 定國公徐增壽 燕山侯孫興祖

定安郡伯程國勝 大同巡撫張文錦 遼陽副使

何廷魁 江西副使汪一中 都督王治道 都指揮

李彬 總兵李涑 副總兵李梅 參將張世忠 給

事中陳邦彥永明王諡 贈光祿少卿沈鍊 御史袁化中

廣東布政使陳選 侍講劉球 兵部員外郎楊繼

盛

忠剛 征西前將軍張達

忠惠 蘇松巡撫周起元

明會要卷十九

三

忠愍 武進伯朱冕

忠懷 五官監侯楊源

忠清 大理卿凌義渠福王諡

懿簡 兵部尚書張鵬

昭靖 黔甯王沐英

毅愍 閣臣王文 副都御史馬炳龍

毅思 御史劉臺

毅敏 固原伯劉玉 戶部侍郎張養蒙

毅勇 都督僉事李桂

敏肅 刑部尚書李世達 工部侍郎陳壽

敏毅 梁國公蔣琬

敏靖 黔國公沐紹勳

恭簡 吏部尚書尹旻 戶部尚書耿定向 兵部尚書

韓邦奇李鉞屠楷 刑部尚書高友璣 工部尚書王

鈞 都御史朱英戴珊王樵 吏部侍郎歐陽鐸 兵

部侍郎許孚遠 太常寺卿魏校

恭襄 彰武伯楊炳 平江伯陳瑄 吏部尚書王瓊

兵部尚書馬昂張瓚江東許論石茂華趙炳然 工部

侍郎劉炳

恭和 宣國公周壽

明會要卷十九

三

恭僖 鄖國公張信 成國公朱輔 黔國公沐朝輔

禮部尚書許紳 興府長史張景明

恭肅 容國公趙輔 吏部尚書張淵周用胡松熊浹

戶部尚書王遴 兵部尚書嚴清 刑部侍郎林鶚曾

鈞

恭惠 戶部尚書汪宗伊 工部尚書張拯 副都御史

范鏞 僉都御史楊信民

恭穆 贈工部尚書余懋學

恭獻 隴西王李貞

恭懿 吏部尚書張瀚 吏部侍郎李棠

恭毅 刑部尙書王傑 左都御史溫純 禮部侍郎章

綸 永豐知縣鄧顒

恭敏 景國公李讓 襄成伯李全禮 戶部尙書馬森

李汝華 兵部尙書白圭 工部尙書李燧 刑部侍

郎廖莊

恭順 兵部侍郎盧淵

恭愍 甯國公陳瀛 御史鍾同 陳良謨 福王諡

恭介 吏部尙書陳有年孫丕揚 戶部尙書畢鏘 兵

部尙書陶琰李遷 刑部侍郎朱鴻謨 工部侍郎王

汝訓

明會要卷十九

四

恭定 戶部尙書年富 工部尙書馮從吾 都御史潘

恩 副都御史郭惟賢

恭憲 安國公孫忠 初諡靖康

恭節 湖廣僉事馮應京 太常少卿周怡 御史陳純

德 福王諡 巴縣知縣段高選

恭靖 甯陽王張懋 定襄王朱希忠 榮國公姚廣孝

彭城伯張麒 吏部尙書朱希周蔡國珍 戶部尙

書李敏 工部尙書洪遠蔣瑤 都御史王璟 副都

御史賈銓 大醫院判蔣用文

恭端 吏部尙書曾同亨

恭質 刑部尙書王用汲

明會要卷十九

五

明會要卷十九終

明會要卷二十

永新龍文彬纂

禮十五禮

諡法下

壯武 芮國公李瑾 景城伯馬榮

壯勇 渠國公吳成 邠國公吳克忠 邵陽伯馬聚

任邱伯梁成 宣城伯衛穎

壯毅 臨江侯趙誠 廬江侯何德

壯靖 綿谷伯高文

壯敏 昌甯伯趙勝

明會要卷二十

壯愍 贈都督僉事馮恩 都督同知岳懋

壯節 崇安侯譚淵

莊懿 戶部尙書譚大初 兵部尙書張瑩 刑部尙書

閔珪周瑄 工部尙書胡拱辰

莊簡 恩國公張赫 成國公朱儀 吏部尙書聞淵陸

光祖喬宇 戶部尙書秦民悅鄒文盛 都御史熊繡

禮部尙書李浩 兵部尙書王學夔張悅 工部尙

書王復李浩

莊靖 魏國公徐備 保昌伯蔣廷圭 閣臣陳文 刑

部尙書魏時亮 工部尙書趙璜 都御史宋景陳瓚

工部侍郎劉東星

莊節 右都督張可大

莊敏 黟國公陳豫 吏部尙書崔恭 戶部尙書楊鼎

許誥 刑部尙書林聰 兵部侍郎陶諧

莊毅 南甯侯毛勝 吏部尙書孫璋 兵部尙書王竑

刑部尙書王紀

莊肅 昌國公張巒 吏部尙書胡松 副都御史婁志

德

莊介 工部尙書劉一儒 山西巡撫姜洪

莊僖 新甯伯譚祐 東甯伯焦棟 刑部尙書韓邦問

明會要卷二十

都御史張永明 刑部侍郎舒化

莊裕 戶部尙書徐問

莊襄 皖國公仇成 黔國公沐崑 兵部尙書劉天和

都御史俞諫

莊敬 戶部尙書宋纁

莊和 英國公張崙

莊武 魏國公徐宏基 襄城侯李瑾 豐潤伯曹義

莊愍 都御史寇深

貞敏 吏部尙書梁夢龍

貞襄 兵部尙書徐琦聶豹

貞愍 駙馬都尉鞏永固 福王

貞肅 刑部尙書林俊 雲南巡撫楊繼宗

襄毅 海國公吳禎 東甯侯焦禮 蒙陰伯李英 永甯伯譚廣 吏部尙書許進楊博 戶部尙書秦紘

兵部尙書程信項忠王邦瑞翁萬達彭澤李化龍王崇古 都御史韓雍

襄簡 兵部尙書王軾 許國公王志

襄介 刑部侍郎段民

襄靖 滕國公顧時 蠡國公梁珣 兵部尙書吳應聘

襄敏 涇國公陳亨 臨漳伯郭義 威甯伯王越 吏

明會要卷二十

三

部尙書李秉 戶部尙書黃鎬周奎 兵部尙書王以

旂潘鑑譚綸李遂 刑部尙書董方 都御史李賓鄧

廷瓚 兵部侍郎張珩 戎政尙書鄭洛 刑部侍郎

楊泰 工部侍郎王永和劉丙 副都御史鄧棨唐澤

襄惠 吏部尙書屠浦 刑部尙書洪鍾 工部尙書吳

文華 戶部侍郎鄒守愚 兵部侍郎張岳

襄烈 江國公吳良

襄憲 戎政尙書張佳允

襄武 東甌王湯和 英山侯於顯 邢臺伯馮斌

襄裕 贈刑部尙書王宗沐

襄恪 鎮遠侯顧溥

襄榮 修武伯沈清

襄懋 兵部尙書胡宗憲毛伯温

襄愍 融國公柳升 洛南伯馮楨 工部尙書才寬

刑部侍郎丁鉉 兵部侍郎曾銑

勇襄 汝國公周武 裕國公張軌

定襄 杞國公陳德

定肅 戶部侍郎蕭彥

介肅 兵部尙書吳嶽 山西巡撫魏允貞

介愍 兵部侍郎馬從聘

明會要卷二十

四

清憲 尙寶少卿孟秋

清簡 吏部尙書孫需孫鑑 刑部尙書樊瑩

清惠 刑部尙書耿九疇 工部尙書劉麟吳廷舉丁賓

副都御史張璋 福王

清襄 兵部尙書陳道亨

清敏 吏部尙書衛承芳

清愍 副都御史孫繼魯

節愍 兵部尙書劉儁陳洽 江西副使周憲 僉事潘

宗顏 都督同知李啟光 都指揮丁碧 進士孟章

明 福王 大僕丞申佳允 福王

康懿	吏部尚書陳俊	工部尚書徐貫林廷楫
康簡	兵部尚書李鉞	工部尚書楊守隨崔文奎
部侍郎胡韶		刑
康靖	惠安伯張偉	宣城伯衛鐔
禮部尚書鄒幹		
康僖	崇信伯費棫	駙馬都尉蔡震
戶部尚書王承		
裕	刑部尚書陸瑜	屠勤周倫
大僕寺卿邵銳		
康惠	定國公徐文璧	戶部尚書胡富
兵部尚書李		
承勛	刑部尚書楊志脩	工部尚書宋禮
都御史		
周季鳳		
康介	兵部尚書郭宗皋	
《明會要卷二十》		
五		
康穆	阜國公王鎮	
康和	兵部尚書李充嗣	
康順	南和伯方壽祥	廣甯伯劉泰
康毅	兵部尚書王憲	
康敏	刑部尚書白昂	趙鑑
康敏	靈璧侯湯紹宗	都御史陳鎰
戶部侍郎王鍾		
副都御史周季麟		
倍靖	兵部尚書廖紀	
倍武	甯遠伯任禮	
倍順	西河伯吳守義	溧陽伯紀廣
忠勇侯蔣信		

倍愍	遵化伯吳克勤	修武伯沈榮
安節	吏部尚書袁洪愈	
安簡	禮部尚書王宗彝	
惠敏	副都御史龐尙鵬	
惠安	刑部尚書彭韶	
惠襄	西平侯沐春	
孝勇	東海侯陳文	
景成	樂昌侯邱廣	
榮壯	宜良伯冉保	順義伯羅秉忠
榮靖	甯國公周能	端安侯王源
鎮遠侯顧仕隆		
《明會要卷二十》		
六		
慶陽伯夏儒	安平侯方銳	刑部尚書翁溥
都督		
陳政		
榮毅	招遠伯馬亮	兵部侍郎墨麟
榮簡	禮部尚書盛端明	駙馬都尉鄔景和
榮康	黔國公沐斌	成國公朱鳳
榮襄	郊國公孫繼宗	在平伯吳中
沭陽伯金濂		
閣臣袁宗皋	刑部尚書聶賢	左都督韓偕
榮恭	京山侯崔元	
榮愍	鉅鹿侯井源	
榮和	英國公張崙	昌化伯邵喜
吏部尚書汪鉞		

榮僖	成國公朱輔	一定國公徐光祚	會昌侯孫杲
鎮遠侯顧寰	安昌伯錢承宗	玉田伯蔣翰	安昌伯錢果
長甯伯周彧	新建伯李玉	泰和伯陳萬言	戶部尙書孫交
禮部尙書顧可學	後	榮懷	遂安伯陳垣
榮愿	刑部尙書朱濬	肅敏	兵部尙書余子俊
王廷相	董漢儒	工部尙書辛自修	吏部尙書邱樞
戶部尙書方鉞	兵部尙書潘璜	刑部尙書方良永	工部尙書黃珂
都御史張璜	工部尙書黃珂	都御史張璜	都御史張璜
明會要卷二十	七	明會要卷二十	七
敷華屠僑周延	刑部尙書陳壽	靖襄	臨武伯蕭綬
惠安伯張偉	崇武	合浦侯陳清	宣武
陝國公郭興	桓襄	永國公薛顯	桓義
臨沂侯王眞	剛毅	茂國公李彬	剛勇
新泰伯張欽	威武	應城伯孫巖	威武

威毅	黔國公吳復	漳國公王聰	彰武伯楊信
威襄	營國公郭英	伏羌伯毛銳	威靖
懷柔伯施聚	威勇	甯晉伯劉聚	端肅
吏部尙書馬文升	刑部尙書趙錦	戶部尙書梁材	葛守禮
都御史顧佐	端恪	吏部侍郎何維柏	端簡
兵部尙書劉采	刑部尙書鄭曉	林雲同	毛愷
趙參魯	副都御史朱裳	端毅	吏部尙書王恕
贈刑部尙書劉玉	端敏	兵部尙書胡世甯	刑部尙書秦金
端襄	刑部尙書王之誥	端愨	贈兵部尙書商大節
端惠	戶部尙書雍泰	端潔	吏部侍郎楊時喬
裕愨	副使顧大章	恪愨	四川副使吳景
烈愨	興文知縣張振德	悼僖	襄城伯李珍
雜錄			
明會要卷二十	八	明會要卷二十	八

洪武二年常遇春卒追贈其曾祖諡莊簡祖諡安穆父諡靖懿諡及三代自唐宋以來未之有蓋上念遇春功高因循元制故有此舉耳世法

六年帝念天下大定諸功臣如廖永安及俞通海耿再成胡大海趙德勝桑世傑等皆已前沒未有諡號乃下禮部定議議曰臣謹按諡法以赴敵逢難諡臣永安武愍殺身克戎諡臣通海忠烈奉上致果諡臣張德勝忠毅勝敵致強諡臣大海武莊闢土斥境武而不遂諡臣再成武壯折衝禦武壯而有力諡臣德勝武桓世傑業封永義侯與漢世祖封寇恂景丹相類當卽以爲諡詔曰可廖永安傳

明會要卷二十

九

二十五年詔凡親王及功臣賜諡令禮部行翰林院擬奏請旨世法

太祖時文臣未嘗得諡至建文追諡待制王禕文臣有諡自禕始其諡小臣亦自禕始永樂時諡胡廣文穆洪熙初始合故臣之勞於國及侍青宮三品而上易名者十餘人而後文臣之諡廣別集洪熙元年命禮部尙書呂震諭翰林定故兵部尙書兼詹事金忠等十八人諡內通政使賀銀諡不美上曰此數人皆在先朝盡心事國有德行重厚表裏一致者有涉歷艱難始終一心者必加旌褒庶幾禮賢厚終之道但朕意未

嘗及銀銀勞可贈官行不應美諡若加惡諡又不若無諡人不得議焉銀遂不諡

成化四年四月禮部主事陸淵之言刑罰雖嚴可警於一時爵賞雖重不及於後世惟美惡之諡一定則榮辱之名不朽邇者大學士陳文卒諡曰莊靖莊靖美諡也陳文何以當此迹其生平貪穢彰聞縱子爲惡生逃重罰死又竊美名殊失古人勸懲之典乞敕議更惡諡以爲將來戒御史謝文祥亦言聖人制爲諡法所以善善惡惡以公天下後世近陳文卒議者妄擬諡曰莊靖夫睿通克服曰莊慎以處位曰靖以此加之文豈惟不稱其情後人或慕而效

明會要卷二十

十

之敢於肆行無忌則天下國家尙奚賴哉乞敕有司會議別選惡諡相稱者加之使天下後世曉然知陛下之大公雖輔臣不少貸則善者勸而惡者懼矣上以陳文既有過當時不言沒後始言姑宥之世法

宏治四年戶部尙書劉昭子綺奏乞贈諡禮部覆奏有旨劉昭前被劾削太保致仕何可復與贈諡此後有乞恩贈諡者禮部斟酌可否不許一概濫請王圻通考十五年定制凡親王薨行撫按郡王病故行本府親王及承奉長史覈勘以奏乃議諡文武大臣請諡禮部請旨行吏部兵部考實蹟禮部定三等行业俱優者爲上頗可者

為中行實無取者為下送翰林院擬諡有應諡而未得者撫按科道官以聞禮志

嘉靖七年閏十月給事中劉世揚奏工部李鏊諡恭敏士論不與上曰鏊諡既未協公議併贈官俱革去今後務慎重國典不許濫與

十五年吏部侍郎霍韜疏劾尚書夏言為大學士費宏請諡文憲犯憲宗廟號當改正言曰我朝彭時宋濂皆於正德間諡文憲不避廟號且黃福劉大夏俱諡忠宣是犯宣宗許進諡恭毅是犯武宗楊守陳章懋儲懽諡文懿是犯懿祖必若韜言皆當改正矣因上疏乞歸上慰留之已上世法

錄

明會要卷二十

十一

二十二年周怡奏大臣贈官贈諡朝廷勸懲之大典其歷任雖久曾經論劾者不許奏請已故兵部尚書張瓚在任無一善狀屢被疏劾上負國恩下遺邊患明刑倖逃於生前顯祿宜行於沒後乃典禮加隆贈諡兼備已故南京兵部侍郎呂柟未究厥施宜隆恩典乃奉明旨呂柟罷諡於勸懲之道有乖嚴嵩竟無一言焉用此相臣為哉疏入不納春明夢餘錄

二十三年禮部尚書太醫院許紳卒其妻援洪熙中本院使蔣用文例請諡禮部難之詔諡恭僖

二十五年都御史林俊上言刑部尚書彭韶諡惠安彭韶文學經濟正色立朝無愧古人其視吳訥諡文恪魏驥諡文靖葉盛諡文莊庶幾近之不知定議時何取惠安之義舍大錄細不足服中外之心不報

二十七年二月給事中趙鉞言故禮部尚書費寀諡文通故總兵卻永諡隱懷行履無聞數經論列不宜賜諡上曰諡法原有美惡以示勸懲今後定擬務合公論已上世法錄

石珪諡文隱其門人張璉在揆地以議大禮不合故以違情不拂諡之隆慶間改文介張治亦諡文隱隆慶間改文毅殷士儋諡文通後其家請於朝改文莊野獲編

明會要卷二十

十一

道士邵元節卒禮官擬諡榮靖不稱旨再擬文康帝兼用之曰文康榮靖方士陶仲文卒特諡榮康惠肅隆慶間皆追削方伎傳

王世貞曰方士之有諡自世宗始諡而四字淫矣方士得之則益淫也

隆慶二年副使王世貞奏文皇帝北伐時同安侯霍親等罵賊力戰以死宜優加贈諡徵士吳與弼檢討陳獻章副使李夢陽何景明此數臣皆宜加諡以彰潛德不納

給事中辛自脩論奪尚書顧可學徐可成及侍郎朱隆禧郭文英贈諡以可成由黃冠文英由工匠可學隆禧俱以

方藥進也已上春明夢餘錄

萬厯元年題准大臣應得諡者禮部仍廣加諮詢稽厥名實間有應諡而未經題請及曾題請而未蒙賜諡者不論遠近許各該撫按及科道官從公舉奏禮部酌議題覆補給若不係公舉子孫自陳乞補諡者不准

十二年題准凡遇文武大臣應得諡號者果係公論允服毫無瑕疵具請上裁如行業平常官品雖崇不得概與
二十六年十月禮部覆按臣喬璧星本議諡上曰卿等虛心詳議應諡者准與補諡若已諡者果與眾議不協方許改正追奪毋得苛求以傷朝廷錫予之仁已上王圻通考

明會要卷二十

七

三十一年禮部侍郎郭正域請嚴諡典議奪者四人許論黃光昇呂本范謙應奪而改者一人陳讚補者七人伍文定吳悌魯穆楊繼宗鄒智楊源陳有年閣臣沈一貫朱賡力庇呂本不從其議未幾御史張邦俊請以呂柟從祀孔廟而論應補諡者雍泰魏學曾等十四人部議久之共策題先後七十四人留中不發天啟元年始降旨俞允又增續請者十人而邦俊原請九人不與正域所請伍文定等亦至是始定凡八十四人禮志
儀制郎中于孔兼疏論吳時來晚節不終不當諡忠恪因請諡楊爵陳瓚孟秋乃奪時來諡而諡爵忠介于孔兼傳

天啟三年禮部尚書林堯俞言諡典五年一舉自萬厯四十五年至今蒙恤而未諡者九卿臺省會議與臣部酌議帝可之然是時遲速無定六年禮科給事中彭汝相言耳目近則觀記真宜勿逾五年之限又謂三品以上為當予諡而建文諸臣之忠義陶安等之參帷幄葉琛等之殉行間皆宜補諡事下禮部以建文諸臣未易輕擬不果行禮志
溫體仁之卒也特諡文忠而文震孟羅喻義姚希孟呂維祺皆不獲諡福王時禮部尚書顧錫疇言體仁得君行政最專且久其負先帝罪大且深乞將文忠之諡或削或改而補震孟諸臣庶天下有所勸懲報可遂補諡諸人削體

明會要卷二十

七

仁諡顧錫疇傳
福王時從工科給事中李清言追諡開國功臣李善長等十四人正德諫臣蔣欽等十四人天啟慘死諸臣左光斗等九人而建文之弟允熲允燧允熙子文奎亦皆因清疏追補禮志
沈德符曰改諡凡八人王禕諡文節後改忠文李時勉諡文毅後亦改忠文張玉諡忠顯改忠武孫忠諡康靖改恭憲朱永諡武襄以同父號改武毅曹鼎諡文襄改文忠石珪諡文隱改文介張治亦諡文隱改文毅
王圻曰國初恩典有非翰林而諡文者若劉文成基馬

文簡京姚文敏夔唐文襄龍葉文莊盛魏文靖驥儲文
 懿璿鄭文安賜儀文簡智楊文恪廉邵文莊寶李文通
 奎何文肅喬新何文簡孟春黃文毅孔昭蕭文昭維楨
 吳文恪訥王文成守仁是也有官翰林而諡不以文者
 如王毅愍文陳莊靖文袁榮襄宗臯劉忠愍球楊莊敏
 鼎盛榮簡端明朱恭靖希周是也成宏以後則翰林專
 諡文而他途不與按邵寶何孟春王守仁盛端明朱希周楊廉皆嘉靖間諡成宏應改正嘉
 張志淳曰高皇帝跡行定諡至不容私諸子而諡以荒
 以愍文皇帝表章性理以諡法係諸治道且歷載宋儒
 之論以今考之古之用諡美惡並也今專美而無惡豈
 人皆善而惡諡無所於加抑亦惡不復諡而諡者專以
 掠美也

明會要卷二十

五

明會要卷二十終

明會要卷二十一

永新龍文彬纂

樂上

樂

凡樂曰中和韶樂曰堂下樂曰丹陛樂曰侑食樂曰大樂
 其雅樂備八音五聲十二律九奏萬舞之節俗樂有百戲
 承應隊舞承應謳歌承應祭祀用雅樂太常領之宴享朝
 會兼用俗樂領於伶人王圻通考
 太祖初克金陵卽立典樂官其明年置雅樂以供郊社之
 祭禮志

明會要卷二十一

一

吳元年置太常司其屬有協律司樂等官職雅樂又命自
 今朝賀不用女樂世法錄
 七月乙亥朔太祖御戟門召學士朱升范權引樂舞生入
 見設雅樂閱試之太祖親擊石磬起居注熊鼎言八音唯
 石聲最難和太祖曰樂以人聲爲主人聲和卽八音諧矣
 鼎曰樂不外求在於君心君心和則天地之氣和而樂亦
 無不和矣太祖深然之命升辨五音升不能辨以宮爲徵
 太祖哂其誤命樂生登歌一曲而罷大訓記
 八月甲寅以冷謙爲協律郎謙精音律善鼓瑟元末以黃
 冠隱吳山至是召用令協樂章聲譜俾樂生習之十月戊

午考正四廟雅樂命謙較定音律及編鐘編磬等器並定

樂舞之制樂生仍用道童舞生改用軍民俊秀子弟

十一月置教坊司掌宴會大樂設大使副使和聲郎左右

韶樂左右司樂皆以樂工為之後改和聲郎為奉鑾

洪武元年八月丁丑遣官釋奠於先師孔子仍用元大成

登歌樂已上世法錄

三年九月癸丑考宮懸樂制訪求能通音律者大政記

是月定朝會宴享樂舞之數世法錄

四年六月戊申吏部尚書詹同陶凱進宴享九奏之樂章

上厭前代樂章多諛詞或未雅馴命凱與同更撰詞成命

明會要卷二十一

協律者歌之謂侍臣曰禮以導敬樂以宣和不敬不和何

以為治元時古樂俱廢惟淫詞豔曲更唱迭和又雜以北

方之音甚者以神祇祀典飾為隊舞諧戲殊非所以道中

和崇治體也自今一切流俗喧曉淫褻之樂悉屏去之大記

十二月禮官奏定釋奠孔子樂舞之數因奏請選京民之

秀者充樂舞生上曰樂舞乃學者事若釋奠所以追崇先

師宜擇國子生及凡公卿子弟在學者豫教肄之自是樂

舞生始不用道流

六年二月禁教坊司及天下樂人毋得以古聖賢帝王忠

臣義士為優戲違者罪之

七月始命詹同樂韶鳳更製釋奠先師樂章

七年十月帝以祭祀駕還應用樂舞前導命樂韶鳳等撰

詞因撰神降祥神貺惠酒酣色荒禽荒諸曲以進凡三十

九章曰回鑾樂歌皆寓規諫禮部具樂舞圖以上命太常

肄習之已上世法錄

八年四月上親製二丘樂章成初二丘樂章皆學士朱升

等所撰上謂其文過藻麗故更製之

九年正月定王國祭祀樂舞之數

十二年十二月神樂觀成以樂舞生居之命道士周元初

明會要卷二十一

領觀事

十三年四月上諭禮臣曰樂舞者所以享神祇而致感格

不宜授以非人諸樂舞生若有過及疾病者即宜遣歸選

擇代之

十一月詔公侯及諸武臣子弟凡百一十九人習樂舞以

供祀事

二十六年六月重定朝會宴享樂舞之制凡大朝賀教坊

司設中和韶樂於殿內之東西北向陳大樂於丹陛之東

西亦北向

永樂十八年北京郊廟成其合祀合享禮樂一如舊制更

定宴享樂舞已上世法錄

英宗即位放教坊司樂工三千八百餘人編三

成化十二年南京祭酒周洪謨言先聖用冕旒十二而舞

佾豆籩數不稱請備天子制又言古者鳴球琴瑟為堂上

之樂笙鏞祝敔為堂下之樂而干羽則舞於兩階今舞羽

居上樂器居下非古制當改尚書鄒幹駁止之洪謨再疏

爭竟俞其議洪謨傳

二十一年七月禮部言今教坊司樂工奏中和韶樂者多

不諧而善彈瑟及笙篴鐘磬者殊少恐因循失傳漸至大

樂不備宜令樂官選其中子弟於本司演習每奏樂二十

明會要卷三十一

四

一色通用八十四人又加以四人共選三百三十六人如

此庶大樂不至廢弛詔可世法錄

宏治元年帝耕藉田教坊司以雜劇承應間出狎語都御

史馬文升厲色斥去樂志

九年二月太常禮官言文廟享祀舞八佾而樂器之數尙

仍舊揆之情文覺有未稱請增文廟樂器人數為七十二

人如天子之制詔依擬增造

十七年四月南京太常卿呂憲言太祖初設神樂觀收度

道士充樂舞生習禮樂以供祀事各給廩餼恩至渥也自

永樂遷都北平郊廟大禮舉行於北居觀者止習歷代帝

王及先師孔子二祀樂舞郊廟社稷樂闕不講臣請於每
年春秋二仲率諸生以次肄習仍專官提調其不能供事
者呈部退為道士庶人人有所勸進制可

正德三年武宗諭內鐘鼓司康能等曰慶成大宴華夷臣
工所觀瞻宜舉大樂邇者音樂廢缺無以重朝廷禮部乃

請選三院樂工年壯者嚴督肄之仍移各省取藝精者赴
京供應顧所隸亦猥雜筋斗百戲之類日盛於禁廷既而

河間等府奉詔送樂戶居之新宅樂工既得幸時時言居
外者不宜獨逸復移文天下取精於諸伎者送教坊於是

乘傳續食者又數百人俳優之勢大張臧賢以伶人進與

明會要卷三十一

五

諸佞幸角寵竊權矣

嘉靖元年七月戊申御史汪珊請屏絕玩好令教坊司毋

得以新聲巧伎進帝嘉納之已上世法錄

九年六月詔發內府所藏金玉銅石鐘磬於神樂觀考正

音律令科道官各舉所知諳曉音律之人以聞憲章錄

十月丁巳朔禮官奏中宮合行事宜其一謂古禮絃歌周

南召南之詩不用鐘磬乃房中之樂后夫人之所諷誦以

事其君子者宜令女官將此二詩以被管絃以備宮中宴

樂斥去一應俗樂其於闔德尤有裨益同上

十一月改正孔子祀典樂用六佾編三

十四年四月七廟既建樂制未備禮官因請更定宗廟雅樂言德懿熙仁四祖久祧舊章弗協太祖創業太宗定鼎列聖守成當有頌聲以對越在天垂之萬載若特享若禘享若大禘詩歌頌美宜命儒臣撰述取自上裁其樂器樂舞各依太廟成式備為規制報可五月增設七廟樂官及樂舞生至二千二百名

三十年省軍樂舞生定用一千一百五十三名已上世法錄

隆慶三年革協律郎等官四十八員萬曆六年復設如嘉靖閒制職官志

崇禎十六年十月十六日敕朕於冬至正旦壽節端陽中

明會要卷二十一

六

秋及諸大典禮升殿行禮方許作樂其餘皆免春明夢餘錄

雜錄

洪武三年八月禮部尚書陶凱言古者人君食日一舉請自今御謹身殿早膳令教坊司具樂若東西房及兩廡膳則否上不從曰侯大兵凱旋士卒無戰伐之勞人民無轉輸之苦然後以樂侑食未晚也世法錄

貝瓊為國子助教嘗慨古樂不作為大韶賦以見志貝瓊傳

宏治十八年翰林崔銑知樂聲一夕從西苑行聞南有吹笛者煩促而哀愀然意動未幾上崩國事大變野獲編

嘉靖五年禮官言弋陽王拱橫得奉甯獻惠二王祀夫二

王親王禮不宜殺第以郡王奉祀其樂舞齋郎之類止宜半給報可

四十四年禮官言諸王府有廣置女樂淫縱宴樂因而私娶者乃詔革諸王樂戶其朝賀宴享當用樂者假鼓吹於有司已上世法錄

樂器非樂部陳設不載

金之屬 太和鐘 朝鐘 編鐘 方響

石之屬 編磬 離磬 笙磬 頌磬

絲之屬 琴 胡琴 瑟 二十絃 琵琶 箏 篪

竹之屬 簫 排簫 篳篥 頭管 橫管 笛 橫笛

明會要卷二十一

七

龍笛 羌笛 篪 戲竹

匏之屬 笙 鳳笙 排笙

土之屬 壎 水盞 腰鼓

革之屬 鼓 應鼓 大鼓 小鼓 杖鼓 搏拊

木之屬 祝 敵 板 拍板 腰鼓腰鼓之制大者瓦小者木

九奏樂器 歌四簫六笙二板二

文武二舞樂器 笙二箏二橫管二杖鼓二大鼓一板一

大樂器 簫四笙四琵琶六箏六篪四方響四頭管四

龍笛四杖鼓二十四大鼓二十板二

四夷樂器 腰鼓二琵琶二胡琴二篪篥二頭管一羌笛

二等二水盞一板一

吳元年九月命於泗州靈壁取石置磬湖州採梓桐置琴

瑟世法錄

洪武六年鑄大鐘其制做宋景鐘以九九為數高八尺一

寸拱以九龍柱以龍簾建樓於圜丘齋宮之東北懸之鐘

成未名禮官請曰昔黃帝有五鐘其一曰景鐘景大也請

名曰景鐘上曰古鐘名宜更遂取周易保合太和之義定

其名曰太和鐘

七年二月衍聖公孔希學上言廟堂圯毀祭器樂器不備

請飭有司葺治從之儒林傳

明會要卷三十一

八

十年六月潞州長子稅課局大使康有孚上言三事其一

言學校春秋二祭樂器散失宜敕儒臣考究禮文令所在

有司制備樂器使生徒肄習後進之士得以養其德性帝

嘉納之

十四年四月重鑄朝鐘

十七年五月重鑄京城禁鐘重二萬斤

六月辛巳命禮部製大成樂器以頒天下儒學

二十六年正月大成樂器成命頒給天下各府學其州縣

學如式脩製

永樂三年六月朝鮮遣使入貢因請洪武中所賜廟社樂

器年久多敝乞再頒賜上命工部依額製造給之

宣德元年四月命造皇太后宮中樂器

景泰元年助教劉翔言國學春秋祭所設樂器悉列露臺

下使堂上堂下之樂混於舞列雜亂無紀乞下禮官從宜

改正已上世法錄

成化十七年四月脩各壇廟樂器大政記

宏治七年六月命人訪造銅鼓者工部言銅鼓制出自西

南夷非朝廷所宜用方今各處災傷正宜徹樂減膳豈宜

復造制外之器以駭人心累聖德命已之

八年四月太常祠官言郊廟山川社稷壇及先師廟樂器

明會要卷三十一

九

俱敝令更造已上世法錄

十四年九月重鑄朝鐘時太監李興工部尚書曾鑑奉命

改鑄既成計費白金十餘萬兩興鑑皆受賞匠官傳玖等

各升職加俸有差未三月而鐘墜工科都給事中馬子聰

等劾之命興鑑罰俸一月傳玖等所升職司俸糧冠帶俱

奪之通典

十五年六月禮官言近聞皇上命官於內府造大祀樂以

純金為鐘西玉為磬夫自堯舜以來造樂制器鐘必用青

銅磬必用靈壁石若更以純金西玉恐未可以諧眾音神

感格世法錄

十七年太常寺呂愷上疏言先代帝王廟失火石磬燒燬無存銅鐘已燒十二口所存十四口發協律郎考驗又俱傷火皆不堪用請飭南京工部督造從之土折通考

十八年命造太廟社稷壇及神樂觀諸樂器

嘉靖十年三月丙戌朔命浙江採紫竹花斑竹造方丘月壇笙簧

十七年大享上帝於元極寶殿以獻帝配借用祈穀樂器有司以鐘磬琴瑟皆長大元極殿陛上不能陳設請用春祈秋報樂器不許乃命樂器列於殿左右四閒樂舞在陛上已上世法錄

明會要卷二十一

十

張鷟言古人製為十六編鐘非徒示觀美蓋為旋宮而設其下八鐘黃鐘大呂大簇夾鐘姑洗仲呂蕤賓林鐘是已其上八鐘夷則南呂無射應鐘黃鐘大呂大簇夾鐘是已近世止用黃鐘一均而不徧具十六鐘古人立樂之方已失况太常止以五凡工尺上一四六句合字眼譜之去古益遠樂志

明會要卷二十一終

明會要卷二十二

永新龍文彬纂

樂下

樂歌歌詞詳明史樂志

洪武元年定圜丘樂章 迎神奏中和之曲十句 奠玉帛

奏肅和之曲八句 進俎奏凝和之曲八句 初獻奏壽和之

曲十句 武功之舞 亞獻奏豫和之曲八句 終獻奏熙和之

曲十句 俱文德之舞 徹饌奏雍和之曲八句 送神奏安和

之曲六句 望燎奏時和之曲八句 二年定方丘樂章同圜丘曲詞各異皆八句 易望燎日望瘞

明會要卷二十二

一

八年四月御製圜丘樂章 迎神六句曲名仍舊下同 奠玉帛進俎

初獻亞獻終獻徹饌送神望燎皆四句 御製方丘樂章 迎神九句 奠玉帛五句 進俎初獻亞獻

終獻徹饌送神望燎皆四句 十二年合祀天地樂章 迎神六句 奠玉帛四句 以後同八

年圜丘詞 嘉靖九年定分祀圜丘樂章 迎神中和之曲十二句 奠

玉帛肅和之曲 進俎凝和之曲 初獻壽和之曲 亞

獻豫和之曲 終獻熙和之曲 徹饌雍和之曲已上四句

送神清和之曲十二句 望燎時和之曲六句

送神清和之曲十二句 望燎時和之曲六句

方丘樂章 迎神中和之曲六句 奠玉帛廣和之曲 進
 俎咸和之曲 初獻壽和之曲 亞獻安和之曲 終獻
 時和之曲 徹饌貞和之曲四句 送神望燎甯和之曲
六句
 洪武三年定朝日樂章二十一年罷 迎神熙和之曲 奠幣
 保和之曲 初獻安和之曲武功之舞 亞獻中和之曲
 終獻肅和之曲俱文德之舞 徹饌凝和之曲 送神
 壽和之曲 望燎豫和之曲八句
 夕月樂章周天星辰附 迎神凝和之曲八句 奠帛以後
 同朝日曲詞各異

明會要卷三十二

二

嘉靖九年定朝日樂章 迎神熙和之曲六句 奠玉帛凝
 和之曲 初獻壽和之曲 亞獻時和之曲 終獻保和
 之曲 徹饌安和之曲四句 送神昭和之曲六句 望燎
 之曲四句
 夕月樂章 迎神凝和之曲四句 初獻壽和之曲八句 亞
 獻豫和之曲六句 終獻康和之曲六句 徹饌安和之曲八句
 送神保和之曲四句 望瘞之曲四句
 十年定祈穀樂章 迎神中和之曲八句 奠玉帛肅和之
 曲 進俎咸和之曲 初獻壽和之曲 亞獻景和之曲
 終獻永和之曲 徹饌凝和之曲四句 送神清和之曲

六句 望燎太和之曲六句
 十七年定大饗樂章 迎神中和之曲二十句 奠玉帛肅
 和之曲 進俎凝和之曲 初獻壽和之曲 亞獻豫和
 之曲 終獻熙和之曲 徹饌雍和之曲四句 送神清
 和之曲二十句 望燎時和之曲六句
 十八年興都大饗樂章 迎神中和之曲八句 初獻壽和
 之曲八句 亞獻敷和之曲五句 終獻永和之曲八句 徹饌
 永和之曲五句 送神感和之曲十句
 十一年定雩祀樂章 迎神中和之曲 奠玉帛肅和之
 曲 進俎咸和之曲 初獻壽和之曲 亞獻景和之曲

明會要卷三十二

三

終獻永和之曲 徹饌凝和之曲 送神清和之曲 望
 燎太和之曲八句 祭畢樂舞童羣歌雲門之曲十句
 洪武元年定太社稷異壇同壇樂章 迎神廣和之曲八句
 奠幣肅和之曲八句 進俎凝和之曲八句 初獻壽和之
 曲太社太稷句龍后稷 亞獻終獻豫和之曲詞 徹豆
 雍和之曲八句 送神安和之曲八句 望瘞時和之曲八句
 十一年合祭太社稷樂章 迎神廣和六句 初獻壽和
 亞獻豫和 終獻熙和 徹饌雍和 送神安和 望燎
 時和已上皆
 嘉靖十年初立帝社稷樂章 迎神時和之曲四句 初獻

壽和之曲十句 亞獻雍和之曲四句 終獻凝和之曲四句
 徹饌保和之曲六句 送神廣和之曲十句 望燎曲同
 洪武二年分祀天神地祇樂章 迎天神中和之曲八句
 迎地祇中和之曲十二句 奠帛以後咸同朝日
 六年合祀天神地祇樂章 迎神保和之曲十二句 奠帛以後同朝日
 嘉靖九年復分祀天神地祇樂章 迎天神保和之曲十句
 奠帛以後俱如舊
 洪武四年祀周天星辰樂章 迎神凝和之曲 奠帛初獻保和之曲武功之舞 亞獻中和之曲 終獻肅和之曲
 曲俱文德之舞 徹豆豫和之曲 送神雍和詞同朝日 望燎雍和已上皆八句
 嘉靖八年祀太歲月將樂章 迎神十句 奠帛以後俱同神祇
 洪武元年宗廟樂章 迎神太和之曲十二句 奉冊寶熙和之曲八句時進俎凝和之曲八句時初獻壽和之曲武功舞四祖廟各八句 亞獻豫和之曲 終獻熙和之曲俱文德舞 徹豆雍和之曲 送神安和之曲已上皆八句
 六年定王國祭祀樂章 迎神奏太清之曲 初獻奏壽清之曲 亞獻奏豫清之曲 終獻奏熙清之曲 徹饌

明會要卷三十三

四

奏雍清之曲 送神奏安清之曲 其社稷山川易迎神為廣清增奉瘞日時清
 嘉靖五年世廟成帝親製樂章命大學士費宏等更定曲名以別於太廟迎神曰永和之曲初獻曰清和之曲亞獻曰康和之曲終獻曰冲和之曲徹饌曰泰和之曲送神曰甯和之曲
 十五年定九廟特享樂章 迎神太和之曲 初獻壽和之曲 亞獻豫和之曲 終獻甯和之曲 徹饌豫和之曲 還宮安和之曲已上諸廟曲詞各異
 又定大禘樂章 迎神元和之曲十句 初獻壽和之曲四句
 亞獻仁和之曲八句 終獻德和之曲四句 徹饌太和之曲八句 送神永和之曲八句
 洪武七年御製祀歷代帝王樂章 迎神雍和之曲 奠帛保和之曲六句 初獻保和之曲五句武功舞 亞獻中和之曲五句 終獻肅和之曲六句俱文德舞 徹饌凝和之曲 送神壽和之曲 望燎豫和之曲已上四句
 六年定祀先師孔子樂章 迎神咸和之曲 奠帛甯和之曲 初獻安和之曲 亞終獻景和之曲 徹饌送神咸和之曲已上八句
 三年定享先農樂章 迎神奠帛永和之曲皆八句 進俎

明會要卷三十三

五

雍和之曲八句 初亞終獻壽和之曲各二章八句 徹豆送神

永和之曲 望瘞太和之曲八句

嘉靖九年定享先蠶樂章 迎神貞和之曲 奠帛初獻

壽和之曲 亞獻順和之曲 終獻宵和之曲 徹饌安

和之曲 送神望燎恆和之曲

洪武三年定朝賀樂章升殿奏飛龍引之曲百官行禮奏

風雲會之曲丞相致詞奏慶皇都之曲復位百官行禮奏

喜昇平之曲還宮奏賀聖朝之曲

二十六年更定升殿韶樂奏聖安之曲 還宮韶樂奏定

安之曲 公卿入門奏治安之曲

明會典卷三十二

六

又定中宮朝賀樂章天香鳳韶之曲

宣德以後增定慈宮朝賀樂章天香鳳韶之曲

洪武三年定宴享樂章 一奏起臨濠之曲名飛龍引

二奏開太平之曲名風雲會 三奏安建業之曲名慶皇

都 四奏削羣雄之曲名喜昇平 五奏平幽都之曲名

賀聖朝 六奏撫四夷之曲名龍池宴 七奏定封賞之

曲名九重歡 八奏大一統之曲名鳳凰吟 九奏守承

平之曲名萬年春

四年命陶凱詹同等所定一曰本太初二曰仰大明三曰

民初生四曰物品亨五曰御六龍六曰泰階平七曰君德

成八曰聖道行九曰樂清甯

十五年所定一奏炎精開運之曲 二奏皇風之曲奏平

定天下舞曲 三奏眷皇明之曲奏撫安四夷舞曲 四

奏天道傳之曲奏車書會同舞曲 五奏振皇綱之曲

六奏金陵之曲 七奏長楊之曲 八奏芳醴之曲 九

奏駕六龍之曲

永樂十八年定宴享樂章 一奏上萬壽之曲平定天下

舞曲 二奏仰天恩之曲四夷舞曲 三奏感地德之曲

車書會同舞曲 四奏民樂生之曲表正萬邦舞曲 五

奏感皇恩之曲天命有德舞曲 六奏慶豐年之曲 七

明會典卷三十二

七

奏集禎應之曲 八奏永皇圖之曲 九奏樂太平之曲

樂舞

明樂典云文舞雲門咸池大部在庭阼階之左武舞大夏

大濩大武在庭賓階之右位為六列施英韶而舞之各有

四表表距四步為擲綴各六十四合用三百八十四人文

舞服皮弁左執籥右秉翟武舞服韋弁左執干右執戈文

武之成曷為異曰一三五為九而乾用之參天之數也二

與四為六而坤用之兩地之數也文舞陽也成以參天武

舞陰也成以兩地節序自然之理也王圻通考

洪武三年定文武兩舞武舞曰平定天下之舞象以武功

定禍亂也用舞士三十二人皆左執干右秉戚分爲四行舞師執旌以引之文舞曰車書會同之舞象以文德致太平也用舞士三十二人皆左執籥右秉翟分爲四行舞師執翽以引之四夷舞曰撫安四夷之舞象以威德服遠人也用舞士十六人分爲四行舞師執幢以引之上同隊舞之制大祀慶成大宴用萬國來朝隊舞纓鞭得勝隊舞萬壽聖節大宴用九夷進寶隊舞壽星隊舞冬至大宴用讚聖喜隊舞百花聖朝隊舞正旦大宴用百戲蓮花盆隊舞勝鼓采蓮隊舞樂志

嘉靖五年世廟成費宏等議獻皇生長太平不尙武功其

明會要卷三十二

八

三獻皆當用文德舞從之已而太常復請乃命禮官會張璠議璠言樂舞以佾數爲隆殺不當以武文爲偏全使用其文而去其武則兩階之容得其左而闕其右何以爲天子之禮樂哉乃從璠議王圻通考

論樂

洪武七年命翰林儒臣譔回鑾樂章論之曰古人詩歌辭曲皆寓諷諫後世樂章惟聞頌美無復古意夫常聞諷諫則惕然有警徒聞頌美則自恃心生自恃者日驕自警者日強朕意如此卿等體此譔述毋有所避十七年諭禮部曰近命製大成樂器將以頌天下學校俾

諸生習之以祀孔子朕思古人之樂所以防民欲後世之樂所以縱民欲其故何也古樂之詩章和而正後世之歌詞淫以夸古之律呂協天地自然之氣後世之律呂出入爲智巧之私天時與地氣不審人聲與樂聲不比故雖以古之詩章用古之器數亦乖戾而不合陵犯而不倫矣手擊之而不得於心口歌之而非出於志人與樂判然爲二欲以動天地格鬼神豈不難哉然其流已久救之甚難卿等宜究心於此俾樂成而頌之諸生得以肄習庶幾可以復古人之制已上大訓記

永樂元年九月上謂侍臣曰皇考功德隆盛宗廟樂章未

明會要卷三十二

九

有稱述朕甚愧焉其議爲之因曰漢高帝作大風歌武帝作秋風辭二君文采皆有可觀當時儒臣亦不乏人乃制作不能如古惜也朕有意稽古禮文之事爾等其博求名儒用稱朕意

景泰元年助教劉翔言明興以來禮樂寢備惟視學釋奠皆不設樂慶成宴獨用教坊供應有乖雅道請敕儒臣推演道德教化之意君臣相與之樂作爲詩章協以律呂如古靈臺辟雍清廟湛露之音以振厲風教備一代盛典時以襲用既久卒莫能改天順八年十月己亥翔復言今日郊廟樂章皆太祖甫定

天下時追稱仁祖之詞皇上奉列聖配天時享其郊廟樂章宜更製事下禮部禮官言我朝郊祀樂章歌頌報稱可萬世通行惟享廟有開基建功化家爲國等語仁廟初俱已改易其餘皆推原祖宗積慶發祥衍及無窮之意可萬世通用不宜別有改作從之

宏治八年命內閣撰三清樂章大學士徐溥等言天至尊無對漢祀五帝儒者非之況三清乃道家妄說耳一天之上安得有三大帝且以周柱下史李耳當其一人鬼於天神矯誣甚矣郊祀樂章皆太祖所親製今使製爲時俗詞曲以享神明褻瀆尤甚臣等於邪說俚曲素所不習不敢以非道事陛下帝嘉納之遂寢前命

明會要卷三十二

十

九年十月給事中胡瑞言御殿受朝典禮至大而殿中中和韶樂乃屬之教坊司嶽鎮海瀆三年一祭乃委之神樂觀樂舞生褻神明傷大體望敕廷臣議嶽瀆等祭當以搢紳從事中和韶樂擇民閒子弟肄習設官掌之年久則量授職事帝以奏樂造祭皆國朝舊典不能從也已上世法錄馬文升爲尙書因災異陳言其一曰訪名儒以正雅樂事下禮官禮官言高皇帝命儒臣考定八音修造樂器參定樂章其登歌之曲多自裁定但歷今百三十餘年不復校正音律外訛釐正宜急且太常官恐未足當製器協律之

任乞詔下所司博求中外臣工及山林有精曉音律者禮送京師會禮官熟議至當然後造器正音庶幾可以復祖制致太和帝可其奏樂志

嘉靖元年三月禮科給事中李錫言南郊耕藉國之大禮而教坊承應闐然喧笑殊爲褻慢古者伶官賤工亦得因事納忠請自今凡遇慶成等宴例用教坊者皆豫行演習必使事關國體可爲鑑戒庶於戲謔之中亦寓箴規之意二年四月命安陸家廟樂用八佾御史黎貫等言陵祀不用樂鳳陽諸陵皆然何獨安陸且八佾既用於太廟則安陸廟祀自當有辨以避一統之嫌不納世法錄

明會要卷三十二

十一

三年觀德殿成召協律郎崔元初等肄樂以供祀事太常卿汪舉言頃聞內府教樂是觀德殿又將有佾舞之祭我朝列聖崇報之禮止於太廟設樂舞而奉先殿及諸陵寢未嘗用今獻皇既用之安陸家廟又設於觀德殿未免隆殺失均乞罷寢上曰奉先殿不用樂以用於太廟故也朕皇考不得享於太廟止於內殿奉祀其樂舞必不可闕上九年二月始祀先蠶下禮官議樂舞禮官言先蠶之祀周漢所同其樂舞儀節經史不載唐開元先蠶儀注大樂令設宮懸於北郊壇墀內諸女工咸列於後則祀先蠶用女樂可知唐六典宮懸之舞八佾軒懸之舞六佾則祀先蠶

用八佾又可知然止言舞生冠服而不及舞女冠服陳陽樂書享先蠶圖下止有宮架登歌圖而不及舞夫有樂有舞雖祀禮之常然周漢制度既不可考宋祀先蠶代以有司又不可據惟開元略爲近古而陳氏樂書考據亦明前享先農既以佾數不足降八爲六則今祀先蠶止用樂歌不用佾舞亦合古制且以見少殺先農之禮帝以舞非女子事罷不用使議樂女冠服以聞禮官言北郊陰方其色尙黑同色相感事神之道漢蠶東郊魏蠶北郊色皆尙青非其色矣樂女冠服宜黑乃用樂六奏去舞其樂女皆黑冠服因定享先蠶樂章

樂志

明會要卷三十一

三

禮部議覆中允廖道南疏云朱干玉戚祗繪於服皇帳旄舞弗辨於佾信非古人樂舞之義但祖宗以來遵行不變或有深意非臣等所能測識其慶成藉田樂章樂舞雅俗混淆蓋有平定天下撫安四夷車書會同表正萬邦天命大德而又有黃童白叟及蠻夷隊舞二項承應藉田有村田樂及感天地隊舞俱係承應夫既謂之承應則爲俗樂明矣但祭祀專用雅樂朝會兼用俗樂自唐宋以來皆然惟慶成有仰天恩感地德之曲今慶園丘禮成而仍用感地德似爲無謂況各項樂章率係樂工猥陋之語不宜用之朝廷傳之後世今宜因祖宗之制稍加潤色默寓箴規

警戒不至於褻狎雜擾於治體不爲無補

王圻通考

廖道南奏古樂不復於今久矣自元入中國胡樂盛行我聖祖掃除洗濯悉崇古雅觀大明集禮所載昭如日星奈何浸淫日久新聲代變俗聲雜雅胡樂雜俗而怙憑嗜殺之音沈溺悖妄之伎作矣伏願皇上昭宣祖訓敕下所司考雅樂之章去胡樂之部凡淫哇之聲妖冶之技有亂正者禁之不復用庶風行自近而頌聲可作

同上

是年釐正祀典定南北郊復朝日夕月之祭命詞臣取洪武時舊樂歌一切更改禮官因言國家設協律之官欲其按律定聲審音定舞百餘年來循常習舊按譜相傳以圖

明會要卷三十二

三

稱塞今聖明建極制作維新當得精通音律者以典厥事宜令吏部科道官廣求博訪有如宋胡瑗李照者宜以名聞授之太常使考定雅樂成一代聖制報可

世法錄

九月吏科給事中夏言薦致仕甘肅行太僕寺丞張鷟命趣召之既至言曰大樂之正在先定元聲元聲起自冥罔既覺之時亥子相乘之際積絲成毫積毫成釐積釐成分一時三十分一日十二時故聲生於日律起於辰氣在聲先聲從氣後若拘於器以求氣則氣不能制器而反受制於器何以定黃鐘起厯元須依蔡元定多截竹以擬黃鐘之律長短每差一分冬至日按厯而候依法而取如眾管

中先飛灰者即得元氣驗其時刻如在子初二刻即子初一刻移於初二刻矣如在正二刻即子初一刻移於正二刻矣願命知麻官一人同臣參候庶幾元聲可得而古樂可復並進所著樂書二部一曰大成樂舞圖譜自琴瑟以下諸樂逐一作譜一曰古雅心談列十二圖以象十二律圖各有說又以琴為正聲樂之宗系凡郊廟大樂分註琴絃定徵各有歸旨疏下禮部禮官言音律久廢太常諸官循習工尺字譜不復知有黃鐘等調臣等近奉詔演習新定郊祀樂章閒問古人遺制茫無以對今鶚謂四清聲所以為旋宮其註絃定徵蓋已深識近樂之弊至欲取知麻

明會彙卷三十三

古

者互相參考尤為探本窮源之論似非目前司樂者所及乃授鶚太常寺丞令詣太和殿較定樂舞鶚遂上言周禮有郊祀之樂有宗祀之樂尊親分殊聲律自別臣伏聽世廟樂章律起林鐘均殊太廟臣竊異之蓋世廟與太廟同禮而林鐘與黃鐘異樂函鐘主祀地祇位寓坤方星分井鬼樂奏八變以報資生之功故用林鐘起調林鐘畢調也黃鐘主祀宗廟位分子野星隸虛危樂奏九成以報本源之德故用黃鐘起調黃鐘畢調也理義各有歸旨聲數默相感通況天地者父母之象大君者宗子之稱今以祀母之樂奏以祀子恐世廟在天之靈必不能安且享矣不知

譜是樂者何所見也臣觀舊譜樂章字用黃鐘聲同太廟但審聽七聲中少一律今更補正使依奏格則祖孫一氣相為流通函黃二宮不失均調尊親之分兩得神人之心胥悅矣詔下禮官李時等覆奏以為鶚所言與臣等所聞於律呂諸書者深有所合蓋黃鐘一調以黃鐘為宮太簇為商姑洗為角蕤賓為變徵林鐘為徵南呂為羽應鐘為變宮舊樂章用合用四用一用尺用工去蕤賓之均而越次用再生黃鐘之六此舊樂章之失也若林鐘一調則以林鐘為宮南呂為商應鐘為角太呂之半聲為變徵太簇之半聲為徵姑洗之半聲為羽蕤賓之半聲為變宮邇者

明會彙卷三十三

古

沈居敬更協樂章用尺用合用四用一用工用六夫合黃鐘也四大簇之正聲也一姑洗之正聲也六黃鐘之子聲也以林鐘為宮而所用為角徵羽者皆非其一均之聲則謬甚矣况林鐘一調不宜用於宗廟而太廟與世廟不宜異調鶚見尤真自今宜用舊協音律惟加以蕤賓句聲去再生黃鐘之六改用應鐘之九以成黃鐘一均庶於感格之義深有所補乃命鶚更定廟享樂音而逮治沈居敬等鶚尋譜定帝社稷樂歌以進詔嘉其勤晉為少卿掌教雅樂鶚既遷太常卿復申前說建白三事一請設特鐘特磬以為樂節一請復宮懸以備古制一請候天氣以定鐘律

事下禮官言特鐘特磬宜造樂懸在廟廷中周旋未便不得更製惟黃鐘爲聲氣之元候氣之法實求中氣以定中聲最爲作樂本原乃詔取山西長子縣羊頭山黍大小中三等各五斗以備候氣定律

樂志

十二年夏言等言古者大雩之祀命樂正習盛樂舞皇舞蓋假聲容之和以宣陰陽之氣請於三獻禮成之後九奏樂止之時樂奏雲門之舞仍命儒臣括雲漢詩詞製雲門一曲使文武舞士並舞而合歌之蓋雲門者帝堯之樂周官以祀天神取雲出天氣雨出地氣也且請增鼓吹數番教舞童百人青衣執扇繞壇歌雲門之曲而舞曲凡九成

明會要卷三十二

未

帝從其議

禮志

十七年六月山西遼州同知李文察進所著樂書曰聖圖解二卷樂記補說二卷律呂新書補註一卷興樂要論三卷因請興正樂以薦上帝祀祖考禮部議文察所進樂書其於樂理樂聲原多前人所未發者且於人聲中考定五音以爲制律候氣之本深合虞書依永和聲之旨宜令知音律者協同肄習詔授文察太常典簿同該寺等官肄樂

世法錄

樂志序曰明興太祖銳志雅樂是時儒臣冷謙陶凱詹同宋濂樂韶鳳輩皆知聲律相與究切釐定而掌故闕

略欲還古音其道無由太祖亦方以下情偷薄務嚴刑以束之其於履中蹈和之本未暇及也文皇帝訪問黃鐘之律臣工無能應者英景憲孝之世宮縣徒爲具文殿廷燕享郊壇祭祀教坊羽流慢瀆苟簡劉翔胡瑞之倫爲之深慨世宗制作自任張鶚李文察以審音受知終以無成蓋學士大夫之著述止能論其理而施諸五音六律輒多未叶樂官能紀其鏗鏘鼓舞而不曉其義是以卒世莫能明也

明會要卷三十二

七

今雅樂高下聞其說曰冷謙之樂乃古無射調也俗呼爲清商調以第二絃爲宮音少者歌之則拽不出失之太下恐非中和也蔡元定之樂乃古夾鐘調也俗呼爲清徵調以第四絃爲宮音老者歌之則揭不起失之太高亦非中和也所謂中和者古之正調是也俗呼爲清角調軒轅氏之所造以第三絃爲宮音比冷謙高一調比蔡元定低一調老者歌之不揭少者歌之不拽不高不下是名爲中和也時典樂尤世賢亦知音者以所帶來神樂觀笙吹其所習舊樂章譜與琴譜相校所論不虛也

通典

崇禎十五年禮部議覆太常寺樂疏云郊廟之祭樂多疏

澁如琴瑟並無指法舞容尤乖古制宜訪求知樂之人細加參究周以舞教國子令大胥正舞位小胥正舞列漢除吏二千石至六百石關內侯至大夫之適子取為舞生其教之豫而選之精如此今以伶人下賤為之去古實遠宜令太常做周漢意選舞士不得仍以倡優充數仍將律書正聲所纂舞圖舞節重加翻習庶足復三代之舊春明夢餘錄

明會要卷三十二

六

明會要卷三十二終

明會要卷二十三

永新龍文彬纂

輿服上

鹵簿

明鹵簿之制凡正旦冬至聖節會同冊封遣祭諸典禮皆錦衣衛陳之其儀仗則兵部車駕司掌之其造作則工部營繕司掌之其旌旗亦多與前代不同昉於洪武增定於永樂更造於宣德初以鹵簿彌文務從節省後隨時增設較初制為便通典

明會要卷二十三

一

大朝儀制殿內左右扇二重內雙龍扇二十外素扇二十二又外素扇二十殿門左右黃曲蓋繖二次左金交椅一金腳踏一次左金盆一右金罐一以外為丹陛左右仗三重內雙龍扇二十次單龍扇二十外金節六次響節二十六次領頭二又外左朱雀旗一右元武旗一次骨朵六次金鉞六次金鐙六次臥瓜六次立瓜六次儀刀六次梧杖六次班劍六次龍戟六次班戟六次左青龍旗一右白虎旗一次領頭二中道左右雙龍扇內紅花繖二次黃蓋繖二次紅方繖二次單龍扇內設大樂之所此外為丹陛左右仗三重內黃蓋繖二次紅繡繖二次紅花蓋繖二次紅曲蓋繖二次紅花繖二次紅曲蓋繖二次紅方繖二次紫

方繳四次雉扇十次紅花扇十六外羽葆幢十次豹尾四次龍頭竿十次信旛十次傳教旛十次告止旛十次絳引旛十次黃麾二又外戟麾二十次戈麾二十次儀鉉麾二十凡三重皆有領頭各二中道右黃蓋繳馬杙一雉扇內左爲玉輅右爲大輅玉輅前爲步輦大輅前爲硃紅輦戟麾外左右設馬二十四仗下左右鳴鞭各三馴象各三此立仗之儀也至於出行鹵簿大略同前稍引而長之春明錄

凡郊祀鹵簿大駕全設前期祀牲用丹陛駕其祭社稷鹵簿大駕內去白澤旗以下至元武豹尾大涼步輦祭太廟

明會要卷二十三

二

山川並與社稷同耕藉田幸大學俱用鹵簿大駕王圻通考

吳元年十二月辛酉中書左相國李善長率禮官以卽位禮儀進是日清晨拱衛司陳設鹵簿列甲士於午門外之東西列旗仗於奉天門外之東西儀衛志

丙寅善長進儀衛上見仗內旗有天下太平皇帝萬歲字顧謂善長曰古者九旗之制若日月蛟龍熊虎鳥隼龜蛇之類所以昭儀物辨等威至大平萬歲字此夸大之詞非古制也宜去之大訓記

洪武元年十月定元旦朝賀儀金吾衛於奉天門外分設旗幟宿衛於午門外分設兵仗衛尉寺於奉天殿門及丹

陛丹墀設黃麾仗內使監擊執於殿上凡遇冬至聖節冊拜親王及蕃使來朝儀俱同其宣詔赦降香則惟設奉天殿門及丹墀儀仗殿上擊執云

十二年命禮部增設丹墀儀仗
宣德元年更造鹵簿儀仗已上儀衛志

百官儀從

洪武二十四年更定官員儀從公十人侯八人伯六人一品至三品六人四品至六品四人七品至九品二人

成化元年令凡京官出外四品以上引導三對用錫槩鋼叉藤棍七品以上引導二對用錫槩藤棍外官方面堂上

明會要卷二十三

三

官引導三對用錫槩鋼叉藤棍各府及鹽運司等衙門四品以上引導二對用錫槩藤棍七品以上引導一對用藤棍八品九品用竹篋一對引導雜職不許引導已上王圻通考

天子車輅

大朝會拱衛司設五輅於奉天門玉輅居中左金輅次革輅右象輅次木輅輿服志

丙午四月乙卯太祖閱古車制至周禮五輅曰玉輅太侈何若祇用木輅學士詹同對曰孔子云乘殷之輅卽木輅也太祖曰以玉飾車古惟祀天用之常乘宜用殷輅然祀天之際玉輅未備木輅亦未爲不可參政張昶曰木輅戎

輅也不可以祀天太祖曰孔子斟酌四代禮樂為萬世法
木輅甯不可祀祀在誠敬不在儀文

洪武元年八月有司奏造乘輿服御應用金者命皆以銅
有司言費小不足惜太祖曰朕富有四海豈吝於此然所
謂儉約者非身先之何以率下且奢泰之習未有不由小
而大者也已上大訓記

六年八月命禮官考五輅制為木輅二乘一以丹漆祭祀
用之一以皮鞵行幸用之

二十六年始定鹵簿大駕之制玉輅一大輅一九龍車一
步輦一後罷九龍車已上輿服志

明皇卷二十三

四

永樂元年八月丙辰禮部言鹵簿中宜有九龍車一乘請
增置帝曰禮貴得中過為奢不及為儉先朝審之精矣當
遵用舊章豈可妄有增益以啟後世之奢哉九龍車既先
朝所無其仍舊便儀衛志

三年更定鹵簿有大小馬輦步輦大涼步輦各一乘輿服志

正德十四年親征宸濠乘革輅野獲編
嘉靖十年帝將耕藉田詔造耕根車禮官上言考大明集
禮耕藉用宋制乘玉輅以耕根車載耒耜同行第稽諸禮
書止有圖式而無高廣尺寸宜依今置車式差小通用青
質從之通典

十三年謁廟帝及后妃俱乘肩輿出宮至奉天門降輿升
輅

隆慶四年設郊祀慶成宴帝乘板輿由歸極門出入皇極
門至殿上降輿已上輿服志

禁中游幸惟用梭輦其制輕捷又減步輦數倍野獲編
萬曆十三年四月早上禱南郊自宮中徒步至天壇午後
乘馬回宮并步輦卻勿御也同上

百官乘車
洪武元年令凡車不得雕飾龍鳳文
六年令凡車輦禁丹漆五品以上車用青幔其坐輦止許

明皇卷二十三

五

婦人及官民老疾者乘之已上會典

永樂元年駙馬都尉胡觀越制乘晉王濟熿朱轅輦輦為
給事中周景所劾有詔宥觀而賜濟熿書切責之輿服志

宣德六年帝遊西苑黃淮與公侯伯尚書十一人俱肩輿
登萬歲山閣臣錄

景泰四年令在京三品以上得乘輦會典
成化十三年十二月嚴文武官乘輦之禁大政記

宏治七年令文武官例應乘輦者以四人舁之其五府管
事內外鎮守守備及公侯伯都督等不問老少皆不得乘
輦違例乘輦及擅用八人者奏聞會典

正德四年禮部侍郎劉機言大明集禮公卿大臣得乘安車因請定轎扇繖蓋品級等差帝以京城內安車繖蓋久不行卻其請而命轎扇俱如例行輿服志

嘉靖十五年南京給事中曾鈞騎馬不避尚書劉龍潘珍

轎龍與鈞互相訐奏霍韜劾鈞且請禁小臣乘轎霍韜傳因

申明禮制四品以下不許乘轎亦毋得用肩輿輿服志

時諸臣供事內廷許乘馬出入惟嚴嵩以衰老得賜腰輿

至八十再賜肩輿野獲編

隆慶二年給事中徐尙劾應城伯孫文棟等乘轎出入驕

僭無狀帝命奪文棟俸乃諭兩京武職非奉特恩不許乘

明會要卷二十三

六

轎文官四品以下用帷轎者禁如例

萬曆三年奏定勳戚及武臣不許用帷轎肩輿並交牀上

馬已上輿服志

時詔許后父永年伯王偉乘肩輿給事中萬象春言勳戚

不乘輿祖制也固安伯陳景行武清伯李偉太后父袁白

封始賜肩輿定國公徐文壁班首重臣嗣爵久故亦蒙殊

典今偉非三人比乞寢前命皆不許象春傳

天子冠服皇后附

天子袞冕服冕前後各十二旒旒五采袞元衣黃裳十二

章日月星辰山龍華蟲六章織於衣宗彝藻火粉米黼黻

六章織於裳凡祭天地宗廟社稷先農及正旦冬至聖節冊拜皆服之

天子通天冠服郊廟省牲皇太子諸王冠婚醮戒則服通

天冠絳紗袍

天子皮弁服用烏紗冒之凡朔望視朝降詔降香進表四

夷朝貢外國朝覲策士傳臚皆服之嘉靖以後祭太歲山

川諸神亦服之

天子常服烏紗折角向上巾盤領窄袖袍束帶間用金琥

珀透犀

永樂三年更定冠以烏紗冒之折角向上其後名翼善冠

明會要卷二十三

七

袍黃盤領窄袖前後及兩肩各織金盤龍帶用玉鞞以皮

爲之已上王后通考

洪武元年二月己未學士陶安等請製五冕帝以其禮太

繁命祭天地宗廟服袞冕餘皆不用通典

二年五月上親祀外王父楊王廟禮官請御通天冠絳紗

袍祭畢召大臣問曰朕祭外王父卿等以爲不當服袞冕

何也宋濂對曰袞冕唯天地宗廟用之餘皆降禮也禮賢錄

二十四年帝微行至神樂觀見有結網巾者次日取之頒

示天下人無貴賤皆裹網巾於是天子亦常服網巾

馬后平居服大練浣濯之衣雖敝不忍易高皇后傳

嘉靖七年二月更定燕弁服初帝以燕居冠服尚沿謂俗論張璉考古帝王燕居法服之制璉乃采禮書元端深衣之文圖註以進帝為參定其制因諭禮部曰古元端上下通用今非古人比雖燕居宜辨等威因酌古制更名曰燕弁寓深宮獨處以燕安為戒之意

八年諭閣臣張璉袞冕有革帶今何不用璉對曰按陳祥道禮書古革帶大帶皆謂之鞶革帶以繫佩鞶然後加以大帶而笏指於二帶之間夫革帶前繫鞶後繫綬左右繫佩自古冕弁恆用之今惟不用革帶以至前後佩服皆無所繫遂附屬裳要之閒失古制矣帝曰冕服祀天地享祖

明會要卷三十三

八

宗若闕革帶非齊明盛服之意及觀會典載蔽膝用羅上織火山龍三章并大帶緣用錦皆與今所服不合卿可并革帶繫蔽膝佩綬之式詳考繪圖以進又云衣裳分上下服而今衣恆掩裳裳制如帷而今兩幅朕意衣但當與裳要下齊而露裳之六章何如已又諭璉以變更祖制為疑璉對曰臣考禮制衣不掩裳與聖意允合夫衣六章裳六章義各有取衣自不容掩裳大明集禮及會典與古制不異今衣八章裳四章故衣常掩裳然於典籍無所準內閣所藏圖註蓋因官司織造循習訛謬今訂正之乃復祖制非有變更帝意乃決令擇吉更正其制

又諭閣臣張璉云會典紀親征類禡之祭皆具武弁服不可不備璉對周禮有韋弁謂以韎韋為弁又以為衣裳國朝視古損益有皮弁之制今武弁當如皮弁但皮弁以黑紗冒之武弁當以絳紗冒之已上與服志

諸王冠服

諸王助祭謁廟正旦冬至等朝賀服袞冕五采九旒衣五章裳四章朔望朝降詔降香進表四夷朝貢朝覲服皮弁服王圻通考

洪武二十一年諸王來朝時制度未備諸王服乘擬太子戶科給事中卓敬乘閒言京師天下視效陛下於諸王不

明會要卷三十三

九

早辨等威而使服飾與太子埒嫡庶相亂尊卑無序何以服天下卓敬傳嘉靖七年諭禮部朕仿古元端自為燕弁冠服更制忠靜冠服錫於有位而宗室諸王制猶未備今酌燕弁及忠靜冠之制復為式具圖命曰保和冠服自郡王長子以上其式已明鎮國將軍以下至奉國中尉及長史審理紀善教授件讀俱用忠靜冠服依其品服之儀賓及餘官不許概服夫忠靜冠服之異式尊賢之等也保和冠服之異式親親之殺也等殺既明庶幾乎禮之所保保斯和和斯安此錫名之義也其以圖說頒示諸王府如敕遵行輿服志

明會要卷二十四

永新龍文彬纂

輿服下

百官冠服

洪武元年命制公服朝服以賜百官禮部言各官散官與見任職事高下不同服色不能無異乞定其制詔省部臣議禮部復言唐制服色皆以散官為準元制散官職事各從其高者國初服色依散官與唐制同乃定服色準散官不計見職所賜袍帶亦如之輿服志

明會要卷二十三

十

明會要卷二十四

一

羅蔽膝革帶大帶佩綬白襪黑履凡大祀慶成正旦冬至聖節及頒降開讀詔赦進表傳制則服之俱用梁冠一品至九品俱以冠上梁數為差公冠八梁侯伯七梁駙馬冠與侯同一品七梁二品六梁三品五梁四品四梁六品二梁八品九品一梁

凡公服用盤領右衽袍或紵絲紗羅絹從宜製造袖寬三尺一品至四品緋袍五品至七品青袍八品九品綠袍未入流雜職官袍笏帶與八品以下同在京官每日早晚朝奏事及侍班謝恩則服之在外文武官每日公座服之後常朝止便服惟朔望具公服朝參其武官應直守衛者不

明會要卷二十三終

拘此服其公服花樣一品大獨科花徑五寸二品小獨科花徑三寸三品散搭花無枝葉徑二寸四品五品小雜花紋徑一寸五分六品七品小雜花紋徑一寸八品以下無紋公侯駙馬伯公服服色花樣與一品同文武官公服花樣如無從織造則用素

凡陪祭服一品至九品青羅衣白紗中單俱用阜領綠赤羅裳阜緣赤羅蔽膝方心曲領其冠帶佩綬等第並同朝服其家用祭服三品以上去方心曲領四品以下並去佩綬已上會典王圻通考

二年賜朝臣袍帶凡二千八百一十三人奉明夢錄

明會要卷二十四

二

三年定凡文武官常朝視事以烏紗帽團領衫束帶為公服其帶一品玉二品犀犀三品金釵花四品素金五品銀釵花六品七品素銀八品九品烏角王圻通考四年中書省議定侍儀舍人併御史知班引禮執事冠進賢冠無梁服絳色衣同上

二十三年三月定朝臣衣服之制上見文臣衣服之制多取便易日至短窄有乖古制乃詔禮部尙書李原名等參酌時宜文官衣自領至裔去地一寸袖長過手復回至肘公侯駙馬與文官同武官去地五寸袖長過手七寸景泰四年令錦衣衛指揮侍衛者得衣麒麟服

成化二年令官民人等不許僭用服色花樣

宏治十三年奏定公侯伯文武大臣及鎮守守備違例奏請蟒衣飛魚衣服者科道糾劾治以重罪已上會典

御史范輅清軍江西甯王宸濠令諸司以朝服見輅奏言高帝定制王府屬僚稱官後乃稱臣其餘文武及京官出使者皆稱官朝使相見以便服今天下王府儀注制未畫

一臣以為尊無二上凡不稱臣者皆不宜具朝服以嚴大防章下禮官議宸濠馳疏爭之廷議請如輅言范輅傳正德元年敕官員及軍民人等衣服帳幔不許用元黃紫三色其朝見人員四時並用顏色衣服不許純素王圻通考

明會要卷二十四

三

十三年正月帝至自宣府傳旨用曳撒大帽鸞帶且賜羣臣大紅紵絲羅紗各一其綵繡一品斗牛二品飛魚三品蟒四品麒麟五六七品虎彪翰林科道官不限品級皆與焉惟部曹以下不與言官論其非制不納三編質實云五行志曳撒大帽行役所用非見君服皆服妖也又文臣服色亦以走獸而麒麟之服逮於四品尤異事也

十六年世宗登極詔云近來冒濫玉帶蟒龍飛魚斗牛服色皆庶官雜流並各處將領貢緣奏乞今俱不許武職卑官僭用公侯服色者亦禁絕之輿服志

嘉靖六年禁中外官不許濫服五采妝花織造違禁顏色

會典

七年製忠靜冠服圖頒禮部敕諭之曰祖宗稽古定制品官朝祭之服各有等差第常人之情多謹於明顯忘於幽獨古聖王慎之制元端以為燕居之服比來衣服詭異上下無辨民志何由定朕因酌古元端之制更名忠靜庶幾乎進思盡忠退思補過焉朕已著為圖說如式製造在京許七品以上官及八品以上翰林院國子監行人司在外許方面官及各府堂官州縣正堂儒學教官服之武官止都督以上其餘不許濫服

明會要卷三十四

四

八年更定百官祭服上衣青羅阜緣下裳赤羅阜緣蔽膝

綬環大帶革帶佩玉襪履俱與朝服同已上王圻通考

十六年羣臣朝於駐蹕所兵部尚書張瓚服蟒帝怒諭閣

臣夏言曰尚書二品何自服蟒言對曰瓚所服乃欽賜飛

魚服鮮明類蟒耳帝曰飛魚何組兩角其嚴禁之與服志

萬厯五年令常朝俱衣本等錦繡服色其朝覲官見辭謝

恩不論已未入流公服行禮會典

閣臣王錫爵疏臣伏見連日大雪風寒異常百官尙未蒙

恩傳戴暖耳祖宗二百年來歲傳暖耳示體恤於等威之

外所以百官傳衣不謝而傳暖耳獨謝此燔肉醢酒之類

物微禮重不可忽也春明夢餘錄

崇禎十三年上諭禮部令百官燕居皆用世廟所製忠靜冠服賜閣臣五人一襲復以二襲下部為式同上

士庶冠服

洪武三年士庶戴四帶巾改四方平定巾雜色盤領衣不許用黃禮集

又令庶民男女衣服不得僭用金繡錦綺紵絲綾羅止許綉絹素紗其鞞不得裁製花樣金線妝飾首飾釵鐲不許用金玉珠翠止用銀

六年令庶民巾環不得用金玉瑪瑙珊瑚琥珀未入流品

明會要卷三十四

五

者同庶民帽不得用頂帽珠止許水晶香木

十四年令農民許衣紬紗絹布商賈止衣絹布農家有一

人為商賈者亦不得衣紬紗已上會典

二十四年十月丁巳定生員巾服之制帝以學校為國儲

材而士子巾服無異吏胥宜更易之命秦遼製式以進凡

三易其制始定命用玉色絹為之寬袖阜緣帛緣軟巾垂

帶命曰襴衫上又親服試之始頒行天下昭代典則

洪熙中帝問衣藍者何人左右以監生對帝曰著青衣較

好乃易青圓領與服志

二十五年禁庶人不許穿鞞止許穿皮札鞞惟北地苦寒

許用半皮直縫鞞

正德元年禁商販僕役倡優下賤不許服用貂裘已上會典

嘉靖二十二年禮部言近日士民冠服詭異製為凌雲等

巾僭擬多端有乖禮制詔所司禁之憲章錄

萬曆二年禁舉人監生生儒僭用忠靜冠巾錦綺鑲履及

張繖蓋戴暖耳違者五城御史送問輿服志

寶璽

明制各寶皆內尚寶監女官掌之遇用寶則尚寶司以揭

帖赴尚寶監尚寶監請旨然後赴內司領取西垣筆記

每年三月二十九九月二十九為用寶之期先期請出洗

明會典卷二十四

六

滌尚寶太監用大黃絨絛兩手恭捧挂於項尚寶卿以金

盆盛水濯之次日乃用玉光劍氣集

寶璽共二十有四舊寶十七按輿服職官二志皆云舊寶十七覈其數止十六非闕即

謂曰皇帝奉天之寶為唐宋傳璽祀天地用之若詔與赦

則用皇帝之寶冊封賜勞則用皇帝行寶召親王大臣及

調兵則用皇帝信寶上尊號則用皇帝尊親之寶論親王

則用皇帝親親之寶其天子之寶以祀山川鬼神天子行

寶以封外國及賜勞天子信寶以招外服及徵發誥用制

誥之寶敕用救命之寶獎勵臣工用廣運之寶敕諭朝覲

官用敬天勤民之寶若御前之寶表章經史之寶欽文之

寶則圖書文史等用之世宗增製者七為奉天承運大明

天子寶為大明受命之寶為巡狩天下之寶為垂訓之寶

為命德之寶為討罪安民之寶為敕正萬民之寶職官志

洪武元年正月庚辰得美玉製傳國之寶大政記

二年五月造小玉璽一文曰奉天執中同上

二十五年大學士周敬心上疏諫曰臣聞陛下連年遠征

北出沙漠為恥不得傳國璽耳昔楚平王時琢卞和之玉

至秦始皇名為璽歷代遞嬗以迄後唐治亂興廢皆不在此

石敬瑭亂潞王攜以自焚則秦璽固已燬矣敬瑭入洛更

以玉製晉亡入遼遼亡遺於柔乾河元世祖時札刺爾者

明會典卷二十四

七

漁而得之今元人所挾石氏璽耳昔者三代不知有璽仁

為之璽故曰聖人大寶曰位何以守位曰仁陛下奈何忽

天下之大璽而求漢唐宋之小璽也周敬心傳

建文三年正月辛酉朔凝命神寶成帝親定其文曰天命

明德表正萬方精一執中宇宙永昌先是使者還自西方

得青玉於雪山方踰二尺質理溫栗二年正月命工人琢

為大璽至是工成告天地宗廟御奉天殿受朝賀淵鑿類函

宣德九年衛拉特托歡襲殺阿嚕台來告捷且獻玉璽帝

賜敕曰王殺阿嚕台見王克復世仇甚善願王言玉璽傳

世久遠殊不在此王得之王用之可也賜遣之三編

宏治十三年陝西巡撫熊翀以鄠縣民所得玉璽來獻以爲秦璽復出也禮部尙書傅瀚率同列言秦璽完毀俱載簡冊今所進璽形色篆紐皆不類蓋後人倣爲之且帝王受命在德不在璽太祖製六璽列聖相承百三十餘載天休滋至受命之符不在秦璽明矣請姑藏內府帝是其言

傅瀚傳

天啟四年臨漳民耕地得玉璽龍紐龜形方四寸厚三寸文曰受命於天既壽永昌以獻巡撫程紹紹聞於朝略言秦璽不足徵久矣今璽出適在臣疆既不當復埋地下又不合私秘人閒欲遣官恭進闕廷迹涉貢媚故先奏聞昔

明會要卷二十四

八

王孫圉不寶玉珩齊威王不寶照乘陛下尊賢愛士所寶在德尙有一代名賢如鄒元標馮從吾王紀周嘉謨盛以宏孫慎行鍾羽正余懋衡曹于沐等及詞林臺諫一鋼不起者願汲致明廷亟圖登進程紹傳八月程紹進璽於朝魏忠賢欲侈其事命由大明門進行受璽禮百僚表賀御史黃尊素上言昔宋哲宗得璽蔡確等競言祥瑞改年元符宗祚幾不競本朝宏治時陝西獻玉璽止令取進給賞五金此祖宗故事宜從事獲中止黃尊素傳

印信

洪武初禮部設鑄印局凡諸司印信該局專管鑄造如有

剗削則換給之凡在外交移到京悉送該局辨其真偽考通

一二品銀印三品以下銅印方厚有差惟京尹以三品得用銀印強識略

九年考較錢穀策書空印事起主印吏及署字有名者皆逮繫獄凡數百人帝以爲欺罔守令署印者欲置之死佐

貳以下爲軍遠方鄭士利傳

徐達還鎮每歲春出冬暮召還以爲常還輒上將印徐達傳

十三年十二月改雜職衙門方印爲條記大政記

十四年改都察院分設十二道每道鑄二印文曰繩愆糾

明會要卷二十四

九

繆守院御史掌其一其一藏內府有事則受以出復命則納之職官志

二十年收馮勝大將軍印馮勝傳

二十三年改製某道監察御史印其奉差者則曰巡按某

處監察御史職官志

永樂六年駕幸北京五府六部都察院大理寺錦衣衛各

衙門各鑄印信通政司鴻臚寺各鑄關防謂之行在衙門

印信關防其後命內府印綬監收貯嘉靖十八年南巡禮

部領出以給扈從者焉輿服志

胡濙爲行在禮部尙書會行在禮部印失詔弗問命改鑄

已又失被劾下獄未幾印獲復職胡漢

仁宗立鑄征南將軍印給沐晟沐氏繼鎮者輒予印以為

常沐英

宣宗賜文淵閣印一顆凡封進票本揭帖聖諭敕稿用此

鈐之萬麻中被人盜去上命補鑄賜之玉光劍

宏治十四年議准在外大小衙門印記年久平乏模糊者

許申知上司驗實具奏補換新印將舊印繳納王圻

正德四年兵部受劉瑾屬奏固原總兵曹雄鎮守未佩印

宜如各邊例特賜印以重其權乃進雄署都督同知以延

綏總兵官吳江所佩征西將軍印佩之而別鑄靖虜將軍

明會要卷二十四

十

印子江曹雄

教坊司臧賢請改鑄方印禮部尚書傅珪格不行傅珪

嘉靖二十九年仇鸞總督京營戎政故事五軍府開府給

印營操官不給印戎政之有府與印自仇鸞始兵志

總制總督巡撫及鎮守公差等官給銅關防惟正德時張

永征安化王用金鑄嘉靖中顧鼎臣居守用牙鏤關防皆

特賜也王圻

五城巡視御史向無關防萬麻間始鑄給而南京五城亦

得之野獲

賜印

太祖賜懿文太子玉印曰大本堂記賜皇后玉印曰厚載

之記

仁宗賜蹇義夏原吉楊士奇黃淮楊榮金幼孜等印曰繩

愆糾繆而義又有蹇忠貞印士奇又有楊貞一印

宣宗賜印蹇義曰忠厚寬宏夏原吉曰含宏貞靜楊士奇

曰清方貞一楊榮曰方直剛正胡濙曰清和恭靖又曰文

恭世家吳中曰和敏詳達

景帝賜印胡濙曰忠貞惟篤王文曰忠誠匪懈衍聖公孔

宏緒曰謹禮崇德

世宗賜印楊一清曰耆德忠正又曰繩愆糾違張孚敬曰

忠良貞一桂萼曰忠誠靜慎李時曰忠敏安慎方獻夫曰

忠誠直諫費宏曰舊輔元臣夏言曰學博才優顧時曰經

幃首選翟繼曰清謹學士

神宗賜張居正印曰帝賚忠良已上王

符節

洪武四年五月造用寶金符及調發走馬符牌用寶符為

小金牌二中書省大都督府各藏其一有詔發兵省府以

牌入內府出寶用之走馬符牌鐵為之共四十金字銀字

者各半藏之內府有急務調發使者佩以行尋改為金符

凡軍機文書自都督府中書省長官外不許擅奏有詔調

明會要卷二十四

十一

軍省府同殺奏然後納符請寶兵志

十五年製使節使者受命則載以行使歸則持之以復命

二十三年詔考定使節之制禮部奏漢光武時以竹爲節

柄長八尺其毛三重而黃公紹韻會註漢節柄長三尺毛

三重以旄牛爲之詔從三尺之制輿服志

洪武中命大將儀先授節次授鉞別集

凡宣召親王必遣官齎金符以往親王之藩及鎮守巡撫

諸官奏請符驗俱從兵部奏行尙寶司領之洪武二十六

年定制凡公差以軍情重務及奉旨差遣給驛者兵部既

明會要卷二十四

主

英宗北狩襄王瞻墀長且賢眾望頗屬太后命取襄國符

入宮不果召英宗復辟石亨等誣于謙王文有迎立外藩

語帝頗疑瞻墀久之從宮中得瞻墀所上二書而襄國金

符固在太后閣中乃賜書召瞻墀襄王傳按春明夢餘錄

以迎立外藩王文極口辨公但云召親王非金符不可符

在何必辨時印綬監諸瑞檢閱各府金符俱在獨無襄府

者問一退閑老監云是宣廟上賓時張太后以國有長君

社稷之福欲召襄王取符入三楊議不合而止符留後宮

於是啟而得之塵積寸餘矣

牙牌

洪武八年二月製陪祀官入壇牙牌大政記陪祀官曰陪供

事官曰供執事人曰執職官志

十一年三月丁酉始製牙牌給文武朝臣大政記

牙牌之號五以察朝參公侯伯曰勳駙馬都尉曰親文官

曰文武官曰武教坊司曰樂嘉靖中總編曰官字某號朝

參佩以出入不則門者止之私相借者論如律有故納之

內府職官志

景泰元年馬順前爲廷臣擊斃尙寶司檢順牙牌不得順

子請責之王竑帝許焉諸諫官言順黨奸罪重廷臣共除

之邊問牙牌且非竑一人事若責之竑忠臣懼矣乃寢前

旨王竑傳

劉珣子銑八歲時憲宗召見愛其聰敏且拜起如禮卽命

明會要卷二十四

主

爲中書舍人宮殿門閤高同官楊一清常提之出入帝慮

牙牌易損命易以銀劉珣傳

孝宗嗣位諸臣交章劾萬安帝命太監懷恩就安讀之安

跪起求哀無去意恩直前摘其牙牌曰可去矣始乞休去

萬安傳

正德中教坊司臧賢請易牙牌製如朝士禮部尙書傅珪

格不行傅珪傳

明會要卷二十四終

明會要卷二十五

永新龍文彬纂

學校上

國學廢監詳職官任子

太祖乙巳九月丙辰朔置國子學以故集慶路學為之大政記

洪武元年令品官子弟及民間俊秀通文義者並充學生尋詔擇府州縣學諸生入國子學又擇年少舉人趙惟一等及貢生董景等入學讀書命於諸司先習吏事謂之歷事監生取其中尤英敏者李擴等入文華武英堂說書謂

明會要卷二十五

十一

之小秀才其才學優贍聰明俊偉之士使之博極羣書講

明道德通經之學以期大用謂之老秀才選舉志

洪武二年太祖諭中書省臣曰太學育賢之地所以興禮

樂明教化賢人君子之所自出古之帝王建國君民以此

為重朕承困弊之餘首建大學招徠師儒今學者日眾齋

舍卑隘不足以居其令有司增益學舍大訓記

是年擇國子生試用之巡行列郡舉其職者竣事復命即

擢行省左右參政各道按察使僉事及知府等官

五年以國子生王鐸攝監察御史已上王圻通考

八年選國子生林伯雲等三百六十六人分教北方大政記

十五年五月己未新建大學成改為國子監分六堂以館諸生曰率性脩道誠心正義崇志廣業庚午命劉仲質立學規十二條合欽定九條頒賜諸生明紀

太祖幸大學還馬皇后問生徒幾何帝曰數千后曰人才眾矣諸生有廩食妻子將何所仰給於是立紅板倉積糧

賜其家大學生家糧自此始馬皇后傳

十七年四月增築國子學舍本紀

十九年命祭酒司業擇監生千餘人送吏部授知州知縣等職

二十年擢監生李慶署右僉都御史已上王圻通考

二十一年十一月命禮部給賜國子生鈔在監三年以上者五錠二年人二錠俾製冬衣復命工部於國子監前造別室一區以處諸生之有疾者令膳夫二十人給役世法錄

二十三年令本監闢射圃給監生弓矢習射會典

二十四年選監生方文等六百三十九人命行御史事稽覈天下百司案牘

二十五年擢監生師達墨麟等為監察御史夏原吉為戶部主事已上王圻通考

二十六年十月壬辰除監生二百四十一人為教諭等官既又擢監生劉政龍鐔等六十四人為行省布政按察兩

使及參政參議副使僉事等官大政記

初以北方喪亂之餘人鮮知學遣國子生林伯雲等三百六十六人分教各郡後乃推及他省擇其壯歲能文者為教諭等官選舉志

時國子生殷敏選入武英殿紀事授監察御史蓋其時儲養國學有出使歷事之任又有大本堂讀書武英殿紀事等清要之責故賢才輩多出其中

二十九年擢監生盧祥為刑部郎中王圻通考

建文二年十月更定歷事監生選法凡歷事一年為滿考分三等上者授官次下者再歷一年復考上者授官次量

明會要卷二十五

三

材選授下還監肄業昭代典則

永樂二年始以北平府學為北京國子監八年重建左監右學南雍六堂王圻通考

仁宗初擢監生徐永潛等二十人為給事中本紀

宣德二年七月汰監生一千九百餘人南京汰監生千五百餘人為民

四年九月放免南北監生年老無成者二百五十三人大政記

北京國子監助教王仙言學校教養人材固當講習經史至於書數之學亦當用心近年生員止記誦文字以備科

貢其於字學算法略不通曉乞令兼習從提調正官按察司巡按御史考試從之通紀

七年四月己酉增建國子監學舍諸生有家室者給月糧如南京例大政記

正統三年十一月南京國子監祭酒陳敬宗上書言舊制諸生以在監久近送諸司歷事比年有因事予告者遷延累歲至撥送之期始赴實長奸情請以肄業多寡為次第又近有願就雜職之例士風卑陋誠非細故請加禁止從之陳敬宗傳

景泰五年三月戶部侍郎孟鑑言國子生二千餘人俱仰

明會要卷二十五

四

給官廩有名無實請留年深者千餘人餘悉放歸從之通紀

成化四年吏部尚書李秉等奏近來監生記名聽選者八千餘名逐年起送到部者尤多於聽選之數先後積滯賢

否混淆茲欲將該選監生考選身言書判四事俱可取者居優等選用三事二事可取者量才授任其無可取而年

貌衰老者令冠帶閒住從之昭代典則

六年五月命襲封衍聖公孔宏泰朔望隨班朝參在監讀書一年乃許歸上

九年二月南京吏部尚書崔恭泰奏南雍監生歷事滿必抵北紀選而還卒業其中有貧乏者病於往復率多淹滯請

即紀選於南吏部從之實錄

宏治八年定國子監生分撥歷事期凡歷事吏部四十一名戶部五十三名禮部十三名大理寺二十八名通政司五名行人司四名五軍都督府五十名謂之正歷三月上選滿日增減不定又有諸司寫本戶部十名禮部十八名兵部二十名刑部十四名工部八名都察院十四名大理寺通政司俱四名隨御史出巡四十二名謂之雜歷一年滿改上選三編

禮部尙書李時言國初監生俱由廣業堂積漸升率性堂始得積分故天順以前監生必作養十餘年然後撥歷後

明會要卷三十五

五

積滯人多節將撥歷歲量減至宏治八年國子監有坐班人少不敷撥歷之期本部尙書倪岳題稱權宜救弊之法有二增貢額以足坐班生徒議差歷以久坐班歲月今國學缺人視宏治爲甚所有前項事例似應參酌舉行詔從之春明夢餘錄

嘉靖八年廷議復申三途並用之例於是以舉人監生阮徽歲貢監生張澍爲監察御史王圻通考又云國初大學秀者充之其後乃有各省鄉試舉人時進士之科未盛內而臺諫外而藩臬率以授諸大學生之成材者自制科既重大學生成材者與天下賢士盡入蒐羅於是內外要重之司皆歸進士而舉貢所稱監生者則有遺賢銓入高等不過授以省府幕僚郡佐州正而臺諫藩臬則必待其歷官有譽而後得之然亦千百而什一耳

舉監 洪武十八年令會試下第舉人送監卒業明史選舉志舉人入監始於永樂但於洪武時明言擇年少舉人趙准一等入學讀書則又兩歧茲據會典

三十一年試寄監下第舉人次第授教官大政

永樂二年六月命翰林院更試下第舉人擇文詞優等者得張鉉等六十人上召見皆賜冠帶送國子監肄業憲章錄

四年三月親試下第周翰等四十二人送監進學

十三年三月再試下第舉人朱瑛等二十四人賜冠帶入國學已上大政記

宣德七年取下第胡概金庠等十餘人送監讀書彙山集

明會要卷三十五

六

八年三月帝命禮部尙書胡濙與大學士楊士奇楊榮選副榜舉人龍文等二十四人送監進學大政記

正統二年令副榜舉人不願就教職者入監卒業

成化十四年令南方舉人願入南監者聽已上會典

嘉靖十七年二月詔許應天中式送國子學明政統宗

萬曆十三年奏定凡舉人下第及中副榜不願就教者盡數分送兩京國子監肄業不許假借名色呈請順天府給引回籍順天府亦不許徑自給引違者參究會典

祭酒呂相言舉人在監本以觀光皇極薰陶德性今查在監實數天下之廣僅止二三十人蓋自會試之後支稱他故回籍荒廢學業及試期方迫監簿計水程用規撥歷未

仕如此居官可知勅該部將入監告回舉人移文行取申明違限作曠計月加曠不許會試之條庶士類知儆眾向於學春明夢餘錄

貢監 一曰歲貢洪武初命各學歲貢一人謂之歲貢其後例屢更宏治嘉靖間定府學歲二人州學二歲三人縣學歲一人遂為永制一曰選貢宏治中從南京祭酒章懋言於常貢外令提學行選貢之法不分廩膳增廣生員通行考選務求學行兼優年富力強屢試優等者乃以充貢通計天下之廣約取五六百人三五年一行此選貢所由始也一曰恩貢國家有慶典或登極詔書以當貢者充之

明會要卷二十五

七

一曰納貢視例監稍優其實相仿也選舉志洪武十六年正月司諫關賢上言邇來都邑所司非人師道不立及至選貢賢愚混淆其甚者將俊秀生員黜充承差有乖育才之意禮部尙書任昂奏定學校歲貢士法任昂傳

二月丙申命天下府州縣學自明年始歲貢生員各一人正月至京從翰林院試經義四書各一道判語一條中式者入監讀書不中者罰為吏王圻通考

正統十四年令南直隸歲貢生俱送北監會典天順五年令天下生員年四十以上者考選送國子監肄

業王圻通考

成化十四年奏定南直隸歲貢生仍還南監

宏治十七年奏定歲貢生願就教者聽禮部考試不中者

分送南北監肄業已上會典

萬厯中工科郭如心言選貢非祖制其始欲補歲貢之乏

其後遂妨歲貢之途請停其選神宗以為然至崇禎時又

常行之選舉志

祭酒呂相疏歲貢入監即古鄉舉里選六德六行六藝之

士故禮稱四十強仕近年有歲貢二十上下者其德行焉

考甚且禮儀未嫻各提學惟取詞章不顧行檢遂使質樸

明會要卷二十五

八

淪墜乞勅該部轉行提學官當歲貢期於食廩年深二三

名內遵照祖宗臥碑參取德行必注其平日某德某行以

副敦崇實學之至意夢餘錄

例監 景泰四年四月己酉令生員納粟為國子生初洪

武中監生與薦舉人材參用故其時大學生最盛迨薦舉

既廢進士日重而監生輕至是納粟例開不久即止然其

後或遇歲荒或因邊警或大興工作率據前例行之而軍

民亦得援生員之例以入監謂之民生亦謂之俊秀

或竟謂之例監而監生日益輕矣三編

成化二年南京大饑守臣建議欲令官員軍民子孫納粟送監禮部尚書姚夔言大學乃育才之地近者直省起送四十歲生員及納草納馬者動以萬計不勝其濫且使天下以貨為賢士風日陋帝以為然為卻守臣之議選舉志十年十月禮部議科貢入監乃祖宗舊典納粟實一時權宜况納粟送監其復班之日多在科貢者入監之先若仍緣舊規以次取撥是使納粟者得以遂捷取之願而科貢者不能無淹困之嗟宜勅國子監於此兩途酌其多寡分序撥歷議上從之昭代典則

明會要卷三十五

九

宏治五年吏部尚書王恕奏自納粟等項事例既開雜進者日多一日以致正途監生壅滯不得出身候選至十五年以上纔得一官年紀日衰誰肯盡心職業况此等既以財進身他日豈能以廉律己貪財害民天下治安何由而得今後各處災傷任從巡撫等官多方區畫再有奏開前項事例聽從本部并科道官糾劾治罪通紀十五年令納粟諸項監生放回依親讀書其未冠者提學並教官嚴加考覈以入監日為始扣滿十年方准起送赴部復監會典嘉靖中祭酒呂相疏請飭部將依親例貢行各提學官考

行業類報其逃監及患病給假三月之外許臣查治重則削其名籍慶餘錄

崇禎五年十二月詔納粟輸贖原於正途之外以此鼓舞俊秀乃近年事例頻開吏途紛雜有貨即可博官才品俱所勿論甚而儼然民牧掊克取償貽害滋甚朕欲慎稽流品撫恤痼瘼而開納不除則源之不清流何能潔茲諭爾戶工二部從今為始將近年新開各項事例盡行停止其以前曾經納過者照例銓選此後不得再行援納仍將議停款目奏請裁定上同

動戚入監 洪武二年四月令功臣子弟入學本紀

明會要卷三十五

十

五年三月令將官子弟承襲年幼者入國學會典十年八月癸丑選武臣子弟讀書國子監本紀十四年正月命公侯子弟入國學會典十六年上慮武臣子弟頑梗繩愆廳不能扑罰命李文忠兼領監事王圻通考成化十年九月國子司業耿裕言勳戚子弟當先束身禮法乃采輯古諸侯貴戚言行可師者人授一編上聞而稱善乃詔侯伯及駙馬年少者皆入國子監讀書習禮不率者奏聞通紀

宏治六年副都御史張敷華奏准公侯駙馬伯子孫年十

五以上三十以下者送監照依監生讀書習禮

嘉靖元年題准公侯伯未經任事年三十以下遵照累朝舊典送監讀書命祭酒司業用心訓誨試驗是歲公侯入監者凡八人

九年題准公侯伯未任事送監者二十二人

十五年祭酒呂枏奏准公侯伯子孫舊規每日在監後偶從寬簡定以二八日期近年到監止二三人餘多不至乞勅該部轉行各爵戒飭子孫今後有違例久曠者許臣等參劾

十九年五月丙申國子司業王祖同請敕兩京公侯伯子

明會要卷三十五

十一

弟凡未仕者悉入成均俟學有成方請磨敘不率者本監奏聞區處上從之已上通考

土司入監 洪武二十一年播州宣慰使楊鏗并所屬宣

撫司官各遣其子來朝請入大學帝敕國子監官善訓導之

二十三年烏撒土知府阿能烏蒙芒部土官各遣子弟入

監讀書

建昌土官安配遣子僧保等四十二人入監讀書

永樂二年天全招討使高敬讓來朝遣其子虎入國子學

已上土司傳

外蕃入監 洪武五年高麗國王請遣子弟入大學朝鮮傳

二十五年琉球中山貢使以其王從子及寨官子偕來請肄業國學從之其冬山南王亦遣從子及寨官子入國學琉球傳

成化十八年四月琉球國中山王尙真奏乞以陪臣子蔡賓等五人於南監讀書許之昭代典則

府州縣學

洪武二年十月詔天下府州縣立學論中書省臣曰學校之設名存實亡兵變以來人習戰爭朕惟治國以教化為先教化以學校為本京師雖有大學而天下學校未興宜

明會要卷三十五

十一

令郡縣皆立學於是設學官令生員專治一經以禮樂射御書數設科分教昭代典則

初太祖改婺州為甯越府以王宗顯知府事宗顯故儒者

博涉經史開郡學聘葉儀宋濂為五經師戴良為學正吳

沈徐源為訓導自兵興學校久廢至是始聞絃誦之聲宗顯傳

十三年八月命在京府學生員六十人在外府學四十人

州學三十縣學二十人日給廩膳免其差徭二丁王圻通考

十五年頒禁例十二條於天下學校鐫勒臥碑置明倫堂

之左其不遵者以違制論會典

十七年十一月庚午命遼東立學校上諭禮部曰或言邊境不必建學夫聖人之教猶天也天有風雨霜露無所不施聖人之教亦無往不行昔箕子居朝鮮施八條之約故男遵禮義女尚貞信管甯居遼東講詩書陳俎豆飾威儀明禮讓而民化其德曾謂邊境之民不可以教乎况武臣子弟久居邊境鮮聞禮教恐漸移其性今使之誦詩書習禮義非但造就其才他日亦可資用昭代典則

二十年令增廣生員不拘數王圻通考

明會要卷三十五

三

二十六年定學官考課法專以科舉為殿最九年任滿覈其中式舉人府九人州六人縣三人者為最舉人少者為平等至少全無者為殿選舉志

永樂二年禮部奏北方歲貢生員入學十年考不中式者例當充吏帝曰責人之功當量其力論人之罪當明其情北方近三四年兵戈擾攘諸生舍俎豆而事軍旅飛芻挽粟之勞奔走流離之苦奚暇為學今考不中式者可發回原學肄業以俟再試不中如例處之大訓記

正統十二年三月鳳陽知府楊瓚言民間子弟可造者多請增廣生員毋限額禮部採瓚言考取附學天下學校之有附學生由瓚議始楊瓚傳

天順六年令廩膳有缺於增廣內選補

嘉靖二年令增順天府學廩膳生員二十名三年令增應天府學廩膳增廣生員順天府學增廣生員各二十名十一年奏准承天府學廩膳增廣六十名已上王圻通考

宗學

萬曆中定宗室子十歲以上俱入宗學於宗室中推舉一人為宗正領其事尋增宗副二人子弟入學者每歲就提學官考試衣冠一如生員已復令一體鄉試許得中式其後宗學寢多頗有致身兩榜起家翰林者選舉志

明會要卷三十五

四

社學

洪武八年正月詔天下立社學三編

方克勤知濟甯府立社學數百區克勤傳

十六年詔民間立社學有司不得干預會典

吳良守江陰暇則延儒生講論經史新學宮立社學吳良傳

二十年令民間子弟兼讀御製大誥及律令會典

宣德時王翔巡按四川奏州縣及土司徧設社學王翔傳

正統元年令各處提學官及司府州縣官嚴督社學不許廢弛其有俊秀向學者許補儒學生員會典

成化初楊繼宗為嘉興知府大興社學民間子弟八歲不

就學者罰其父兄繼宗傳

南安知府張弼毀淫祠百數十區建為社學張弼傳

宏治十七年令各府州縣建立社學選擇明師民間幼童

年十五以下者送入讀書講習冠婚喪祭之儀會典

嘉靖中徐階為延平府推官攝郡事勅鄉社學徐階傳

萬厯中林培為新化知縣縣僻陋廣置社學教之馬經綸傳

武學

洪武二十年七月禮部請立武學開武舉不許曰是歧文

武為二也昭代典則

宣德十年英宗即位詔天下衛所皆立學

明會要卷二十五

五

正統六年設京衛武學除教授一員訓導六員教習勳衛

子弟以兵部司官提調

七年設南京武學已上大政記

自正統以來天下軍衛子弟多習儒業其勳戚子孫襲爵

者習禮肄業於國子監至各衛幼官暨子弟未襲職者在

兩京並建武學如京府儒學之制會典

成化元年四月申定武學學規凡十五則大政記

三年令設衛學四衛以上軍生八十人三衛以上軍生六

十人二衛一衛軍生四十人不及者不拘有司儒學軍生

二十人王圻通考

九年命都司衛所應襲子弟年十歲以上者提學官選送

武學讀書無武學者送衛學或附近儒學

十三年敕所司歲終考試入學武生十年以上學無可取

者黜退送操已上會典

宏治六年三月從兵部尙書馬文升言刊武經七書分散

兩京武學及應襲舍人大政記

嘉靖十五年四月改建武學於皇城西隅大興隆寺舊地

同上

二十一年題准直隸金山衛學添設廩膳二十名貴州普

定等十三衛各添設廩膳生員二十名王圻通考

明會要卷二十五

六

萬厯中兵部言武庫司專設主事一員管理武學孫承澤餘錄

御史左光斗請增畿南真順廣大四府武學同

崇禎十年令天下府州縣學皆設武學生員提學官一體

考取選舉志

明會要卷二十五終

明會要卷二十六

永新龍文彬纂

學校下

書院

正統初翟溥福知南康府廬山白鹿書院廢溥福倡眾興復本傳

王恕為揚州知府作資政書院以課士本傳

長沙通判陳綱監脩吉王府第工成王賜之金帛不受請

王故殿材脩岳麓書院王許之陳綱傳

進士劉觀杜門讀書四方來問道者坐席嘗不給縣令劉

明會要卷二十六

成為築書院於虎邱山名曰養中劉觀傳

成化中南陽知府段堅勅志學書院聚秀民講說五經要

義及濂洛諸儒遺書段堅傳

長安有齊魯書院久廢故址半為民居秦王誠泳別易地

建正學書院秦王傳

十四年二月邵寶為江西提學副使脩濂溪書院改建白

鹿洞書院昭代典則

李敏里居時築室紫雲山麓聚書數千卷與學者講習及

巡撫大同疏籍之於官詔賜名紫雲書院李敏傳

二十年四月令貴溪縣重建象山書院大政記

廣西提學僉事姚鏞立宣成書院延五經師以教士子姚鏞傳

明初書院無額設自武宗朝王守仁倡良知之學東南長

附書院頗盛野獲編

正德六年御史張士隆巡鹽河東建正學書院士隆傳

嘉靖九年正月壬辰朔頒敬一諸箴於湖南岳麓書院從

長沙知府孫存請也大政記

鄉守益謫廣德州判官建復初書院與學者講授其間本傳

歐陽德知六安州建龍津書院聚生徒講學本傳

東昌知府羅汝芳提學副使鄒善皆宗守仁學善為建願

明會要卷二十六

學書院俾六郡士師事焉汝芳亦建見泰書院時相討論

春明夢餘錄

十六年四月壬申罷各處私勅書院以御史游居敬論劾

王守仁湛若水偽學乞毀其書院從之昭代典則

萬曆七年正月毀天下書院時士大夫競講學張居正惡

之盡改各省書院為公廨凡先後毀應天等府書院六十

四處三編

二十一年吏部郎中顧憲成罷歸里故有東林書院為朱

楊時講道處憲成與弟允成倡修之偕同志講學其中海

內聞風景附由是東林名大著憲成傳

天啟初左都御史鄒元標與副都御史馮從吾共建首善書院於京師御史周宗建董其事大學士葉向高爲之記朝暇與同志高攀龍等講學其中名望日重而諸不附東林者咸忌之明年給事中朱童蒙疏劾之元標從吾並引歸先是書院方建御史黃尊素謂元標曰都門非講學地徐文貞已叢議於前矣謂徐階也元標不能用至是尊素言果驗元標從吾既歸羣小擊碎其碑暴於門外先師木主委棄路隅經史典籍悉被焚燬而院獨存其後遂爲大

西洋麻局云

編三

五年八月壬午詔毀天下書院東林關中江右徽州各書

明會要卷二十六

三

院俱行拆毀從逆黨張訥議也

同上

書籍

丙午五月庚寅命有司博求古今書籍

明政統宗

洪武元年八月詔除書籍稅

紀本

是年定元都大將軍徐達收圖籍致之南京

藝文志

六年正月上御奉天殿召國子博士趙俶及助教錢宰貝

瓊等曰汝等一以孔子所定經書爲教慎勿雜蘇秦張儀

縱橫之言於是敕請頒正定十三經於天下屏戰國策及

陰陽識卜諸書勿列學官

趙俶傳

十四年三月辛丑頒五經四書於北方學校

紀本

十五年十月命禮部頒劉向說苑新序於天下十一月壬戌帝以國子監所藏書板歲久殘闕令諸儒考補工部督

匠脩治

昭代典則

二十三年十二月購遺書福建布政司進南唐書金史蘇

轍古文

明通紀

二十四年六月戊寅命禮部頒書籍於北方學校諭曰農

夫舍耒耜無以爲耕匠氏舍斤斧無以爲業士子舍經籍

無以爲學朕念北方學校缺少書籍向嘗頒與五經四書

其他子史諸書未賜宜購與之

大訓記

永樂四年四月己卯帝御便殿召儒臣講論問文淵閣藏

明會要卷二十六

四

書備否解縉對曰經史應備子集尙多闕帝曰士庶家稍

有餘尙欲積書况朝廷乎遂命禮部遣使四出購求遺

書

十五年四月丁巳頒五經四書性理大全於兩京六部國

子監及天下府州縣學諭禮部曰此書學者之根本聖賢

精蘊悉具於是其以朕意曉天下學者令盡心講明無徒

視爲具文也於是古註疏遂不復用

已上通紀

十七年三月上在北京遣侍講陳敬宗至南京起取文淵

閣所貯古今書籍自一部至百部以上各取一部北上皇

太子乃遣脩撰陳循如數齎送其餘封貯本閣

南京詹事府志

十九年四月庚子三殿災楊榮麾衛士出圖籍昇東華門外楊榮傳

宣宗嘗臨視文淵閣披閱經史與少傅楊士奇等討論因賜士奇等詩是時祕閣貯書約二萬餘部近百萬卷刻本十三鈔本十七正統間士奇等言文淵閣所貯書籍有祖宗御製文集及古今經史子集之書向貯左順門北廊今移於文淵閣東閣臣等逐一點勘編成書目請用寶鈐識永久藏弄制曰可藝文志

宣德八年四月甲申朔建廣寒清暑二殿悉置書籍貯之大政記

明會要卷三十六

五

宏治五年五月求遺書大學士邱濬言高皇帝當至正丙午之歲始肇帝業首求遺書既平元都得其館閣祕藏又廣購於民間一時貯積不減前代太宗當多事之時猶集儒臣纂永樂大典以備攷究今承平百年中外無事烏可使經籍廢墜凡民庶之家遷徙不常好尚不一既不能廣有儲藏即儲藏亦不能久遠所賴石渠邃閣積聚之多收藏之密局鑄之固類聚者有掌故之官闕略者有繕寫之吏損壞者有脩補之工散佚者有購訪之令然後不致廢殘闕失前代藏書之多有至三十七萬卷者近內閣書目不能什一數十年來在內未聞攷校在外未聞購求及今

失之恐遂放佚自古藏書不一所漢有東觀蘭臺鴻都唐有祕書監集賢書院宋有崇文館祕書省國朝罷前代臺監館省之官併其任於翰林院設典籍二員掌文淵閣書籍南京國子監雖設典籍僅掌累朝頒降之書及舊鈔書板而已今請敕內閣所藏書籍令學士以下督典籍官彙若干冊冊若干卷檢其有副本者分貯一冊於兩京國子監若內閣所無或不備者乞敕禮部行天下提學官榜示購訪俾所在有司校錄齎呈其藏書之所一在京師曰內閣曰國子監一在南京曰國子監使一書而存數本一本而藏三所每歲三伏時令翰林院僚屬同赴閣監曝書畢

明會要卷三十六

六

事局鑄延臣有因事欲稽攷者奏請詣閱以為常規則於文治有裨焉疏上帝嘉納之尋有是命三編十三年正月給事中許天錫言去歲闕里孔廟災今茲建安又火古今書板蕩為灰燼闕里道所從出書林文章所萃聚也頃師儒失職正教不脩上之所尚者浮華下之所習者枝葉災變之作似欲為儒林一掃積垢宜因此遣官臨視刊定經史有益之書其於培養人才實非淺鮮所司議從其言天錫傳正德十年大學士梁儲等請檢內閣並東閣藏書殘闕者令原管主事李繼先等次第脩補從之由是其書為繼先

等所盜亡失者多矣實錄

嘉靖十五年御史徐九臬上議欲查歷代藝文志書目參對凡經籍不全者行士民之家借本送官謄寫原本給還且加優賞又乞上御便殿省閱章奏處分政事賜見講讀諸臣辨析經旨下禮部議野獲編

禮臣覆奏命翰林院查祕閣所貯經籍有無缺遺不備之處備開書目通行兩京及撫按衙門轉行提學官員用心採訪凡藝文志所載歷代遺書及本朝名臣碩儒所著述文集凡有補於世教者一體收採藏貯王圻通考

明會要卷三十六

七

六十九卷子類十二共三萬九千二百一十一卷集類三共二萬九千九百六十六卷藝文志

日下舊聞云考正統六年編定目錄凡四萬三千二百餘冊而列朝實錄寶訓不下數千卷若永樂一書多至二萬二千九百三十七卷皆藏諸皇史宬不與焉縹緲之富古所未有其後典守不嚴歲久被竊萬厯三十三年內閣敕房辦事大理寺左丞寺副孫能傳中書舍人張萱等奉閣論校理纂輯書目則并累朝續添書籍入焉大半殘闕較之正統目錄十僅存二三爾

編輯

洪武二年八月脩禮書詔舉素志高潔博通古今練達時宜之士年四十以上者禮送至京曾魯及梁寅宋訥徐一夔劉子周子諒胡行簡劉宗弼董彝蔡深滕公琰並與焉明年正月書成賜名大明集禮其書準五禮而益以冠服車輅儀仗鹵簿字學音樂凡升降儀節制度名數纖悉畢具通紀

三年十二月大明志書成先是命儒士魏俊民黃箴劉儼丁鳳鄭思先鄭雄等六人類編天下州郡地理形勝降附始末至是書成命送祕書監刊行藝文志

明會要卷三十六

八

六年三月昭鑑錄成先是命陶凱張箴等采摭漢唐以來藩王善惡可為勸戒者會凱出參行省編輯未成乃命文原吉王傑等續修之至是書成二卷頒賜諸王三編
七年五月命詹同宋濂等纂修日厯自起兵臨濠至洪武六年凡一百卷同等又言日厯祕天府人不得見請做唐貞觀政要分輯聖政宣示天下帝從之乃分四十類為書五卷名曰皇明寶訓嗣後凡有政蹟史官日記錄之隨類增入焉通紀
十三年六月上命儒臣纂輯歷代諸王大臣宗戚宦官之悖逆不道者凡二百十二人命曰臣戒錄頒布中外以昭炯鑒大政記

又詔儒臣採歷代史所載相臣賢者自蕭何至文天祥八
十二人爲傳十六卷不肖者自田蚡至賈似道二十六人
爲傳四卷命曰相鑒太祖製序藝文志

十六年二月大學士吳沈等進精誠錄先是上將享太廟
致齋於武英殿召沈等謂之曰朕聞古聖賢書其垂訓立
教大要有三曰敬天曰忠君曰孝親君能敬天臣能忠君
子能孝親則人道立矣然其言散在經傳未易會其要領
卿等其以類編輯庶便觀覽至是書成上賜名精誠錄命
沈序之王圻通考

明會要卷二十六

九

二十六年二月諸司職掌成頒布中外又編輯稽制錄御

製序文頒示功臣明政統宗

十一月命儒臣輯歷代諸王宗室爲惡及悖逆者編次成
書命曰永鑑錄頒賜諸王昭代典則

二十七年九月庚申脩寰宇通衢書成其方隅之目有八
東距遼東都司東北至三萬衛西極四川松潘衛西南距
雲南金齒南逾廣東崖州東南至福建漳州府北暨北平
大甯衛西北至陝西甘肅橫一萬一千七百五十里縱一
萬九百里三編

是歲命博士錢宰等編輯書傳會選成凡六卷初帝以蔡
沈書傳象緯運行與朱子詩傳相悖其他注與鄒季友所

論有未安者徵天下宿儒訂正之書成頒行天下趙做傳

二十八年九月庚戌頒皇明祖訓初上命陶凱等編輯祖
訓錄六年書成自爲之序命大書揭於右順門之西廡隨
時損益至是重加裁定名曰皇明祖訓頒示內外諸司諭
曰後世有敢言更制者以奸臣論毋赦三編

永樂五年十二月修永樂大典書成先是元年秋七月帝
諭侍讀翰林學士解縉等曰天下古今事物散載諸書篇
帙浩穰不易檢閱朕欲悉采各書所載事物類聚之而統
之以韻嘗觀韻府回溪二書事雖有統而紀載大略爾等
其如朕意凡書契以來經史子集百家至於天文地志陰

明會要卷二十六

十

陽醫卜僧道技藝之言備輯爲一書毋厭浩繁二年十一
月解縉等進所纂錄韻書賜名文獻大成既而上覽所進
書尙多未備遂命重脩敕太子少師姚廣孝刑部侍郎劉
季篪及縉總之命翰林院學士王景侍讀學士王達國子
祭酒胡儼司經局洗馬楊溥儒士陳濟爲總裁翰林院侍
讀鄒緝脩撰王袞梁潛吳溥李貫楊觀曾榮編脩朱紘檢
討王洪蔣驥潘幾王偁蘇伯厚張伯穎典籍梁用行庶吉
士楊相左春坊左中允尹昌隆宗人府經歷高得暘吏部
郎中葉砥山東按察僉事晏璧爲副總裁命禮部簡中外
官及四方宿學老儒有文章者充纂脩簡國子監及在外

郡縣學能書生員繕寫開館於文淵閣命光祿寺給朝暮膳至是書成凡二萬二千九百三十七卷一萬一千九十五冊賜名永樂大典帝親製序冠之賜廣孝等二千一百六十九人鈔有差

十二年十一月命學士胡廣等脩五經四書及宋儒性理諸書論白五經四書傳註之外諸儒有發明者其採附於下周程張朱所著如太極通書西銘正蒙亦類聚成編命舉朝臣及四方文學之士同纂脩開館東華門外廣等總其事書成名曰大全已上三編

十四年十二月黃淮等奉敕編輯歷代名臣奏議書成上之凡三百五十卷藝文志

宣德元年四月御製外戚事鑑歷代臣鑑成頒賜外戚及羣臣諭曰治天下之道必自親親始文武諸臣欲同歸於善前事之不忘後事之師也故於暇日采輯前代外戚及羣臣善惡吉凶之迹彙為此書用示法戒其擇善而從以保福祿並手自製序頒之外戚事鑑五卷歷代臣鑑三十

七卷編三
宣宗又采經傳子史嘉言善行爲五倫書六十二卷正統中英宗製序刊行藝文志
宣德三年御製帝訓御製官箴成各一卷王圻通考

景泰七年五月己巳朔大學士高穀等脩寰宇通志成上之凡一百十九卷大政記

天順二年八月詔脩一統志諭李賢彭時呂原曰朕欲覽天下輿圖之廣我太祖太宗嘗命儒臣纂輯未竟厥緒景泰間雖有成書繁簡失當卿等尙折衷精要繼成初志於是命賢等爲總裁官書成凡九十卷

成化十九年十二月庚午御製文華大訓成以教皇太子也書凡二十八卷上親製文弁其首

二十三年孝宗卽位禮部侍郎邱濬進大學衍義補凡六十一卷上覽稱善進濬尙書賚金幣詔刊行其書既濬以書中所載皆可見之行事請摘其要者下內閣議行報可

宏治十年三月命內閣及翰林儒臣纂脩大明會典上以累朝典制散見疊出宜會於一乃命徐溥等條次以本朝官職制度爲綱事物名數儀文等級爲目類以頒降羣書附以歷年事例使官領其屬事職於官以成一代之制十五年十二月己酉書成上之凡一百八十卷

嘉靖五年十月庚午御製敬一箴及注范浚心箴程頤視聽言動四箴頒賜大學士費宏等已上通紀
七年三月己卯詔儒臣重校大明會典訂正訛謬增入續

明會要卷三十六

十一

明會要卷三十六

十一

定事例先是上閱會典冠禮目中有成化十四年謁謝奉先奉慈殿之文奉慈殿乃孝宗即位始建上以謬誤顯然乃有重校之舉實錄

六月辛丑朔明倫大典成上之帝自製序并其首命張璁為後序刊布天下三編

顧璘脩興都志二十四卷世宗以其載獻帝事實於志體例不合詔徐階等重脩名承天大志凡四十卷藝文志

萬厯四年詔復脩大明會典是書重脩於嘉靖二十八年進呈未刊至是禮臣題請從之書成凡二百二十八卷通紀

王可大國憲家猷五十六卷萬厯中御史言內閣絲綸簿志

粹無可考惟是書載之遂取以進藝文志

明會要卷二十六

明會要卷二十六終

明會要卷二十七

永新龍文彬纂

運厯上

厯

吳元年十一月乙未冬至太史院進戊申歲大統厯太祖謂劉基曰古者以季冬頒來歲之厯似為太遲今於冬至亦未宜明年以後皆以十月朔進時所詳定皆出自基及其屬高翼之手太祖命詳校而後刊之昭代典則洪武元年改太史院為司天監二年徵元回厯官鄭阿里等十一人至京議厯法占天象王圻通考

明會要卷二十七

三年改監為欽天設四科曰天文曰漏刻曰大統厯曰回厯以監令少監統之歲造大統民厯御覽月令厯七政躔度厯六壬遁甲厯四季天象占驗厯御覽天象錄各以時上其日月交食分秒時刻起復方位先期以聞

十五年九月詔翰林李紳吳伯宗譯回回厯書已上厯志

十七年閏十月漏刻博士元統言厯以大統為名而積分猶踵授時之數非所以重始敬正也况授時以至元辛巳為厯元至洪武甲子積一百四年以七十年而差一度之大約計之每歲應差一分五十秒辛巳至今年遠數盈漸差天度擬合脩改今以洪武甲子歲前冬至為大統厯元

而七政運行有遲速逆順，見之不齊，其理深奧，未易推演。聞有郭伯玉者，精明九數之理，宜徵令推算，以成一代之制。報可。擢統爲監令，統乃取授時厯，去其歲實消長之說，析其條例，得四卷，以洪武十七年甲子爲厯元，命曰大統厯法通軌。昭代典

二十六年，欽天監副李德芳上書言：臣按故元至元辛巳爲厯元，上推往古每十年長一日，每百年消一日，其法至密不可易也。今監正元統改作洪武甲子，厯元不用消長之法，以考春秋晉獻公十五年戊寅歲，天正冬至比辛巳爲元，差四日六時五刻，不合實測。今宜復用辛巳爲元，及

明會要卷二十七

二

消長法疏入元統，奏辨上曰：二說皆難憑，但驗七政交會行度無差者爲是。於是欽天監以大統厯元用洪武甲子而推算，仍依授時法。明政統宗

永樂遷都，順天仍用應天，冬夏晝夜時刻至正統十四年始改用順天之數。其冬景帝卽位，天文生馬軾奏晝夜時刻不宜改，下廷臣集議。監正許惇等言：前監正彭德清測驗得北京北極出地四十度，比南京高七度，有奇。冬至晝三十八刻，夏至晝六十二刻，奏準改入大統厯，永爲定式。軾言誕妄不足聽，帝曰：太陽出入度數當用四方之中，今京師在堯幽都之地，甯可爲準。此後造厯仍用洪永舊制。

景泰元年正月辛卯卯正三刻月食，監官誤推辰初初刻，致失救護，下法司論徒詔宥之。成化十年，以監官多不職，擢雲南提學童軒爲太常寺少卿，掌監事。十五年十一月戊戌望月食，監推又誤，帝以天象微渺，不之罪也。

十七年，真定教諭俞正己上改厯議，詔禮部及軒參考尙書周洪謨等言：正己止據皇極經世書及歷代天文厯志推算氣朔，又以己意創爲八十七年約法，每月大小相間，輕率狂妄，宜正其罪。遂下正己詔獄。十九年，天文生張陞上言：改厯欽天監謂祖制不可變，陞說遂寢。

明會要卷二十七

三

正德十五年，禮部員外郎鄭善夫言：日月交食，日食最爲難測，月食惟以距交遠近別無四時加減，且月小闇虛大，八方所見皆同，若日爲月所掩，則日大而月小，日上而月下，日遠而月近日，行有四時之異，月行有九道之分。故南北殊觀，時刻亦異，必須據地定表，因時求合。如正德九年八月辛卯日食，厯官報食八分六十七秒，而閩廣之地遂至食既，時刻分秒安得而同？今宜按交食以更厯元時刻分秒，必使奇零剖析詳盡，不然積以歲月，躔離眇眇，又不合矣。不報。

嘉靖七年，欽天監奏閏十月朔回回厯推日食二分四十

七秒大統麻推不食已而不食十九年三月癸巳朔臺官言日當食已而不食帝喜以為天眷然實由推步之疏也

已上麻志

周述學邃於麻學撰中經用中國之算測西域之占又推究五緯細行為星道五圖於是七曜皆有道可求與武進唐順之論麻取歷代史志之義正其訛舛刪其繁蕪又撰大統萬年二麻通議以補歷代之所未及

周述學傳

萬麻十二年十一月癸酉朔大統麻推日食九十二秒回麻推不食已而回回麻驗禮科給事中侯先春請以回回麻纂入大統麻中以備考驗詔可

月象卷三十七

四

二十三年鄭世子載堉進聖壽萬年麻律麻融通二書

麻志

三十八年十一月壬寅朔日有食之欽天監推日食分秒及虧圓之候職方郎中范守己疏駁其誤禮官因請博求知麻學者令與監官晝夜推測庶麻法靡差於是五官正周子愚言大西洋歸化遠臣龐迪莪熊三拔等攜有彼國麻法多中國典籍所未備者乞視洪武中譯西域麻法例取知麻儒臣同監官譯上以資采擇禮部議覆從之並召邢雲路及南京工部員外郎李之藻使參預麻事

明紀

崇禎二年五月乙酉朔日有食之禮部侍郎徐光啟依西

法豫推順天府見食二分有奇瓊州食既大甯以北不食大統回回所推食分時刻與光啟互異已而光啟法驗餘皆疏帝切責監官於是五官正戈豐年等言大統乃洪武時所定實即郭守敬授時麻也自至元十年造麻越十八年為大德三年八月已當食不食六年六月又食而失推是時守敬方知院事已不能無乖錯况斤斤守法者哉今若循舊向後必不能無差光啟亦言歲差環轉歲實參差天有緯度地有經度列宿有本行月五星有本輪月有真會視會皆古所未聞惟西法有之宜取以參互考訂與大統法會同歸一尋上麻法脩正十事其一議歲差每歲東

明象卷三十七

五

行漸長漸短之數以正古來百年五十年六十年多寡互異之說其二議歲實小餘昔多今少漸次改易及日景長短歲歲不同之因以定冬至以正氣朔其三每日測驗日行經度以定盈縮加減真率東西南北高下之差以步日躔其四夜測月行經緯度數以定交轉遲疾真率東西南北高下之差以步月離其五密測列宿經緯行度以定七政盈縮遲疾順逆違離遠近之數其六密測五星經緯行度以定小輪行度遲疾留逆伏見之數東西南北高下之差以推步凌犯其七推算黃道赤道廣狹度數密測二道距度及月五星各道與黃道相距之度以定交轉其八議

日月去交遠近及真會視會之因以定距午時差之真率以正交食其九測日行考知二極出入地度數以定周天緯度以齊七政因月食考知東西相距地輪經度以定交食時刻其十依唐元法隨地測驗二極出入地度數地輪經緯以求晝夜晨昏永短以正交食有無先後多寡之數因薦南京太僕少卿李之藻西洋人龍華民鄧玉函善推步報可遂開麻局以光啟爲監督西法之行自此始初西法與回回麻相同周天三百六十度度六十分分六十秒一日十二時時八刻刻十五分有閏日無閏月迨入中國又通融中法始置閏月窮推詳測益加精密而授時大統

明會要卷二十七

六

之說始細三編

李之藻疏言西洋歸化陪臣如龐迪莪龍華民熊三拔陽瑪諾諸人所言天文麻數有我國昔賢所未及者一曰天包地外地在天中其體皆圓皆以三百六十度算之地徑各有測法從地窺天其自地心測算與其地面測算者皆有不同二曰地面南北其北極出地高低度分不等其赤道所離天頂亦因而異以辨地方風氣寒暑之節三曰各處地方所見黃道各有高低斜直之異故其晝夜長短亦各不同所得日影有表北影有表南影亦有周圍圓影四曰七政行度不同各自爲一重天層層包裹推算周徑

各有其法五曰列宿在天另有行度以二萬七千餘歲一周此古今中星所以不同之故不當指列宿之天爲晝夜一周之天六曰日月五星之天各有小輪原俱平行特爲小輪旋轉於大輪之上下故人從地面測之覺有順逆遲疾之異七曰歲差分秒多寡古今不同蓋列宿天外別有兩重之天動運不同其一東西差出入二度二十四分其一南北差出入一十四分各有定算其差極微從古不覺八曰七政諸天之中心各與地心不同處所春分至秋分多九曰秋分至春分少九日此由太陽天心與地心不同處所人從地面望之覺有盈縮之差其本行初無盈縮九日

明會要卷二十七

七

大陰小輪不但算得遲疾又且測得高下遠近大小之異交食多寡非此不確十曰日月交食隨其出地高低之度看法不同而人從所居地面南北望之又皆不同兼此二者食分乃審十一曰日月交食人從地面望之東方先見西方後見凡地面差三十度則時差八刻五分而以東西相距二百五十里作一度南北則視所離赤道以爲減差十二曰日食與合朔不同日食在午前則先食後合在午後則先合後食凡出地入地之時近於地平其差多至八刻漸近於午則其差時漸少十三曰日月食所在之宮每次不同皆有捷法定理可以用器轉測十四曰節氣當求

太陽真度如春秋分日乃太陽正當黃赤二道相交之處不當計日勻分凡此十四事前此天文麻志諸書皆未論及惟諸臣不徒論其度數又能論其所以然之理蓋緣彼國不以天文麻學為禁五十年來通國之俊曹聚而講究之故窺測密而研究審春明夢餘錄

六年光啟以病辭麻務以山東參政李天經代之踰月而光啟卒七年魏文魁上言麻官所推交食節氣皆非是於是命文魁入京測驗是時言麻者四家大統回回外別立西洋為西局文魁為東局言人人殊紛若聚訟焉志十年正月辛丑朔日食李天經等豫推京師見食一分一

明會要卷二十七 八

十秒應天及各省分秒各殊惟雲南太原則不見食其初虧食甚復圓時刻亦各異大統推食一分六十三秒回回推食三分七十秒東局所推止游氣侵光三十餘秒而食時推驗惟天經為密時將廢大統用新法於是管理另局麻務代州知州郭正中言中麻必不可盡廢西麻必不可專行四麻各有短長當參合諸家兼收西法十一年正月乃詔仍行大統麻如交食經緯晦朔望因年遠有差者旁求參考新法與回回科並存西洋人之來中土者皆自稱甌羅巴人其麻法與回回同而加精密嘗考前代遠國之人言麻法者多在西域而東

南北無聞唐之九執麻元之萬年麻及洪武間所譯回回麻皆西域也蓋堯命羲和仲叔分宅四方羲叔和叔則以岬夷南交朔方為限獨和仲但曰宅西而不限以地豈非當時聲教之西被者遠哉至於周末疇人子弟分散西域天方諸國接壤西番非若東南有大海之阻又無極北嚴寒之畏則抱書器而西征勢固便也甌羅巴在回回西其風俗相類而好奇喜新競勝之習過之故其麻法與回回同源而世世增脩遂非回回所及亦其好勝之俗為之也羲和既失其守古籍之可見者僅有周髀而西人渾蓋通憲之器寒熱五帶之說地圓之理正方之法皆不能出周

明會要卷二十七 九

髀範圍亦可知其源流之所自矣時帝已深知西法之密迨十六年三月乙丑朔日食測又獨驗八月詔西法果密即改為大統麻法通行天下未幾國變竟未施行明制麻官皆世業成宏間尙能建脩改之議萬麻以後則皆專己守殘而已其非麻官而知麻者鄭世子而外唐順之周述學陳瓌袁黃雷宗皆有著述唐順之未有成書其議論散見周述學之麻宗通議麻宗中經袁黃著麻法新書其天地人三元則本之陳瓌而雷宗亦著合璧連珠麻法皆會通回回麻以入授時雖不能如鄭世子之精微其

於中西麻理亦有所發明邢雲路古今律麻考或言本出魏文魁手文魁學本膚淺無怪其所疏授時皆不得其旨也

已上麻志

歲差

初宏治欽天監推月食屢不應日食亦舛正德十二三年連推日食起復皆不合欽天監博士朱裕乃上言至元辛巳距今二百三十七年歲久不能無差若不量加損益恐愈久愈舛乞簡大臣總理其事令本監官生半推古法半推新法兩相交驗回科推驗西域九執麻法仍遣官至各省候土圭以測節氣早晚往復參較則交食可正而七

明會要卷二十七

十

政可齊部覆言裕及監官麻學未必皆精今十月望月食中官正周濂等所推算與古法及裕所奏不同請至期考驗既而濂等言日躔歲退之差一分五十秒今正德乙亥距至元辛巳二百三十五年赤道歲差當退天三度五十二分五十秒不經改正推步豈能有合臣參詳較驗得正德丙子歲前天正冬至歲氣應二十七日四百七十五分命得辛卯日丑初初刻日躔赤道箕宿六度四十七分五十秒黃道箕宿五度九十六分四十三秒為麻元其氣閏轉交四應併周天黃赤道諸類立成悉從歲差隨時改正望敕禮臣併監正董其事部奏古法未可輕變請仍舊法

別選精通麻學者同濂等以新法參驗更為奏請從之麻嘉靖二年九月光祿寺少卿華湘疏黃帝迄秦麻凡六改漢凡五改由魏迄隋十三改唐迄五代十六改宋十八改金迄元三改然歷代長於麻者不數歲而輒差杜預曰陰陽之運隨動而差差而不已遂與麻錯夫所以差者由天周有餘日周不足也天周有餘則天常平運而舒日周不足則日常內轉而縮大日之差於中星驗焉堯之冬至初昏昴中而日在虛七度虛者北方之宿則日行北陸躔於元枵之子也今之冬至初昏室中而日在箕三度箕者東方之宿則日行東陸躔於析木之寅也計今去堯未四千

明會要卷二十七

十一

年而差五十度矣再以赤道考之勝國至元辛巳改麻天正冬至赤道歲差一分五十秒今退天三度五十二分五十秒也黃道歲差九十二分九十八秒今退天三度二十五分七十四秒也年愈遠而數愈盈正德戊寅日食庚辰月食時刻分秒起復方位多與欽天監推算不合古今善推算者三家漢太初以鐘律唐太衍以著策元授時以晷景而晷景為近欲正算而不登臺測景皆空言臆說也望許臣暫罷朝參督中官正周濂等及冬至前詣觀象臺晝夜推測日記月書至來年冬至以驗二十四氣分至合朔日躔月離黃赤二道昏旦中星七政四餘之度視元辛巳

所測離合何如差次錄聞更敕禮部延訪精通理數者徵赴京師令詳定歲差以成一代之制從之春明夢餘錄

漢自鄧平改麻之後洛下閎謂八百年當差一度當時史官考諸上古中星知太初麻已差五度而閎未究蓋古之為麻未知有歲差之法其論冬至日躔之宿一定而不移不知天日會道不得均齊餘分積久度數必爽今歲之日躔在冬至者視去歲冬至之躔常有不齊之分至虞喜始覺其差乃以天為天歲為歲立差法以追其變而算之約以五十年日退一度然失之太過宋何承天倍增其數約以百年退一度而又不及至隋劉焯取二家中數以七十

大明會要卷二十七

圭

五年為近之然亦未甚密至唐僧一行乃以太衍麻推之得八十三年而差一度自唐以來麻家皆宗其法然猶未至也至元朝郭守敬算之約六十六年而差一度算已往減一算算將來加一算而歲差始為精密然至今三百餘年臺官推演又多不合天道識者往往奏請再改麻元以正歲差嗟乎天動物也進退盈縮未免少有不齊一定之法何可拘也况定歲之法四期餘一日之數分於四期則二至之定每疑於絲忽之間須酌量以定無常準者定日之法一日變為九百四十晝者以氣朔有不盡之數難分也每月三十日一氣盈四百十二晝二十五秒一朔虛四

百四十一晝積盈虛之數以成閏故定朔必視四百四十一晝之前後以為朧朧故定朔每疑於一晝之間要亦須酌量以定無常準者如日月交食之法時刻分秒最為精微及至半秒難分之處亦須酌量以定無常準焉夫至之絲忽朔之一晝食之半秒積之歲久則皆差失不合原算矣以天道不齊之動加以歲久必差之法欲守一定之算夫安可得是故隨時考驗以求合於天此為至當同上

二十三年鄭世子載堉上疏論歲差曰高皇帝革命時元麻未久氣朔未差故不改作但討論潤色而已積年既久氣朔漸差後漢志言三百年斗麻改憲今以萬麻為元而

大明會要卷二十七

圭

九年辛巳歲適當斗麻改憲之期又協乾元用九之義麻元正在是矣臣嘗取大統與授時二麻較之考古則歲差三日推今則時差九刻夫差雖九刻處夜半之際所差則隔一日節氣差天一日則置閏差一月閏差一月則時差一季時差一季則歲差一年其失豈小小哉蓋因授時減分太峻失之先天大統不減失之後天因和會兩家酌取中數定為新率編撰成書下禮臣議尚書范謙奏歲差之法自虞喜以來代有差法之議竟無畫一之規所以求之者大約有三考月令之中星測二至之日景驗交食之分秒考以衡管測以臬表驗以漏刻斯亦僥得之矣麻家以

周天三百六十五度四分度之一紀七政之行又析度為百分分為百秒可謂密矣然渾象之體徑僅數尺布周天度每度不及指許安所置分秒哉至於臬表之樹不過數尺漏刻之籌不越數寸以天之高且廣也而以尺寸之物求之欲其纖微不爽不亦難乎故方其差在分秒之間無可驗者至踰一度乃可以管窺耳此所以窮古今之智巧不能盡其變與即如世子言時差九刻在亥子之間則移一日在晦朔之交則移一月此可驗之於近也設移於前則生明在二日之昏設移而後則生明在四日之夕今似未至是也其書應發欽天監參訂測驗世子留心麻學宜賜敕獎諭從之

明會要卷三十七

齒

河南僉事邢雲路上書言治麻之要無踰觀象測景候時籌策四事今丙申年日至臣測得乙未日未正一刻而大統推在申正二刻相差九刻且今年立春夏至立冬皆適值子午之交臣推立春乙亥而大統推丙子夏至壬辰而大統推癸巳立冬己酉而大統推庚戌相隔皆一日若或直元日於子半則當退履端於月前而朝賀大禮在月正二日矣豈細故耶閏八月朔日食大統麻推初虧已正二刻食幾既而臣候初虧已正一刻食止七分餘大統實後天幾二刻則閏應及轉應交應各宜增損之矣已上麻志

雲路又言授時麻至元辛巳黃道躔度十二交宮界守敬所測也至今三百餘年冬至日躔已退五度則宜另步日躔宮界另以赤道變黃道以合今時在天宮界從古麻家未有以三百年後仍用三百年前黃道者又月建非關斗杓所指斗杓有歲差而月建無改移皆篤論也

明會要卷三十七

圭

刑科給事中李應策亦言麻理微妙日月五星運轉交會咸取應於窺管測表歐陽脩所謂事之易差者果以鐘律為數無差則太初麻宜即定於漢而後之為三統四分者若何又果以著策為術無差則大衍麻宜即定於唐而後之為五紀貞元觀象者又若何蓋陰陽迭行隨動而移移而錯錯而乖違日陷不止則躔離之謬分至之忒積此焉窮雲路所議四事應宜俱改使得中祕星麻書一編閱而校焉必更有得於是欽天監正張應侯疏詆雲路之誣禮部言使舊法無差誠宜世守今既覺少差失今不脩將歲愈久而差愈遠其何以齊七政而釐百工乞以雲路提督欽天監事督率官屬精心測候以成鉅典議上不報崇禎十四年禮臣言自古麻法數十年一改而守敬之麻行之已三四百年矣小差者惟日月交食時同刻異無大懸絕至置閏之差起於春秋分所差二日而西麻所定之日即舊麻所註晝夜各五十刻之日也在今日西法較密

在異時亦難保其不差一番更改良不易言請照回科
例另立新法一科遇交食節氣同異據法測驗而後徐商
更改庶有當乎已上春明
夢餘錄

明會要卷二十七

未

明會要卷二十七終

明會要卷二十八

運麻下

永新龍

文彬

測影

正統十一年八月作晷影堂

昭代
典則

正德十六年漏刻博士朱裕言晷表尺寸不一難以準測
而推算麻數用南京日出分秒似相矛盾請敕大臣一員
總理其事鑄立銅表考四時日中之影仍於河南陽城察
舊立土圭以合今日之晷及分立圭表於山東湖廣陝西
大名等處以測四方之影然後將內外晷影新舊麻書錯

明會要卷二十八

綜參驗撰成定法庶幾天行合而交食不謬疏入不報天文志

鄭世子載堉曰何承天立表測影始知自漢以來冬至皆
後天三日然則推步晷影乃治麻之要也授時麻亦憑晷
影為本而麻經不載推步晷影之術是為缺略今用北極
出地度數兼弧矢二術以求之庶盡其原又隨地形高下
立差以盡變前此未有也又曰冬至之景一丈有餘表高
晷長則影虛而淡或設望筒副表影符之類以求實影然
望筒或一低昂副表影符或一前卻所據之表或稍有傾
欹圭面或稍有斜側二至前後數日之影進退止在毫釐

一第... 升... 4... 三...

之間要亦難辨况委託之人未知當否九服之遠既非日擊所報晷影甯足信乎志麻

宣城梅文鼎曰圭表之法表短則分秒難明表長則影虛而淡郭守敬所以立四丈之表用影符以取之也日體甚大豎表所測者日體上邊之影橫表所測者日體下邊之影皆非中心之數郭守敬所以於表端架橫梁以測之也然而非其本必須正其表焉平其圭焉均其度焉三者缺一不可以得影三者得矣而人心有粗細目力有利鈍任事有誠偽不可不擇也知乎此庶幾晷影可得矣天文志

明會要卷二十六

二

京三十二度半山東三十七度山西三十八度陝西三十六度河南三十五度浙江三十度江西二十九度湖廣三十一度四川二十九度廣東二十三度福建二十六度廣西二十五度雲南二十二度按雲南北極出地高於廣貴東此二十二度約計或誤州二十四度以上極度惟兩京江西廣東四處皆係實測其餘則據地圖約計之又以十二度度六十分之表測京師各節氣午正日影夏至三度三十三分芒種小暑三度四十二分小滿大暑四度十五分立夏立秋五度六分穀雨處暑六度二十三分清明白露八度六分春秋分十度四分驚蟄寒露十二度二十六分雨水霜降十五度五分立春立冬十七度四十七分大寒

小雪二十度四十七分小寒大雪二十三度三十分冬至二十四度四分同上

儀象

璣衡之象或謂起於伏羲或謂作於帝嚳或云乃羲和舊制非舜初為也馬融謂上天之體不可測知天之事者惟有璣衡一事即今渾天儀也王蕃之論儀之制置天梁地平以定天體為四游以綴赤道者此謂璣也置望筒橫簾於儀中以窺七曜之行而知其躔離之次者此謂衡也唐李淳風為三重儀在外曰六合其外曰三辰最內曰四游而一行復益之以黃道儀其為論亦密矣靖康之亂儀象

明會要卷二十六

三

歸於金元人襲之而規環不協難復施用於是郭守敬初為簡儀仰儀候極儀渾天象玲瓏儀立運儀證理儀景符春明錄閱凡日月食儀星晷定時儀皆以意為之始極精詳夢餘錄

渾天儀四柱以銅龍架而懸之簡儀相似而省十之七止周圍數道而已玉衡亦以銅為之如尺而首尾皆曲有二孔對孔直窺以候中星又有銅球左右轉旋以象天體以方函盛之函四周作二十八宿真形觀象臺下小室有量天尺有鑄銅人捧尺北面室穴其頂以候日中測影之長短冬至後可得一丈七尺夏至後可得二尺中為紫微殿

殿傍有銅壺滴漏其簡儀乃耶律楚材製同上

璿璣玉衡為儀象之權輿然不見用於三代周禮有圭表

壺漏而無璣衡其制遂不可考漢人初造渾天儀謂即璣

衡遺制其或然與厥後代有制作大抵以六合三辰四游

重環湊合者謂之渾天儀以實體圓球繪黃赤經緯度或

綴以星宿者謂之渾天象外此則圭表壺漏而已迨元作

簡儀仰儀闕几景符之屬制器始精詳矣

太祖平元司天監進水晶刻漏中設二木偶人能按時自

擊鈺鼓太祖以其無益而碎之

洪武十七年造觀星盤已上天志

明會要卷三十六

四

十八年十月丙申築觀星臺於雞鳴山昭代典則

二十四年鑄渾天儀天文志

仁宗即位作觀象臺於禁中大政記

正統二年行在欽天監正皇甫仲和奏言南京觀象臺設

渾天儀簡儀圭表以窺測七政行度而北京乃止於齊化

門城上觀測未有儀象乞令本監官往南京用木做造擊

赴北京以較驗北極出地高下然後用銅別鑄庶幾占測

有憑從之明年冬乃鑄銅渾天儀簡儀於北京御製觀天

器銘

十二年九月監正彭德清言北京北極出地度太陽出入

時刻與南京不同冬夏晝夜長短亦異今宮禁及官府漏

箭皆南京舊式不可用有旨令內官監改造

景泰六年造內觀象臺簡儀及銅壺已上天志

成化中禮部侍郎周洪謨以蔡傳所釋璿璣玉衡後人遵

用其制考驗多不同宜改製帝即屬洪謨洪謨易以木旬

日而就周洪謨傳

宏治二年監正吳昊言考驗四正日度黃赤二道應交於

壁軫觀象臺舊制渾儀黃赤二道交於奎軫不合天象其

南北兩軸不合兩極出入之度窺管又不與太陽出沒相

當故雖設而不同所用簡儀則郭守敬遺制而北極雲柱

差短以測經星去極亦不能無爽請修改或別造以成一

代之制事下禮部覆議令監副張紳造木樣以待試驗黃

道度許修改焉

嘉靖二年修相風杆及簡渾二儀已上天志

河南巡撫何天衢言登封縣舊有觀星測景二臺周公營

洛邑時手建遺蹟也土圭表漏具在乞敕欽天監官考正

制度尺寸書之史冊從之通紀

七年始立四丈木表以測晷影定氣朔由是欽天監之立

運儀正方案懸晷偏晷盤晷諸式具備於觀象臺一以元

法為斷

明會要卷三十六

五

萬厯中西洋人利瑪竇製渾儀天球地球等器仁和李之藻撰渾天儀說發明製造施用之法其製不外於六合三辰四游之法但古法北極出地鑄爲定度此則子午提規可以隨地度高下於用爲便耳

崇禎二年禮部侍郎徐光啟兼理厯法請造象限大儀六紀限大儀三平懸渾儀三交食儀一列宿經緯天球一萬國經緯地球一平面日晷三轉盤星晷三候時鐘三望遠鏡三報允已又言定時之法當議者五事一曰壺漏二曰指南鍼三曰表臬四曰儀五曰晷漏

七年八月右參政李天經請造沙漏明初詹希元以水漏

明會要卷三十八

六

至嚴寒水凍輒不能行故以沙代水然沙行太疾未協天運乃以斗輪之外復加四輪輪皆三十六齒厥後周述學病其竅太小而沙易堙乃更製爲六輪其五輪悉三十齒而微裕其竅運行始與晷協天經所請殆其遺意歟已上文

十四年禮部言寺臣李天經等所制日晷星晷星球星屏闕諸器多厯家所未備又言舊法用日度計日定率西法用天度因天立差舊法用黃道矩度西法用黃道緯度雖微有不同然其黃赤儀器與守敬簡儀仰儀候極景符玲瓏立運等儀亦皆相似特守敬之徒沿習不察耳春明夢餘

錄

句股

唐順之句股測望論句股所謂矩也古人執數寸之矩而日月之運行朧朧遲速之變山谿之高深廣遠凡目力所及無不可知蓋不能逃於數也句股之法橫爲句縱爲股斜爲弦句股求弦句股自乘相併爲實平方開之得弦句弦求股句弦自乘相減爲實平方開之得股股弦求句同法蓋一弦實藏一句一股之實一句一股之實併得一弦實也數非兩不可行因句股而得弦因股弦而得句因句弦而得股三者之中其兩者顯而可知其一者藏而不可

明會要卷三十八

七

知因兩以得三此句股法之可通者也至於遠近可知而高下不可知如卑則塔影高則日影之類塔影之在地者可量人足可以至於戴日之下而日與塔高低之數不可知則是有句而無股弦三者缺其二數不可起而句股之法窮矣於是立表之法蓋以小句股求大句股也小句股每一寸之句爲股長幾何則大句股每一尺之句其股長幾何可知矣此以人目與表與所望之高三相直而知之也人目至表小弦也人目至所望之高大弦也又法表爲小股其高幾何與至塔下之數相乘以小句除之則得塔高蓋橫之則爲小股至塔之積縱之則爲小句至塔頂

之積縱橫之數恰同是變句以為股因橫而得縱者也句股弦三者有一可知則立表之法可得而用若其高與遠之數皆不可知而但目力可極如隔海望山之類則句股弦三者無一可知而立表之法又窮矣於是其有重表之法蓋兩表相去幾何為影差者幾何因其差以求句股亦可得矣立表者以通句股之窮也重表者以通一表之窮也其實重表一表也一表句股也無二法也

春明夢餘錄

徐光啟曰句股即三邊直角形也底線為句底上之垂線為股對直角邊為弦句股上兩直角方形并與弦上直角方形等故句三股四則弦必五從此可以句股求弦句弦

明算卷三十八

八

求股股弦求句可以求句股中容方容圓可以各較求句求股求弦可以各和求句求股求弦可以大小兩句股互相求可以立表求高深廣遠以通句股之窮可以二表四表求極高深極廣遠以通立表之窮

句股義

權量

王煥如曰八音者聖人致中和之器也其制之長短廣狹小大輕重皆有數三三迭運九九相乘天地萬物之所生也太和元氣之所鍾也聲律家謂之元聲黃鐘者天地陰陽之和也今按黃鐘之長九寸十寸為尺十尺曰丈十丈曰引黃鐘之管其容子粟秬黍中者一千二百為龠十龠

曰合十合曰升十升曰斗十斗曰斛黃鐘之龠所容千二百黍其重十二銖兩龠則二十四銖為兩兩四分六銖銖十釁十黍黍凡二千四百得兩十六兩曰斤二斤曰襄十五斤曰稱三十斤曰鈞四鈞曰石三之九之損之益之以合陰陽之中以通律呂之和長短廣狹小大輕重以十有二律為之度數以十有二聲為之齊量紀之以三平之以六成之以十二天之道也

春明夢餘錄

李之藻曰凡度十丈曰引五丈曰端四丈曰疋十尺曰丈十寸曰尺十分曰寸而計田則橫一丈縱六十丈為畝四分其畝為一角角得方丈者十五十分其畝為一分分得

明算卷三十八

九

方丈者六得方尺者六百分以下釐毫析之而以百畝為頃五頃四十畝為邱凡量六粟為圭十圭為撮十撮為抄十抄為勺滿十而進之為合為升為斗為石石亦曰斛凡衡以兩為君兩有十錢錢有十分自分下什而析之曰釐曰毫曰絲曰忽曰微曰纖曰沙曰塵曰埃曰渺曰漠至細之倪惟所立名而十六兩為斤二百斤為引此公私通用之則也麻法每度百分每分百秒西麻則積六十秒為分積六十分為度秒以下俱以六十析之

同文算指

崇禎十四年上欲考定樂律命工部察周尺之制工部不能定移問禮部禮部覆云周尺之制古今推求不一有用

累黍者漢書律麻志云以子穀秬黍中者度之九十分爲黃鐘之長一黍爲分十分爲寸十寸爲尺顏師古云中者不大不小唐禮樂志云黍真則尺定尺定則律均宋竇儼司馬光等考定周尺用上黨黍十黍爲一寸是也有用指者古人按指知寸布手知尺舒臂知尋大禹聲爲律身爲度用左手中指三節三寸謂之君指裁爲宮聲之管許慎說文曰中婦人手長八尺謂之咫尺卽周尺也有用璧羨者考工記曰璧羨度尺好三寸以爲度蓋璧徑九寸羨而長之縱十寸橫八寸周謂之度尺則周之十寸八寸皆爲尺也有用粟者粟禾穗芒也淮南子曰律數十二故十

明會要卷二十六

十

二葉當一粟十粟而當一寸是也有用蠶絲者孫子算經云蠶吐絲爲忽自絲毫釐分而成一寸是也有用馬尾者易緯以十馬尾爲分是也詳考之竊謂人指則長短不同璧羨則古璧難得粟有輕重馬有巨細蠶絲秒忽難辨惟累黍之法爲正而又有謂圭璧之屬用指尺冠冕尊彝之屬用黍尺者又有謂歲有豐歉地有肥磽累黍較驗亦復不齊者故前代製尺非特用累黍又必求古器以雜較焉隋書所載麻代之尺十有五種第一種卽周尺與西漢劉歆銅斛尺東漢晉武銅尺晉荀勗律尺祖沖之銅尺皆合今去古既遠欲求確據惟我高皇帝時命宋濂冷謙等所

定樂律及劉基等所定欽天監晷影可憑而晷影尤其顯者宋和峴用西京銅望臬卽司天臺影銅臬下石尺也影表上可測天度數不爽况其他乎唐順之曰欽天監表尺乃元郭守敬所造比市尺止得八寸強守敬精於律麻決非妄作嘗取黑黍中者一千二百粒日乾之秤量重五錢者以九十粒橫之合爲九寸與表尺果合於今欲求周尺似不能舍是而他求矣抑又有說焉高皇帝制垂法當時製爲鎮圭定按周尺莫若以鎮圭之尺爲主若欲別造準尺必博按古器如表尺之屬兼求真黍參互考定非可懸虛臆決也疏入得旨著照鎮圭式造尺

明會要卷二十六

十一

審度嘉量權衡皆出於律自積黍之法不明黃鐘之說紛如聚訟近代鄭世子考羊頭山秬黍以時等則稱之百粒得二分五釐至兩龠二千四百重六錢則今之六錢爲古一兩以約度量今之八寸卽古一尺今之三斗卽古之一斛度以八爲率量以三爲率權以六爲率已上春明夢餘錄

時令

洪武四年正月癸卯帝謂中書省臣曰今日天寒有甚於冬京師尙爾况北邊荒漠之地冰厚雪深吾守邊將士甚艱苦爾中書其以府庫所儲布帛製棉衣運赴蔚朔甯夏等處以給將士大訓記

又謂中書省臣曰大亂未平民多轉徙失本業而軍費悉自民出今春時和宜令有司勸農事勿奪其時仍觀一歲中之收穫多寡立為勸懲農政全書

五年五月戊午夏至祭方丘禮畢駕還乾清宮謂皇后嬪妃曰方農時天久不雨苗未入土朕恐民之失望也甚憂之汝等宜皆蔬食自今日始俟雨澤降復常膳如故大訓記

十二年七月馮勝督建周王宮殿於開封府將以九月興役帝賜敕諭之曰中原民食所恃者麥耳近聞爾令有司集民夫九月赴工正當播種之時而役之是奪其時也過此地凍不得入土來歲何望敕至放還俟農隙之時赴工

明彙卷三十六

三

未晚也明政統宗

十三年置四輔官以四時為號命協贊政事均調四時會立冬朔風釀寒帝以為順冬令乃賜敕嘉勉安然傳

十五年諭刑官曰方春萬物發生而無知之民乃有犯法至死者雖有決不待時之律然於朕心有所不忍其犯大辟者減死論春明夢餘錄

諭都督府曰前遣囚往充遼東驛卒今天氣尚寒恐道途凍餒令就濟甯暫住待春暖遣行同上

二十一年解縉言治麻明時授民作事但申播植之宜何用建除之謬所宜著者日月之行星辰之次仰觀俯察事

合逆順七政之齊正此類也解縉傳

武定侯郭英請築魯王塋所享堂周垣上曰使民以時奈何當耕種之日急築垣以奪農時乎止之農政全書

永樂二年四月諭法司曰天氣向熱獄囚淹久必病令五府六部六科協助爾等盡數日疏決大訓記

又諭今春時和東作方興宜申明教術勸課農桑農政全書

宣德元年五月諭三法司曰古者孟夏斷薄刑出輕繫仲夏拔重囚益其食所以順時令重人命也祖宗時遇隆寒盛暑必命法司錄囚今天氣嚮炎不分輕重悉繫之非欽恤之道卿等當體此心即量輕重區別之務存平恕毋致

明彙卷三十六

三

深刻三編

五年二月帝以春和下詔寬郵三編

七年二月帝以春和諭法司錄囚帝親閱眾囚決遣千餘人減等輸納春審自此始刑法志

天順五年二月諭法司曰春陽肇序萬物咸新在京文武官除贓罪外諸犯錄悉與前除命奉公守法明政統宗

成化十年決囚冬至節近特命過節行刑既而給事中言冬至後行刑非時遂詔俟來年冬月刑法志

嘉靖四年二月乙卯御史王鼎言禮月令仲春命有司省囹圄去桎梏今所犯笞杖徒流罪淹繫經年不即遣釋多

以禁死足以干天地之和上是之詔內外理刑官凡獄成者各即放遣違者罪之實錄

二十二年御史何瓚言京師苦寒小民凍餒枕藉乞多方振救併行江北諸郡加惠以廣德意帝曰今歲嚴寒困窮

可憫亟行一體振之編三

二十四年正月上以春多疾疫命施藥於朝天門外溥濟貧民實錄

三十二年南京刑部尚書顧應祥秋奏決囚比得決單已

踰冬至二日例當復請應祥竟論決御史參劾上令應祥致仕王圻通考

明會要卷二十八

五

萬厯中刑部尚書孫丕揚奏五歲方恤刑恐冤獄無所訴

請敕天下撫按方春時和令監司按行州縣大錄繫囚按察使則錄會城囚死罪矜疑及徒流以下可原者撫按以

達於朝期毋過夏月孫丕揚傳

三十八年十一月朔日有食之禮部右侍郎翁正春言前

兩歲食四月朔純陽之月也今食十一月朔陽生之月也

仲冬之月於律爲黃鐘於卦爲復乃羣陰已極一陽初生之候而有此虧蝕其災異尤甚君德象日宜照臨宣布不宜闇汶閉藏自萬厯二十年後貨財日斂聚人才日剝落一切請補大僚考選起廢率皆不報六卿九列之地三五

晨星闐闐徒號天聽愈杳天下不見陽和舒育之氣如在窮陰沍寒之中是以上天譴告如此然日之食與更止在一時而皇上之寢與行止在一念誠翻然轉移立見改轍將日中之治可保無疆矣疏入不省編三

明會要卷二十八

五

明會要卷二十八終

明會要卷二十九

永新龍文彬纂

職官一

宗人府元太宗正府

洪武三年四月丙寅置大宗正院三十二年正月丙戌改爲宗人府設令一人左右宗正宗人各一人以秦王棖爲宗人令晉王橚爲左宗正燕王棖爲右宗正周王橚爲左宗人楚王楨爲右宗人其後以勳戚大臣攝府事不備官永樂初建都以北京宗人府爲行在命駙馬都尉永春侯王甯署府事其在南者爲南京宗人府不復降印

明會要卷二十九

十

正統三年始建府治以駙馬都尉西甯侯宋瑛掌之後遂爲定制已上夢餘錄

三公三孤元置三公未有三孤

洪武三年授李善長太師徐達太傅先是常遇春已贈太保三孤無兼領者職官志

建文永樂間罷公孤官仁宗卽位授張輔太師沐晟太傅陳懋太保蹇義進少師楊士奇進少傅夏原吉進少保於是公孤之官備弁山集

宣德三年十月乙酉上以蹇義夏原吉楊士奇楊榮四人皆春秋高賜璽書曰古者師保之職論道經邦不煩以政

少師義少傅士奇少保原吉太子少傅榮皆祖宗遺老畀輔朕躬今黃髮危齒尙令典煩劇兼有司之事非所以優之也其輟所務朝夕在朕左右討論治理共甯邦家其勳階爵祿並如故昭代公孤之官幾於專授迨義原吉卒士奇還領閣務自此以後公孤僅虛銜爲勳戚文武大臣加官增官而文臣無生加三公者惟贈乃得之職官志

嘉靖二年以楊廷和滿四考超拜太傅四辭而止本傳

張原疏祖宗設師傅保之官而處之禁密之地師導之教訓傅傳之德義保保其身體乃其職也今楊廷和少師也蔣冕少傅也毛紀費宏少保也皆陛下師臣也顧未得密

明會要卷二十九

二

勿論道之義乃登言章奏之間併置之不聽師臣如此臣屬何望明臣奏議

十九年加方士陶仲文少師久之加少傅仍兼少保二十

三年加少師仍兼傅保陶仲文傳文彬按明世一人徧歷文升李東陽楊廷和梁儲王瓊楊一清張孚敬夏言嚴嵩高拱徐階李春芳張居正張四維申時行凡十九人若兼領三孤則方

士仲文一人

二十六年加大同總兵官周尙文太保尙文傳

萬厯五年遼東總兵官李成梁加太保二十九年復鎮遼東加至太傅成梁傳文彬按明史尙文傳云終明之世總兵官加三公者尙文一人而已而成梁傳由太保加至太傅實不止尙文一人

九年張居正以十二載滿加太傅十年以遼東捷進太師
本傳文彬按明加太師者武臣如張輔張懋朱永張鶴齡徐光祚郭勛朱希忠皆勳戚也文臣則自李善長後唯居正一人

崇禎三年加孫承宗太傅辭不受四年以考滿加太傅復辭不受
本傳弁州云文臣無至三公獨張居正加太傅至太師錦衣帥無至三公孤獨陸炳加太保兼少傅方士無至三公孤獨陶仲文加至少師兼少傅少保三人皆楚產前後相去三十年後皆被追削

東宮六傅元東宮置三師三少不恆有
東宮六傅不列於詹事府無定員無專授為勳戚文臣兼官加官贈官王圻通考

明會要卷二十九

三

少傅常遇春兼太子少保三年禮部尙書陶凱請選人專任東宮官罷兼領庶於輔導有所責成帝論以江充之事可為明鑑立法兼領非無謂也職官志十九年李景隆兼太子太傅二十四年傅友德兼太子太師二十五年馮勝兼太子太師藍玉兼太子太傅常昇孫恪兼太子太保詹徽兼太子少保皆不聞有關掌以虛名被之而已弁山集
永樂二年四月以姚廣孝為太子少師時上狩北京廣孝留輔太子自是以後東宮師傅終明世皆為虛銜於太子輔導之職無與也同上
成化二十年十一月中旨進吏部尙書尹旻為太子太傅

舊制凡加大臣保傅皆賜敕授而旻獨以傳奉得之前此未有也大政記

宰輔元中書省

丞相 明初設中書省以李善長為右相國徐達為左相國吳元年官制尙左改善長為左達為右洪武元年改善長左丞相達右丞相常遇春平章軍國重事俞通海胡美廖永忠李伯昇為平章政事吳宏為左丞王溥為右丞趙庸張景楊憲參知政事九年汰平章政事參知政事十三年正月誅丞相胡惟庸遂罷丞相弁山集

明會要卷二十九

四

春官杜徵趙民望吳源為夏官秋冬官缺以本等攝之位列都督之次敕以協贊政事均調四時月分三旬人各司之以兩暘時若驗其稱職與否尋罷通紀
大學士 十五年十一月丙午初置大學士以禮部尙書劉仲質為華蓋殿大學士檢討吳伯宗為武英殿大學士翰林學士宋訥為文淵閣大學士典籍吳沈為東閣大學士使侍左右備顧問又置文華殿大學士召耆儒鮑恂余詮張長年等為之以輔導太子秩皆正五品昭代典故
十八年三月以翰林待詔朱善為文淵閣大學士大政記
二十八年敕諭羣臣國家罷丞相設府部院寺以分理庶

務立法至為詳善以後嗣君毋得議置丞相臣下有奏請
設立者論以極刑當是時以翰林春坊詳看諸司奏啟兼
司平駁大學士特侍左右備顧問而已

建文中改大學士為學士又改謹身殿為正心殿設正心
殿學士

成祖即位特簡解縉黃淮入直文淵閣胡廣楊榮楊士奇
金幼孜胡儼同入直預機務謂之內閣內閣之名及參預
機務自此始然其時入內閣者皆編檢講讀之官不置
官屬不得專制諸司諸司奏事亦不得相關白已上職官志

仁宗即位以榮士奇等皆東宮舊臣乃進士奇為禮部侍

明史卷三十九

五

郎兼華蓋殿大學士幼孜為戶部侍郎兼文淵閣大學士
淮為通政使兼武英殿大學士榮為太常卿兼謹身殿大
學士俱掌內制未幾榮士奇皆遷尙書閣職漸崇編三
永樂初命編修等官於文淵閣參預機務謂之內閣漸升
大學士諸職仁宗或加師保及尙書侍郎卿仍兼學士大
學士銜自後因之稱內閣大學士凡大學士加三師則為
一品加尙書二品侍郎三品若未加升而止係大學士者
則仍正五品詞林典故
洪熙元年三月辛未朔以光祿署丞權謹為文華殿大學
士無兼官亦不預機務謹去後文華不設大學士夢餘錄

宣宗屢幸內閣中外章奏宰相均用小票墨書貼名疏面
以進謂之條旨通典

舊規內閣皆出食於外宣德時始令置庖廚會食中堂
宣德以前內閣與外九卿為平交執禮持法不相顧忌宣
德以後三楊眷重漸柄朝政英宗以九歲登極凡事啟太
后太后避專令內閣議行此票旨之所由始也已上夢餘錄

明朝重冢宰景泰以前內閣未有兼吏部尙書者吏部尙
書入閣自王文始於時陳循則戶部尙書高穀則工部尙
書體統尊於三公而內閣之望益隆三編質實王圻通考

宏治四年邱濬以禮部尙書入閣王恕長六卿位濬上以

明史卷三十九

六

故事弗讓也濬不悅明年二月內宴濬居恕上其後由侍
郎詹事入閣者班皆列六部尙書上矣編三
內閣之職同於古相者以其主票擬也舊制紅本到閣首
輔票擬崇禎中始用分票首輔之權略分時御史倪元璐
下即令中書分之二見通典
崇禎八年帝將增置閣臣以翰林不習時務思用他官參
之召廷臣數十人各授一疏令擬旨遂擢張至發禮部左
侍郎兼東閣大學士自世宗朝許讚後外僚入閣自至發
始至發傳
給事中馮元飈上言政本大臣居實避名受功辭罪平時

養威自重遇天下有事輒曰昭代本無相名吾儕止供票擬上委之聖裁下委之六部持片語叢百欺夫中外之責孰大於票擬有漢唐宰相之名而更代天言有國初顧問之榮而兼隆位號地親勢峻言聽志行柄用專且重者莫如今日猶可謝天下責哉馮元

十一年帝欲閣臣通知六部事故每部簡一人首輔劉宇亮由吏部程國祥方逢年以禮楊嗣昌以兵蔡國用以工刑部無人以大理寺少卿范復粹代之程國祥

十六年命左副都御史方嶽貢以本官兼東閣大學士故事閣臣無帶都御史銜者自嶽貢始方嶽貢

識量

明會要卷二十九

七

成祖初楊榮與解縉等七人同入閣榮年少最警敏一日甯夏報被圍帝示以奏榮曰甯夏城堅人皆習戰奏上已十餘日圍解矣夜半果奏圍解帝謂榮曰何料之審也江西盜起遣使撫諭而令都督韓觀將兵繼其後賊就撫奏至帝欲賜救勞觀榮曰計發奏時觀尙未至不得論功帝益重之 永樂二十年復下詔征阿嚕台或請調建文時江西所集民兵帝問榮榮對曰陛下許民復業且二十一年一旦復徵之非示天下信從之 浙閩山賊起議發兵成祖時在塞外奏至以示榮榮曰愚民苦有司不得已相

聚自保兵出將益聚不可解遣使招徠當不煩兵從之盜果息 宣德元年漢王高煦反帝召榮定計榮首請帝親征曰彼謂陛下新立必不自行今出不意以大威臨之事無不濟帝從其計楊榮

永樂中阿嚕台歸款請得役屬吐蕃諸部求朝廷刻金作誓詞磨其金酒中飲諸酋長以盟眾議欲許之學士黃淮曰彼勢分則易制一則難圖矣帝謂左右曰黃淮論事如立高岡無遠不見黃淮

永樂五年廣東布政使徐奇載嶺南土物饋廷臣或得其自籍以進帝閱無楊士奇名召問對曰奇赴廣時羣臣作

明會要卷二十九

八

詩文贈行臣適病弗預以故獨不及今受否未可知且物微當無他意帝遽命燬籍 六年帝北巡士奇留輔太子太子喜文辭贊善王汝玉以詩法進士奇曰殿下當留意六經暇則觀兩漢詔令詩小技不足爲也太子稱善 仁宗卽位藩司守令來朝尙書李慶建議發軍伍餘馬給有司歲課其駒士奇曰朝廷選賢授官乃使牧馬是貴畜而賤士也何以示天下後世帝許中旨罷之 時有上書頌太平者帝以示諸大臣皆以爲然士奇獨曰陛下雖澤被天下然流徙尙未歸瘡痍尙未復民尙艱食更休息數年庶幾太平可期帝曰然因顧蹇義等曰朕待卿等以至誠

望匡弼惟士奇曾五上章卿等獨無一言豈果朝無闕政天下太平耶 宣德元年帝平高煦師還次單橋陳山迎謁請乘勝襲彰德執趙王楊榮力贊決士奇曰太宗皇帝三子今上惟兩叔父有罪者不可赦其無罪者宜厚待之疑則防之使無虞而已何遽加兵傷皇祖在天意乎比還京帝思士奇言謂曰議者多言趙王事奈何士奇曰趙最親陛下當保全之毋惑羣言帝曰吾欲封羣臣章示王令自處何如士奇曰得一璽書更善於是發使奉書至趙趙王大喜泣曰吾生矣即上表謝罪且獻護衛言者始息帝謂士奇曰趙王所以全卿力也 交趾數叛屢發大軍征

明皇卷二十九

九

討皆敗歿交趾黎利遣人偽請立陳氏後宣宗亦厭兵欲許之英國公張輔尙書蹇義以下皆言與之無名徒示弱天下帝召士奇榮謀二人力言陛下卹民命以綏荒服不爲無名漢棄珠崖前史以爲美談不爲示弱許之便尋命擇使交趾者蹇義薦伏伯安口辨士奇曰言不忠信雖蠻貊之邦不可行伯安小人往且辱國帝是之別遣使 七年閣中惟士奇榮溥三人榮遇事敢爲數從成祖北征能知邊將賢否阨塞險易遠近敵情順逆然頗通饋遺邊將歲時致良馬帝頗知之以問士奇士奇力言榮曉暢邊務臣等不及不宜以小青介意帝笑曰榮嘗短卿及原吉卿

乃爲之地耶士奇曰願陛下以曲容臣者容榮帝意乃解 正統初楊士奇言衛拉特漸強將爲邊患而邊軍缺馬恐不能禦請於附近太僕寺關領西番貢馬亦悉給之士奇歿未幾額森果入寇有土木之難識者思其言楊士奇傳 天順元年山東饑發帑振不足召徐有貞及李賢議有貞謂頒振徒中飽賢曰慮中飽而不貸坐視民死是因噎廢食也遂命增銀 保喇近塞獵石亨言傳國璽在彼可掩而取帝色動賢言璽不可啟璽不足寶事遂寢 賢嘗言內帑餘財不以卹荒濟軍則人主必生侈心而移之土木禱祀聲色之用前後頻請發帑賑貸卹邊不可勝計 石

明皇卷二十九

十

亨得罪帝復問賢奪門事賢曰迎駕則可奪門豈可示後天位乃陛下固有奪即非順且爾時幸而成功耳萬一事機先露亨等不足惜不審置陛下何地帝悟曰然賢曰若景泰果不起羣臣表請陛下復位此輩雖欲升賞以何爲功老臣耆舊依然在職何至有殺戮降黜事致干天象易曰開國承家小人勿用正謂此也帝曰然詔自今章奏勿用奪門字併議革冒功者四千餘人李賢傳 岳正素豪邁負氣敢言及爲帝所拔擢益感激思自效掌欽天監侍郎湯序者石亨黨也嘗奏災異請盡去奸臣帝問正正言奸臣無指名即求之人人自危且序術淺何足

信也乃止 有僧爲妖言錦衣校邏得之坐以謀反中官
牛玉請官邏者正言事縱得實不過坐妖言律邏者給賞
而已不宜官僧黨數十人皆得免或爲匿名書列曹吉祥
罪狀吉祥怒請出榜購之帝使正撰榜格正與呂原入見
曰爲政有體盜賊責兵部奸宄責法司豈有天子出榜購
募者且事緩之則白露急之則愈匿此人情也帝是其言
不問 亨從子彪鎮大同獻捷下內閣問狀使者言捕斬
無算不能悉致皆梟置林木間正按地圖指詰之曰某地
至某地皆沙漠汝梟置何所其人語塞岳正傳

明會要卷二十九

十一

可賢以語時俄中官牛玉宣旨時謂玉曰南人出時上者
不少何可抑之已選十五人南六人與焉 門達構賢帝
惑之曰去賢行專用時矣或傳其語時矍然曰李公有經
濟才何可去因力直之且曰去賢時不得獨留語聞帝意
乃解 成化四年都御史項忠討滿俊不利朝廷命撫甯
侯朱永將京軍赴援彭時度軍可無行第令整旅以待適
忠以圍石城馳疏至帝遣中官偕白圭程信至閣議時曰
賊四出攻掠鋒誠不可當今入石城自保我軍圍甚固此
困獸易禽耳信曰安知忠不退師時曰彼部分已定何故
退且今出師何時到信曰來春時曰如此益緩不及事事

成敗冬月決矣信忿出危言曰忠若敗必斬一二人然後
出師眾危之間時何所見曰觀忠疏曲折知其能若聞別
遣禁軍則退避不敢任賊不可知矣時惟商輅然其言至
冬賊果平人乃大服彭時傳

成化三年御史林誠誡商輅曾與易儲不宜用輅力求罷
帝曰昔唐太宗用王珪魏徵朕今用輅何不可乃下言者
獄欲加重譴輅曰臣嘗請優容言官今論臣反責之如公
論何帝悅遂不問 仁壽太后莊戶與民爭田帝欲徙民
塞外輅曰天子以天下爲家安用皇莊爲事遂寢 萬貴
妃重輅名出父像屬爲贊遺金帛甚厚輅力辭使者告以

明會要卷二十九

十二

妃意輅曰非上命不敢承也初帝召見皇子留宮中而紀
妃仍居西內輅恐有他患難顯言偕同官上疏曰皇子聰
明岐嶷國本攸繫重以貴妃保護恩踰已出但外議謂皇
子母因病別居久不得見宜移就近所俾母子朝夕相接
而皇子仍藉撫育於貴妃宗社幸甚由是紀妃遷永壽宮
商輅傳
正德時彭澤將西討鄯本恕問計楊廷和廷和曰以君才
賊不足平所戒者班師早耳澤後破誅本恕等卽班師餘
黨復蝟起不可制澤旣發復留嗟曰楊公先見吾不及此
也廷和傳 武宗崩太監谷大用張永至閣議所當立廷和舉

皇明祖訓示之曰兄終弟及誰能瀆焉興獻王長子憲宗之孫孝宗之從子大行皇弟之從弟序當立梁儲蔣冕毛紀咸贊之乃令中官入啟皇太后頃之中官奉遺詔及太后懿旨宣諭羣臣一如廷和請乃遣官奉迎廷和請於皇太后傳遺命罷威武團營各邊軍俱重賚散歸鎮江彬知天下惡己又見罷遣邊兵益內疑其黨勸彬反彬未決令許泰詣內閣探意廷和慰以溫言而密與冕紀及太監溫祥魏彬張永合謀捕之魏彬入白太后會神霄宮安獸吻令江彬入祭祭畢張永留彬飯故緩之俄而逮旨下彬被執廷和總朝政者三十七日及帝即位廷和草登極詔凡

明會要卷三十九

三

先朝蠹政釐抉且盡朝野皆稱新天子神聖且頌廷和功

通鑑輯覽

正德二年宸濠謀復護衛輦白金鉅萬遍賂朝貴錢甯及兵部尙書陸完主之大學士費宏入朝完迎問曰甯王求護衛可復乎宏曰不知當日革之者何故完曰今恐不能不予宏峻卻之及中官持奏至閣宏極言不當予詔卒予之 嘉靖時大同兵變張璁請討之宏曰討而勝玉石俱焚不勝彼將據城守損威重多矣莫若觀變而徐圖之事果旋定費宏傳 隆慶初羣小璫毆御史於午門都御史王廷將糾之大學

士徐階曰不得主名劾何益且慮彼先誣我乃使人以好語誘大璫先錄其主名廷疏上乃分別逮治有差 南京振武營兵屢譁階欲汰之慮其據孝陵不可攻也先令操江都御史唐繼祿督江防兵駐陵旁而徐下兵部分散之事遂定徐階傳

泰昌元年八月劉一燝入閣九月朔光宗崩諸臣入臨畢一燝詰皇長子所在羣奄不應一燝大聲言誰敢匿新天子者東宮伴讀王安入白選侍給日第出即返遂挾皇長子趨出一燝與張惟賢掖升輦至文華殿羣臣叩頭呼萬歲事稍定選侍趨還乾清時選侍居乾清一燝曰乾清不可居宜暫居慈慶皇長子心憚選侍然之一燝語安曰主

明會要卷三十九

四

上冲年無母后外廷有事吾受過宮中起居公等不得辭責明日周嘉謨及左光斗疏請移宮時首輔方從哲徘徊其間已又欲緩移宮一燝曰本朝故事仁聖嫡母也移慈慶慈聖生母也移慈甯今何日可姑緩耶初五日偕同官請即日降旨立宮門以俟選侍不得已移熾鸞宮皇長子復還乾清事始大定劉一燝傳

天啟二年東事急大學士孫承宗自請督師至關帝好察邊情時遣中官詣關門具事狀奏報名曰校事及魏忠賢竊柄遣其黨劉朝等四十五人齎甲仗弓矢白金文綺先

後至山海關頒賚將士實覘軍也承宗疏言中使觀兵自古有戒當水旱荒疲之後將領罷邊籌而事逢迎士卒釋戈甲而供使役俱屬未便且山海一城知中使將出將士憂懼卽今命使已行無容追議恐後此勅爲事例不可不慎也帝不省

崇禎時瑞王出封漢中請食川鹽大學士錢龍錫言漢中食晉鹽而瑞藩獨用川鹽恐奸徒借名私販莫敢譏察故事纂修實錄分遣國學生採事蹟於四方龍錫言實錄所需在邸報及諸司奏牘遣使無益徒滋擾宜停罷烏撒土官安效良死其妻改適霑益土官安邊欲兼有烏撒部議

明會要卷二十九

五

將聽之龍錫言效良有子其爵立其爵以收烏撒存亡繼絕於理爲順安邊淫亂不可長也帝悉從之錢龍錫傳時兵事孔棘大學士成基命召對平臺帝言法紀廢弛宜力振刷基命曰治道去太甚譬理亂絲當覓其緒驟紛更益擾亂帝曰慢則糾之以猛何謂紛更其後溫體仁益導帝以操切天下遂大亂成基命傳

明會要卷二十九終

明會要卷三十

永新龍文彬纂

職官二

忠諫

永樂時儲位未定淇國公邱福言漢王有功宜立帝密問解縉縉稱皇長子仁孝天下歸心帝不應縉又頓首曰好聖孫謂宣宗也帝領之太子遂定高煦由是深恨縉會大發兵討安南縉諫不聽卒平之置郡縣而太子既立又時時失帝意高煦寵益隆禮秩踰嫡縉又諫曰是啟爭也不可帝怒謂其離間骨肉恩禮寢衰卒以此得禍後高煦以

明會要卷三十

十

叛誅安南數反置吏未久復棄去悉如縉言解縉傳長沙妖人李法良反仁宗方監國命豐城侯李彬討之漢王忌太子有功詭言彬不可用黃淮曰彬老將必能滅賊願遣彬卒禽法良又時有告黨逆者淮言於帝曰洪武末年已有敕禁不宜復理吏部追論靖難兵起時南人官北地不卽歸附者當編戍淮曰如是恐示人不廣帝皆從之黃淮傳

永樂九年帝還南京召楊士奇問監國狀士奇以孝敬對且曰殿下天資高卽有過必知知必改存心愛人決不負陛下託十二年帝北征士奇仍輔太子居守漢王譜太子

益急帝還以迎駕綬盡徵東宮官黃淮等下獄士奇後至
君之召問太子事士奇頓首言太子孝敬如初凡所稽遲
皆臣等罪帝意解 仁宗即位蹇義夏原吉奏事未退帝
望見士奇謂二人曰新華蓋學士來必有讜言試共聽之
士奇入言恩詔減歲供甫下二日惜薪司傳旨徵棗八十
萬勛與前詔戾帝立命減其半 帝監國時憾御史舒仲
成至是欲罪之士奇曰陛下即位詔向忤旨者皆得宥若
治仲成則詔書不信懼者眾矣如漢景帝之待衛綰不亦
可乎帝即罷弗治 或有言大理卿虞謙言事不密降一
官士奇為白其罔得復秩又大理少卿弋謙以言事得罪

明會要卷三十

二

士奇曰謙應詔陳言若加之罪則羣臣自此結舌矣帝下
敕引過士奇傳

楊榮論事激發不能容人過然遇人觸帝怒致不測往往
以微言導帝意輒得解夏原吉李時勉之不死都御史劉
觀之免戍邊皆賴其力嘗語人曰事君有禮進諫有方以
悖直取禍吾不為也楊榮傳

天順七年二月空中有聲帝欲禳之命李賢撰青詞賢言
君不恤民天下怨叛厥有鼓妖因請行寬卹之政又請罷
江南織造清錦衣獄止邊臣貢獻停內外採買帝難之賢
執爭數四同列皆懼賢退曰大臣當知無不言可卷舌偷

位耶 憲宗即位是年日黯無光賢偕同官上言日君象
君德明則日光盛惟陛下敬以修身正以御下剛以斷事
明以察微持之不怠則天變自弭和氣自至翼日又言天
時未和由陰氣太盛自宣德至天順間選宮人太多澣衣
局沒官婦女愁怨尤甚宜放還其家帝從之中外欣悅李賢傳

岳正在內閣二十八日遇事敢言便殿論奏至唾濺帝衣
有規以信而後諫者慨然曰上顧我厚懼無以報稱子乃
以諫官處我耶岳正傳

明會要卷三十

三

病不當稱太后而貴妃帝所生母宜獨上尊號李賢曰遺
詔已定何事多言彭時曰李公言是也朝廷所以服天下
在正綱常若不爾損聖德非小頃之中官傳貴妃旨曰子
為皇帝母當為太后豈有無子而稱太后者宣德間有故
事賢色變目時時曰今日事與宣德間不同胡后表讓位
退居別宮故正統初不加尊今名分固在安得為比中官
曰如是何不草讓表時曰先帝存未嘗行今誰敢草若人
臣阿意順從是萬世罪人也中官厲聲恍以危語時拱手
向天曰太祖太宗神靈在上孰敢有二心錢皇后無子何
所規利而為之爭不忍默者欲全主上聖德耳 成化四

年嘗見三台時等言外廷大政固所當先宮中根本尤爲至急諺云子出多母今嬪嬙眾多維熊無兆必陛下愛有所專而專寵者已過生育之期故也望均恩愛爲宗社大計時帝專寵萬貴妃妃年已近四十故云然又言大臣黜陟宜斷自宸衷不可悉委臣下使大權旁落帝雖不能從而心嘉其忠 五年冬無雪時疏言光祿寺採辦各城門抽分培克不堪而獻珍珠寶石者倍估增直漁竭帑藏乞革其弊以惠小民帝優詔褒納畿輔山東河南旱請免夏稅鹽鈔及大僕寺賠課馬京師米貴請發倉儲五十萬石平糶並從之 甯晉伯劉聚爲從父太監永誠請封諡且

明會要卷三十

四

乞祠額帝特賜額曰褒功命內閣擬封諡時等言卽予永誠將來守邊內臣皆援此陳乞是變祖宗法自今日始臣等不敢奉詔乃寢傳

中官汪直之督西廠也數興大獄商輅率同官條直十二罪言由陛下委聽斷於直直又寄耳目於羣小如韋瑛輩皆自言承密旨得專刑殺擅作威福賊虐善良陛下若謂摘奸禁亂法不得已則前此數年何以帖然無事且曹欽之變由遂臬刺事激成可爲懲鑒自直用事士大夫不安其職商賈不安於途庶民不安於業若不亟去天下安危未可知也帝愠曰用一內豎何遠危天下誰主此奏者命

太監懷恩傳旨詰責厲甚輅正色曰朝臣無大小有罪皆請旨逮問直擅抄沒三品以上京官大同宣府邊城要害守備俄頃不可缺直一日械數人南京祖宗根本地留守大臣直擅收捕諸近侍在帝左右直輒易置直不去天下安得無危會九卿項忠等亦劾直遂罷西廠

商輅傳

宏治八年詔撰三清樂章徐溥等言天至尊無對漢祀五帝儒者猶非之况三清乃道家妄說耳一天之上安得有三大帝且以周柱下史李耳當其一以人鬼列天神矯誣甚矣郊祀樂章皆太祖所親製今使製爲時俗詞曲以享神明褻瀆尤甚臣等誦讀儒書邪說俚曲素所不習不敢

明會要卷三十

五

以非道事陛下國家設文淵閣命學士居之誠欲其謨謀政事講論經史培養本原匡弼闕失非欲其阿諛順旨惟言莫違也今經筵早休日講久曠異端乘間而入此皆臣等無狀不足以啟聖心保初政憂愧之至無以自容數月以來奉中旨處分未當者封還執奏至再至三願陛下曲賜聽從俾臣等竭駑鈍少有裨益非但樂章一事而已奏入帝嘉納之 十年二月溥上疏言舊制內殿日再進奏事重者不時上聞又嘗面召儒臣咨訪政事今奏事日止一次朝參之外不得一望天顏章奏批答不時斷決或稽留數月或竟不施行事多壅滯有妨政體近聞有以齋醮

修鍊之說進者宋徽宗崇道教科儀符籙最盛卒至乘輿播遷金石之藥性多酷烈唐憲宗信柳泌以隕身其禍可鑒陛下若親近儒臣明正道行仁政福祥善慶不召自至何假妖妄之說唐臣李絳有云憂先於事可以無憂事至而憂無益於事今雖承平無事然工役繁興科斂百出土馬疲罷閭閻困窮愁歎之聲上干和氣致災惑失度太陽無光天鳴地震草木興妖四方奏報殆無虛日將來之患灼然可憂陛下高居九重言官皆畏罪緘默臣等若復不言誰肯為陛下言者徐溥傳

十四年重建闕里廟成遣大學士李東陽往祠東陽還疏

明倫彙編

六

言臣奉使過行適遇亢旱天津一路夏麥已枯秋禾未種輓舟者無完衣荷鋤者有菜色盜賊縱橫青州尤甚南來人言江南浙東流亡載道戶口消耗軍伍空虛庫無旬日之儲官缺累歲之俸東南財賦所出一歲之饑已至於此北地皆窳素無積聚今秋再歉何以堪之事變之生恐不可測臣自非經過其地則雖久處官曹日理章疏猶不得其詳况陛下高居九重之上耶臣訪之道路皆言穴食太眾國用無經差役頻煩科派重疊京城土木繁興供役軍士財力交殫每遇班操甯死不赴勢家巨族田連郡縣猶請乞不已親王之藩供億至二三十萬游手之徒託名皇

親僕從每於關津都會大張市肆網羅商稅國家建都於北仰給東南商賈驚散大非細故更有織造內官縱羣小掊擊插河官吏莫不奔駭鬻販窮民所在騷然此又臣所目擊者夫閭閻之情郡縣不得而知也郡縣之情廟堂不得而知也廟堂之情九重亦不得而知也始於容隱成於蒙蔽容隱之端甚小蒙蔽之禍甚深臣在山東伏聞陛下以災異屢見救羣臣盡言無譁然詔旨頻降章疏畢陳而事關內廷貴戚者動為掣肘累歲經時俱見遏罷誠恐今日所言又為虛文乞取從前內外條奏詳加採擇斷在必行帝嘉歎悉付所司編三

明倫彙編

七

宏治十一年冬十月清甯宮災劉健等言近年以來災異頻仍而清甯宮之災為尤異恐議者或謂天道茫昧變不足畏此乃慢天之說或謂天下太平患不足慮此乃誤國之言或以齋醮祈禱為弭災此乃邪妄之說適足以喪天或以縱囚釋罪為脩德此乃姑息之弊適足以長惡向來奸佞之人每用此熒惑聖聽妨蠹聖政大小臣僚被其脅制畏罪避禍箝口結舌下情不達上澤不宣愁歎之聲仰干和氣災異之積正此之由望特降綸音戒諭臣工痛加脩省廣求直言采擇施行以收人心以回天意實宗社生民之福編三 十四年秋帝以軍興缺餉屢下廷議劉健等

言天下之財其生有限今光祿歲供增數十倍諸方織作務爲新巧齋醮日費鉅萬太倉所儲不足餉戰士而內府取入動四五十萬宗藩貴戚之求土田奪鹽利者亦數千萬計土木日興科斂不已傳奉冗官之俸薪內府工匠之餼廩歲增月積無有窮期財安得不匱今陝西遼東邊患方殷湖廣貴州軍旅繼動不知何以應之望陛下絕無益之費躬行節儉爲中外倡而令羣臣得畢獻其誠講求革弊之策天下幸甚 武宗卽位劉健等上言陛下登極詔出中外歡呼想望太平今兩月矣未聞汰冗員幾何詔書所載徒爲空文此陰陽所以失調雨暘所以不若也如監

明會要卷三十

八

局倉庫城門及四方守備內臣增置數倍朝廷養軍匠費鉅萬計僅足供其役使甯可不汰文武臣曠職債事虛糜廩祿者甯可不黜畫史工匠濫授官職者多至數百人甯可不罷內承運庫累歲支銀數百餘萬初無文簿司鑰庫貯錢數百萬未知有無甯可不句校至如縱內苑珍禽奇獸放遣先朝宮人皆新政所當先而陛下悉牽制不行何以慰四海之望已上劉健傳 正德元年吏戶兵三部及都察院各有疏言事爲宦官所撓傳示帝意令閣臣調旨健等不奉命別擬以奏帝不聽健等力諫謂奸商壞亂鹽政武臣負罪玩法北征將士無功授官御用監書篆濫用匪人

皆宜痛抑今陛下不信大臣而信羣小欲以一二私恩壞百年舊制臣等豈敢苟從所擬四疏謹以原擬封進不報居數日又言比爲鹽法賞功諸事極陳利害拱俟數日未奉玉音若以臣等言是宜賜施行所言如非卽當斥責乃留中不報視之若無政出多門咎歸臣等宋儒朱熹有言一日立乎其位則一日業乎其官一日不得乎其官則一日不敢居乎其位伏乞聖明矜察特賜退休帝優旨慰留之三編 六月庚午健復上言近日以來免朝太多奏事漸晚遊戲漸廣經筵日講直命停止臣等愚昧不知陛下宮中復有何事急於此者夫濫賞妄費非所以崇儉德彈

明會要卷三十

九

射釣獵非所以養仁心鷹犬狐兔田野之物不可育於朝廷弓矢甲冑戰鬪之象不可施於宮禁今聖學久曠正人不親直言不聞下情不達而此數者雜交於前臣不勝憂懼劉健傳 十三年帝以大將軍壽肅清邊境加封鎮國公梁儲毛紀上言公雖貴人臣耳陛下承祖宗業爲天下君奈何謬自貶損旣封國公則將授以誥券追封三代祖宗在天之靈亦肯如陛下貶損否况鐵券必有免死之文陛下壽福無疆何以甘自菲薄蒙此不祥之辭名旣不正言自不順臣等斷不敢阿意曲從取他日戮身亡家之禍也不報梁儲傳

嘉靖初楊廷和議興獻典禮先後封還御批者四執奏幾三十疏帝常忽忽有所恨江左比歲不登中官請遣官督織造工部及給事御史言之皆不聽趣內閣撰救廷和等不奉命因極言民困財竭請毋遣帝趣愈急且戒毋瀆擾執拗廷和力爭言臣等與舉朝大臣言官言之不聽顧二三邪佞之言是聽陛下能獨與二三邪佞共治祖宗天下哉且陛下以織造為累朝舊例不知洪武以來何嘗有之勅自成化宏治耳憲宗孝宗愛民節財美政非一陛下不取法獨法其不美者何也即位一詔中官之倖路紕塞殆盡天下方傳誦聖德今忽有此何以取信因請究擬旨者

明叢卷三十

十

何人疑有假御批以行其私者帝為謝不審俾戒所遣官毋縱肆而已不能止也楊廷和傳

帝以四方災異敕羣臣脩省費宏等因言陛下用度無節工役不休畿內土地半成莊田內庫收納要求踰倍太倉無三年之積而冗食日增京營無十萬之兵而赴工不已直臣得罪未見原言官舉職乃被詰律所當行者數經讞不誅罪無可辨者遠傳旨獲免干和召怨自非一端帝引咎褒答然不能用也費宏傳

五年世廟成章聖皇太后欲謁見帝詢張璠桂萼俱援廟見禮言宜先見太廟次謁世廟大學士費宏楊一清爭之

不得石瑤復上疏極諫言陛下欲奉皇太后謁見世廟臣竊以為從令固孝而孝有大於從令者臣誠不敢阿諛以誤君上竊惟祖宗家法后妃入宮未有無故復出者太廟尊嚴非時享祫祭雖天子亦不輕入况后妃乎璠輩所引廟見之禮今奉先殿是也聖祖神宗行之百五十年何至今日忽倡為異議且陰陽有定位不可侵越陛下為天地百神之主致母后無故入太廟是坤行乾事陰侵陽位不可之大者也帝不聽石瑤傳

明叢卷三十

十一

格不用所救正十二三而已嘗疏言今天下必亂必危之道蓋有數端而災傷寇盜物怪人妖不與焉廊廟空虛一也上下否隔二也士大夫好勝喜爭三也多藏厚積必有悖出之費四也風聲氣習日趨日下不可挽回五也非陛下奮然振作簡任老成布列朝署取積年廢弛政事一舉新之恐宗社之憂不在敵國外患而在廟堂之上也帝不能用又言今天下災傷死亡畿輔中州齊魯流移載道中外空虛人才俱盡罪不在他人臣何可不去且陛下欲用臣則當行其言今章奏不發大僚不補起廢不行留臣何益自是乞休疏六十餘上詞極哀始允其去葉向高傳

莊烈帝操切溫體仁以刻薄佐之上下囂然大學士錢士升因撰四箴以獻大指謂寬以御眾簡以臨下虛以宅心平以出政其言深中時病帝雖優旨報聞意殊不懌有武生李璉者請括江南富戶報名輸官行首實籍沒之法士升擬旨下刑部提問帝不許溫體仁遂改輕擬士升曰此亂本也當以去就爭之乃疏言郡邑有富民固貧民衣食之源未嘗無益於國周禮荒政十二保富居一今秦晉楚豫已無甯宇獨江南數郡稍安此議一倡無賴亡命相率而與富家爲難不驅天下之民胥爲流寇不止疏入帝報曰卽欲沽名前疏已足前疏謂四箴也士升引罷乞歸允

之錢士升傳

舉賢

士奇雅善知人好推轂寒士所薦達有初未識面者而于謙周忱况鍾之屬皆用士奇薦居官至一二十年廉能冠天下宣德七年士奇請廷臣三品以上及二司官各舉所知備方面郡守選報可楊士奇傳宣德三年都御史劉觀以貪被黜楊士奇楊榮薦通政使顧佐公廉有威爲京尹政清弊革帝擢佐右都御史佐視事卽奏御史不法及老疾者三十二人朝綱肅然顧佐傳李賢務持大體尤以惜人材開言路爲急所薦引年富軒

明會要卷三十

十一

觀耿九疇王竑李秉程信姚夔崔恭李紹等皆爲名臣時勸帝延見有所薦必先與吏兵二部論定之及入對帝訪文臣請問王翱武臣請問馬昂故言無不行而人不病其專李賢傳

萬厯初張居正用李成梁鎮遼戚繼光鎮薊門成梁力戰卻敵功多至封伯而繼光守備甚設居正皆右之邊境晏然兩廣督撫殷正茂凌雲翼等亦數破賊有功浙江兵民再作亂用張佳允往撫卽定故世稱居正知人已上居正傳

委任

永樂十一年征衛拉特太孫侍行帝命學士楊榮以閒陳

明會要卷三十

十一

說經史兼領尙寶事凡宣詔出令及旗志符驗必得榮奏乃發十六年命榮掌翰林院事益見親任諸大臣多忌榮欲疏之共舉爲祭酒帝曰吾固知其可第求代榮者諸大臣乃不敢言二十一年復從出塞軍務悉委榮晝夜見無時帝時稱楊學士不名也楊榮傳仁宗御西角門閱廷臣制誥顧金幼孜楊榮楊士奇三學士曰汝三人及蹇夏二尙書皆先帝舊臣朕方倚以自輔嘗見前代人主惡聞直言雖素所親信亦畏威順旨緘默取容賢良之臣言不見聽退而杜口朕與卿等當深用爲戒因取五人誥詞親增二語云勿謂崇高而難入勿以有

所從違而或忘金幼孜傳

洪熙元年建宏文閣命學士楊溥掌閣事帝親授溥閣印曰朕用卿左右非止助益學問亦欲廣知民事為治道輔有所建白封識以進 宣宗即位罷宏文閣召溥入內閣帝謂溥曰古君臣更相戒飭用致太平卿將何以輔朕對曰臣受國厚恩安敢忘報帝曰直箴朕過報朕多矣溥曰直言非難能受直言為難陛下既以命臣臣敢不盡忠以告楊溥傳

明倫彙編

卷三十

英宗即位方九齡軍國大政關白太皇太后太皇太后推心任士奇榮溥三人有事遣中使詣閣諮議然後裁決三人者亦自信侃侃行意士奇首諫請練士卒嚴邊防設南京參贊機務大臣分遣文武鎮撫江西湖廣河南山東罷偵事校尉又請以次蠲租稅慎刑獄嚴覈百司皆允行正統之初朝政清明士奇等之力也楊士奇傳 天順之世李賢為首輔呂原彭時佐之然賢委用最專初御史劉濬劾柳溥敗軍罪觸帝怒賢言御史耳目官不宜譴石亨譖賢曲護帝寢疏賢尋悟待之如初每獨對良久方出遇事必召問可否或遣中官就問 憲宗即位門達既竄其黨多投匿名書搆賢乞罷有詔慰留吳后廢言官請誅牛玉語侵賢又有造蜚語搆賢者帝命衛士宿賢

家護出入李賢傳

宏治末劉健謝遷李東陽三人同心輔政竭情盡慮知無不言初或有從有不從既乃益見信所奏請無不納呼為先生而不名每進見帝輒屏左右左右聞從屏閒竊聽但聞帝數數稱善諸進退文武大臣釐飭屯田鹽馬諸政健翊贊為多劉健傳

明倫彙編

卷三十

神宗初即位慈聖太后訓帝嚴每切責之且曰使張先生聞奈何萬厯六年慈聖將還慈甯宮諭居正曰我不能視皇帝朝夕恐不若向者之向學勤政有累先帝付託先生有師保之責與諸臣異其為我朝夕納誨以輔台德用終先帝憑几之誼居正傳

崇獎

永樂二年立春日賜解縉等金綺衣與尚書埒縉等入謝上曰代言之司機密所繫且旦夕侍朕裨益不在尚書下也解縉傳 二十年楊榮從出塞軍事悉令參決賚予優渥師還勞將士分四等賜宴榮幼孜皆列前席受上賞 宣德元年帝征高煦還以楊榮決策功受上賞賜銀章五襲予甚至楊榮傳

洪熙元年仁宗賜士奇璽書曰往者朕膺監國之命卿侍

左右同心合德徇國忘身屢歷艱虞曾不易志及朕嗣位以來嘉謨入告期予於治正固不二簡在朕心茲勅制楊貞一印賜卿尙克交脩以成明良之業 宣德五年救鴻臚寺士奇老有疾趨朝或後母論奏士奇傳

金幼孜進禮部尙書兼大學士學士如故並給三俸幼孜傳

命楊士奇兼兵部尙書並食三祿士奇辭尙書祿士奇傳

黃淮進少保戶部尙書兼大學士如故黃淮傳楊榮進工部尙書食三祿時士奇淮皆辭尙書祿榮幼孜亦固辭不允

楊榮傳

嘉靖五年召楊一清復入閣帝以一清老臣恩禮加渥免

明會要卷三十一

七

常朝日講侍班朔望朝參令辰初始入閣視事御書和章及金幣牢醴之賜甚渥所言邊事國計大小無不傾聽楊一清傳

六年召謝遷復入閣帝待遷愈厚以天寒免朝參除夕賜御製詩及以病告則遣醫賜藥餌光祿致酒餼使者相望

於道謝遷傳

世宗嘗御平臺特賜大學士費宏御製七言一章命輯倡和詩集署其銜曰內閣掌參機務輔導首臣其見尊禮前此未有也璵萼滋害宏寵萼言詩文小技不足勞聖心且使宏得馮寵靈陵厯朝士帝置不省十四年召宏復入閣

既至使中使勞以上尊御僕面諭曰與卿別久卿康健無恙宜悉心輔導稱朕意宏頓首謝自是眷遇益厚宏傳萬厯初帝御平臺召張居正獎諭之賜金幣及繡蟒斗牛服自是賜賚無虛日帝虛己委居正常賜居正札稱元輔張少師先生待以師禮六年三月居正乞歸葬父帝錫忠良銀印如楊士奇張孚敬例得密封言事戒次輔呂調陽等有大事毋得專決馳驛之江陵聽張先生處分居正傳

宰輔雜錄

初太祖以事責丞相李善長劉基言善長勳舊能調諸將太祖曰是數欲害君君乃爲之地耶吾行相君矣基頓首

明會要卷三十一

七

曰是如易柱須得大木若束小木爲之且立覆及善長罷帝欲相楊憲憲素善基基力言不可曰憲有相才無相器夫宰相者持心如水以義理爲權衡而已無與焉者也憲則不然帝問汪廣洋曰編淺殆甚於憲又問胡惟庸曰譬之駕懼其債轅也帝曰吾之相誠無逾先生基曰臣疾惡太甚又不耐繁劇爲之且孤上恩天下何患無才惟明主悉心求之目前諸人誠未見其可也後憲廣洋惟庸皆敗劉基傳正統初太皇太后命楊士奇楊榮楊溥議臣民章奏三人同心輔政士奇有學行通達國體榮謀而能斷溥有雅操

滄謹小心每議事士奇引古義榮出一言決之諸大臣爭
可否或有違言溥舍己從人略無繫客時論賢之號三楊
編三

文淵閣在午門內之東文華殿南諸學士議政之所學士
每入東西相對坐無公坐至李賢自吏部入欲設公坐如
部堂之儀彭時不可曰宣宗駕常幸此中坐故至今不敢
南面已而英宗遣太監送孔子并四配像置閣中賢乃止
東閣在左順門廊接史館雖有大學士官其職在文淵閣
而司誥敕官多坐東閣為侍從之長故總謂之閣老然不
參預政務非真相也嘉靖末內閣以兩制官不文始奏設

明會要卷三十

末

翰林史官分掌外制若詔赦敕草之類仍自閣臣諸翰林
不得與已上王
折通考

正統十三年彭時進士第一授脩撰明年郕王監國命同
商輅入閣預機務釋褐逾年參大政前此未有也天順元
年帝坐文華殿召見彭時曰汝非朕所擢狀元乎時頓首
明日仍命入閣閣臣自三楊後進退禮甚輕為帝所親擢
者時與岳正而已彭時
傳

天順元年薛暹致仕帝謀代者尙書王翱以脩撰岳正薦
遂召見文華殿正長身美鬚髯帝遙見色喜既登陛問年
幾何家安在何年進士正具以對復大喜曰爾年正強仕

畿縣人又吾所取士今用爾內閣其盡力輔朕正頓首受
命趨出會石亨張軌遇之左順門愕然曰何自至此比入
帝曰朕今日自擇一閣臣問為誰帝曰岳正兩人陽賀帝
曰但官小耳當與吏部左侍郎兼學士兩人曰陛下既得
人俟稱職加秩未晚帝默然遂命以原官入閣岳正
傳
六年呂原卒帝問李賢誰可代者曰柯潛可出告王翱翱
曰陳文以次當及奈何抑之明日賢入見如翔言文既入
閣數撓賢以自異曰吾非若所薦也陳文
傳

明會要卷三十

末

裁決機宜悉健與東陽遷三人天下翕然稱賢相為之語
曰李公謀劉公斷謝公允侃侃編三

楊廷和入閣後李東陽謂曰吾於文翰頗有一日之長若
經濟事須歸介夫及武宗之終卒安社稷者廷和力也楊
廷和
傳

世宗初楊廷和方柄政職方主事霍韜上言閣臣職參機
務今止票擬而裁決歸近習輔臣失參贊之權近習啟干
政之漸自今章奏請召大臣面決施行講官臺諫班列左
右眾議而公駁之宰相得取善之名內臣免招權之謗帝
嘉納之崔韜
傳

御史曹嘉論大學士楊廷和因言內閣柄太重給事中鄭一鵬駁之曰太宗始立內閣簡解縉等商政事至漏下數十刻始退自陛下即位大臣宣召有幾張銳魏彬之獄獻帝追崇之議未嘗召廷和等面論所擬旨內多更定未可謂專也鄭一鵬傳

閣臣有不由館選者黃淮以中書舍人楊士奇以齊王府審理副張瑛以鄉舉胡儼以桐城知縣金幼孜以給事中權謹以光祿署丞李賢以主事王文薛瑄以御史高穀以中書舍人劉宇曹元以知縣袁宗臯以長史桂萼霍韜以主事夏言以給事中春明夢餘錄

明會要卷三十

三

嘉靖中年帝專事焚脩詞臣率供奉青詞工者立超擢卒至入閣時謂李春芳嚴訥郭朴袁燁為青詞宰相袁燁傳萬厯二十九年大學士沈鯉疏向例內閣輔臣辰入申出辦事閣中擬票旨所得預聞者獨寫票中書而已其於諸司章奏誰敢攜之以出而越閣門一步者後有輔臣患病因將本發私寓擬票遂相沿為常一往一來始不能無漏洩夫公事而議於私室大政而決於委巷已非朝廷之體況機事不密而有害乎且臣等亦因是有不能盡職者中使銜命守催則不得從容審處以竭其心思寮友各自為寓復不得相聚商推以資其謀斷故率有進呈旋即悔悟

以為不當者請復先朝舊規發本閣中共同擬票以上尊朝廷之體下塞窺伺之隙帝從之春明夢餘錄

四十四年遣內使至工部侍郎林如楚私寓宣敕旨以奉御汪良德奏准脩咸安宮也輔臣言明旨傳宣定例必由內閣下科臣然後發鈔若不由內閣不由科發不經會極門不由接本官突以二豎傳宣於部臣之私寓則從來未有之事向來建議諸臣以旨從中出猶且慮之況臣等竟不與聞乎不省編三

故事閣中止首輔一人秉筆天啟四年魏廣微欲分韓爌權屬魏忠賢傳旨諭爌同寅協恭而責次輔母伴食爌抗疏乞休韓爌傳

明會要卷三十

三

莊烈帝即位以施鳳來輩皆忠賢所用不足倚詔廷推閣臣倣古枚卜典召九卿科道入乾清宮貯名金甌焚香肅拜以次探之得錢龍錫來宗道楊景辰輔臣以天下多故請益一二人復得黃道登劉鴻訓並命入閣編三來宗道代李國樞為首輔事多詭隨編脩倪元璐屢言時政宗道笑曰渠何事多言詞林故事止香茗耳時謂宗道為清客宰相顧秉謙傳

明會要卷三十終

明會要卷三十一

永新龍文彬纂

職官三

六部總敘仍元

明初置中書省其屬有四部分治錢穀禮儀刑名營造諸務洪武元年八月丁丑始置吏戶禮兵刑工六部設尙書侍郎郎中員外郎主事仍隸中書省帝召六部尙書入見奉天殿諭曰朕肇基江左軍務方殷官制未備今以卿等分任六部國家之事總之者中書分理者六部至爲要職凡諸政務宜竭心經理或有乖違患及天下不可不慎

明會要卷三十一

十一

五年六月癸巳定六部職掌歲終考績以行黜陟已上昭代典則

六年每部設尙書二人侍郎二人職官志

七年正月庚午令六部官毋得輕調有年勞者聽本部升

用昭代典則

十一年三月丁酉禁六部奏事不得關白中書省吾學編

十三年三月戊申罷中書省升六部秩定設尙書一人正

二品侍郎一人正三品郎中正五品員外郎從五品主事

正六品尋增侍郎一人分左右侍郎職官志

明初每部設主事司務各四人爲首領官有主事印洪武

二十九年改主事爲司官乃專以司務爲首領每部各設

二人凡六部主事缺出率以進士選用續通典

主事一官自唐宋以來或爲首領官或與吏令史同職自

洪武時改爲司官乃與郎官並列故明代主事員額分載

於六部各司之下同上

建文中改六部尙書正一品設左右侍中位侍郎上除去

諸司清吏字成祖復舊制職官志

永樂元年置北京行部尙書二人侍郎四人尋分置六部

稱行在某部十八年定都北京以六部官屬移之北不稱

行在其在南者加南京字吾學編

洪熙元年復置六部官屬於南京去南京字而以在北者

明會要卷三十一

十二

加行在字仍置行部宣德三年復罷行部

正統六年於北京去行在字於南京仍加南京字遂爲定

制已上職官志

明制六部分泄天下事內閣不得侵至嚴嵩始陰撓部權

迨張居正時部權盡歸內閣遂巡請事如屬吏祖制由此

變楊巍傳

崇禎八年給事中顏繼祖上言六部之政筦於尙書諸司

之務握之正郎而侍郎及副郎主事止陪列畫題政事安

得不廢顏繼祖傳

吏部尙書侍郎

洪武元年八月置吏部以滕毅爲尙書樊魯璞汪河爲侍郎俞山集

四年三月以陳脩爲吏部尙書與侍郎李仁詳考舊典參以時宜按地衝僻爲設官繁簡凡庶司黜陟及課功覈實之法皆精心籌畫銓法秩然陳脩傳

是月以詹同爲吏部尙書論之曰吏部者衡鑑之司鑑明則物之妍媸無所逃衡平則物之輕重得其當蓋政事得失在庶官任官賢否由吏部任得其人則政理民安非其人則瘝官曠職卿等居持衡秉鑑之任宜存公平以辨賢否毋但碌碌充位而已昭代典則

明會要卷三十一

三

十一年正月以兵部郎中陳銘爲吏部尙書十二年以常州府知府張度爲吏部尙書張江陵集

十三年正月罷中書省以山西參政僕斯爲吏部尙書昭代典則

二十六年以吏部主事翟善署侍郎事尋遷署尙書善明於經術奏對合上意上曰善雖年少器宇恢廓他人莫及也欲爲營第於鄉善辭又欲除其家成籍善曰成卒宜增豈可以臣破例上益以爲賢陳脩傳

二十九年正月壬戌升詹事府丞杜澤爲吏部尙書大政記
三十一年六月以中書蹇義爲吏部右侍郎同上

宣德初蹇義爲吏部尙書有除官不得善地訴其不公者帝皆斥之嗣以義老輟部務以郭璉代論以呂蒙正夾袋虞允文材館錄故事璉由是留意人才識進士李賢輔相器授吏部主事後果爲名相郭璉傳

正統中王直長吏部時初罷廷臣薦舉方面大吏專屬吏部直委任曹郎嚴抑奔競凡御史巡方歸者必令具所屬賢否以備選擇稱得人其子積爲南國子博士考績至部文選郎欲留侍直直不可曰是亂法自我始也朝廷以直老命何文淵爲尙書佐之文淵去又命王翱部遂有兩尙書王直傳天順初罷其一職官志

明會要卷三十一

四

景泰四年御史練綱等言吏部推選不公任情高下請置尙書何文淵右侍郎項文曜於理尙書王直左侍郎俞山素行本端爲文曜等所罔均宜按問帝雖不罪文淵終以綱等爲直左鼎傳

翱長銓部謝絕請謁公餘恆宿直廬非歲時朔望謁先祠未嘗歸第論薦不使人知曰吏部豈快恩怨地耶塔賈傑官近畿翱夫人數迎女傑恚曰若翁典銓移我官京師反手爾何往來不憚煩也夫人聞之乘間請翱翱怒推案擊夫人傷面傑卒不得調王翱傳

天順二年四月吏部侍郎孫宏聞喪帝令其守制召李賢

曰吏部乃天下人物權衡侍郎即尚書之次非他部比必得其人卿以為誰可賢薦姚夔表裏相稱有大臣量乃以夔為吏部侍郎天順日錄

成化五年姚夔為吏部尚書留意人才不避親故初王躬為吏部專抑南人北人喜之至夔頗右南人論薦率能稱職姚夔傳

李裕拜冢宰每大選先二日於後堂設一木牌上書皇天鑒之與二侍郎傍坐文選官前立以缺員與選人一一第資格可否注牘至期引奏填榜更無舛錯故庶官皆得其人續通人典

明會要卷三十一

五

孝宗即位召王恕入為吏部尚書時言官多稱恕賢且老不當任劇職宜置內閣參大政帝曰朕用蹇義王直故事官恕吏部有謀議未嘗不聽何必內閣也恕所引薦耿裕彭韶何喬新周經李敏張悅倪岳劉大夏戴珊章懋等皆一時名臣他賢才久廢草野拔擢之恐後宏治二十年間眾正盈朝職業脩理號為極盛者恕力也王恕傳
吏部尚書即古冢宰之職表率百僚禮數殊異無與並者洪熙時大學士楊士奇等加至三孤兼尚書銜然品敘列尚書蹇義夏原吉下景泰中左都御史王文升吏部尚書兼學士入內閣其班位猶以原銜為序次自宏治六年二

月內宴大學士邱濬遂以禮部尚書居吏部尚書王恕之上其後由侍郎詹事入閣者班皆列六部上矣職官志
宏治十四年十月以馬文升為吏部尚書明年當大計帝面諭之曰天下覲吏畢集卿其勤採訪以彰黜陟自是汰不職者二千餘人續通人典

嘉靖時吏部侍郎缺出廷臣以應補者上帝不用諭欲得老成持法者以南京兵部侍郎歐陽鐸上乃用之鐸佐吏部不攜家曰吾敢家此官哉同上

張邦奇為吏部侍郎掌部事推轂善類人不可干以私銓部升除多受教政府邦奇獨否大學士李時銜之郭勛家人犯法昇重賄請寬邦奇不從帝欲授邦奇尚書為兩人阻止邦奇傳

明會要卷三十一

六

徐階為吏部侍郎故事吏部率鑄門所接見庶官不數語階折節下之見必深坐咨邊腹要害吏治民瘼皆自喜得階意願為用本傳
二十三年九月以吏部尚書許讚兼文淵閣大學士預機務時權歸首輔嚴嵩讚入閣不得預票擬常嘆曰何奪我吏部使我旁觀人因屢乞休不允三編
三十年李默由吏部侍郎代夏邦謨為尚書自正德初焦芳張綏後吏部無侍郎拜尚書者默出帝特簡蓋異數也

李默傳

四十二年嚴訥為吏部尚書與朝士約有事白於朝房毋謁私邸慎擇曹郎務抑奔競振淹滯又以資格太拘人才不能盡做先朝三途並用法州縣吏政績異者破格超擢銓政一新嘗語人曰銓臣與輔臣必同心乃有濟吾掌銓二年適華亭當國事無阻且所任選郎賢舉無失人華亭謂徐階選郎則陸光祖也嚴訥傳

吳安國曰陸子元嘗言今吏部之職擬古宰相而其黜陟之柄有宰相所不及者如前代人主有所簡拔或不關中書祖宗時用人亦往往出親擢今凡不由吏部擬上而特

明會要卷三十一

七

旨遷除者謂之傳奉官必不久而罷人亦恥為之又如有過降黜官雖奉特旨他日尚可復起獨由吏部考察者永不錄用其體勢之重古未有也續通典

隆慶元年吳嶽歷吏部左右侍郎京察竣給事中胡應嘉有所申救嶽詣內閣抗聲曰科臣敢留京察罷黜官有故事乎應嘉遂得譴吳嶽傳

三年高拱長吏部欲遍識人才授諸司以籍使署賢否誌簡里姓氏月要而歲會之倉卒舉用皆得其人高拱傳

萬曆初吏部尚書嚴清日討故實辨官材自丞佐下皆親署無一倖進者中外師其廉儉書問幾絕嚴清傳

二十年孫鑰為吏部尚書吏部自宋纁及陸光祖為政權始歸部至鑰守益堅固故事冢宰與閣臣遇不避道後牽引避光祖爭之乃復故然陰戒騶人異道行至鑰益徑直張位等不能平因欲奪其權建議大僚缺九卿各舉一人類奏以聽上裁用杜專擅鑰言廷推大臣得共衡可否此爵人於朝與眾共之之義類奏啟倖途非制給事中史孟麟亦言之詔卒如位議自是吏部權又散之九卿矣孫鑰傳

明會要卷三十一

八

是日大變矣孫丕揚傳時大僚缺人九卿及科道掌印者咸得自舉聽上裁而吏部諸曹郎亦由九卿推舉尚書不得自擇其屬在外府佐及州縣正佐官則盡用掣籤法部權日輕李戴傳

四十八年周嘉謨為吏部尚書時齊楚浙三黨為政黜陟之權吏部不能主及嘉謨柄銓惟才是任光熹相繼踐阼嘉謨大起廢籍耆碩滿朝而稱三黨之魁及朋奸亂政者亦漸自引去中朝為清已極陳吏治弊壞請責成撫按各司上官注考率用四六儷語多失實嘉謨請以六事定官評一曰守二曰才三曰心四曰政五曰年六曰貌各注其

實毋飾虛詞帝稱善行之周嘉謨傳

天啟三年趙南星為吏部尙書時苞苴恣行言路橫尤甚每文選郎出遊之半道為人求官不得即加以惡聲或逐之去南星銳意澄清獨行己志政府及中貴憚其剛嚴不敢有所干請當是時東林勢盛眾正盈朝南星益按舉遺逸布之席位高攀龍楊漣左光斗秉憲李騰芳陳于廷佐銓魏大中袁化中長科道鄭三俊李邦華孫居相饒伸王之宋輩悉置卿貳而四司之屬周維璉夏嘉遇張光前程國祥劉廷諫亦皆民譽中外忻忻望治而羣小側目滋欲去南星未幾放歸趙南星傳

明會要卷三十一

九

吏部四司元部屬不分司

洪武元年設吏部郎中員外主事六年分屬部三總部司勳部考功部十三年添司封二十二年改總部為選部二十九年定為文選驗封稽勳考功四清吏司每司設郎中員外郎主事各一人

正統中驗封郎中缺人久帝令推擇會御史馬謹九載滿尙書郭璉薦謹廉直遂用之馬璉傳

成化五年文選郎中陳雲等為吏所訐盡下獄貶官尙書姚夔知屯田主事黃孔昭廉調之文選九年進郎中故事選郎率閉門謝客孔昭曰國家用才猶富家積粟粟不素

積豈足贍饑才不豫儲安能濟用苟以深居絕客為高何由知天下才俊公退遇客至輒延見訪以人才書之於册除官日以其才高下配地繁簡由是銓敘平允其以私干者悉拒之尙書尹旻欲推故人為巡撫孔昭不應其人入都謁孔昭至屈膝孔昭益鄙之旻令推舉孔昭曰彼所少者大臣體耳旻謂其人曰黃公不離銓曹汝不能遷也孔昭傳

宏治初王恕為吏部以禮部主事喬宇調之文選三遷至郎中門無私謁喬宇傳

明會要卷三十一

十

不予李默傳

十八年御史蕭祥曜劾吏部侍郎張潮受顧鼎臣屬調刑部主事陸崑為吏部潮言兵部主事馬承學恃鼎臣有連自詭必得銓曹臣故抑承學而用崑顧鼎臣傳

鄭曉為考功郎中夏言罷相帝惡言官不糾劾詔考察去留大學士嚴嵩因欲去所不悅者而曉去喬佑等十三人多嵩所厚嵩大憾曉調文選嵩欲用趙文華為考功曉言於吏部尙書許讚曰昔黃禎為文選調李開先考功皆山東人詔不許今調文華曉避位而已讚以謝嵩鄭曉傳

二十四年九月令文選司郎中缺出於各部屬輪用毋得

循資調補大政記

四十年都御史張永明言故事卿貳大臣考滿詣吏部與堂官相見訖即詣四司門揖司官輒南面答揖非禮當改正詔禮部會禮科議之奏言永明議是九卿翰林官揖四司當罷詔可張永明傳

王與齡為文選郎中澄清銓敘大學士翟鑾為禮部主事張惟一求吏部嚴嵩為監生錢可教求東陽知縣俱書抵與齡與齡偕員外郎吳伯亨主事李大魁周鈇白之尙書許讚具疏以聞言平時請屬甚多臣等違抗積罪如山非聖明覆庇則二權奸主於中羣鷹犬和於外臣等不為前

明會要卷三十一

十一

選郎王嘉賓之斥得為近日謝瑜之罷幸矣疏入帝怒除與齡名伯亨等俱調外與齡傳

屠楷歷文選郎中凡職官繁簡人才賢不肖咸書之於冊以高下其任先節行後才藝抑奔競獎廉能每注選權勢請託抗論不從侍郎霍韜見其自任始不能平久而信且服之及出部遺以所服寓傳衣之意侍郎張邦奇署部事楷久任當遷邦奇奏留之曰四十年來無此文選云續通典四十二年嚴訥改吏部尙書調禮部郎中陸光祖為驗封郎中改考功王崇古張瀚方逢時王一鶚挂物議光祖力雪之既而改文選益務汲引人才登進者碩幾盡又破格

擢廉能吏王化江東邵元善張澤李珙郭文通蔡琮陳永謝侃或山鄉舉貢士或起自書吏由是下僚競勸帝亦推心任之故光祖得行其志光祖傳

萬厯元年成國公朱希忠卒其弟錦衣都督希孝援張懋例乞贈王大學士張居正主之驗封郎中陳有年持不可草奏言令典功臣歿公贈王侯贈公子孫襲者生死止本爵懋贈王廷議不可即希忠父輔亦言之後竟贈非制且希忠無勳伐豈當濫寵左侍郎劉光濟署部事受指居正為刪易其稟有年力爭竟以原奏上居正不懌有年即日謝病去十二年起稍勳郎中歷考功文選謝絕請寄除目

明會要卷三十一

十一

下中外皆服有年傳

考功員外郎袁宏道立歲終考察羣吏法言外官三歲一察京官六歲武官五歲此曹安得獨免報可遂為定制本傳文選郎顧憲成等以會推閣臣事被斥給事中遂中立上言兩年以來銓臣相繼屏斥尙書孫鑰去矣陳有年杜門求罷矣文選一署空曹逐者至再三而憲成又繼之臣恐今而後非如王國光楊巍則不能一日為冢宰非如徐一橫謝廷寀劉希孟則不能一日為選郎臧否混淆舉錯倒置使黜陟重典寄之權門用舍斥罰視一時喜怒公議壅闕煩言滋起此人才消長之機理道廢興之漸不可不深

察也 遂中立傳

趙南星為文選員外郎疏陳天下四大害旋以病歸再起
歷考功郎中二十一年大計京官與尙書孫鑰秉公澄汰
首黜所親都給事中王三餘及鑰甥文選員外郎呂允昌
他附麗政府及大學士趙志皋弟皆不免政府大不堪給
事中劉道隆因劾吏部議留拾遺庶僚非法得旨南星貶
三秩 南星傳

崇禎十五年文選缺郎中儀制郎中吳昌時欲得之首輔
周延儒力薦於帝且以屬吏部尙書鄭三俊他輔臣及言
官亦多稱其賢三俊遂請調補以他部調選郎前此未有

也言路大譁謂昌時紊制弄權並詆三俊三俊乞休 三俊傳

南京吏部

南京六部尙書一人右侍郎一人各司員數較北部略減
政權不屬執事高簡為人臣養望之地非古之行尙書省
也 通典

凡南京官六年考察考功掌之不由北吏部 職官志

景泰初南京吏部尙書魏驥以請老至京師大學士陳循
驥門生也請問曰公雖位冢宰然未嘗立朝願少待事在
循驥正色曰君為輔臣當為天下進賢才不得私一座主
竟致仕去 魏驥傳

明會要卷三十一

三

明會要卷三十一

四

嘉靖六年先是大計京官南京六科無黜者桂萼因言吏
部尙書朱希周畏勢曲庇希周言南京六科止七人實無
可去者臣以言路私之固不可如避言路嫌誅責之尤不
可且使舉曹皆賢必去一二人示公設舉曹皆不肖亦但
去一二人塞責乎因力稱疾乞休許之 朱希周傳

隆慶初吳嶽為南京吏部尙書抑浮薄杜僥倖南都搢紳
憚之 吳嶽傳

萬曆三年二月論吏部南京職務清簡官不必備先朝有
一人兼掌六部者自後南京員缺非緊要者不必一一推
補 三編

戶部尙書侍郎

洪武元年八月置戶部以楊思義為尙書劉誠杭琪為侍
郎 昇山集 大亂之後人多廢業思義請令民間多植桑麻四
年始徵其稅不種桑者輸絹不種麻者輸布如周官里布
法又奉詔設立豫備倉諸善政皆其所經畫者 思義傳

三年三月以滕德懋為戶部尙書德懋長於奏疏一時招
徠詔諭之文多出其手始自外任召拜兵部尙書尋改戶
部 夢餘錄

十五年八月丁酉以秀才曾泰為戶部尙書
十八年八月丁亥以翰林院檢討茹太素為戶部尙書十

二月癸卯以庶吉士楊靖爲戶部侍郎已上昭代典則

二十六年令江西浙江蘇松人毋得任戶部職官志

郁新由戶部郎中遷本部侍郎帝問天下戶口田賦地理

險易應答無遺帝稱其才尋進尙書時親王歲祿米五萬

石新定議減五之四並定郡王以下祿有差又以邊餉不

繼定召商開中法令商輸粟塞下按引支鹽邊儲以足新郁傳

三十一年六月以戶部主事夏原吉爲本部侍郎大政記

永樂時原吉進尙書首請裁冗食平賦役嚴鹽法鈔法之

禁清倉場廣屯種以給邊蘇民且便商賈皆報可是時兵

明會要卷三十一

五

革初定論靖難功臣封賞分封諸藩增設武衛百司已又

發卒八十萬問罪安南中官造巨艦通海外諸國大起北

都宮闕供億轉輸以鉅萬萬計皆取給戶曹原吉悉心計

應之國用不絀夏原吉傳

景泰四年戶部尙書張鳳以災傷蠲賦多奏言國初天下

八百四十九萬餘頃今數既減半加以水旱停征國用何

以取給京畿及河南山東無額田甲方墾闢乙卽許其漏

賦請準輕則征租不惟永絕爭端亦且少助軍國報可張鳳傳

天順四年戶部缺尙書李賢舉年富左右巧阻之上曰戶

部非富不可人多不喜富此富所以爲賢也特召任之年富傳

成化二十一年李敏拜戶部尙書先是敏巡撫大同見山

東河南轉餉至者道遠耗費乃會計歲支外悉令輸銀民

輕齋易達而將士得以其贏治軍裝交便之至是并請畿

輔山西陝西州縣歲輸糧各邊者每糧一石徵銀一兩以

十九輪邊依時值折軍餉有餘則召羅以備軍與帝從之

自是北方二稅皆折銀由敏始也李敏傳

宏治九年周經代葉淇爲戶部尙書時孝宗寬仁而戶部

尤奸蠹所萃挾勢行私者不可勝紀少不如意讒毀隨之

明會要卷三十一

六

經悉按祖宗成憲無所顧寬逋緩征裁節冗濫四方告災

必覆奏蠲除每委官監稅課入多者與下考苛切之風稍

衰周經傳

十五年戶部尙書侶鍾上天下會計之數言常入之賦以

蠲免漸減常出之資以請乞漸增入不足當出正統以前

軍國費省小民輸正賦而已自景泰至今用度日廣額外

科率河南山東邊餉浙江雲南廣東雜辦皆昔所無民已

重困無可復增往時四方豐登邊境無調發州縣無流移

今太倉無儲內帑殫絀而冗食冗費日加於前願陛下惕

然省憂力加損節且敕廷臣共求所以足用之術帝命下

羣臣議傳侶鍾

正德元年戶部尚書韓文奏祖宗之朝財賦有定制費出亦有常經如天下歲辦京庫銀兩共一百四十九萬歲用僅該九十餘萬漕運糧斛共三百七十萬石歲支僅該三百餘萬其他光祿寺廚役內府顏料等項大率類此所謂以十之七為經費而儲其三以備兵荒支用者也近年以來官兵吏匠穴食日增水旱災傷逋負日甚加以土木迭興齋醮繼起勳戚貴近賞賚不貲宴樂游賞費出無算若不急為裁節年復一年噬臍何及合無敕令戶部約祖宗以來歲賦之數查正統以前歲用之則酌為中制永示遵

明會要卷三十一

七

守明臣奏議

嘉靖時尚書缺出廷臣上言司徒乃國計大臣總領財賦得人實難惟梁材操心廉直終始不渝且綜理既嫻出納有執實人才之望帝乃用之續通

隆慶元年四月戶部尚書葛守禮奏言畿輔山東流移日眾以有司變法亂常起科太重徵派不均且河南北山東西土地磽瘠正供尚不能給復重之徭役工匠及富商大賈皆以無田免役而農夫獨受其困此所謂舛也乞正田賦之規罷科差之法五月奏定國計簿式頒行天下自嘉靖三十六年以後完欠起解追徵之數及貧民不能輸納

備錄簿中自府州縣達布政送戶部稽考以清隱漏那移侵欺之弊又以戶部專理財賦必周知天下倉庫盈虛然後可節慎調劑祖宗時令天下歲以文冊報部乃請遣御史分行天下董其事守禮

馬森為戶部尚書時登極詔書蠲天下田租半太倉歲入少不能副經費而京通二倉積貯無幾森鈎校搜剔條行十餘事又列上錢穀出入之數勸帝節儉帝嘗命宦官崔敏發戶部銀六萬市黃金森持不可且言故事御札皆由內閣下無司禮徑傳者事乃止既又命購珠寶森亦力爭不聽馬森

明會要卷三十一

六

三年詔取太倉銀三十萬兩戶部尚書劉體乾言太倉銀所存三百七十萬兩耳而九邊年例二百七十六萬有奇在京軍糧商價百有餘萬薊州大同諸鎮例外奏乞不與焉若復取以上供經費安辦帝不聽體乾復奏今國計絀乏大小臣工所共知即存庫之數乃近遣御史所按括明歲則無策矣今盡以供無益費萬一變起倉卒如國計何時內供已多數下部取太倉銀又趣市珍珠黃綠玉諸物體乾清勁有執每疏爭積忤帝意奪官劉體乾萬曆六年張學顏為戶部尚書時張居正當國以學顏精心計深倚任之自正嘉虛耗後至萬曆十年間最稱富庶

學顏與有力焉張學顏傳

十八年石星代宋纁為戶部嘗與纁曰某郡有奇羨可濟國需纁曰朝廷錢穀甯蓄久不用勿使搜括無餘主上知物力充羨則侈心生矣星懽然有言漕糧宜改折纁曰太倉之粟甯紅腐不可匱細一旦不繼何可措手宋纁傳

天啟元年南京戶部尙書汪應蛟改北部東西方用兵驟加賦數百萬應蛟在道馳疏言漢高帝稱蕭何之功曰鎮國家撫百姓給饋餉不絕吾不如蕭何夫給饋餉而先以撫百姓故能興漢滅楚如指諸掌也今國家多難經費不支勢不得緩催科然弗愛養民力而徒竭其脂膏財殫民窮變亂必起安得不豫為計因列上愛養十八事帝嘉納焉應蛟傳

明會要卷三十一

九

崇禎十六年五月拜倪元璐戶部尙書祖制浙人不得官戶部元璐辭不許元璐傳

戶部十三司

洪武元年設戶部郎中員外主事六年分五科一科二科三科四科總科八年每科設郎中員外郎各二人主事五人十三年分四屬部總部度支部金部倉部二十二年改總部為民部二十三年又分四部為河南北平山東山西陝西浙江江西湖廣廣東廣西四川福建十二部每部仍

分民度金倉四科二十九年改十二部為十二清吏司各郎中一人員外郎一人主事二人建文中仍為四司成祖復舊制永樂元年改北平司為北京司十八年革北京司設雲南貴州交趾三清吏司宣德十年革交趾司定為十三司職官志

宣德時戶部員外郎羅通出理宣府軍餉奏言朝議儲餉開平令每軍運一石又當以騎士護行計所費率二石七斗而致一石今軍米多願輸米易鹽請捐舊例五分之一則人自樂輸餉足而民不疲帝可之羅通傳

明會要卷三十一

十

三十五萬東豪猾侵蘇松改折銀七十餘萬兩俊往督不數月畢輸尙書金濂以為能俾典諸曹章奏陳俊傳

正德十年戶部主事戴冠言古人理財務去冗食近京師勢要家子弟僮奴苟竊爵賞錦衣官屬數至萬餘次者繫籍勇士投充監局匠役不可勝紀皆國家蠹也歲漕四百萬宿有贏餘近緹水旱所入不及前而歲支反過之此輩耗三之一陛下何忍以赤子膏血養無用之蠹乎天子藏富天下務鳩聚為帑藏是匹夫商賈計也逆瑾既敗所籍財產不歸有司而貯之豹房遂册新庫夫供御之物內有監司外有部司此庫何所用之疏入帝怒貶驛丞戴冠傳

正德末戶部郎中楊淮始監京倉革胥徒積弊殆盡繼監
淮通二倉罷中官茶果之供除國茶及額外席草費最後
監內庫奄人例有供餽淮悉絕之楊淮傳

戶部十三司自宏治來以公署隘惟郎中一人治事員外
郎主事止除官日一赴而已郎中力不給則委之吏胥弊
益滋萬厯時戶部尙書王國光盡令入署職業得修舉天
下錢穀散隸諸司國光請歸併責成畿輔府州縣歸福建
司南畿歸四川司鹽課歸山東司關稅歸貴州司淮徐臨
德諸倉歸雲南司駐馬象房及二十四馬房歸廣西司遂
爲定制國光傳

明會要卷三十一

主

鹿善繼爲戶部主事時遼東缺餉請帑疏皆不報會廣東
解金花銀至善繼謂尙書李汝華曰每歲廣東解金花銀
兩進大內此近例也頃督部有扣留之議此時仍進大內
則部議終成畫餅欲徑解太倉則俞旨艱如拔山莫若題
留爲便考會典金花銀解內府始於正統元年歲以百萬
爲額嘉靖三十三年題准三宮子粒及各處京運不拘金
花銀折等項應解內府者一併催解貯庫悉備各邊應用
不許別項那借是備外府專用而內府原不得旁分也今
邊烽告急軍精乏用卽舉金花全數一旦復還太倉亦率
由祖制非奪大內所有而益外府也汝華如議請上怒奪

善繼俸一年春明夢餘錄

司農司

吳元年七月辛丑置以楊思義爲卿洪武元年罷三年五
月復置開治所於河南四年三月又罷悉以其所掌歸戶
部職官志楊思義傳

總督倉場

永樂中置京倉及通州諸倉以戶部司員經理之宣德五
年始命李昶爲戶部尙書專督其事遂爲定制以後或尙
書或侍郎俱不治部事專理糧儲職官志

嘉靖三十八年七月庚午始令倉場侍郎兩月具報太倉

明會要卷三十一

主

出納之數以聞從巡視給事中之議也通紀

萬厯二年另撥戶部主事一人陪庫每日偕管庫主事收
放銀兩季終更替九年裁革命本部侍郎分理之十一年
復設職官志

七年倉場尙書汪宗伊疏永樂二十一年每歲漕糧以兩
運京倉一運通倉往因通惠河未疏通倉糧多於京倉故
嘉靖四年議放五年糧京倉六箇月通倉六箇月自疏通
之後京倉積倍於通倉反以四月十月改折色是京倉收
二分而僅放四月通倉收一分乃放六月今京倉隆慶五
年分糧已及九年漸多泥爛且以京通倉糶米計之京倉

放十一年而有餘通倉放四年而不足合查照原收之糧額定支放之月分每年坐放京倉二分通倉一分兩月折色歲以爲常尙書張學顏議得四月十月係開倉之日起倉關支有誤隨行且軍士支糧在京倉甚近且易在通倉爲遠且難查得通倉應於本色六月十一月俱改坐京倉四月十月仍給折色是在京倉放米六箇月通倉放米四箇月似爲多寡適均如遇米貴則折色又當停止而京倉糧米復當多放臨時酌行題請

春明夢餘錄

崇禎中倉場侍郎南居益疏漕糧每年以四百萬爲額除永折邊糧計七十八萬二千四百四十餘石外實入京通者額該三百二十一萬七千五百五十餘石卽地方被災折免祖制仍當令於附近郡邑撥補足數原不容折銀虧額祖宗朝鄭重倉糶如此查神祖初年京通之貯尙計米一千五百二十餘萬於時每年支放止該一百九十餘萬今自關鮮借留地方截折每年實入京通者不過二百餘萬石而軍兵增設各役冒破每年實支米反該三百二十餘萬石方足歲額今計京通二倉實在米止二百餘萬不過兩年配搭便罄盡而無餘根本重地萬一有意外之變何以禦之此時惟有嚴覈虛冒而各衙門或棚設或增添但就萬厯間迄今每年已多支米五十萬二千六百餘石

明會要卷三十一

三

今後各衙門當嚴加稽察自行清汰一切追還錢糧仍當還太倉以湊本折支放之用庶糜耗漸清而倉庾自充矣

上同

督餉侍郎督理錢法附

萬厯四十七年二月特設戶部侍郎一人出督遼餉駐天津以李長庚爲之長庚奏行造淮船通津路議牛車酌海道裁幫運議錢法設按臣開事例嚴海防九事又請留金花行改折借稅課言臣考會計錄每歲本色折色通計千四百六十一萬有奇入內府者六百餘萬入太倉者自本色外折色四百餘萬內府六百萬自金花籽粒外皆絲棉

明會要卷三十一

三

布帛蠟茶顏料之類歲久皆朽敗若改折一年無損於上有益於下他若陝西羊絨江浙織造亦當稍停一年濟軍國急不從

長庚傳

崇禎間督遼餉寇餉宣大餉增設侍郎三四人

職官志

天啟五年增設督理錢法侍郎

南京戶部

萬厯十七年張孟男爲南京戶部尙書時留都儲峙耗竭孟男受事粟僅支二年不再歲遂有七年之蓄水衡脩倉發公羨二千金助之或謂奈何耘人田孟男曰公家事乃畫區畔耶後五上章乞歸不許時礦稅患日劇孟男草疏

數千言言臣備員地官所征天下租稅皆鬻男市女股骨
割肉之餘也臣以催科為職臣得其職而民病矣聚財以
病民虐民以搖國有臣如此安所用之臣不勝哀鳴為陛
下杞人憂耳孟男傳

衛承芳拜南京戶部尚書福王乞蘆洲自江都抵太平南
北千餘里自遣內官徵課承芳抗疏爭卒不從同上

督理糧儲

南京糧儲舊督以都御史正統十二年冬命戶部侍郎張
鳳兼理廉謹善執法號板張張鳳傳

天順二年南京督理糧儲缺官帝問李賢大臣中誰曾居

明會要卷三十一

吏

此職者賢以軒輓對且稱其廉帝乃命以左都御史往軒輓傳

南京糧儲自成化後皆以都御史領之至嘉靖二十六年

始命戶部兼理三十九年振武營軍亂言者請復舊制王廷

傳三月丁巳遂以都御史章煥督理糧儲大政記

隆慶四年三月裁革總督南京糧儲都御史以其事屬之

南京戶部侍郎仍設巡倉御史一員佐之王圻通考

崇禎三年擢呂維祺南京戶部右侍郎總督糧儲設會計

簿鈎考隱沒侵欺及積逋不輸各數十百萬大者彈奏小

者捕治立法嚴督屯課倉庾漸充條上六議帝稱善即行

之呂維祺傳

禮部尚書侍郎

洪武元年八月置禮部以錢用壬為尚書世家寶為侍郎

昭代用壬先官御史臺經歷佐陶安定郊廟社稷諸儀至

是投為禮官凡禮儀祭祀宴享貢舉諸政皆專屬之又詔

與儒臣議定乘輿以下冠服諸式時儒生多習古義而用

壬考證尤為詳確錢用壬傳

十月以崔亮為禮部尚書亮初為禮曹主事即位大祀諸

禮皆其所條畫及為尚書一切禮制用壬先所議行者亮

皆援引故實以定其議考證詳確尤踰於用壬崔亮傳

明會要卷三十一

美

三年七月陶凱為禮部尚書定軍禮及品官墳塋之制同上

十三年正月以北平副使劉崧為禮部侍郎昭代典則

十四年十月以禮部郎中高信為本部試尚書同上

十五年二月劉仲質拜禮部尚書命與儒臣定釋奠禮頒

行天下學校又立學規十二條合欽定九條頒賜師生崔亮傳

十一月以御史任昂為禮部尚書奏定天下歲貢士從

翰林院考課以為常十六年命科舉與薦舉並行昂條上

科場條式視前加詳取士制始定明年命以鄉飲酒禮頒

天下復令制大成樂器分頒學宮任昂傳

三十年八月以義門鄭沂為禮部尚書大政記

成祖卽位升禮部員外郎宋禮爲本部右侍郎宋禮傳

正統初禮部侍郎章做纂洪武以來條格使諸司參酌吏無能爲奸章做傳

成化二年帝從李賓言令南畿及浙江江西福建諸生納

米濟荒得入監禮部尙書姚夔奏罷之姚夔傳

慈懿太后崩中旨議別葬閣臣持不可下廷議夔言太后

配先帝二十餘年合葬升祔典禮具在一有不慎違先帝

心損母后之德他日有據禮議改者如陛下孝德何疏三

上又率羣臣伏文華門哭諫帝爲固請周太后如禮同上

宏治十七年正月以道士崔志端爲禮部尙書志端李廣

明會要卷三十一

毛

之黨成化中傳奉歷官太常卿至是驟擢尙書言官以志

端羽流不宜清秩抗疏力爭上曰先朝有之旣擢用矣不

聽明紀

正德六年傅珪爲禮部尙書禮部事視他部爲簡自珪數

有執爭章奏遂多帝好佛自稱大慶法王番僧乞田百頃

爲法王下院中旨下部稱大慶法王與聖旨並珪伴不知

執奏孰爲大慶法王敢與至尊並書大不敬詔勿問田亦

竟止傅珪傳

八年劉春爲禮部尙書宗藩請封請婚及文武大臣祭葬

贈諡多所裁正帝崇信西僧有綽吉我些兒者出入豹房

封大德法王遣其徒二人還烏思藏請給國師誥命如大

乘法王例歲時入貢且得齋茶以行春持不可帝命再議

春執奏曰烏思藏遠在西方性極頑獷雖設四王撫化其

來貢必有節制使不爲邊患若許其齋茶給之誥敕萬一

假上旨以誘羌人妄有請乞不從失異俗心從之則滋害

奏上罷齋茶卒與誥命劉春傳

十年毛紀拜禮部尙書烏思藏入貢其使言有活佛能前

知禍福帝遣中官劉允迎之芻糧舟車費以百萬計紀等

上言自京師至烏思藏二萬餘里公私煩費不可勝言且

自四川雅州出境過長河西行數月而後至無有郵驛村

明會要卷三十一

毛

市一切資費取辦四川四川連歲用兵流賊甫平蠻寇復

起困竭之餘重加此累恐生意外變毛紀傳

世宗卽位詔議興獻王典禮禮部尙書毛澄據定陶濮安

故事議考孝宗帝不從再四疏辨帝嘗遣中官諭意至長

跪稽首澄駭愕急扶之起其人曰上意也上言人孰無父

母奈何使我不獲伸必祈公易議因出囊金畀澄澄奮然

曰老臣詩毫不能隳典禮獨有一去不與議已耳抗疏引

疾至五六上乃許之毛澄傳

八年十二月刑部侍郎徐學謨擢禮部尙書自宏治後禮

部長非翰林不授惟席書以言大禮故由他曹遷萬士和

不由翰林然先歷其部侍郎學謨與張居正厚徑拜尙書廷臣無敢言者鄭元標傳

禮部四司

洪武元年設禮部郎中員外主事六年分四屬部總部祠部膳部主客部十三年定每屬部設郎中員外郎主事各一人二十二年改總部為儀部二十九年改為儀制祠祭

精膳主客四清吏司職官志

二年常遇春薨高麗遣使來祭禮部主事曾魯索其文視之外襲金龍黃帕文不署洪武年號魯讓曰龍帕誤耳納貢稱藩而不奉正朔於義何居使者謝過即令易去曾魯傳

明會要卷三十一

无

張籌初由翰林應奉改禮部主事奉詔與尙書陶凱編集自漢唐以來藩王事蹟為昭鑑錄洪武九年由員外郎進尙書與學士宋濂定諸王妃喪服之制張籌傳

成化時雲南缺提學官部議屬禮部主事宋端儀吏先期洩之端儀曰啟事未登已喧眾口人其謂我干乞乎力辭之已進主客員外郎貢使以贄見悉卻不納宋端儀傳

宏治五年二月增設主客司主事一人提督會同館職官志正德中張濂遷禮部主事監督會同館尙書王瓊與都御史彭澤有隙以澤遣使土魯番許金幣贖哈密城印為澤罪嗾番人在館者暴澤過惡誘濂為署牒且曰澤所為南

宋覆轍也事成當顯擢濂力拒曰王公誤矣澤與土魯番檄具在豈宋和戎比昔范仲淹亦嘗致書元昊甯獨澤也不肯署張濂傳

故事郡王絕近支得以本爵理府事不得繼封交城懷仁襄垣近支絕以繼封請儀制郎中葛守禮持之堅會以疾在告三邸人乘間行賂遂得請旗校詢其事以聞所籍記賂遺十餘萬獨無守禮名帝由是知守禮廉葛守禮傳

嘉靖十年禮部主事田汝成言陛下以青宮久虛祈天建醮復普放生之仁凡羈蹏鍛羽禁在上林者咸獲縱釋顧使囹圄之徒久纏微縲衣冠之侶流竄窮荒父子長離魂

明會要卷三十一

三

魄永喪此獨非陛下之赤子乎望大廣皇仁悉加寬宥田汝成傳

南京禮部

嘉靖二年南京禮部右侍郎劉瑞偕同官條上六事且言齋醮無益且妨政織造多費且病民帝納用之劉瑞傳

萬曆十九年南京禮部主事湯顯祖言陛下以星變嚴責言官欺蔽言官豈盡不肖蓋陛下威福之柄潛為輔臣所移故言官向背之情亦為轉移御史丁此呂首發科場欺蔽申時行屬楊巍劾去之御史萬國欽極論封疆欺蔽時行諷同官許國遠謫之一言相侵無不出之於外於是無

恥之徒但知自結於執政所得爵祿直以為執政與之縱他日不保身名而今日固已富貴矣給事中楊文舉奉詔理荒政徵賄鉅萬抵杭日宴西湖鬻獄市薦以漁厚利輔臣乃及其報命擢首諫垣給事中胡汝甯攻擊饒伸不過權門鷹犬以其私人猥見任用夫陛下方責言官欺蔽而輔臣欺蔽自如前十年之政張居正剛而多欲以羣私人囂然壞之後十年之政時行柔而多欲以羣私人靡然壞之甚可惜也乞立斥文舉汝甯誠諭輔臣省愆悔過帝怒謫徐聞典史顯祖傳

明會要卷三十一

三十一

明會要卷三十一終

明會要卷三十一

永新龍文彬

職官四

兵部尚書侍郎

洪武元年置兵部以陳亮為尚書朱珍為侍郎昭代典則

十五年增試侍郎一人職官志

二十二年沈潛進兵部尚書時廣西都司建譙樓青州衛造軍器皆擅科民財潛請凡都司衛所營作必都督府奏準官給物料毋擅役民違者治罪仍禁武臣預民事時干戈甫息武臣暴橫數扞文法至是始戢潛力也沈潛傳

明會要卷三十一

三十一

二十八年齊泰以兵部郎中擢左侍郎太祖嘗問邊將姓名泰歷數無遺又問諸圖籍出袖中手冊以進簡要詳密太祖奇之齊泰傳

建文三年十二月升武選司郎中古朴為兵部侍郎

成祖初升兵部郎中方賓為本部侍郎已上大政記

正統十四年英宗北狩郕王監國進于謙為兵部尚書謙請飭諸邊守臣協力防遏京營兵械且盡宜急分道募民兵令工繕器甲修戰具分兵九門列營郭外附郭居民皆徙入內文臣如軒輓者宜用為巡撫武臣如石亨楊洪柳溥者宜用為將帥至軍旅之事臣身當之不效則治臣罪

王深納焉于謙傳

景泰時增設尙書一人協理部事天順初罷職官志

成化十三年余子俊爲兵部尙書奏申明條例十事又列

上軍功賞格由是中外有所遵守余子俊傳

宏治二年馬文升爲兵部尙書承平既久兵政廢弛西北

部落時伺塞下文升嚴覈諸將校黜貪懦者三十餘人吏

部尙書屠瀟罷廷推文升御史魏英等言兵部非文升不

可乃命倪岳代瀟而加文升少傅以慰之馬文升傳

十二年王守仁疏言兵部自尙書以下其兩侍郎使之每

歲更迭巡邊於科道部屬之內擇其通變特達者二三人

明倫彙編卷三十三

二

以從使之得以周知道里之遠近邊關之要害敵情之虛

實事勢之緩急無不深諳熟悉於平日一旦有急所以遙

度而往泄之者不慮無其人矣明臣奏議

十五年劉大夏爲兵部尙書請凡事非祖宗舊制而害軍

民者悉條上釐革十七年復陳兵政十害帝欲宿兵近地

爲左右輔大夏言保定設都司統五衛祖宗意當亦如此

請遣還操軍萬人爲西衛納京東兵密雲薊州爲東衛帝

報可中官監京營者悉失兵揭飛語宮門帝以示大夏曰

宮門豈外人能至此曹不利失兵耳由是閒不得行劉大夏傳

夏傳

正德三年五月增兵部侍郎一員以左右侍郎差出防邊治船大政記

十一年王瓊爲兵部尙書帝時遠遊塞外經歲不還近畿

盜竊發瓊請於河間設總兵一人大名武定各設兵備副

使一人責以平賊而檄順天保定兩巡撫嚴要害爲外防

集遼東延綏士馬於行在以護車駕中外恃以無恐瓊用

王守仁撫南贛假便宜提督軍務比宸濠反書聞舉朝惴

惴瓊曰諸君勿憂吾用王伯安贛州正爲今日賊旦夕禽

耳未幾果如其言王瓊傳

世宗卽位起彭澤爲兵部尙書部事積壞久澤覈功罪杜

明倫彙編卷三十三

三

于請兵政一新又請敕九邊守臣策防禦方略毋畫境自

保鎮巡居中調度毋相牽制諸邊各以農隙築牆濬濠修

墩臺飭屯堡爲經久計內地盜甫息敕守臣練卒伍立保

甲懲匿盜不舉者且撫西南諸苗蠻申海禁汰京軍老弱

帝咸嘉納詔遣中官楊金鄭斌安川更代鎮守復令張弼

劉瑤守涼州居庸澤持不可罷弗遣四川巡撫胡世甯劾

分守中官趙欽澤因請盡罷諸鎮守時雖不從其後鎮守

竟罷彭澤傳

嘉靖二十一年毛伯溫爲兵部尙書會廷臣議上防邊二

十四事軍令一新言官建議請覈實新軍京軍及內府力

士匠役以裕國儲伯温因上宥濫當革者二十餘條凡錦衣騰驤諸衛御馬內官尙膳諸監素爲中貴盤踞者盡在

革中帝稱善立命清汰宿弊盡釐毛伯温傳

隆慶四年大學士高拱請增置兵部侍郎一員以儲總督

之選由侍郎而總督由總督而本兵中外更番邊材自裕

高拱傳

萬曆十一年張學顏爲兵部尙書時方興內操選內豎二

千人雜廝養訓練發太僕寺馬三千給之學顏執不與馬

又請停內操皆不聽其年秋車駕自山陵還學顏上疏曰

皇上恭奉聖母扶輦前驅拜祀陵園考卜壽域六軍將士

明會要卷三十二

四

十餘萬部伍齊肅惟內操隨駕軍士進止自恣前至涼水

河喧爭無紀律奔逸衝突上動天顏今車駕已還猶未解

散謹遵舊制營軍隨駕郊祀始受甲於內庫事畢卽還宮

中惟長隨內侍許佩弓矢又律不係宿衛軍士持寸刃入

宮殿門者絞入皇城門者戍邊衛祖宗防微弭亂之意甚

深且遠今皇城內披甲乘馬持鋒刃科道不得糾巡臣部

不得檢閱又招集廝養僕隸出入禁苑萬一驟起邪心朋

謀倡亂譁於內則外臣不敢入譁於夜則外兵不及知譁

於都城白晝則曰天子親兵也驅之莫肯散捕之不敢撻

正德中西城練兵之事可鑒也疏入竟不能用張學顏傳

萬曆之末以兵事亟復增設二侍郎以邢伯裕王在晉任

之而召張鶴鳴爲左侍郎鶴鳴等並臥家園不赴及遼陽

破右侍郎張經世督援師出關部中遂無侍郎帝乃剋期

命兵部馬上督催鶴鳴等始履任鶴鳴傳

崇禎十三年正月召陳新甲爲兵部尙書自宏治初賈俊

後乙榜無至尙書者兵事方亟諸大臣避中樞故新甲得

爲之陳新甲傳

十五年給事中李清疏外之邊才散於推官等官內之邊

明會要卷三十二

五

才散於京卿等衙門而總以兵部爲聚藪誠於推知內揆

樞曹或因捍虜禦寇修城練兵著有成效者擢之使樞曹

數十員果富於儲是邊方兵備之才於此一大聚矣又於

京卿內覓佐樞或從見任或從廢棄或從內遷之藩臬郡

守確有強幹者拔之使侍郎數員咸精於兵是邊方督撫

之才於此一大聚矣蓋兵部真邊才之專門而京卿則備

邊才之一途也乞敕吏兵二部合志殫慮以聚才樞部使

天下才智之士鼓舞奔走於斯遇有邊方督撫及兵備員

缺無慮乏才補用欲實收邊才之效不若力行先臣高拱

之言爲善也春明夢餘錄

兵部四司

洪武元年設兵部郎中員外主事六年分屬部三總部駕

部職方部十三年增庫部二十二年改總部為司馬部二十九
十九年改為武選職方車駕武庫四司設郎中一人員外
郎一人主事二人

職官志

宏治中陳愷為武選司主事歷升郎中武選繁劇怨叢勢
軋愷一意奉公私謁不行一時武選稱得人本部長官舉
薦謂愷可勝方岳之任

通典

劉大夏調職方郎中明習兵事所奏覆皆當上意尚書倚
之如左右手汪直好邊功以安南黎瀨敗於老撾欲乘閒
取之言於帝索永樂閒討安南故牘大夏匿弗予密告尚
書余子俊曰兵燬一開西南立糜爛矣事得寢

劉大夏傳

明倫彙編

六

嘉靖初鄭曉為職方主事日披故牘盡知天下阨塞士馬
虛實強弱之數尚書金獻民屬撰九邊圖志人爭傳寫之

鄭曉傳

二十八年開馬市於大同宣府兵部主事楊繼盛奏言十
不可五謬貶狄道典史已而諳達數入寇帝思繼盛言四
遷至員外郎繼盛抵任甫三月草奏劾嚴嵩十大罪五奸
疏入帝怒詔下獄旋棄市

楊繼盛傳

隆慶初大學士高拱言兵者專門之學非素習不可應卒
儲養本兵當自兵部司屬始宜慎選司屬多得智謀材力
曉暢軍旅者久而任之勿遷他曹他日邊方兵備督撫之

選皆於是取之更各取邊地之人以備司屬如銓司分省
故事則題覆情形可無扞格並重其賞罰以鼓勵之

高拱傳

崇禎十七年三月兵部主事金鉉巡視皇城聞大同陷疏
言宣大京師北門大同陷則宣府危宣府危則大事去矣
請急撤回監視杜勳專任巡撫朱之馮勳二心債事臣之
馮忠懇可屬大事不報

金鉉傳

協理京營戎政

景泰元年始設提督團營命兵部尚書于謙兼領之後罷
成化三年復設率以本部尚書或都御史兼之

職官志

明倫彙編

七

景泰天順成化等年事例添設或尚書侍郎都御史一員
為總提督會同操練不妨以他務但查前項事例于謙馬
文升劉大夏等俱以本部尚書不妨部事提督王越以左
都御史不妨院事提督今欲添設一員專管提督事體重
大伏乞聖裁得旨提督官不必添設

明臣奏議

嘉靖二十年始命劉天和輟部務另給關防專理戎政二
十九年以總督京營戎政之印畀仇鸞而改設本部侍郎
協理戎政不給關防

職官志

隆慶元年帝以京營事重改協理為閱視以左都御史曹
邦輔任之已從恭順侯吳繼爵言復改閱視為提督

曹邦輔傳

四年正月罷京營總督分設三大將以侯伯充總兵官尋改提督又用三文臣亦稱提督九月以文武六提督遇事各持意見旬月不決給事中溫純言其弊乃罷之仍設總理協理二員三編

萬曆八年十月兵部尚書楊兆協理京營因有詔協理歸本部侍郎帶管兆遂疏辭協理因裁之明紀

天啟初增設協理一人尋革崇禎二年復增一人以庶吉士劉之綸為兵部侍郎充之職官志

南京兵部

宣德十年黃福為南京兵部尚書始加參贊機務銜三編文林

明會要卷三十三

八

按明史黃福傳宣德七年福以戶部尚書改官南京明年兼掌南京兵部英宗即位加少保參贊南京機務故三編系之宣德十年職官志及續通典皆云參贊機務自宣德八年黃福始蓋沿明史稿以兼掌兵部之年為參贊機務也

福參贊時嘗坐守備李隆側楊士奇寄聲曰豈有孤卿而旁坐者福曰焉有少保而贊守備者耶卒不變然隆待福甚恭公退即推福上坐福亦不辭黃福傳

初參贊之任不專屬兵部自成化中薛遠繼以陳俊遂為定制陳俊傳

成化二十年五月改王恕南京兵部尚書時錢能仍守備南京語人曰王公天人也吾敬事而已恕坦懷待之能卒

斂戢怨先後應詔陳事者二十一建白者三十九皆力阻權倖天下傾心慕之時謠曰兩京十二部獨有一王恕王恕傳

宏治十六年九月南京兵部尚書韓文以米價翔貴請發軍餉三月戶部難之文曰救荒如救焚有罪吾自當之乃發米十六萬石米價為平韓文傳

正德中劉機為南京兵部尚書參贊機務流賊犯江上眾議擇將適都督李昂自貴州罷官至機即召任之昂以無朝命辭機曰機奉敕有云敕所不載聽便宜此即朝命也劉中敷傳

明會要卷三十三

九

喬宇為南京兵部尚書參贊機務宸濠反揚言旦夕下南京宇嚴為警備指揮楊銳有才略署為安慶守備鎮守中官劉瑯與濠通為豫伏死士宇刺得其情詰瑯用事者瑯懼不敢動宇乃大索城中斬所伏壯士三百人懸首江上濠失內應且知有備不敢東攻安慶銳固守不得下喬宇傳

臧應奎為南京車駕主事進貢中官索舟踰額力裁損之中官遣卒譁於部叱左右執之遁去張潔傳

時因南營耗做從尚書吳文華請給參贊旗牌情卒煽奸得以軍法從事兼聽便宜調兵史稿

刑部尚書侍郎

洪武元年置刑部以周楨為尙書盛元輔張仁為侍郎山帝初卽位用法太嚴奉行者重足立楨定律令吏士始知循守其後數有釐正皆以楨書為權輿云周楨傳

二年三月甲寅擢御史臺經歷劉希魯為刑部尙書大政記

四年正月以刑部郎中劉惟謙為尙書論曰仁義者養民之膏梁也刑罰者懲惡之藥石也舍仁義而專用刑罰是以藥石養人豈得為善治乎遂命惟謙詳定大明律每奏一篇命揭兩廡親加裁酌昭代典則互見六十四卷引聖政記命惟謙定律在六年十一月

十六年開濟為刑部尙書以綜覈為己任請天下諸司設文簿日書所行事課得失又各部勘合文移立程限定功

明皇卷三十三

十

罪又言軍民以細故犯罪者宜卽決遣數月間滯牘一清開濟傳

二十二年以戶部尙書楊靖與刑部尙書趙勉換官論曰愚民犯法如啗飲食設法防之犯者益眾推恕行仁或能感化自今惟犯十惡並殺人者死餘罪皆令輸粟北邊又

曰在京獄囚卿等覆奏朕親審決猶恐有失在外各官所擬豈能盡當卿等當詳讞然後遣官審決靖承旨研辨多所平反帝嘉納之楊靖傳

三十年四月升刑部給事中張思恭為刑部右侍郎大政記刑部署尙書夏恕等請改反逆律從漢法夷三族帝曰古

者父子兄弟罪不相及漢仍秦舊其法太重卻其奏不行刑法志

正統三年十二月法司盡繫獄擢刑部主事張鳳本部右侍郎張鳳傳

宏治改元以何喬新為刑部尙書奏言舊製造官勘事及逮捕必齋精微批文赴所在官司驗視乃行近止用駕帖不合符宜復舊制以防矯詐帝立報許何喬新傳

楊志學為刑部尙書刑部獄詞既經侍郎詳定尙書多不覆視惟死罪始自裁決志學凡笞以上必經親覽而後定典通

明皇卷三十三

十一

四年彭韶為刑部尙書故安遠侯柳景賊敗至數千兩徵僅十一以其母訴免韶執奏曰昔唐宣宗元舅鄭光官租不入京兆尹韋澳械其莊吏宣宗欲寬之澳不奉詔景無

元舅之親賊非負租之比獨蒙宥除是臣守法愧於澳也不從彭韶傳

嘉靖中喻茂堅長刑部上言自宏治閒定例垂五十年乞會同三法司申明問刑條例及嘉靖元年以後欽定事例永為遵守其宏治十三年以後嘉靖元年以前奉詔革除

事例有因事條陳擬議精當可采者亦宜詳檢若官司妄引條例故入人罪者當議黜罰會茂堅去官尙書顧應祥

等定議增至二百四十九條刑法志

鄭曉為刑部尚書故事在京軍民訟俱投牒通政司送法司問勘諸司有應鞫者亦參送法司無自決遣者後諸司不復遵守獄訟紛拏曉奏循故事帝報許於是刑部開捕囚畿府而巡按御史鄭存仁謂訟當自下而上檄州縣法司有迫取無輒發曉聞率侍郎趙大祐傅頤守故事爭存仁亦據律執奏章俱下都察院會刑科平議議未上嚴嵩激帝怒落曉職鄭曉傳

明會要卷三十二

三

萬曆中刑部尚書孫丕揚以獄多滯囚由公移牽制議刑部大理各置籍凡獄上刑部次日即詳讞大理大理審允次日即還刑部自是囚無淹繫尋奏五歲方恤刑恐冤獄無所訴請赦天下撫按方春時和令監司按行州縣大錄繫囚按察使則錄會城囚死罪矜疑及流徒以下可原者撫按以達於朝期毋過夏月輕者立遣重者仍聽部裁歲以為常帝報從之孫丕揚傳

天啟三年孫瑋拜刑部尚書囚繫眾獄舍至不能容瑋請近畿者就州縣分繫內使王文進殺人下司禮議罪其餘黨付法司瑋言一獄不可分兩地請并文進下吏不聽孫瑋傳

崇禎十五年徐石麒為刑部侍郎時帝以刑馭下法官引

律大抵深文附會予重比石麒奉命清獄推明律意校正今斷獄之不合於律者十餘章先以白同官以次審理十三司囚多寬減然廉公一持大法赫然無敢干犯者徐石麒傳

刑部十三司

明會要卷三十二

三

洪武元年設刑部郎中員外主事六年分屬部四總部比部都官部司門部八年增設四科十三年仍分四屬部部設郎中員外郎各一人總部比部主事各四人都官司門主事各二人二十二年改總部為憲部二十三年分四部為河南北平山東山西陝西浙江江西湖廣廣東廣西四川福建十二部二十九年改為十二清吏司各郎中一人員外郎一人主事二人

永樂元年以北平為北京十九年革北京司增置雲南貴州交趾三司宣德三年革交趾司遂定為十三清吏司職官志

正統十四年周瑄署刑部郎中校尉受賕縱盜以仇人代

瑄辨雪之抵校尉罪外郡送囚一日至八百人瑄慮其觸熱三日決遣之殆盡周瑄傳

景泰五年毛吉除刑部廣東司主事司轄錦衣衛衛卒伺

百官陰事以片紙入奏即獲罪公卿大夫莫不惴恐公行

請屬狎侮官司即以罪下刑部者亦莫敢捶撻吉獨執法

不撓有犯必重懲之毛吉傳

天順初楊繼宗為刑部主事囚多疫死為時其飲食令三

日一櫛沐全活甚眾又善辨疑獄河間獲盜遣里民張文

郭禮送京師盜逸文謂禮吾二人並當死汝母老鮮兄弟

以我代盜庶全汝母子命文極楮詣部繼宗察非盜竟辨

出之楊繼宗傳

明會要卷三十二

十四

成化十一年九月刑部尚書董方等言本部專理刑名非

得通曉律例者無以稱欽恤之意乞依正統間例選諸司

辦事進士同本部見任官問刑待半年後主事有缺以可

用者敘補詔從其議選進士楊茂元等二十人於刑部問

刑昭代

南京刑部

成化時南京刑部尚書周瑄令諸司事不須勘者毋出五

日獄無滯囚暑疫悉遣輕繫者日召汝則至囚歡呼去無

失期者周瑄傳

孝宗初何喬新為南京刑部尚書沿江蒞洲率為中官占奪託言備進奉費喬新奏還之民何喬新傳

工部尚書侍郎

洪武元年置工部以單安仁為尚書張允文楊翼為侍郎

八年正月以鄭州知州梁敏為工部侍郎昭代

薛祥授工部尚書時造鳳陽宮殿帝坐殿中若有人持兵

闕殿脊者李善長奏諸工匠用厭鎮法帝將盡殺之祥為

分別交替不在工者並鐵石匠皆不預活者千數營謹身

殿有司列中匠為上匠帝怒其罔命棄市祥在側爭日奏

對不實竟殺人恐非法得旨用腐刑祥復徐奏日腐廢人

矣莫若杖而使工帝可之

明會要卷三十二

十五

十年趙肅由贊善大夫拜工部尚書奏定天下歲造軍器

之數及議定藩王宮城制度

十五年帝以國子監所藏書板歲久殘剝命諸儒考補工

部督匠修治尚書趙俊奉詔監理古籍

十八年十一月以進士秦達為工部侍郎時營繕事繁部

中缺尚書凡興作事皆達領之初議籍四方工匠驗其丁

力定三年為班更番赴京三月交代名曰輪班匠未及行

至是達議量地遠近為班次置籍為勘合付之至期齊至

部免其家徭役著為令已上薛祥傳

二十三年四月武定侯郭英奏請築魯王享堂周垣帝謂
工部尙書秦達曰事有不急者毋用勞民也方當耕種之
時而英請築堂垣此豈使民以時之道英武人不學惟知
築垣爲要不知民時不可奪也遂止之世法錄

二十六年嚴震直由工部侍郎進尙書時朝廷事營建集

天下工匠於京師凡二十餘萬戶震直請戶役一人書其

姓名所業於官有役則按籍更番召之役者稱便嚴震直傳

三十年升衛經歷黃福邊昇爲工部左右侍郎大政

永樂十年十月升工部主事蘭芳爲本部侍郎同上

宣德五年二月諭侍臣曰今國家無大營繕而工部采運

明會要卷三十二

夫

木植不已豈不妨農時其令已采之木隨處存貯軍夫悉

罷歸農通紀

景泰七年以工匠蒯祥陸祥爲工部侍郎三編蒯祥以木匠陸祥以石匠

俱累擢太僕寺少卿至侍郎仍督工匠時稱匠官

天順四年命中官往蘇杭嘉湖增織彩幣七千匹工部

右侍郎翁世資以東南水潦民艱食議減其半帝怒下詔

獄貶衡州知府楊鼎

成化二十一年賈俊爲工部侍郎拜尙書時專重進士舉

人無至六卿者賈獨以重望得之諸王府第塋墓悉官予

直而儀仗時繕脩內官監欲頻興大工俊言王府既有祿

米莊田請給半直儀仗非甚微不得煩有司公家所宜營

惟倉庫城池餘皆停罷帝報可宏治四年中官奏修沙河

橋請發京軍二萬五千及長陵五衛軍助役內府寶鈔司

乞增工匠浙江及蘇松諸府方罹水災而織造錦綺至數

萬匹俊皆執奏竝得寢工部政務與內府監局相表裏而

內官監專董工役職尤相關俊不爲所撓工役大省賈俊傳

宏治十三年會鑑爲工部尙書孝宗在位久海內樂業內

府供奉漸廣司設監請改造龍毬素毬一百有奇鑑所賜

停止不聽內府鍼工局乞收幼匠千人鑑等言往年尙衣

監收匠千人而兵仗局效之收至二千人軍器局司設監

明會要卷三十二

七

又效之各收千人弊源一開其流無已於是命減其半十

六年諸省方用兵且水旱多盜賊乞罷諸營繕及明年煙

火龍虎山上清宮工作帝皆報從正德元年雷震南京報

恩寺塔守備中官傳容請脩之鑑言天心示警不可重興

土木以勞民力乃止內織染局請開蘇杭諸府織造上供

錦綺爲數二萬四千有奇鑑力請停罷得減三分之二太

監許備等各齎敕於浙江諸處抽運木植亦以鑑言得寢

會鑑

嘉靖十六年毛伯溫升工部尙書奉命提督天壽山工程

諸陵石柱道遠難推勞費千百伯溫以意制八輪車前後

聯絡隨地險易為低昂工作易就帝聞之喜賜繡囊銀勺

各一通 十九年十二月添註工部尙書樊繼祖史

天啟三年鍾羽正拜工部尙書故事奄人冬衣隔歲一給是夏六月羣奄千餘人請豫給蠶擁入署碎公座毆掾吏肆罵而去蓋忌羽正者喉奄使發難也羽正疏聞因求罷詔司禮太監杖謫羣奄而諭羽正視事羽正因言今帑藏殫虛九邊壯士日夜荷戈寢甲弗獲一飽慶陵工卒負重乘高舉炎風赤日中求傭錢不得而獨內官請乞朝至夕從此輩聞之其誰不含憤復三疏自引歸鍾羽正傳

明會要卷三十二

六

工部四司

洪武元年設工部郎中員外主事六年分屬部四總部虞部水部屯田部八年增立四科十三年以屯田部為屯部二十二年改總部為營部二十九年定為營繕虞衡都水屯田四清吏司各郎中一人員外郎一人主事一人職官志正德時工部主事何遵樵木荆州下令稅自百金以下減三之一風濤敗費者勿算入算者手實其數自識之藏於郡帑數日一會所入比去不私一錢何遵傳工部主事邵經邦權荆州稅甫三月稅額滿遂啟關任商舟來往邵經邦傳

工部四司財物悉貯後堂大庫司官出納多侵漁嘉靖時尙書劉麟請特除一郎官主之帝稱善因賜名節慎庫麟傳

嘉靖十一年作雷壇程工峻急工部員外郎劉魁欲諫度必得重禍先命家人鸚棺以待遂上章曰前營大享殿太高元殿諸工尙未告竣內帑所積幾何歲入幾何一役之費動至億萬土木衣文繡匠作班朱紫道流所居擬於宮禁國用已耗民力已竭而復為此不經無益之事非所以示天下後世帝震怒杖於庭錮之詔獄劉魁傳時制以工部居六曹後仕進者冷局視之嘉靖間興大工

明會要卷三十二

九

添設郎官數倍營繕司尤盛郎官多至十餘員驟得升京堂或有先賜四品服者人始慕之而為語云馬前雙馬後方督工部雙者棍方者机也續通天啟初元兵事棘工部需才調萬燦營繕主事督治九門垣墉市銅江南皆勤於其職遷虞衡員外郎司鼓鑄時慶陵大工未竣費不貲燦知內府廢銅山積可發以助鑄移牒內官監言之魏忠賢怒不發燦具疏以請忠賢假旨詰燦旋進屯田郎中抗章極論忠賢之惡忠賢矯旨杖殺之萬燦傳將作司 吳元年七月辛丑置以單安仁為將作卿正三

品洪武元年以將作司隸工部安仁擢工部尚書仍領將作事六年改將作司爲正六品更置營造提舉司隸將作司十年正月罷二十五年置營造所改將作司爲營造所職官志單安仁傳

提督易州山廠

山廠之設專以燒薪炭供應內府宣德五年置於平山以都御史李儀董之正統初年改置沙魚口陳恭王永壽相繼以工部侍郎督廠事景泰四年移置清縣天順元年改廠於易州城西北二里許建部堂於中環以土城八府五州分治以次而列皆南向部堂總其綱府州縣佐貳官分理其事昭代典則

明會要卷三十二

三

景泰後以本部尚書或侍郎督廠事嘉靖八年改設司官管理四十四年革屯田司管易州山廠郎中改設主事會典宏治十四年工部侍郎張憲理易州山廠屬員故爲奸利憲用公差例日廩五升省八郡常供之饋書有關防以杜詐僞柴炭納銀痛損加耗之弊於是宿蠹頓革夢餘錄萬曆三年題准真定抽分就便專委易州山廠主事帶管王圻通考

南京工部

宏治五年正月中旨改徐恪南京工部右侍郎恪上疏曰大臣進用宜出廷推未聞有傳奉得者臣生平不敢由他

途進請賜罷黜帝慰留之徐恪傳

嘉靖三年調吏部右侍郎何孟春於南京工部故事南京

六部止侍郎一人時已有右侍郎張琮復以孟春爲左蓋

贍員也何孟春傳

萬曆中葉茂才爲南京工部主事權稅蕪湖課登輒縱民

舟去旣而課羨請以餉邊卒不取一錢本傳

明會要卷三十二

三

明會要卷三十二終

明會要卷三十三

永新龍文彬纂

職官五

都察院元御史臺

吳元年十月壬子置御史臺以湯和為左御史大夫鄧愈為右御史大夫劉基章溢為御史中丞洪武十三年五月罷御史臺十五年更置都察院設監察都御史八人分監察御史為浙江河南山東北平山西陝西湖廣福建江西廣東廣西四川十二道各道置御史或五人或三四人以秀才李原名詹徽等為都御史吳荃等為試監察御史政大

明會要卷三十三

一

十七年正月更定都察院官制以詹徽為左都御史初監察都御史之秩止於七品上以臺官職掌風紀品秩太卑乃設左右都御史各一人正三品左右副都御史各一人正四品左右僉都御史各二人正五品至是升都御史正二品副都御史正三品僉都御史正四品其十二道監察御史亦升為正七品自此臺職與部權並重七卿之名遂為一代定制建文元年改都察院為御史府都御史為御史大夫改十二道為左右兩院成祖復舊制職官志昭代典則初太祖諭御史大夫湯和等曰國家立三大府中書總政事都督掌軍旅御史掌糾察朝廷紀綱盡繫於此而臺察

之任尤清要卿等當正己以率下忠勤以事上毋委靡因循以縱奸毋假公濟私以害物職官志

洪武元年章溢拜御史中丞時廷臣伺帝意多尙嚴苛溢獨存大體或以為言溢曰憲臺百司儀表當養人廉恥豈恃搏擊為能耶章溢傳

有御史上言陶安隱微之過帝曰朕素知安安豈有此且爾何由知之對曰聞之於道路帝曰御史但取道路之言以毀譽人以此為盡職乎命中書省臣黜之陶安傳

太祖御下峻御史中丞劉基曰古者公卿有罪盤水加劍詣請室自裁所以勵廉恥存國體也詹同傳

明會要卷三十三

二

四年御史臺進擬憲綱四十條上親加刪定頒給諸臣則典昭代

七年刑部侍郎茹太素上言自中書省內外百司聽御史按察使檢舉而御史臺未有定考宜令守院御史一體察茹太素傳

十五年五月御史雷勵坐失入人徒罪上責之曰朝廷能使頑惡懾伏良善得所者在法耳少有偏重民無所守爾為御史執法不平何以激濁揚清伸理冤枉徒罪尙可改正若死罪論決可以再生乎命法司論勵罪以戒深刻者世法錄

九月壬戌始鑄監察御史印文曰繩愆糾謬每道印二一
昇御史久次者掌之一藏內府有事受印以出既事納之
十月丁亥以秀才宋矩等十七人為監察御史

二十三年七月己巳改鑄監察御史印因左副都御史袁
泰言各道印篆相同慮有詐偽乃改鑄監察御史印曰某
道監察御史印其巡按印曰巡按某處監察御史印已上昭代

二十四年擢南豐典史馮堅為左僉都御史三編

永樂七年召御史張循理等二十八人至問其出身皆由
進士及監生惟洪秉等四人由吏帝曰用人雖不專一途

明會要卷三十三

三

然御史為朝廷耳目之寄宜用有學識通達治體者黜秉
等為序班詔自今勿復用吏明年冬申諭吏部著為令三編

九年閏十一月癸丑諭都察院曰朝廷置風憲為耳目糾
察百僚綱維庶政比來有司奸弊生民疾苦豈無可言而

因循玩愒略無建白爾其申明憲章在內令監察御史在
外令按察司官各舉其職庶副朕之委任不能舉職者有

罰世法錄

時以山東道御史文郁不諳刑名改為工科給事中又改
江西道御史汪俊民為刑科給事中春明夢餘錄

十九年罷北京道先是改北平道為北京道至是罷增設

貴州雲南交趾三道職官志

都御史陳瑛言御史車舒怠惰不任事謫舒成邊因謂瑛
曰御史當用清謹介直之士清則無私謹則無忽介直則
敢言不能是者即黜之

洪熙元年諭尚書蹇義御史耳目之官惟老成識治體者
可任又曰都御史十三道之表如廉清公正御史雖間有
不才亦當畏懼今之不才者無畏懼矣其咨訪可任都御
史者

舊制御御史皆乘驢宣德間御史胡智言御史任紀綱之職
若巡方則序於三司之上或同三司出理公務三司乘馬

明會要卷三十三

四

御史獨乘驢驢頗失觀瞻自今請乘驛馬許之著為令
御史謝瑤薦牘誤書姓自陳改正上謂吏部曰古人奏牘

皆存敬慎石慶書馬字缺點懼及死今薦賢不知其姓豈
能知其才輕率如此豈稱御史之職遂謫交趾大蠻縣知

縣

宣宗諭左都御史劉觀曰中外諸司文卷已遣御史照刷
其內府諸衙門皆有錢糧出納近聞其弊甚多即選能幹

御史率監生於東華門廡下取各監局文卷詳加磨勘已錄餘

宣德二年十月乙卯朔擢照磨曾節通判姚兼善為御史

人政

十年定為十三道監察御史一百十人惟河南道獨專諸
內外考察其餘各道協管兩京直隸衙門通典

是年諭都察院朝廷設風憲所以重耳目之寄嚴紀綱之
任近年以來未盡得人妄逞威福是非倒置風紀廢弛令

吏部今後初仕者不許銓除風憲凡監察御史有缺令都
察院堂上及各道官保舉務要開具實行移咨吏部審察

不謬然後奏除其後有犯贓及不稱職舉者同罪錄
正統五年御史軒輓言祖宗設御史官為職基重今內外

諸司有事多擅遣御史非制請禁之便立報可軒輓
明倫彙編卷三十三 五

六年詔中外風憲係綱領之司須慎選識量端宏才行老
成任之其有不諳大體用心酷刻者並從都察院堂上官

考察降黜錄
景泰初御史王豪嘗以勘陳循爭地事忤循為所訐至是

循草詔言風憲官被訐者雖經赦宥悉與外除於是豪當
改知縣御史朱英言若如詔書則凡遭御史抨擊之人皆

將挾仇誣訐而御史愈緘默不言矣章下法司請如英言
乃復豪職朱英

六年十一月乙亥從給事中李瓚言設兩直隸督學御史
以華絳張鑑為之大政

天順初御史楊瑄印馬畿內至河間民訴曹吉祥石亨奪
其田瑄以聞並列二人怙寵專權狀帝語大學士李賢徐

有貞曰真御史也楊瑄
石亨等譖諸言官上諭吏部簡給事御史年踰三十者留

之尚書王翱列上給事中何玘等十三人御史吳禎等二
十三人皆調外錄

四年曹欽反將士妄殺至割乞兒首報功市人不敢出戶
副都御史林聰署院事急令獲賊者必生致濫殺為止錦

衣官校惡欽殺指揮逸杲悉捕欽姻識千戶龔遂榮及外
舅賀三亦在繫中人知其冤莫敢直聰辨出之其他湔雪

者甚眾林聰
明倫彙編卷三十三 六

成化六年八月丙午朔定科目出身歷任三年者不限內
外通選御史大政

十六年左都御史王越封威甯伯不當復領都察院而越
不欲直西班御史許進等頌其功引王驥楊善例請仍領

院事提督團營從之王越
宏治元年左都御史馬文升奏御史為朝廷耳目之官自

洪武永樂宣德年間不分進士知縣教官皆得除授但選
之甚精而授之不苟至正統年間朝廷頒降憲綱新進士
初仕不許除授御史至正統八年進士復得除之成化六

年仍遵憲綱凡遇御史有缺止於進士出身知縣並行人
內行取中間多有不分賢否但資格相應皆得授任者所
以未盡得人乞敕吏部行移各處撫按等官各於所屬進
士舉人除授到任六年以上知縣內從公推訪廉慎公勤
政績昭著者明白具奏遇有御史員缺吏部據此並於考
滿行人博士內行取如果六年以上知縣員少於辦事二
年以上進士中選取仍照例會同本院官考選具奏除授
若所舉不實事發連坐以罪如此則御史得人而風紀振
肅明臣奏議

十七年令國子監助教等官由舉人出身曾經薦舉者兼

明會要卷三十三

七

取考選御史

十八年令舉人出身教官歷俸六年以上有才行出眾者

取選科道等官已上會典

正德三年劉瑾黜御史十八人改他曹二十四人補之劉天

和傳

永樂十三年差御史三員巡督陝西茶馬景泰四年照洪

武中例差行人成化二年差御史一員於陝西巡茶七年

罷差行人四川巡茶十一年令取回御史復差行人十四

年仍差御史宏治十六年令取回御史命督理馬政以都

御史兼理正德二年仍設巡視御史二員夢餘錄

嘉靖六年九月戊寅張璠以署都察院復請考察諸御史
黜藍田等十二人尋奏行憲綱七條箝束巡按御史大政記明

胡世甯為左都御史條上憲綱十餘條執政請禁私謁世
甯曰臣官以察為名人非接其貌聽其言無由悉其才行
帝以為然遂弗禁世甯傳

十二年閣臣張孚敬攝都察院申明御史糾彈而御史不
法亦聽按察司糾彈臺諫不能挾私報復王廷相掌院請
如孚敬議上曰此祖制也令通諭行之

張孚敬又言昔唐韋謙為御史大夫見王公未嘗屈曰耳

明會要卷三十三

八

目官固當特立鵬鸞鷹鷂豈眾禽之偶乎宋杜衍為御史
中丞宰相而下畏之曰不肯以恩意假人者也國朝顧佐
為都御史在朝大臣有貪墨不法許穿緋衣當御前面加
糾舉就行拏問故都御史凡衣緋入朝之日必有糾舉大
臣莫不股慄今此職不舉故大臣無忌憚朝多貪墨如之
何民不窮且盜也已上夢餘錄

故事京官考滿自翰林外皆報名都察院脩庭謁禮後吏
部郎張濂廢報名陸光祖廢庭謁左都御史張永明榜令
遵故事列儀節奏聞詔諸司遵守郎中羅良當考滿先詣
永明郎約免報名庭謁乃過院永明怒疏言此禮行百年

非臣所能損益良輕薄無狀當罷詔禮部議奏宜承舊制從之張永明傳

天啟二年吏部將用鍾羽正為左副都御史羽正辭曰馮公從吾僉院已久吾後入先之是長競也西臺何地可以羽正是風有位乎乃受僉都御史而讓從吾為副傳

南京都察院

宣德三年邵玘為南京副都御史奏黜御史不職者十三人簡諸司庸懦不肖者八十餘人風紀大振顧佐

成化十年林聰為南京都御史先是掌院多不樂御史言事聰獨獎勵之曰已既不言又禁他人言可乎林聰傳

明會要卷三十三 九

十二年張敷華掌南京都察院與吏部尚書林瀚僉都御史林俊祭酒章懋稱為四君子張敷華傳

武宗初南京御史陸崑疏言古者臣下不匡其刑墨宋制御史入臺踰十旬無言有辱臺之罰今郎署建言如李夢

陽楊子器輩當加旌擢而言官考績宜以章疏多寡為殿最舊制御史上殿被劾者趨出待罪即唐人對仗讀彈文遺意近率封章奏聞批答未行彌縫先入乞遵舊典面奏立取容裁陸崑傳

嘉靖時馮恩擢南京御史故事御史有所執訊不具獄以移刑部刑部獄具不復牒報恩請尚書仍報御史諸曹郎

謹謂御史屬吏我恩曰非敢然也欲知事本末得相檢覈耳尚書無以難馮恩傳

王爌為南京右都御史守備中官進表率以兩御史監禮爌曰中官安得役御史止之奉賀入朝謁內閣夏言言倨甚大臣多隅坐爌獨引坐正之王爌傳

萬厯初袁洪愈進南京右都御史掌院事就改禮部尚書南京御史譚希思疏論中官外戚且請循舊制內閣設絲綸簿宮門置鐵牌詔下南京都察院勘訊將坐以誣罔洪愈已改官代者未至乃具言希思所陳載王可大國憲家猷薛應旂憲章錄二書帝以所據非頒行制書謫希思雜職袁洪愈傳

明會要卷三十三 十

耿定向為南京右都御史御史王藩臣劾應天巡撫周繼疏發踰月不以白定向定向怒守故事力爭自劾求罷且詆藩臣論劾失當藩臣坐停俸二月耿定向傳

操江御史

明初以南京根本之地特設操江都御史一員以提督水戰范宗吳疏

永樂時特命勳臣為帥視江操其後兼用都御史兵志嘉靖八年命增設江淮總兵官已而寇平罷不設仍以其事屬操江王圻通考

二十三年給事中萬虞愷言南京軍衛隸兵部而沿江諸屯屬操江重江防也今浦子口遠在北方亦屬兵部都御史節制僅行於新江事權不屬宜以浦口改屬操江便法世法

四十二年給事中范宗吳言故事操江都御史防江應鳳二巡撫防海後因倭警遂以鎮江而下通常狼福諸處隸之操江以故二撫臣得諉其責操江又以向非本屬兵難遙制亦漠然視之非委任責成意宜以圖山三江會口爲操撫分界報可其後增上下兩江巡視御史而以南京僉都御史兼理操江不另設兵志

明會要卷三十三

十一

南京操江故設文武二員莊烈帝欲裁去文臣專任誠意伯劉孔昭副都御史惠世揚遲久不至帝命削其籍蔣德源傳

諫諍

洪武時御史以敢言著者自韓宜可外則稱周觀政觀政嘗監奉天門有中使將女樂入觀政止之中使曰有命觀政執不聽中使愠而入頃之出報曰御史且休女樂已罷不用觀政又拒曰必面奉詔已而帝親出宮謂之曰宮中音樂廢缺欲使內家肄習耳朕已悔之御史言是也左右無不驚異者

前宜可者有歐陽韶薦授監察御史有詔日命兩御史侍

班韶嘗侍直帝乘怒將戮人他御史不敢言韶趨跪殿廷下倉卒不能出詞急捧手加額呼曰陛下不可帝察韶樸誠從之已上韓宜可傳

景泰四年御史左鼎跪言自衛拉特變作於今又五年矣貂蟬盈座悉屬公侯鞍馬塞途莫非將帥民財歲耗國帑日虛以天下之大土地甲兵之眾曾不能振揚威武則軍政未立也昔太祖定律令至太宗暫許有罪者贖蓋權宜也乃法吏拘牽沿爲成例官吏受枉法財悉得減贖飢餓如此復何顧憚哉國初建官有常近始因事增設主事每司二人今有增至十人者矣御史六十人今則百餘人矣

明會要卷三十三

十二

甚至一部有兩尙書侍郎亦倍常額都御史以數十計此京官之冗也外則增設撫民管屯官如河南參議益二而爲四僉事益三而爲七此外官之冗也天下布按二司各十餘人乃歲遣御史巡視復遣大臣巡撫鎮守今之巡撫鎮守卽曩之方面御史也爲方面御史則合眾人之長而不足爲巡撫鎮守則任一人之智而有餘有是理耶至御史遷轉太驟當以六年爲率令其通達政事然後可以治人巡按所繫尤重毋使初任之員漫然嘗試其餘百執事亦宜慎擇而久任之疏上上頗嘉納未幾復言國家承平數十年公私之積未充一遇軍興抑配橫徵鬻官市爵率

行衰世苟且之政此司邦計者過也臣請痛抑末技嚴禁游惰斥異端使歸南畝裁冗員以省虛糜開屯田以實邊料士伍而紓饒寺觀營造供佛飯僧以及不急之工無益之費悉行停罷專以務農重粟為本而躬行節儉以先之然後可阜民而裕國也儻或不加察任培克聚斂之臣行朝三暮四之政民力已盡而征發無已民財已竭而賦斂日增苟紓目前之急不恤意外之虞臣竊懼焉章下戶部尚書金濂請解職帝不許鼎言亦不盡行時御史練綱以敢言名而鼎尤善於章奏京師語曰左鼎手練綱口自公卿以下咸憚之左鼎傳

明會要卷三十三

三

宏治元年七月南京御史張昂偕同官上言邇臺諫交章論事矣而扈蹕糾儀者不免錦衣捶楚之辱是言路將塞之漸也經筵既舉矣而封章累進卒不能回寒暑停免之說是聖學將怠之漸也內幸雖斥梁芳而賜祭仍及便辟是復啟寵倖之漸也外戚雖罪萬喜而莊田又賜皇親是驕縱姻婭之漸也左道雖斥而符書尚揭於宮禁番僧旋復於京師是異端復興之漸也傳奉雖革而千戶復除張質通政不去張苗是傳奉復啟之漸也織造停矣仍聞有蟒衣斗牛之織淫巧其漸作乎寶石廢矣又聞有戚里不時之賜珍玩其漸崇乎詩云靡不有初鮮克有終願陛下

以為戒帝嘉納之本傳

嘉靖初西域魯迷貢獅子西牛方物言所貢玉石計費二萬三千餘金往來且七年邀中國重賞御史張錄言明王不貴異物今二獅日各飼一羊是歲用七百餘羊也牛食芻菽今乃食果餌則食人之食矣願返其獻歸其人薄其賞以阻希望心帝不能用解一貫傳

二十年元日微雪夏言嚴嵩作頌稱賀御史楊爵拊膺太息上疏曰今天下大勢如人衰病已極腹心百骸莫不受患即欲拯之無措手地且奔競成俗賄賂公行遇災變而不憂非祥瑞而稱賀讒諂面諛流為欺罔士俗人心頹壞

明會要卷三十三

四

極矣諍臣拂士日益遠而快情恣意之事無敢齟齬於其間此天下大憂也去年自夏入秋恆暘不雨畿輔千里已無秋禾既而一冬無雪元日微雪即止民失所望憂旱之心遠近相同此正撤樂減膳憂懼不甯之時而輔臣言尚書嵩等方以為符瑞而稱頌之欺天罔人不已甚乎翊國公勳中外皆知為大奸大蠹陛下寵之使稔惡肆毒羣狡趨赴善類退處此任用匪人足以失人心而致危亂者也臣巡視南城一月中凍餒死八十人五城共計未知有幾孰非陛下赤子欲延須臾之生而不能而土木之工十年未止工部屬官增設至數十員又遣遠修雷壇以一方

士之故股民膏血而不知恤是豈不可以已乎况今北寇跳梁內盜竊發加以頻年災沴上下交空尙可勞民靡費結怨天下哉此興作未已足以失人心而致危亂者二也陛下卽位之初勵精有爲嘗以敬一箴頒示天下矣乃數年以來朝御希簡經筵曠廢大小臣庶朝參辭謝未得一睹聖容敷陳復逆未得一聆天語恐人心日益怠惰中外日益渙散非隆古君臣都俞吁咈協恭圖治之氣象也此朝講不親足以失人心而致危亂者三也左道惑眾聖王必誅今異言異服立於朝苑金紫赤紱賞及中外夫傅保之職坐而論道今舉而昇之奇邪之徒流品之亂莫以加

明會要卷三十三

五

矣陛下誠與公卿賢士日論治道則心正身修天地鬼神莫不祐享安用此妖誕邪妄之術列諸清禁爲聖躬累耶臣聞上之所好下必有甚近者妖盜繁興誅之不息風聲所及人起異議貽四方之笑取百世之譏非細故也此信用方術足以失人心而致危亂者四也陛下臨御之初延訪忠謀虛懷納諫一時臣工言過激切獲罪多有自此以來臣下震於天威懷危慮禍未聞復有犯顏直諫以爲沃心助者往歲太僕卿楊最言出而身殞近日贊善羅洪先等皆以言罷斥國體治道所損甚多臣非徒爲最等惜也古今有國家者未有不以任諫而興拒諫而亡忠蓋杜口

則讒諛交進安危休戚無由得聞此阻抑言路足以失人心而致危亂者五也望陛下念祖宗創業之艱難思今日守成爲不易覽臣所奏賜之施行宗社幸甚楊爵傳萬厯十一年御史孫繼先言人君欲建久安長治之策必重直言敢諫之士前日編修吳中行檢討趙用賢員外艾穆主事沈思孝進士鄒元標各以張居正奪情一事建言得罪至廷杖遣戍陛下豈不知諸臣無罪但以爲不如是不足以安居正之心頃因御史李植言斥馮保則諸臣賜環不可稽遲矣至於忤觸居正如余懋學趙應元傅應禎朱鴻謨孟一脈王用汲等亦當一體復用以開言路從之

明會要卷三十三

六

因併復郭惟賢職

十二年御史屠方叔疏言成祖有練子甯若在朕尤當用之之語今旣衰表忠魂建祠致祭其墳墓苗裔厚加卹錄而姻黨猶蔽覆益如江西胡閏一族赤矣內親盡矣猶抄解外甥分戍若此者不一而足乞查前項有在戍者并議宥還鄉部議願回者放回不願回者給與免帖詔自齊泰黃子澄外其坐方孝孺等連及者俱免之於是浙江江西福建四川廣東得免者凡三千餘人至光宗時併泰子澄戚屬後裔亦俱放還已上三編二十五年御史馮從吾抗章言陛下郊廟不親朝講不御

章奏留中不發試觀戊子以前四裔效順海不揚波已丑以後南倭告警北寇渝盟天變人妖疊出累告勵精之效如彼怠斃之患如此近頌敕諭謂聖體違和欲藉此自掩不知鼓鐘於宮聲聞於外陛下每夕必飲每飲必醉左右一言稍違輒斃杖下外廷無不知者天下後世其可欺乎願陛下勿以天變為不足畏勿以人言為不足恤勿以目前宴安為可恃勿以將來危亂為可忽宗社幸甚馮從吾傳

明會要卷三十三

七

不行廣東李鳳陝西梁永雲南楊榮並以礦稅激民變純又抗言稅使竊陛下威福以十計參隨憑稅使聲勢以百計地方奸民竄身為參隨爪牙以萬計宇內生靈困於水旱困於採辦營運轉輸既囂然喪其樂生之心安能復勝此千萬虎狼耶願即日罷礦稅逮鳳等置於理亦不報溫純傳

光宗崩李選侍據乾清宮迫皇長子封皇后御史左光斗上言內廷有乾清宮猶外廷有皇極殿惟天子御天得居之惟皇后配天得共居之其他妃嬪雖以次進御不得恆居非但避嫌亦以別尊卑也選侍既非嫡母又非生母然

尊居正宮而殿下乃退處慈慶不得守几筵行大禮名分謂何選侍事先皇無脫簪戒且之德於殿下無拊摩養育之恩此其人豈可以託聖躬者且殿下春秋十六齡矣內輔以忠直老成外輔以公孤卿貳何慮乏人尚須乳哺而襁負之哉况睿哲初開正宜不見可欲何必託於婦人女子之手及今不早斷決將藉撫養之名行專制之實武氏之禍再見於今將來有不忍言者於是熹宗趣擇日移宮當是時宮府危疑人情危懼光斗與楊漣協心建議排闥奴扶冲主宸極獲安左光斗傳

明會要卷三十三

六

三年御史李應昇請早午晚三朝時御便殿咨訪時政報聞已又言自登萊增巡撫而侵冒百餘萬增招練監軍而侵冒又十餘萬邊關內地將領如蟻剝軍侵饑又不知幾十萬增置總督何補塞垣增置京堂何裨政本樞貳添註矣孰慷慨以行邊司空添註矣孰拮据以儲備大將添註矣祇工媒孽而縱逋逃禮兵司屬添註二三十人矣誰儲邊才而精典禮濫開邊倖捷徑燃灰則吏治日壞白衣攘臂邪人入幕則奸弁充斥請斷自聖心一切報罷又言今事下部曹十九寢閣宜重申國典明正將領之罪錦衣旗尉半歸權要宜遣官巡視如京營之制衛官襲職比試不嚴宜申明舊章無使倖進將校蠶食逃軍不招私募乞兒

半分其鑲宜力爲勸懲窮民敲扑號哭滿庭奸吏侵漁福堂安坐宜嚴其法制時不能用李應昇傳

四年二月御史黃尊素力陳時政十失末言陛下厭薄言官人懷忌諱遂有剽竊皮毛莫犯中局者今阿保重於趙嬖禁旅近於唐末蕭牆之憂慘於敵國家無謀幄邊無折衝當國者昧安危之幾誤國者護恥敗之局不以此進賢退不肖而疾剛方正直之士如仇讐陛下獨不爲社稷計乎疏入忠賢大怒謀廷杖之韓爌力救乃奪俸一年無何萬燦以勑重卒尊素上言律例非叛逆十惡無死法今以披肝瀝膽之忠臣竟殞於磨牙礪齒之凶豎此輩必欣欣

明會要卷三十三

九

相告吾儕借天子威柄可鞭笞百僚後世有秉董狐筆繼朱子綱目者書曰某月日郎中燦以言事廷杖死豈不上累主德哉進廷杖之說者必曰祖制不知二正之世王振劉瑾爲之世宗神宗之朝張璠嚴嵩張居正爲之奸人欲有所逞懼忠臣義士掣其肘必借廷杖以快其私使人主蒙拒諫之名已受乘權之實而仁賢且有抱蔓之形於是乎爲所欲爲莫有顧忌而禍卽移之國家燦今已矣辱士殺士漸不可開乞復故官破格賜卹俾遺孤得扶襯還鄉燦死且不朽黃尊素傳

崇禎九年大學士錢士升以讜言去位御史詹爾選上疏

曰輔臣引咎速奉回籍之論夫人臣所以不肯言者其源在不肯去耳輔臣肯言肯去臣實榮之獨不能不爲朝廷惜此一舉也李璉以非法導主上輔臣執奏謂當嘉許不暇顧以爲疑君要譽耶人臣無故疑其君非忠也乃謂吾君萬舉萬當者第容悅之借名亦必非忠人臣沽名義所不敢出也乃人主不以名譽鼓天下使其臣尸位保寵寡廉鮮恥亦必非國家利況今天下疑陛下者不少矣將驕卒情尙方不靈則或疑過於右武穿札與操觚並課非是者弗錄則或疑緩於敷文免覲之說行上意在甦民困也而或疑朝宗之大議不敵數萬路用之金錢駁問之事煩

明會要卷三十三

十

上意在懲奸頑也而或疑明啟之刑書幾禁加等之紛亂其君子憂驅策之無當其小人懼陷累之多門明知一切苟且之政或拊心愧恨或對眾歔歔輔臣不過偶因一事代天下發憤耳而竟鬱鬱以去恐後之大臣無復有敢言者矣大臣不敢言而小臣愈難望其言矣所日與陛下言者惟苛細刻薄不識大體之徒似忠似信如狂如癡售則挺身招搖敗則潛形遁竄駭心志而燭耳目毀成法而釀隱憂天下事尙忍言哉詹爾選傳

彈劾

都御史職專糾劾爲天子耳目風紀之司凡大臣姦邪小

人構黨作威福亂政者劾凡百官猥茸貪冒壞官紀者劾
凡學術不正上書陳言變亂成憲希進用者劾

監察御史主察糾內外百司之官邪或露章面劾或封章
奏劾已上職官志

洪武初監察御史韓宜可彈劾不避權貴時丞相胡惟庸

御史大夫陳甯中丞涂節方有寵於帝嘗侍坐從容燕語

宜可直前出懷中彈文劾三人險惡似忠奸佞似直恃功

怙寵內懷反側擢置臺端擅作威福乞斬其首以謝天下

帝怒曰快口御史敢排謗大臣耶命下錦衣衛獄尋釋之

韓宜可傳

明會要卷三十三

三

十六年陶屋仲以國子生擢監察御史糾彈不避權貴劾

刑部尚書開濟至死直聲動天下陶屋仲傳

建文初練子甯拜御史大夫燕師起李景隆北征屢敗詔

還子甯執景隆數其罪請誅之不聽憤激叩首言此賣國

賊臣備員執法不能除奸請先伏誅遂罷朝練子甯傳

永樂初御史周新敢言多所彈劾貴戚震懼目為冷面寒

鐵周新傳

仁宗監國御史魯穆屢上封事漢王官校多不法人莫敢

言穆上章劾之不報然直聲震朝廷魯穆傳

宣德三年顧佐為左都御史甫視事即奏黜御史不法及

老疾者三十三人顧佐傳

正統時副都御史周銓以私憾撻御史諸御史范霖楊永

與尚褫等十八人共劾銓銓下詔獄野獲編

成化時御史姜昂偕同官劾方士李孜省杖午門外姜昂傳

正德時南京御史陸崑嘗劾中官高鳳苗達保國公朱暉

時八黨竊柄朝政日非又偕十三道御史上疏極論太監

馬永成魏彬劉瑾傅興羅祥谷大用輩蒙蔽之罪瑾怒悉

逮下詔獄陸崑傳

南京御史蔣欽偕同官薄彥徽等劾劉瑾被罪出獄甫三

日欽獨具疏劾瑾言劉瑾小豎子耳陛下親以腹心寄以

明會要卷三十三

三

耳目待以股肱殊不知瑾為悖逆之徒蠹國之賊竊柄弄

權萬民失望愁歎之聲動徹天地幸聽臣言急誅瑾以謝

天下然後殺臣以謝瑾疏入再杖三十繫獄越三日復具

疏請殺瑾言尤激切既入復杖三十卒於獄蔣欽傳

嘉靖十一年冬彗星見詔求直言南京御史馮恩極論大

學士張孚敬方獻夫右都御史汪鉉三人之奸謂孚敬根

本之彗鉉腹心之彗獻夫門庭之彗三彗不去百官不和

庶政不平雖欲弭災不可得已帝大怒逮下獄論死馮恩傳

十七年南京御史黃正色劾兵部尚書張瓚奸貪事甚有

迹而中有歷官藩臬無一善政語瓚言己未任藩臬帝以

誣劾奪俸兩月明年章聖太后梓宮南葬命正色護視事竣劾中官鮑忠駙馬都尉崔元禮部尙書溫仁和所過納饋遺帝召詰忠等皆叩頭祈哀因譖正色捕下詔獄遣戍

張選傳

十九年正月禮部尙書嚴嵩屢被彈劾求去帝慰留御史謝瑜言嵩矯飾浮詞欺罔君上箝制言官且援明堂大禮南巡盛事爲解而謂諸臣中無爲陛下任事者欲以激聖怒奸狀顯然帝留疏不下嵩奏辨且言瑜擊臣不已欲與朝廷爭勝帝於是切責瑜而慰諭嵩甚至居二歲竟用嵩爲相甫踰月瑜疏言武廟盤游佚樂邊防宜壞而未甚壞

明會要卷三十三

三

今聖明在上邊防宜固而反大壞者大臣謀國不忠而陛下任用之失也自張瓚爲中樞掌兵而天下無兵擇將而天下無將說者謂瓚形貌魁梧足稱福將夫誠邊陲不聳海宇晏然謂之福可也今瓚無功而恩蔭屢加有罪而褫奪不及此其福乃一身之福非軍國之福也昔舜誅四凶萬世稱聖今瓚與郭勛嚴嵩胡守中聖世之四凶陛下旬月間已誅其二天下翕然稱聖何不並此二凶放之流之以全帝舜之功也大學士程鑾起廢棄中授以巡邊之寄乃優游曼衍靡費供億以盛苞苴者爲才獻淫樂者爲敬遂使邊軍益瘠邊備更弛行邊若此將焉用之故不清政

本天下必不治不易本兵武功必不競疏入留不下

謝瑜傳

三十一一年王宗茂擢南京御史時先後劾嚴嵩者皆得禍中外攝其威益箝口宗茂積不平拜官三月上疏論嵩負國之罪有八且言陛下帑藏不足支諸邊一年之費而嵩所蓄積可贍儲數年與其開賣官鬻爵之令以助邊盍去此蠹國害民之賊籍其家以紓患也疏至通政司趙文華密以示嵩留數日始上嵩得豫爲地遂以誣詆大臣謫平陽縣丞

王宗茂傳

四十五年十月御史王時舉劾刑部尙書黃光昇言內官季永以訴事犯乘輿本無死比乃擬真犯奸人王相私闖

明會要卷三十三

三

良民者三本無生法乃擬矜疑宜勒令致仕帝怒命編氓口外

楊思忠傳

隆慶時御史凌儒劾去大學士高拱拱罷又劾郭朴頃之劾罷撫治鄖陽都御史劉秉仁又以永平失事劾總督劉燾巡撫耿隨卿總兵李世忠罪隨卿世忠被逮燾貶官上同天啟元年奉聖夫人客氏既出宮復入御史周宗建首抗疏極諫三年二月復抗疏攻魏進忠略言臣於去歲指名劾奏進忠無一日忘臣於是乘私人郭鞏入都喉以傾臣並傾諸異己者鞏乃剗爲新幽大幽之說把持察典編廷臣數十人姓名於一冊思一網中之又爲匿名書羅織五

十餘人投之道左欲以快報復之私釋進忠之恨幸直道在人鞏說不行始別借廷弼以為弄陷先朝汪直劉瑾雖皆梟獍以言路清明臣僚隔絕故非久即敗今權璫報復反借言官以伸言官聲勢反借權璫以重數月以來摘瓜抱蔓正人重足舉朝各愛一死無敢明犯其鋒者臣若尚顧微軀不為入告將內有進忠為之指揮旁有客氏為之羽翼外有劉朝輩典兵示威而又有鞏輩蟻附蠅集內外交通驅除善類天下事尚忍言哉周宗建傳

四年六月左副都御史楊漣劾魏忠賢二十四大罪楊漣傳

明會要卷三十三

三

明會要卷三十三終

明會要卷三十四

永新龍文彬纂

職官六

巡按

洪武十年七月己巳遣監察御史巡按州縣俾詢民間疾苦廉察風俗申明教化所按藩服大臣府州縣官諸考察舉劾尤專大事奏裁小事立斷按臨所至必先審錄重囚弔刷文卷有故出入者理辨之編論之曰朕命汝等出巡事有當言者須以實論列勿事虛文凡治以安民為本民安則國安汝等當據法守正慎勿沽譽要名朕深居九重

明會要卷三十四

十

所賴以宣德意通下情者惟在爾等其各慎之世法錄

二十一年三月己亥遣進士行監察御史事分巡郡邑以久任御史一人與俱新進士之任巡按自此始大政記

二十二年御史許珪巡按河南言自開封永城至彰德旱

請減夏稅左都御史詹徽以其希旨要譽請罪之上曰御史能恤民隱達下情何罪也即命賑貸蠲其稅明紀

永樂元年二月遣御史分巡天下自是遂為定制三編

御史周新巡按福建奏請都司衛所不得陵府州縣府衛

官相見鈞禮武人為之戢周新傳

仁宗即位遣御史湯濙等十四人分巡天下考察官吏論

曰國以民爲本民安則國安比年牧守官不體朝廷恤民之意侵削擾害民不聊生今分行考察然人才器不同當明白其實以聞毋惑於小人毋屈於勢要毋私於親故詢之於眾斷之以公可也又御史朕之耳目勉副朕心必先自治乃可治人若棄廉恥違禮法朕亦不貸三編

宣德六年御史王來出按蘇松常鎮四府命偕巡撫周忱考察官吏敕有請自上裁語來言賊民吏去之唯恐不速必請而後行民困多矣帝爲改敕賜之中官陳武以太后命使江南橫甚來數抑之武還愬於帝帝問都御史顧佐巡按誰也佐以來對帝嘆息稱其賢曰識之王來傳

明會要卷三十四

二

正統時御史韓雍巡按江西黜貪墨吏五十七人韓雍傳

景泰元年差侍郎一員清理淮浙鹽法取回御史三年又令差御史一員於淮浙巡鹽舊制遣御史二員於長蘆兩淮巡鹽又遣御史分巡南北河道有司供費不給至是給事中李瓚以爲言遂罷巡河御史令巡鹽御史兼之

三年罷兩淮長蘆巡鹽河道命巡按官兼理已上夢餘錄

天順時御史李綱歷按南畿浙江劾去浙江賊吏至四百餘人時目爲鐵御史李綱傳

河東鹽池舊止以巡按御史兼視成化九年始專設巡鹽御史

成化十年定巡按公差御史回京之日本院堂上官仍依舊例查勘考察保結稱職者具奏照舊管事若有不稱奏請罷黜已上夢餘錄

嘉靖六年八月敕今後巡按御史滿日務要嚴加訪察果無贓私過犯推諉避事等項實蹟取具該道結勘明白方許回道管事若有不職事蹟不許朦朧具奏照例奏請罷黜明臣奏議

九年正月都御史汪鋐條巡按十二事明政統宗

十二年編修王相疏御史出巡事完回京各具行過事蹟復命仍備呈都察院考覈出巡有無贓犯及乖違等項委

明會要卷三十四

三

無違礙方許奏准照舊管事但御史出巡責任甚多今考察之例止言贓犯乖違未曾明具條件使御史無所據守臣等議得今後御史出巡回京考察除犯該贓犯據有實蹟照例奏請提問外今將關繫職守之大者六事定爲出巡規格凡御史有差備載劄付之內令一一遵照條款考其修否以別勤惰一除革奸弊一伸冤理枉一揚清激濁一勘合公文急須勘報一要清淨簡約一要與巡撫和協共濟已上各條如有不遵臣等訪察得實回道之日奏請分別降罰疏入允行明臣奏議

都御史汪鋐劾出差御史王宣陳大器九人先後保薦官

屬大計之日多以貪酷不謹敗宜連坐請敕吏部視其多寡而議罰焉部覆巡按御史濫舉四人以上者革職閒住二人以上者降一級調外任一人者罰俸半年從之

萬曆二年十一月諭御史差滿考察先朝事例甚嚴近來通不遵守一概准其回道豈今皆稱職無過及遇京官考察時又有紛紛議論今後務要申明舊制有不稱者即參奏改黜不許回道

左都御史孫丕揚言御史按巡必中差始昇按差必滿差始請代差必挨次始得擬差憲度森然近見臺規多變臣謂仍舊貫便順天即近不專資深以防擇人廣貴即遠不

明會要卷三十四

四

差初授以防擇地江浙即大不再酌量以防擇差不中差者非甚缺人不按差焉不歲滿者即甚遐方不擬代焉不循次者非果南北原籍不易處焉差鮮躐等人乏欲速如此而憲綱嚴明於吏治庶有裨益已上夢餘錄

天啟二年曾櫻為常州知府牒南京都察院曰他方守令奔命一巡按獨南畿奔命數巡按請一切戒飭罷鉤訪取贖諸陋習都御史熊明遇為申約束焉曾櫻傳

左都御史趙南星言按臣差滿通將其所舉劾令河南道發單各道細加咨訪如考察之例類送堂上官必舉劾允當而後為稱職否則以不職論

崇禎元年九月諭吏部今後巡按各差御史於考選時即加精覈在差事宜悉依巡訪總約申飭舉行回道之日爾部院嚴加考察有不稱職奏請處分勿得概填稱職以憲綱為相沿之故套已上夢餘錄

四年正月命都察院嚴覈巡按御史紀本

十五年四月諭舊制試御史必先試以小差果能稱職歷事經年方准實授近因缺員一概差往巡方及至回道又未見嚴加考覈殊失慎重風憲之意今著該院堂上官申明舊制試御史必須分別去留不得循資概題按差以致貽誤地方夢餘錄

明會要卷三十四

五

劉宗周擢左都御史帝問都察院職掌何在對曰在正已以正百僚必存諸中者上可對君父下可質天下士大夫而後百僚則而象之大臣法小臣廉紀綱整肅職掌在是而責成巡方其首務也巡方得人則吏治清民生遂乃列建道揆貞法守崇國體清伏奸懲官邪飭吏治六事以獻宗周傳

十六年李邦華為左都御史舊例御史出巡回道考覈邦華謂回道而後黜害政已多論罷巡按巡鹽御史各一人奉命考試御史黜冒濫者一人追黜御史無顯過而先任推官著貪聲者一人臺中始畏法李邦華傳

巡按御史復命以銷繳勘合七分爲稱職錄餘
巡方者例不得攜家屬不得受私書不得尋常宴會上同

巡撫

巡撫之名起於懿文太子陝西之行其分遣大臣自永樂十九年始各省專設自宣德五年始加都御史銜自景泰四年始巡撫兼軍務者加提督有總兵地方加贊理或參贊所轄多事重者加總督有總督兼巡撫提督兼巡撫及總理巡視撫治等員皆加都御史或副僉都御史銜弁山集
永樂十九年四月癸丑命尙書蹇義等二十六人分巡天下問軍民疾苦及文武長吏擾民者奏黜之三編

明會要卷三十四

六

時右都御史王彰與給事中王勵往河南終明世大臣得撫鄉土者彰與葉春而已王彰傳

洪熙元年八月癸未大理卿胡概參政葉春巡撫南畿浙江本紀

宣德五年九月丙午擢御史于謙等六人爲侍郎巡撫各省謙撫河南越府長史周忱撫江蘇吏部郎中趙新撫江西兵部郎中趙倫撫浙江禮部員外郎吳政撫湖廣刑部員外郎曹宏撫北畿山東此各省專設巡撫之始大政記
十年九月壬辰詔督漕總兵及諸巡撫官歲以八月至京會廷臣議事英宗前紀

正統十四年苗寇起廣東則命侍郎揭稽廣西則命侍郎李棠各巡撫之圖書編
景泰元年正月給事中李實等奏近年各處鎮守巡撫等官動經三五七年或一二十年室家懸隔情有可矜乞敕各官議許攜妻子量給本處官倉俸米以贍其家從之錄餘

明會要卷三十四

七

二年八月丙寅朔命巡撫官如王文陳鎰輪換例大政記
三年六月乙亥罷各省巡撫官入京議事本紀
四年耿九疇鎮陝西布政使許資言侍郎出鎮與巡按御史不相統事多拘滯又文移往來多窒礙難行請改授憲職便乃轉右副都御史大臣鎮守巡撫皆授都御史自九疇始耿九疇傳

五年八月丁酉復命天下巡撫官赴京師議事本紀
天順元年正月罷巡撫提督軍務石亨惡文臣不宜節制武臣言於帝罷之時王竑巡撫江北遂改浙江參政三編
二年四月辛未復設巡撫官先是上語李賢曰朕初復位奉迎諸人皆以巡撫官不便一旦革去軍官縱肆士卒疲弛文武官不相制之過也宜爲朕舉才能者復任之賢因請曰遼東宣府大同延綏甯夏甘肅需人最急上令賢與王翔馬昂等議乃以太僕卿程信撫遼東山東布政王宇

撫宣府僉都御史李秉撫大同監察御史徐瑄撫延綏山西布政陳翼撫甯夏陝西布政芮釗撫甘肅仍以京官巡撫地方如舊制昭代典則

三年六月辛酉復命巡撫官以八月集京師議事命戶部

移文各巡撫以地遠近分年赴京議事三編

六年山西巡撫李侃以考察屬吏奏罷布政使王允李正

芳以下百六十人並自請罷詔不許李侃傳

成化四年遼東巡撫張岐得罪吏部舉代者帝曰遼東自

王翱後屢更巡撫多不稱可於大臣中求之乃改侍郎彭

誼右副都御史以往鎮守中官橫徵諸屬衛誼下令凡文

明會要卷三十四

八

牒不經巡撫審定者所司毋輒行虐餒為息彭誼傳

畿輔八府舊止設巡撫一人駐冀州成化八年五月給事

中梁璟以禦邊不能兼顧請順天永平二府分設一巡撫

以薊州邊務屬之令巡撫陳濂專撫保定六府兼督紫荆

諸關朝議從之遂為定制梁璟傳

韓雍以兩廣地大事殷請東西各設巡撫帝可之命陳濂

撫廣東張鵬撫廣西而雍專理軍事韓雍傳

宏治七年兵部尚書馬文升奏自宣德間各地方添巡撫

官以節制三司時惟河南山西陝西南直隸蘇松等府設

有巡撫官其餘布政司止是不時差遣大臣巡視或一年

二年而回今江西已添巡撫官止管南贛二府及福建汀

州廣東韶州南雄湖廣郴州一帶不預民事三司官員未

聽節制難以行事本部先建議請於福建浙江添設巡撫

官員未蒙命允今日之勢非前數年比乞敕吏部會同本

部推舉練達老成二員為都御史巡撫浙江福建地方其

江西都御史金澤就令巡撫江西駐南贛二府兼管廣東

韶州南雄湖廣及郴州桂陽一帶疏入帝不納

十一年何孟春奏宣德間始設巡撫於南直隸河南山陝

今則除浙江福建外悉有常置臣見吏部推各處巡撫腹

裏則會戶部邊方則會兵部審酌已定而後請上親擇何

明會要卷三十四

九

謹如之然受任往往不久甚者屬府未及按部下情未及

體悉六條未及舉刺庶務未及興革而座已非矣今制歲

差御史一員巡按各處若巡撫不久任與巡按無異何復

用巡撫為哉宋司馬光有言古者各守一官終身不易臣

謂陛下欲行久任之道宜從巡撫始近例巡撫每年一次

赴京議事然當議事之年多有以地方有事不果行者臣

請限以腹裏三年邊方五年必須一次赴闕陛下親降德

音詢問民瘼一示以優異一觀其底裏六部各奏其所行

果有成績蕃錫而慰遣之其或不職科道指實而論之夫

既擇其人於先而又久其任於後於更互赴闕之際有增

秩錫金之褒有削官奪爵之罰則彼必思有益於地方而無負陛下矣疏入帝從之

兵部題准巡撫官員每年在邊於四月內腹裏於八月內到京議事如該地方有事難以遽離將應議事件奏請定奪已上明臣奏議

正德二年十月甲申逮各邊巡撫都御史下獄本紀

五年三月以江西賊熾御史沙鵬奏言南贛地遠界連湖廣廣東福建三省不相統屬乞專遣大臣一人總其事吏部議南贛舊有巡撫近年裁革宜如鵬言添設巡視乃以

南京右僉都御史王哲巡視江西南贛等處通紀

明會要卷三十四

十

嘉靖七年正月癸未考覈天下巡撫官本紀

九月裁江西巡撫官大政記

十二年王相疏都御史列銜內臺奉敕巡撫一方非在外守土之臣可比地方事情可以共議而名分體統則不可

越今後巡撫都御史當正坐居前班巡按御史不論副都僉事其坐旁坐其班後列以正體統明臣奏議

十四年八月帝與費宏論遼東兵變事上曰撫臣處置失當耳宏因言推舉巡撫內地者向由吏部會戶部邊方則

會兵部恐不能盡得人材臣欲會九卿推之如京堂例上曰善命著為令實錄

二十三年張永明奏巡撫都御史事繁責重近年遷轉太速雖雅志有為乍到地方咨詢未悉迨其諳習則除書已

下何以責其成功先年南畿撫臣熊概則以大理寺卿在任周忱則以侍郎繼升尙書在任李敏則以侍郎在任乞

敕吏部查照近年題准事例各處撫臣必須久任其有年勞積久相應掄擢者疏請加升職銜照舊管事必使地方甯謐功績有成然後遷任疏入從之明臣奏議

二十七年詔改巡撫浙閩為巡視時巡撫朱紘嚴海禁閩浙人惡之御史周亮閩人也上疏請改為巡視以殺其權

後紘被逮仰藥死自是並巡視亦罷不設朱紘傳

明會要卷三十四

十一

三十一年七月壬寅以倭警命巡撫山東都御史王忬巡

視浙江兼轄福建濱海諸府自朱紘罷後巡撫並巡視官

不設者四年倭患益熾於是給事中王國楨御史朱瑞登

交章言海氛不靖自裁革巡視後三省軍民無有鈐轄雖設有海道副使而權輕不便行事往往狼狽失職請復設

都御史使吏部議既設巡視必當兼總督巡撫使之節制諸軍方可責其成功上從其言且令暫復巡視遂以命忬

實錄三十三年三月甲辰以南京兵部侍郎屠大山兼僉都御史巡撫應天提督軍務時吏部尙書李默言松蘇巡撫所

轉一十二府州地遠不便兼轄况當軍興之際調兵轉餉
難貴一人請增設提督軍務大臣一員專責勦賊而令巡
撫專督軍餉兵部言兵糧兩分行事不便不若依近年浙
江添設提督軍務都御史例令提督巡撫合為一人以專
責任上然之巡撫之兼提督自此始續通
三十六年正月丁卯改巡撫浙江阮鶚於福建其浙江巡
撫命總督胡宗憲兼理從趙文華之請也福建沿海之地
向歸浙江巡撫兼轄至是文華請特設之遂以命鶚實錄
是年倭擾江北廷議以督漕御史兼理巡撫不暇辦寇請
特設巡撫乃命前提督操江李遂撫鳳陽四府李遂傳

明會要卷三十四

主

四十五年閏十月庚子詔廣東新設巡撫駐惠州府城有
警移駐長樂縣調度惠潮二府兵食以參政李佑為之又
以四川巡撫譚綸總督兩廣軍務兼巡撫廣西續通
隆慶三年海瑞以僉都御史巡撫應天十府屬吏憚其威
墨者多自免去有勢家朱丹其門聞瑞至黜之中人監織
造者為減輿從海瑞傳
四年李遷以兵部侍郎總督兩廣給事中光懋言兩廣向
設提督事權畫一今兩巡撫相牽掣不便乃改遷提督兼
巡撫廣東而特命殷正茂為廣西巡撫後遂為定制殷正茂傳
萬曆十三年令各處巡撫官歷任年久方許推升不得驟

遷數易以滋煩擾會典

二十八年帝以楚地遼闊擢江鐸為僉都御史巡撫偏沅
湖廣設偏沅巡撫自鐸始李化龍傳
天啟五年貴州巡按傅宗龍上言不合滇蜀則黔不能平
賊不專總督任則不能合滇蜀兵請以巡撫蔡復一兼督
四川開府遵義而移蜀撫駐永甯滇撫駐霑益黔撫駐陸
廣沅撫駐偏橋四面並進更設黔蜀巡撫帝皆從之傅宗龍傳
崇禎元年九月諭吏部今後推用巡撫務選諳練周知民
隱者畀以保釐之寄治有成績加銜久任春明夢餘錄
甯遠自畢自肅遇害遂廢巡撫官以經略兼之崇禎三年

明會要卷三十四

主

二月議復設以邱禾嘉巡撫其地兼轄山海關諸處九月
命謝璉代十一月廷議山海別設巡撫詔罷璉令方一藻
撫甯遠禾嘉仍巡撫山海永平邱民仰傳
十年七月因應天巡撫張國維言割安慶廬州太平池州
四府別設巡撫擢史可法任之安慶不隸江南巡撫自此
始也張國維傳
明世舉於鄉而仕至巡撫者隆慶朝止海瑞萬曆朝張守
中艾穆莊烈帝破格求才得十人邱民仰宋一鶴何騰蛟
張亮以忠義著劉可訓以武功聞劉應遇孫元化徐起元
皆以勤勞致位而陳新甲官最顯民仰傳

總督 總制

正統六年正月征麓川以兵部尚書王驥總督軍務王驥傳此

設總督之始

七年十二月以僉都御史王翱提督遼東軍務王翱傳

景泰三年潯梧猺亂總兵董興武毅推委不任事于謙請

以翁信陳旺易之而特遣一大臣督軍務乃以命翱兩廣

有總督自翱始王翱傳然事已即歸不恆設圖書

兩廣自罷總督不設帥臣觀望相推諉寇盜滋蔓陶成傳

化五年僉事陶魯言兩廣地勢錯互當如臂指相使不可

離析近賊犯廣西臣與廣東三司議調兵而月未決以是

明會要卷三十四

四

賊得大肆劫掠乞仍命大臣總督便會僉事林錦巡按御

史龔晟亦以為請乃罷兩巡撫而起復韓雍右都御史總

督如故韓雍傳

十年正月癸卯命王越總制三邊前年冬刑部主事張鼎

言延綏甘肅甯夏三邊鎮撫不相統一宜推文武重臣一

人總制章下所司乃議設制府於開成控制三邊總兵巡

撫而下皆聽節制詔即以越任之三邊設總制自此始三編

十四年朱英為兩廣總督故事鎮守中官與督撫總兵官

坐次中官居中總督居總兵官左時總兵官陳政以伯爵

欲抑英居右英不可奏乞裁定命解英總督止為巡撫居

政下尚書余子俊言英招徠功多當增秩褒賞乃反削其

事權恐無以鎮諸蠻帝是之乃擢英右都御史仍總督位

次如故朱英傳

宏治十年起王越總制甘涼邊務兼巡撫越言甘鎮兵弱

非藉延甯兩鎮兵難以克敵請兼制兩鎮解巡撫事從之

王越傳

正德四年四月命工部尚書才寬總制延綏甯夏甘肅等

處軍務先是各鎮巡等官奏三鎮有警不相應援兵部乃

請仿王越秦紘等故事仍設文職大臣總制三邊鎮巡以

下皆受節制遂有是命續

明會要卷三十四

五

宏治以前文臣止參贊軍務即有重寄惟節制本省及隨

行官軍而已正德中陳金破東鄉姚源盜總制江西浙江

福建湖廣南畿等處洪鐘破藍鄆盜總制湖廣鄖陽陝西

河南四川等處嘉靖中王守仁平田州亂總督廣東廣西

江西湖廣等處翟鵬拒北虜總督宣大遼薊北畿山西河

南等處胡宗憲平江西寇總督兩浙南畿江西福建等處

俱聽便宜行事鎮巡等官俱聽節制彙山集

嘉靖二十年九月添設雁門甯武偏頭三邊總督昭代

三十年二月以定邊大臣不許稱總制改為總督大典

三十九年五月乙亥總督浙直胡宗憲上疏請得節制三

省巡撫及操江都御史如三邊故事帝即晉兵部尚書如其請胡宗憲傳

四十二年二月命提督兩廣都御史張臬總督廣閩軍務時巡按御史李邦珍劾巡撫福建游震得興化之敗一籌

莫展宜簡命大臣有濟變才者假以重權遂有是命未幾臬罷部議以閩廣道遠不便兼轄請罷總督止以提督兼巡撫從之實錄

隆慶元年十月總督三邊王崇古奏給四鎮旗牌撫臣得用軍法督戰王崇古傳

張瀚督兩廣軍務時兩廣各設巡撫事不關督府瀚請如

明會要卷三十四 夫

三邊例乃悉聽節制張瀚傳

二年五月以譚綸總督薊遼保定軍務綸請與戚繼光專任其事勿令巡按巡關御史參預其間未幾巡撫劉應節

果異議巡按御史劉翽巡關御史孫代又劾綸自專穆宗用張居正言悉以兵事委綸而論應節等毋撓譚綸傳

天啟三年十二月己酉併薊遼總督於經略時督師大學士孫承宗言督師總督可勿兼設請罷己不可則弗推總督並請以遼撫移駐甯遠從之孫承宗傳

崇禎十四年山海關內外設二督昌平保定設四督於是

千里之內有四督又有甯遠永平順天密雲天津保定六

巡撫范志完傳

十五年廷議設重臣總督江西湖廣應天安慶軍務駐九江以袁繼咸為之繼咸傳

經略

經略之名起於永樂十年侍講楊榮經略甘肅職官志云皆不加都御史銜及楊鎬熊廷弼袁應泰王在晉先後經略遼東俱兼都御史銜俱見本紀崇禎四年併入總督職官志

總督漕運

洪武元年置漕運使十四年罷永樂設漕運總兵官宣德

明會要卷三十四 七

中遣侍郎都御史少卿等官督運至景泰二年始設漕運

總督於淮安以副都御史王竑為之職官志初宣宗命運糧總兵官巡撫侍郎歲八月赴京會議明年

漕運事宜及設漕運總督則并令總督赴京萬厯後始免凡歲正月總漕巡揚州經理瓜淮過牖總兵駐徐邳督過

洪入牖食貨志

隆慶五年右副都御史總督漕運王宗沐以河決無常運道終梗欲復海運條上便宜七事未幾廷臣言不便遂寢

王宗沐傳

總督河道

永樂九年遣尙書治河自後間遣侍郎都御史成化後始

稱總督河道正德四年定設都御史職官志

嘉靖四十四年朱衡以右副都御史總理河漕議開新河

與河道都御史潘季馴議不合未幾季馴以憂去詔衡兼

理其事朱衡傳

萬厯五年命吳桂芳為工部尙書兼理河漕而裁總河都

御史官河渠志十六年復起季馴右都御史總督河道自桂

芳後河漕皆總理至是復設專官潘季馴傳

明會要卷三十四

六

明會要卷三十四

明會要卷三十五

永新一龍

文彬

職官七

通政司元有四方獻言詳定司其置通政院職掌不同

洪武三年三月置察言司以王文卿原本為司令掌受四

方章奏尋罷大政記十年七月甲申置通政司設通政使正

三品左右通政正四品左右參議正五品以曾秉正為通

政使劉仁為左通政諭之曰政猶水也欲其常通故以通

政名官卿其審命令以正百司達幽隱以通庶務當執奏

者勿忌避當駁正者勿阿隨當敷陳者勿隱蔽當引見者

明會要卷三十五

一

毋留難十二年撥承敕監給事中儀禮司九關通事使隸

焉建文中改司為寺通政使為通政卿通政參議為少卿

寺丞增置左右補闕左右拾遺各一人成祖復舊制職官志

通政司門下有一紅牌書云奏事使蓋恐下情不得上達

執此牌可以直入內府守衛官不敢阻夢餘錄

通政司所以出納王命為朝廷之喉舌洪武永樂間實封

皆自御前開拆故奸臣有事即露無倖免者自天順間有

投匿名書言朝廷事者於是始有關防然其時但拘留進

本人在官候旨出即縱還未嘗窺見其所奏也厥後乃

有拆封類進及副本備照之說一有訐奏左右內臣及勳

戚大臣者本未進而機已洩被奏者往往經營倖免具奏者多以虛言受禍祖宗關防奸黨通達下情之意無復存矣菽園雜記

永樂四年詔通政司凡上書奏民事者雖小必以聞本紀

七年六月上謂廷臣曰近日郡縣數奏水旱朕甚不甯右通政馬麟等曰水旱出於天數堯湯之世不免今閒一二處有之不為大害上曰爾此言不學故也洪範恆雨恆暘皆本於人事不脩顧尙書方賓等曰朕與卿等皆當脩省更須擇賢守令守令賢則下民安民安於下則天應於上麟言豈識天人感應之理麟慚而退世法錄

明實錄卷三十五

二

仁宗卽位通政司請彙四方雨澤章奏送給事中收貯帝曰祖宗令天下奏雨澤欲前知水旱以施恤民之政積之通政司既失之矣今又令收貯是欲上之人終不知也自今奏至卽以聞三編

成化二年增設膳黃右通政列銜本司不與司事後革餘錄

宏治五年中官傳旨擢通政司經歷高祿為本司參議祿壽甯伯張巒妹婿也王恕方在告吏部侍郎周經言非面承旨又無御札不敢奉詔復與恕上疏曰天下之官以待天下之士勿私貴戚妨公議不納王恕傳

十一年定通政司五月至七月日引奏五事餘月日七事大政記

嘉靖中趙文華與嚴嵩結為父子嵩念己過惡多得私人嚴嵩在通政劾疏至可豫為計故以文華任通政使傳

大理寺元大理寺職掌不同

吳元年七月辛丑置大理司卿洪武元年革三年置磨勘司尋亦革十四年十一月己亥復置大理寺卿正五品左右少卿從五品左右寺丞正六品又置審刑司共平庶獄凡大理寺所理之刑審刑司復詳議之是年命李仕魯為大理寺卿十九年罷審刑司二十二年復卿秩正三品少

明實錄卷三十五

三

卿正四品丞正五品二十九年十月罷大理寺盡移案牘於後湖建文初復置改寺為司卿為大理卿左右寺正為都評事寺副為副都評事成祖初仍置大理寺其左右寺設官復如洪武時職官志

洪武二十四年六月壬午升大理寺丞周志清為卿上諭之曰大理之卿卽古之廷尉歷代任斯職者獨漢稱張釋之于定國唐稱戴胄蓋由其處心公正議法平恕獄以無冤故流芳後世今命爾為大理寺卿當推情定法毋為深文務求明允使刑必當罪庶幾可方古人不負命也昭代典則永樂元年十月己酉大理寺卿薛崑等奏各布政司上所

部具獄凡死罪百餘人請分遣御史臨決上從之世法錄

仁宗時虞謙為大理卿呂升為少卿仰瞻為丞而謙又薦

嚴本為寺正帝方矜慎刑獄謙等亦悉心奏當凡法司及

四方所上獄謙等再四參復必求其平嘗語人曰彼無憾

斯我無憾矣時斷獄者多以知情故縱及大不敬論罪本

爭之曰律自叛逆數條外無故縱之文即不敬情有輕重

豈可概入重比謙隨之悉為駁正虞謙傳

吏部尚書蹇義疏刑部都察院職典刑名而大理寺尤專

詳讞居是職者必得其人其官屬宜從堂上官精加考覈

庸劣不稱者黜之貪婪苛刻者罪之其有作奸犯科者責

明會要卷三十五

四

令互相糾舉違者一體論罪

凡評允人犯奉有欽依單本具題曰單題其死罪京詳外

詳俱五起一題曰類題係日審者寺正具稿係外詳者寺

副而下寺員五日一具稿呈堂裁定

正統六年評事馬豫言臣奉敕審刑竊見各處所獲強盜

多因仇人指攀拷掠成獄不待詳報死傷者甚多今後宜

勿聽妄指果有賊證御史按察司會審方許論決若未審

錄有傷死者毋得準例升賞是年出死囚以下無數已上錄

八年王振問楊士奇吾鄉誰可為京卿者士奇以薛瑄對

召為大理寺少卿瑄至士奇使謁振瑄曰拜爵公朝謝恩
私室吾不為也薛瑄傳

十一年評事孫鏞上言重囚稱冤未及詳讞原鞫者慮其

反覆或錐死獄中乞赦審刑官徙置他獄法司議徙獄非

制不從

景泰六年大理寺卿向敬言鞫囚有二弊其一論罪不當

者輒調問痛加箠楚至三四次仍依原擬不免有冤請自

今三次不允送別衙門推鞫原問不當者罪之其一毆鬪

罵詈違限等類輕重律有正條者法司以正條罪輕輒依

擬不應從重其買免枉法強竊盜等項贓法金銀律追本

明會要卷三十五

五

色今乃准其費用追鈔此皆輕重不當乞禁令如律從之

已上通典

成化時給事中白昂言大理寺審錄有稱冤人犯駁回在

外衙門再問多偏執己見不與辯明或用非法重刑鍛鍊

成獄囚人慮其駁回必加酷刑雖有冤枉不敢再言今後

有問招不明擬罪不當者俱乞改調相應官員問理不許

鍛鍊成獄違者雖無贓亦依律問罪從之夢餘錄

五年評事張鈺言大理之設所以審錄刑部都察院鞫問

重囚其間或擬罪不當者一再駁還並令改擬或仍不當

許參問此係舊制近見南京法司多用嚴刑迫囚誣服其

被糾者亦止改正而無罪乞自今許本寺參問寺卿王概覆奏如議續通典

初大理設左右二寺兩京五府六部刑名屬左寺餘屬右寺左寺置評事四人右寺倍之其後天下罪囚類不解審右寺簡於左寺宏治元年裁減右寺評事四人與左寺等評事魯永言刑官擬議不當或舞弄條例或組合文法或律有正條而擬以不應或畏避權勢而拘於成案或信憑參語定罪而不論招情皆可恣為出入刑獄由是不平請悉依律例定擬科斷違者從給事中御史舉劾御史有違都察院查究從之

明會要卷三五

木

宏治十七年奏准原問官事涉嫌疑或有偏拗者不拘一次二次聽本寺駁調問理若不改本寺徑行隔別衙門問理又駁回犯人不須提人者輕事限五日重事限十日完報若故意淹禁致情輕犯人累死者聽本寺參奏十八年刑部主事朱塗言部囚送大理第當駁正不當用刑今左右二寺分外用刑展轉淹滯乞令毋得擅加考掠大理寺卿楊守隨覆奏大理寺雖止於參駁然每有隱匿重情量加刑罰况永樂年間本寺亦設刑具豈為分外請申禁戒令法司同寅協恭毋彼此執拗帝從之已上夢餘錄嘉靖元年大理寺卿鄭岳言內臣有犯宜聽部院問決毋

從中決帝不能從鄭岳傳

三年評事韋商臣上疏曰臣所居官以平獄為職乃自授任以來竊見羣臣以議禮忤旨者左遷則吏部侍郎何孟春一人謫戍則學士豐熙等八人杖斃則編脩王思等十七人以拂中使逮問則副使劉秉鑑布政馬卿知府羅玉查仲道等十人以失儀就繫則御史葉奇主事蔡乾等五人以京朝官為所屬訐奏下獄則少卿樂護御史任洛等四人此皆不平之甚上干天象下駭眾心臣竊以為皆所當宥况比者水旱疫癘星隕地震山崩泉湧風雹蝗蝻之害殆徧天下有識莫不寒心及今平反庶獄復戍者之官

明會要卷三五

七

錄死者之後釋逮繫者之囚正告訐者之罪亦弭災禳患之一道也帝責以沽名賣直謫清江丞韋商臣傳馬森為大理卿屢駁疑獄與刑部尚書鄭曉都御史周延稱為三平馬森傳六年黃綰奏法司所以理刑名至於大理寺職司參駁關繫尤重凡任兩寺官非精律例見出原問官之上何以評其輕重服其心乎近見兩寺官有初入仕途律之名例尙未通曉即欲斷按庶獄未免有差原問官因得指摘罅漏借為口實至於參駁本寺亦不降心輒逞雄辨往復數次淹累囚眾至不得已將就允行刑獄不清職此之故合無

行令本寺今後遇有新除評事督令講讀律例半年以上
疏通者方許干預平允生疏者比照試御史例仍令重歷
若再不堪參送吏部對品降調在京別衙門敘用其見在
者除寺正寺副外其餘限三月內通加考驗有年久未諳
者一體參送吏部別用若有究心刑名才識出眾者開送
吏部俟兩寺正副員缺不論年資銓補至爲正副又能益
勵職業比照刑部各道年深郎中御史一體超擢疏入允
行明臣奏議

十一年大理寺題准凡大小詞訟非經通政司准行非由
各衙門參送不許聽理非由大理寺評允不許發落若徇

明會要卷三十五

九

私廢法及改易發落者俱聽本寺及科道官參究檢舉

是年刑部題准今後招擬未當大理寺駁回再問者原問
官即當更改不得偏執已見如招情已明罪無出入該寺
即與評允不得駁論一文一字以致往返駁辯有累罪犯
十二年本寺奏准凡經駁回再問者照依大明令小事五
日中事七日大事十日並要限內結絕其各司擅准詞狀
徑自發落不呈堂具報送寺審錄又已經審允而擅擬改
變者俱聽本寺及科道官參究

初以係軍者屬左寺係民者屬右寺又定以在京屬左寺
在外屬右寺萬曆九年以二寺事務煩簡不均題准以刑

部十三司都察院十三道左右分管浙江福建四川貴州
廣東山東六司道屬左寺湖廣廣西陝西雲南河南山西
江西七司道屬右寺已上夢餘錄

萬曆三十三年評事姜志禮以囚多瘐死疏言狎狴之間
一日斃十五人積日而計亦何紀極又况海內小民罹災
祲而轉死溝壑及爲礦稅所羅織貂璫所攫噬含冤畢命
者又復何限乞爲矜宥勿久淹繫且盡除礦稅毋使宵人
竊弄魁柄賊虐蒸黎不報姜志禮傳

王用汲爲大理少卿會法司議胡禎龍宗武殺吳仕期獄
傳以謫戍用汲駁奏曰按律刑部及大小官吏不依法律

明會要卷三十五

九

聽從上司主使出入人罪者罪如之蓋謂如上文罪斬妻
子爲奴財產入官之律也仕期之死禎非主使者乎宗武
非聽上司主使者乎今僅謫戍不知所遵何律也上欲用
用汲言閣臣申時行等謂仕期自斃宜減等獄遂定王用汲傳
崇禎十一年大理右寺副高倬以近者刑獄繁滋法官務
停閣請敕諸司剋期奏報大者旬日小者五日其奉旨覆
讞者或五日三日務俾積案盡疏囹圄衰減高倬傳

詹事府元儲政院

洪武元年正月書及都督府議做元舊制設中書令欲
奏以太子爲之帝曰取法於古必擇其善者而從之元人

事不師古設官不以任賢惟其類是與豈可取法且吾子
年未長學未充更事未多所宜尊禮師傅講習經傳博通
古今識達機宜他日軍國重務皆令啟聞何必效彼作中
書令乎乃令詹同考東宮官設少師少傅少保詹事率府
使諭德贊善賓客等官以李善長為太子少師兼詹事馮
勝兼副詹事徐達兼太子少傅常遇春兼太子少保鄧愈
湯和兼太子諭德章溢兼贊善大夫劉基兼率更令明通紀
十月以梁貞王儀為賓客秦鏞盧德明張易為諭德世法錄
十五年四月丙申更定左右春坊官各置庶子諭德中允
贊善司直郎又各設大學士時以耆儒劉埶關賢為左右

明會要卷三十五

十

司諫兼春坊左右庶子趙肅何顯周為左右正言兼左右
諭德二十二年以官聯無統始置詹事院二十五年六月
改院為府定詹事秩正三品少詹事正四品春坊大學士
正五品司經局洗馬從五品皆列署府中而事總於詹事
府二十九年增設左右春坊清紀郎司諫通事舍人建文
中增少卿寺丞各一人賓客二人又置資德院資德一人
資善一人成祖復舊制昭代典則
洪武三年十二月禮部尚書陶凱請選人專任東宮官屬
罷兼領之職庶於輔導有所責成帝曰古者不備其官惟
賢能是用朕以廷臣有才望勳德者兼東宮官非無謂也

嘗慮廷臣與東宮官屬有不相能遂成嫌隙或生姦謀離
間骨肉其禍非細若江充之事可為明鑑朕今立法令省
臺都督府官兼東宮贊輔之職父子一體君臣一心庶幾
無相構之患洪武聖政記

文彬曰太祖不別設宮僚以勸舊大臣兼領其職慮雖
深遠然當時武臣在外徒被虛名無與輔導即省臺諸
臣各有職司未能專心諭教古人重師保疑丞之任是
以教豫而德成若江充之禍史冊僅見過為防閑不設
專官是因噎廢食而已

初置詹事院命吏部曰輔導太子必擇端重之士三代保

明會要卷三十五

十一

傅禮甚尊嚴兵部尚書唐鐸謹厚有德量以為詹事食尚
書俸如故以鐸嘗請豫教故也唐鐸傳
泰州教諭門克新秩滿來朝召問經史及政治得失直言
無隱授贊善時紹興王俊華以善文辭亦授是職上諭吏
部曰左克新右俊華重直言也蕭岐傳
二十六年九月甲子以鄭濟為左庶子王勳為庶子初東
宮官屬缺命廷臣舉孝義篤行之士工部尚書嚴震直以
浦江鄭氏對帝曰朕素知鄭更聞其里王氏力行鄭氏家
法可並徵兩家子弟以勸天下鄭氏舉濟王氏舉勳遂並
拜官編三

成祖時詔選老學之士能講說者尙書蹇義以教授趙文名上成祖召至御前面諭授左春坊左中允賜宴俾輔仁宗於東宮文進講經史敷釋明盡應制有作悉寓箴規睿旨嘉獎周述進左春坊右諭德兼侍讀從皇太子謁陵南京上諭之曰汝素厚重尤資匡弼太子雖聰明純謹然智或未逮行或過中必須盡言庶稱朕意仁廟居守中外無失政德澤浹於人心述力爲多宣德中升庶子典通永樂八年許州知州潘文奎以事當降爲有文學改左春坊司直郎集洪熙元年鳳陽府照磨李準爲太子賓客

明會要卷三十五

三

宣德時楊士奇等言交趾南靈州革任知州黎恬有文學改右春坊右諭德已上夢錄天順元年正月令翰林官有兼東宮銜者俱改別職以景泰易儲故也明通紀天順初李賢言禮科給事中孔公恂大聖人後贊善司馬恂宋大賢溫國公光後宜輔導太子帝喜同日起拜少詹事侍東宮講讀入語孝肅皇后曰吾今日得聖賢子孫爲汝子傳孔公恂傳嘉靖時給事中劉世揚劾詹事顧鼎臣汙佞且言今日詹事卽他日輔臣帝怒詰詹事進輔臣出何典例予杖下詔

獄劉世揚傳

童承敘爲講官上御文華殿承敘進講周書立政篇極陳王業艱難周公夾輔之忠詞意婉切上改容聽焉及冊正儲位以承敘爲左春坊左庶子兼翰林侍講慎輔導之選也續通典

十八年以陸深爲詹事崔銑爲少詹事王教羅洪先華察等爲諭德贊善洗馬皇甫湊唐順之等爲司直司諫皆天下名儒自明初宋濂諸人後宮僚莫盛於此職官志左右春坊大學士與正學士同品洪武中無任之者建文以任董倫永樂立東宮李至剛胡廣楊士奇爲左解縉黃

明會要卷三十五

三

淮爲右洪熙曾榮爲左王英爲右景泰商輅彭時呂原倪謙爲左劉儼劉定之爲右逾五十年而宏治會典成拜楊廷和左春坊大學士以後遂不復設夢錄萬曆十一年六月撰編修吳中行爲右春坊右中允檢討趙用賢爲右春坊右贊善因廷臣交薦輔臣申時行言此二臣遭挫已久茹痛已深不宜但敘年資僅從常調乃有是命錄實

翰林院上元翰林兼國史院

吳元年五月己亥初置翰林國史院設學士侍講學士侍讀學士直學士修撰典簿編修以陶安潘庭堅爲學士朱

升為侍講學士洪武元年改為翰林院授張以甯侍講學士秦裕伯侍讀學士陳極范常直學士二年置學士承旨以詹同宋濂為之增設待制則秦裕伯王禕為之應奉則趙震殷哲為之定侍講學士正四品侍讀學士從四品脩撰正六品十四年定學士為正五品革承旨直學士待制應奉十八年定以侍讀先侍講建文初仍設承旨改侍講侍讀兩學士為文學博士方孝孺任之參預機務置文翰文史二館文翰以居侍讀侍書五經博士文史以居修撰編修檢討成祖初復舊弁山集

洪武六年七月宋濂遷侍講學士知制誥同脩國史宋濂傳

明會要卷三十五

南

詹同兼學士承旨並命與學士樂韶鳳等定釋奠先師樂章詹同傳

九月命翰林院儒臣擇唐宋名臣箋表可為法式者詞臣以柳宗元代柳公綽謝表及韓愈賀雨表進令中書頒為式禁駢儷對偶體世法錄

七年八月上御武樓賜學士宋濂坐謂曰天下既定朕方垂意宿學之士卿知其人乎濂以會稽郭傳對帝召見謹身殿授翰林應奉直起居注傳實僧也王蒙傳

八年十月詔翰林考議陵寢朔望節序祭祀禮大政記

十二年十二月詔徵甯國府訓導陳迪為編脩明政統宗

十四年五月癸丑召山西右布政使趙新為翰林院修撰昭代凡諸司章奏命同春坊正字等官考覈平允則署銜曰翰林院兼平較諸司文章事某官某列名書之吾學編

十五年正月丙戌命翰林院侍講火原潔及編修馬懿赤黑等以華言譯蒙古語復取元祕史參考紐切其字以諧其聲音既成詔翰林李翀吳伯宗等譯回回麻書昭代

十八年更定翰林品員又定進士一甲授脩撰二甲以下授編脩檢討其秩自學士正五品以下至七品有差初翰林院官皆由薦舉未有以進士入者故四年開科狀元吳伯宗止授員外郎榜眼探花授主事而已弁山集

至是年廷試擢一甲進士丁顯等為翰林院脩撰二甲馬京等為編脩吳文為檢討進士之入翰林自此始也使進士觀政於諸司其在翰林承敕監等衙門者曰庶吉士進士之為庶吉士亦自此始也庶吉士不專屬之翰林

明會要卷三十五

五

其在六部都察院通政司大理寺等衙門者仍稱進士觀政進士之名亦自此始也選舉志

二十三年十一月己丑以永川縣知縣王佐為翰林院侍讀昭代

三十年以張信為侍讀戴德彝為侍講諭之曰翰林雖職文學然既列禁近凡國家政治得失民生利害當知無不

言唐陸贄崔羣李絳在翰林皆能正言讜論裨益當時汝
宜以古人自期王度傳

建文二年十二月以處士唐愚為翰林侍讀明政統宗

永樂二年授一甲三人為翰林脩撰編脩復命於第二甲

擇文學優等楊相等五十人及善書者湯流等十人為庶

吉士於是庶吉士遂為翰林之專官尋命解縉等選脩撰

曾棗編脩周述周孟簡及庶吉士楊相等凡二十八人就

學文淵閣庶吉士周忱自陳少年願學上喜而俞之增為

二十九人上命司禮監給紙筆光祿給朝暮饌禮部月給

膏燭鈔人三錠工部擇近宅居之上時至館召試五日一

明會要卷三十五

末

休沐必使內臣隨行且給校尉騶從弁山集

初選進士為庶吉士謂之館選其後或間科一選或連科

屢選或數科不選所選多寡無定額比三年試之其留者

二甲授編修三甲授檢討不得留者為給事中御史主事

或外為州縣官謂之散館三編實錄

翰林改教授者永樂乙未進士第二人李貞以編脩改高

州府教授第三人陳景以編脩改福州府教授夢餘錄

十三年蘄州同知桂宗儒柔儒當黜改修撰弁山集

十六年五月以刑部主事李時勉為侍讀陳敬宗為侍講

大政

十八年九月擢教授蘭從善林長懋教諭徐永達等為編
修侍皇太孫同

仁宣間有陳繼楊翥者以布衣通經用楊士奇薦繼由博

士遷檢討翥亦授檢討歷任脩撰自天順後漸拘資格編

脩馬昇檢討傳宗不由科目皆出之為參議布衣無得預

館閣者陳濟傳

宣德七年以故鴻臚寺為翰林院落成諸殿閣大學士皆

至錢習禮不設楊士奇楊溥座曰此非三公府也士奇等

以聞帝命具座後遂為故事錢習禮傳

八年三月帝命楊溥合選宣德二年五年八年所取進士

明會要卷三十五

七

拔二十八人為庶吉士以蕭鎡為首蕭鎡傳

正統十二年三月選修撰劉儼商輅等十人入東閣習制

誥讀中祕書仍命侍經筵以備他日內閣之選通紀

明會要卷三十五終

明會要卷三十六

永新龍文彬纂

職官八

翰林院下

天順二年正月命李賢等重脩寰宇通志賢嘗謂翰林實文學侍從之臣非雜流可與景泰間陳循輩各舉所私非進士出身者十將四五一時無由而退至是重脩通志惟推擇進士出身者此輩遂知不當居此願補外職賢乃言於上命吏部外除之昭代典則自是專選進士充翰林院遂為定制王圻通考

明會要卷三十六

成化三年帝以明年上元張鑑命詞臣撰詩詞進奉編修章懋黃仲昭檢討莊景言頃論臣等撰鼇山烟火詩詞臣等竊議此必非陛下本懷或以兩宮聖母在上欲備極孝養奉其歡心耳然大孝在乎養志不可徒陳耳目之玩以為養也今川東未靖遼左多虞江西湖廣赤地數千里萬姓嗷嗷張口待哺此正陛下宵旰焦勞兩宮母后同憂天下之日至翰林官以論思為職鄙俚之言豈宜進於君上伏讀宣宗皇帝御製翰林箴有曰啟沃之言唯義與仁堯舜之道鄒魯以陳張鑑豈堯舜之道詩詞豈仁義之言若謂煙火細故不足為聖德累則舜何必不造漆器禹何必

不嗜旨酒漢文何必不作露臺古帝王慎小謹微必矜細行者正以欲不可縱漸不可長也伏乞將煙火停止移此視聽以明目達聰省此貲財以賑饑恤困則災祲可消大平可致帝以元夕張鑑祖宗故事惡懋等妄言杖之左遷其官脩撰羅倫先以言事被黜時稱翰林四諫章懋傳柯潛為學士時即院中後圃構清風亭鑿池蒔芙蓉植二柏於後堂人稱其亭為柯亭柏為學士柏院中有井學士劉定之所浚也柯亭劉井翰林中以為美談云柯潛傳十三年七月辛未詔翰林院會內閣自考察其屬舊制諸司官屬考察俱由吏部都察院會覈至是以翰林職居清

明會要卷三十六

要聽其長自覈奏聞憲章錄宏治四年給事中涂旦以累科不選庶吉士請循祖制行之大學士徐溥言自永樂二年以來選取庶吉士無定制今後請每科選用令新進士錄平日所作論策詩賦序記等文呈之禮部送翰林考訂擇其詞藻文理可取者按號行取禮部以糊名試卷偕閣臣出題考試於東閣試卷與所投之文相稱即收預選每科所選不過二十人每選所留不過三五輩將來成就必有足稱者孝宗從其請命內閣同吏禮二部考選以為常會典六年詔天下舉才德之士隱於山林者順天府尹唐恂以

潘辰薦吏部以辰生長京師寢之恂復奏給事中王綸夏
昂亦交章薦乃授翰林待詔自天順後漸拘資格布衣無
得預館閣者辰獨以才望得之一時詫異數焉陳濟傳

十年大計京官侍講學士楊守陟時掌院事上言臣與掌
詹事府學士王整俱當聽部考察但臣等各有屬員進與
吏部會考所屬則坐堂上退而聽考又當候階下我朝優
假學士慶成侍宴班四品上車駕臨雍坐彝倫堂內視三
品此故事也今四品不與考察則學士亦不應與臣等職
講讀撰述稱否在聖鑒有不待考察者詔可學士不與考
察自守陟始楊守陟傳

明會要卷三十六

三

正統間以學士一人在內閣專管誥勅後久不設宏治七
年復設至用尙書兼學士如石瑄侍郎兼學士如賈詠輩
掌管嘉靖六年以張璠議始停不補夢餘錄
是年九月以桂萼爲禮部尙書仍兼翰林學士故事尙書
無兼學士者自萼始桂萼傳
升少詹事霍韜爲詹事仍兼翰林學士韜固辭言楊榮楊
士奇楊溥以及李東陽楊廷和專權植黨籠翰林爲屬官
中書爲門吏故翰林遷擢不由吏部而中書至有晉秩尙
書者臣嘗建議翰林去留盡屬吏部庶不陰倚內閣爲腹
心內閣亦不陰結翰林爲羽翼議未卽行躬自蹈之而又

躡居學士徐縉上何愧如之上優詔不允霍韜傳

十月丙寅諭內閣選擇翰林諸臣稱職者留用不稱者量
才外補實錄初張璠以議禮拜學士諸翰林恥之不與並列
璠深恨及侍讀汪佃講洪範不稱旨帝令補外璠乃請自
講讀以下量才外補改官及罷黜者二十二諸庶吉士
皆除部屬及知縣由是翰苑爲空張璠傳

上旣罷轉翰林多人復諭內閣吏禮二部都察院咨訪有
才識文學者量爲推舉改官僚翰林以廣用人之路乃改
大理少卿黃綰南京通政司參議許誥南京尙寶卿盛端
明福建按察副使張邦奇四川按察副使韓邦奇山西按

明會要卷三十六

四

察副使致仕方鵬刑部員外歐陽德吏部主事金璐御史
張袞皆授學士講讀宮坊編修等官實錄
八年四月考選庶吉士大學士楊一清等列上唐順之等
二十人請命官教習得旨以庶吉士之選祖宗舊制誠善
邇來大臣徇私選取市恩立黨於國無益自今不必選留
遂改順之等爲主事等官並限翰林之選侍讀侍講脩撰
各三員編脩檢討各六員著爲令選舉志
十一年十月甲申復考選庶吉士例通紀
十二年七月庚午改主事唐順之陳東楊瀚盧淮陳節之
御史胡經周文燭爲編修十月乙酉改主事屠應竣王汝

孝郎中華察為脩撰大政記

翰林由別衙門改用者歐陽兼張袞胡經俱以御史改編

脩余舉以給事中改檢討王一甯以工部主事改脩撰歐

陽崇一以刑部郎中改編脩王大任姜儆俱以御史升侍

讀學士夢餘錄

萬厯九年十一月張居正言前代好文之主皆有文學之

臣奉侍清燕或承詔登朝或應制賡酬皆寓風勸箴規之

益翰林撰述討論為其職務如日講諸臣皆文學優贍其

餘翰林亦皆需次待用宜令分番入直每日輪四員同日

講諸臣在館祇候萬幾之暇如披閱古文有所采錄或鑒

明會典卷三十六

五

賞名筆有所題詠即屬諸臣具草或以不時面賜質問以

觀其才品高下從之通紀

崇禎十一年帝以國家多故朝臣詞苑起家懦緩不習吏

事無以理紛禦變改舊例擇知推治行卓絕者入翰林汪傳

秘書監仍元

洪武三年三月庚子置秘書監掌內府書籍

六年擢舉人蕭韶為秘書監直長

十三年七月癸巳罷秘書監所藏古今圖籍改歸翰林院

典籍掌之已上大政記

文華堂

洪武六年正月擢舉人張唯王輝等十餘人為翰林院編

脩又選國子監蔣學方徵彭通拜給事中俱入禁中文華

堂肄業宋濂及脩撰孔克表正字桂彥良為之師帝聽政

之暇輒幸堂中評其文字優劣錫以鞍馬弓矢白金有差

弁山集

宏文館

洪武三年法唐永徽之制置宏文館以胡鉉為學士命劉

基危素王本中睢稼皆兼學士昭代典則

是年以羅復仁為宏文館學士復仁在帝前率意陳得失

明會典卷三十六

六

常操南音帝顧喜其質實呼為老實羅而不名羅復仁傳

九年閏九月罷宏文館大政記

洪熙元年正月建宏文閣於思善門左詔選諸臣有學行

者入直命學士楊溥掌閣事帝親授閣印曰朕用卿左右

非止助益學問亦欲廣知民事為治道輔有所建白封識

以進三編又殿閣詞林記作宏文館

六月宣宗即位閏七月乙丑罷宏文閣大政記

正德元年王鏊奏請於便殿側脩復宏文館選天下文學

行藝著聞者七八人更番入直內閣大臣一人領之如先

朝楊溥故事陛下萬幾有暇時造館中講論經史於聖德

自有裨益疏入報聞明臣奏議系之嘉靖元年按王鏊已於正德三年致仕茲據明政統宗及大政記

起居注元給事中兼修起居注

甲辰三月丁卯置起居注以宋濂魏觀為之日侍左右記

言動通紀

乙巳六月以儒士滕毅楊訓文為起居注論之曰起居之

職非專事紀錄而已要在訓忠納誨致主於無過之地而

後為盡職吾平時於百官所言一二日外猶尋繹不已今

爾在吾左右不可不盡言也大訓記

復命毅訓文集古無道之君若夏桀商紂秦始皇隋煬帝

明會要卷三十六

七

所行之事以進曰吾觀此者正欲知其喪亂之由以為鑒

戒耳陳脩傳

吳元年魏觀遷兩淮都轉運使入為起居注魏觀傳

洪武五年禮部尚書陶凱言漢唐宋時皆有會要紀載時

政今起居注雖設其諸司所領諭旨及奏事簿籍宜依會

要編類為書庶可以垂法後世下臺省府者宜各置銅櫃

藏之以資稽考俾無遺闕從之陶凱傳

七年八月宋濂薦僧郭傳授翰林應奉直起居注王蒙傳

十四年定起居注秩從七品以單仲佑詹同為之詞林記

宏治十七年九月復置起居注初洪武間設起居注後廢

至是太僕少卿儲懌言古者史官紀言紀動典至重也臣

見陛下宜召羣臣多帷幄造膝之言近臣不得與聞史官

莫由紀錄失今不圖恐歲月綿遠傳聞各異無以究其始

末乞敕廷臣曾蒙召問者備錄呈覽宣付史館報可編三

世宗初御史黎貫請復起居注之制命詞臣編類章奏以

備纂述從之黎貫傳

嘉靖十一年學士廖道南言太祖設起居注仁宗開宏文

館皆師古者記事記言之制自宣德後相權重史職輕而

起居注遂廢今宜選翰林中學識優異者俾兼起居日記

言動以至邦有大政民有大眚皆令書之庶克徵信來茲

明會要卷三十六

八

而史職不為虛設矣上嘉納之兩朝憲章錄

萬厯三年編脩張位以前代皆有起居注而本朝獨無疏

言臣備員纂脩竊見先朝政事自非出於詔令形諸章疏

悉湮沒無考鴻猷茂烈鬱而未章徒使野史流傳用偽亂

真今史官充位無以自效宜日分數人入直凡詔旨起居

朝端政務皆據見聞書之待內閣裁定為他年實錄之助

於是大學士張居正議曰國初設起居注官日侍左右紀

錄言動實古者左史記事右史記言之制迨後定官制乃

設翰林院修撰編修檢討等官蓋以記載事重故設官加

詳原非有所罷廢但自職名更定之後遂失朝夕記注之

規以致累朝以來史文闕略邇者纂修實錄臣等祇事總裁凡所編輯不過總集諸司章奏稍加刪潤彙括成編至於仗前柱下之語章疏所不及者即有見聞無憑增入與夫裨官野史之書海內所流傳者欲事采錄又恐失真是以嘉謀嘉猷實多未備凡此皆由史臣之職廢而不講之所致也今宜申明史職以復舊制今日講官日輪一員專記注起居兼錄聖諭詔敕冊文等項及內閣題稿其朝廷政事見於諸司章奏者俱選年深學優之史官六員專管纂修事分六曹以吏戶禮兵刑工為次每人專纂一曹俱在朝供職不得別有差遣凡遇常朝御皇極門即輪記事

明會要卷三十六

九

官侍班居文武第一班之後近上便於視聽即古螭頭載筆之意從之編神宗一日顧見史官還宮偶有戲言曰莫使起居聞知聞則書矣起居之有益於主德如此錄

修前代史

洪武二年二月詔脩元史以左丞相李善長監脩前起居注宋濂漳州府通判王禕為總裁徵山林隱逸之士汪克寬胡翰宋禧陶凱陳基趙壘曾魯高啟趙汭張文海徐尊生黃篋王綺傅著謝徽傅恕凡十六人為纂修三年二月詔重脩元史復徵四方文學士朱右貝瓊朱廉

王彝張孟兼高遜志李懋李汶張宣張簡杜寅殷弼俞寅趙壘等十四人為纂修先是得十三朝實錄惟元統以後之事未備乃命儒士歐陽佑等往北平山東采遺事至是還朝重開史局七月丁亥書成凡二百十二卷已上三編禮局徐一夔者王禕薦之入史局一夔遺書曰邇者縣令傳命言朝廷以續修元史見徵且云執事謂僕善敘事薦之當路私心竊怪執事何惓惓於不材多病之人也僕素謂執事知我今自審終不能副執事之望何也近世論史者莫過於日麻日麻者史之根柢也自唐長壽中史官姚璠奏請撰時政記元和中韋執誼又奏撰日麻日麻以事

明會要卷三十六

十

繫日以日繫月以月繫時以時繫年猶有春秋遺意至於起居注之說亦專以甲子起例蓋紀事之法無論此也往宋極重史事日麻之修諸司必關白如詔誥則三省必書兵機邊務則樞司必報百官之進退刑賞之子奪臺諫之論列給舍之繳駁經筵之論答臣僚之轉對侍從之直前啟事中外之囊封匭奏下至錢穀甲兵獄訟造作凡有關政體者無不隨日以錄猶患其出於吏牘或有譌失故歐陽修奏請宰相監修者於歲終檢點修撰官日所錄事有失職者罰之如此則日麻不至譌失他時會要之修取於此實錄之修取於此百年之後紀志列傳取於此此宋氏

之史所以為精確也元朝則不然不置日厯不置起居注
獨中書置時政科遣一文學掾掌之以事付史館及一帝
崩則國史院據所付修實錄而已其於史事固甚疎略幸
而天厯間虞集做六典法纂經世大典一代典章文物靡
備是以前局之史既有十三朝實錄又有此書可以參稽
而一時纂修諸公如胡仲申陶中立趙伯友趙子常徐大
年輩皆有史才史學厯而成書至若順帝三十六年之事
既無實錄可據又無參稽之書惟憑採訪以足成之竊恐
事未必覈也言未必馴也首尾未必穿貫也而向之數公
或受官或遣山復各散去乃欲以不材多病如僕者承之

明會要卷三十六

十一

於後僕雖欲仰副執事之望曷以哉遂不任徐一

成化十年命編纂宋元綱目以閣臣彭時等為總裁宮坊
翰林劉珏邱濬程敏政劉健楊守陳尹直彭華謝一夔等
為纂修官分八館未五年而書成錄餘

十一年四月大學士商輅等進所撰宋元通鑑綱目二十
七卷藝文志

正德二年七月大學士李東陽等進所撰歷代通鑑纂要
九十二卷劉瑾以謄寫不謹欲因是為東陽罪東陽大窘
焦芳為解乃止除謄錄官數人名三編又實實日足昔脩
裁官至是命文華殿改謄芳遂列名其間及進呈
書辦官張駿等皆擢頭秩裝漢匠役亦悉授官

嘉靖十五年五月議修宋史南京吏部尚書嚴嵩以賀萬
壽節至京師李時請留之命以禮部尚書兼翰林學士董
其事嚴嵩

宋史與遼金二史舊分三書嘉靖中柯維騏乃合之為一
以遼金附之而列二王於本紀褒貶去取義例嚴整閱二
十年而始成名之曰宋史新編凡二百卷柯維騏

修國史

吳元年四月壬子諭起居注詹同日國史貴直筆善惡皆
當書之昔唐太宗觀史雖失大體然命直書建成之事是
欲以公天下也朕平日言行是非善惡汝等皆宜直書不

明會要卷三十六

十一

宜隱諱庶使後世觀之不失其實大訓記

洪武六年八月學士承旨詹同以渡江以來征討平定之
蹟禮樂治道之詳紀載尙未成書請編日厯帝從之命同
與宋濂為總裁官吳伯宗等為纂脩明年五月日厯成自
起兵臨濠至洪武六年共一百卷昭代

建文元年脩太祖實錄以修撰李貫國子監博士王紳教
授胡子昭楊士奇訓導羅恢吏目程本立等充編纂官編
文彬按洪武脩元史徵山林隱逸之士為纂脩官建文
承樂間脩太祖實錄博士教授訓導吏目及知州知縣
等得為編纂官楊士奇由布衣起家三脩太祖實錄皆

預焉成祖脩永樂大典以布衣陳濟為都總裁脩撰曾
棨等僅為之副其始重文學不拘資格如此宣德後專
以脩撰編脩檢討為史官自是非翰林不得預一代紀
載專屬詞臣矣

成祖初即位以建文中所脩太祖實錄為失實乃重脩之
命李景隆茹瑄監脩前纂脩官南昌知府葉惠仲以直書
燕起兵事族誅三編

永樂九年十月乙巳帝以前監脩官李景隆茹瑄等心術
不正又期限迫促未能精詳復命姚廣孝夏原吉為監脩
胡廣楊榮楊士奇金幼孜等為總裁纂脩等官通紀十六年

明會要卷三十六

三

五月庚戌朔實錄成共二百五十七卷起元至正辛卯訖
洪武三十一年戊寅首尾四十八年藝文志

正統三年四月乙丑楊士奇等進所撰宣宗實錄一百十
五卷士奇楊榮俱進少師楊溥進少保餘進秩有差廷臣
以實錄成進官始此明紀

成化二年八月閣臣陳文等進所撰英宗實錄三百六十
一卷起宣德十年正月訖天順八年正月首尾三十年附

景泰帝事蹟於中凡八十七卷藝文志先是總裁欲革去景
泰帝號引漢昌邑更始為比編修尹直辨曰實錄中有初
為大臣後為軍民者方居官時則稱某官某既罷去而後

改稱如漢府以謀逆降庶人其未反時書王書叔如故也
豈有逆計其反而即降從庶人之號者哉且昌邑旋廢景
泰帝則為宗廟社稷主七年更始無所受命景泰帝則策
命於母后當時定傾危難之中微帝則京師非國家有雖
易儲失德然能不惑於盧忠徐振之言卒從兩宮以至今
日其功過足相準不宜去帝號時不能難尹直傳

宏治五年大學士邱濬請於文淵閣近地別建重樓將累
朝實錄御製玉牒及關繫國家大事文書盛以銅櫃庋於
樓之上層如詔冊制誥儀注前朝遺文舊事與凡內府衙
門所藏文書可備異日纂脩全史之用者盛以鐵櫃庋之

明會要卷三十六

四

下層每歲曝書先請委翰林院一員察視事畢封識內外
衙門因事欲有稽考者必須請旨不許擅開從之夢餘錄

正德四年四月壬午李東陽等上所撰孝宗實錄二百二
十四卷劉健謝遷既去位焦芳入內閣操史筆凡所褒貶
多挾恩怨舊時大臣如何喬新彭韶謝遷輩芳輒肆詆誣

李東陽等不敢為異同故奏表中有傳疑傳信庶以備於
將來之語蓋為芳改竄實錄之張本云通紀是年五月內閣
援會典請序遷編纂實錄諸臣忽附批調侍講吳一鵬於

南京刑部侍讀徐穆於南京禮部編修顧清於南京兵部
汪俊於南京工部皆員外郎編修賈詠李廷相於兵部溫

仁和於戶部劉龍於禮部翟鑾董玘於刑部崔銑於南京吏部陸深於南京禮部檢討王九思於吏部汪偉穆孔暉於南京禮部易舒誥於南京戶部皆主事始瑾惡翰林官不下己欲盡出之外為張綵勸沮及是又持前議綵復力沮而焦芳父子與檢討段昊輩謂可乘此以擠所不悅者乃疏名上之瑾愆愆成之謂之擴充政事三編

明會要卷三十六

五

四年三月大學士費宏言獻皇帝嘉言懿行舊邸必有成書宜付史館纂脩實錄從之明年六月丙子實錄成凡五十卷明紀

文彬按有明一代闕典如建文景泰二帝君臨天下數年不得入廟並不得脩實錄世宗以制作自任未議及此獨徇私恩於興獻不但稱宗廟亂一朝之祀典且纂脩實錄纂千秋之史體費宏之請徒欲阿徇上意不顧貽譏千秋而廷臣懲議禮之禍無復規諫殊可嘆也六月庚子費宏等上所撰武宗實錄一百九十七卷藝文志檢討席春尙書書弟也預脩實錄成當進秩內閣費宏以

春由他官入與檢討劉夔並擬按察僉事夔亦故御史以避兄侍郎龍改授者也書大怒疏言故事無纂脩書成出為外任者帝以書故留春擢脩撰而夔亦留擢編修席書十三年建皇史宬於重華殿西以藏列朝實錄實訓每纂脩告成焚稿椒園正本貯此錄餘

隆慶二年王世貞奏太祖實錄洪武三十一年止中間至永樂元年尙有關漏未載夫漢不以呂氏而廢本紀唐不以武氏而廢實錄明天下不可一日無史也乞下內閣諸者碩臣考究革除年間事蹟別為一書附之國史之末疏入不納明臣奏議

明會要卷三十六

未

萬厯初穆宗實錄成于慎行進修撰充日講官故事率以翰林大僚直日講無及史官者慎行與張位及王家屏沈一貫陳于陞咸以史官得之異數也于慎行傳

十六年司業王祖嫡請復建文位號脩輯四年事蹟盡廢野史不經之說其景泰宜自為一錄削廓辰舊名疏下羣臣議於是禮部尙書沈鯉奏言建文以革除而稱洪武景泰以分附而並系英宗皆為我朝缺典所據司業王祖嫡有循史職脩缺典之奏臣等不敢為更張之議惟將英廟實錄中間七年事蹟名曰恭仁康定景皇帝實錄無相混淆至於建文位號詔書中原無降削之文今亦無憑議復

亦惟於高廟實錄之末摘出四年事蹟復稱建文年號如
斯而已詔從之然卒不果行文彬按沈鯉覆祖嫡之疏諸
麻十三年三編載輔臣申時行覆祖嫡疏在十六年三月
當時下羣臣議內閣禮部必同時覆奏明史鯉本傳有十
六年請復建文年號重定景帝實錄云
云證之明通紀亦同宜系之十六年

十七年遂中立疏伏見輔臣王錫爵題請纂修正史起原
任詹事劉虞夔充總裁官輿論嘖嘖以為匪人竊維修史
鉅典必博訪名流廣招俊士前輔臣疏有欲取之別署取
之外僚取之閒廢取之山林隱逸而必曰文行兼優又曰
行義無虧今乃授其門人虞夔首預總裁之選儻誤蒙收
錄則脩史之典適以啟邪臣奔競之途何足以昭法戒而

明會要卷三十六 七

垂萬世伏望諭輔臣及吏部嚴行諮訪務求端方直亮博
聞有道術之士毋得濫及匪人以污盛舉從之明臣
奏議
二十二年三月癸卯詔脩國史先是禮部尙書陳于陞疏
言宋眞宗祥符間王旦等撰進太祖太宗兩朝正史仁宗
天聖間呂夷簡等增入眞宗朝名三朝國史此則本朝君
臣自脩正史之明證也我朝史籍止有列聖實錄正史闕
焉未講伏觀朝野所撰次可備采擇者無慮數百種若不
及時網羅歲月既久卷帙散脫欲成信史將不可得惟陛
下立下明詔設局編纂以成萬世不朽盛事詔從之陳于
陞傳
脩撰焦竑言國朝實錄代脩如建文景泰二朝向無專紀

景帝位號雖復而實錄附載未經改正夫勝國之君代必
為紀所謂國可滅史不可滅也況在本朝乃使孫蒙祖號
弟襲兄年名實相違傳信何據此所當勅為者一也德懿
熙仁四祖本朝發祥之始列於高廟本紀之首如漢高之
述太公光武之述長沙已無可議至睿宗獻皇帝似當一
遵此例不必另紀蓋位終北面猶人臣之列事屬追王無
而不必分蘭臺石室之中自有定論但須經聖斷乃可遵
行夢餘
錄

明會要卷三十六 六

二十三年九月乙酉詔以建文朝事附國史太祖本紀末
復其年號時給事中楊天民御史牛應元言建文年號不
宜革除見值纂修國史當更正洪武三十二年至三十五
年年號以復建文元二三四四年之舊禮部議從之故有是
命
二十五年六月癸未以皇極門左右兩廊被災閣臣張位
等請停止國史纂修事務從之已上
實錄
泰昌元年十一月詹事公鼐言近聞南北臣僚論先帝升
遐一事亦多怪異語多隱藏恐因委巷之譌傳流為香山
之稗說臣竊痛焉夫臣子愛君存其眞不存其偽今實錄
纂修在即請將先帝事蹟別為一錄凡一月間明綸善政

固大書特書其有見聞異詞及宮闈委曲之妙用亦皆直筆指陳勒成信史臣雖不肖竊敢任之疏入不許公卿傳

天啟二年脩神宗實錄命太常卿董其昌往南方採輯先朝章疏及遺事其昌廣搜博徵錄成三百本又採留中之疏切於國本藩封人才風俗河渠食貨吏治邊防者別爲四十卷做史贊之例繫以筆斷書成表進有詔褒美宣付史館董其昌傳

魏忠賢既輯三朝要典以光宗實錄所載與要典左乃言葉向高等所脩非實宜重脩遂恣意改削抵牾要典者崇禎改元毀要典而所改光宗實錄如故六年少詹事文震

明會要卷三十六

九

孟言皇考實錄爲魏黨曲筆當改正從原錄時溫體仁當國與王應熊等陰沮之事遂寢庶子許士柔曰若是則要典猶弗焚矣乃上疏曰皇考實錄總記於世系獨略皇上娠教之年聖誕之日不書也命名之典潛邸之號不書也聖母出何氏族受何封號不書也此皆原錄備載而改錄故削之者也原錄之成在皇上潛邸之日猶詳慎如彼新錄之進在皇上御極之初何以率略如此使聖朝父子母后兄弟之大倫皆闕而不明缺而莫考其於信史謂何疏上不省體仁令中書官檢校穆宗總記示士柔士柔具揭爭之曰皇考實錄與列聖條例不同列聖在位久登極後

事編年排纂則總記可以不書皇考在位僅一月三后誕育聖躬皆在未登極以前不書之總記將於何書也穆廟大婚之禮皇子之生在嘉靖中故總記不載至於冊立大典編年未嘗不具載也皇考一月易世熹廟之冊立當書皇上之冊封獨不當書乎已復上疏曰累朝實錄無不書世系之例臣所以挾摛改錄正謂與累朝成例不合也孝端皇后皇考之嫡母也原錄具書保護之功而改錄削之何也當日國本幾危坤甯調護眞孝慈之極則顧復之深恩史官不難以寸管抹撥之此尤不可解者也疏上報聞

許士柔傳

明會要卷三十六

辛

崇禎九年禮科給事中馮元飈奏我朝列聖以來雖御世長久事蹟繁重實錄之成無踰至數年者今熹廟之政前後七載實錄至今未成後世將何所取信乞敕所司將實錄寶訓立行竣役有不公者廷臣據實糾正按治如法錄

文震孟疏臣備員史局頃因纂修熹宗實錄從閣中恭請光宗實錄副本校對見其間舛誤甚多而悖謬之大者如先帝之冊立與挺擊紅丸大事皆祖三朝要典之邪說而應和之蓋天啟三年七月十六日實錄進呈則禮臣周炳寰等所纂修而閣臣葉向高韓爌等所總裁者也至天啟

六年逆黨崔呈秀請旨重修則崇禎元年二月十七日所進今皇史宬之所藏者也是時皇上初登大寶逆案未成閣臣黃立極含糊從事後來諸臣無復洗石渠之穢使流傳後世何所取衷國史所關良非細故臣謹摘其悖謬之甚者乞敕史館逐一改正或取天啟三年所進遺稿再加勘定入皇史宬庶千古之是非不悖一代之褒貶可憑同初天啟時詔脩光宗實錄禮部侍郎周炳謨載神宗時儲位艱危及妖書挺擊諸事直筆無所阿其後忠賢盜柄御史石三畏劾削炳謨職忠賢使其黨重脩是非倒置故震孟摘尤謬者數條疏請改正帝特御平臺召廷臣面議卒

明會要卷三十六

三

為溫體仁王應熊所沮文震孟傳

明會要卷三十六終

明會要卷三十七

永新龍文彬纂

職官九

六科元給事中不分科

吳元年置給事中洪武六年正月以舉人傅宗巖崔華為給事中又選國子監蔣學方徵彭通宋善王惟吉鄒傑等拜給事中入禁中文華堂肄業三月己巳始分為吏戶禮兵刑工六科各設給事中二人鑄給事印一推年長者掌之九年定給事中十人十年隸承敕監十二年改隸通政司十三年六月丁丑置諫院左右司諫以耆儒劉埴關賢

明會要卷三十七

一

為之左右正言以耆儒趙肅何顯周為之置諫議大夫以唐鐸為之尋皆罷二十二年三月改給事中為源士先是以魏敏卓敬等八十一人適符古元士之數改為元士尋以六科為政事本源改為源士未幾復為給事中二十四年五月改定科員每科都給事中一人正八品左右給事中二人從八品給事中共四十人正九品建文中革左右給事中增設拾遺補闕成祖復舊制王圻通考洪武十七年九月給事中張輔言自九月十四日至二十一日八日之閒內外諸司奏劄凡一千一百六十計三千二百九十一事上曰朕日總萬幾豈能一一周遍苟政事

有失將爲天下害卿等能各悉心封駁則庶事自無不當
此六科稽查號件封駁章奏之例也夢餘錄

六科衙門在甄城內尙寶司西永樂中災暫於午門外直
房署事至今仍之王圻通考

永樂元年九月高唐州民王政建言治道擢刑科給事中
大政十一月命六科辦事官言事上初卽位欲周知民隱

命吏部尙書蹇義等凡郡縣考滿至京選其識達治體者
令於六科辦事俾各言所治郡縣事卒無言者上諭給事

中朱元貞等曰郡縣豈無一事可言今在朕左右尙默然
况遠在千萬里外乎卿等可以朕意論之何利當興何弊

當革皆勿隱若今不言有他人言之則無所逃罪矣昭代

二年三月己巳召都給事馬麟等論曰爲治貴得大體比
爾等疏駁奏牘一字之誤皆喋喋以言瑣碎甚矣吏治文

書叢脞積累其精力有時而做難免錯誤自今奏內有數
目月日等字錯誤者皆令從傍改注用印蓋之不必以聞

大訓七年閏四月戊申諭尙書蹇義等皇太子所決庶務令六

科逐月類奏以聞通紀仁宗卽位命給事中蕭奇等三十五人爲州縣官擢監生

徐永潛等二十人爲給事中本紀

明會要卷三七

二

洪熙元年擢訓導李居傑李蕃爲給事中大政

宣德元年七月諭六科凡中官傳旨必覆奏始行本紀

正統中給事中張固言六科都左右給事中員缺乞選各
科年資深者以次升補英宗謂吏部臣曰給事中乃近侍

之官凡朝廷政令得失軍民休戚百官邪惡舉得言之况
都左右給事中爲之領袖非識達大體者不可畀也固乃

欲循資格而用之不亦舛乎夢餘錄景泰三年三月命都左右給事中居御史左大政

成化二十一年因星變求言都給事中李俊等上疏曰今
之弊政最大且急者曰近倖干紀也大臣不職也爵賞太

濫也工役過煩也進獻無厭也流亡未復也天變之來率
由於此夫內侍之設國初皆有定制今或一監而叢一二

十人或一事而參五六七輩或分布藩郡享王者之奉或
總領邊疆專大將之權或依憑左右援引檢邪或交通中

外投獻奇巧司錢穀則法外取財貢方物則多端責賂兵
民坐困官吏蒙殃殺人者見原償事者逃罪如梁芳韋興

陳喜輩不可枚舉惟陛下大施剛斷無令干紀奉使於外
者悉爲召還用事於內者嚴加省汰則近倖戢而天意可

回矣今之大臣其未進也非夤緣內臣則不得進其既進
也非依憑內臣則不得安此以財賈官彼以官鬻財無怪

明會要卷三七

三

其漁獵四方而轉輸權貴也如尙書殷謙張鵬李本侍郎
艾福杜銘劉俊皆既老且懦尙書張鑿張瑄侍郎尹直大
理寺卿田景暘皆清論不愜惟陛下大加黜罰勿爲姑息
則大臣知警而天意可回矣夫爵以待有德賞以待有功
也今或無故而爵一庸流或無功而賞一貴倖祈雨雪者
得美官進金寶者射厚利方士獻煉服之書伶人奏曼延
之戲掾史胥徒皆叨官祿俳優僧道亦玷班資一歲而傳
奉或至千人數歲而數千人矣數千人之祿歲以數十萬
計是皆國之命脈民之脂膏可以養賢士可以活饑民誠
可惜也方士道流如左通政李孜省太常少卿鄧常恩輩

明會要卷三十七

四

尤爲誕妄此招天變之甚者乞盡罷傳奉之官毋令汙玷
朝列則爵不濫而天意可回矣今都城佛刹迄無甯工京
營軍士不復遺力如國師繼曉假術濟私糜耗特甚中外
切齒願陛下內惜貲財外惜人力不急之役姑賜停罷則
工役不煩而天意可回矣近來規利之徒率假進奉以耗
國財或錄一方書市一玩器購一畫圖製一簪珥所費不
多獲利十倍願陛下洞燭此弊留府庫之財爲軍國之備
則進獻息而天意可回矣陝西河南山西赤地千里屍骸
枕藉流亡日多菹苻可慮願體天心之仁愛憫生民之困
窮追錄貴倖鹽課暫假造寺貲財移賑饑民俾苟存活則

流亡復而天意可回矣夫天下譬之人身人身元首也大
臣股肱也諫官耳目也京師腹心也藩郡軀幹也大臣不
職則股肱痿痺諫官緘默則耳目塗塞京師不戢則腹心
受病藩郡災荒則軀幹削弱元首豈能晏然而安哉伏望
陛下聽言必行事天以實疏斥羣小親近賢臣咨治道之
得失究前代之興亡以聖賢之經代方書以文學之臣代
方士則必有正誼足以廣聖學讜論足以究天變而手足
便利耳目聰明腹心安泰軀幹強健元首於是乎大明矣
帝優詔答之降孜省上林丞常恩本寺丞繼曉革國師爲
民令巡按御史追其誥敕制下舉朝大悅

明會要卷三十七

五

大學士商輅疏見任春坊司直郎林聰歷任刑科都給事
中眾皆推服今升司直郎固是善職然政務頗簡未免以
有用之才置於閒散之地望降旨著林聰兼吏科都給事
中管事品秩仍舊於事體無損於政務有益
憲宗諭六部臣曰自今各衙門一應奏題旨意即明白覆
奏發落毋得稽緩五日內不覆奏者該科劾之
宏治六年諭今後三年朝覲之年科道官必待吏部考察
後有失當方許指名糾劾此計後拾遺之例也已上夢餘錄
十五年令給事中以博士行人兼選又令給事中照御史
例選歷練老成者充補會典

正德元年十二月丁巳命錦衣衛官點閱給事中本紀

嘉靖二年二月丙戌都察院疏請差御史巡鹽不下閣票

擬批答稍誤戶科給事中黃臣諫曰我朝設立內閣凡百

章奏先行票擬今使內閣虛代言之職中貴肆專擅之奸

關繫匪細漸不可長容臣封還原本以重命令疏入即加

批如制夢餘錄

四年仁壽宮災禮科給事中楊言言朝廷設六科所以舉

正欺蔽也今吏科失職致陛下賢否混淆進退失當大臣

蔣冕林俊輩去矣小臣王相張漢卿輩皆得禍矣而張璠

桂萼始由捷徑以竊清秩終怙威勢以賊良善戶科失職

明會要卷三十七

六

致陛下儉德不聞而張崙輩請索無厭崔和輩敢亂舊章

禮科失職致陛下享祀未格於神而廟社無帡幪之庇兵

科失職致陛下綱紀廢弛而錦衣多冒濫之官山海攘抽

分之利匠役增收而不禁奏帶踰額而不裁刑科失職致

陛下下刑罰不中元惡如藍華輩得寬籍沒之法諍臣如郭

相輩反施桎械之刑工科失職致陛下興作不常局官陸

宣輩支俸踰於常制內監陳林輩抽解及於蕪湖凡此皆

時弊之急且大而足以拂天意者願陛下勤修庶政而罷

臣等以警有位庶可以格天心弭災亂楊言傳

九年夏言奏六科額設都左右給事中給事共五十八員

祖宗以來額員俱備後來有不盡補者然遇都左右給事

中缺五員以上則必奏請升補各科給事缺十五六員以

上則必奏請選補永著為例在先朝五十八員一時補足

當時修為美談今六科在任止二十一員共缺三十七員

六科除都左右給事中外惟給事中四員而已祖宗舊規

凡給事中有缺止於進士年三十以上者考選奏補宏治

開始以行人博士兼選正德間始以在外推官知縣照御

史例選補末年大臣畏忌新進敢言始廢進士考選之例

陛下登極之初命今後照依舊例給事中有缺於進士考

選奏補御史有缺進士與行取人員相兼考選然應詔一

明會要卷三十七

七

行而旋復寢今請將見在各衙門辦事進士及歷俸二年

以上行人博士並推官知縣三年考滿到部者查照舊規

從公考選上嘉納之明臣奏議

三十三年春正月壬寅朔以賀疏違制杖六科給事中於

廷先是三十二年正月朔以賀表語乖文體逮禮科給事

中楊思忠於午門外杖之百罷為民六科官各奪俸一月

至是以賀表中失擡萬壽字詔錦衣衛逮六科給事中張

思靜等各廷杖四十三編

萬麻開選六科給事中多未愜人望編脩張元禎言當以

器識宏大學問該博文章優贍者充之不必拘體貌長大

議者以不拘體貌一言有礙遂不果行春明夢餘錄

陸容曰六科係近侍官兼主奏對必選體貌端厚語言的確者以壯觀班行表儀朝亡但前居此地者體貌非不端厚而其器識學問文章往往過人蓋出自精選號為得人如姚夔葉盛尹旻張甯輩是已以後則專以體貌為主而其所重者反不之計所謂出題考選不過虛應故事使為吏部者以公天下為心選缺時選體貌豐偉音吐正當者五倍其數試其奏議彈文數篇每五六人中取其優者奏上如此而不得人吾未之信也通典

明會要卷三十七

八

乃逃帥楊德政奉旨正法也臣密緘同駕帖還之矣又捧御筆緘函發科者即此本也臣又密緘藏之垣中矣臣思此本之為密封者原恐此機一洩罪帥或自引裁而不得行法今其人已誅自當明正其罪使國人知之乞敕下發鈔以便遵行

刑科給事中孫承澤疏臣於辛未觀政戶部猶見紅本發下各部司官輪流接替日當晡時內臣捧至會極門東廡各官挨次接領體統嚴肅臣初入掖垣事猶如故邇因機務殷繁發無定時於是六曹不復接本或早或暮但憑會極門內臣發之錦衣直房直房散與各垣吏役失當年之

制臣按祖宗朝凡紅本發科猶必令部堂一員親至垣中畫本尾署小押所以防姦杜弊如此其嚴也况未到科之前收受一憑下役豈所以重王言而尊典制

崇禎二年上諭六科爾等表裏六曹舊有註銷之例今再行申飭各掌印官選委給事中一員查理六曹奉旨應行事件勒限奏報少有違玩糾劾責治爾等自隳職掌一併究處已上夢餘錄

國子監元國子監 隸集賢院

吳元年定國子學官制

十五年三月庚戌朔改為國子監二十四年正月己丑更

明會要卷三十七

九

定國子監品秩員數職官志

祭酒 一人正四品吳元年置以許存仁為之

八年起前湖廣參政陶凱為祭酒本傳

十三年起前兵部尚書樂韶鳳拜祭酒本傳

十四年徵前刑部尚書李敬拜祭酒劉崧傳

十五年罷祭酒李敬吳顯命禮部尚書任昂增定監規八

條遂以李文忠宋訥兼領國子監事任昂傳

十六年正月己巳朔以宋訥為祭酒敕諭之曰大學天下

賢關禮義所由出人材所由興卿夙學者德故特命為祭

酒尚體朕立教之意士習丕變國家其有賴焉職官志

訥爲祭酒時功臣子弟皆就學及歲貢士嘗數千人訥爲嚴立學規終日端坐講解無虛晷夜恆止學舍十八年復開進士科取士四百七十有奇由大學者三之二再策士亦如之帝大悅製詞褒善宋訥傳

二十四年二月擢景州學正胡季安試祭酒昭代典則

永樂二年胡儼以內閣拜祭酒遂不預機務時用法嚴峻

國子生託事告歸者坐戍邊儼至卽奏除之本傳明年正月儼請申明洪武學規從之大政記

正統六年李時勉爲祭酒列格致誠正四號號房訓勵甚切崇廉恥抑奔競別賢否示勸懲諸生貧不能婚葬者節

明會要卷三十七

十

省餐錢爲贍給督令讀書燈火達旦吟誦聲不絕人才盛於昔時英國公張輔暨諸侯伯奏願偕詣國子監聽講帝命以三月三日往時勉升師席諸生以次立講五經各一章畢事設酒饌諸侯伯讓曰受教之地當就諸生列坐惟輔與抗禮諸生歌鹿鳴之章賓主雍雍盡暮散去人稱爲太平盛事李時勉傳

陳敬宗由南京司業遷祭酒以師道自任立教條革陋習六館士千餘人每升堂聽講設饌會食整肅如朝廷稍失容卽令待罪堂下與李時勉同時爲兩京祭酒稱南陳北李陳敬宗傳

景泰三年劉鉉遷祭酒時以國計不足放遣諸生不願歸者停其月廩鉉言養才國家急務今倉廩尙盈奈何靳此遂得復給又令甄別六館生年老貌寢學藝疏淺者斥爲民鉉言諸生荷教澤久豈無片長况離親戚棄墳墓艱苦備至一旦被斥非朝廷育才意乞揀年貌衰而有學者量授之官帝可其奏劉鉉傳

成化二年邢讓爲祭酒慈懿太后崩議祔廟禮讓率僚屬疏諫兩京國學教官例不得遷擢讓等以爲言由科目者滿考得銓敘讓在大學力以師道自任脩辟雍通志督諸生誦小學及諸經痛懲謁告之弊邢讓傳

明會要卷三十七

十一

六年七月周洪謨爲南京祭酒上言南監有紅板倉二十間高皇后積粟以養監生妻孥者宜脩復帝允行之十一年改北監言士風澆漓請復洪武中學規帝納其言命禮部榜諭於國子監崇信伯費淮怠不就學洪謨劾之奪冠帶以儒巾赴監停歲祿之半學政肅然周洪謨傳

宏治初林瀚遷國子監祭酒進禮部右侍郎掌監事如故典國學垂十年饌銀歲以百數計悉貯之官以次營立署舍師儒免僦居由瀚始自瀚及季子庭機孫燦三世爲祭酒前此未有也林瀚傳

十五年南監缺祭酒以章懋補之始涖任六館士人人自

以為得師監生尤樾母病例不得歸省晝夜泣懋遣之歸
曰吾甯以違制獲罪章懋傳

嘉靖中祭酒姜寶請罷納粟例復積分法又請令公侯伯

子弟及舉人盡入監肄業詔皆從之姜士昌傳

故事祭酒每視事則二生共舉一牌詣前大書整齊嚴肅

四字蓋高皇帝所製以警師儒者祭酒李廷機見之惕然

故其立教一以嚴為主李廷機傳

司業 一人正五品吳元年置以劉承直為之

洪武十四年徵前吏部尚書劉崧為司業劉崧傳

二十六年升滑縣訓導宋復祖為司業宋復祖傳

明會要卷三十七

三

司業王嘉會龔敷時有左右兩司業與祭酒宋訥嚴立楷範三人

春秋高鬚鬢皓如旦夕端坐諸生雲集階下肅然望而畏

之以是士類率教多所造就續通

宣德九年省司業宏治十五年復設職官志

文彬按正統中司業趙琬李時勉傳成化中司業張業邢讓傳

又耿裕成化中為司業本傳皆在宣德後宏治前職官志

云宣德九年省司業宏治十五年復設疑有誤

成化十年司業耿裕以勳戚子弟肄業監中當先束身體

法乃采輯古諸侯貴戚言行可師者人授一編帝聞而稱

善耿裕傳

監丞 一人正八品洪武十五年置掌繩愆應之事以參
領監務堅明其約束諸師生有過及廩膳不潔並糾懲之
而書之於集愆冊職官志

張顯為國子學正秩滿升監丞涖事公勤六館皆敬重之

乃條陳百務成法益備時北監初建唯司業貝泰署印教

尼不行朝議以顯素諳典章乃奏改北詔報可遂兼程以

往經理學舍勸懲淑慝百廢畢興輔泰所不逮王圻通考

建文中升監丞為堂上官成祖復舊制

博士 正七品太祖乙巳置後定為五經博士五人掌分

經教授而時其考課改為從八品

明會要卷三十七

三

洪武二年四月己巳命博士孔克仁授諸子經大訓記

六年趙俶除國子博士帝嘗御奉天殿召俶及錢宰貝瓊

等曰汝等一以孔子所定經傳為教慎勿雜蘇秦張儀縱

橫之言諸臣頓首受命俶因請頒正定十三經於天下屏

戰國策及陰陽讖卜諸書勿列學宮趙俶傳

宣德五年九月甲寅升北京國子監博士汪奉許子謨為

翰林院檢討以後國子官滿三考者升秩翰林仍理監事

大政

嘉靖中李默掌南京國子監事博士等官得與科道選自

默發之李默傳

助教十六人學正九人學錄七人掌六堂之訓誨士

子肄業本堂則為講說經義文字導約之以規矩職官志

洪武時張美和聶鉉貝瓊等皆名儒先後為博士助教學錄以故諸生多所成就宋訥傳

林大猷舉鄉薦遷學錄勤於啟迪執經從遊者無慮數百

翰翻聽講又約日通集大學諸生聽講謂之普講進監丞

滿九載升檢討仍管監丞事續通典

李成梁孫以都督就婚魏國公徐宏基家騎過文廟門學錄李維極執而扶之李氏蒼頭數十人蹋邸門宏基亦至

南京祭酒郭正域曰今天子尚皮弁拜先聖人臣乃走馬

明會要卷三十七

志

廟門外乎且公侯子弟入學習禮亦國子生耳學錄非扶

都督也令交相謝而罷郭正域傳

雜錄

洪武六年正月庚申禮部奏增國子生上曰須先擇國子

學官師得其人則教養有效非其人增廣徒多何益今祭

酒乏人卿等宜詢求才德兼備者以名聞大訓記

初國學主祭遣祭酒後遣翰林院官然祭酒初到必遣一

祭洪武十七年敕每月朔望祭酒以下行釋菜禮禮志

永樂二年四月己亥禮科言國子監祭酒徐旭書奏不謹

當降上問吏部尚書蹇義旭為人何如義對曰有文學持

守而於人寡合上曰持守之人固當寡合况兼有文學宜

置之近侍遂命為翰林院修撰大訓記

仁宗初諭吏部曰比國子生務實學者少皆由師範失職

所致緣引選國子監官率循資升授不聞舉有道老成之

士如大學何自今其慎選以充明政統宗

明初祭酒司業擇有學行者任之後皆由翰林院官遷轉

職官志

成化七年二月祭酒司業缺尚書姚夔言國子養賢之地

風化所關祖宗朝如宋訥劉崧及胡儼陳敬宗李時勉俱

師範可尊近年人不由此官為重居是官者亦不知所以

明會要卷三十七

志

自重以致監規廢弛放肆無忌乞命禮部申飭監規并慎

簡祭酒司業俾作新風化庶於治道有賴於是舉李紹為

祭酒耿裕為司業從之昭代典則

孝宗踐阼將建櫻棚於萬歲山有大學生虎臣上疏切諫

祭酒費閭懼禍及銀鐙繫臣堂樹下俄官校宣臣至左順

門傳旨慰諭曰若言是櫻棚已毀矣閭大慙臣遂名聞都

下高瑤傳

崇禎二年正月帝臨雍祭酒孔貞運進講書經唐貞觀時

祭酒孔穎達講孝經有釋奠頌孔氏子孫以國師進講至

貞運乃再見帝以聖裔故從優賜一品服張至發傳

明會要卷三十八

永新龍文彬纂

職官十

太常寺 元太常禮儀院

吳元年七月辛丑置太常司設卿一人正三品少卿二人正四品寺丞二人正五品博士正七品洪武三十年改司為寺建文中增設贊禮郎二人太祝一人各祠祭署俱有更革成祖初復舊 職官志

洪武初張羽舉賢良廷對稱旨擢太常司丞 高啟傳

凡祭祀日期欽天監選擇太常寺豫於十二月朔至奉天

明會要卷三十七

六

明會要卷三十六

殿具奏洪武七年命太常卿議祭祀日期書之於版依時以祭著為式 禮志

二十五年八月上召太常司卿許昇問祭祀禮儀昇不能對典簿劉仲實從旁代奏甚詳上曰國莫重於祭祀職太常者昏惰如此何以祀神遂降昇為刑部主事而以仲實代之 夢餘錄

太常寺卿在南京者多由科目北寺自永樂間用樂舞生累資升至寺卿甚或加禮部侍郎尙書掌寺後多治襲 職志

永樂中魏驥用師達薦遷太常博士帝謂曰劉履節為御

史九年高皇帝方授是官不輕予人也魏驥傳

宣德二年三月乙卯太常寺奏供祭少北羊請買之平陽

府上曰事神之物買之民間若有一毫損民心不悅雖

以奉祭神豈敢享天之視聽在民爾等當體此意大訓記

正統八年侍講劉球疏言今之太常即古之秩宗必得清

慎習禮之臣然後可交神明今卿貳皆缺宜選擇儒臣使

領其職於是令吏部推舉修撰董麟乞改官太常奉享祀

事劉球傳

成化十五年方士李孜省以符籙得幸中旨授太常寺丞

御史楊守隨言祖宗官人之制必考素行是以奸邪衰止

明會要卷三十六

二

流品不淆李孜省故犯贓之吏其資格則刀筆也其情罪

則胥靡也太常職司祭祀厥選尤重奈何用此贓穢罪人

以瀆事天地宗廟給事中李俊亦以為言乃改上林監副

編三

十七年十月以道士鄧常恩為太常寺卿上同

宏治十七年七月給事中王洵奏太常寺缺少卿請簡用

儒臣不報大政記

嘉靖九年召行太僕寺丞張鶚至京授太常寺丞令詣太

和殿較定樂舞鶚更定廟享樂音尋譜定帝社稷樂歌以

進詔嘉其勤晉為少卿樂志

是年四郊工成帝諭太常寺曰大祀分獻官豫定方可習

儀禮志

十七年遼州同知李文察進所著樂書四種乃授太常典

簿以獎勸之樂志

隆慶元年議准太常寺別途出身者官至少卿而止又議

太常少卿須於科甲出身者選用道流不得冒濫會典

協律郎 吳元年置二員正八品嘉靖中增至五員

元末有冷謙者知音善鼓瑟以黃冠隱吳山召為協律郎

令協樂章聲譜俾樂生習之乃考正四廟雅樂命謙較定

音律及編鐘編磬遂定樂舞之制樂志

明會要卷三十六

三

世宗方營觀德殿令協律郎崔元初習樂舞生於大內太

常卿汪舉劾之帝遂令太常官一人同入內教習禮部侍

郎朱希周上言太常樂舞有定數不當更設帝不從舉復

爭帝責其妄議朱希周傳

隆慶三年罷協律等官四十八員萬曆十六年復設又設

司樂二十人考協雅樂凡祭先期演樂太和殿通典

提督四夷館元會同館

永樂五年二月甲子設四夷館蒙古女直西番西天回回

百夷高昌緬甸凡八館肆翰林院宏治七年增設太常寺

卿少卿各一員為提督遂改肆太常嘉靖中裁卿止少卿

一員用本寺銜名不治寺事續通

正統六年增八百館萬曆七年增暹羅館同

譯字生 永樂五年置譯字生通事通譯語言文字命禮

部選國子生蔣禮等三十八人習譯書遇開科令就試仍

譯所作文字合格准出身登第後仍官館中習譯書如許

道中是也景泰初吳順以民人充譯字始援此例中鄉試

及登第又以與修寰宇通志成從庶吉士出授御史

天順中禮部侍郎鄒幹奏永樂間翰林院譯寫番字俱於

國子監選取監生習用近年以來官員軍民匠作廚役子

弟投託教師私自習學濫求進用况番字文書多關邊務

明倫彙編

四

教習既濫不免透漏夷情乞飭翰林院今後各館有缺仍

照永樂間例選取年幼俊秀監生送館習學其教師不許

擅留各家子弟私習及徇私保舉已上夢餘錄

光祿寺元光祿寺隸宣徽院

吳元年九月辛卯置宣徽院設院使以阮崇禮為之洪武

元年十二月壬申改為光祿寺設卿一人從三品少卿二

人正五品八年正月改寺為司以寺丞為司丞置所屬大

官珍羞良醞掌醢四署三十年正月己卯復改為光祿寺

職官志

永樂十一年十二月癸酉以朝鮮李茂昌為光祿少卿大政

記

宣德五年二月己卯行在光祿寺廚士告言光祿竊滅外

夷供給之弊上命行在刑部侍郎施禮執而罪之因顧侍

臣曰毋謂飲食細故不干大體華元殺羊享士羊斟不與

遂致喪師句踐投醪于江與眾共飲遂成伯業以此而論

所繫匪輕大謝

七年正月減南京光祿寺堂上官

九年二月始遣御史巡視光祿

英宗初減光祿料米粟九萬餘石又減光祿寺膳夫四千

七百餘人又詔光祿寺廚役悉取給外府并取回捕魚官

明倫彙編

五

已上大政記

正統六年裁四署冗員先是光祿卿奈亨以供應事繁奏

增各署官至是復奏裁之職官志

英廟在南城一日饑甚索酒食光祿官弗與濬縣人張澤

以吏辦事光祿寺曰晉懷愍宋徽欽天所棄也上北狩而

返天有意乎若復立而誅無禮光祿其首矣乃潛以酒食

進英廟識之後復位光祿官皆得罪即日拜澤為光祿卿

濬縣志

成化初禮部侍郎蔚能管光祿卿事每宴會躬自檢視必

求豐潔在光祿三十年未嘗持一錢還家嘗率其僚請清

查入內供應器皿有旨逮問能謂眾曰上怒不可測某老矣請獨任之不以累諸公遂降調官南京錄餘

十六年三月戊午以歲歉減光祿寺供用物本紀

宏治五年五月巡視光祿御史彭程言臣適見光祿造皇壇器皇壇者先帝修齋行法之所陛下即位此類廢斥殆盡何復有皇壇煩製器光祿金錢悉民膏血用得其當猶恐病民况投之無用地頃李孜省繼曉輩倡邪說而先帝篤信之者意在遠希福壽也今二人已伏重辟則禍患之來二人尙不能自免豈能福壽他人倘陛下果有此舉宜遏之將萌如無請治所司逢迎罪帝得奏以爲暴揚先帝

明會要卷三十八

六

過大怒立下錦衣衛獄帝初無皇壇造器之命特光祿姑爲備給事中叢蘭亦巡視光祿繼上疏論帝宥蘭奪光祿寺卿胡恭等俸付程刑部定罪彭程傳

初成化時光祿增坐家長隨八十餘人傳添湯飯中官百五十餘員天下常貢不足於用乃責買於京師鋪戶價直不時給市井負累宏治十四年兵部尙書劉大夏因天變言之乃裁減中官歲省銀八十餘萬通紀

宏治十五年九月庚午光祿寺卿王珩列上內外官役酒飯及所畜禽獸料食之數戊子命乾明門虎南海子貓西華門鷹犬御馬監山猴西安門大鴿放減有差存者減其

食料通紀

十七年二月甲寅詔減光祿寺供奉編三

正德元年戶部集議國用不足韓文等所言冗食冗費宜令光祿寺查看每年所徵廚料及內外近侍官員每日所費酒饌有不急之用悉從減省於是該寺會計膳羞供應視宏治元年日增一倍禮部請復舊規詔從之

鄭宗仁以太僕卿調光祿卿凡供應俱照宏治初年例日省百金

寺額歲定銀二十四萬先時止用十二萬餘至正德時用至三十六萬猶稱不足嘉靖中廚役用四千一百名已上錄

明會要卷三十八

七

嘉靖三十一年馬從謙爲光祿少卿提督中官杜泰乾沒歲鉅萬爲從謙奏發泰因誣從謙誹謗帝怒命廷杖八十竟死杖下久之光祿寺災帝曰此馬從謙餘孽所致耳楊允傳

三十四年給事中楊允繩巡視光祿光祿丞胡膏僞增物直允繩與同事御史張巽言劾之下法司按驗膏窘言立典隆重所用品物不敢徒取充數允繩憎臣簡別太精斥言醮齋之用取具可耳何必精擇其欺謗元修如此帝大怒下允繩及膏詔獄上同

隆慶初詔罷寶坻等處採取魚鮮自今薦新上供俱令光祿寺備辦毋得奏遣內臣著為令

錄

穆宗在裕邸時嘗食驢腸而甘及即位間以問左右左右

請詔光祿常供上曰若爾則光祿必日殺一驢以充內膳

吾不忍也歲時行幸光祿供膳必先期以請上嘗裁取最

約者歲省光祿費以鉅萬計

昭代典則

楊鎔奏以舉人出身知縣教官廉能素著者入補光祿寺

署正而間以例貢參之優其超擢或徑於聽選舉人中除

補從之

續通典

萬曆二年光祿寺積米二十七萬石倉廩滿盈奏於東安

明會要卷三十六

八

門外置房一所改為外倉

錄

王汝訓為光祿卿汝訓先為少卿寺中歲費二十萬至是

濫增四萬有奇汝訓據會典請盡裁內府冗食不許

王汝訓傳

光祿之設上自玉食慶典祀典下至各官供具四夷宴賞

小至禁衛監局廩餼皆於此出先是法度嚴明宮中府中

俱尚儉約萬曆初年本色有止用三萬餘石折色有止用

七八萬兩者故本色常積數十萬石折色亦常積至一百

餘萬兩後續添之項浮於常例數倍又有供養之增好事

之增吉凶諸典之增數行墨字無例無印頓費數千百兩

而無敢出一言按今本色六萬六千餘石折色二十四萬

三千餘兩用之皇上者不及十之一用之額定正項者不及十之二三而民膏民脂盡為旁竇所有可不思一變計

哉世法錄

太僕寺

仍元官

洪武四年閏三月甲寅置羣牧監於達勒達錫里營所

監令唐元亨為卿監丞孫瑛為少卿

三十年朱守仁拜太僕卿首請立牧馬草場於江北滁州

諸處所轄十四監九十八羣馬太蕃息馬政之修自守仁

始

單安仁傳

明會要卷三十六

九

永樂元年改北平行太僕寺為北京行太僕寺十八年定

都北京遂以行太僕寺為太僕寺

宣德四年十二月太僕寺請遣官閱孳生馬上諭之曰馬

蕃於民間必寬民力而後可責其成效國家立法固有定

規其孳生不及數者亦屢下令免償未嘗以馬傷民爾等

當率舊典以示勸懲民有貧難者宜寬恤之

大訓記

金弼為太僕少卿慨然以馬政修舉為己任屢奉命督理

虧耗自衛使郡守而下悉聽決無不畏法有順聖川者水

草甘肥永樂中嘗牧馬蕃息天順初命弼往視築二城用

養天閑之馬增二驛於中道以便往來詔嘉納之

通典

天順元年太僕寺卿程信按故事理營衛馬三營大將石亨孫鏜曹欽訴太僕苛急請馬隸兵部信言高皇帝諭馬數勿令人知今隸兵部馬登耗臣等不得聞脫有警馬不給誰任其咎上是其言令如舊行世法錄

呂憲為南京太僕寺少卿故事太僕馬數不令他官知以是文籍磨滅登耗無稽憲曰他官不與聞是也當職者可負賢耶議請三年一校勘著為例呂原傳

成化四年始建太僕寺常盈庫貯備用馬價

初邊臣請馬太僕寺以見馬給之自改徵銀馬日少而請者相繼給價十萬買馬萬匹邊臣不能市良馬馬多死太

明會要卷三十六

十

僕儲備以為言請仍給馬又指陳各邊盜賣私借之弊語雖切不能從已上兵志

宏治中張謙升南京太僕寺卿以正率下汰除積弊禁革貪污省費甚鉅尋奏馬政便民四事多見施行續通典

正德元年太僕寺卿儲備言本寺馬匹本備京營之用不為各邊之費緣各邊有行太僕寺苑馬寺所蓄馬匹足備征調其後馬政廢弛一遇警急奏請紛然查宣府大同給銀買補不足其數邊方官軍因見京師銀馬易求不甚愛惜及至倒斃不行賠償甚或侵欺買馬銀兩如都督汪鑑追贓罷官弊難盡言請差兵部郎中同本寺少卿往各邊

查勘下部知之

孫緒為太僕卿時大司馬王德華交結錢甯移文太僕語多不遜緒以書數之德華引咎又淮安鳳陽諸郡饑饉馬供小弱緒察其故即與交兌省費至千萬緡民賴之不破產者千餘家

明時馬政之弊南畿苦賦北畿苦養馬嘉靖中田濡為太僕寺卿奏請以額馬賦十之三其七以金代而輸之北寺即有軍興以便宜召買使兩畿民力有所蘇息上嘉其議行之後二十餘年山東河南相踵以請數省民不困而阿寺有餘藏常輸以給邊皆濡之力也

明會要卷三十六

十一

嘉靖六年太僕寺卿黃懋官奏太僕職掌馬政每歲派徵備用本折付收場租餘地馬價俱兵部題請備劄到寺至於調兌以應京邊之需放給以濟各邊之用亦以部劄施行議派多寡之數出入贏縮之權太僕不得與焉今馬調兌日繁而寄養見在無幾動支日費而庫貯存積不多若不區畫樽節則將來之兌支未已防秋之豫備何措庫貯銀先年常有一二百萬茲簡覈庫籍自本年二月起至今年三月止陸續給發借支外所貯僅有二十八萬餘兩夫邊臣請馬不足而益之以銀別部事務不干而名之以借寺庫有限之銀應各項無窮之用雖有神輸之術當有時

而竭也夫在太僕寺為典守之官在兵部為主持之地使主持者無以裕其源而節其流則典守者之分不過因人成事而已伏乞皇上特敕兵部從長議處復備用歲派之額嚴京邊倒失之罪禁別項借支之需以紓急缺已上世法錄七年六月辛丑朔敕太僕寺少卿一員出巡閱馬大政記時國家有興作賞賚往往借支太僕銀太僕帑益耗萬厯十五年寺卿羅應僑請禁支借二十四年詔太僕給陝西賞功銀寺臣言先年庫積四百餘萬自東西二役興僅餘四之一朝鮮用兵百萬之積俱空今所存者止十餘萬況本寺寄養馬歲額二萬匹今歲取折色則馬之派徵甚少

明會要卷三十六

主

而東征調兌尤多卒然有警馬與銀俱竭何以應之章下部未能有所釐革也兵志太僕卿周九教疏本寺老庫馬價自嘉隆以來封識唯謹不許擅動誠謂老庫之銀即外廐之馬也無事折而為銀有事出以市馬以備非常所以拱衛神京固安根本慮智深遠節奉明旨不許借討故自嘉隆至今老庫馬價所積幾至千萬及後各部借討始曰不得援以為例後率以為例始猶兵部支請為例後各部亦借請為例始猶曰勒限補還後竟不補還以故屢年千萬之積殆盡今僅存二百萬有奇又借討百萬恐不數月寺帑盡空一旦有警欲徵

馬則無馬欲市馬則無銀倉皇失措誰職其咎往者庚戌之事至今令人心悸望敕下兵部從長計議奏請定奪錄

崇禎二年太僕寺卿涂國鼎奏馬價出入數目並言祖制設立馬政專給團營騎操防守都城拱護陵寢祇謂本根重地有備乃無患耳原非為邊鎮即後來折色亦謂無事則易馬輪銀有事則出銀市馬仍是備禦京師之意乃今折色銀數盡給發各鎮矣如併其俵馬盡行改折萬一變生不測計將安出臣知為祖宗固守職掌萬萬不敢徇邊鎮以誤朝廷也同上

明會要卷三十八

主

十五年王家彥遷太僕卿疏言馬耗之故請行官牧及金牌差發遺制且言課馬改折舊增至二十四萬兩已重困楊嗣昌不恤民復增三十七萬致舊額反通不可不釐正王家彥傳

行太僕寺

洪武三十年正月丁卯置行太僕寺於山西北平陝西甘肅遼東永樂十八年以北京行太僕寺為太僕寺其舊在滁者改為南京太僕寺職官志永樂十年楊砥遷北京行太僕寺卿定牧馬法請令民五丁養種馬一匹十馬立羣頭一人五十馬立羣長一人養

馬家歲蠲租糧之半而薊州以東至山海諸衛土地寬廣水草豐善其屯軍人養種馬一匹租亦免半帝命軍租盡蠲之餘悉從其議於是馬太蕃息楊砥傳

宣德七年發雜犯死罪應充軍者於陝西行太僕寺養馬宏治初巡撫陝西右副都御史蕭禎奏省行太僕寺官兵部議洪武中設陝西甘涼行太僕寺永樂間復於平涼設苑馬寺其屬有六監二十四苑官得其人馬牧常數萬匹足充邊用正統以後邊備漸弛馬遂日耗久之遂省同川等四監太和等十九苑今所存寺監官言者每請裁革是惜小費而忘備邊之大計恐馬政遂廢請量省為宜於是

明會要卷三十八

西

革陝西行太僕寺少卿一員寺丞一員苑馬寺少卿一員寺丞一員長樂靈武每監監副二員

明初置十二寺丞皆以所屬居行寺宏治三年議定分管寺丞三年一更

十年簡推素有才望者補本寺官視太僕寺官升擢

十五年兵部尙書劉大夏奏在外寺監近年各卿佐多用謫逐官及有過累者府衛下僚多易視之故自待亦輕政務因以廢弛宜稍更其制行太僕苑馬寺官缺少卿於布按二司參議僉事推補卿則於參政副使及本寺少卿推補升任視太僕寺卿佐其監苑庶官亦請用北人素知牧

馬者則官得人而政可舉已上世法錄

嘉靖三年從御史陳講請增設陝西甘肅二寺各少卿一員分管延綏甯夏職官志

十五年議准陝西山西遼東行太僕寺每年春秋二季點視官軍騎操馬匹如遇倒失照例追收椿朋銀兩買補仍造清冊送部查考世法錄

隆慶五年題准行太僕卿苑馬卿運使員缺必以廉謹有才望者推補其階格卿視布政司參政使視按察司副使得一體升轉

萬曆九年議准陝西行太僕卿少卿有缺查訪二司並知府等官素有才望者推補已上會典

明會要卷三十八

五

苑馬寺

永樂四年九月壬戌置北京遼東陝西甘肅四苑馬寺五年十月甲午增設北京苑馬寺六監二十四苑六年八月增甘肅平涼二寺監十八年十一月戊辰革北京苑馬寺併入太僕職官志

宣德三年遼東苑馬卿方圓言遼東有行太僕寺又有苑馬寺今孳牧馬止九百餘匹而官員繁多乞革苑馬寺令行太僕寺領之命行在吏部兵部會議以苑馬舊制不可革今孳牧馬少苑馬寺留卿丞主簿各一員俟馬蕃息仍

舊世法

正統四年革甘肅苑馬寺改牧恩軍於黑水口隸長樂監
宏治二年革平涼寺丞一員職官志

四年奏准遼東陝西苑馬寺孳牧馬匹每三年一差官點
閱其各行太僕寺苑馬寺於內府關領精微文簿將騎操
孳牧馬匹逐一填寫繳部送內府交收

十五年命都御史楊一清督理陝西馬政奏言陝西監苑
之官屢經裁減今欲大圖修舉原額似不可闕當復其舊
已上世法錄

十七年楊一清奏行太僕苑馬二寺員缺簡選才望參政
副使補升卿參議僉事補升少卿以振馬政續通典

嘉靖三十一年題准陝西苑馬寺令巡查御史督理各監
苑倒失馬匹虧欠馬駒將寺卿丞並監員各官查參世法錄

明會要卷三十八終

明會要卷三十九

職官十一

鴻臚寺元侍儀司 隸禮部

永新龍文彬纂

吳元年置侍儀司洪武四年定侍儀使引進使九年改爲
殿廷儀禮司設使副承奉鳴贊序班十三年改使爲司正
分左右司副各一人革承奉增設司儀四人二十二年增
設左右司丞四人三十年正月己卯改爲鴻臚寺以儀禮
司正房顯爲卿正四品給事中仲牧劉繼宗爲少卿從五
品翰林院典籍馬定爲司丞從六品又設外夷通事隸焉

明會要卷三十九

建文中以行人隸鴻臚寺成祖復舊制職官志 夢餘錄

洪武六年九月丙午諭自今凡新任官及諸武臣於禮儀
有不嫻習者令侍儀司官日於午門外演習之大訓記

永樂元年引禮舍人楊善改鴻臚寺序班善偉風儀音吐
洪亮工進止每朝謁引見奏時上目屬之累進右寺丞仁
宗卽位擢本寺卿正統中擢禮部侍郎進右都御史仍視
鴻臚如故楊善傳

仁宗初諭鴻臚寺卿楊善等曰朕初卽位凡吏治賢否民
情休戚皆欲聞之而四方遠者無由盡達自今方岳大臣
來朝卽皆引見朕親問之庶幾可悉下情

洪熙元年諭鴻臚寺曰故事視朝後諸司有急切機務不得面陳者許具題本於宮門投進今訴私事勾私恩者亦進題本壞法亂政弊莫甚焉今後惟警急機務許進題本其餘並令公朝陳奏違者論罪已上大訓記

隆慶元年議准鴻臚寺別途出身者官至左少卿而止三六九年考滿止許加俸不許升卿

萬曆六年令鴻臚寺卿缺仍於本寺少卿年久練熟者推補不必另選已上會典元典

太祖初設符璽郎吳元年十二月改尚寶司卿正五品少

明會要卷三十九

二

卿從五品尚寶司列署右掖之內初以侍從儒臣勳衛領之如耿瑄以散騎舍人黃觀以侍中楊榮以庶子為卿非有才能不得調勳衛子弟奉旨乃得補丞其後多以恩廕寄祿無常員職官志王圻通考

明之各寶皆內宮尚寶監女官掌之通用寶則尚寶司以揭帖赴尚寶監請旨然後赴內司領取歲用寶三萬餘顆歲終尚寶司奏進數目

百官入朝佩牙牌鑄官職於牌上拜官則於尚寶領出出京及遷轉則繳還已上夢餘錄

永樂十一年征衛拉特太孫侍行帝命楊榮以閒陳說經

史兼領尚寶事楊榮傳

嘉靖二十二年嚴嵩欲以子世蕃為尚寶司丞文選郎鄭曉曰治中遷知府例也遷尚寶無故事嵩怒貶曉和州同知世蕃尋遷尚寶司少卿鄭曉傳

中書舍人元中書省有直省舍人隸客省使

明初設立相國平章左右丞參政即古宰相之職故置左右司郎中都事等官為之屬至洪武十三年革丞相餘官皆革後設殿閣大學士備顧問並不預政故不置屬景順以後機務繁重而內閣制誥兩中書舍人以書辦供事朝夕即古之宰相屬也選用或由進士或由舉人監生儒士

明會要卷三十九

三

以纂修效勞者亦得入殆稱清華之秩矣王圻通考

洪武七年設直省舍人隸中書省九年為中書舍人正七品職官志以翰林編修朱孟辨工部照磨盧熊吏部奏差史靖可為之三人俱以博學能書稱故有是命昭代十年與

給事中並隸承敕監職官志十三年革中書省以省中節目寄之舍人故稱科而無堂官王圻通考建文改為侍書入文翰

館成祖復舊制尋設中書科署於午門外定設中書舍人二十人職官志

初置省舍人後革省為科定中書舍人每大朝會則擬四員與翰林史官上殿東西班對立凡東宮節令朝賀定擬

二員文華殿導駕侍班凡會試一員入場收掌試卷日給大官酒饌與翰林宮坊尙寶司六科同爲侍從之臣其選用自進士外舉人與纂修書成被恩典者乃得之監生生儒惟勳臣暨宮僚講官子孫承廕奉特旨者乃得之至文華殿門東房別設中書舍人專奉旨書寫書籍等項武英殿門西房別設中書舍人專奉旨寫篆冊寶圖書等項內閣誥敕制敕二房中書不屬中書科春明夢餘錄永樂初命選翰林文學之臣入直文淵閣參典機務詔冊制誥皆屬之而膳副繕正皆中書舍人分直更入事竣輒出宣德間始選能書者處於閣之西小房謂之西制敕房

明書卷三十九

四

諸學士掌誥敕者居閣之東五楹具稿付中書繕進謂之東誥敕房正統後學士不能視誥敕內閣悉委於中書序班譯字等官於是內閣又有東誥敕房職官志十三年高穀中進士選庶吉士授中書舍人高穀傳成化四年十二月中書舍人黃理等奏稱中書舍人紀錄綸命書寫誥敕在朝廷爲近侍之臣永樂宣德間皆以進士舉人爲之升擢亦異比年來有由勳舊錄用者有由技術乞恩者猥以白丁冒居清秩名器之濫莫此爲甚請自今除中書舍人一如永樂宣德間例下吏部覆奏從之仍定其升進之格進士舉人出身者升員外郎主事其他升

光祿寺署正著爲令昭代七年中書舍人呂憲疏乞鄉試所司執故事不許憲宗特許之舍人得赴試自憲始呂原傳中書衙門在內府後事權歸內閣而成化間李應禎以鄉舉選入文華殿者尙與給事中爭班次楊一清集中每稱予在西掖典外制時與某翰林同官云云其後爲一品大臣廕敘之官始漸輕矣野獲編李應禎爲中書舍人直文華殿有旨命寫佛經辭曰臣聞爲天下國家有九經不聞有佛經也忤旨廷扑之因罷殿直實錄

明書卷三十九

五

正德元年十二月以中書李憲改選給事中憲劉瑾鄉人謂中書由進士出身者當與博士行人一體選科道遂有是命明通紀嘉靖九年定官恩生授中書舍人九年考滿無過止升職銜照舊辦事二十年選各部主事大理寺評事帶原銜直誥敕制敕兩房四十四年兩房員缺令吏部考選舉人爲中書舍人員無正貳印用年深者掌之已上會典張璁言成化以前誥敕之體猶爲近古近來藻情飾僞致

喪體制宜加釐正春明夢餘錄

隆慶元年令兩房辦事官不得升列九卿會典

萬曆元年定兩殿中書九年考滿官升至正五品止如再

有年勞止得加升服俸春明夢餘錄

大約舍人有兩途由進士部選者得選科道部屬其直兩

殿兩房舍人不必由部選自甲科監生生儒布衣能書者

俱可為之不由科甲者初授序班及試中書舍人不得遷

科道部屬後雖加銜九列仍帶銜辦事職官志

中書周令嘗言成化年間中書與閣下如同僚然投刺俱

平交蓋本一堂共處今之西房即文淵閣也閣臣居中中

明會要卷三十九

六

書居東西兩房各辦其事已撤內庫十間以西五間居閣

下謂之文淵閣以東五間藏書籍而東房中書亦遷居之

故今以閣下稱中堂而東西非房矣猶稱兩房者沿舊名

也世廟議餘錄

行人司

洪武十三年置行人司設行人正九品左右行人從九品

尋改行人為司正左右行人為左右司副更設行人三百

四十五人職官志

十九年二月置行人司官昭代典則

二十二年六月辛卯令孝廉茂才年四十以下者於行人

司差遣試用大政記

二十七年正月戊申定行人司官秩職任先是所任行人

多孝廉人材奉使率不稱旨至是定設行人司官四十員

以進士為之凡頒行詔赦奉使外夷諭勞賞賜祭祀徵聘

賢才賑濟軍旅等事則遣之餘非奉旨諸司不得擅差行

人之職始重昭代典則

行人於捧節奉使外每歲朝審則持節傳旨法司遣成囚

徒送五府填精微冊批繳內府建文中革行人司而以行

人隸鴻臚寺成祖復舊職官志

正統七年行人司行人尙褫言旗校緝事不可盡信間有

明會要卷三十九

七

用心邪枉者或為他人報仇或以私怨誣陷平人緝事未

能盡實請自今旗校緝事務見實證然後坐罪如或不實

所緝者量重以其半坐之庶不至乘隙報怨濫及無辜從

之續通典

十一年八月行人尙褫言古者刑不上大夫今文武大臣

偶因微眚遽陷囹圄事或涉虛旋即復職今日衣冠之大

臣即昨日受辱之囚繫面僚友而統屬官豈能無愧請自

今有犯者召至午門大臣會問事實則疏其輕重請旨裁

決不實即奏還其職帝頗然之惑於王振不能改也實錄

景泰三年二月乙丑朔停差陝西禁茶行人大政記

張甯疏國家設行人以通使命往來自洪武二十七年以前止以承差任使後欲其通達國體不辱君命始專以進士除授定制以來一應合差事件俱屬行人間有別項官員無非一時特旨或因行人不敷故也因襲既久竟以為常今各衙門官一切指此要求苞苴公行弊端百出易於取覓者歸之請託難於辦給者委之行人致使為是官者一籌莫展乞申明舊制遇有事務先儘行人方許差遣別項官員其奉特旨者仍前不拘此例如有請託等項事發一體治罪春明夢餘錄

成化十一年八月取巡茶御史還京仍差行人二員大政記

明會要卷三十九

八

十二年五月停四川禁茶行人以按察司官領之同上

嘉靖九年行人楊爵使王府還上言臣奉使湖廣覩民菜色孳僅操刀割道殍食之假令周公制作盡復於今何補老羸饑寒之眾奏入被俞旨楊爵傳

欽天監元太史院

乙巳七月壬午置太史監以劉基為太史令吳元年十月丙午改監為院仍以劉基為院使洪武元年十月甲午徵元太史張佑張沂等十四人改太史院為司天監二年二月徵元回回司天臺官鄭阿里等十一人議麻兼設回回司天監三年六月甲子改為欽天監設令一人丞一人二

十二年改令為監正正五品丞為監副正六品三十一年四月丁丑朔罷回回欽天監以其麻法隸本監職官志大政記洪武六年令本監人員不許遷動子孫止習學天文麻算不許習他業王圻通考

永樂元年諭吏部凡欽天監正佐官歲滿不考覈著為令上以欽天監職占候非常調官故有是命大政記

天順四年閏十一月丁巳以月食失占下禮部侍郎掌欽天監事湯序於獄上謂李賢曰月食人所共知欽天監失於推算以致救護不行因言序掌監事遇有災異多隱蔽不言天文吉凶必詳言以進朝廷正欲知災異以見上天

明會要卷三十九

九

垂戒庶知修省今序如此豈為臣盡忠之道尋貶序秩則典

正德元年五官監侯楊源言自八月初大角及心宿中星動搖不止大角天王之坐心宿中星天王正位也俱宜安靜今乃動搖其占曰人主不安國有憂意者陛下輕舉逸遊以致然也又北斗第二第三第四星明不如常第二曰天璇后妃之象后妃不得其寵則不明廣營宮室妄鑿山林則不明第三曰天機不愛百姓雜興征徭則不明第四曰天權號令不當則不明伏願陛下祇畏天戒安居深宮絕嬉戲禁遊畋罷騎射停工申嚴號令毋輕出入抑遠

寵幸裁節賜子親元老大臣日事講習克修厥德以弭災
變報聞

二年源上言自正德二年來占得火星入太微垣帝座前
或東或西往來不一乞收攬政柄思患豫防蓋專指劉瑾
也瑾大怒召而叱之曰若何官亦學為忠臣源厲聲曰官
大小異忠一也已上楊瑄傳

太醫院

甲辰四月置醫學提舉司丙午六月壬子朔改為太醫院
吳元年九月辛卯改監為院設院使院判典簿大政洪武

明會要卷三十九

十

十四年八月癸未定設太醫院令一人丞一人二十二年

二月癸巳復改令為院使正五品丞為院判正六品昭代典則

凡醫家子弟舊例選入本院教習醫術宏治五年奏復行
之舉堪任教師者二人教習

凡本院院使判御醫日於內府御藥房分兩班輪直供事
凡醫士俱以父祖世業代補或令在外訪保醫官醫士以

充其精通醫術者本院奏進御藥房供事已上王折通考

宏治中吳傑以善醫徵至京師試禮部高等故事高等入
御藥房次入太醫院下者遣還傑言於尚書曰諸醫被徵
待次都下十餘載一旦遣還誠流落可憫傑願辭御藥房

與諸人同入院尚書義而許之

嘉靖初許紳供事御藥房累遷太醫院使歷加工部尚書
領院事二十年宮婢楊金英謀逆以帛縊帝氣已絕紳急
調峻藥下之辰時下藥未時忽作聲去紫血數升遂能言
又數劑而愈帝德紳加太子太保禮部尚書及卒賜諡恭
僖明賜醫者官最顯止紳一人已上方伎傳

十五年改御藥房為聖濟殿又設御藥庫詔御醫輪直供
事職官志

二十一年五月以夏疫令太醫院及順天府惠民藥局措
置藥物散給居民實錄

明會要卷三十九

十一

上林苑監元上林署

洪武二十五年十月癸亥議開上林苑度地城南比圖上

太祖謂有妨民業遂止永樂五年三月始置上林苑監設
良牧蕃育嘉蔬林衡川衡冰鑑及典察左右前後十屬署

洪熙元年併為蕃育嘉蔬二署宣德十年始定良牧蕃育
林衡嘉蔬四署職官志

正德中增設上林苑監督至九十九人侵奪公私地無算

世宗即位命留十八人如宏治時已復傳奉至六十二人
戶部尚書孫交乞汰如初且盡歸侵奪地報許孫交傳

五城兵馬司元大都路兵馬都指揮司

太祖丙申七月置兵馬指揮司設都指揮副都指揮知事尋改設指揮使副指揮使各城門設兵馬洪武十年改爲指揮副指揮革知事二十三年定爲五城兵馬指揮司正六品俱增設吏目建文中改爲兵馬司改指揮副指揮爲兵馬副兵馬永樂元年復舊職官志

洪武元年命在京兵馬指揮司并管市司每三日一次校勘街市斛斗秤尺稽考牙僧姓名時其物價同上

永樂二年二月設北京兵馬指揮司大政記

成化十二年七月北城兵馬司吏目文會條陳荆襄流民三事下原傑斟酌處置昭代典則

明皇卷三十九

主

嘉靖四十年閏五月庚寅詔巡視五城御史每年終將各城兵馬指揮會本舉劾大政記

隆慶四年議准五城兵馬司以科目出身有司年壯有志者升除其遷轉視兩京知縣聽巡城御史考察

五年議准兵馬副指揮吏目以在外府衛首領州縣佐貳首領有才守者升補

萬曆二年題准兵馬指揮缺或以副指揮有資望者升補或貢例監生考除副指揮吏目仍以貢例監生考除會典上

順天府元大都路都總管府

洪武二年三月癸丑置北平行省九年六月甲子改爲北

平布政司皆以北平爲會府永樂元年二月戊申朔改爲順天府十年三月甲寅升爲府尹設官如應天府職官志以知府張貫爲順天府尹大政記

景泰間王賢爲順天府尹嘗以柴炭爲民病言於大司空石璞曰京民勞疲極矣今採運夫役與真保諸郡等無乃不可乎璞默然爲遞減之又惜薪中貴縱其下非法陵府屬叱跪於廷賢聞趨至欲縛其人以聞主者固謝乃已景泰間再疏乞休上曰年七十禮當致仕然京畿冗繁非爾不治英宗復辟之初願謂近臣曰府尹如賢者何可得哉續通典

明皇卷三十九

主

京府官在六年京察例而復與外察嘉靖間應天治中龐嵩謂非體疏請止之遂爲永制龐嵩傳

嘉靖四十三年順天府尹劉畿言提編之弊踰於正額臣閱本府所屬州縣夏秋兩稅額折銀不過十萬九千有奇而額外加編乃至十一萬二千六百兩有奇密邇輦轂之下採辦加派之不常添借勸設之無已是以大宛二縣有全里逃亡無一丁者有餘二三百戶者今當編均徭之期宜令各州縣官先將境內丁田覈其原額而正其欺隱差役究其因革而裁其冗濫然後按丁糧之等第爲賦役之重輕務使差徭平一不得額外濫編疏入下所司查覈以聞

一第 293 冊 續修四庫全書第 22 版 亥 亥

通紀

應天府

洪武三年八月戊子改應天府知府為府尹秩正三品賜銀印升知府藺以權為之大政記

永樂二年十二月戊寅上聞中官於應天府私取工匠役之召府尹向寶等責曰爾職牧民當體國家愛民之意宜者擅役民略不之拒又不以告以朕百姓作人情可逃罪乎今姑宥爾若復蹈前非必誅通紀

宣德九年正月應天府尹鄺楚奏本府與部院各御史禮儀從之大政記

明會要卷三十九

西

僧道錄司元宣政院

洪武元年正月立善世元教二院四年十二月革五年十二月給僧道度牒六年八月度僧道九萬六千餘人十五年四月置在京僧錄道錄二司外曰僧綱道紀史概

洪武六年十二月戊戌上以僧道日多蠹財耗民莫此為甚乃詔天下府州縣止存大觀寺一僧道並處之非有戒行通經典者不得請給度牒又禁女子年四十以下為尼者並著為令日知錄之餘

十一年建神樂觀於郊祀壇西設提點知觀職官志十七年閏十月癸亥禮部尚書趙瑄言自設置僧道二司

未及三年天下僧尼已二萬九百五十四人今來者益多其實假此以避差役請三年一次出給度牒且嚴加考試庶革其弊從之日知錄之餘

二十四年六月丁巳命禮部清理釋道二教限僧三年一度給牒凡僧道府不得過四十人州三十人縣二十人非四十以上女年非五十以上不得出家職官志

二十五年閏十二月命僧錄司造周知冊頒天下大政記二十八年七月有道士以道書獻太祖卻之謂侍臣曰彼所言者非存神固氣之道即煉丹燒藥之說朕焉用此朕所用者聖賢之道將躋天下生民於壽域豈獨一己之長

明會要卷三十九

五

生久視哉苟一受其獻迂誕怪妄之士必爭來矣故斥之母為所惑世法錄

文彬按太祖汰黜僧道禁令頗嚴其後以僧宗泐等數至禁中為所惑而吳印華克勤之屬擢至大官時寄以耳目由是其徒橫甚給事中陳汝輝疏諫不聽大理寺卿李仕魯力諫竟猝死階下踰數歲始知諸僧所為多不法下詔清理二教又卻道士之書雖見太祖悔悟之速夫亦汝輝仕魯之言有以感動之也然正德之封僧法王國師嘉靖之拜道士尚書等官安得謂非太祖有以開其漸哉

十月己未令天下僧道赴京考試給牒不通經典者黜之

職官志永樂五年正月直隸浙江諸郡軍民子弟私披髮為僧赴

京請度牒者千八百餘人上命付兵部編軍籍發戍遼東

甘肅日知錄

十六年十月定僧道常額及限年之禁榜諭天下大政記

宣德十年禁僧道私自簪髻及妄言惑眾者會典

正統五年度僧道二萬餘人未幾重修大興隆寺延崇國

寺僧主之帝親傳法稱弟子公侯以下趨走如行童焉

景泰二年正月度天下僧道先是僧道三年一度帝特詔

明會典卷三十九

六

停之至是大監興安以皇后旨度僧道五萬餘人于謙諫

不省已上三編

宏治中尙書馬文升奏定制僧道府不過四十名州不過

三十名縣不過二十名今天下一百四十七府二百七十

七州一千一百四十五縣共額設僧三萬七千九十餘名

成化十二年度僧一十萬二十二年度僧二十萬以前各

年所度僧道不下二十餘萬共該五十餘萬以一僧一道

一年食米六石計之共該米二百六十餘萬石可足京師

一年歲用之數况又不耕不蠶賦役不加則食之者眾而

為之者少其軍民壯丁私自披髮而隱於寺觀者又不知

幾何創修寺觀遍於天下妄造經典多於儒書敗化滅倫

蠶財惑眾自京師達四方公私之財耗於僧道者過半若

不嚴禁將來遊食者何有紀極乞敕禮部通查天下並在

京寺觀若干處僧道若干名除額度之數外多若干名如

果關有度牒難以追奪明白具奏不許額外再度僧道至

額數不足之時方許該有司具給照數起送關給度牒敢

有故違再言度僧道者許科道糾劾拏問仍通行各撫按

等官督責有司嚴加查勘但係新修寺觀即便拆毀併於

古剎大寺觀其中有原無度牒行道童即令還俗當差違

者治罪明臣奏議

明會典卷三十九

七

宦官

吳元年九月丁亥置內史監尋改內使監御用監職官志

洪武二年八月己巳定內侍官制諭吏部曰朕觀周禮闈

寺不及百人後世多至數千卒為大患今雖未能復古亦

當為防微之計此輩所事不過供灑掃給使令而已若求

善良百無一二用為耳目即耳目蔽用為心腹即心腹病

馭之道但當使之畏法不可使之有功有功則驕恣畏

法則檢束自不為非也昭代典則

文彬曰自來宦官之禁未有如明太祖之周再傳而法

制盡隳釀成禍本以致覆國論者咸咎成祖階之厲而

不知太祖實未得所以制之道也夫宦寺之利一而害百雖庸闇之主知之而卒不能使左右無供奉給役之人則將何道之從曰求所以制之可耳周官內小臣闈人寺人內豎之屬皆內宰統之上隸於冢宰以冢宰相總轄而又有內宰之禁令行乎其間使君無私暱下無私干故歷八百載未聞有闈寺敢爲不義者宰相制之也西漢制猶近古三公總九卿而少府之官內臣皆屬焉佞幸如鄧通小有不謹申屠嘉得召而斬之權在故也東漢以後不然矣自是迄於唐宋宦官之弊無代無之非無英君誼辟嚴爲防閑而卒陰受其沈毒而莫

明會要卷三十九

六

之覺總由於制之不得其道也明初內官悉隸禮部見傳劍旋卽更制正德中主事葉劍疏請易置司禮仍隸之部武宗不能從向使初制不更若輩有所鈐束何得暴橫至此太祖惟慮相權太重罷中書省散政六部總總然內官是禁又不求所以閑制之方一家之中旣奪冢子之柄欲使狡奴黠婢無乘閒用事以蠱惑其父母得乎雖洪宣後閣體稍崇而瑞權旣盛勢不相攝甚且有閹臣甘爲其腹心鷹犬而不以爲羞者積重難返勢使然也洪惟我

朝法度嚴明以太監隸內務府默體成周遺制二百餘年

未聞奄寺敢違法紀真萬世良規也益歎明祖之不揣其本雖三令五申何濟哉

六年閏十一月命考究前代糾劾內官之法禮部議置內正司設司正司副各一人專糾察內官失儀及不法者十年五月有內侍以久侍內廷言及政事上卽日斥遣歸里終身不齒論諸臣曰此輩日在左右其小忠小信足以固結君心及其久也假竊威權以干政事遂至於不可抑自古以此階亂者多矣今立法不許寺人干預朝政決去之所以懲將來也旋令內臣不許讀書識字已上明政統宗十七年鑄鐵牌文曰內臣不得干預政事犯者斬置宮門

明會要卷三十九

九

中又敕諸司毋得與內官監文移往來然二十五年命羣慶童往河洲敕諭茶馬中官奉使行事已自此始職官志文彬按三編洪武八年五月遣中官趙成使河州市馬十一年詔以辰州指揮楊仲名討五開蠻遣內官吳誠往諭仲名且觀兵復遣尙履奉御呂玉詣軍閱勝而明史職官志於二十五年慶童之行云中官奉使自此始其實不始於此也太祖馭內侍甚嚴而奉使觀兵早開其隙是自禁之而自紊之又何怪後人之變本加厲耶建文三年燕王因兵屢敗不敢決意南下無何有以中官奉使侵暴爲言者帝詔所在有司繫治於是中官密遣人

赴燕具言京師空虛可取狀約為內應編三

永樂元年遣中官侯顯等使外域此出使外夷之始

三年六月遣中官鄭和等率兵二萬七千餘人遍歷西洋

諸國復遣中官山壽帥出雲州此將兵之始

七年十一月始令中官刺事此刺事之始

八年十二月敕內官王安等監都督譚青軍馬靖巡視甘肅此監軍巡視之始

十八年立東廠於東安門北以內監掌之東廠始此

洪熙元年正月以鄭和領下番官兵守備南京此南京守備之始

二月敕王安鎮守甘肅太監鎮守始於永樂末年正統以後凡各省各鎮無不有鎮守太監

集

明會要卷三十九

三

宣德元年七月始立內書堂改刑部主事劉紳為翰林修撰專授小內使書其後大學士陳山修撰朱祚俱專是職

選內使年十歲上下者二三百人讀書其中後增至四五

百人翰林官四人教習以為常此通文墨之始

正統十四年五月命太監金英同法司錄囚築壇大理寺

英張黃蓋中坐尚書以下左右列坐九卿抑於內官之下

遂為永制此審錄之始

景泰三年立十團營以太監阮讓都督楊俊提督四營太

監陳瑄盧永都督郭震馮宗各提督三營俱聽于謙石亨

及太監劉永誠曹吉祥節制此坐營之始

南京刑部主事葉釗言國初宦官悉隸禮部秩不過四品

職不過掃除今請仍隸之部易置司禮俾供雜役罷革東

廠移為他署斯左右不得擅權而後天下可安也葉釗傳

天啟三年正月遣中官刺邊事十二月魏忠賢提督東廠

崇禎元年正月辛巳詔內臣非奉命不得出禁門二月丁巳戒廷臣交結近侍紀本

四年九月命中官張彝憲總理戶工錢糧王坤劉文忠劉

允中監視宣大山西軍馬王應朝監軍關甯張國元監軍

東協王之心監軍中協鄧希詔監軍西協吳直監餉登島

李茂奇監茶馬陝西帝初即位鑒魏忠賢禍敗盡撤諸鎮

守中官委任大臣既而廷臣競門戶兵敗餉絀不能贊一

策乃思復用中官遂有是命

五年七月以太監曹化淳提督京營戎政後李自成犯關化淳開廣甯門

納之已上三編

明會要卷三十九終

明會要卷四十

承新龍文彬纂

職官十二

衍聖公仍元官

洪武元年召孔子五十五世孫克堅至京師待以賓禮俾食公祿不視事

是年詔克堅子希學襲封改賜階資善大夫正二品別給銀印每入朝班亞上相予誥還其祭田備禮器樂器樂舞

置屬官每至京中使慰勞館饋殊等已上王圻通考復立孔顏孟三氏學各教授立尼山泗水二書院各學錄

明會要卷四十

十

又授其族人希大為曲阜世襲知縣職官志

十七年正月孔訥襲封命禮官以教坊樂導送至國學學官帥諸生二千餘人迎於成賢街自是每歲入觀給符乘傳時罷丞相官遂令班文臣首

仁宗即位衍聖公孔彥縉來朝上語侍臣曰外蕃貢使皆有公館衍聖公假館民間非崇儒重道意遂賜宅東安門

已上儒林傳

宣德間孔諤會試至京召見即與進士出身授春坊中允夢餘錄

景泰以後凡先聖先賢先儒之後皆賜以五經博士世襲

蓋有博士之銜號而無職掌上同

成化元年給孔顏孟三氏學印令三年貢有學行者入國子監六年命衍聖公始襲者在監讀書職官志

宏治十八年衢州知府沈杰奏言衢州聖廟自孔洙讓爵之後衣冠禮儀猥同氓庶今訪得洙之六世孫彥繩請授以官俾主祀事正德元年授彥繩翰林院五經博士主衢

州廟祀時以在曲阜者為孔氏北宗在西安者為南宗云儒林傳

正德二年授孔聞禮五經博士奉子思廟祀夢餘錄萬曆七年諭衍聖公萬壽入賀朝廷待以賓禮不在文武

明會要卷四十

二

職官之列不必朝參會典

隆慶元年吏部覆郭諫臣奏衍聖公或遇親喪仍令守制其襲封一事所司代為奏請令其守護印信候服滿起送承襲王圻通考

崇禎十五年七月行幸學禮取衍聖公孔允植五經博士孟聞玉等傳令賜宴蓋特典也夢餘錄

王府官元內史府

洪武三年置王相府左右相左右傅參軍府參軍錄事紀善以鄭九成王克復汪河文原吉朱復為相桂彥良熊鼎

為傅尋以耿炳文吳良謝成等為武相傅位居文臣上後

革又置典籤司諮議官護軍府九年改參軍為長史罷王
傅府及典籤司諮議官增設伴讀侍讀十三年十月罷王
相府升長史司為正五品錄

太祖諭秦王右相鄭九成等曰朕封建諸子選用傅相委
託匪輕凡與王言當廣學問以充其行義陳忠孝以啟其
良心使其聰明無蔽上下相親庶幾道德有成而輔相不
忝厥職世法錄

二十八年置靖江王府諮議所諮議記室教授各一人尋
亦改長史司職官志

明會要卷四十

三

其王府官職敕曰皇考封建諸王以固藩屏王府官屬有
不能輔導或誘王為非者咸加顯戮成憲具在今岷王所
為縱恣果出王意而汝等緘默不言乎抑導誘為之與二
者罪必居一今姑屈法寬宥止降爾職尙圖後效以贖前
愆世法錄

二年五月令各王府教授伴讀缺於進士第三甲內選用
大政記

五年削齊王傅官屬護衛廷臣請罪王府教授葉垣等上
曰王性兇悖朕溫詔開諭至六七猶不悛教授輩如王何
垣等先自歸發其事可勿問齊王傳

九年使者至西安秦王尙炳稱疾不出迎見使者又傲慢
帝逮治王府官吏秦王傳

十年以國子監司業趙季通董子莊為趙府長史敕曰朕
子趙王年少多愆禮度今簡爾等為長史宜悉心輔導諭
以德義使博究經史以知古先聖賢之行事及修身齊家
之道屏邪佞親忠良隨事規誨務歸於正以承藩輔之重
世法錄子莊隨事匡正季通同心輔導藩府賢僚首稱趙董
云桂彥良傳

正統元年遼簡王府僚乞加王祿敕曰簡王得罪朝廷成
祖特厚待仁宗朝加祿得支二千石宣宗又給旗軍三百

明會要卷四十

四

人親親已至王素乖禮度府臣不匡正顧為王請乎不許
遼王傳

成化六年秀懷王見澍就藩汝甯長史劉誠獻千秋日鑑
錄見澍朝夕誦之論書至西伯戡黎誠主吳氏說曰戡黎
者武王也右長史趙銳主孔氏說曰實文王事爭之失色
見澍曰經義未有定論不嫌往復今若此非先皇帝簡二
先生意也秀王傳

十七年徽莊王見沛就藩鈞州奉奉司自置吏左布政使
徐恪革之見沛以聞憲宗書諭王置吏非制也恪無罪徽王傳

宏治三年進士選長史者恣言怨晉吏部黜之然自是人薄長史多不以進士選除王圻通考

十六年定王府長史等官於通經人員內除補不許奏保會典

嘉靖八年楊一清言楊士奇以審理副選編修周忱自長

史累遷尙書成化中雷霖以德府長史爲山西提學副使

今請王官與別官一體升用下吏部議不從

十二年題准王府長史等官今後非眞能輔導有功賢能

可錄者不許請加服色品級

二十二年題准王府官凡稱病乞改用者並勒致仕以輔

明會典卷四十

五

導失職調者不得授府州縣親民官已上王圻通考

二十五年定王府官屬除工正工副倉庫等官照舊以吏

員選除外其長史非科目出身紀善至典寶等官非監生

不除以重府僚之選會典

萬曆間周府設宗正一人後各府亦漸置郡王增設教授

一人續通

布政司元行中書省

明初略定地方置行中書省或中書分省其官自平章政事以下大略與中書省同六部尙書往往出爲參知政事參政入爲尙書洪武九年六月甲子改浙江江西福建北

平廣西四川山東廣東河南陝西湖廣山西諸行省爲承

宣布政使司罷行省平章政事左右丞等官改參知政事

爲布政使正二品十三年改正三品增設左右布政使各

一員二十二年定秩從二品建文中升正二品裁一員成

祖復舊制職官志

初設布政司以王興宗爲河南布政使興宗從上克婺州

命知金華縣事以治行聞累遷懷慶蘇州知府遇上計至

京師上以事詰諸郡守至興宗獨曰是守公勤不貪不須

問至是以擢布政使陞辭宴而遣之王宗顯傳

洪武十一年正月徵天下布政使及知府來朝上謂廷臣

明會典卷四十

六

曰布政使卽古方伯之職知府卽古刺史之職所以承流

宣化撫吾民者也得人則治否則瘵官尸位病吾民多矣

朕令之來朝使識朝廷治體以儆其玩愒之心且以詢察

言行考其治績以覘其能否苟治效有成天下何憂不治

世法錄

十四年正月乙巳以助教趙新等爲布政使諭之曰今布

政使視古之牧伯其任甚重在承流宣化通達民情也若

上德不下究下情不上達違邇乖隔上下不親民不可得

而治矣卿等慎之同上

十五年二月乙卯置雲南布政司命汝南侯梅思祖署司

事平章潘原明張統等為參政參議等官大政記

二十年正月雲南左布政張統入覲治行為天下第一特

令吏部勿考賜璽書褒之遣還任張統傳

二十四年七月以貢士彭友信為北平布政使大政記

二十六年盡擢監生劉政龍鐔等六十四人為行省布政

按察兩使及參政參議副使僉事等官選舉志

永樂五年六月癸未置交趾布政司以前工部侍郎張顯

宗福建布政司左參政王平為左右布政使通紀十一年二

月辛亥設貴州布政司以蔣廷瓚為布政使貴州為內地

自此始明政統宗

明倫彙編卷四十七

七

宣德三年罷交趾布政司除兩京外定為十三布政司職志

正統四年裁貴州右布政使右參議各一員大政記

宏治四年進陶魯湖廣右布政使治兵兩廣如故魯言身

居兩廣而官以湖廣為名於事體非便乃改湖廣左布政

使兼廣東按察副使領嶺西道事人稱之為三廣公陶成傳

萬曆中萬士和為廣東左布政使政事故專決於左士和

曰朝廷設二使如左右手非有軒輊乃約右使分日治事

士和傳

分守道

洪武九年置左右參政各一員從二品十三年改從三品

十四年正月增置左右參議各一員正四品職官志是年二

月丁巳擢鄭湜為福建左參議命舉所知湜舉同郡王應

等五人皆授參議孝義傳

內地監司率序遷其後亦多超遷不拘次有一歲四五遷

由僉事至參政者選舉志

十五年七月以賢良方正何德思為河南右參議聰明正

直金思存為北平右參議孝弟力田聶士舉為四川左參

政賢良方正蔣安素為四川右參議弁山集

明倫彙編卷四十八

八

是年九月已酉吏部以經明行修之士鄭韜等三千七百

餘人入見賜韜等人鈔一錠授布政使參議等官大政記

永樂十二年三月吏部言布按二司多缺官上曰布政按

察古方岳臣方數千里地懸數十人手其簡廷臣中賢能

者分別用之於是諸曹郎給事中出為監司者二十餘人

陳士和傳分守起於永樂間每令方面官巡視民瘼後遂定右

參政右參議分守各屬府州縣職官志

嘉靖元年正月辛未添設遼東甯海道參議一員大政記

御史吳從憲請復設山東布政司參政一員專理蘇松常

鎮稅糧令浙江按察司僉事兼轄蘇松諸郡縣水利從之

王圻通考

隆慶五年陝西布政使曹金請設左參議一員分守關內道其督糧驛傳事務更左參政管理按察司復設僉事一員管理屯田水利其糧儲事務令清軍副使攝理從之同上

按察司元肅政廉訪司

明太祖甲辰十一月辛酉置湖廣各道提刑按察司丙午正月命僉事周浚定按察司事宜條憲綱以進吳元年十月置各道按察司十三年五月罷十四年二月復置二十二年定按察使為正三品建文時改為十三道肅政按察司成祖初復舊職官志夢餘錄

明皇卷四十

九

充議律官上大明令王圻通考

十年各道按察司官來朝諭之曰朕以天下之大民之奸宄者多牧民官不能悉知其賢否故設風憲官為朕耳目激濁揚清繩愆糾繆此其職也國家法律必務精詳奸民犯法吾所甚惡當亟除之不可貸也有司以撫治吾民為職享民之奉而不思恤民惟以貪婪培克為務此民之蠹也宜糾治其罪毋姑息縱其為害汝等當體朕此意世法錄

國子監生為按察使者龍鐔浙江阮友彰福建王禮北平李皓山西曲能山東集

三十年正月置雲南按察司職官志

永樂五年六月癸未置交趾按察司以前河南按察使阮友彰為按察使集

十五年三月設貴州按察司本紀止書永樂十一年設貴州按察司按三編實於設布政司後二年置按察司證之大政記系之十五年三月略相符今據書之

十六年鄭辰遷山西按察使潞州盜起有司以叛聞詔發兵討捕辰方以事朝京師奏曰民苦徭役而已請無發兵帝然之還則屏驕從親入山谷撫諭盜皆感泣復為良民鄭辰傳

宣德五年革交趾按察司除兩京不設共十三按察司職官志

明皇卷四十

十

成化中陳選為河南按察使決遣輕繫數百人重囚多所平反囹圄空虛治尚簡易獨於賊吏無所假然受賂百金以上者坐六七鑊而止或問之曰奸人惜財亦惜命若盡挈所賂以貨要人即法撓矣陳選傳

楊繼宗遷湖廣按察使既至命汲水百斛洗滌廳事而後視事曰吾以除穢也為浙江按察使時倉官十餘人坐缺糧繫獄至鬻子女以償繼宗欲寬之而無由一日送月俸至命量之則溢原數較他司亦然因悟倉吏缺糧之由將具實以聞眾懼請於繼宗願捐俸貸償由是十人者獲釋繼宗傳

分巡道

吳元年置布政司副使正四品洪武十六年改從四品二十二年復定為正四品太祖甲辰以章溢為湖廣按察司僉事尋升浙東副使溢辭仍為僉事初置僉事正五品洪武十五年九月置天下府州縣按察分司以儒士王存中等五百三十一人為試僉事人按二縣十一月頒巡按事宜於各處按察司僉事集十六年三月盡罷試僉事定僉事從五品多寡從其分道之數二十九年改置按察分司為四十一道仍定僉事為正五品職官志洪武七年五月壬辰以兵部員外郎楊基為山西副使御

明史卷四十一

十一

史答祿與權為廣西僉事呂本為北平僉事論之曰風憲之設在整肅紀綱澄清吏治非專理刑爾等務明大體毋拘拘繩墨之末世法錄

是年茹太素為刑部侍郎上言在外省衛凡會議軍民事宜各不相合致稽延請用按察司一員糾正從之太素傳

二十五年定王府筵宴按察僉事坐次舊長史上殿僉事坐廡下公聚長史亦居僉事上上謂僉事方面官宜入殿

坐長史上昭代典則

永樂五年增設各按察司僉事因督軍運屯糧增浙江江西廣東廣西湖廣河南雲南四川各一人陝西福建山東

山西各二人此增設監司之始

正統三年增設理倉副使僉事又設僉事與布政司參議各一員於甘肅監收倉糧已上職官志

四年十月裁貴州副使一員僉事二員大政記八年增設僉事專理屯田

景泰二年增巡河僉事已上職官志

成化二十年四月增設山西副使僉事各二員時余子俊奏大同宣府二處倉場遠隔政務殷劇請增設監司督理糧餉乃舉南陽知府雍泰成都知府毛松齡為副使慶陽

同知李萼鄜州知州周甯為僉事通紀

明史卷四十一

十一

宏治元年馬文升奏舊例凡各處按察司官有缺吏部於兩京法司御史郎中員外郎主事評事等官內除授都布二司理問斷事司斷事及各府推官有缺俱於法司歷事舉人監生內除授近年以來吏部將各處知府除授副使府同知知州除授僉事而推官斷事等官一概以年老監生除授乞敕吏部今後各處按察司不分問刑管屯整飭兵備等官有缺俱於兩京法司屬官內推選除授推官理問斷事有缺俱於法司辦事進士及歷事年力精強舉人監生內除授不宜似前一概濫除又我朝設按察司以總理各道以肅清郡縣其分巡分管官常川在外徧歷所屬

接受詞訟禁革奸弊是以貪污知所警懼近年以來多有顧戀妻子罔肯出巡所過州縣暮到朝行甚至偏僻去處經年不至地方事情全不留意所以政令日隳而奸弊滋甚也乞敕各處巡撫巡按等官今後布按二司分巡分管官每年春二月中出巡七月中回司九月中出巡十二月中回司務要徧歷所屬每處所住不拘日期凡貪官污吏蠹政害民及一切興利除害之事有益地方者務在舉行每季終分巡官將一應合行事件各開報撫按處查考撫按回日仍具略節總類開奏並該部候三年六年考滿之時據此黜陟若推諉避事曠職苟祿不依期限擅自回司

明會要卷四十

三

者許巡按御史指實參奏明臣奏議

三年三月設四川水利僉事一員八月復設廣東雷廉副使十一月設天津副使轄山東以劉福爲之

六年五月定陝西管糧僉事三年一更

七年二月革浙江水利僉事一員并其事於管屯已上大政記

隆慶元年陝西巡撫以一省八府道路遼闊非一人能用

題革督糧驛傳而以分守道兼管糧餉清軍道兼管鹽糧

水利王圻通考

兵備道 兵道之設仿自洪熙間以武臣疎於文墨遣參政副使沈固劉紹等往各總兵處整理文書商推機密未

管身領軍務也至宏治中本兵馬文升慮武職不修議增副僉一員敕之自是兵備之員盈天下職官志 宏治十年十月改湖廣水利僉事爲上荆南兵備道 正德七年正月設潼關兵備副使二月知縣許達牛鸞以功升擢兵備僉事

十年五月以廣東右布政使吳廷舉兼副使治嶺西兵備 嘉靖六年六月令湖廣興國州黃梅廣濟二縣仍聽九江兵備節制已上大政記

十五年正月壬戌改湖廣上湖南道分巡僉事爲兵備僉事駐劄蘄州專管漢陽而下至蘄黃德安等處名曰下江防道原駐岳州僉事專管武昌而上至沔陽岳州常德長沙等處名曰上江防道各給敕書關防從巡撫翟璜請也

明會要卷四十

四

五月乙卯定山西冀北兵備道移駐大同府大政記

時吳桂芳提督兩廣軍務建議海道副使轄東莞以西至瓊州領番夷市舶更設海防僉事巡東莞以東至惠州專

禦倭寇吳桂芳傳 胡世甯疏言分巡僉事初制九年改道後因屢改官不省

事人不畏官今宜於考滿日方許改道仍覈其治狀爲殿最其兵備提學推才力相應者先加副使勿移他方令久

任專制責其成功年深勞著者提學升少卿祭酒兵備升各邊巡撫其餘照常遷轉編圖書

隆慶三年奏准以四川按察司屯鹽水利茶法二道合為

一道建昌兵備道改為兵糧道敘瀘兵備道改為下川南

兵備道俱兼管分巡上川南分守道當移駐雅州川西分

守道當移駐嘉定州

四年議准裁革廣東屯鹽僉事併其事於清軍副使南部

兵備副使仍改設僉事如故已上王圻通考

沈德符曰自宏治間設兵備官大都邊方近夷地也正

德間流寇起中原皆設立矣嘉靖末年東南倭事日棘

明倫彙編

卷四十一

五

於是江浙閩廣之間凡分巡者多帶整飭兵備銜其始

欲隆其柄以鈐制武臣訓督戰士意非不善但承平日

久仍如守土之吏無兵可練無餉可支雖云兵備而問

其整飭者何事即當局亦茫然也

提學元各行省有儒學提舉司

正統元年五月南京戶部尚書黃福言比來生員學藝疏

淺宜令布政按察二司遍歷考試庶得真才於是兩畿及

十三布政司各置提督學校官一員兩畿以御史十三布

政司以按察司僉事著為令三編

八年孫鼎督南畿學政置本源錄錄諸生善行行部不令

人知單與驟至諸生謁輒閉門試之即日定甲乙諸生試歸榜已揭通衢請託者無所措手彭勛傳

十年令提學官遍詣所屬學校嚴加考試提督生徒學業

務見實效有不職者禮部都察院具奏罷黜王圻通考

景泰元年罷提學官天順六年復設各賜敕諭十六條俾

奉行之選舉志

成化中敕提學各分督所屬官簿錄諸儒生德業為三等

德行優文學贍治事長者為上等有德行而經義治事稍

劣者次之即經義治事優長而德行玷缺者為下等歲課

月考非上等毋得應貢舉夢餘錄

明倫彙編

卷四十一

未

陳選督學南畿頒冠婚喪祭射儀於學宮令諸生以時肄

之作小學集註以教諸生按部常止宿學宮夜巡兩廡察

諸生誦讀除試牘糊名之陋曰己不自信何以信於人督

河南學政汪直出巡都御史以下皆拜謁選獨長揖直問

何官選曰提學副使直曰大於都御史耶選曰提學何可

比都御史但忝人師不敢自詘辱直好語遣之陳選傳

宏治十七年六月定廩生不諳文理者追糧為民濫貢者

提學官參究

十八年十月令提學官設三等簿稽覈生員

正德五年五月定巡按官不許侵提學考試已上大政記

席書爲貴州提學副使時王守仁謫龍場驛丞書擇州縣

子弟延守仁教之士始知學席書傳

十年給各按察司提督學校關防王圻通考

嘉靖十一年六月定提學官歲貢廷試被黜五名以上者

降一級三名以上者提問大政記

十九年六月給事中楊允繩請敕吏部慎選督學官從之

明政統宗

李中爲廣西提學副使以身爲教授諸生高等聚五經書

院五日一登堂講難李中傳

萬麻初論提學不理刑名如有軍民人等訴告冤枉等事

明會要卷四十

七

許收詞狀輕則發有司重則送按察司直隸送巡按御史

督撫巡按及布按二司不許侵提學職事如提學行止不

端許巡按御史指實奏聞夢餘錄

四年令各處鄉試畢日吏部會同禮部將各提學官從公

考察分別等第優異降黜有差王圻通考

四十一年南直隸分上下江湖廣分南北各增提學一員

選舉志

都轉運鹽使司仍元

明太祖丙午二月己巳置兩淮都轉運司吳元年二月丁

未置兩浙都轉運司於杭州洪武二年正月丁未置長蘆

河東二都轉運司十二月己丑置山東福建二都轉運司

分司十四泰州淮安通州隸兩淮嘉興松江甯紹溫台隸

兩浙滄州青州隸長蘆膠萊濱樂隸山東解鹽東場西場

中場隸河東分副使若副判泄之五年二月癸未置四川

茶鹽都轉運司設官如都轉運鹽使司夢餘錄

正統初大臣言兩淮鹽政久壞宜得重名檢者治之於是

推擇耿九疇爲鹽運司同知痛革夙弊條奏便宜五事著

爲令十年正月爲都轉運使節儉無他好公退焚香讀書

廉名益振耿九疇傳

轉運使事權最繁鉅先朝最重此官自隆慶初始罷大臣

明會要卷四十

六

不遣歸重巡鹽御史及鹽法道於是運使之權日輕體日

削且銓地以知府之下考者胄子乙科往往得之人亦不

復自愛而離政日壞矣夢餘錄

徐問轉長蘆鹽運司運司故利藪自好者不樂居問曰吾

欲清是官終任不取一錢徐問傳

隆慶五年大學士高拱疏行太僕苑馬寺專理馬政戎伍

所資鹽運司專理鹽政國用所賴皆係要職非閒局也近

來視之甚輕卽卿與使皆以考不稱職有物議者升之夫

旣不稱職去之而已奈何以此等衙門爲安置之所今後

大破常套凡卿使員缺必以廉謹有才望者推補又議其

階格卿視布政司參政使視按察司副使政成之後升與參政副使同如更優異超等擢用則其官自重賢者樂就必盡心於所職馬政鹽政當自修舉所利於國家必多疏入允行明臣奏議

鹽課提舉司 洪武二年正月丁未置廣東海北鹽課提舉司三年十二月戊午於陝西察罕腦兒之地置鹽課提舉司後漸增置各處建文中改廣東提舉為都轉運司永樂初復故職官志

明會要卷四十

九

明會要卷四十終

明會要卷四十一

承新龍文彬纂

職官十三

元府尹或知府又府州縣各有達魯噶齊

明初改諸路為府洪武六年分天下府三等糧二十萬石以上為上府知府秩從三品二十萬石以下為中府知府正四品十萬石以下為下府知府從四品已並為正四品計天下府凡一百五十有九其同知通判推官分掌清軍巡捕管糧治農水利屯田牧馬等事無定員職官志吳元年選郡縣官三百三十四人賞綺布道里費及其父

明會要卷四十一

一

母妻子有差著為令曰以養汝廉奉公無漁民也洪武元年詔中書省自今除府州縣官賜銀十二兩布六疋徵天下賢才為守令厚賜而遣之鄭曉今言

洪武六年七月丁卯以戶部侍郎陳則為大同府知府諭之曰大同居邊塞之間昔之有司多為諸將迫脅以壞法廢事而罹刑罪者比比有之爾往毋蹈覆轍當守法奉公不為阿私如邊將妄有所求當告以朝廷法度阻其非心則汝可以遠罪邊將亦得以保全其功

七年六月諭吏部曰古稱任官惟賢才凡郡得一賢守縣得一賢令如潁川之黃霸中牟之魯恭何憂不治今北方

郡縣有民稀事簡者而設官與繁劇同祿入供給未免疲
民可量減之於是吏部議奏汰河南山東北平府州縣官
三百人

永樂元年前上謂吏部都察院曰爲國牧民莫切於守令守
令賢則一郡一邑之民有所恃而不得其所者寡矣如其
不賢當速去之然吏部選授之時出於倉猝未能悉其才
其令巡按監察御史及按察使凡府州縣到任半歲之上
者察其能否廉貪之實具奏

十年諭吏部曰守令一郡一邑之長昔人每戒數易蓋牧
守之寄甚重須久於其職比聞諸司以造作雜務輒差正

明會要卷四十一

二

官意在成事之速此俗吏不識大體自今一應公務不許

擅差守令俾專職理民已上世法錄

宣德五年帝以知府多循資格不稱職會推地劇九郡缺
守命大臣舉京官廉能者用之乃擢郎中况鍾知蘇州趙
豫知松江莫愚知常州羅以禮知西安員外郎陳本深知
吉安邵旻知武昌馬儀知杭州御史何文淵知温州陳鼎
知建昌皆賜勅俾馳驛之任其冬復用薛廣等二十九人
亦如之諸人俱有治績居官至一二十年者吏稱其職民
安其業一時蒸蒸稱盛三編

譚讓改衢州通判政尙嚴厲夜有人書廡壁曰虎豹在山

雷行於天人宜自度不可犯譚譚顧視笑曰爲政不能使
民無犯而使不可犯耶更治寬緩民愈稱順續通典

英宗復位欲仿先朝故事命吏部選內外臣僚爲郡守九
月以御史林鶚爲鎮江知府河東運判楊浩爲順德知府
陞辭召至文華殿賜宴及道里費明政統宗

成化初楊繼宗擢嘉興知府以一僕自隨署齋蕭然性剛
廉孤峭人莫敢犯而時時集父老問疾苦爲祛除之中官
過者繼宗遺以菱芡麻書中官索錢繼宗即發牒取庫金
曰金具在與我印券中官咋舌不敢受入覲汪直欲見之
不可憲宗問直朝覲官孰廉直對曰天下不愛錢者惟楊

明會要卷四十一

三

繼宗一人耳繼宗傳

三年八月巡按御史言江西賦繁官少催征不力逋負者
多請增設司府佐貳官俾專督理乃增布政使參政一南

昌吉安撫袁臨江饒瑞七府同知各一三編

五年命知府員缺仍聽吏部推舉踰年以會舉多未當并
方面官第令吏部推兩員以聞選舉志

十三年江西吉安知府張銳奏江西大家結黨爲非吉安
尤爲健訟盜犯至數千人官少不能決斷請增設推官一

員上從之野獲編

嘉靖時王儀爲蘇州知府謂蘇賦當天下什二而田額消

無可考何以定賦乃履畝丈之使縣各為籍以八事定田賦以三條覈稅課徭役雜辦維均治為知府第一王儀傳張瀚為大名知府諳達圍京師詔遣兵部郎中徵畿輔民兵入衛瀚立閱戶籍三十丁簡一人而以二十九人供其餉得八百人馳至真定請使者閱兵使者稱其才張瀚傳郁山為温州守元輔張孚敬歸里建寶綸樓大治第宅又求廣其基地強買不休山自往止之曰居第當遺之子孫公今移易幾何家市垣已里餘矣而意猶未足殆非所以善後計也且公居朝嘗喜稱伊傅周召之為奈何所以處家者願出蕭何李沆下哉續通典

明會典卷四十一

四

萬厯末李應昇授南康推官出無辜十九人於死置大猾數人重辟士民服其公廉為之謠曰前林後李清和無比林謂晉江林學會以清慎著稱李應昇傳天啟時曾櫻為常州知府屯田御史索屬吏應劾者櫻不應御史危言恐之答曰僚屬已盡無可糾止知府無狀因自署下考杜門待罪撫按函慰留乃起視事曾櫻傳

州元上州州尹中州下州知州

凡州有二有屬州有直隸州屬州視縣直隸州視府而品秩則同同知判官俱視其州事之繁簡以供厥職計天下州凡二百三十有四職官志

洪武三年正月吏部請謫有罪人於儋崖上曰前代謂儋崖為化外以處罪人朕今天下一家若有風俗未淳宜更擇良吏治之豈可棄之化外不許三編十七年八月詔州民戶不滿三千者皆改為縣凡三十七州大政記

仁宗初以風憲官備外任出給事中蕭奇商賓鄭來等三十五人為州縣官明政統宗

正統中茂州知州陳敏累進右參議仍視州事以監司秩涖州前此未有也陳敏傳

成化十四年四月吏科都給事中趙侃等上言州縣守令

明會典卷四十一

五

親民之職不宜以監生序補乞諭吏部取科目出身者選授之部臣覆稱先年大學士李賢請選監生有學識者授以知州知縣等官至今行之且歲貢人在大學固難以科目拘今後但嚴加考覈仍循舊制為便報可通紀都御史李賓請令在京五品以上管事官及給事御史各舉所知以任州縣從之選舉志宏治元年左都御史馬文升奏往年知州知縣未盡得人該大學士李賢奏准凡遇朝覲之年吏部於聽選監生舉人內不分赴選遠近考選銓除臣在陝西巡撫之時亦曾具奏於進士舉人內選擇除授以此大州巨邑民頗受惠

近年以來各處知州知縣有一年不曾除授者甚至有二年除授不到者乞勅吏部查照大學士李賢奏准事例每年一次於聽選舉人監生內考選年力精強堪任知州知縣者若干人臨時於各衙門辦事進士內相兼選用不許將雜行之人除補明臣奏議

十五年尙書馬文升奏今之牧令由進士舉人出身者多得其人由監生除授者鮮有能稱其職揆其所自監生坐監並在吏部聽選二十餘年方得出身至除授之時年已五十以上神志昏倦其意以爲在任不久又將黜退升用之例諒不我及是以惟便身圖罔有治民之心雖有考察

明會要卷四十一

六

黜退之例而後之除授者更甚於前不求所以更張遴選之則小民送舊迎新徒爲勞費乞敕吏部今後各處州縣有缺將在部聽選舉人不分到部年月遠近及監生中年未老耄資質英俊者通行考選並將各部觀政進士依甲數挨次取用除京任外其餘相兼舉人監生除授知州知縣並令巡按及布按二司各舉所知三五員具奏吏部定奪授職如有貪酷事發連坐舉主之罪以後州縣有缺俱照此例除選同上

嘉靖中周思兼爲平度知州躬巡郊野坐籃輿中攜飯一盂令鄉民以次舁行因盡得閭閻疾苦狀悉蠲去之旁郡

饑民掠食所司持之急且爲亂上官檄思兼治之作小木牌散四郊令執牌就撫悉拯以錢穀事遂定周思兼傳

隆慶四年給事中賈三近言近年州縣長吏率重甲科而輕鄉舉同一寬也在進士則爲撫字在舉人則爲姑息同一嚴也在進士則爲精明在舉人則爲暴戾低昂之間殿最攸異宜下吏部凡州縣長吏毋得偏重進士署印毋得濫授雜流詔允行通紀

萬曆二十一年山西巡撫魏允貞以汾州有兩郡王宗人與軍民雜處知州秩卑不能制奏改爲府允貞傳

明會要卷四十一

七

太平推官謂州同知六品而推官七品也巡按御史傅好禮馳疏劾其非制壽朋改調傅好禮傳

縣元縣

吳元年十二月定縣三等糧十萬石以下爲上縣知縣從六品六萬石以下爲中縣知縣正七品三萬石以下爲下縣知縣從七品已並爲正七品縣丞主簿分掌糧馬巡捕之事典史典文移出納如無縣丞或無主簿則分領丞簿職編戶不及二十里者並裁計天下縣凡一千一百七十有二職官志

洪武元年諭新授北方縣令曰新附之邦生民凋瘵不有

以安養之將復流離失望爾等宜體朕意善拊循之母加
擾害簡役省費以厚其生勸孝勵忠以厚其俗能如朕言
不特民有受惠之實即汝亦獲循良之名昭代典則

十年五月戊寅朔覈戶糧州改爲縣者十二縣併者六十

大政記

十七年八月令諸州民戶不及三千者皆改爲縣凡三十州

十九年四月丙午擢慈谿縣丞秦仲彰爲甯波知府降知

府李仲文爲慈谿縣丞時仲文遣吏馬仁生行縣違法仲

彰械仁生至闕下上嘉之故有是命昭代典則

二十四年正月新化縣丞周舟以廉勤考課得最升吏部

明倫彙編

八

考功主事縣民蕭俊等詣闕言自舟去後民被擾不安詔

復以舟爲新化縣丞仍令禮部宴賞遣之明政統宗

南豐縣典史馮堅上書言九事書上上稱其知時務達事

變乃擢堅爲左僉都御史馮堅傳

龍陽瀕洞庭數罹水患逋賦數十萬典史青文勝詣闕上

疏爲民請命再上皆不報歎曰何面目歸見父老復具疏

擊登聞鼓以進遂自經於鼓下上聞大驚詔寬龍陽租二

萬四千餘石定爲額邑人建祠祀之青文勝傳

太祖起閩右稔墨吏爲民害嘗以極刑處之然每旌舉賢

能以示勸勉不專任法也嘗遣行人齎敕并鈔三十錠內

酒一尊賜平陽知縣張礎又建陽知縣郭伯泰丞陸鎰爲

政不避權勢遣使勞以酒醴遷其官丹徒知縣胡夢通丞

郭伯高金壇丞李思進坐事當逮民詣闕言多善政帝並

賜內尊降敕褒勞永州守余彥誠齊東令趙敏等十人坐

事下獄部民列政績以請皆復官宜春令沈昌等四人更

擢郡守其自下僚不次擢用者甯遠尉王尙賢爲廣西參

政祥符丞鄒俊爲大理卿靜甯州判元善爲僉都御史芒

陽令李行素爲刑部侍郎至如懷甯丞陳希文宜興簿王

復春先以善政擢已知其貪肆旋置重典所以風厲激勸

者甚至以故其時吏治多可紀述云魏觀傳贊

明倫彙編

九

宣宗初雙流知縣孔友諒上言六事其一言守令親民之

官古者不拘資格必得其人不限歲月使盡其力今居職

者多不知撫字之方而廉幹得民心者又遷調不常差遣

不一或因小事連累朝夕營治往來道路日不暇給乞敕

吏部擇才望素優及久歷京官者任之論戒上司毋擅差

遣假以歲月責成治効至遠缺佐貳多經裁減獨員居職

或遇事赴京多委雜職署事因循苟且政令無常民不知

畏今後路遠之缺常留一正員任事不得擅離庶法有常

守黃澤傳

宣德七年太監劉甯隨御史赴各省捕袁琦黨事畢還道

經故城縣丞陳銘素惡內官聞甯至輒奮前捍甯手擊之御史奏丞無狀逮至上曰丞固可罪然一時偏於所惡姑宥之仍遣復任昭代典則

正統七年罷薦舉縣令之制選舉志

天順三年建安老人賀煬上書論時事言今銓授縣令多年老監生逮滿九載年幾七十苟且貪汙宜擇年富有才能者其下僚及山林抱德士亦當推舉張昭傳

王恕在部中有益都縣新進士石存禮年二十二歲應選知縣乃改選行人

嘉靖時給事中楊允繩言古者立郡縣之等明銓序之品

所以人與地相適今宜劑量政務煩簡地方邊腹道里衝僻列三等為銓除如履任後人地或未相宜令撫按官奏報改調已上夢餘錄

明會要卷四十一

十

御史包節出按雲南時仕者以荒微憚不欲往因設告就遠方之法節言此曹志甘投荒非年迫衰遲則家貧急祿志在為己豈在恤民滇中長吏所以多不得人也請自今以附近選人充之而州縣佐貳始用此曹庶吏治可舉吏部請以節言概行於雲貴兩省制可包節傳

隆慶四年大學士高拱奏廣東舊稱富饒之地近年盜賊充斥皆有司不良所致用人者以廣東為瘴癘之鄉劣視

其地有司由科甲者十之一二而雜流者十之八九銓除者十之四五而遷謫者十之五六以甘於自棄之人處僻遠之地宜其無所忌憚驅民於盜賊也今後廣東州縣正官必以進士舉人相兼選除雜流遷謫姑不必用至廣西雲貴皆稱絕徼宜以此例推行疏入允行明臣奏議

明會要卷四十一

十一

有能捍患禦敵者以軍功論不次擢用如才略恢宏可當大任由此為兵備巡撫總督無不可者惟以治效為準不必論其出身資格若用之不效無益地方者降三級調用或觀望推諉以致誤事者輕則罷黜重則軍法治罪得旨允行同上

五年從大學士高拱言令舉人就選之時必稽其年貌五十以上者授以雜官不得為州縣之長夢餘錄

萬曆十一年副都御史邱橈陳吏治積弊八事其一言州縣佐貳雖卑亦臨民官必待以禮然後可責以治今也役使譴訶無殊輿隸獨任其污黷害民不脣禁治禮與法兩

失之邱樞傳

崇禎六年縣令將行取者詔戶部先覈其錢穀徵賦不及額不得考給事中周瑞豹考選而後完賦帝怒貶謫之命如瑞豹者悉以聞熊開元傳

儒學仍元官

明初置儒學提舉司洪武二年十月辛卯詔天下府州縣皆立學府設教授州設學政縣設教諭各一俱設訓導府四州三縣二又有都司儒學十七年置遼東始行都司儒學二十三年置北平始衛儒學十七年置岷州衛二以教武臣子弟俱設教授一人訓導二人河東又設都轉運司儒學制如府其後

宣慰安撫等土司俱設儒學職官志

明會要卷四十一

三

明初教官給由至京師詢民疾苦崑崙吳從權山陰張桓皆言臣職在訓士民事無所與太祖怒曰宋胡瑗為蘇湖教授其教兼經義治事漢賈誼董仲舒皆起田里敷陳時務唐馬周不得親見太宗且教武臣言事今既集朝堂朕親詢問俱無以對志聖賢之道者固如是乎令竄之遠方且榜諭天下學校使為鑑戒蕭岐傳

十四年十一月禁有司不得差遣學官大政記

十五年十二月詔各處教官九年滿用為教諭同上

河南參議董倫言儒學訓導宜與冠帶別於士子訓導始

注選董倫傳

二十年九月命吏部選南方學官有學行者於北方上以北方學校無名師生徒廢學故有是命昭代典則

二十四年六月甲子定儒學訓導位雜職上大政記

胡儼南昌人以舉人授華亭教諭母憂服除改長垣乞便地就養後改餘干學官許乞便地就養自儼始胡儼傳

二十六年五月定學官考課惟以中式多寡為差大政記

永樂二年吏部言甯國府訓導考滿當調其生員以訓導明經善教乞還本學俾諸生得卒所業然訓導所書奏牘有錯誤宜治罪上曰學官明經善教於今難得奏牘錯誤

小過可恕其宥之復職世法錄

明會要卷四十一

三

六年十二月丙申諭自今教官考滿吏部同六科都給事中選其有才識者留六科辦事一年後從本科都給事考其高下用之大政記

十八年九月擢教授蘭從善林長懋教諭徐永達並為翰林院編修侍皇太孫講讀明政統宗

文彬曰明初重學官一途凡輔導東宮纂書衡文及經保薦與九載考滿者必授以翰林春坊科道清華之選故楊文貞薦儀智謂其起家學官蓋以此為美談也厥後師儒職輕副榜舉人不屑就而貢生年邁及貧困甚

者乃甘心充位被薦者雖部曹猶將斬之而况其他惟朝廷待之甚輕故教官之自待愈苟無怪學規不振儒術之日替也

宣德二年五月編修陳景著以親老改福州府教授大政記

兩京國學教官例不得遷擢成化初祭酒邢讓等以為言由科目者滿考得銓敘刑讓傳

景泰元年令歲貢生員願就教職者從翰林院考中除學正教諭訓導

正德九年奏准進士就教職者其俸給照原中甲第品級關支已上會典

明會要卷四十一

古

嘉靖時海瑞署南平教諭御史詣學宮屬吏咸伏謁瑞獨長揖曰臺謁當以屬禮此堂師長教士地不當屈海瑞傳

崇禎初廷議汰冗官帝謂學官尤冗大學士錢龍錫言學官舊用歲貢生近因舉人乞恩選貢纂修占缺者多歲貢積至二千六百有奇皓首以沒良可憫且祖宗設官於此稍寬者以師儒造士需老成故也帝納之錢龍錫傳

巡檢司仍元官

洪武二年以廣西地接猺獞始於關隘衝要之處設巡檢司以警奸盜後遂增置各處十三年二月特賜敕諭之尋改為雜職職官志

十三年十月汰天下巡檢司非要地者三百五十四大政記十二月敕諭天下巡檢曰古者設官分職不以崇卑一善之及人人受其利朕設巡檢於關津阨要遐察奸偽期在士民樂業商旅無艱然自設置以來未聞舉其職者今特遣使分視各處以檢防有道譏察有方有能堅守是職鎮靜一方秩滿來朝朕必嘉焉實錄

二十年四月增置福建巡檢司四十有五分隸諸衛二十五年閏十二月辛卯更定巡檢考課之法

正統十一年十二月增設廣西巡檢司三十六所宏治十六年三月辛巳裁廣西巡檢司十七處已上大政記

明會要卷四十一

去

明會要卷四十一終

明會要卷四十二

永新龍文彬纂

職官十四

駙馬都尉元駙馬皆封王爵

駙馬都尉位次於侯凡尙大長公主長公主公主並曰駙

馬都尉尙郡主縣主郡君鄉君曰儀賓食祿有差皆不得

預政事王圻通考

凡選駙馬禮部榜諭在京官員軍民子弟年十四至十六

容貌齊整行止端莊有家教者報名司禮內臣於諸王館

會選禮志

明會要卷四十二

洪武三年以駙馬都尉王恭爲福建行省參政世法錄

三月定駙馬都尉班次在百官本品之上由西門出入大政記

駙馬都尉黃琛王克恭誥稱鎮國上將軍蓋正二品也琛

克恭所尙主太祖從姊例當裁爲儀賓太祖不忍故仍其

號而下其階彙山集

十九年敕駙馬都尉梅殷提督山東學校兼理地方事務

彙山集帝春秋高諸王強盛殷嘗受密命輔皇太孫及燕師

日逼惠帝命殷充總兵官鎮守淮安悉心防禦號令嚴明

燕兵破何福軍執諸將平安等遣使假道於殷殷割使者

耳鼻縱之曰留汝口爲殿下言君臣大義王爲氣沮公主傳

二十一年東川侯胡海子觀選尙主太祖爲觀擇師難其

人以命徐宗實中使援他府例置駙馬位中堂南向而布

師席於西階上東向宗實手引駙馬位使下然後爲說書

左右大驚相顧以目帝聞而嘉之徐宗實傳

永樂初都指揮款台乘馬過駙馬都尉袁容門容怒其不

下筆之幾死成祖聞之賜趙王高燧書曰自洪武來往來

駙馬門者未聞令下馬也昔晉王敦爲駙馬縱恣暴橫卒

以滅亡汝其以書示容令械辱款台之人送京師容由是

歛戢公主傳

明會要卷四十二

宣德三年詔駙馬不務詩書通古今曉忠孝仁義之道必

至怠惰驕縱何以保富貴須使之親近儒生先朝駙馬家

有學錄可擇端重儒者一人命之教督會典

正德中劉瑾下獄詔廷訊有問者瑾輒指其人附己廷臣

無敢詰駙馬都尉蔡震厲聲曰我皇家至戚應不附爾趣

獄卒拷掠之瑾乃服罪

世宗入繼駙馬都尉崔元以迎立功封京山侯給誥券禮

部言奉迎乃臣子之分遽膺封爵無故事帝曰永樂初年

太宗入繼大統駙馬都尉王甯以翊戴功封永春侯何得

言無故事科道連章論其不可皆不聽已上公傳

嘉靖六年始定禮部主事一人專在駙馬府教習禮志

三十三年駙馬都尉鄔景和奉旨直西苑撰立文以不諳

立理辭帝不悅罷其入直已而賚在直諸臣景和與焉景

和辭免且言臣願洗心滌慮効馬革裹尸之報帝怒其怨

訕黜為民公主傳

崇禎十六年二月帝召公侯伯於德政殿言祖制勳臣駙

馬入監讀書習武經弓馬諸臣各有子弟否成國公朱純

臣定國公徐允禎等皆以幼對駙馬都尉鞏永固獨上疏

請肄業大學帝褒答之公主傳

五軍都督府元大都督府

明會要卷四十二

三

太祖丙申下集慶路置樞密院辛丑二月丁丑改為大都

督府以朱文正為大都督節制中外諸軍事參議宋思顏

參軍事四月辛巳朔以李善長兼領大都督府司馬昇山集

吳元年更定官制罷大都督不設以左右都督為長官正

一品都督同知從一品都督副使正二品都督僉事從二

品參議正三品以戶部尚書樊思民為之職官志

洪武三年御史袁凱言諸將習兵事恐未悉君臣禮請於

都督府延通經學古之士令諸武臣赴都堂聽講庶得保

族全身之道十月丙辰詔儒臣更直午門為武臣講經史

袁凱傳

九年罷都督副使改參議為掌判官吏部尚書陳銘為之

十年升都督僉事為正二品掌判官為正三品職官志

七月以李文忠領大都督府事敕曰大都督府掌天下兵

馬其遷選調遣辨強弱知險易發放有節進退有信防姦

禦侮非止一端朕以機密託之腹心匪第賞功良以都督

天下兵馬職任綦重今府僉事已任左右都督同知特以

爾專行提調府事一應遷選調遣務從爾議然後一同來

奏若府官及大小軍職有不如律者即便究治有功者奏

聞毋隱世法錄

十三年改都督府為中左右前後五軍都督府分領在京

明會要卷四十二

四

各衛所及在外各都司衛所職官志

二十二年四月丙辰分建五軍斷事司於太平門外大政記

二十七年正月甲辰上諭五軍都督府曰朕嘗令武臣子

弟演習武藝今天下久安彼年少者惟安享父兄俸祿博

奕遊戲一旦襲職弓矢不諳能為國家效力乎近揚州衛

指揮使單壽襲其父職帥兵泰州捕寇猝與賊遇遂懼而

走由其不諳習故耳自今武臣子弟年及二十五軍都督

府試其騎射嫻習許襲否則授職止給半俸候三年復試

之中者給全俸不能者謫為軍著為令昭代典則

永樂元年設北京留守行後軍都督府後又分五府稱行

在五軍都督府十八年除行在字在應天者加南京字洪
熙元年復稱行在仍設行後府宣德三年又革正統六年
復除行在字職官志

宣德初張昇進左都督掌左府事救諭昇曰卿舅氏至親
日理劇務或以吏欺謾連不問則廢法問則傷恩其罷府
事朝朔望官祿如故稱朕優禮保全之意外戚傳

初仁宗將還都南京設行後軍都督府及行部凡五府六
部文移申達必經行府行部多重稽誤宣德三年帝命
公侯伯尙書都御史翰林學士議於是張輔蹇義等言北
京既有府部行府行部宜罷從之三編

明皇卷四十二

五

五軍都督府掌印缺於見任公侯伯取一人僉書缺於帶
俸公侯伯及在京都指揮在外總兵官推二人選舉志
舊制都督府遣使於外必領內勘合下都司不敢輒下衛
宣德間軍府寢橫使者挾關文四馳歷諸衛陵軍伍貴州
按察使應履平言勘合之設所以防詐偽今右軍府遣發
至黔者不遵故事小人憑勢橫求詐冒何從省宣宗善其
言都督陳政引罪帝令諸司永守之軍府爲之戢應履平傳
天順二年五月孫繼宗督五軍營戎務兼掌後軍都督僉
事自景泰以前外戚無典兵者帝見石亨張軌輩以營軍
奪門故使繼宗參之

天順中楊善以禮部尙書改掌左軍都督府成化中王越
以左都御史改掌前軍都督府已上夢餘錄

正德以來軍職冒濫爲世所輕內之部科外之監軍督撫
疊相彈壓五軍府更如贅疣兵志

正德十六年令五府及錦衣衛必由都指揮屢著勳猷者
升授選舉志

嘉靖五年十一月丙午給事中管律言比來五府掌印僉
事五軍三千神機等營坐營坐司類以侯伯爲之流官擢
用者不過一二以國家兵馬綱領之地坐擁參養驕侈之
徒平居無事茫不知兵一遇有警束手無措乞敕所司嚴

明皇卷四十二

六

加簡汰而以諸將官有年力勳績可備緩急之用者當之
且都督流官無所倚恃恩之易感威之易行公侯世爵難
禡有犯不能盡其法有求必欲盡其恩此祖宗於兵政所
以重任都督而不輕授侯伯也章下所司明政統宗
五府僉書有以都督充者至掌印則必勳臣嘉靖八年令
五府掌印官都督有才望者一體推用終不能行都督有
三等曰左右都督曰都督同知曰都督僉書是爲世官副
都督則流官也春明夢餘錄
嘉靖二十九年給事中楊允繩請令五軍都督府府軍前
衛及錦衣衛堂上官每遇考選軍政之歲各具疏自陳聽

科道官拾遺騰驤四衛及錦衣指揮以下聽兵部考察詔

從之著為令楊允

上直衛元哈喇

上十二衛錦衣衛旗手衛金吾前衛金吾後衛羽林左衛

羽林右衛府軍衛府軍左衛府軍右衛府軍前衛府軍後

衛虎賁左衛洪武

上十衛金吾左衛金吾右衛羽林前衛燕山左衛燕山右

衛燕山前衛大興左衛濟陽衛濟川衛通州衛永樂

四衛營騰驤左衛騰驤右衛武驤左衛武驤右衛宣德

已上二十六衛番上宿衛名親軍以護宮禁不隸五都

明會要卷四十二

七

督府而錦衣衛主巡察緝捕理詔獄以都督都指揮領

之蓋特異於諸衛焉

錦衣衛元拱 太祖甲辰設拱衛司領校尉隸都督府尋

改拱衛指揮使司洪武二年定為親軍都尉府統中左右

前後五衛軍士而設儀鑾司隸焉十五年罷府及司置錦

衣衛親軍指揮使司鎮撫司理衛中刑名如列衛兼管軍

匠王所二十年以治錦衣衛者多非法陵虐乃焚刑具出繫

囚送刑部審錄詔內外獄咸歸三法司罷錦衣獄成祖時

復置尋增北鎮撫司專治詔獄而以舊所設為南鎮撫司

諸衛親軍皆以番直宿衛執戈戟嚴巡警監門禁而錦衣

所掌者乃鹵簿儀仗之事旗手所司者乃旗纛金鼓之物

諸衛皆統軍卒而錦衣獨領校尉力士即周之旅賁虎賁

也諸軍皆世卒而府軍獨簽幼軍即漢之六郡良家子也

諸衛正卒一惟其世獨錦衣之任則不必世而以能御座

則夾陛而立御輦則扶輦以行出警而入蹕承旨而傳宣

皆在所司而詔獄所寄則尤重

錦衣典親軍其後寄以詞察之柄體勢日隆然本非尊官

也故雖紀綱門達遂臬之橫肆而綱達不過都指揮僉事

臬僅指揮同知而已袁彬自都指揮出僉都督府方晉橫

玉正德初高得材緣從父鳳柄司禮傳升右都督終以非

明會要卷四十二

八

例於五府帶俸錢甯繼踵雖貴盛之極而意猶歉然請以

都指揮理事至於陸炳加公孤朱希孝太保兼宮傳而寵

斯極矣已上

留守衛元左右

明初置都鎮撫司總領禁衛隸都督府洪武三年改為留

守衛指揮使司後升為留守都衛八年復為留守衛十一

年改留守中衛增置留守左右前後四衛專司巡察守衛

隸都督府者三十有三留守左衛鎮南衛驍騎右衛龍虎

衛潘陽左衛潘陽右衛隸左留守右衛武德衛虎賁右衛

留守中衛神策衛應天衛和陽衛隸中留守前衛龍

驤衛豹韜衛隸前軍留守後衛鷹揚衛興武衛會州衛富峪衛寬和衛神武左衛大甯中衛大甯前衛忠義右衛忠義前衛忠義後衛義勇右衛義勇前衛義勇後衛武城中衛蔚州左衛隸後軍

非親軍而不隸都督府者十有五武功中衛武功右衛隸工部永清左衛永清右衛彭城衛長陵衛獻陵衛景陵衛

裕陵衛茂陵衛泰陵衛康陵衛永陵衛昭陵衛已上職官志

洪武中設錦衣等上十二衛以衛宮禁留守等四十八衛

以衛京城上十二衛為親軍指揮使司番直宿衛不隸於

都督府永樂中設五府各衛於北京改前北平三衛為金

明會要卷四十二

九

吾左右衛為羽林前衛改北平都司為燕山左右衛為濟

陽通州衛是為上十衛與騰驤左右衛武驤左右衛四衛

亦得名親軍其武功中左右衛以匠役隸工部諸陵設衛

不隸都督府亦不稱親軍凡親軍衛得直達兵部其餘衛

分流官世官土官襲替優給優養所衛都司上之府引奏

送兵部錄

景泰中給事中張甯言京衛帶俸武職一衛至二千餘人

通計三萬餘員歲需銀四十八萬米三十六萬並他折俸

物動經百萬耗損國儲莫甚於此而其間多老弱不嫻騎

射之人莫若簡可者補天下都司衛所缺而悉汰其餘議

格不行張甯傳

南京武職

南京五軍都督府分掌南京衛所以達於南京兵部

南京衛指揮使司凡四十有九分隸五都督府者三十有

二留守左衛鎮南衛水軍左衛驍騎右衛龍虎衛龍虎左

衛英武衛龍江右衛瀋陽左衛瀋陽右衛隸左留守右衛

虎賁右衛水軍右衛武德衛廣武衛隸右留守中衛神策

衛廣洋衛廣天衛和陽衛及牧馬千戶所隸中留守前衛

龍江左衛龍驤衛飛熊衛天策衛豹韜衛豹韜左衛隸前

留守後衛橫海衛鷹揚衛興武衛江陰衛隸後親軍指揮

使司十有七金吾前衛金吾後衛金吾左衛金吾右衛羽

明會要卷四十二

十

林左衛羽林右衛羽林前衛府軍衛府軍左衛府軍右衛

府軍後衛虎賁左衛錦衣衛旗手衛江淮衛濟川衛孝陵

衛與左府所屬十衛右府所屬五衛前府所屬七衛後府

所屬五衛並聽中府節制已上職官志

永樂北遷命中府掌事官守備南京節制在南諸衛所志

洪熙元年命中官鄭和領下番官軍守備南京於內則與

內官王景宏等協同管事遇外有事則與襄城伯李隆等

商議施行編

景泰間增設同守備官

萬曆三十一年添設南中軍標營選大教場卒千餘設中軍參將統練兵志

王府護衛元內史府典軍司

明初諸王府置護軍府洪武三年置儀衛司五年置親王護衛指揮使司每王府設三護衛衛設左右前後中五所九年罷護軍府職官志

十年正月以羽林等衛軍益秦晉燕三府護衛各二千二百餘人編三

三編發明曰初秦晉燕三府護衛各一千數百人葉伯巨已謂優以甲兵衛士之盛恐數世之後尾大不掉宜

明會要卷四十二

十一

及其未之國之先滅其兵衛云云矣太祖既不用其言又從而加益之蓋以是三府者皆臨邊阨塞欲厚其勢以捍外侮耳於是晉燕二王尤被重寄數命統兵出塞大將皆受節制而怙寵憑強燕藩卒挾以構逆不可謂燕貽之善也

建文元年八月詔削甯王權三護衛

永樂元年六月革代王桂三護衛及其官屬

四年四月削齊王榑官屬護衛

六年正月削岷王榘護衛

十年削遼王植護衛已上諸王傳

十四年十一月削漢王高煦二護衛本紀

洪熙元年趙王高燧辭常山左右二護衛宣德二年請還常山中護衛及羣牧所儀衛司官校帝命收其所還護衛而與儀衛司

宣德初韓王松請蠲護衛屯租建邸第許之

七年肅王瞻炤上二護衛

天順初革甯王奠培護衛正德二年奠培孫宸濠賄劉瑾請復護衛許之

正德五年詔削慶王台滋護衛已上諸王傳

九年甯王宸濠求復護衛給事中徐文溥諫曰曩因甯藩不靖英廟革其護衛逆瑾亂政重賄謀復瑾既伏誅陛下

明會要卷四十二

十一

又革之正欲制以義而安全之耳乃日驅使乏人夫晏居深遂靡征討之勞安享尊榮無居守之責何所用而乏人且暴行大彰及今止之猶恐不逮顧可縱之加恣假翼於虎乎疏入不聽徐文溥傳

總兵官

凡天下要害處所專設官統兵鎮戍其總鎮一方者為鎮守獨鎮一路者為分守各守一城一堡者為守備與主將同守一城者為協守又有提督提調巡視備禦領班備倭等名凡總兵副總兵率以公侯伯都督充之宣德間設山

西陝西二總兵嘉靖間分設廣東廣西貴州湖廣二總兵為四改設福建保定副總兵為總兵又添設浙江總兵萬厯間又增設於臨洮山海天啟間增設登萊至崇禎益紛不可紀職官志王圻考

明初武事俱寄之都指揮使司後設總兵事權最重先是公侯伯專征者皆列尚書上自建總督後總兵稟奉約束即世爵俱不免庭趨其後漸以流官充總鎮秩位益卑當督撫到任之初兜鑿執仗叩首而出繼易冠帶肅謁乃加禮貌焉嘉靖中即周尙文位三公萬厯間李成梁躋五等亦循此規不敢踰也野獲編

明史卷四十二

三

洪武二年十月設總兵官大政記

四年費聚副安陸侯吳復為總兵十八年命為總兵官

七年海上有警吳禎復充總兵官

二十年命藍玉行總兵官事

建文二年命李景隆為平燕將軍充總兵官陳暉平安為

左右副總兵馬溥徐真為左右參將

成祖即位命何福佩征虜將軍印充總兵官

永樂元年鄭亨充總兵官備宣府

二年王友充總兵官沿海備倭

四年李彬充總兵官備倭海上

七年命邱福佩征虜大將軍印充總兵官王聰霍親為左右副將王忠李安為左右參將已上見各本傳霍親舊作火真

洪熙元年二月辛丑頒將軍印於諸邊將初鎮守邊將有佩將軍印者多係特命謂之挂印將軍至是始頒各鎮將軍印總兵六人雲南黔國公沐晟征南將軍大同武安侯鄭亨征西前將軍廣西鎮遠侯顧興祖征蠻將軍遼東武進伯朱榮征虜前將軍宣府都督譚廣鎮朔將軍甘肅都督費瓛平羌將軍參將四人交趾榮昌伯陳智都督方正征夷副將軍甯夏保定伯梁銘都督陳懷征西將軍後設薊州淮安總兵皆在畿內不得挂印稱將軍昭代典則系之正月本紀

明史卷四十二

古

二月辛丑茲據之

成化中周璽以右副總兵分守代州兼督偏頭諸關璽以偏頭去太原遠請改分守為鎮守又以鎮守不當聽節制乞易總兵銜從之劉備傳

正德四年固原總兵官曹雄上言故事布按二司及兵備道臣文移達總兵官者率由都司轉達今邊務亟徵調不時都司遠在會城往返千里恐誤軍機乞如巡撫大同例徑呈總兵官便兵部覆如其言既復受劉瑾屬奏雄鎮守未佩印宜如各邊例特賜印以重其權乃進雄署都督同知以延綏總兵官吳江所佩征西將軍印佩之而別鑄靖

虜將軍印子江曹雄傳

十一年尙書王瓊奏陝西延綏甯夏甘肅三邊先年各設總兵官一員其陝西省城並固原地方原無設立宏治十四年邊賊入寇暫設副總兵一員於固原駐劄不久裁革以後或留或革或兩員並設事體不一近年將副總兵趙文暫移河州駐劄原議邊寇甯息另行定奪見今趙文升充總兵官專一固原駐劄鄭卿升副總兵仍在河州今戶部署郎中馬應龍奏稱鄭卿在彼罔恤軍民疾苦窮極剝削等情合無將鄭卿革回原衛帶俸其原任協守副總兵員缺不必推補疏入從之明臣奏議

明彙卷四十二

五

時倭亂未靖漕運總督王廷建議以江南屬鎮守總兵官專駐吳淞江北屬分守副總兵專駐狼山遂爲定制王廷傳嘉靖時仇鸞奏革薊州總兵官李鳳鳴大同總兵官徐珏任而薦京營副將成勳代鳳鳴密雲副將徐仁代珏旨從中下兵部侍郎王邦瑞言朝廷易置將帥必采之公卿斷自宸衷所以慎防杜漸示臣下不敢專也且京營大將與列鎮不相統攝何緣京營乃黜陟各鎮今曲徇鸞請臣恐九邊將帥悉奔走託附非國之福也帝不悅下旨譙讓邦瑞傳三十七年巡撫都御史李遂奏淮揚地方濱臨江海而狼

山一帶尤爲適中要害地請添設副總兵一員駐劄通州操練兵馬有警移駐狼山與金山副總兵彼此會哨出洋夾攻其通州參將移駐鹽城鹽城把總移駐大河口各赴改擬地方就便行事疏入從之明臣奏議

四十一年三月從總督浙直胡宗憲請於南贛設副總兵官以吉安守備屬之於建昌撫州設參將以鉛山守備屬之復設游擊於南昌省城而以鄱陽守備改爲參將令專練舟師控制九江編三

四十二年福建巡撫譚綸奏請以戚繼光充總兵官鎮守福興九郡一州其三路參將悉改爲守備卽以繼光部下

明彙卷四十二

六

偏裨曉暢兵事屢立戰功者充補同四十五年九月給事中歐陽一敬言廣西總兵官原以流官都督爲之後改用勳臣與提督同駐梧州重爲地方煩擾今宜召恭順侯吳繼爵還京仍選用流官移鎮廣西會城部議請設兩廣總兵官以俞大猷鎮廣西湯克寬鎮廣東東紀通隆慶元年奏准遼東總兵宜以隆冬之時移鎮遼陽以援海疆瀋陽冰解回軍廣甯以防土蠻二年兵部覆奏甯波旣設海道副使兵備事可以兼攝其紹興兵備可省令甯紹台分守參議移駐紹興台州兵備

僉事兼分巡三府至於甯紹台參將各防禦信地仍聽總兵官居中調理上從之已上王

是年五月以戚繼光總理薊州昌平保定三鎮練兵事至

鎮上疏言臣官為勅設諸將視為綴疣安從展布下兵部

議薊鎮既有總兵又設總理事權分諸將多觀望宜召還

總兵郭琥專任繼光從之乃命繼光以總兵鎮守薊州永

平山海諸處繼光傳

先是陝西止設四鎮萬厯中西甯多警增設臨洮總兵官

遂為五鎮李懷信傳

崇禎元年袁崇煥督師薊遼欲更置大將上言臣昔為巡

明會要卷四十二

七

撫定議關外止設一總兵其時魏忠賢竊柄崔呈秀欲用

其私黨增設三四人以致權勢相衡臂指不運乃止留甯

遠及前鋒二人而臂指之不運猶故也臣以為甯遠一路

斷宜併歸前鋒總兵駐關內者挂平遼將軍印轄山石二

路而以前屯隸之駐關外者挂征遼將軍印轄甯遠一路

而以錦州隸之何可綱傳

十一年二月河南巡按御史張任學見羣盜縱橫自請易

武階為國平賊上壯之下吏兵二部及都察院議僉以文

吏無改武職者請仍以監軍御史兼總兵事上不從命署

都督僉事為河南總兵官任學傳

十五年禮部侍郎蔣德璟言祖制三協止一督一撫一總兵今增二督三撫六總兵又設副將數十人權不統一何由制勝德璟傳

大將軍

明將鎮守各邊挂印稱將軍其在薊州淮安鎮守漕運總兵以畿內故不得挂印稱將軍有大征討遣總兵則挂平賊將軍平胡將軍平虜將軍征夷將軍征虜將軍討賊將軍或大將軍或前將軍副將軍印行事事已納印王圻考明初命徐達為大將軍授節鉞訖出勒所部建牙鳴鼓角正行列擊節鉞鼓吹前導百官以次送其時大將軍任重

明會要卷四十二

六

職專儀亦極盛他如常遇春等不過稱副將軍焉後成國

公朱能征安南亦為大將軍凡有大征討率以五府都督

及公侯伯充大將軍續通典文彬按太祖本紀拜大將軍

景隆耿炳文而通典止載朱能於永樂四年七月為征

夷將軍十月卒證之成祖紀及能本傳皆未稱大將軍

征虜大將軍 徐達吳元年洪武三年 馮勝二十 藍

玉上 耿炳文建文元年 李景隆同上 邱福永樂七年以

鎮朔大將軍 薛祿洪熙元年三月 顧興祖十一月 楊洪景泰元年

石亨同 朱永成化十年 靖虜大將軍 朱暉宏治十三年

平虜大將軍 柳溥天順初見本傳 杭雄嘉靖三年 仇

征虜將軍	湯和	洪武十年	傅友德	二十四年	楊文	三十年
平燕將軍	盛庸	建文二年	任禮	正統二年		
鎮朔將軍	譚廣	洪熙元年	周玉	成化五年	莊鑑	宏治元年
征夷將軍	朱能	永樂四年	張輔	同	沐晟	五年
	王通	宣德元年	顏彪	天順五年	李瑾	成化三年
征西將軍	湯和	洪武十年	馮勝	五年	鄧愈	十五年
靖海將軍	郭英	洪武十年	沐英	十一年		
征成將軍	鄧愈	洪武元年				
征南將軍	湯和	洪武元年	胡廷瑞	同上	傅友德	吳元年
	廖永忠	洪武元年	周德興	三年	鄧愈	五年
	楊文	洪武八年	顧成	二十年	韓觀	永樂元年
	沐昂	洪武四年	陳懋	正統三年		
	耿炳文	洪武三年	梁銘	洪熙元年		
	丁鈺	洪武十年	何福	二十四年	李景隆	二十七年
	齊讓	洪武三十年	宋晟	成祖初	費瓛	洪熙元年
					陳懋	英宗初

平蠻將軍	蔣貴	正統六年	宮聚	十三年	王驥	十四年
平夷將軍	石彪	天順二年	余大猷	嘉靖		
平胡將軍	朱永	成化二年	王越	十六年		
平虜將軍	楊信	成化二年	朱永	六年	趙輔	八年
靖虜將軍	朱永	成化十五年	陳銳	宏治十年		
平賊將軍	時源	正德七年				
征蠻將軍	王瑾	嘉靖初	歐信	天順		
前將軍						
征虜前將軍	傅友德	洪武二十四年	沐春	三十年	朱榮	洪熙
征西前將軍	鄭亨	洪熙				
前將軍	宋琥	永樂八年				
征虜副將軍	常遇春	吳元年	李文忠	馮勝	湯和	鄧愈
左副將軍	李文忠	五年	湯和	傅友德	十四年	周德興
	傅友德	藍玉	二十年	唐勝	宗	郭英
	李堅	甯忠	建文元年	王聰	霍親	永樂七年
						張輔

柳升 <small>宣德元年</small>	征南副將軍 吳禎何文輝廖永忠 <small>皆吳元年</small> 朱亮祖 <small>洪武元年</small>	周德興吳良 <small>五年</small> 藍玉沐英 <small>十四年</small> 沐英陳桓 <small>二十年</small>	韓觀宋晟 <small>二十年</small>	征西副將軍 周德興廖永忠 <small>洪武四年</small> 沐英 <small>十年</small> 郭英 <small>十三年</small>	平燕副將軍 陳暉平安 <small>建文二年</small>	征夷副將軍 左右副將軍沐晟張輔 <small>永樂四年</small> 韓觀 <small>九年</small>	仇鸞 <small>嘉靖十年</small> 柳珣 <small>十九年</small>	平羌副將軍 蔣貴趙安 <small>正統二年</small>	明會要卷四十二	平蠻副將軍 李安劉聚 <small>正統六年</small>	平虜副將軍 劉玉 <small>成化四年</small>	威武副將軍 朱泰 <small>正德十四年</small>	偏將軍	李文忠 <small>洪武二年以偏將軍從右副將軍常遇春出塞</small>	湯和 <small>洪武元年拜偏將軍從大將軍西征</small>	王志 <small>洪武中用兵西南皆以偏將軍從</small>	列將軍	游擊將軍 <small>總兵以下官</small>	佐擊將軍 <small>唯京營有之</small>
------------------------	--	---	-------------------------	---	--------------------------------	--	--	--------------------------------	---------	--------------------------------	------------------------------	-------------------------------	-----	---------------------------------------	----------------------------------	---------------------------------	-----	---------------------------	---------------------------

驃騎將軍 <small>永樂中薛祿莫祿中顧成朱榮等</small>	神機將軍 <small>永樂八年侯</small>	鷹揚將軍 <small>永樂八年</small>	輕車將軍 <small>永樂八年</small>	大漢將軍 <small>李從官屬</small>	紅盔將軍 <small>永樂中置</small>	明甲將軍 <small>同上</small>	其他金吾龍虎及鎮國定國奉國昭勇昭毅昭武懷遠定遠明威宣威廣威宣武顯武信武武德武節武略武毅各將軍皆武臣散階無所職掌 <small>通典</small>	明會要卷四十二	留守司 <small>元上都</small>	洪武十四年九月丁酉置中都留守司統鳳陽等八衛防護皇陵設留守一人左右副留守各一人嘉靖十八年改	荆州左衛為顯陵衛置興都留守司統顯陵承天二衛防護顯陵設官如中都 <small>職官志</small>	都指揮使司 <small>元宣慰司</small>	洪武三年升杭州江西燕山青州四衛為都指揮使司以徐司馬濮英為都指揮使復置河南西安太原武昌四都指揮使司都司之名自此始 <small>明史</small>	初太祖置各都衛指揮使司節制方面八年詔改為都指
-----------------------------------	---------------------------	--------------------------	--------------------------	--------------------------	--------------------------	------------------------	---	---------	------------------------	--	---	---------------------------	---	------------------------

揮使司凡都司十有三北平陝西山西浙江江西山東廣
川福建湖廣廣東廣西遼東河南行都司三西安大同建
甯三

九年命都督府擇公侯都督及各衛指揮嫡長次子才可
試用者爲散騎參侍舍人隸都督府佩弓刀充宿衛或署
各衛所司聽省府臺部差遣才品超卓者不次用之史

十五年置貴州雲南二都指揮使司

二十年九月置大甯都指揮使司明年改爲北平行都司
已上三編

二十二年二月壬戌禁武臣預民事初上置軍衛以武臣

明會要卷四十二

軍

統領所部兵馬除軍民詞訟事重者許會問外其餘不得
干預時有廣西都指揮耿良造譙樓令有司起發科斂兵
丁財物青州衛造軍器亦擅斂民財上聞之詔申明禁例
凡在外都司衛所遇有造作千戶所移之衛衛達指揮司
司達五軍都督府奏准方許之其物料並自官給毋得擅
取於民間詞訟雖事涉軍務者均歸有司申理毋得干
預並著爲令昭代典則

二十五年十二月丙子命各都指揮使以兵馬糧儲之數

及關隘衝要山川險易道里遠近悉繪圖以聞大政記

三十年定武官軍役之制指揮同知僉事四千戶三百戶

鎮撫二皆取正軍三日一番上下直歸伍操練衛所直廳
六守門二守監四守庫一皆老軍充役歲一更兵志

永樂元年三月改北平行都司爲大甯都司徒保定三編

計天下都司凡十有六十三省都司外有遼東大甯萬全

三都司行都司凡五陝西山西福建四川湖廣職官志

宣德八年五月禁各都司泛濫差遣大政記

正德二年總制三邊楊一清奏參將分疆畫地各守一隅

所謂守將游擊隨敵聲勢往來策應所謂戰將二者未有

不相通而目前之用則先其所急竊見分守延綏東路右

參將時源慣經戰陣驍勇著聞今分守一方雖未嘗廢事

明會要卷四十二

兵

使當游擊之任衝鋒破敵是其所長延綏游擊將軍戴欽
才識疏通曉暢邊情今爲游擊非無可取若居分守其所
建立必有過人况延綏慣戰精銳之兵東西應援必得驍
將領之而神木孤山一帶營堡密邇河套敵人畏冬首先
窺伺分守得人有不戰自屈之勢乞將時源改充游擊將
軍戴欽改任分守參將易地而居各當其才戰守之寄兩
有所託明臣奏議

衛指揮使司所附元諸路有萬戶所

外衛各統於都司行都司或留守司率世官或有流官設

官如京衛凡襲替升授優給優養報都指揮使司達所隸

都督府移兵部每歲撫按察其賢否五歲一考選軍政廢置之

洪武七年八月申定衛所之制先是內外衛所凡一衛統十千戶一千戶統十百戶百戶領總旗二總旗領小旗五小旗領軍十至是重定其制每衛設前後中左右五千戶所大率以五千六百人為一衛一千一百二十人為一千戶所一百一十二人為一百戶所每百戶所設總旗二人小旗十人

二十年命衛所各立掌印僉書專職理事

二十三年設軍民指揮使司軍民千戶所計天下內外衛

明史卷四十二

兵

凡五百四十有七所凡二千五百九十有三自衛指揮以下其官多世襲其軍士亦父子相繼為一代定制已上職官志

宣德五年從平江伯陳瑄言以衛官職漕運東南之卒由是困兵志

土官元宣慰司多在內地其在遠服則有招討安撫宣撫等使

洪武七年西南諸蠻夷朝貢多因元官授之稍與約束定征徭差發之法漸為宣慰司者十一為招討司者一為宣撫司者十為安撫司者十九為長官司者百七十有三其府州縣佐貳屬官或土或流皆因其俗使之又有番夷都指揮使司三衛指揮使司三百八十五宣慰司三招討司

六萬戶府四千戶所四十一站七地面七寨一並以附寨番夷官其地職官志

永樂二年十月己巳製信符金字紅牌給雲南諸夷其各土司設經歷都事吏目掌文書大政記

宣德二年帝以所授諸司宜有等殺兵部議以四百戶以上者設長官司四百戶以下者設蠻夷官司元土官子孫

量授以職從所招官司管屬皆從之令三年一朝貢如故事土司傳

土官升府部大臣

洪武土官宣慰使鄭彥文升工部左侍郎永樂交州府知府阮均為刑部左侍郎建昌府知府同

明史卷四十二

兵

彥翔演州府同知黎思凱為刑部右侍郎景泰時廣西都指揮同知黃瑛為前軍都督府同知夢餘錄

雲南諸司吏舊不得給由父滿子代宏治初巡按御史劉丙請如例考入官流戍僉發必經兵部多淹延至死丙請

屬之撫按土官無後者請錄其弟姪勿令妻妾冒冠服俱著為例劉丙傳

宏治二年十月令土官先報應襲子弟守臣審覈書冊大政記

四年雲南布政使韓文以土官襲代旁支賄奪土吏滿兩

考者例不赴京於境內轉相參補於是釐正宿弊始立定

法奏行之明政統宗

十七年正月貴州撫臣劉洪乞賜土官漢姓帝命隨土俗所稱不必徧賜大政記

廣西土官承襲長吏率要賄不時奏以故諸酋怨叛太平

知府胡世甯令生子即聞府應世及者年十歲以上朔望

謁府父兄有故按籍請官於朝土官大悅胡世甯傳

嘉靖九年以土司府州縣等官隸驗封宣慰等官隸武選

隸驗封者布政司領之隸武選者都指揮領之土司傳

貴州土官以百數水西安氏最大而土地戶口貢賦之數

無籍可稽巡按御史楊鶴乃檄宣慰安位盡著之籍并首

明會要卷四十二

考

領目把主名承襲源委悉列上有司自是簿牒始明奸弊

易覈楊鶴傳

明會要卷四十二終

明會要卷四十三

永新龍文彬纂

職官十五

封爵

封功臣

明初開基曠然復古凡熊羆之宿將帷幄之謀臣生著號而歿襲封茅土之頒殆逾百數馴及季年黨獄蔓延剗削芟殊存者不及三四然觀鐵榜所列訓誡之辭則河山之誓白馬之盟初意固不其然高危滿溢亦其自取焉乃若文皇差靖難之勞英宗懋奪門之賞跡參佐命籍次元功

明會要卷四十三

一

以視開國諸臣亦曷可同年而語乎世宗中葉開冊府之舊藏脩繼絕之隆典於是鄂曹衛信之裔復列徹侯延其世緒天下翕然歸厚雖宋穎韓淇終於勦絕而其推誠宣力名載丹書者奔葉貂蟬保守祿位典宿衛領京營鎮陪京督漕運寄隆方岳階晉公孤家分典瑞之榮朝無耐金之罰較西京世胄殆將過之功臣表

明史職官志封爵止有公侯伯三等考列傳載李貞隴西王由恩親侯追封徐達中山王常遇春開平王李文忠岐陽王鄧愈甯河王湯和東甌王沐英黔甯王沐晟定遠王張玉河間王張輔定興王朱能東平王朱永宣平王朱勇

平陰王皆卒後追封及張懋甯陽王朱希忠定襄王以恩
舊追封而功臣世表又有盱眙縣子王德清羅山縣子王
鳳顯定遠縣子姜潤梁縣子石明合肥縣子王德懷遠縣
子常德勝舍山縣子丁宇廬江縣子汪澤巢縣子陳冲定
遠縣子王喜仙汝陽縣子遠德山宣遠縣子裴軫等十二
人當塗縣男王愷丹陽縣男孫炎合肥縣男徐明五河縣
男王理彭城縣男王仁定遠縣男史德勝萬春縣男常惟
德舍山縣男曹信虹縣男鄭興隋縣男羅世榮等十人皆
從征死事者係明初追封洪武後不概見故史所載封爵
止有公侯伯三等

明史卷四十三

二

洪武三年十一月丙申大封功臣命大都督府兵部錄上
諸將功績吏部定勳爵戶部備賞物禮部定禮儀翰林院
撰制誥遂頒爵行賞封公者六人進李善長為韓國公徐
達為魏國公常遇春子茂為鄭國公李文忠曹國公鄧愈
衛國公馮勝宋國公侯者二十八人湯和中山侯唐勝宗
延安侯陸仲亨吉安侯周德興江夏侯華雲龍淮安侯顧
時濟甯侯耿炳文長興侯陳德臨江侯郭子興鞏昌侯王
志六安侯鄭遇春榮陽侯費聚平涼侯吳良江陰侯吳禎
靖海侯趙庸南雄侯廖永忠德慶侯俞通源南安侯華高
廣德侯楊璟營陽侯康茂才子鐸蘄春侯朱亮祖永嘉侯

傅友德穎川侯胡美豫章侯韓政東平侯黃彬宜春侯曹
良臣宣甯侯梅思祖汝南侯陸聚河南侯並賜誥命鐵券
明日諸臣入謝帝謂善長雖無汗馬勞然事朕久給軍食
功甚大徐達征討四方摧堅撫順勞勩居多此二人者已
列公爵宜進封大國以示褒嘉餘悉據功定封至公無私
若有不稱卿等宜廷論之無有後言已又封汪廣洋忠勤
伯劉基誠意伯洪武聖政記

明史卷四十三

三

五年六月作鐵榜戒功臣臚目凡九論之曰朕起布衣賴
股肱宣力平定天下既已論功封賞傳及子孫共享太平
尚慮公侯家奴僕倚勢驕恣冒犯國典今以鐵榜申明律
令卿等各宜謹守其身嚴訓於家以稱朕始終保全之意
昭代典則
十二年十二月封征西功臣藍玉永昌侯王弼定遠侯張
龍鳳翔侯吳復安陸侯謝成永平侯張溫會甯侯曹興懷
遠侯周武雄武侯金朝興宣德侯仇成安慶侯葉昇靖甯
侯曹震景川侯明政統宗
二十六年三月頒示稽制錄於功臣上即位以來封賚功
臣稽考前代典禮凡封爵祿食禮儀等差皆因時損益然
諸功臣多武人不學往往恃功驕恣或任情廢法及藍玉
以罪誅籍其家服舍器用僭侈踰制因詔儒臣稽考漢唐

宋功臣封爵食邑之多寡及名號虛實之等第編緝成書御製序文頒示使之朝夕省覽以過其僭侈之萌昭代典則

成祖即位論靖難功封邱福淇國公朱能成國公張武成

陽侯陳珪泰甯侯鄭亨武安侯孟善保定侯火真同安侯

顧成鎮遠侯王忠靖安侯王聰武城侯徐忠永康侯張信

隆平侯李遠安平侯郭亮成安侯房寬思恩侯徐祥興安

伯徐理武康伯李濬襄城伯張輔信安伯唐雲新昌伯譚

忠新甯伯孫巖應城伯房勝富昌伯趙彝忻城伯陳旭雲

陽伯劉才廣恩伯追封張玉榮國公譚淵崇安侯陳亨涇

國公王真金鄉侯又以款附封王甯永春侯茹瑞忠誠伯

明會要卷四十三

四

王佐順昌伯陳瑄平江伯明政統宗

天順元年錄奪門功封石亨忠國公張軌太平侯張觀文

安伯楊善興濟伯進徐有貞兵部尚書有貞意未愜數請

於亨曰願得冠側注從兄後亨入言之尋封武功伯三編

宏治中西平裔孫當襲侯守臣爭之謂滇人知有黔國公

不知西平侯也孝宗以爲然許之自是遂以公爵佩印爲

故事介山集

世宗在興邸深知王守仁平宸濠功甫即位趨召入朝受

封大學士楊廷和以王瓊故銜之廷臣亦多忌其功乃託

言國喪未畢不宜錫宴行賞因拜守仁南京兵部尚書已

論功封新建伯然不予鐵券歲祿亦不給至隆慶初廷臣多頌其功詔贈新建侯王守仁傳

封外戚

明太祖立國家法嚴史臣稱后妃居宮中不預一髮之政

外戚循理謹度無敢恃寵以病民漢唐以來所不及詒謀

既遠宗社奠安而椒房貴戚亦藉以保福慶逮子孫所全

不已多乎惟英宗時會昌侯孫繼宗以奪門功參議國是

自茲以下其賢者類多謹身奉法謙謙有儒者風而一二

怙恩負乘之徒所好不過田宅狗馬音樂所狎不過俳優

伎妾非有軍國之權賓客朋黨之勢而在廷諸臣好爲危

不明會要卷四十三

五

言激論汰如壽甯兄弟庸鴛如鄭國泰已逐影尋聲抨擊

不遺餘力故有明一代外戚最爲孱弱然而惠安新樂舉

家殉國嗚呼卓矣外戚傳序

洪武二年追封陳公高皇后父揚王媼王夫人馬公高皇后父

名逸其徐王媼王夫人外戚傳

初太祖欲訪后族官之后謝曰爵祿私外家非法力辭而

止

徐皇后弟增壽常以國情輸之燕爲惠帝所誅成祖即位

欲贈爵后力言不可帝不聽竟封定國公命其子景昌襲

乃以告后后曰非妾志也終弗謝已上后妃傳

宏治二年封錢承宗安昌伯世襲容皇后從孫也集外

初憲宗優生母外家周氏而薄錢氏故后家不獲封至是

承宗祖母援憲宗外家王氏例請封乃有是命文彬按明

戚承宗於成化十五年封安昌伯春明夢餘錄亦同然外

戚傳明云憲宗薄錢氏故后家不獲封詠化類編云成化

十五年錢雄卒子承宗幼陞錦衣指揮宏治二年比王源

乞恩封安昌伯與世券明史稿弁山集皆同且傳云比憲

宗外家王氏例請封而王源於成化二十年封瑞安伯則

承宗之未受封於成化時昭然無疑況以上尊號附葬二

事觀之憲宗於錢后尚如此何有於承宗表或沿夢餘錄之謬也

明會典卷四十三

六

王恕 五年三月復進巒為侯表外戚

十八年長甯伯周或求為侯吏部言封爵出自朝廷無請

乞者乃止外戚傳

嘉靖二年進壽甯侯張鶴齡為昌國公陳萬言為泰和伯

吏部尚書喬宇等言累朝皇太后戚屬無生前封公者且

昌國公乃鶴齡父張巒歿後所贈今奈何以父贈為子封

萬言封伯比巒更驟非制願陛下守典章以垂萬世喬宇

給事中張原亦言祿以報德爵以賞功天地之常經祖宗

之定制不可易也陛下當以爵祿為公天下之具以待天

下有才德之人不宜私恩外家以墮祖宗法制俱不聽明政

宗統 四年安昌伯錢承宗卒子維圻嗣尋卒承宗母請以庶長

子維垣嗣世宗以外戚世封非祖制下廷臣議八年十月

上議曰祖宗之制非軍功不封洪熙時都督張景封彭城

伯弟昇亦封惠安伯外戚之封自此始循習至今有一門

數貴者歲糜厚祿踰分非法臣等謹議魏定二公雖係戚

里實佐命元勳彭城惠安二伯以恩澤封而軍功參半其

餘外戚恩封母得請襲有出特恩一時寵錫者量授指揮

千百戶之職終其身制曰可外戚傳

六年昌化伯邵蕙卒無子帝令蕙弟萱嗣蕙姪錦衣指揮

千戶茂言蕙非嫡派不當襲蕙母爭之議久不決大學士

明會典卷四十三

七

張璉等言邵氏子孫已絕今其爭者皆旁支不宜嗣時帝

必欲為太后弟喜立後乃以喜兄安之孫杰為昌化伯明

年明倫大典成命武定侯郭勛頒賜賚晚弗及杰杰自請

之帝詰勛勛怒錄邵氏爭襲章奏許杰實他姓請覆勘會

給事中陸燾論大學士桂萼受杰賂使奴隸冒封爵帝怒

下燾獄而盡革外戚封杰亦奪襲上同

繼絕世

宏治六年帝以太廟配享功臣追封王者六人而其子孫

不替爵者惟中山黔甯二王裔餘皆凌夷與編氓伍令吏

下燾獄而盡革外戚封杰亦奪襲上同

部訪以聞乃得常遇春元孫復李文忠元孫璿鄧愈五世孫炳湯和六世孫紹忠皆命襲指揮使奉先祀編三

嘉靖十一年刑部主事李瑜言劉基翊運之功宜配享龔

封與徐達並部議以贊畫帷幄基功實多太祖召諭再三

許以世襲載在國史願興亡繼絕上允其議封基九世孫

瑜為誠意伯併詔求常遇春李文忠湯和鄧愈後皆許傳

龔紀通

吏部尚書王瓊言常遇春李文忠湯和鄧愈子孫奉命傳

襲封侯例有爵號惟皇上裁示上命封遇春八世孫振為

懷遠侯文忠七世孫性為臨淮侯愈六世孫繼坤為定遠

明會要卷四十三

八

侯和六世孫紹忠為靈壁侯於是開平岐陽甯河東甌四

王復延世緒宗統

封降夷

洪武二十年封元降將納克楚海西侯尋卒子察罕改封

瀋陽侯馮勝傳

李賢初名丑驢洪武二十一年來歸仁宗封忠勤伯薛斌傳

下皆降後賜姓名

霍親初名火里火真洪武時歸附成祖初封同安侯邱福傳

吳允誠初名巴圖特穆爾永樂三年來歸封恭順伯本傳

薛斌初名脫懽永樂十八年封永順伯本傳

薛貴初名脫火赤永樂二年封安順伯薛斌傳

金忠蒙古王子名額森托噶永樂二十一年以其部屬來

降封為忠勇王本傳額森托噶舊作也先上下

吳成初名買驢宣宗初封清平伯本傳

李英宣德二年封會甯伯本傳

金順宣德四年封順義伯吳成傳

蔣信初名伯把台正統中封忠勇伯金忠傳

毛勝景泰中封甯甯伯本傳

焦禮天順初封東甯伯本傳

毛忠成化三年封伏羌伯本傳

明會要卷四十三

九

羅秉忠初名阿魯哥失里成化四年封順義伯本傳

和勇成化五年封靖安伯本傳

封佞幸

正德中封義子朱泰本姓 永定伯朱德永壽伯朱彬本姓

平虜伯彬弟泰安邊伯

嘉靖中封方士陶仲文恭誠伯已上恩澤侯表

封宦官子弟

天順元年封內臣曹吉祥養子欽昭武伯

正德中封內臣張永弟富泰安伯富弟容安定伯馬永成

兄山平涼伯魏彬弟英鎮安伯谷大用兄大寬高平伯大

亮永清伯陸閻弟永鎮平伯

天啟中封內臣魏忠賢從子良卿甯國公良棟東安侯從

孫鵬翼安平伯已上恩澤侯表

勳階

文勳十散階四十有二

正一品左右柱國 特進榮祿大夫 特進光祿大夫

從一品柱國 榮祿大夫 光祿大夫

正二品正治上卿 資善大夫 資政大夫 資德大

夫

從二品正治卿 中奉大夫 通奉大夫 正奉大夫

明倫彙編

十一

正三品資治尹 嘉議大夫 通議大夫 正議大夫

從三品資治少尹 亞中大夫 中大夫 大中大夫

正四品贊治尹 中順大夫 中憲大夫 中議大夫

從四品贊治少尹 朝列大夫 朝議大夫 朝請大

夫

正五品修正庶尹 奉議大夫 奉政大夫

從五品協正庶尹 奉訓大夫 奉直大夫

正六品 承直郎 承德郎

從六品 承務郎 儒林郎 吏出身授宣德郎

正七品 承事郎 文林郎 吏出身授宣議郎

從七品 從仕郎 徵仕郎

正八品 迪功郎 修職郎

從八品 迪功佐郎 修職佐郎

正九品 將仕郎 登仕郎

從九品 將仕佐郎 登仕佐郎

武勳十二散階三十

正一品左右柱國 特進榮祿大夫 特進光祿大夫

從一品柱國 榮祿大夫 光祿大夫

正二品上護軍 驍騎將軍 金吾將軍 龍虎將軍

從二品護軍 鎮國將軍 定國將軍 奉國將軍

正三品上輕車都尉 昭勇將軍 昭護將軍 昭武

將軍

從三品輕車都尉 懷遠將軍 定遠將軍 安遠將

軍

正四品上騎都尉 明威將軍 宣威將軍 廣威將

軍

從四品騎都尉 宣武將軍 顯武將軍 信武將軍

正五品驍騎尉 武德將軍 武節將軍

從五品飛騎尉 武略將軍 武毅將軍

正六品雲騎尉 昭信校尉 承信校尉

從六品武騎尉 忠顯校尉 忠武校尉

洪武元年授李善長徐達常遇春上柱國遇春卒仍贈上柱國舟山集

三年加李善長徐達左柱國自李文忠而下俱右柱國以後文臣得左柱國者劉健李東陽楊廷和梁儲楊一清張居正申時行武臣則李景隆張輔張懋郭勛皆異典也同上九年四月始定散官資階散官者初授之資階也其有陞授加授者以歷考為差紀通

九月給學士宋濂中順大夫欲任以政事濂辭曰臣無他長待罪禁近足矣帝益重之宋濂傳

明會要卷四十三

主

初尚書階正三品十三年中書省罷始進為正二品而工部尚書單安仁致仕在前太祖念安仁勳舊二十年特授資善大夫單安仁傳

建文時更定勳階尚書曰特進資政上卿侍中曰資政卿二品如之侍郎曰資政亞卿三品如之郎中曰資政中大夫員外郎曰資政大夫給事中曰嘉政大夫

宏治十年九月加兵部尚書馬文升柱國文臣之加柱國者始自正統間以授大學士楊士奇楊榮內閣也成化間加尚書尹旻吏部也至是文升以兵部得之

嘉靖初致仕戶部尚書韓文進柱國太子太保柱國加於

致仕之後尤為曠典已上舟山集

十八年夏言加上柱國帝亦欲加嚴嵩嵩辭曰尊無二上非人臣所宜稱國初雖設此官左相國達功臣第一亦止為左柱國乞陛下免臣此官著為令典以昭臣節帝大喜允其辭嚴嵩傳

四十四年徐階以十五年滿加上柱國辭徐階傳

萬曆九年張居正以十五年滿加上柱國辭後卒以為贈張居正傳

宗藩歲祿

洪武五年定諸王宗人祿米每歲親王五萬石靖江王二萬石郡王六千石郡王諸子年十五人賜田六十頃為永業續通

明會要卷四十三

主

二十八年閏九月庚寅上謂戶部尚書郁新曰朕今子孫眾多天下官吏軍士日增俸給彌廣其斟酌古制量減各王歲支以足軍國之用於是定議減五之四並郡王公主以下皆議減有差著為令昭代典則

仁宗即位召漢王高煦赴京比至與趙王高燧並厚賜之復賜諸王金幣有差帝曰諸叔在者無幾諸兄弟唯趙王居京師他皆守藩於外朕旦夕念焉戶部其各益祿米差次之三編

時鄭越襄荆淮滕梁七王未之藩令暫給米歲三十石遂
爲例食貨志

宣德初詔鄭越襄荆淮五王歲給鈔五萬貫惟梁倍之梁王傳

肅王瞻炤請加歲祿敕曰洪武永樂間歲祿不過五千石
莊王不言者以朝廷念遠地轉輸難故也仁考卽位加五

百石矣朕守祖制不敢違肅王傳

正統元年遼府僚乞加王祿敕曰簡王得罪朝廷成祖特
厚待仁宗朝加祿得支二千石親親至矣王素乖禮度府

臣不匡正願爲王請乎不許遼王傳

明會要卷四十三

古

十二年定王府祿米將軍自賜名受封日爲始縣主儀賓

自出閣成婚日爲始於附近州縣秋糧內撥給食貨志

景泰七年定郡王將軍以下祿米出閣在前受封在後以

受封日爲始受封在前出閣在後以出閣日爲始同上

宗室中有罪革爵者曰庶人英宗初頗給以糧嘉靖中月

支米六石萬厯中減至二石或一石同上

嘉靖時伊王訔滔以祿薄上言先朝以河南課鈔萬七千

七百貫准祿米八千八年革諸王請乞租稅伊府課鈔亦

在革中乞補祿戶部言課鈔本成宏間請乞非永樂時欽

錫比河南一省缺祿者八十餘萬宜不許帝從部議伊王傳

四十一年御史林潤言天下之事極弊而大可慮者莫甚

於宗藩祿廩天下歲供京師糧四百萬石而諸府祿米凡

八百五十三萬石以山西言存留百五十二萬石而宗祿

二百十二萬以河南言存留八十四萬三千石而宗祿百

九十二萬是二省之糧借令全輸不足供祿米之半况吏

祿軍餉皆出其中乎宜令大臣集議共陳善後良策食貨志

四十三年二月丁巳韓王府宗室一百四十餘人越關至

陝西會城索逋祿實錄

四十四年定宗藩條例郡王將軍七分折鈔中尉六分折

鈔郡縣主郡縣鄉君及儀賓八分折鈔他冒濫者多所裁

明會要卷四十三

圭

減食貨志

公侯伯歲祿據明史功臣表證之會典所載爵除者不錄

徐魏國公五千石後封定國公 李曹國公三千石後封臨淮侯千石

鄧衛國公三千石後封定遠侯千石 湯信國公三千石後封靈璧侯千石

常鄭國公二千石鄂公遇春子後封懷遠侯千石

沐黔國公三千石 朱成國公四千二百石 張英國公

三千二百石 梁保定伯一千五百石 朱撫甯侯蔣定

西侯趙武清侯郭成安侯曹豐潤伯皆千二百石 宋西

甯侯吳清平侯陳武平侯施懷柔伯費崇信伯衛宣城伯
皆千一百石 郭武定侯陳泰甯侯鄭武安侯顧鎮遠侯
徐永康侯張隆平侯陳甯陽侯柳安遠侯孫懷甯侯徐興
安伯李襄城伯譚新甯伯孫應城伯趙忻城伯陳平江伯
張安鄉伯陳遂安伯王靖遠伯朱撫甯伯毛南甯伯毛伏
羌伯劉甯晉伯楊彰武伯王新建伯皆千石 薛陽武侯
陳保定侯朱武進伯方南和伯焦東甯伯李甯遠伯皆八
百石 劉誠意伯劉廣甯伯皆七百石 李豐城侯五百
石

明會要卷四十三

六

七百石 食貨志

洪武三年十二月己卯賜勳臣田 本紀

二十五年八月甲戌給公侯歲祿初上賜勳臣公侯丞相
以下莊田多者百頃又賜諸武臣公田以其租入充祿勳

臣佃卒多倚勢干禁至是給歲祿歸賜田於官 三編

成祖即位令公侯伯全支米永樂二年戶部議公侯駙馬
伯儀賓祿米二百石以上者請如文武官例米鈔兼給 新傳

仁宗即位命英國公張輔所受太師俸於北京倉支給時

百官俸米皆給於南京此蓋特恩云 張輔傳

成化十七年英國公張懋等四十三人自陳先世以大功
襲爵子孫承繼所司輒減歲祿非祖宗報功意戶部侍郎
潘榮等言懋等於無事時妄請增祿若有功何以勸賞况
頻年水旱國用未充所請不可許事乃寢 潘榮傳

百官祿秩

正一品 一千四百石

太師 太傅 太保 宗人府宗人令 左右宗正

左右宗人 左右都督

從一品 八百八十石

少師 少傅 少保 太子太師 太子太傅 太子

明會要卷四十三

七

太保 都督同知

正二品 七百三十名

太子少師 太子少傅 太子少保 六部尚書 左

右都御史 衍聖公 都督僉事 正留守 都指揮

使 真人

從二品 五百七十六石

左右布政使 都指揮同知

正三品 四百二十石

太子賓客 六部侍郎 左右副都御史 通政使

大理寺卿 詹事府詹事 太常寺卿 府尹 按察

使 副留守 都指揮僉事 衛指揮使

從三品三百一十二石

光祿寺卿 太僕寺卿 行太僕寺卿 苑馬寺卿

布政司參政 都轉運鹽使 京衛指揮同知 留守

司指揮同知 宣慰使

正四品二百八十八石

左右僉都御史 左右通政 膳黃右通政 大理寺

少卿 太常寺少卿 太僕寺少卿 少詹事 鴻臚

寺卿 京府府丞 按察司副使 行太僕寺少卿

知府 衛指揮僉事 宣慰司同知

明會典卷四十三

大

從四品二百五十二石

國子監祭酒 布政司參議 鹽運司同知 宣慰司

副使 宣撫司宣撫

正五品一百九十二石

大學士中極殿建極殿文華殿武英殿文淵閣東閣春坊 翰林院學士 左

右庶子 通政司參議 大理寺丞 光祿寺少卿

尙寶司卿 六部郎中 欽天監監正 太醫院院使

宗人府經歷 京府治中 上林院監監正 按察司

僉事 府同知 王府長史 儀衛正 正千戶 宣

慰司僉事 宣撫司同知

從五品一百六十八石

翰林院侍讀學士 侍講學士 左右諭德 司經局

洗馬 鴻臚寺少卿 尙寶司少卿 六部員外郎

五府經歷 知州 鹽運司副使 鹽課提舉 市舶

提舉 儀衛副 衛鎮撫 副千戶 招討司招討

宣撫司副使 安撫司安撫

正六品一百二十石

翰林院侍讀 侍講 左右中允 國子監司業 詹

事府府丞 六部主事 大理寺寺正 太常寺寺丞

都察院經歷 太僕寺寺丞 太醫院院判 尙寶司

明會典卷四十三

充

司丞 欽天監監副 五官正 上林苑監監副 兵

馬司指揮 京府通判 京縣知縣 王府審理正

典仗 行太僕寺寺丞 苑馬寺寺丞 留守司經歷

都司經歷 百戶 宣撫司僉事 安撫司同知 副

招討 長官司長官 僧錄司善世 道錄司正一

神樂觀提點

從六品九十石

左右春坊贊善 司直郎 翰林院脩撰 大理寺寺

副 光祿寺寺丞 署正 鴻臚寺寺丞 京府推官

布政司經歷 理問 鹽運司判官 鹽課同提舉

州同知 市舶副提舉 千戶所鎮撫 安撫司副使
僧錄司闡教 道錄司演法

正七品九十石

都給事中 監察御史 翰林院編脩 營繕所所正
大理寺評事 都察院都事 通政司經歷 太常寺
典簿 博士 上林苑監監丞各典署 行人司司正
兵馬司副指揮 京縣縣丞 府推官 知縣 王府
審理副 按察司經歷 留守司都事 副斷事 都
司都事 副斷事 安撫司僉事
從七品八十石

明會要卷四十三



左右給事中 給事中 翰林院檢討 詹事府主簿
光祿寺典簿 署丞 中書舍人 行人司司副 五
官靈臺郎 苑馬寺主簿 祠祭署奉祀 京府經歷
太僕寺主簿 行太僕寺主簿 州判官 鹽課副提
舉 鹽運司經歷 布政司都事 副理問 五府都
事 衛經歷 宣慰司經歷 副長官
正八品七十石
國子監監丞 五經博士 部院照磨 通政司知事
營繕所所副 欽天監主簿 保章正 協律郎 御
醫 行人司行人 上林苑監署丞 寶鈔提舉 京

縣主簿 按察司知事 府經歷 各抽分竹木局大
使 副使 典牧所提領 王府典膳正 典寶正
奉祀正 良醫正 紀善 工正 郡王府典膳 大
通關提舉 煎鹽同提舉 縣丞 宣慰司都事 僧
錄司講經 道錄司至靈 元符崇真宮靈官

從八品七十石

左右春坊清紀郎 翰林院典籍 國子監博士 助
教 典簿 各祠祭署祀丞 光祿司錄事 監事
鴻臚寺主簿 五官挈壺正 京府知事 王府典膳
副 奉祀副 典寶副 良醫副 鹽運司知事 布

明會要卷四十三



政司照磨 宣撫司經歷 僧錄司覺義 道錄司元
義 神樂觀知觀
正九品六十石
部院檢校 翰林院侍書 詹事府錄事 校書 國
子監學正 太常寺贊禮郎 鴻臚寺署丞 五官監
候 司歷 營繕所所副 上林苑監典簿 錄事
教坊司奉鑾 寶鈔副提舉 各大使會同館文思院
外承運庫承運
庫廣惠庫廣積庫行用庫贖罰庫 甲字乙字丙字丁
字戊字等庫鈔紙局 太倉銀庫 皮作局 校書局 寶
源局 顏料局 軍器局 織 大通關副提舉 各牧監監
染所 雜造局 茶馬司
正 王府典簿 典樂 典儀正 布政司檢校 按

察司照磨 煎鹽副提舉 府知事 縣主簿 宣撫司知事

從九品石六十

部院司務 翰林院待詔 左右司諫 司經局正字

國子監學錄 典籍 太常寺司樂 教坊司韶舞

司樂 犧牲所吏目 各牧監監副 各苑圍長 鴻

臚寺鳴贊 序班 五官司晨 漏刻博士 各大使

御馬倉軍儲倉節慎庫廣盈庫柴炭司牲司司牧

局都稅司稅課司宣課司布政司倉庫雜造局軍器局

寶泉局織染 各副使 廣惠庫廣積庫曠罰庫甲字等

局各府倉庫 各副使 庫承運庫外承運庫會同館文

局織染所寶源局茶馬司 太醫院吏目 王府典儀

明彙卷四十三



副 教授 伴讀 按察司檢校 各牧監監副 府

照磨 四氏學教授 京衛府各學教授 司獄 巡

檢 吏目 京縣典史 宣撫司照磨 醫學正科

陰陽學正術 僧綱司都綱 道紀司都紀

未入流三十六石唐以後各代設官皆制為九品品有正從共十八品九品之外有未入流自明始也

翰林院孔目 國子監掌儀 四氏學錄學司 各學

教諭訓導 司牲司牧副使 府檢校 縣典史 驛

丞 河泊所 插官壩官 各大使副使 光祿寺銀

庫大通關各鹽課司 鹽倉批驗所 抽分竹木局 柴炭局 倉庫 惠民藥局 鐵冶所 遞運所 府倉 各州縣織

留守司吏目 鹽課司吏目 長官司

吏目 蠻夷長官司副長官 醫學典科訓科

陰陽學典術訓術 僧正僧會 都紀道正道會醫學

設官不給祿

明制總督提督巡撫經略總理贊理巡視撫治皆以都御

史充之其品即視其所帶之銜督糧道督冊道分守道皆

以布政司參政參議充之提督學道清軍道驛傳道分巡

道皆以按察司副使僉事充之其品亦即視其所帶之銜

故秩品中不特載其官典通

右內外官共二萬四千六百員內官一千九百四十四員

外官二萬二千七百九員

明彙卷四十三



洪武初定丞相御史大夫以下歲祿數刻石官署取給於

江南官田食貨志

四年正月定文武官歲祿大政記

十三年重定內外文武官歲給祿米俸鈔之制正從一二

三四品自千石至三百石每階遞減百石皆給俸鈔三百

貫正五品二百二十石從減五十石鈔皆九十貫正從七

品視從六品遞減十石鈔皆六十貫正八品七十五石從

減五石鈔皆四十五貫正從九品視從八品遞減五石鈔

皆三十貫勒之石食貨志

十七年三月定凡文武憂制稽其在職一年廉勤無過者

照品給半祿終制三年歷考無過者給全祿終制著為令

通紀二十五年十一月更定百官祿正一品月俸米八十七石

從一品至正三品遞減十三石至三十五石從三品二十

六石正四品二十四石從四品二十一石正五品十六石

從五品十四石正六品十石從六品八石正七品至從九

品遞減五斗至五石而止自後為永制食貨志

洪武時官俸全給米間以錢鈔兼給錢一千鈔一貫抵米

一石成祖即位令米鈔兼支官高者支米十之四五官卑

者支米十之七八同上

明會要卷四十三

吏

成祖遷都北京百官月俸皆持俸帖赴南京支領米賤時

俸帖七八石僅易銀一兩巡撫周忱請檢重額官田極貧

下戶兩稅準納銀每兩當米四石解京兌俸民出甚少而

官俸常足折銀之例始此周忱傳

永樂十六年雙流縣知縣孔友諒上言六事一曰國朝制

祿之典視前代為薄今京官及方面官稍增俸祿其餘大

小官自折鈔外月不過米二石不足食數人仰事俯育與

道里往來費安所取資貪者放利行私廉者終窶莫訴請

敕戶部勘實天下糧儲以歲支之餘量增官俸黃澤傳

仁宗即位增京官及軍士月廩論戶部尚書郭資曰往年

百官軍士扈從月給米五斗今建都於此皆有室家恐不

足以養生往往守義者困於饑寒玩法者恣無忌憚朕欲

悉加倍給之其著為令明政統宗

時官俸折鈔每石至二十五貫宣德八年禮部尚書胡濙

掌戶部議每石減十貫而以十分為準七折絹絹一匹

折鈔二百貫少師蹇義等以為仁宗在春宮久深憫官員

折俸之薄故即位特增數倍此仁政也詎可違之濙不聽

竟請於帝而行之日知錄

正統四年三月癸酉增南京及在外文武官軍俸廩本紀

明會要卷四十三

吏

六年二月戊辰御史陳泰奏今在外諸司文臣去家遠任

妻子隨行祿厚者月給米不過三石薄者一石二石又多

折鈔九載之間仰事俯育之資道路往來之費親故問遺

之需滿罷閒居之用其祿不贍則不免失其所守而陷於

罪者多矣乞敕廷臣會議量為增益俾足養廉如是而仍

有貪污懲之無赦事下戶部格不行日知錄

十一月丙辰增給在外文武官吏軍士俸糧原定每石給

鈔十五貫者今增為二十五貫十二年四月丙辰戶部尚

書王佐復奏減為十五貫成化二年三月從戶部尚書馬

昂請又省五貫同上主事李賢言指揮使月俸三十五石實支僅一石塞外降

人反支十七石五斗是一降人當京官十七員半矣李賢傳
舊例兩京文武官折色俸上半年折鈔下半年給蘇木胡椒成化七年從戶部尚書楊鼎請以甲字庫所積之布估給布一匹當鈔二百貫是時鈔法不行一貫僅直錢二三文米一石折鈔十貫僅直二三十錢而布直僅二三百錢布一匹給米二十石則米一石僅直十四五錢自古官俸之薄未有若此者

官員俸給凡二曰本色曰折色其本色有三曰月米曰折絹米曰折銀米月米不問官大小皆一石折絹絹一匹當銀六錢折銀六錢五分當米一石其折色有二曰本色鈔

明會要卷四十三

美

曰絹布折鈔本色鈔十貫折米一石後增至二十貫絹布折鈔絹每匹折米二十石布一匹折米十石正一品者本色僅十之三遞增至從九品本色乃十之七已上食貨志

明會要卷四十三終

明會要卷四十四

永新龍文彬纂

職官十六

錄軍國重事

洪武元年李善長徐達常遇春錄軍國重事弁山集

三年改善長達參軍國事命李文忠同知軍國事馮勝鄧

愈同參軍國事同上

十年命李善長李文忠議軍國大事本紀

十一年命湯和議軍國事本傳

惠帝即位以齊泰為兵部尚書黃子澄為太常卿同參軍

明會要卷四十四

國事

遣使

太祖戊戌二月以康茂才為都水營田使大政記

洪武元年正月甲申遣周鑄等一百六十四人往浙西覈

實田畝昭代典則十一月己亥遣使分行天下訪求賢才本紀

九年十二月己卯命都督同知沐英乘傳詣陝西問民疾

苦本紀

十五年八月遣監察御史余公大往泰州審決重囚大政記

二十年命國子監武瀆等分行天下州縣隨糧定區宗統

二十三年六月遣尚寶司卿楊暉往雲南尚寶司丞楊慎

往貴州閱視各衛軍馬大政記

二十四年遣馮勝等十四人分理陝西山西河南諸衛軍務

二十七年八月乙亥遣國子監生分行天下督脩水利紀本

三十一年正月乙丑詔戶部遣所舉人材分詣各郡縣督

民耕種統宗

建文元年三月遣侍郎暴昭夏原吉等二十四人充採訪

使分巡天下獎廉黜貪便宜行事

成祖即位命尙書嚴震直王鈿府尹薛正言等巡視山西

山東河南陝西

明會要卷四十四

二

永樂元年六月癸丑遣給事中御史分行天下撫安軍民有司奸貪者逮治

四年閏五月壬戌詔建北京宮殿分遣大臣採木於四川

湖廣江西浙江山西已上本紀

五年命大學士楊榮往甘肅經畫軍務明年又命往甘肅

受托克托布哈舊作脫脫不花等降尋又遣榮至陝西議進兵方略楊榮傳

十九年三月癸丑敕尙書蹇義等二十六人分巡天下問

軍民疾苦文武長吏擾民者奏黜之編三

時將北征命刑部侍郎張本等分往兩直隸山東山西河南督有司造車輓運張本傳

宣德元年正月己未遣侍郎黃宗載十五人清理天下軍伍

九年七月甲申遣給事中御史錦衣衛官督捕兩畿山東山西河南蝗

正統元年九月癸卯遣侍郎何文淵王佐副都御史朱與

言督兩淮長蘆浙江鹽課欽差巡鹽自此始

景泰元年四月戊子遣大理寺丞李茂錄囚南京考黜百

司訪軍民利病已上本紀

明會要卷四十四

三

三年詔遣大臣行天下黜陟有司朱鑑傳

成化五年命南京大理少卿夏時正巡視江西災傷除無名稅十餘萬石汰諸司冗役奏罷不職官吏二百餘人夏時傳

六年二月辛未遣大理寺少卿宋旻侍郎曾輩原傑黃琛

副都御史滕昭巡視畿南浙江河南四川福建考察官吏

訪軍民疾苦本紀

十九年八月乙丑遣戶部侍郎李衍刑部侍郎何喬新巡

視邊關本紀

二十二年九月遣刑部侍郎何喬新勘播州土司訟編三

二十三年五月乙卯早遣使分禱天下山川

宏治十四年七月庚午分遣給事中御史清理屯田九月

丁亥遣使募兵於延綏甯夏甘涼

十六年五月戊子遣刑部侍郎樊瑩巡視雲貴察官吏問

民疾苦

十八年四月戊寅命刑部侍郎何鑑撫輯荆襄流民

正德八年正月癸巳遣戶部侍郎叢蘭僉都御史陳玉巡

邊

萬曆四年七月壬寅遣御史督脩江浙水利

七年二月己丑遣使分閱邊防已上本紀

明會要卷四十四

四

十三年三月以尙寶少卿徐貞明領墾田使督治京畿水

田三編

兼官

明初命中書省參知政事李善長兼領大都督府司馬李善長傳

洪武十二年李文忠掌大都督府兼領國子監事李文忠傳

永樂八年命胡儼以祭酒兼侍講掌翰林院事胡儼傳

十二年右庶子楊榮從征衛拉特兼領尙寶事楊榮傳

翰林兼諫官洪武中夏原吉范顯祖以太子賓客兼治書

侍御史以三品兼四品永樂中李準以太子賓客兼吏科

都給事中又以三品兼七品嘉靖八年夏言以侍講學士兼吏科都給事中二十九年趙貞吉以諭德兼河南道御史

王驥程信石璞趙榮王來皆以尙書兼大理寺卿已上并山集

景泰初呂原進侍講與同官倪謙講書稱旨帝問何官並

以中允兼侍講對帝曰品同耳何相兼爲進二人侍講學

士兼中允呂原傳

行

洪武二十年命藍玉行總兵官事本傳

二十一年三月己亥遣進士行監察御史事分巡郡邑以

明會要卷四十四

五

久任御史一人與俱大政記

盧熙以薦授睢州同知命行知府事本傳

正統末詔編修楊鼎行監察御史事募兵兗州本傳

鄭王監國命戶部主事王偉行監察御史事于謙傳

景泰初編修徐理行監察御史事往彰德募兵徐有貞傳

嘉靖中董份以工部尙書行吏部左侍郎事本傳

試

定例試御史一年考覈實授試中書舍人三年考覈實授

王圻通考

洪武十三年戶部郎中范敏授試尙書楊思義傳

十五年置按察分司以儒士王存中等五百三十一人為

試僉事職官志張道經舉文學試戶部侍郎王圻考召前國子

助教開濟試刑部尚書本傳

十六年茹太素召為刑部試郎中本傳

十七年選儒士五十人試各道御史王圻考沐春授後軍都

督府僉事羣臣請試職太祖曰兒我家人勿試也遂予實

授沐英傳

十八年以進士方昇等六十七人為六科給事中六部試

主事宗統

方賓由大學生試兵部郎中本傳

明會要卷四十四 六

二十三年三月郝從道為大理試少卿趙居仁為試通政

參議七月定內外交武官試職實授借除等十一月茹

瑞試兵部尚書大政記

二十四年高遜志累遷試吏部侍郎王良傳

正統三年魏驥召試行在吏部左侍郎本傳

十二年黃鎬以進士試事都察院未半歲授御史本傳

成化初林錦為連州試知府本傳孔鏞擢高州試知府本傳

正德三年進士石天柱當除給事中吏科李憲請如御史

例試職一年授戶科試給事中石天柱傳

久任

洪武十八年三月壬午太常博士薛文舉言人才稱職者

宜久任納之大政記

永樂十年諭吏部曰守令郡邑之長昔人每戒數易須久

於其職方能責成治效世法錄

嘉靖五年三月定有司久任法吏部尚書廖紀言邇者守

令遷轉太頻政多苟且宜遵舊制俟九年考滿有政績者

乃遷從之三編

萬曆二年四月丙寅詔內外官行久任之法本紀給事中張

楚城請令諸司行久任法知縣歷俸六年乃升取知府知

州歷俸六年乃升遷間有才不宜於官官不宜於地者聽

明會要卷四十四 七

撫按官量行更易其藩臬二司參政參議等官升遷約以

三年在內科道部曹升司寺約以六年下吏部議行之由

是藩臬守令皆得自展三編

十三年五月御史董子任言巡撫宜久任上是其言大學

士申時行因言巡撫久任可加俸加銜不可輕易更動通紀

崇禎元年五月乙酉復外官久任法本紀

閣臣

楊士奇四十二年

楊榮三十八年

金幼孜二十九年

楊溥二十二年

黃淮胡廣商輅彭時劉吉李東陽劉健萬安楊廷和徐

階俱十八年

張居正申時行十六年

謝遷李本沈一貫俱十三年

高穀劉珣葉向高俱十二年

徐溥費宏夏言王錫爵俱十一年

文彬曰官莫善於久任而輔臣為尤宜然必慎選其人

方能匡主庇民為國家樹無窮之利若任之不當或藉

以植黨固寵竊祿愈久結毒愈深如嘉靖之張嚴崇禎

明會要卷四十四

八

之溫周使國脈陰受其剗削而莫之覺此則去之唯恐

不速者人主不可不審也執此以推之百僚亦何莫不

然

尙書

蹇義三十三年

郭璉王直俱十五年

王翱尹旻俱十四年已上吏部

夏原吉二十七年

郁新十三年

楊鼎十二年

梁材李汝華十一年已上戶部

呂震十九年

胡濙三十一年

姚夔十一年已上禮部

茹瑺十四年

金忠十二年

方賓十三年

馬文升十五年已上兵部

陸瑜十六年

張子麟十一年

明會要卷四十四

九

蕭大亨十一年已上刑部

宋禮十八年

吳中二十九年

李友直十四年

王復十三年

李鏊十二年

雷禮十一年已上工部

左都御史

劉觀十三年

屠滹十二年

督撫

于謙撫河南山西前後十九年

陳用賓撫雲南十六年

周忱撫蘇松二十一年

李三才撫江北十三年

陳鑑撫陝西十餘年

魏允貞撫山西十三年

黃克撫山東十二年

李汝督三邊十一年

戴耀督兩廣十年

明會要卷四十四

十

守令

東莞知縣盧秉安十八年圖書編

汶上知縣史誠祖二十九年

嵩縣知縣吳祥三十二年

遵化知縣李信二十七年

鄒縣知縣房岳二十年已上史誠祖傳

清和知縣李信圭二十二年本傳

松江知府趙豫十五年本傳

吉安知府陳本深十八年本傳

湖州知府趙登十七年趙豫傳

徽州知府孫遇十八年同上

曹州知州范希正二十三年本傳

甯州知州劉綱三十四年范希正傳

邊將

右都督史昭居甯夏二十年

都督同知劉昭鎮西甯二十年

都指揮李達鎮洮州四十年

左都督李成梁先後鎮遼三十年

休假

洪武元年劉基請告歸其冬手詔敘基勳伐召赴京賜賚

明會要卷四十四

十一

甚厚本傳

徐達出鎮還輒上將印賜休沐本傳

十六年令國子生有父母者三年一歸省大政記

永樂中帝時至翰林館召試五日一休沐選舉志

國子監諸生朔望給假同上

永樂七年正月癸丑賜朝參官元宵節假自正月十一日

為始凡十日不奏事聽軍民張燈弛夜禁著為令王圻通考

洪熙元年三月令外官滿三考者許給假省親大政記

宣德三年上仿古君臣豫遊事每歲首許百官旬休選勝

宴樂編

宏治四年正月癸未以脩省罷上元節假本紀封贈

公侯伯之追封皆遞進一等三品以上政績顯異及死諫死節陣亡者皆得贈官其見任則初授散階京官滿一考及外官滿一考而以最聞者皆給本身誥敕七品以上皆得推恩其先五品以上授誥命六品以下授敕命曾祖祖父皆如其子孫官公侯伯視一品外內命婦視夫若子之品生日封死日贈若先有罪譴則停給職官志

洪武十六年五月廣東都指揮使狄崇王臻等以妾為繼室乞封下廷臣議禮部尙書任昂等持不可從之遂命定

明會要卷四十四

三

嫡妾封贈例

十七年五月濟南衛指揮使何誠奏伯父養己為嗣所生父母先已受封乞許封伯父下禮部議許之

二十四年五月詔定文武官員封贈一品封贈三代二品三品封贈二代四品至七品封贈一代兵部尙書茹瑄奏庶子襲武職例止封嫡母所生庶母無封贈學士劉三吾奏宋制母以子貴庶母亦依所生子之秩封贈詔從宋制

已上世法錄

二十六年定文官封贈之例大政記

洪熙元年令方面官到京曾經一考稱職給與本身誥命

九年考滿方與封贈會典是年河南布政使李昌祺當給誥命奏父年八十餘願以給父帝嘉而許之後遂為例李昌祺傳宣德二年詔以禮去官與見任同以後曾受誥敕以老疾去者皆令冠帶還鄉

八年翰林院待詔鄒循當授敕命言其父緝歷任左庶子侍講二十餘年不獲生受誥命臣職卑於例不應得封贈伏乞矜賜上念緝良臣命吏部特與緝及其妻誥命不為例已上世法錄

正統初詔文武臣誥敕非九年不給驗封司主事李賢言限以九年或官不能滿秩或親老不待不得者十八九無

明會要卷四十四

三

以勸臣下請仍三年便從之李賢傳

四年詔外官曾經撫按保舉果有卓異政績不拘三年六年考滿先與應得誥敕會典

七年大學士楊士奇言臣父子將實伯祖公辰伯祖母嚴所出繼公榮後今公辰嗣絕臣兼承其祀請以臣本身及妻所得誥命移贈伯祖伯祖母上命並與之

景泰登極詔始令在京文官及在外方面官一考無贓犯者照洪熙宣德年例與誥敕

三年冊立皇太子詔與土木死事諸臣誥敕封贈

天順八年上兩宮徽號詔封兩京文武七品以上官父母

禮部郎中俞欽父廷獻奏臣先以子貴封主事今子進秩
郎中例得加封竊念臣父用禎年幾九十朝不保暮無由
沾恩臣屢蒙恩典心何敢安乞免加臣移封臣父上曰此
人子之至情予之冠帶不爲例

成化四年致仕禮部侍郎倪謙子編脩岳考滿例得推恩
吏部尙書李秉言謙先任學士犯贓罪充軍原授誥敕已
追奪後雖遇赦致仕終係犯贓之人例難推封上曰謙因
子推恩其予之不爲例

七年大理卿王槩爲按察使時以旌異得賜誥命後歷副
都御史大理卿以品秩相同不得請給上疏乞恩詔特許
之

明會要卷四十四

古

二十二年令凡武職子任在京文職照依文官事例父職
高於子者依原職進一階秩卑者從子官封

宏治元年吏部尙書王恕以寺丞文林請給二繼母誥命
上曰諸司職掌原無封繼母之文後許封一人已是加厚
文林敕命止照見行事例與之

十八年上兩宮尊號詔兩京七品以上文官未及一考與
誥敕父母已封者服色許與子同法錄
嘉靖元年令各官死於忠諫已經追贈廕敘者其父母妻
室不限存歿俱授封贈給與誥敕

三十四年題准凡陣亡死節官加贈者給與誥敕會典
三十九年大學士李本援楊士奇例請以本身及妻應得
誥命移贈本生曾祖父母上命悉與之不必移贈
隆慶二年詔凡貪酷削職者無論考察問革皆不准封贈
其以他事削職者非遇大慶覃恩亦不許法錄

致仕

洪武四年李善長以疾致仕賜臨濠地若干頃置守家戶
百五十給佃戶千五百家儀仗士二十家本傳
六年兵部單安仁請老歸賜田三十畝牛七十角歲給尙
書半俸弁山集云安仁致仕給全俸茲據明史本傳

明會要卷四十四

古

十年學士宋濂致仕賜御製文集及綺帛問濂年幾何曰
六十有八帝乃曰藏此綺三十二年作百歲衣可也本傳
十二年四月給致仕官誥敕秩三品以上仍舊四品以下
各加一級給誥敕八月又命復其家終身無所與其居鄉
與宗族親黨相見序尊卑如家人禮異姓無官者相見不
答禮庶民則以官禮謁見編三
二十年湯和乞骸骨歸帝賜鈔治第鳳陽第成和築城海
上還率妻子陛辭賜黃金白金鈔幣甚厚夫人胡氏賜亦
稱是並降璽書褒諭諸功臣莫得比焉本傳
二十九年九月乙亥召致仕二千五百餘人入朝大賚之

各進秩一級本紀

洪熙元年祭酒胡儼以疾乞休仁宗賜救獎勞進太子賓

客復其子孫本傳

宏治中隆禮大臣尙書致仕有兼官者多加從一品宮臣

無兼官者多加從一品散官如宮保白昂徐貴加太子太

傅尙書徐瓊周經王軾加太子太保蓋沿成化間商輅例

也弁山集

十一年題准兩京五品以下官乞致仕者本部查其曾經

三六年考滿稱職擬應升銜職具奏令其致仕不稱者照

原職致仕王圻通考

明會要卷四十四

未

正德九年正月存恤致仕廉吏大政記

嘉靖六年禮部尙書席書乞休詔加武英殿大學士賜第

京師支俸如故

文彬按洪武十二年詔給致仕官誥敕三品以上仍舊

四品以下各加一級自成化間大學士商輅致仕進少

保自後三品以上官致仕多有加秩之典惟大學士從

來不爲加官全俸亦百餘年曠典書獨得之特以議禮

加厚耳

十年題准內外官願告致仕者京官部院考稱職外官撫

按有旌異及無所規避者方許升職如僅保無過雖歷三

年六年考滿止以原官致仕又奏准大小官員升遷未到任致仕者止許以原職致仕

十二年題准京官升外官告病者以原任京官致仕外官

升京職告病者以原任外官致仕升授長史者以新銜致

仕

凡兩京考察被劾聽降聽調官奏請以原職致仕者聽上

王圻通考

省官

洪武七年六月戊午汰北方府州縣官凡三百八人昭代典則

建文卽位省并州縣汰冗員

明會要卷四十四

七

永樂二年六月丁亥汰冗官本紀

仁宗卽位汰冗官帝以古者官不必備今設官太冗廉污

無別則廉者之心或怠賢否並處則小人之勢常勝其令

中外廉察不稱者罷之三編

宣德三年吏部尙書蹇義奏裁內外冗員從之未幾浙江

巡撫熊概請增設杭嘉湖管糧布政使上曰糧稅有常朕

方裁抑冗濫古人言省事不如省官不許明政統宗

八年八月癸巳汰冗官七十七員三編

正統四年七月壬申汰冗官

八年二月己丑汰南京冗官本紀

景泰六年八月上以官多擾民敕吏部議裁冗員於是省參政三參議二副使五僉事二同知以下一百五十餘員

明紀

宏治元年七月戊辰汰管理銀場官本紀

嘉靖八年八月裁南京官百餘員大政記

二十二年吏部以奉詔裁革冗員奏言各衙門官原係額設及隨事添設各有職掌者俱應存留其添設官獨戶工

二部欽天監太醫院為多但今疆陲多事廟工甫興戶工

二部難遽裁革欽天監太醫院當咨行禮部考選去留南

京併在外應裁各官行南京吏部及各省撫按官會議具

明會要卷四十四

六

奏詔從之三編

萬曆三年二月辛巳詔南京職務清簡官不必備本紀

八年十月辛丑汰內外冗官本紀部議裁革北直隸保定等

府同知通判以下官五十五員應天福建倉大使等四十

六員浙江布政使司都事等官二十員江西陝西延綏鄜

陽等處司府州縣佐貳雜職等官三十員南贛貴州司府

縣驛等官十員南京中左二府錦衣衛各僉書大教場等

營把總八員三編

十三年十二月丁卯汰惜薪司內官冗員本紀

崇禎元年五月甲戌裁各部添註官本紀

十一年正月丁亥裁南京冗官八十九員三編

明會要卷四十四

九

明會要卷四十四終

明會要卷四十五

永新龍文彬纂

職官十七

集議

洪武二十四年令今後在京衙門有奉旨發放為格為例及最要之事須會廷臣計議允當然後施行

宣德三年令官民建言六部尚書都察院六科給事中會

議奏聞已上會典

正統十年三月始命內閣與各衙門會議大政宣德以前每有大事與羣臣面議傳旨施行不待批答上嗣位幼冲

明會要卷四十五

面議遂廢至是命廷臣赴內閣會議具本奏決通紀

宏治元年七月定府部會議限半月報上應急議者限五

日大政記

嘉靖八年兵部尚書李承勛疏言朝廷有大政及推舉文武大臣必下廷議議者率相顧不發拱手以聽宜及未議

前備條所議布告與議者俾先諗其故然後平心商質各盡所懷議苟不合聽其別奏庶足盡諸臣之見而所議者

公帝然其言李承勛傳

議立君

英宗北狩郕王監國諸大臣議勸即位未決以問諸言

官給事中姚夔曰朝廷任大臣正為社稷計何紛紛為

議遂定姚夔傳廷臣合辭請太后曰車駕北狩皇太子幼

冲古云國有長君社稷之福請定大計以安宗社太后

允之羣臣以太后旨告王王始受命三編

武宗崩谷大用張永至閣議所當立楊廷和出祖訓於

袖中示之曰兄終弟及誰能瀆焉興獻王長子憲宗之

孫孝宗之從子大行皇帝之從弟序當立梁儲蔣冕毛

紀咸贊之乃令中官入啟皇太后廷和等候左順門下

頃之中官奉遺詔及太后諭旨宣諭羣臣一如廷臣請

同上

明會要卷四十五

崇禎十七年四月南京兵部尚書史可法督師勤王聞

北都既陷會南都議立君張慎言呂大器姜曰廣等曰

福王當立而有七不可潞王賢明當立可法亦以為然

然鳳陽總督馬士英潛與阮大鍼計議立福王咨可法

可法以七不可告之而士英已發兵送福王至儀真可

法等迎王明日議監國王旋即位史可法傳

議儲嗣

永樂二年四月議建儲邱福等言高煦有功宜立獨金

忠力爭以為不可帝召解縉問之縉稱皇長子仁孝天

下歸心帝不應縉又頓首曰好聖孫謂皇孫瞻基也復

問黃淮尹昌隆對與縉同帝意乃決立高熾爲皇太子

編三

景泰三年帝欲易太子未發會廣西思明土知府黃玠以爲請帝曰萬里之外乃有此忠臣趣下廷臣議於是禮部尚書集羣臣會議眾相顧莫敢發言惟都給事中李侃林聰御史陳英以爲不可太監興安厲聲曰此事不容已卽以爲不可者勿署名毋得首鼠持兩端羣臣皆唯唯署議

編三

八年正月帝不豫羣臣請建太子不允胡濙王直會諸大臣再議請復沂王爲太子推商輅草疏日暮未及上

明會要卷四十五

三

疏草留姚夔所是夜奪門事起

紀通

萬曆二十九年太子年二十羣臣屢請冊立冠婚並行沈一貫草敕時下禮官具儀廷議有欲先冠婚後冊立者一貫不可曰不正名而苟成事是降儲君爲諸王也帝意亦悟命卽日舉行

編三

議建都

洪武元年定鼎金陵以六朝國祚不永欲議徙汴梁繼以大梁四面受敵罷之又有言遷於長安者以漕運甚難而止又議遷都北平可以控制胡虜以問廷臣脩撰鮑穎對曰元主起自朔北是以立國在燕天運已改不

可因也今南京與王之地不必改圖傳曰在德不在險

復止明政統宗

二年帝召諸老臣問以建都之地或言關中險固或言洛陽天下中汴梁亦宋故都或言北平宮室完備帝以平定之初民未休息供給力役悉資江南建業長江天塹足以立國臨濠前江後淮有險可恃有水可漕乃詔以臨淮爲中都

編三

永樂十四年十一月議營建北京先是車駕至自北京將分建兩都工部請擇日興工帝以營建事重命文武羣臣議之

編三

明會要卷四十五

四

議郊祀

洪武元年二月敕禮官翰林院太常諸儒臣議郊祀禮中書省臣李善長等撰進郊祀議云云太祖如其議行之

昭代典則

十一月祀園丘有司議配祀太祖不許二年五月祀方丘羣臣復請太祖曰俟慶陽平議之八月慶陽平十一月冬至羣臣復固請乃奉仁祖配

禮志

嘉靖九年二月命大學士張璁會給事中夏言議郊祀禮言疏天地合祭不應古典給事中王汝梅等詆言說非是上切責之敕諭禮部會廷臣各陳所見張璁錄上

郊祀考議請自上裁上竝下禮部令遵前旨會議以聞禮部集上羣臣所議郊禮言臣等折衷眾論分祀之義合於古禮於是郊分南北制遂定實錄

時夏言以郊祀既正配位亦當更議乃上疏言太祖太宗並配稽之經旨未能無疑禮臣集議以為二祖配享百有餘年不宜一旦輕議帝復命集議於東閣已而禮臣上議請祀南北郊以太祖獨配大祀殿仍二祖並配如故遂依擬行禮志

隆慶元年禮部奉詔會議郊社諸典禮尙書高儀上言惟天地分祀不必改明堂奉睿宗配享上帝似非周人

明會要卷四十五

五

宗祀文王之義請罷大享禮從之三編

議宗廟

洪武元年作四親廟於宮城東南命中書省集儒臣議祀典李善長等云云

七年御史答祿與權言皇上受命七年而禘祭未舉宜參酌古今成一代之典詔下禮部太常司翰林院議禮志

孝宗即位以孝穆太后既追諡遷葬不得祔廟下廷臣議禮臣請於奉先殿傍建奉慈殿祀之通紀

宏治二年八月憲宗將升祔時九廟已備議者咸謂德

懿熙仁四廟宜以次奉祧禮部尙書周洪謨侍郎倪岳議德祖為不祧之祖當祧懿祖吏部侍郎楊守陳請並祧德懿熙三祖自仁祖以下為七廟上從禮部議祧懿祖

十七年孝肅周太后崩將祔廟帝終以並祔為疑下禮官集議尙書吳寬言魯頌闕宮春秋考仲子之宮皆別廟漢唐亦然會大臣亦多主別廟帝乃從之

嘉靖三年帝欲建室奉先殿側恭祀獻皇禮部尙書汪俊上疏爭之帝嚴旨切責趣立廟益急令集廷臣大議俊等復上議云云帝不納仍命遵前旨再議俊遂乞休

明會要卷四十五

六

去吳一鵬署事帝趣立廟益亟一鵬復集廷臣上議云臣等甯得罪陛下不欲陛下失禮於天下後世帝不聽竟葺奉先殿西室為觀德殿實錄

四年光祿署丞何淵請建世室祀獻皇於太廟下廷臣議禮部尙書席書等上議無據張璠特奏乞賜廷臣罷議於是廷議別立一廟而世室之議始寢同上

十年四月帝以禘祫義詢張璠令與夏言議言請設虛位以祀會中允廖道南請禘顯項並下其章禮部會官詳議諸臣乃請設虛位如言議

十一月中允廖道南請更定廟制云云上悅命會議夏

言等請以木爲黃屋如廟廷之制依廟數設之設帷幄於其中庶得展專莫之敬不報

十三年六月南京太廟災禮官請重建帝召夏言與羣

臣集議言等議云云從之

禮志已上

九月議建九廟初帝欲改同堂異室之制各立專廟會

南京太廟災上意欲中止而夏言復以原議請於是禮

部會羣臣議云云制曰可

實錄

十五年帝諭夏言曰前以皇考廟比世室之義名曰世

廟惟世之一字來世或用加宗號不如別議可會議以

聞

明會要卷四十五

七

十七年六月詔議明堂大饗禮前揚州同知豐坊上疏

請建明堂尊皇考爲宗以配上帝下禮部議尙書嚴嵩

言稱宗之說臣等不敢妄議帝復命集議以聞戶部侍

郎唐胄抗疏爭之帝怒下胄詔獄嵩乃上言云云上嘉

納之

九月世宗命議獻皇帝稱宗附廟之禮集文武大臣於

東閣嚴嵩與羣臣議沮之帝大不悅著明堂或問難嵩

嵩惶恐盡改前說

已上三編

隆慶元年三月給事中王治以獻皇附廟揆諸古典終

爲未協乞下廷臣議務求至當以安獻皇帝之靈章下

所司格不行

通紀

萬曆二年穆宗將升祔禮臣議祧廟給事中陸樹德請

仍祔睿宗於世廟而宣宗勿祧掌詹事府于慎行言當

祧仁宗不當祧宣宗並下禮部部臣議云云詔如舊敕

行

禮志

議典禮

洪武元年七月詔定軍禮中書臣會儒臣議親征遣將

禮奏之

大政記

景泰元年八月廷臣聞上皇將還奏請奉迎乃詔禮部

議迎上皇禮

三編

明會要卷四十五

八

成化三年五月荆門州訓導高瑤疏言廊王功在社稷

望敕禮官集議追加廟號章下廷議久不決至十一年

十二月始命閣臣議復位號加尊諡

三編

四年慈懿錢太后崩中旨議別葬閣臣持不可下廷議

侍郎姚夔率羣臣伏文華門哭諫竟得如禮

姚夔傳

宏治元年四月禮科給事中張九功請正祀典下禮部

尙書周洪謨等條議八月九功復請更正文廟祀典俱

詔廷臣議之

憲章錄

世宗卽位詔議崇奉興獻典禮楊廷和以定陶濮王故

事授毛澄曰是足爲據毛澄會羣臣議上如廷和言稱

孝宗為皇考改稱興獻王為皇叔父妃為皇叔母帝不悅命再議毛澄復會廷臣上議廷和蔣冕毛紀復上言云云疏皆留中不下時張璁以進士觀政見廷議三上三卻揣知帝意遂上疏云云帝得疏大喜曰此論出吾父子獲全矣會母妃蔣氏至通州聞朝議考孝宗止不入毛澄等乃謀於內閣加尊興獻帝后以皇太后懿旨行之帝不得已報可張璁著大禮或問以上章下禮部見者皆目為邪說越數日帝手敕加興獻帝后以皇號廷和等偕禮官執奏不報嘉靖元年清甯宮後殿災廷和等因言興獻帝后加稱列聖神靈未安火災示戒昭

明會要卷四十五

九

然可見帝勉從眾議乃稱孝宗曰皇考興獻帝后止稱本生不稱皇三年南京刑部主事桂萼請改稱孝宗皇伯考詔下廷臣議禮部尚書汪俊會廷臣七十有三人上議云云帝命再集議俊等再集廷臣議以上乃請於本生考本生母上加皇字以全微稱願詔天下已而帝更定大禮稱孝宗為皇伯考昭聖皇太后為皇伯母獻皇帝為皇考章聖皇太后為聖母實錄嘉靖三年九月隨全錢子勳言獻皇帝梓宮宜改葬天壽山下禮官集議尚書席書會廷臣上言顯陵不可輕動帝命再詳議以聞書復集眾議極言不可乃已明政統宗

九年正月夏言疏言親蠶之禮請敕禮官會議興作上令廷臣考古制具儀以聞實錄九年十一月帝因張璁言先師祀典有當更正者命禮部會翰林諸臣議編修徐階以為不可改上怒謫階官乃御製正孔子祀典說宣付史館張璁因作正孔子廟祀典或問奏之上以為議論詳正並令禮部集議三編十四年莊肅皇后夏氏崩議謚張孚敬曰宜用二字或四字李時曰宜用八左都御史王廷相吏部尚書霍韜等曰均帝后也何殊夏言集眾議曰宜如列聖元后謚帝不從命再議羣臣請如孚敬言皇太后傳

明會要卷四十五

十

天啟三年禮部尚書林堯俞言謚典五年一舉自萬曆四十五年至今蒙卹而未謚者九卿臺省會議與臣部酌議帝可之禮志議封爵洪武三年上將剖符功臣召宋濂等議五等封爵宿大本堂討論達旦歷據漢唐故實量其中而奏之宋濂傳正德五年給事中段豸劾右都督神英老命致仕而英賄劉瑾自陳邊功乞敘錄特詔予伯爵吏兵二部持之下廷議遂封涇陽伯神英傳嘉靖八年十月安昌伯錢維圻卒庶兄維垣請嗣爵方

獻夫言外戚之封不當世及歷引漢唐宋事為證帝善其言下廷臣議由是外戚遂永絕世封三編

十年刑部郎中李瑜言劉基宜侑享高廟封世爵如中山王達下廷臣議僉言基宜侑享太廟其九世孫瑜宜嗣伯爵與世襲制曰可明紀

議親藩
永樂中谷王橚謀為變帝召入朝橚至伏地請死諸大臣廷劾橚曰周戮管蔡漢辟彘長皆大義滅親陛下縱念橚奈天下何帝曰橚朕弟朕且令諸兄弟議周王橚楚王楨蜀王椿各上議橚大逆不道誅無赦帝曰諸王

明會要卷四十五

十一

羣臣奉大義國法固爾吾甯生橚於是廢為庶人谷王傳

宣德元年漢王高煦反初議遣陽武侯薛祿往討之夜召諸大臣入議楊榮首勸帝親征帝難之原吉曰兵貴神速所謂先人有奪人之心也榮言是議遂決

正德九年甯王宸濠請復護衛及屯田比奏下兵部尙書陸完遂為覆請而以屯田屬戶部請付廷議內閣擬旨上並予之舉朝譁然已上三編

嘉靖四年靖王彥汰革爵八年令世子譽榮攝府事譽榮上疏懇辭帝覽疏憐之下部議十二年賜彥汰冠帶

理府事張王傳

九年六月豐林王台瀚奏宗室四事令禮部會議明政統宗四十年十月御史林潤言宗祿不繼請令大臣科道集議博采眾論斷自宸衷以定萬年可久之策疏下禮部覆議從之實錄

四十三年伊王典楨有罪撫按官以聞詔禮部會三法司議僉謂典楨淫暴無藩臣禮宜禁錮高牆削除世封從之三編

四十四年正月庚辰禮部集廷臣議處王府事宜凡六十七條上之詔為書頒行賜名宗藩條例實錄

萬曆時代王欲廢長子鼎渭立次子鼎莎朝議持二十餘年禮部侍郎翁正春集眾議上疏鼎渭卒得立翁正春傳

明會要卷四十五

十一

三十一年楚宗獄起詔公卿集議於西闕門議者三十人各具一單言人人殊郭正域欲盡錄諸人議李廷機以辭太繁先撮其要以上沈一貫嫉御史康丕揚劾禮部壅遏羣議不以實聞正域亦發一貫匿疏沮勘及華奎饋遺事中旨以楚王襲封已二十餘年何至今始發且夫許妻證不足憑據遂坐華越等誣奏降庶人錮之鳳陽三編

議大臣
憲宗即位給事中蕭斌御史呂洪等共薦王竑李秉堪

大用下廷議尙書王翱大學士李賢請從其言卽召竝
爲兵部尙書兼爲左都御史王竝傳

正德元年兵部尙書馬文升承遺詔請汰傳奉官七百

六十三人旣而中官王瑞復請用新汰者七人文升持

不可瑞誣文升抗旨下廷議皆是文升帝不聽文升乞

歸編三

大學士劉健罷焦芳附劉瑾謀柄政而廷議獨推王鏊

瑾迫公論令鏊與芳同入閣同

十二年兵部尙書王瓊欲因哈密事殺都御史彭澤廷

臣集議瓊盛氣以待眾不敢發言給事中石天柱與同

官王爌力明澤無罪乃得罷爲民石天柱傳

世宗入繼言官交劾王瓊繫都察院獄瓊力許廷和帝

愈不直瓊下廷臣雜議坐交結近侍律論死命戍莊浪

王瓊傳

嘉靖六年二月錦衣百戶王邦奇借哈密事請誅楊廷

和彭澤等並及費宏石瑤將興大獄給事中楊言疏救

忤旨事下五府九卿科道議鎮遠侯顧仕隆覆奏邦奇

言皆虛妄帝責仕隆等徇情然獄亦因是解楊言傳

三十七年秋防竣廷議欲召薊遼總督楊博還吏部尙

書吳鵬不可鄭曉署兵部爭之曰博在薊遼則薊遼安

在本兵則九邊俱安乃召還楊博傳

萬曆二十九年山西巡撫魏允貞疏暴稅使中官孫朝

之罪朝劾允貞抗命阻撓帝留允貞疏不下而下朝疏

於部院將加譴責言官交章論救廷議以稅使害民非

允貞不能制固留之允貞請益力聽歸魏允貞傳

三十一年楚王之獄郭正域右華越積忤沈一貫給事

中錢夢臯希一貫指劾正域陷害親藩正域因乞休去

已而華奎亦奏請褫正域官詔下部院集議李廷機謂

正域已去可無苛求張問達言藩王欲進退大臣不可

訓乃止郭正域傳

明會要卷四十五

四十七年楊鎬旣敗廷議以能廷弼嘗按遼熟邊事命

代鎬爲經略泰昌元年給事中姚宗文詆廷弼鼓其同

類攻擊必欲去之下廷議廷弼憤甚抗疏極辨且求罷

朝議允廷弼去編三

天啟元年遼瀋旣失御史房可壯連疏請用李三才有

詔廷臣集議通政司參議吳殿邦力言不可御史劉廷

宣言國家旣惜其才則用之耳又何議然廣甯已有化

貞不若用之山海帝是之令再議鄒元標王德完並言

宜用已德完迫眾議變前說及署議元標亦不敢主事

遂寢李三才傳

十 續修四庫全書 史部 政書類

二年禮部尚書孫慎行追論方從哲進紅丸罪下廷臣
集議時議者一百十有餘人紛紛俱罪從哲獨尚書黃
克纘給事中汪慶百等數人右之希內廷意也三編

五年孫承宗請入覲面奏機宜魏忠賢止之其黨李蕃
崔呈秀等連疏詆之承宗累疏求罷不許給事中郭興
治請令廷臣議去留論旨餉者復踵至遂下廷臣雜議

吏部尚書崔景榮持之乃下詔勉留孫承宗傳
七年袁崇煥巡撫遼東與經略王之臣不協朝議以崇
煥之臣既不相能召之臣還罷經略不設以關內外盡
屬崇煥三編

明會要卷四十五

十五

崇禎三年八月帝召諸臣於平臺議袁崇煥錢龍錫罪
是日羣議於府中云云遂遣使逮龍錫而磔崇煥於市

議民政

洪武元年二月命中書省議役法昭代典則
八月壬申以京師火四方水旱詔中書省集議便民事

三年以中原兵興以來田多荒蕪命省臣議計民授田
設官領之統宗
十一年二月敕中書省議減邊商鹽價

十五年七月命羣臣議屯田之法已上昭代典則
景泰二年二月辛卯以星變脩省詔五府六部都察院
翰林院其計議寬恤條例以聞

宏治十七年閏四月命諸司議革弊政帝曰庶政滋弊
害於軍民上干和氣朕甚軫焉令所司詳議以聞已上三編
十八年二月戊辰諭戶兵工三部曰方今生齒漸繁而
戶口軍伍日就耗損此皆官司撫恤無方因仍苟且所
致其悉議弊政以聞本紀

嘉靖二年十一月楊廷和以直隸江北水災疏請集議
振救並蠲一應歲派及額辦錢糧上曰仍當議所以振
救之法戶部集廷臣備陳救荒八事實錄

明會要卷四十五

十六

議漕運
永樂元年五月瀋陽中屯衛軍唐順請開衛河轉運下
廷臣議昭代典則

六年周忱與陳瑄建議兌運法軍民兩便帝命羣臣會
議三編

十年九月壬辰詔督漕總兵及諸巡撫官歲以八月至
京會廷臣議事本紀

成化七年應天巡撫滕昭議變瓜淮兌運為長運戶部
會議始定漕粟長運法統宗又因廷議分漕河沛縣以南

德州以北及山東為三道各委曹郎及監司專理請簡大臣總理其事始命侍郎王恕為總河河渠志

嘉靖六年黃紱言漕河泉源皆發山東南旺馬場諸湖泉水所鍾亟宜脩濬帝命總河侍郎章拯議拯言金溝口迤北新衝一渠可令運船由此入昭陽湖出沙河板橋下部併議未決給事中張嵩言引河灌湖使湖道復阻請罷拯別推大臣部議如嵩言河渠志

隆慶六年山東布政使王宗沐議復海運佐河運之缺條陳七事下部議如宗沐言詔允行之昭代典則

議邊事

明會要卷四十五

七

宣德二年王通征交趾不利遣官以黎利使奉陳曷表至帝欲藉此息兵命廷臣集議張輔請益發兵討之蹇義夏原吉亦以為不可許而楊士奇楊榮知帝厭兵力言許利便帝意遂決

正統四年麓川思任發請罪帝用楊士奇言降敕許赦其罪侍郎何文淵亦請罷兵命下廷臣議皆如文淵言而王振欲示威荒服尙書王驥揣知振意力主用兵遂紕廷議於是麓川之役起

景泰元年額森使使議和且請還上皇下禮部議未決王直率羣臣上言云云宜俯從其請遣使往報帝曰賊

詐難信其更議之已而胡濙等復以為言帝召諸大臣及言官諭以宜絕狀直對曰必遣使毋貽後悔乃議遣使已上三編

三年李秉巡撫宣府謀報寇牧近邊廷議遣楊俊會宣府兵出勦之秉曰塞外原諸部牧地非犯邊也掩殺倖功非臣所敢聞乃止李秉傳

十二月額森復遣使來賀明年正旦王直請遣使答之詔兵部議于謙言臣職司馬知戰而已行人事非所聞帝從謙言既而劉定之言北庭遣使宜敕朝廷公議不當但委兵部詔下羣臣更議給事中路壁奏言遣使有

明會要卷四十五

六

五不可遂從壁議編三

成化元年正月禮部尙書姚夔言哈密貢馬二百匹而使臣乃二百六十人以中國有限之財供外蕃無益之費非策也乃下廷臣議定歲一入貢不得過二百人制可紀通

四年項忠討滿俊朝議欲益兵忠慮京軍脆弱不足恃且更遣大將撓事權因上言益兵非便大學士彭時商輅主其議京軍得毋遣項忠傳

是年給事中程萬里請選兵將討瑪哈噶詔下兵部會廷臣議謂瑪哈噶未犯邊無故興師非萬全計上是其

議昭代典則瑪哈噶
傳作毛里孩

八年尙書白圭議大舉控河套上敕吏部侍郎葉盛巡邊與總督王越巡撫馬文升余子俊徐廷璋詳議盛會諸臣上疏言守爲長策上善其言而圭主復套方謀出師於是盛議亦寢明政統宗
九年哈密爲土爾番所據累求救援兵部言哈密實西域咽喉棄而不救竊恐赤斤蒙古等衛亦爲土爾番所脅則我之藩籬盡撤而甘肅之患方殷上命集廷臣議會昌侯孫繼宗等謂宜遣使往諭從之
十二年四月御史薛爲學等上言虜寇縱橫又將大舉

明會要卷四十五

九

入寇恐倉猝之間難於制敵乞敕在廷文武大臣及科道等詳議兵備詔下所司議之已上昭代典則

二十二年貴州鎮巡官奏苗反請發兵廷議將從之尹直言啟釁邀功不可信命官往勘果無警尹直傳

宏治十四年正月命兵部集廷臣計議修內攘外禦虜安邊事宜昭代典則

嘉靖十六年帝以安南莫登庸篡黎久不通朝貢命夏言會兵部議征討戶部侍郎唐胄上疏力陳用兵七不可下兵部議嗣屢議不決至十八年登庸屢表乞降帝亦欲撫之再下廷臣議剿撫之宜張瓚及廷臣請仍命

毛伯温南征三編

二十六年曾銑建言復套條上八議帝壯其言命諸邊臣議之俱以爲難而翁萬達以橫挑強寇爲非計議上不省夏言密薦銑帝令言擬旨優獎者再銑條上方略廷議一如銑言已而帝意中變嚴嵩極言河套必不可復廷臣亦盡反前議曾銑傳

二十九年諳達薄都城求貢詔百官集議國子監司業趙貞吉奮袖大言城下之盟必不可許時帝遣中使瞞廷臣日中莫有發一語者獨聞貞吉言心壯之召入左順門令手疏便宜擢諭德兼監察御史趙貞吉傳

明會要卷四十五

三

隆慶元年十月甲辰諭羣臣議邊防事宜本紀
五年王崇古上疏言諳達封貢事詔下廷臣議議各不同會帝御經筵閣臣請外示羈縻內修守備遂封諳達順義王自是不用兵革者二十餘年三編

明會要卷四十五終

明會要卷四十六

永新龍

職官十七

考課

考滿考察二者相輔而行考滿論一身所歷之俸其目有三曰稱職曰平常曰不稱職為上中下三等考察通天下內外官計之其目有八曰貪曰酷曰浮躁曰不及曰老曰病曰罷曰不謹考滿之法三年給由日初考六年日再考九年日通考依職掌事例考覈升降諸部寺所屬初止署職必考滿始實授外官率遞考以待覈雜考或一二年或

明會要卷四十六

三年九年郡縣之繁簡或不相當則互換其官謂之調繁調簡選舉

天順八年奏准本部都察院會同內閣考察在京五品以下文職并在外布按二司官有不公者許令科道官指實劾奏南京各衙門照例考察有不公者令南京科道劾奏隆慶二年議准三六九年考滿官到部仍照舊例分別三等不得概考稱職其平常與不稱職各官或量行別處或請旨罷黜

萬曆十三年題准京外官三六年考察之後不得妄行閤考

凡內外官遇該考察有央求勢要屬託者即以不謹黜退已上王折通考

京官 京官考察以六年為期亦分四等年老有疾者致仕貪者為民不謹者冠帶間住浮躁淺露才力不及者降一級調外任

定例試御史一年考覈實授試中書舍人三年考覈實授主事署郎中員外郎六年考覈實授

凡一二品官考滿賜羊酒鈔錠尚書都御史六年考滿加太子少保九年加太子太保吏部尚書有三年即加太子少保六年加太子太保者內閣三六九年考滿應升官秩

明會要卷四十六

取自上裁其一品九年考滿或賜宴或賜敕獎勵及誥命廕子等項俱出特恩或奉旨查例議擬奏請已上王折通考京官考察以已亥年五品下考察其不職者降罰有差四品上自陳去留取旨職官志

洪武十六年京官考覈之制稍有裁酌俱由其長開具送部覈考選舉志

宣德五年令國子監九年考滿學行端慤者量加翰林史職仍理監事正德中議准加俸王圻通考

正統元年奏准兩京各衙門屬官首領官從本衙門堂上官考察如有不稱及老疾者吏部驗實具奏定奪會典

是年命右都御史顧佐考察御史不稱者十五人奏請降黜顧佐傳

景泰三年奏准六部等衙門堂上官考察各屬主事等官

才力不勝者降縣典史老疾者冠帶致仕王圻通考

成化四年令京官五品以下吏部會同都察院及各堂上

掌印官公同考察會典兩京文職堂上官曾經科道糾劾及

年老不堪任事才德不稱職者各自陳致仕取自上裁

十三年奏准南京各衙門屬官首領官三年九年考滿照

例赴京聽引其六年考滿從南京吏部考覈具由題奏復

職免其赴京已上王圻通考

明會要卷四十六

三

宏治六年六月申嚴考察奏辨之例大政記

八年四月申寅諭吏部都察院人材進退考察務得實蹟

不可偏聽枉人本紀

十年大計京官侍講學士楊守陞掌院事言臣與掌詹事

府學士王鏊俱當聽部考察但臣等各有屬員進與吏部

會考所屬則坐堂上退而聽考又當候階下我朝優假學

士慶成侍宴班四品上車駕臨雍坐彝倫堂內視三品此

故事也今四品不與考察則學士亦不應與詔可學士不

與考察自此始楊守陞傳

十七年五月給事中許天錫言外官三年考察又有撫按

監臨科道糾劾其法已無可加惟兩京考察堂上官例不

考覈而五品以下雖有十年考察之條居官率限九載或

年勞轉遷或服除改補多不及期今請以六年為期通行

考察其大僚曾經彈劾者悉令自陳而簡去之命從所請

天錫又以内官冗濫乞敕司禮監會內監考察嚴行澄汰

此後或三年五年一行帝善之而不能也許天錫傳

正德四年吏部侍郎張綵請不時考察京官從之本紀

嘉靖六年吏部郎中彭澤以考察浮躁降外任張璠為之

訟冤言昔議禮時澤見臣所著大禮或問深加嘆賞勸臣

進呈又為錄送內閣以是大不理於眾口上從璠言澤遂

明會要卷四十六

四

得留通紀

是年京察拾遺桂萼為御史所論乃上言楊廷和私黨猶

在言路昔憲宗初年命科道於拾遺後互相糾劾請舉行

如制吏部侍郎何孟春言憲宗無此詔萼被論圖報復不

可信帝終用萼言趣速舉孟春以御史儲良材等四人名

上帝獨黜良材而特旨斥鄭自璧等數人自璧素敢言權

倖側目或中以蜚語故被斥已而良材辨疏力詆廷和指

孟春為奸黨萼即奏復其官三編

十七年令停科道互糾仍聽部院從公考察會典

二十四年大計京官南兵科給事中王煜先曾劾嚴嵩奸

貪嵩曠所私尙寶丞諸傑貽書南考功黜煜薛應旂執傑使欲奏聞尙書張潤止之而傑先爲南京御史有貪聲應旂亦黜之時常州守符驗先爲南京御史亦在所黜嵩又令所親御史桂榮劾應旂以私怨黜本郡守應旂遂補外三十年題准南京吏部都察院遇京官六年考察之期將應天府上元江甯二縣隨同南京官員考察

三十五年三月嚴世蕃欲排異已乃降中旨考察京官黜大臣十五人科道三十八人

四十二年議准中書係內閣廕官出身者九年考滿升禮部主事係監生儒生出身者升光祿寺署正均帶俸辦事

明會要卷四十六

五

已上王折通考

隆慶四年二月高拱以私憾欲考科道趙貞吉上言陛下嚴論考覈言官並及升任在籍者應考近二百人其中豈無懷忠報主蹇諤敢言之士今一以放肆奸邪罪之竊恐所司奉行過當忠邪不分致塞言路沮士氣非國家福也上不從拱以貞吉得其情憾甚及考察拱欲去貞吉所厚者貞吉亦持拱所厚以解於是斥者二十七人而拱所惡者咸預拱猶以爲憾也趙貞吉傳神宗卽位考察京官從輔臣張居正之請也居正請大計廷臣藉以斥諸不職及附麗高拱者通紀

祖制六年京察若執政有所驅除非時一舉謂之閏察王傳

萬曆五年十一月以星變考察百官命四品以上京堂官令自陳庶官聽部院考察時張居正以奪情知天下不附已思以考察劫之趙志臯張位習孔教相繼遷謫南京僉都御史張岳請令居正奔喪坐考察自陳貶秩禮部尙書何維柏亦以自陳免三編

二十一年大計京官吏部尙書孫鑣力杜請謁文選員外郎呂允昌鑣甥也首斥之考功郎中趙南星亦自斥其姻一時公論所不予者貶斥殆盡孫鑣傳

明會要卷四十六

六

三十三年大計京官左都御史溫純與吏部侍郎楊時喬主之大學士沈一貫所欲庇者鍾兆斗錢夢皋皆在謫中一貫怒言於帝降旨切責純察疏亦不下盡留被察科道官純力求去是時京察章疏一貫請留中主事劉元珍龐時雍御史朱吾弼等力爭之謂二百年來計典疏無留中時南京察疏亦留中後迫眾議始下

三十九年大計京官時廷臣黨勢日盛攻東林者設詞以惑吏部尙書孫丕揚令發單咨是非將陰爲鈎黨計侍郎王圖急言於丕揚止之及注考丕揚與侍郎蕭雲舉副都御史許宏綱領其事考功郎王宗賢都給事中曹于汴御

史湯兆京喬允升佐之五月察疏下諸失意者相繼攻不揚及國圖不揚遂引去初嘉隆以前士大夫廉恥自重以掛察典爲終身之玷及帝之世閣臣有所徇庇間留一二以撓部權而羣臣水火之爭莫甚於是年及丁巳黨局既成互相報復至國亡乃已已上三編

外官 凡外官三年一朝朝以辰戌丑未年前期移撫按官各綜其屬三年內功過狀註考彙送覆覈以定黜陟倉場庫官一年考巡檢三年考教官九年考府州縣官之考以地之繁簡爲差職官志

凡督撫官考滿三年六年滿日移咨到部具奏復職王折通考

明會要卷四十六

七

各布政使司首領官俱從按察司考覈其茶馬鹽運鹽課提舉司軍職首領官俱從布政司考覈仍送按察司覆考其布政司四品以上按察司鹽運司五品以上任滿黜陟取自上裁內外入流并雜職官九年任滿給由赴吏部考覈依例黜陟

洪武四年命工部尚書朱守仁廉察山東萊州諸郡官吏已上選舉志

五年十二月敕中書省令有司考課必書學校農桑之績明政統宗

六年命御史臺及各道按察使考察天下有司奏請黜陟

選舉

九年莒州日照知縣馬亮考滿以長於督運山西汾州平遙主簿成樂能恢辦商稅皆注上考上曰令佐之職在撫安百姓豈以督趣恢辦爲能耶官司之考非是命吏部移文訊責世法錄

十一年正月徵天下布政使及知府來朝命吏部課其殿最稱職無過者爲上賜坐宴有過稱職者爲中宴而不坐有過而不稱職者爲下不預宴序立於門宴畢然後退朝觀考察自此始

十八年正月天下布按二司及府州縣朝覲官凡四千一

明會要卷四十六

八

百七十七人詔吏部考其政績稱職者升平常者復職不稱職者降貪污者付法司罪之闕茸者免爲民已上昭代典則

永樂元年令府州縣官到任半年以上者巡按御史按察使察其能否廉貪實蹟具奏會典

段民爲山東左參政既還敕與巡按御史考所過府縣廉墨吏以聞段民傳

南京刑部侍郎吾紳奉敕考察兩廣福建方面官有故人官參政者黜之上同

仁宗卽位遣御史湯漢等十四人分巡天下考察官吏世法錄

宣德元年四月丁卯以久旱考察布按二司及府州縣官

五年正月吏部考察天下朝覲官黜無能者五十五人罷

六年巡撫江西趙新奏今方面官雖出身不同皆由資格

言遠近吏部勘合令其考察郡縣官吏已不能正焉能正

人是以好惡不公去取多謬乞令吏部先察布政司按察

自今考察外官必自布按二司始編

英宗即位分遣大臣考察天下方面官吏

正統十四年吏部言凡外官曾經撫按官保舉政績果有

卓異不拘三六年考滿先與應得誥敕旌異蓋九年封贈

每病冗濫請今後撫按官薦舉所屬應旌異官員務將本

人任內卓異政績明白開奏通候各官考滿到部察訪相

同即與比照京官事理按月類題免其再行移覈

景泰元年詔遣大臣行天下黜陟有司禮部侍郎鄒幹至

山西黜布政使侯復以下五十餘人

未當仍集諸大臣更考存留者三之一

三年八月戊辰遣都御史洪英尙書孫原貞薛希連分行

七年令巡撫巡按會同按察使考察府州縣其布按二司

官聽撫按考察

天順四年正月朝覲官至京吏部都察院黜不職者數百

人其賢能卓異者賜宴及衣幣遣之上

六年李侃巡撫山西考察屬吏奏罷布政使王允李正芳

以下百六十人

成化五年大理寺評事申安言旌異之典朝廷所以激勸

有司今撫按官於廉能者未必旌異旌異者未必廉能乞

詔大臣議自今旌異必待三年考滿之後若所舉不公後

以姦貪敗者連坐庶幾吏稱其職民安其業

十一年吏部奏罷朝覲官布政使楊文琳按察使王琳以

下

一

十

十

十

十

十

十

十

十

十

十

十

是朝觀考察兩大典皆從此廢壞矣帝然其言即令吏部

禁之傳

故事考察自有四曰老疾曰罷輒曰貪酷曰不謹李裕為

吏部尚書言人才質不同偏執類酷遲鈍類輒乞立才力

不及一途以寓愛惜人才之意帝善之遂著為令李裕傳

宏治三年王恕以考課之法廢格不行甚非政體請今後

考滿官俱令給由赴部照例考覈及王瓊為吏部尚書乃

言四方之遠一官赴京考滿往回勞費日誤公務許本處

巡撫巡按開報考語令就任復職待朝覲定黜陟於是成

法盡壞而政體日偷續通典

明會要卷四十六

十一

六年考察當罷者共一千四百員又雜職一千一百三十

五員帝諭方面知府必指實蹟毋虛文泛言以致枉人府

州以下任未三年者亦通覈具奏尚書王恕等具陳以請

而以府州縣官貪鄙殃民者雖年淺不可不黜帝終謂人

才難得降諭諄諄多所原宥當黜而留者九十餘員選舉志

正德十四年令考察存留官員內有才行兼優守己廉潔

者行各撫按官備絲幣羊酒齋賜仍不次擢用會典

嘉靖二年題准方面知府正官考才力不及者照京官不

及降調例不許止議調簡

六年令朝覲考退官員果有執法被誣奪職許大臣言官

即時論辨吏部查訪可否具奏定奪已上王折通考

二十一年正月甲寅詔各撫按等官通將所屬官員課第

殿最彙進揭帖封送吏部以備朝覲考察之黜陟著為令

錄實

萬曆二十三年吏部尚書孫丕揚掌外察黜浙江參政丁

此呂此呂故與右都御史沈思孝善思孝謂此呂建言有

功不宜被察丕揚謂此呂受賊有狀豈宜以建言輕恕因

上此呂訪單訪單者吏部當察時咨公論以定賢否者也

上遂逮此呂詰讓思孝通紀

戒救官吏

明會要卷四十六

十一

洪武元年正月辛丑天下府州縣官來朝諭曰天下新定

百姓財力俱困如初飛之鳥不可拔其羽新植之木不可

搖其根惟廉者能約己而愛人貪者必蝕人以肥己爾等

戒之

十年十一月新除有司官太祖諭之曰近者天下有司奏

缺官朝廷以時選補比除有司未久又復奏缺是何犯罪

罷黜者之眾也若移其作奸之心以為善何事不成國家

俸祿如井泉汲而不竭彼不思守法以保之雖積錢充屋

一旦事覺皆非己有今汝等之官宜鑒彼前非勉於為善

則永安祿位矣已上大訓記

十三年七月諭戒守令曰曩因奸臣弄權內外官吏貪職
蠹政以干邦憲邇來有司皆出編氓深知稼穡艱難民生
疾苦是用授以職任當竭誠報效毋蹈前非其有舊任來
代者若仍肆意妄行則國有常憲明政統宗

十九年吏部奏用國子監十四人皆為六品以下官太祖
諭之曰事君之道惟盡忠不欺治民之道惟至公無蔽蓋
一郡一邑之民必有饑寒不得其所者有獄訟冤抑者有
賢才不舉者有豪猾蠹民者汝等到任能不為私欲所蔽
人言所惑則方寸自明而諸弊可息

永樂元年九月丙子朔諭中外羣臣曰為治之道在寬猛

明會要卷四十六

三

適中我皇考撥亂反正不得已而用刑特權一時之宜及
立為典常既有定律頒之天下而墨劓刑宮並禁不用朕
繼承大統以忠厚為治爾等各恭乃職勿為朋比勿事貪
黷勿恣情縱欲以干匪彝至於用刑必欽必慎期於刑措
用臻康理

閏十一月庚申諭都御史陳瑛等曰聞河南數歲蝗旱水
災為民患牧民者多失撫字甚者又侵漁剝削之而按察
司官未嘗有一人言者坐視民病而不留意爾移檄切責
之俾采察所部軍民利病及布政司府州縣官賢否以聞
二年正月己亥六部都察院數奏朝覲官治事稽違者請

治其罪上召至前諭之曰爾等分理庶政勤慎則百事舉
怠忽則百事廢今諸司論爾等職事稽誤皆由怠忽之過
夫慢令棄法國有顯罰今姑宥爾其歸改過自新若仍蹈
前非朕不能曲法以貸

七年正月丙午諭天下朝覲官曰比者營建北京不得已
勞動居民爾等宜加撫恤無為貪酷以重困之夫文官之
祿出於民武官之功因於軍能推仁恤之心蓋亦報勞之
意苟不知報或又從而侵之非惟國法不容鬼神猶將禍
焉爾等戒之

四月壬辰敕鎮守貴州鎮遠侯顧成曰蠻夷仇殺自昔而

明會要卷四十六

古

然必務殺之非柔遠之道雖有犷悍難化然鳥獸之性亦
有可馴蓋天道好生人情惡死體天之道念人之情則中
心惻隱自有不能已者卿其慎之

十年十一月諭各布政司按察司官曰佐方岳任風紀皆
要職當慎操履務長厚戒刻剝上不損國體下有利於民
庶幾不負所命

是年遣監察御史吳文等分行天下詢察吏治得失民間
疾苦諭之曰百姓艱難有司蔽不以聞爾等受朕耳目之
寄宜悉心諮訪凡朝廷所差人及郡縣官有貪刻不律者
執之聞葺不職及老病者悉送京師惟布政司按察司堂

上官以狀來聞毋枉毋縱必合公道軍民利病宜一一奏陳汝不恭命汝則有罪已上世法錄

十六年七月己巳敕責陝西諸司比聞所屬歲屢不登致民流莩有司坐視不恤又不以聞其咎安在其速發倉儲振之本

十九年遣蹇義等二十六人巡行天下安撫軍民敕曰今命爾等分歷郡縣撫安軍民詢察所苦與利除害旌廉黜貪致民安於田里而無饑寒愁嘆之聲則予汝嘉如又徇私蔽公不辨淑慝不察是非軍民休戚不以究心將爾之罪亦不可追

明會要卷四十六

五

仁宗卽位諭羣臣曰朕承大統君臨億兆亦惟賴文武賢臣共圖康濟矧屬亮陰之際尤切倚毗之心嗣位初首詔直言而涉月累旬言者無幾夫京師首善地民困於下而不得聞弊膠於習而不知革卿等毋以直言而慮後譴必有嘉謀嘉猷輔朕不逮

洪熙元年三月丁丑敕曰朕卽位以來臣民上章以數百計未嘗不欣然聽納間者弋謙所言多非實事羣臣交章奏其賣直請置諸法朕但免謙朝參自是言者益少去冬無雪春亦少雨陰陽愆伏必有其咎豈無可言而爲臣者懷自全計退而默默何以爲忠朕於謙一時不能含容未

嘗不自愧咎爾羣臣勿以前事爲戒於國家利弊政令未當者直言勿諱

宣德二年六月諭侍臣曰南北二京相去數千里常慮驛使往來或有暴擾或水旱災傷疾疫皆朕所欲聞者朝臣往還御史巡歷皆不以告故遣王彰巡視乃所言不切大體大臣如此予復何望爾等朝夕左右凡所見聞當詳陳毋隱

八月甲戌上諭諸司曰朝廷治天下以信爲本朕每下一詔令必須度可行可守而後發有司沮格致朝廷失信於民不忠孰大焉其嚴禁之有沮格者治以罪

明會要卷四十六

未

四年三月己巳諭六部都察院自今當洗心悔過不許差人假公營私擾吾良民違者罪之仍令巡按御史及按察司察舉不察舉者罪同已上大訓記

七年三月辛酉諭禮部曰朕以官田賦重十減其三乃聞異時蠲租詔下戶部皆不行甚者戒約有司不得以詔書爲辭是廢格詔令使澤不下究也自今令在必行毋有所本

六月丙辰御製官箴以戒百官諭曰朕撫綏兆民實賴中外文武羣臣同心同力興起治功遠臣既不得數見而人論之近臣朝夕相接亦不能數以言論因取古人箴儆之

義凡中外諸司各著一篇使揭之廳事朝夕省覽庶幾有裨然古之君臣有交儆之道凡在位之君子有以嘉謨告朕者尤朕所樂聞也箴凡三十五篇大訓

成化二十二年六月乙亥敕羣臣脩舉職業

神宗即位詔羣臣曰近歲以來士習澆漓官方刻敝詆老成爲無用矜便佞爲有才遂使朝廷威福之柄徒爲人臣報復之資用是薄示懲戒餘皆曲貸諸臣宜被除前愆共維新政若溺於故習背公徇私獲罪祖宗朕不敢赦萬曆十三年四月戊午詢大學士等曰天旱雖由朕不德亦天下有司貪婪剝害小民以致上千天和今後宜慎選

明會要卷四十六

七

有司

二十一年八月丙戌以災異敕戒內外諸臣脩舉實政已上紀本

二十二年詔曰前歲各省災傷山東河南及徐淮爲尤甚有司不講求荒政牧養小民惟以搏擊風力爲聲名交際趨承爲職業遇有盜賊互相隱匿或故意徇縱以求免地方失事之名而各撫按官亦止知請賑請蠲不能汰一苛更革一弊政上下相蒙釀成盜賊之禍朕甚憂之自今當以安民輯盜爲有司之黜陟如有仍前欺隱及玩視詔令者重治不宥通紀

三十八年四月辛卯以旱災異常諭羣臣各脩職業勿彼此攻訐本紀

四十一年五月己巳諭吏部都察院曰年來議論混淆朝廷優容不問遂益妄言排陷致大臣疑畏皆欲求去甚傷國體自今仍有結黨亂政顛倒是非誣詆要譽者罪不宥三編

懲貪吏

洪武四年十一月庚申命官吏犯贓者罪勿貸本紀十八年詔盡逮天下積歲官吏爲民害者赴京師築城朱煦傳

明會要卷四十六

六

明祖嚴於吏治凡守令貪酷者許民赴京陳訴贓至六十

兩以上者梟首示眾仍剝皮實草公座旁各懸一剝皮實草之袋使之觸目警心草木子按後海瑞疏亦舉太祖剝皮囊及洪武中所定枉法贓八十貫論絞之律以規切時政見瑞傳

二十五年八月頒醒貪錄於內外諸司大政記

永樂七年御史上言今貪吏虐民無如易州同知張騰立徵下獄循吏史傳

十三年七月敕諭內外諸司曰近如灤州不才官吏借官辦爲名色以一科百所得贓物各分入己民受毒害已凌遲籍沒今後諸司官吏有仍前貪污害民者必殺無赦昭代

則典

十六年十二月諭法司曰唐太宗惡官吏貪濁犯賊必置於法故吏尙清謹民免措克貞觀所以爲盛朕屢敕中外諸司不許妄役一夫擅斂一財而官吏恣肆自若百姓苦之夫良農必去稂莠者爲害苗也繼今犯賊必論如法三編宣宗卽位罷浙江布政使參議王和袁昱陝西按察司僉事韓善爲民和等坐賊遇赦吏部奏擬還職上曰士大夫首重廉恥貪污之吏豈可復任方面大訓宣德二年正月庚午上諭羣臣曰前日御史奏通政秦川往湖廣督賦受贓川大臣何得全無知識漢大司農田延

明會要卷四十六

九

年貪求賂賄一旦敗露自殺命重而財輕乃以至重博至輕況贓物法當入官於己何益今至此罪豈可容凡在官者當以爲戒同上

四年六月甲午吏部奏文職有贓罪納米者請降一級用上曰納米乃一時之權宜懲貪爲立國之大法自今官吏犯贓者罷納贖例仍依律治之三編

七月甲子御史沈閏受土豪金出其殺人死罪事覺法司奏律應絞但事在赦前予杖上曰御史朝廷耳目受重賂縱死罪法豈可貸其免杖發戍遼東邊衛大訓五年五月癸卯追奪賊吏誥敕著爲令本紀

七年楊士奇請命風憲官考察奏罷有司之貪污者帝曰然向使不罷劉觀風憲安得肅劉觀傳隆慶二年正月上覽直隸巡按顧廷對奏曰貪官止於罷黜不足示懲今次考察諸司贓多跡著者部院列其罪狀奏請處治王圻通考

明會要卷四十六

三

明會要卷四十六終

明會要卷四十七

永新龍文彬纂

選舉一

科目

洪武三年詔開科舉以今年八月為始使中外文武皆由科舉而進於是京師行省各舉鄉試初場試經義二道四書義一道二場論一道三場策一道中式後十日復以騎射書算律五事試之王圻通考四年正月詔各行省連試三年且以官多缺員舉人俱免會試赴京聽選同上

明會要卷四十七

一

二月始開會試科取中一百二十人三月乙酉朔策試天下貢士帝親製策問試於奉天殿賜吳伯宗郭紳吳公達俱及第張挂黃榜奉天殿宣諭賜宴中書省授伯宗為禮部員外郎餘及第出身授主事同出身授縣丞會元俞友仁亦授縣丞一甲三人不授翰林蓋官制未定也六年二月諭中書省臣有司所取多後生少年能以所學措諸行事者甚寡非朕責實求賢之意各處宜暫停科舉別令有司察舉賢才以德行為本文藝次之上俞山集十五年八月復行科舉三年一行為定制三編文彬按科舉之法歷代屢變至明則兼用之始以經義

明會要卷四十七

二

繼以論表終以策問是欲併理學經濟文章而備求之一人古者取賢斂材之道豈如是也唯求之愈備下之所以應之者愈苟無怪展轉相蒙不能得真士之用太祖因科舉取士皆虛浮失實六年詔罷至十五年復行使於此更定法制標其目而分試之習經義者三場專試經義習論習策者亦然俾自幼至壯得各致力於一途積歲累月造就必有可觀何至盡歸於空疏而無用王文恪嘗欲於進士外別立一科必兼通諸經博洽子史詞賦乃得與有官無官皆得應之其意急思挽積虛之弊卒付之空談而不行世謂明初之所以得人者由於三途並用其後之所以漸衰者由於專重科目不知科目何病惟有科而無目欲其儲才以備國家之用是猶適燕而南轅耳十七年頒科舉定式子午卯酉年鄉試辰戌丑未年會試試各三場初場試四書義三道經義四道四書主朱子集註易主程朱傳義書主蔡沈傳及古註疏詩主朱子集傳春秋主左氏公羊穀梁胡安國張洽傳禮記主古註疏二場試論一判五詔誥章表內科各一三場試經史策五應鄉試者國子學生及府州縣學生之學成者儒士之未仕者官之未入流者皆由有司申舉其罷閒官吏及倡優之

家與居父母喪者俱不准入試主考二人同考鄉試四人會試八人身山集

十八年廷試擢一甲丁顯等為脩撰二甲馬京等為編脩吳文為檢討其餘皆觀政於諸司其在翰林承敕監等衙門者曰庶吉士在六部都察院通政司大理寺等衙門者仍稱進士選舉志

三十年考官劉三吾白信蹈所取宋琮等五十二人皆南士三月廷試擢陳郊為第一帝怒所取之偏命侍讀張信等十二人復閱郊亦與焉帝猶怒不已親自閱卷取任伯安等六十一人六月復廷試擢韓克忠第一皆北士同上

明會要卷四十七

三

時謂之南北榜又曰春夏榜云劉三吾傳永樂二年甲申禮部奏請會試選士之數上問洪武中所選幾何尙書李至剛對曰各科不同多者四百七十餘人少者三十人上曰朕初即位取士姑準其多者後不為例王圻通考

是年廷試授一甲三名翰林脩撰編脩復命於第二甲擇文學優長楊相等五十一人及善書者湯流等十人俱改翰林院庶吉士於是庶吉士遂為翰林之專官明年正月復命學士解縉等選才資英敏者就學文淵閣縉等選脩撰會榮編脩周述周孟簡庶吉士楊相等共二十八人庶

吉士周忱自陳少年願學帝喜命增為二十九人身山集十年壬辰論考官楊士奇等曰數科取士頗多不免玉石雜進今取無過百人其務精擇收散木累百不若得良材一株也大訓記

十三年二月行在禮部會試天下貢士三月策士於北京選庶吉士六十一人於國子監立題名石洪武二十一年始立石於應天府大學至是皆在北京通典十四年命貴州士子附雲南鄉試同上

明會要卷四十七

四

名湖廣廣東各四十名河南四川各三十名陝西山東山西各三十名廣西二十名雲南交趾各十名貴州應舉者就試湖廣並定會試取士額南人十六北人十四議定未行會晏駕宣宗嗣位始奏行之明政統宗

宣德五年帝臨軒發策畢退御武英殿謂翰林儒臣曰取士不尙虛文有若劉蕡蘇轍輩直言抗論朕當顯庸之乃賦策士歌以示讀卷官明政統宗選薩琦等八人為庶吉士給酒饌房舍月賜膏燭鈔一如永樂甲申例八年命內閣禮部選進士尹昌等六人為庶吉士賜第給酒饌膏燭鈔又選乙榜龍文章謹等二十四人送國子監

賜冠帶給訓導俸至十一月復選進士徐瑄等十三人為庶吉士已上集

正統元年丙辰增鄉試額南北直隸百名江西六十五名他省仍自五而殺會試分南北中卷以百人為率南取五

十五名北取三十五名中取十名明統宗

三年八月辛酉順天貢院火號舍多焚試卷亦殘缺有司懼罪不敢言更試惟請葺號舍終事考官曾鶴齡曰必更試然後昭至公禮部具二議進詔下如鶴齡言

景泰二年辛未會試禮部奉初詔遵永樂間例不限額不分地給事中李侃爭之言部臣欲專以文詞多取南人刑

明會要卷四十七

五

部侍郎羅綺亦以為言下禮部覆奏言臣等所奉詔書非私請也且鄉舉里選之法既不可行取士若不以文考官將何所據上命遵詔書不從侃議已上集

是年五月始命科場官親屬迴避從給事中金達奏也大政

四年給事中徐廷章請仍依正統間額從之五年會試禮部奏請裁定於是復分南北中卷南卷應天及蘇松諸府

浙江江西福建湖廣廣東北卷順天山東河南山西陝西中卷四川廣西雲南貴州及鳳陽廬州二府滁徐和三州遂著為令

初制兩京鄉試主考皆用翰林同考用教職而各省考官先期於儒官儒士內聘明經公正者為之故有不在朝列

累秉文衡者景泰三年令布按二司同巡按御史推舉見任教官年五十以下三十以上文學廉謹者聘充考官於

是教官主試遂為定制初制會試同考八人三人用翰林

五人用教職景泰五年從禮部胡濙請俱用翰林部曹其後房考漸增至正德六年命用十七人翰林十一人科部各三人已上選舉志

天順二年令兩京天文生陰陽生及官生子弟許就在京鄉試王圻考

明會要卷四十七

六

七年癸未會試日場屋火焚死者九十餘人俱贈進士出身改期八月會試明年三月廷試時英宗已崩憲宗以大喪未踰歲御西角門策之

成化十五年十二月御史許進言各布政司鄉試考官有司徇私聘取或非其人監臨官又往往侵奪其職掌請視

兩京例特命翰林主考帝諭禮部嚴飭私弊而不從進請二十二年萬安當國周洪謨為禮部尚書皆四川人乃因

布政使潘楨之請南北各減二名以益於中宏治二年復舊制後相沿不改已上選舉志宏治十四年掌國子監謝鐸言考官皆御史方面所辟召

職分既卑聽其指使以外簾官豫定去取名爲防閑實則
關節而科舉之法壞矣乞敕兩京大臣各舉部屬等官素
有文望者每省差二員主考庶幾前弊可革時未能從身

正德三年給事中趙鐸承劉瑾指請廣河南陝西山東山
西鄉試之額乃增陝西爲百河南九十五山東山西俱九
十而以會試分南北中卷爲不均乃增四川額十名並入
南卷其餘並入北卷南北均取一百五十名蓋瑾陝西人
閣臣焦芳河南人票旨相附和各徇其私瑾芳敗旋復其
舊選舉

明會要卷四十七

七

嘉靖六年令歲貢教官得與鄉試

七年用大學士張璠言各省主試宜遣京官或進士每省

二人往典試事其兩京亦用科甲出身官分考已上王

二十五年從給事中萬虞愷言各省鄉試請聘教官不足

則聘外省推官知縣益之選舉

會試原無按檢官嘉靖己未御史建言欲厲其禁尙書吳

山持不可隆慶二年復有言者始設

御史聞人銓言今時文體詭異已極乞申飭天下力崇古

樸其要在先責督學憲臣次責場屋考校等官得旨自後

遇鄉試禮部必磨勘試錄有仍前離經畔道詭辭邪說者

則治監察考校官之罪黜其中式者爲民

四十三年閏二月從南京御史奏兩京主考迴避本省大

記如資序挨及南人用北北人用南以別嫌疑同考用京

官進士易詩書各二人春秋禮記各一人其餘乃參用教

官給事中胡叔廉鄭大同建言科場事宜謂監試御史不

過防範於外故內簾之弊無從糾察而散卷等官始得以

徇私今內簾宜設監察一員已上春明

四十四年命御史李邦珍等場外按檢詔申嚴懷挾傳遞

之禁提學御史耿定向奏兩京各省鄉試揭曉之日以中

式舉人硃墨卷發提學官查驗鈐封送京府各布政司解

明會要卷四十七

八

部以防偽濫又革去兩京應試監生字號與生員一體彌

封取中御史陳聯芳言宜重後場以羅實學兩京同考閱

卷不必書各房字樣主考止以文字去取毋以考官爲額

數分房爲次第禮部議覆從之明臣

隆慶元年丁卯兩京鄉試監生卷各革去皿字號於是南

監中式僅數人虧舊額四分之一三揭曉後考官王希烈等

至國學謁文廟監生數百人誼諫門外伺希烈等出遮訴

語甚不遜巡城御史操江都御史使人呵止之久之方解

事聞詔南京法司逮治爲首者數人發遣監生編號如舊

行身山

萬曆四年丙子復議兩京同考教官衰老者遣回北京取足於觀政進士候補甲科南京於附近推官知縣取用選志

先是二年甲戌張居正子敬脩會試不第居正不悅因停是科館選六年丁丑子嗣脩以一甲第二人及第八年子懋脩以一甲第一人及第次輔呂調陽張四維申時行之子亦皆先後成進士御史魏允貞疏陳時弊請自今輔臣子弟中式俟致政之後始許廷對帝為謫允貞於外集山十一年癸未詔定科場事宜部議復舉張聰之說言彼時因主考與監臨官禮節小嫌故行之兩科而罷今宜仍遣

明會典卷四十七

九

廷臣由是浙江江西福建湖廣皆用編脩檢討他省用科部官而同考亦多用甲科教職僅取一二而已選舉志十三年禮部奏近因科場作弊科臣萬象春張維新建議覆試請勅下本部關防按檢一切如故荒謬者斥落為民

集山

天啟間張鳳翼言會試期太祖定於二月蓋謂金陵南北之中地在大江之南得春為先故定於二月取春之中今

建都北京遠三千里宜移在三月春明夢錄

會試額數洪永多至四百七十餘人少則三十人宣宗定直省試額百南十六北十四正統七年加為一百五十人

景泰五年三百五十人宏治十五年加至四百人嘉靖隆慶以首科皆四百人萬曆二年張居正題定三百人至後如萬曆癸丑崇禎辛未皆四百人上同

崇禎七年甲戌舉人顏茂猷文兼五經作二十三藝知貢舉林鈺以聞詔送內簾既中副榜命特賜進士以其文刻於試錄第一名之前選舉志

宗科

舊制宗室無就試者萬曆二十三年鄭世子載堉請宗室得儒服試視才器使始詔奉國中尉以下入試輔國以上爵尊不得與繼而禮臣言封爵科目原自兩途彼既願從

明會典卷四十七

十

科目入仕應照士子出身資格銓除從之惟不得除京朝官然制屢定未能行編三

天啟二年始開宗科朱慎鋆成進士主考何宗彥朱國祚請即授中書舍人

崇禎四年朱統錦成進士初選庶吉士吏部以宗室不宜官禁近請改中書舍人統錦疏爭命仍授庶吉士已上選舉志

武科目

洪武二十年七月禮部請立武學並令武臣子弟於各直省應試三歲武舉六歲會舉春明夢錄

天順八年十月甲辰立武舉法自洪武二十年令武臣子

弟得於各直省應試尋罷不行至是復命直省諸武藝人兵部同總兵官考核其弓馬策略分別甲乙以備錄用指插以下子弟悉令入學又定試武舉式騎中四矢步中二矢以上者爲中式騎步所中半者次之帥府試策略教場試弓馬問策二道大略如文闈之式通紀

是年於武舉分爲二等上者加署職二級次者加署職一級旗舍餘丁上者授所鎮撫次者授冠帶總旗民生上者授各衛試經歷次者授各衛知事後絕無授經歷知事者春明夢餘錄

明會要卷四十七

十一

爲撰草奏上上令兵部移文天下教養數年俟有成效巡按提學等官具奏處置昭代典則宏治六年定武舉六歲一行先策略後弓馬策不中者不許騎射選舉志

十七年尙書劉大夏奏武舉之設將以延攬英雄廣儲將帥特法制未備禮義未隆上未足以協旁求之心下不足以副登進之望茲當武舉再開之時欲仿唐宋故事參酌會殿二試事例少加損益每遇文舉鄉試之年將武舉豫期行移兩京各省如有講究韜略精通武藝者許赴所在官司投報禮送兵部請於次年開科初較騎射二較步射

三試策論優者列職論官以示崇異疏入帝從之改定三年一試出榜賜宴明臣奏議

正德二年四月開武舉宴於中府武舉賜宴之始大政記十四年定初場試馬上箭以三十五步爲則二場試步下箭以八十步爲則三場試策一道選舉志

嘉靖元年七月定武舉中式騎射四矢以上步射二矢以上不分等第陞署職二級大政記十九年罷武舉鄉試

二十年復設武舉分別邊方腹裏照會試南北卷例如每科五十名邊方三十腹裏二十已上昭代典則

明會要卷四十七

十一

天啟二年給事中甄淑疏言武舉中式一百六十人以本等中服謝恩職方司會同科道查明年貌勇力技藝才德注本人名下十月上旬過堂令各陳所能先期演試卽於是月望日皇上臨軒策問閣臣與兵部尙書侍班皇上欽定一甲三名授都司僉事二甲三十名授守備三甲百餘名以次各授出身職方司遇缺便補定限三年內選完從春明夢餘錄

崇禎四年武會試時帝銳意重武舉子運百斤大刀者止王來聘及徐彥琦二人而彥琦不與選帝下考官及監視御史獄悉貶兵部郎二十二入遣詞臣倪元璐等覆閱取

百人視文榜例分三甲傳臚錫宴以前三十卷進呈欽定
一甲三人來聘居首卽授副總兵武榜有狀元自來聘始
也姜名武傳

十四年諭各部臣特開奇謀異勇科詔下無應者選舉志

外夷會試

洪武三年詔高麗安南占城等國如有經明行脩之士各
就本國鄉試貢赴京師會試不拘額數選取

洪武辛亥高麗國人入試者三金濤登三甲五名延安人
授山東安丘縣丞歸爲其國相景泰甲戌進士黎庸交阯
清威人阮勤多翼人勤仕至工部左侍郎天順庚辰阮文

明會要卷四十七

七

英慈山人何廣扶甯人成化己丑王京嘉靖癸未陳儒俱
交阯人儒仕至右都御史已上會山集

科目雜錄

洪熙元年四月鄭府審理正俞廷輔言近年賓興之典士
率記誦虛文求其實才十無二三或有年纔二十者未嘗
學問一旦挂名科目而使之臨政治民職事廢墮民受其
弊自今各處鄉試宜令有司先行審訪務得博古通今行
止端重年過二十五者許令入試上雖嘉納而未果行通典
宜陽典史黃鉞建文元年舉湖廣鄉試明年賜進士泰和
典史曹鼎宣德八年會試中式廷試第一人刑部吏南昱

公陵驛丞鄭溫正統七年會試同中式

正統中讀卷戶部尙書徐晞戶部侍郎柰亨皆吏員天順
元年讀卷左都御史楊善係譯字生已上會山集

宏治中吏部侍郎王鏊爲制科議曰國家設科取士之法
先之經義以觀窮理之學次論表以觀博古之學終策問
以觀時務之學行之百五十年宜得其人超軼前代卒未
聞有如古之豪傑者出乎其間而文詞終有愧於古雖人
才高下係於時然亦科目之制爲之也三代取士之法姑
未暇論唐宋以來科有明經有進士明經卽今經義之謂
也進士則兼以詩賦當時二科並行而進士得人爲盛名

明會要卷四十七

七

臣將相皆是焉出明經雖近正而士之拙者則爲之謂之
學究詩賦雖近於浮豔然必博觀泛取出入經史百家蓋
非詩賦之得人而博古之爲益於治也至宋王安石爲相
黜詩賦崇經學科場以經義論策取士可謂一掃歷代之
陋然士專一經白首莫究其餘經史付之度外謂非已事
後安石言初意驅學究爲進士不意驅進士爲學究蓋安
石亦自愧悔之矣今科場雖兼策論而百年之間主司所
重士子所習惟在經義以爲經義既通則策論可無俟乎
習夫古之通經者通其義焉耳今也割裂裝綴穿鑿支離
以希合主司之求窮年畢力莫有底止偶得科目棄如弁

肇始欲從事於學而精力竭矣人才之不如古其實由此然則進士之科可無易乎曰科不俟易也經義取士其學正矣所恨者其途稍狹不能盡天下之才耳愚欲於進士之外別立一科如前代制科之類必兼通諸經博洽子史詞賦乃得與焉有官無官皆得應之其甲授翰林次科道次部屬而有官者則遞升焉如此天下之士皆將奮志於學雖有官者亦翹翹然有興起之心無復專經之陋矣黃尊素曰今天下取士悉由學校升貢宋則科舉學校絕不相關每秋試自縣令佐察行義保任之上於州州長貳復審察得實卽入試院其士子未嘗繫名學校其後三舍

明會要卷四十七

五

法行是爲學校之科舉其不由學校而爲科舉者如故也今三年鄉試一省彙所屬郡邑而試之宋則諸州各自爲試各自發解與路分無與惟有官鑱應舉者及避嫌遠鄉之人試於轉運使反謂之別頭試今士人一經鄉舉則當會試之期徑借計吏不復取解宋則有恩例始得免解或減一舉而已其下第進士雖會中省試來科仍復解試中格然後得上省試也今殿試不過名次升降無有黜落宋初於御試特重苟不中格則省試皆虛也所謂特奏名者凡士貢於鄉而屢黜於禮部或御試所不錄積前後舉數參其年而差等之遇親策士徑許赴試其薦舉者不試

於州郡惟試禮部不中亦許赴御試故有免解免省之條今必層累而上更無越次而舉者宋必賜出身然後註官今則一經解牒便可釋褐州縣宋之御試第一一人不過僉書判官第六人以下司戶簿尉而已今則第一甲三人卽爲清要官最下者亦不失守令總而論之宋之出身易而入官難今之出身難而入官易出身難故多枉才入官易故多敗類此本朝之人物所以遠不及於宋也通已上萬曆十四年禮部尙書沈鯉疏近年以來科場文字漸趨奇詭而坊間所刻及各處士子之所肄業者更多怪異不經及今不爲嚴禁恐益灌漑人心浸尋世道爲害甚於異

明會要卷四十七

末

端臣等心竊憂之夫唐文初尙華靡而士趨浮薄宋文初尙鉤棘而人習險譎國初舉業有用六經語者其後引左傳國語矣又引史記漢書矣史漢窮而用六子六子窮而用百家甚至佛經道藏摘而用之流弊安窮宏治正德嘉靖初年中式文字純正典雅宜選其尤者刊布學宮以爲準則非是不得錄取直省提學官各持一方文衡轉移士習尤爲緊切今後請將解部考卷容臣等逐一閱驗咨送吏部以爲提調學政官殿最從之明臣奏議

明會要卷四十七終

明會要卷四十八

永新龍文彬纂

選舉二

任子

明初因前代任子之制文官一品至七品皆得廕一子以世其祿後乃漸為限制在京三品以上滿考著績方得請廕謂之官生出自特恩者不限官品謂之恩生或即與職事或送監讀書會典

明初品官之子必試其人而後得廕廕必從科舉而後授官厥後廕而獲舉復得以其次子補焉或以嫡子之子有

明會要卷四十八

補敘至曾元者王圻通考

洪武十六年定職官子孫廕敘正一品子正五品用從一品子從五品用正二品子正六品用從二品子從六品用正三品子正七品用從三品子從七品用正四品子正八品用從四品子從八品用正五品子正九品用從五品子從九品用正六品子於未入流上等職內敘用從六品子於未入流中等職內敘用正從七品子於未入流下等職內敘用職官志

洪熙元年金忠子達年十歲授檢討還鄉支俸幼童廕官自此始

正統二年檢討王仙會子旒乞恩入監惟令科第出身初兵部員外郎俞英子端太醫院醫士王文子謙俱乞恩得入監至是旒援以為請許之

英宗命廕子入監十年以上准照歷事出身即科舉中式者會試下第仍須復監循次歷事出身

天順元年禮部復議在京三品以上官之子奏願入監讀書者務從科目出身不許歷事上從之已上王圻通考

二年十二月廕祭酒李時勉一人入監舊例所無係特恩成化八年五月令故官三品子孫當廕者入原籍儒學照歲貢例送部考試入監已上大政記

十六年定例凡文武官死於忠諫者一子入監其後守土官死節皆得廕子選舉志

明會要卷四十八

十八年正月命京官三品以上政績顯著者方許廕子入監明政統宗

宏治二年南京吏部尚書王僉奏言先年兵部尚書余子俊廕其姪寔吏部侍郎崔恭廕其姪柯左副都御史張瓚廕其姪宸右副都御史孫仁廕其姪玆今臣例當廕子然

長子沂叨中進士次子洛年幼惟姪虞膳生澄粗已成材乞送監讀書從之王圻通考

孝宗時廕子未仕亡歿許其補廕若應得廕子恩而身故

許其子孫自改其有子而願廢其兄弟者聽通典

正德五年甯夏平閩臣李東陽廢子尙寶司丞楊廷和廢

子中書舍人邊功及內閣自茲始通考

八年定制補廢止許一人已補而又故者毋得再補通典又

詔東宮侍班官三年者一子入監選舉志

十五年廢大理寺卿陳恪子應期入監恪未經三年考滿

蓋異數也王圻通考

嘉靖二年詔廢中官張欽義子李賢為錦衣世襲指揮給

事中許相卿言于謙子冕止錦衣千戶王守仁子正憲止

錦衣百戶賢中官廝養反過之忠勳大臣裔曾不若近倖

明會要卷四十八

三

奴殉國勤事之臣誰不解體野獲編

九年七月尙書屠勳子應垣應俊俱廢入國學已而俱舉

於鄉塲上言乞以孫鈞補廢帝曰大臣子孫因仍冒廢原

非國典今著為令凡受廢子弟有由別途入官不得再補

明政

黃綰承祖孔昭廢累官少詹事兼侍講學士以任子官翰

林前此未有也黃綰傳

十二年以皇子生十八年以立東宮恩詔兩京文職三品

以上官未及三年考滿者廢一子入監

隆慶二年吏部奏原任左中允郭希賢以建言被刑乞廢

許其子郭禹臣送監讀書已上王圻通考

四年梁儲有廢子次挹天死孫紋請補穆宗以年久不准

且命自今禁絕著為令高拱謂紋所請與濫乞者不同請

許紋而此後皆力禁上乃允之通紀

凡儲闈輔導及死於王事不限官品皆得議廢王圻通考

宏正以後大僚任子授各衙門幕職得遞升宗人府五都

督經歷即由五品升知府未有官即署者隆慶間高拱掌

銓建議以為知府四品方面官大臣子弟可以執袴得之

豈有不堪郎署之理且宗人五府經歷兩京止十二人缺

少人多銓法壅滯宜一切疏通除吏禮兵外餘三部俱得

明會要卷四十八

四

遷轉待俸滿升知府如故事得旨允行野獲編

五年詔凡以廢入監後中科目者仍令補廢又先由錄廢

國子監後以軍功改授錦衣衛千百戶者許以嫡次子孫

補之通典

萬曆六年立中宮王氏加恩閣臣呂調陽張四維俱廢一

子中書舍人至七年張居正服闋廢一子尙寶司丞蓋異

典也

十一年詔凡廢子未仕而故年遠親盡者毋得補廢

二十三年因兵部覆御史朱鳳翔奏奉旨于謙有安社稷

之功原廢指揮同知著升都指揮使改註錦衣衛胡宗憲

原廢錦衣衛副千戶著升指揮僉事各世襲已上王
吏部尚書倪岳卒於宏治辛酉至萬厯甲辰已百餘年其
曾孫翰儒以補廕請吏部覆疏雖有年遠親盡不許補廕
之條但岳先朝名臣翰儒尚在君子五世之列此外不得
比例上允其請野獲編

世襲

洪武三年定武臣世襲之例王圻通考

軍功襲職子弟年二十者比試初試不中襲職署事食半

俸二年再試中者食全俸仍不中者充軍選舉志

永樂元年定軍功襲替例凡洪武以來軍職絕不論堂兄

明會要卷四十八

五

弟姪並襲

成化十七年以都御史何喬新言凡軍職絕非立功人子

孫不得襲

宏治十八年許立功人親姪已襲者得治襲

正德十四年兵部尚書王瓊請堂兄弟姪並得襲

嘉靖十年兵部尚書王憲酌議立功人絕同時親弟姪得

襲其姪孫以下至堂兄弟姪等及治襲後別無立功者不

許襲已上王圻通考

明初定例嫡子襲替長幼次及之絕者嫡子庶子孫次及

之及絕者以弟繼永樂後取官舍旗軍餘丁曾歷戰功者

令原帶俸及管事襲替悉因之其降級子孫仍替見降職
事宏治時令旁支減級承襲正德中令旁支入總旗嘉靖
間旁支無功者不得保送凡升職官舍如父職其陣亡保
襲者流官一等選舉志

掾吏

張度郎本中由吏員累官吏部尚書

李信由縣掾累官吏部尚書

徐輝由吏員累官戶部尚書

徐晞膝懋德由吏員累官兵部尚書

李友直由吏員累官刑部尚書

明會要卷四十八

六

胡禎由御史臺吏累官刑部尚書

李質萬祺由吏員累官工部尚書

汪河由省掾累官吏部侍郎

王春王鍾劉本道由吏員累官戶部侍郎

柰亨由吏員累官禮部侍郎

葉春劉敏王詔由掾吏累官刑部侍郎

楊時習汪懋由吏員累官大理寺卿

陳甯由府掾累官御史大夫

涂節由省掾累官御史中丞

黃政由邑吏累官僉都御史

平思由吏員累官陝西左參政

樂韶鳳由吏員累官祭酒

呂本由吏員累官太常卿

張苗由吏員累官通政使

赫郁由吏員累官光祿卿已上通典王圻通考弁山集

永樂七年六月丁卯召御史張循理等二十八人詢其出

身有洪秉等四人皆吏也上曰用人雖不專一途然御史

為朝廷耳目之寄宜用有學識達治體者乃黜秉等為序

班詔自今御史勿復用吏編三

正統時大理寺少卿張固劾都御史陳鑑等舉屬官出身

明會要卷四十八

七

掾吏者為知府自是掾吏不得應知府著為例

太祖初設科舉嚴斥吏胥又詔凡選舉毋錄吏卒之徒然

嘗與羣臣言初有憲官疾吏往候之憲官起扶杖而行因

以杖授吏吏拱手卻立不受憲官悟其意他日見吏謝之

吏曰某為屬吏非公家僮不敢避勞慮傷理體是則吏卒

中未嘗無正直之人顧上所以陶鎔成就之者何如爾

成祖嘗言刀筆之吏不可使任風紀然如况鍾之守蘇州

黃子威之守松江並治行超卓為一時良二千石已上通典

銓選

進士為一途舉貢等為一途吏員等為一途所謂三途並

用也京官六部主事中書行人評事博士外官知州推官

知縣由進士選外官推官知縣及學官由舉人貢生選京

官五府六部首領官通政司太常光祿寺詹事府屬官由

官廩生選州縣佐貳都布按三司首領官由監生選外府

外衛鹽運司首領官中外雜職入流未入流官由吏員承

差等選選舉志

顧炎武曰大明會典洪武二十六年定凡舉人出身第

一甲第一名從六品第二第三名正七品賜進士及第

第二甲從七品賜進士出身第三甲正八品賜同進士

出身而一品衙門提控正七品出身二品衙門都吏從

明會要卷四十八

八

七品出身一品二品衙門掾史典史二品衙門令史正

八品出身其與進士不甚相遠也後乃立格以限其所

至而吏員之與科第高下天淵矣故國初之制謂之三

途並用薦舉一途也進士監生一途也吏員一途也或

以科與貢為二途非也通典

選人之法每年吏部六考六選凡引選六類選六遠方選

二聽選及考定升降者雙月大選改授改降丁憂候補者

單月急選其揀選三歲一舉行舉人乞恩歲貢就教無定

期

考選之例優者授給事中次者御史又次者以部曹用雖

臨時考試而先期有訪單出於九卿臺省諸臣之手往往據以為高下京官非進士不得考選推知則舉貢皆行取已上選

洪武四年以詹同為吏部尚書論之曰吏部者衡鑑之司凡各衙門官吏給由到吏部限五日付勘完備以憑類選

十年論中書省臣曰凡職官聽選宜早與銓注即令赴任聞淹滯在京者資用乏絕假貸於人使賢者喪其所守元之弊政此亦一端自今銓選之後以品為差皆與道里費仍令有司給舟車送之

明會要卷四十六

九

十一年三月丁丑帝御奉天門選官論吏部曰資格為常流設耳有才能者當不次用之由是擢西安知府李文煥寶鈔提舉費震俱為戶部侍郎餘超擢郎中知府知州等官凡九十五人

十三年二月定南北更調用人北平山東山西陝西河南四川人於浙江江西湖廣直隸用之浙江江西湖廣直隸人於北平山東山西陝西河南四川廣東廣西福建用之廣東廣西福建人亦於山東山西陝西河南四川用之考覈不稱職及以事降謫者不分南北悉於廣東廣西福建汀漳江西龍南安遠湖廣郴州之地選用

宣德二年吏部上言自永樂十九年迄今遣回庶官四千三百餘人居鄉多不循分持官府短長請悉召至京考驗才能可用者以次銓敘否則罷為民從之

郭璉長吏部時政歸內閣自布政司至御史知縣皆令京官保舉左通政陳恭言古者擇任庶官悉由選部責任專而事體一今朝臣各舉所知恐開私謁之門長奔競之風乞杜絕令歸一下吏部議璉遜謝不敢當事遂寢

八年十一月命內閣試吏部就選外官六十八人錄其優者知縣孔友諒等七人以備任用

明會要卷四十六

十

近年方面郡守率由廷臣保陞給事御史以糾參為職豈能無忤於一人乞敕吏部仍按例奏請除授帝是其言命部議行

成化三年大學士商輅疏臣見吏員考滿冠帶聽選有經十二三年未得除授者中間多有衣食不給借貸於人將來授之以官何以責其廉介弗至侵漁於下哉又况累積愈多聽選愈久數年之後冗濫之弊有不可言當道慮其冗濫也於是多方裁損授職之後曾未幾時有以罷輒而去者有以老病而去者混及他途概加屏黜彼貪酷不才聲跡顯著者固無足怪矣若乃中人以下之資民情必久

而始熟政務必久而始諳雖欲假以歲月勉圖後效不可得矣夫欲流之清必先濬其源慮官之多而不慎選於出身之際徒裁損於任事之後非良法也乞敕該部今後吏員考滿仍照宣德正統年間事例而行則賢否不混而冗濫可革

明臣奏

給事中御史謂之科道官科五十員道百二十員明初至天順成化間進士舉貢監生皆得選補其遷擢者推官知縣而外或由學官其後監生及新科進士皆不得與或庶吉士改授或取內外科日出身三年考滿者考選內則兩京五部主事中行評博國子監博士助教等外則推官知

明會要卷四十六

十一

縣自推知入者謂之行取其有特薦則俸雖未滿亦得與焉

選舉志

嘉靖中給事中辛自脩奏言吏部銓注遴才要矣量地尤急邇年京府屬吏以大計去者十之五豈畿輦下獨多不肖哉地艱而事猥也請量地劇易以除官量事繁簡以注考吏部善其言請令撫按舉劾如自脩議

辛自脩傳

七年給事中陸燾言資格獨重進士致貢舉無上進階州縣教職過輕王官終身禁錮皆宜變通因陳久任使慎考察諸事下部議行

陸燾傳

九年正月保定巡撫錢如京言京畿重地請悉銓進士爲

守令不宜濫授歲貢上曰前屢詔所司隨材任用但有治行宜民者一體擢用蓋科貢乃國家取士正途不可偏有所重茲所議似特重進士而視歲貢太輕令人何以自奮宜申明前旨行

憲章錄

十一年吏部言頃奉三途並用明旨誠立賢無方之意第撫按所薦進士十之七八舉人百之一二歲貢則絕不齒及雖欲並用何由憑據請令撫按無問舉人歲貢拔其優異者以薦本部覈實奏請報可

同上

文彬曰明初三途並用薦舉一途進士舉貢一途吏員一途正統以後薦舉之途廢進士與舉貢遂分爲二途

明會要卷四十六

十一

然進士升於禮部爲高選而下第舉人與歲貢使肄業國學以觀其成本非輕以待之也內而臺諫外而藩臬由此遷擢者不少原與進士並重迨制科日盛內外要重之司皆歸之而舉貢之在大學者循資待選年老始博一官又積久不遷於是與進士判若天淵矣雖言者屢請復三途並用之舊而卒不能行或謂大學之成材者多錄於甲科而亦不盡然也總由監規既隳作育無法徒令以撥歷序銓而在監者自分遷擢無階頽惰荒廢重以納粟例開致舉貢監生益形壅滯此所以積輕而莫能挽也欲復三途並用之舊莫如整飭大學規制

罷捐例禁曠廢嚴勸懲教養之法具備始能儲才以資他日之用否則源之不清徒欲治其末流烏可得也

二十一年正月吏部尚書許讚條陳選法革奸弊十事明政

宗統

隆慶五年大學士高拱言國初舉人躋八座為名臣者甚眾後乃進士偏重舉人甚輕至於今極矣請自授官以後惟考政績不問出身又於舉人就選之時必稽其年貌五十以上者授以推官不得為州縣之長明臣奏議

萬曆二十二年孫丕揚拜吏部尚書患中貴請謁乃勅為掣籤法大選急選悉聽選人自掣請寄無所容銓政自是

明會要卷四十八

圭

一變一時相傳以為至公而于慎行議其於人材不分高下地方不論繁簡而一憑籤注無異於掩鏡索照其後有造籤之弊程學程趙南星皆以為非遂停抽籤之法至天啟末行人謂吏部為籤部顧大部作竹籤傳以讓之然自其法既行卒莫能改野獲編

給事中翁憲祥論掣籤法使盡付之無心則天官之職一吏可代苟為不然則地本豫擬何必於大廷中為掩飾之

術請亟停罷時不能從翁憲祥傳

崇禎三年御史王道純疏陳破資格之說言銓除舉劾考選甲乙科太低昂宜變通則賢才日廣帝命所司即行而

乙科勢重卒不能返王道純傳

六年縣令將行取者詔戶部先覈其錢穀徵賦不及額不得考選給事中周瑞豹考選而後完賦帝怒貶謫之命如

瑞豹者悉以聞熊開元傳

十三年帝以考選止及進士特命舉人貢生就試教職者悉用為部寺司屬推官知縣凡二百六十三人號為庚辰特用王圻通考

時貨賂公行資格盡廢都給事中吳麟徵上言限年平配固銓政之弊然舍此無以待中才今遷轉如流不循資格巧者速化拙者積薪開奔競之門無益軍國之計帝深然

明會要卷四十八

南

之吳麟徵傳

武選

洪武五年正月戊辰定武選之法大政記

凡大選曰色目曰狀貌曰才行曰封贈曰襲膺其途有四

曰世職曰武舉曰行伍曰納級初武職率以勳舊後乃參

用將材選舉志

嘉靖六年十二月詹事霍韜言內外軍職職掌載有定額今增至數倍錦衣官增至八倍乞敕兵部查覈其數洪武中軍職子弟年至二十方許比試襲職初試不中者食半俸再試不中者降充軍今悉賂權貴雖乳臭小兒無不中

者乞嚴納賄之禁舉比試之實成祖平交趾惟陞首功餘皆賞資適年奏帶及緝妖言捕盜者無不陞職乞汰冒濫以爲激勸於是命給事中夏言等察覈恩倖冗濫者裁汰以數千計夢餘錄

萬曆十五年復詔嚴加察覈且嘗命提鎮科道會同兵部品年資課技藝序薦剡分爲三等名曰公選然徒飾虛名終鮮實效也選舉志

二十三年兵部考選軍政上謂中有副千戶者不宜擅署四品職責部臣徇私兵科不糾發降武選郎韓范都給事中吳文梓雜職馬經綸傳

明會要卷四十六

五

廷推

凡員缺應補不待滿者曰推陞內閣大學士吏部尙書由廷推或奉特旨侍郎以下及祭酒吏部會同三品以上廷推太常卿以下部推在外官惟督撫廷推九卿共之吏部主之布按員缺三品以上官會舉

景泰時兵部尙書于謙以病在告詔推一人協禮部事江淵心欲得之陳循等佯推淵而密令商輅草奏示以石兵江工四字淵在旁不知也比詔下調工部尙書石璞於兵部而以淵代璞江淵傳

故事方面官敕三品京官保舉天順時大學士李賢患其

營競令吏部每缺舉二人請帝簡用並推之例始此李賢傳成化元年四月廷推兵部侍郎清理貼黃以岳正與給事中張甯名並上詔以爲私出正爲興化知府而甯亦補外

宏治五年正月湖廣巡撫徐恪中旨改南京工部侍郎恪上疏曰大臣進用宜出廷推未聞有傳奉得者臣生平不敢由他途進請賜罷黜帝慰留之徐恪傳

嘉靖六年帝欲相張璁命廷臣舉素有才望者再推而璁不與會中官多譽翟鑾遂用之三編十四年八月帝與費宏論遼東兵變事上曰撫臣處置失

明會要卷四十六

未

當耳宏因言推舉巡撫內地者向由吏部會戶部邊方則會兵部恐不能盡得人材臣欲會九卿推之如京堂例上曰善命著爲令通紀

四十四年世宗睿侍直諸臣厚凡遷除皆出特旨李春芳自學士至柄政凡六遷未嘗一由廷推同上

萬曆十二年王錫爵入閣先是御史李植江東之與申時行相搆以錫爵負時望且素惡居正當與時行貳故力推之比錫爵入閣乃與時行合弗善植等植由是大恨三編

十九年申時行既謝政密薦趙志皋張位自代遂用之吏部尙書陸光祖言舊制閣臣必由廷推若令一人密薦恐

開植黨之門志舉位因疏辭帝不允同上

二十六年吏部尙書蔡國珍罷廷推代者七人李戴居末

帝特擢用之當是時趙志舉沈一貫輔政雖不敢撓部權

然大僚缺人九卿及科道掌印者咸得自舉聽上裁而吏

部諸曹郎亦由九卿擢舉尙書不得自擇其屬李戴傳

三十四年朱賡以老引疾閣中空無人帝諭簡閣臣而廷

臣慮帝出中旨如往年趙志舉張位故事賡力疾請付廷

推朱賡傳

熹宗卽位以孫如游入閣言者詆其不由廷推交章論列

如游亦屢乞去熹宗勉留如游上疏言祖宗任用閣臣多

明會要卷四十八

七

由特簡遠者無論在世廟則有張璠桂萼方獻夫夏言徐

階袁煒嚴訥李春芳在穆廟則有陳以勤張居正趙貞吉

在神廟則有許國趙志舉張位卽皇考之用朱國祚亦特

簡也今陛下冲齡臣材品又非諸臣比有累至尊知人之

明乞速賜骸骨歸田里至十四疏乃遣官護歸如游傳

天啟三年廷推閣臣首列孫慎行盛以宏皆不用時魏忠

賢用事謀結外廷諸臣顧秉謙魏廣徵率先詣附忠賢乃

援之入閣三編

五年輔臣缺詔推老成幹濟才禮部尙書周如磐以年老

推用馮銓資淺年未及四十忠賢黨李魯生上言成卽爲

老而非必老乎年幹乃稱濟而卽有濟於國銓遂柄用同上

崇禎元年詔會推閣臣廷臣列成基命及錢謙益等名上

禮部尙書溫體仁侍郎周延儒以無素望不與帝先屬意

延儒而會推弗及體仁揣帝意必疑遂上疏許謙益帝怒

黜謙益盡罷會推者不用三編周延儒傳

六年廷推閣臣王應熊以望輕不與溫體仁力援之入閣

命下朝野胥駭給事中章正宸劾之帝怒下正宸詔獄三編

十五年廷推閣臣吏部尙書李日宣等以蔣德璟黃景昉

倪元璐劉宗周吳姓諸人名上帝令再推數人而房可壯

宋汝張三謨與焉大僚不獲推者爲流言入內帝深惑之

明會要卷四十八

六

尋下日宣等於獄李日宣傳

是年熊開元言敵兵入口四十餘日未聞逮治一督撫帝

曰督撫初推人以爲賢數月後卽以爲不賢必欲去之而

後快邊方與內地不同使人何以展布開元言四方督撫

率自監司明日廷推今日傳單其人姓名不列至期吏部

出諸袖諸臣唯唯而已旣推後言官轉相採訪而其人伎

倆亦自露於數月間故人得而指之非初以爲賢繼以爲

不賢也熊開元傳

行取

科道員缺考選推官知縣自推知入者謂之行取

京官非進士不得考選推知則舉貢皆行取然天下守令進士十三舉貢十七推知行取則進士十九舉貢纔十一舉貢所得又大率有臺無省多南少北已上選舉志

嘉靖十一年四月諭吏部用人兼取三途自進士外如有舉人歲貢才能卓異者皆行取以備科道官之選新進士授職者皆遵舊制習知民事俟有年勞始如例行取選用著為令通紀

初制急缺風憲不時行取神宗時定為三年選舉志

崇禎九年給事中姜採上書言天下三大病其一言舊制給事御史教官得為之其後途稍隘而舉人推官知縣猶

明會要卷四十八

與其列今惟以進士選彼受任時先以給事御史自待監司郡守承奉不暇剝下虐民恣其所為此行取考選之病也姜採傳

明會要卷四十八終

明會要卷四十九

永新龍文彬纂

選舉三

徵辟

太祖下金陵辟儒士范祖幹葉儀克婺州召儒士許元胡翰等日講經史治道克處州徵耆儒宋濂劉基章溢葉琛至建康創禮賢館處之選舉志

甲辰三月敕中書省臣自古帝王建邦設都必得賢士大夫相與周旋以成至治今土宇日廣文武並用卓犖奇偉之才世豈無之或隱於山林或藏於士伍非在上者開導

明會要卷四十九

引拔之則在下者無以自見自今有能上書陳言敷宣治道武略出眾者參軍及都督府具名以聞或不能文章許詣闕面陳其事吾將試之昭代典則

吳元年十月甲辰遣起居注吳琳魏觀等以幣帛求遺賢於四方

洪武元年閏七月徵天下賢才為守令

九月詔曰天下之治天下之賢共理之今賢才多隱巖穴豈有司失於敦勸與朝廷疎於禮待與抑朕寡昧不足致賢將在位者壅蔽使不上達與不然賢士大夫幼學壯行豈甘沒世而已哉天下甫定朕願與諸儒講明治道有能

輔朕濟民者有司禮遺本紀

十一月復遣魏觀及文原吉詹同吳輔趙壽等分行天下

訪求賢才昭代典則

六年罷科舉別令有司察舉賢才以德行為本文藝次之

其目曰聰明正直曰賢良方正孝弟力田曰儒士曰孝廉

曰秀才曰人才曰耆民皆禮送京師不次擢用而各省貢

生亦由大學以進於是罷科舉者十年選舉志

十四年正月丙辰詔求隱逸八月丙子詔求明經老成乏

士本紀

十五年都御史趙仁言曩者以賢良方正孝弟力田諸科

明會要卷四十九

二

所取士列置郡縣多不舉職宜覈其去留開濟條議以經

明行脩為一科工習文詞為一科通曉書義為一科人品

俊秀為一科練達治理為一科言有條理為一科六科備

者為上三科以上為中不及三科者為下從之開濟

者儒 鮑恂余詮全思誠張長年以耆儒為文華殿大學

士選舉志

劉琦關賢舉耆儒為副都御史同上

何顯周洪武初舉耆儒十三年任四輔官弁山集

洪武末儀智舉耆儒授高密訓導本傳

儒士 洪武十三年九月置四輔官以儒士王本杜佑龔

敦為春官杜敦趙民望吳源為夏官俱兼太子賓客目

編三

宋訥徵儒士任祭酒本傳

儒士張志源張宗德為侍郎選舉志

吳沈以儒士舉授翰林院待制本傳

李原名以通經儒士舉任禮部尚書本傳

貝瓊以儒士舉除助教宋訥傳

十五年四月癸卯以儒士吳暉為國子監祭酒九月癸

亥以儒士王存中等五百三十一人為按察司試僉事

十七年閏十月以儒士汪仲魯為春坊司直郎已上昭代典則

明會要卷四十九

三

張璠王廉舉儒士為布政使

鄭孔麟王德常黃桐生以儒士為參議已上選舉志

楊訓文以儒士徵任戶部尚書

藍子貞張伯益以儒士為副都御史

陳元以通經儒士為僉都御史

歐陽性舉儒士任刑部侍郎

馮冕舉儒士任刑部尚書

王中立舉儒士任禮部侍郎

邢浩盧友諒齊瞻金良佐吳昭陳宗顏安處善徐子民

曹岱梁伯與彭友信李宜之以儒士舉俱為布政使

謝冕舉儒士任大理寺丞已上并山集王折

賢良方正 費震洪武初以賢良徵任戶部尚書本傳

洪武十四年五月以賢良方正何德忠為河南左參議

蔣安素為四川右參議昭代典則

十五年劉仕頤應賢良舉對策稱旨授廣東按察司僉

事本傳

蕭岐前因有司屢舉不赴洪武十七年詔徵賢良強起

之授潭王府長史本傳

鄭公智以賢良舉為御史方孝孺傳

顏伯瑋建文元年以賢良徵授沛縣知縣本傳

明會要卷四十九

四

李信圭洪熙時舉賢良授清河知縣本傳

范希正宣德三年舉賢良方正授曹縣知縣本傳

趙翥由訓導舉賢良擢贊善大夫拜工部尚書本傳

郭有道舉賢良起家為尚書

樂世英徐景昇李延中舉賢良為布政使

余應舉馬衛許安范孟宗孫仲賢王福王清舉賢良為

參議

薛正言張端舉賢良為參政已上選舉志

秀才 洪武元年牛諒舉秀才官至禮部尚書崔亮傳

四年胡閏舉秀才入見授都督府都事本傳

八年范敏舉秀才擢戶部郎中後授試尚書楊思義傳

詹徽舉秀才官至東部尚書詹同傳

十五年八月丁酉擢秀才曾泰為戶部尚書辛丑命徵

至秀才分六科試用本紀

是年詹徽舉秀才官至太子少保兼東部尚書詹同傳

十七年十月丁亥以秀才宋矩等十七人為監察御史

昭代典則

凌漢以秀才舉獻烏鵲論授官累官右都御史本傳

程本立舉明經秀才除秦府引禮舍人本傳

二十六年選秀才張宗濬等隨詹事府官分直文華殿

明會要卷四十九

五

侍太孫本紀

唐宗魯舉通經秀才任工部侍郎

馬守中戴莊舉秀才任僉都御史

曹九舉舉秀才任副都御史已上并山集王折考

人才 張昂以人才累官戶部右侍郎本傳

向朴以人才召見知獻縣顏伯瑋傳

郁新以人才徵授戶部主事累遷至本部右侍郎本傳

鄭沂舉稅戶人才為禮部尚書

赫從道舉人才為大理少卿已上選舉志

李敬臣張文昱舉人才任刑部侍郎

楊翼安李寅安信馮天孫王儒邊昇甄庸蔣廷瓚蘇瓚

李頌高甯舉人才任工部侍郎

封益朱從善傅鐸陳居敬舉人才任戶部侍郎

何禮董俊舉人才任兵部尙書

劉遠舉人才任刑部尙書

吳景宏舉人才任禮部侍郎

湯有恭舉人才任右副都御史

王平嚴德明周璿戴瑀劉士英劉淪劉倫司中舉人才

爲僉都御史

湯仲行舉稅戶人才洪武二十七年任吏部侍郎

嚴良奇舉稅戶人才洪武三十年任刑部侍郎

潘長壽舉稅戶人才洪武三十年授僉都御史

李敏徐本舉人才官工部尙書

永樂中馬麟盛儀俞景周周克敬孫豫江潤艾瑛舉人

才俱爲布政使已上弁山集王圻考

孝廉孝弟力田附洪武十九年李德成舉孝廉累官陝西布

政使孝義本傳

劉敏舉孝廉任刑部侍郎本傳

李好誠舉孝弟爲參政

李德舉孝廉爲府尹已上選舉志

蘭芳舉孝廉累遷刑部郎中永樂中出爲吉安知府本傳

洪武十四年聶士舉以孝弟力田薦爲四川左參政昭代

則典

李希明舉孝廉任江西參政

麥志德舉孝弟力田任工部尙書已上弁山集

文學 宋亮舉文學爲參政選舉志

范濟以文學舉爲廣信知府本傳

秦約以文學舉擢禮部侍郎曾魯傳

王克己阮峻杜澤舉文學任吏部尙書

郭允道舉文學任戶部尙書

王起東易英舉文學任禮部侍郎

冀凱舉文學任工部侍郎

張經道舉文學試戶部侍郎

張紳舉文學任僉都御史

杜智舉文學任南京都御史已上弁山集王圻考

聰明正直 洪武十四年七月金思存舉聰明正直爲北

平右參議昭代典則

周均德舉聰明正直任工部侍郎弁山集

張大亨舉聰明正直爲參議選舉志

蘇恭讓舉聰明正直任漢陽知府王宗顯傳

明會要卷四十九

六

明會要卷四十九

七

明經 洪武元年錢唐舉明經對策稱旨特授刑部尙書

傳本

張文通阮仲智舉明經爲僉都御史

選舉志

開濟以明經舉授河南府訓導累官刑部尙書

傳本

三年劉崧舉經明行脩召見奉天殿授兵部職方司郎

中累官吏部尙書

傳本

高翔以明經爲監察御史

胡閏傳

王度用明經薦爲監察御史

傳本

周是脩舉明經爲霍邱訓導

傳本

張統舉明經爲東宮侍書累遷試左通政

傳本

明會要卷四十九

八

十五年王伯貞以明經聘至京時應詔者五百餘人伯

貞對第一授試僉事

王直傳

二十一年李至剛舉明經授禮部郎中

傳本

鄒緝舉明經授星子教諭屢遷翰林侍講

傳本

朱同儲可求張智舉明經任禮部侍郎

鍾勛舉明經任兵部侍郎

余焮舉明經任吏部尙書

張謙和希文朱浚舉明經任刑部侍郎

楊松胡季安舉明經任祭酒

宋性舉明經由刑部主事署本部侍郎

程本立舉明經任僉都御史

已上彙山集王圻考

楷書 周淵以能書舉洪武二十三年任御史

袁復洪武中以能書舉建文四年任大理少卿

金問以楷書薦永樂九年任南京禮部侍郎

沈度成祖初以能書舉入翰林官侍講學士

凌晏如以楷書薦授中書舍人宣德中任僉都御史

丁鉉舉楷書正統中任刑部左侍郎

趙榮舉楷書景泰中任工部尙書

張電嘉靖中以能書官禮部侍郎

談相嘉靖中以能書官工部侍郎

已上彙山集王圻考

明會要卷四十九

九

童科 明不設童科開有以神童薦者召至親試或留中講讀或遣歸就舉王圻考

程敏政十歲侍父信官四川巡撫羅綺以神童薦英宗

召試說之詔讀書翰林院官至禮部侍郎

傳本

李東陽四歲能作徑尺書景帝召試之甚喜兩召講尙

書大義稱旨命入京學官至大學士

傳本

楊一清以奇童薦爲翰林秀才憲宗命內閣擇師教之

官至大學士

傳本

任道遜林章以幼童薦官至太常卿

朱奎以幼童薦官至大理卿

謝宇以幼童薦官至工部侍郎

已上彙山集

徵辟雜錄

太祖渡江發書聘陳遇引伊呂諸葛為喻遇至與語大悅留參密議太祖即位三授翰林學士辭乃賜肩輿一乘衛士十人以示榮寵後授中書左丞以至禮部侍郎尚書皆固辭自是不復強以官陳遇傳

洪武二年徵處士陳謨詣京師賜坐議學學士宋濂待制王禕請留為國學師謨引疾辭歸陳謨傳

太祖召諸儒纂禮書以楊維禎前朝老文學遣翰林詹同奉幣至門賜安車詣闕廷留百有十日所纂敘例略定即乞骸骨帝成其志仍給安車還山楊維禎傳

明會要卷四十九

十

十二年十二月徵天下博學老成之士至京師

十五年九月吏部以經明行脩之士鄭韜等三千七百餘人入見

十八年十二月丙午詔舉孝廉之士已上大政記

十九年七月詔舉經明行脩練達時務之士三編

建文初楊士奇以史才薦召入翰林充編纂官本傳

成祖詔脩永樂大典召布衣陳濟為都總裁書成授右贊

善陳濟傳

仁宗幸宏文閣問楊士奇今山林亦有名士乎士奇以布

衣陳繼對召為國子博士後遷檢討同上

天順元年詔處士中有學貫天人材堪經濟隱居高蹈不求聞達者所司具實奏聞通典

二年遣行人齎璽書加束帛徵江西處士吳與弼赴闕授左春坊左諭德與弼辭詔不許乃請以白衣就邸舍假讀祕閣書留京師二月以疾篤請李賢請即放還始終恩禮以光曠舉帝然之賜敕及銀幣遣行人護歸吳與弼傳

成化十九年召廣東舉人陳獻章至京令就試吏部屢辭不赴疏乞終養授翰林檢討以歸陳獻章傳

宏治六年詔天下舉才德之士隱於山林者府尹唐恂以潘辰薦授翰林待詔自天順後漸拘資格編脩馬昇檢討

明會要卷四十九

十一

傅宗不由科目李賢皆出之為參議布衣無得預館閣者而辰獨以才望得之一時詫異數焉陳濟傳

嘉靖中年生員文徵明儒士葉幼學皆以薦授翰林院待詔萬厯中湖廣舉人瞿九思亦授待詔選舉志

萬厯十六年南昌知府范涑入覲薦鄧元錫劉元卿章潢於朝南京祭酒趙用賢亦請徵聘如吳與弼陳獻章故事得旨有司起送部試元錫固辭明年御史復以元錫元卿

並薦且請倣祖宗徵辟故事無拘部部試詔令有司問病痊可起送赴部竟不行蓋自吳與弼後元錫元卿潢並蒙薦辟號江右四君子鄧元錫傳時元卿授國子監博士章潢遙授順天府訓導見選舉志

崇禎九年吏部復議舉孝廉言祖宗朝皆偶一行之未有定制今宜通行直省加意物色果有孝廉懷才抱德經明行脩之士由司道以達巡按覆覈疏聞驗試錄用於時薦舉紛紛遍天下然皆授以殘破郡縣卒無大效選舉志

保舉

洪武十三年四月己丑命羣臣各舉所知

十五年正月庚戌命天下朝覲官各舉所知一人

成祖即位詔文臣五品以上及州縣官各舉所知非其人

者坐之已上本紀

永樂九年十一月詔京官七品外官五品以上及知縣官

明會要卷四十九

三

各舉賢能廉幹一人由吏部考驗擢用所保非才舉主連

坐昭代典則

仁宗初詔中外官舉賢才嚴舉主連坐法

宣宗初詔內外羣臣舉廉潔公正堪牧民者已上本紀

宣德七年三月楊士奇請令廷臣三品以上及布按二司

各舉所知備方面郡守之選從之三編

正統元年十一月詔京官三品以上舉堪任御史者四品

及侍從言官舉堪任知縣者各一人同上

二年敕方面郡守缺令三品以上保舉擇用議者言專用

保舉恩出於下恐開私謁之門宜循洪武永樂初制歸吏

部選除大學士楊士奇言宣德七年以前布按二司及府州縣官多不得人是以宣宗皇帝敕令大臣保舉自茲以往多得其人間有一二非才亦緣舉主不察甚或徇私所司不行糾劾以致如此昔唐太宗力行仁義命在京三品以上官舉郡守縣令後來致天下斗米三錢之效但所舉之人後有犯贓必須明正舉主之罪則人知謹畏不敢濫

舉官必得人矣詔仍如士奇言通紀

七年罷薦舉縣令之制選舉志

十二年給事中余忭言方面郡守有缺吏部當奏請上裁

尙書王直等以方面郡守保舉升用者多稱職未可擅更

明會要卷四十九

三

詔從直等言仍採林疏許言官指劾通典

十三年御史涂謙復陳保薦得方面郡守輒改前操之弊

請遵洪武舊制於內外九年考滿官內簡用或親擇朝臣

有才望者詔可大臣舉官之例遂罷

景泰中復行保舉給事中林聰陳推舉驟遷之弊言今缺

參政等官三十餘員請暫令三品以上官保舉自後惟布

按兩司三品以上官連名共舉其餘悉付吏部詔並從之

已上選舉志

成化二年正月命三品以上京官薦舉堪任布按二司者

昭代典則

六年罷保舉方面之例有缺皆具聞推用大政記
七年正月命京官五品以上及給事中御史各舉堪任州縣者一人本紀

宏治六年詔各撫按及布按二司遇府州縣才行俱優者無分舉貢吏員出身一體保舉五品以上果有才德出眾者開報吏部奏請定奪通典

十二年復詔部院大臣各舉方面郡守吏部因請依往年御史馬文升遷按察使屠浦遷僉都御史之例超擢一二以示激勸而未經大臣薦舉者亦兼采之並從其議當是時孝宗銳意求治命吏兵二部每季開兩京府部堂上及

明會要卷四十九

西

文武方面官履歷具揭帖奏覽第兼保舉法行之不專恃以為治也正德以後具帖之制漸廢選舉志

嘉靖八年令兩京文職四品以上翰林院五品及在外三品以上官各舉堪任知府一人翰詹科道及在外五品以上各舉堪任知州知縣一人實錄

四十四年詔各撫按於所屬中不論舉貢進士但有賢能一體保舉通典

崇禎十一年二月帝御經筵問保舉考選何者為得人楊廷麟言保舉當嚴舉主如唐世濟王維章乃溫體仁王應熊所薦今二臣皆敗而舉主不問是連坐之法先不行於

大臣欲收保舉之效得乎楊廷麟傳

卓異

正統十年大計天下羣吏始舉卓異之典松江知府趙豫甯國知府袁旭趙城知縣楊瓚海豐知縣王懋吳縣知縣葉錫慶雲典史趙亮皆與焉趙豫并楊瓚傳

天順四年吏部舉天下治行卓異按察使惟劉孜一人遷左布政使劉孜傳

宏治十五年吏部舉天下治行卓異者六人浙江按察使朱欽與焉朱欽傳

正德初劉濬起金華知府舉治行卓異本傳

明會要卷四十九

五

台州知府李光翰江西參議徐蕃同舉治行卓異戴鏡傳

江西右布政使張嶺舉治行卓異本傳

九年雲南按察使李充嗣舉治行卓異累遷右副都御史巡撫河南本傳

南昌知府李承勛舉治行卓異超遷浙江按察使本傳

嘉靖二年江西副使周廣舉治行卓異擢福建按察使本傳

山東副使王廷相舉治行卓異遷山東布政使本傳

鞏昌知府朱裳舉治行卓異遷浙江副使本傳

河南按察副使徐文華舉治行卓異入為大理右少卿尋轉左本傳

台州知府羅僑舉卓異都御史姚鏞上書言宜顯加獎擢
乃擢廣東左參政本傳

十一年廣東布政使徐問以治行卓異拜右副都御史巡
撫貴州本傳

順德推官周怡舉卓異擢吏科給事中本傳

湖廣布政使林庭楫舉治行卓異擢右副都御史林瀚傳

鳳陽知府劉安舉治行卓異賜正三品服本傳

平遠知縣王化舉卓異超擢廣東副使譚綸傳

萬厯初番禺知縣沈思孝舉卓異入為刑部主事本傳

崇禎二年青州知府汪喬年舉卓異遷登萊兵備副使後

明會要卷四十九

遷陝西右參政再舉卓異就遷按察使本傳

三年大名兵備副使盧象昇舉治行卓異遷按察使本傳

四年榆次知縣張任學舉治行卓異入為御史本傳

八年儀封知縣申佳允舉治行卓異擢吏部文選主事本傳

十年按察僉事湯開遠監安廬二郡軍巡撫史可法薦其

治行卓異進秩副使湯開遠傳

方岳貢為松江知府舉卓異者數矣因誣被逮一日帝晏

見輔臣問有一知府積俸十餘年屢舉卓異者誰也蔣德

璟以岳貢對詔復其官方岳貢傳

治劇

宣德五年帝以郡守多不稱職會蘇州等九府缺皆雄劇
地命部院臣舉其屬之廉能者補之於是况鍾知蘇州
羅以禮知西安趙豫知松江莫愚知常州邵旻知武昌馬
儀知杭州陳本深知吉安陳鼎知建昌何文淵知温州况鍾傳

天順間鎮江知府林鷄以才任治劇調蘇州本傳

憲宗初邵武知府盛暉以任治劇調延平楊瑄傳

正德中河南知府伍文定以才任治劇調吉安本傳

嘉靖間祁州知州潘恩調繁鈞州周延傳

萬厯中朝城知縣楊天民調繁諸城本傳

明會要卷四十九

臨漳知縣袁應泰調繁河內本傳

壽張知縣張慎言有能聲調繁曹縣本傳

東安知縣邱民仰調繁新城後累遷河間知府天津副使

永平右參政甯夏兵備民仰善理劇以故所移皆要地本傳

武康知縣周宗建調繁仁和本傳

確山知縣陳幼學調繁中牟本傳

天啟時崇明知縣熊開元調繁吳江熊開元傳

崇禎時虞城知縣宋玫以才調繁杞縣本傳

納賞

景泰元年戶部議令軍民輸納者給冠帶官吏罪廢者輸

草於邊得復職三編

二年令民輸納者世襲武職同監生郭佑上書略言昨以國用耗乏謀國大臣欲紓一時之急令民納粟者賜冠帶今軍旅稍甯行之如故農工商販之徒不較賢愚惟財是授驕親戚誇鄉里長非分之邪心賊污吏罷退為民欲掩罔黨之恥納粟草冠帶而歸前以冒貨去職今以輸貨得官何以禁貪殘重名爵况天下統一藏富在民未至大不得已而舉措如此是以空乏啟寇心也聊議傳

明皇卷四十九

末

子孫而彼取息長無窮也有功者必相謂曰吾以捐軀獲此彼以輸豆亦獲此是朝廷以我軀命等於荏菽其誰不解體乞自今惟令帶俸不得任事傳襲文職則止原籍帶俸帝以為然命已授者如故未授者悉如凱議曹凱傳

四年四月始令生員納粟為國子生三編

天順八年山東大飢巡撫牟俸乞開納粟例令胥吏得就選富民授散官牟俸傳

憲宗初納馬入監者至萬餘人御史高明請區別高明傳成化二年以荆襄用兵令生員納米百石以上入國子監軍民納二百五十石為正九品散官加五十石增二級至

正七品止通紀

宏治五年十一月吏部尚書王恕奏永樂宣德正統間天下亦有災傷各邊亦有軍餉當時無捐粟例糧不闕不足軍民不聞因弊比年來一遇災歉輒行捐例人既以財進身欲其砥礪廉隅如循吏豈可得也帝即命止之昭代典則正德二年八月己卯工部以接濟工程奏請令陰陽僧道醫官有缺許其生徒及仕宦子孫農民納銀送部免考授官其等有四軍民客商人等納銀許授七品以下散官榮其終身仍免雜徭其等有三民間子弟納銀許授都布按府州縣諸司承差知印吏役其等有八詔皆從之通紀

明皇卷四十九

九

萬曆中序班劉文潤遷詹事府錄事大學士申時行劾文潤由輸粟進不當任清秩時殿閣中書無不以貨進者時行獨爭一錄事吏部尚書宋纘知其意五疏乞休宋纘傳王圻曰貨算入官昉於西漢謂任富可不貪也厥後邊費不足輸選成俗雖張釋之黃霸卜式司馬相如咸由是進不以為諱然終西漢之世得人四五而已唐宋以來亦問行之大抵由軍興頓匱非得已也我朝宣德以前科貢之途入大學者猶須精擇至於景泰時始開生員納粟納馬入監之例然是時多不過八九百人已而從禮部侍郎姚夔議遂尼不行成化初復開納糧納草

納馬之例未久而止二十年山陝大飢民相食大臣以救荒無策不得已又令納粟入監限年餘卽止時入監者已至六七千人正德以後納銀之途益廣世宗入繼大統詔嚴止之嘉靖四年又復暫開近年太僕缺馬戶部缺邊費開例益濫市井恆人皆得借俊秀名目輸粟入監注選銓部者至數萬人先朝不獲已而行此例然必各提學官試其文理通者而後許之又各地方俱限以名數又年二十五以下者雖寄監不得食糧收撥近時此例均未申明其間英俊由此而擢名科第表樹勳猷夫豈無人然千百而什一耳

明會要卷四十九

三

傳奉

憲宗初卽位命中官傳旨用工人爲文思院副使自後相繼不絕一傳旨姓名至百十人謂之傳奉官文武僧道濫恩者以千數

編三

成化十九年十二月都給事中王瑞等言祖宗設官有定員初無倖進之路近始有納粟冠帶之制然止榮其身不任以職今倖門大開鬻販如市恩典內降遍及吏胥武階蔭襲下逮白丁或選期未至超越官資或外任雜流驟遷京職以至廝養賤夫市井童穉皆得攀援妄竊名器踰濫至此有識寒心伏覩英廟復辟景泰倖用者率皆罷斥陛

下臨御天順冒功者一切革除乞斷自宸衷悉皆斥汰以存國體御史張稷等亦言比來末流賤技妄廁公卿屠狗販繪濫居清要文職有未識一丁武階亦未挾一矢白徒驟貴間歲頻遷或父子並坐一堂或兄弟分踞各署甚有軍匠逃匿易姓進身官吏犯贓隱罪希寵一日而數十人得官一署而數百人寄俸自古以來有如是之政令否也帝得疏意頗動居三日貶李孜省凌中等四人秩奪黃謙錢通等九人官人心快之

王瑞傳

明會要卷四十九

三

宏治七年太監李廣矯旨授傳奉官如成化間故事吏部尙書耿裕言先有詔文官不由臣部推舉傳乞除授者參送法司按治今御用監匠人李綸等以內降除用不信前詔不可不聽

耿裕傳

十二年給事中張宏至疏陳初政漸不克終八事其一言初汰傳奉官殆盡近匠官張廣甯等一傳至百二十餘人少卿李綸指揮張玘等再傳至一百八十餘人

張宏至傳

帝初卽位罷傳奉官尋從太監李興請中旨授工匠四人官已又傳陞通政司經歷沈祿爲參議嗣後傳奉漸多一月中陞授二百餘人兵部尙書馬文升言祖宗設武階以

待軍功非有臨戰斬獲不得輕授今傳奉指揮張玘輩特
畫工耳歲有俸月有廩亦既可償其勞或優寵之賞以金
帛榮以冠帶足矣乃竟概銓武秩悉注錦衣準其襲替則
介冑之士衝冒矢石著績邊陲者陛下更何以待之倖門
一開恐不足為天下勸不報三編

孝宗崩馬文升承遺詔請汰傳奉官七百六十三人命留
太僕寺少卿李綸等十七人餘盡汰之馬文升傳已而劉大夏
列上傳奉武臣當汰者六百八十三人報可大漢將軍薛
福敬等四十八人亦當奪官福敬等故不入侍以激帝怒
帝遽命復之劉大夏傳

明會要卷四十九

三

世宗即位盡斥先朝傳奉官三百餘人已太監邱福潘傑
等死詔官其弟姪錦衣司禮太監張欽死以其家人李賢
承廢賢死復欲官其子儒兵部尚書金獻民先後執奏皆
不聽未幾錦衣千戶李全王邦奇等以冒濫汰去奏辨不
已帝竟授全等試百戶同時復官者九十餘人獻民固爭
不聽金獻民傳

方技

翰林應奉郭傳王蒙傳太子少師姚廣孝左布政使吳印華
克勤俱以僧

禮部尚書蔣守約李希安崔志端工部尚書陳道瀛徐可

成禮部左侍郎丁永忠金贊仁師宗記以太常神樂觀道
士

南副都御史吳訥禮部尚書許紳禮部左侍郎蔣宗武通
政使施欽仲蘭李宗周張鑾徐偉俱以醫

太常卿顧玘以巫

兵部尚書金忠以下

太常寺丞袁珙子尚寶司少卿忠徹俱以相

禮部尚書邵元節陶仲文禮部左侍郎李孜省太常寺卿
鄧常恩趙玉芝凌中以方術

工部尚書徐杲左侍郎蒯義右侍郎蒯綱蔡信郭文英俱

明會要卷四十九

三

以木工

工部左侍郎陸祥以石工已上弁山集王所考

嘉靖中工匠趙奎五十四人以中官請悉授職胡世甯傳

明會要卷四十九終

十順德府	戶二萬七千六百三十三口	廣平府	戶三萬一千四百一十口
大名府	戶六十九萬三千五百八十八口	延慶	戶二萬一千六百三十三口
保定府	戶六十九萬三千五百八十八口	應天	戶一萬九千七百五十五口
蘇州府	戶六十九萬三千五百八十八口	常州府	戶一萬九千七百五十五口
松江府	戶六十九萬三千五百八十八口	鎮江府	戶一萬九千七百五十五口
廬州府	戶六十九萬三千五百八十八口	鳳陽府	戶一萬九千七百五十五口
淮安府	戶六十九萬三千五百八十八口	揚州府	戶一萬九千七百五十五口
徽州府	戶六十九萬三千五百八十八口	池州府	戶一萬九千七百五十五口
太平府	戶六十九萬三千五百八十八口		
廣德州	戶六十九萬三千五百八十八口		
徐州府	戶六十九萬三千五百八十八口		
泗州府	戶六十九萬三千五百八十八口		
和州府	戶六十九萬三千五百八十八口		
六安府	戶六十九萬三千五百八十八口		
蕪湖府	戶六十九萬三千五百八十八口		
太平府	戶六十九萬三千五百八十八口		
廣德州	戶六十九萬三千五百八十八口		
徐州府	戶六十九萬三千五百八十八口		
泗州府	戶六十九萬三千五百八十八口		
和州府	戶六十九萬三千五百八十八口		
六安府	戶六十九萬三千五百八十八口		
蕪湖府	戶六十九萬三千五百八十八口		
太平府	戶六十九萬三千五百八十八口		
廣德州	戶六十九萬三千五百八十八口		
徐州府	戶六十九萬三千五百八十八口		
泗州府	戶六十九萬三千五百八十八口		
和州府	戶六十九萬三千五百八十八口		
六安府	戶六十九萬三千五百八十八口		
蕪湖府	戶六十九萬三千五百八十八口		

明會要卷五十五

明初甯國知府陳灌禁豪右兼井創戶帖以便稽民帝取為式頒行天下陳灌傳

洪武三年詔戶部籍天下戶口置戶帖各書戶之鄉貫丁口名歲以字號編為勘合用半印鈐記籍藏於部帖給於民令有司點驗比對歲計登耗以聞凡行郊祀禮中書省以戶籍陳壇下祭畢藏之內庫會典

四年方克勤為濟甯知府視事三年戶口增數倍一郡饒足方克勤傳

十四年詔編賦役黃冊天下府州縣戶口隨田土册編黃冊分上中下三等立軍民竈匠等籍以一百十戶為一里推其中丁糧多者十人為里長餘百戶分為十甲歲役里長一人管攝里中之事王圻通考

二十八年二月己丑諭戶部編民百戶為里婚姻死喪疾病患難里中富者助財貧者助力春秋耕穫通力合作以教民睦紀本

永樂中史誠祖為汶上知縣土田增闢戶口繁滋益編戶十四里成祖過汶上欲徙其民數百家於膠州誠祖奏免之史誠祖傳

宣德時浙江布政使黃澤奏金華台州戶口較洪武時耗減而歲造弓箭如故乞減免下部議得允黃澤傳

三年八月謂羣臣曰戶口之盛衰足見國家之治忽其盛也本於休養生息其衰也必由土木兵戎觀漢武承文景之餘煬帝繼隋文之後開元之後遂有安史之亂豈非恃其富庶而不知儆戒乎明政統宗

四年七月戶部上戶口登耗之數上曰隋文帝戶口繁殖自漢以來皆莫能及議者以在當時必有良法因享國不

明會要卷五十六

永故無傳焉朕謂隋文勤於政事自奉儉薄足致富庶豈徒以其法哉大抵人君恭儉取民有制則生齒日繁財賦自然充足上同

正統中御史彭勛疏言守令課績宜以戶口增耗為殿最彭勛傳

三年令四川清軍官員取勘各府州縣人戶有三姓五姓十姓合為一戶者俱各著立戶當差不許合戶附籍王圻考宏治十八年二月戊辰帝御奉天門諭戶兵工三部曰方今生齒日繁而戶口軍伍日就耗損此皆官司撫恤無方因循苟且所致其悉議弊政以聞於是戶部尚書韓文等

明會彙卷五十一

七

上言耗損之故有二有因災傷斂重逼迫逃移者有因懼充軍匠諸役賄里長匿報者若不加招撫之恩嚴稽查之法則逃移者永無復業之望匿報者別無清理之術乞敕撫按等官招撫復業若逃避軍匠等役許首報更正違者罪之上從其議通紀

是年帝敕刑部侍郎何鑑往河南湖廣陝西閱實戶口得戶二十三萬五千有奇口七十三萬九千有奇何鑑傳

王世貞曰國家戶口登耗有絕不可信者如宏治十七年口至六千一十萬五千八百三十五十八年戶至一千二百九十九萬二千九百七十四而正德元年戶僅

九百一十五萬一千七百七十三頓減三百八十二萬一千二百一口僅四千六百八十萬二千五百減一千三百三十萬三千七百八十五自是而劉六等亂中原藍鄙等亂楚蜀江廣無處不被兵而八年以後口卻增至六千三百三十餘萬然則有司之造冊與戶科戶部之稽查皆兒戲耳

龐嵩為應天治中留都民苦役重力為調劑凡優免戶及寄居客戶詭稱官戶寄莊戶女戶神帛堂匠戶俾悉出以供役民困大蘇龐嵩傳萬麻時謝相為東安知縣初歲饑吏為增戶口冒賑繼者

明會彙卷五十二

八

遂按籍徵賦民困甚相為請得減戶千三百謝廷讚傳移徙

吳元年十月徙蘇州富民實濠梁大政記

洪武三年六月帝諭中書省臣曰蘇松嘉湖杭五郡地狹民眾無田以耕臨濠田多未闢令就墾為業給牛種車糧資遣之三年不徵稅於是徙者四千餘戶王圻通考

徐達平沙漠徙北平山後民三萬五千八百餘戶散處諸府衛籍為軍者給衣糧民給田又徙沙漠遺民三萬二千八百戶屯田北平徙江南民十四萬戶於鳳陽食貨志二十一年戶部郎中劉九皋言狹鄉之民遷於寬鄉可使

地無遺利人無失業太祖採其議遷山西澤潞民於河北耕種賜鈔備農具復三年

二十二年四月徙杭湖温台蘇松諸郡民於淮泗十月徙

山西民於北平山東河南已上明政統宗

二十四年七月庚子徙富民實京師上懲元末豪強侮貧

弱立法多右貧抑富至是命戶部籍浙江等九布政司應

天十八府州富民萬四千三百餘戶以次召見悉徙其家

以實京師謂之富戶食貨志

二十八年正月徙青兗濟南登萊五府民種田東昌明政統宗

永樂元年八月甲戌徙直隸蘇州等十郡浙江等九省富

明會要卷五十一

九

民實北京

二年九月丁卯徙山西民萬戶實北京

三年九月丁巳徙山西民萬戶實北京已上本紀又徙直隸浙

江民二萬戶於京師充倉腳夫食貨志

成祖覈太原平陽澤潞遼沁汾丁多田少及無田之家分

其丁口以實北平同上

逃戶

明初令逃戶還本籍復業賜復一年老弱不能歸及不願

歸者令所在著籍投田輸賦食貨志

洪武二十四年繁峙縣奏逃民三百餘戶累歲招撫不還

乞令衛所追捕之上諭戶部臣曰民窘於衣食或迫於苛

政則逃宜聽其隨地占籍令有司善撫之世法錄

永樂七年山西安邑縣言逃民田土荒蕪而稅糧尙徵里

甲賠納上諭戶部尙書夏原吉曰百姓必耕以給租稅既

棄業逃徙則租稅無出若令里甲賠納必致破產破產不

足必有逃徙租稅愈不足矣即移文各處有若此者悉停

徵其稅同上

十九年令原籍有司覆審逃戶會典

二十年山東高密縣言逃民七百餘戶已復業其累年所

負糧芻上司屢遣催徵乞寬貸上諭戶部臣宜申諭有司

明會要卷五十一

十

自今逃民復業者積年所負芻糧等物悉與蠲免世法錄

宣德三年定制富戶逃者發邊充軍官司隱匿者坐罪

五年令逃戶已成產業每丁種有成熟田地各五十畝以

上許告官寄籍已上會典

七月諭行在戶部曰人情皆欲安居誰肯棄業逃徙止緣

有司不善撫恤橫征暴斂所致比聞漳州強賊皆是逃民

罪雖可誅情亦可憫推原其始責在有司其即榜示各處

務從寬恤若有擾害致其逃亡者罪不貸大訓記

正統元年六月令各府州縣造逃戶周知冊

八年令逃軍逃匠逃囚人等自首免罪已上會典

景泰五年尙書孫原貞疏臣昔官河南嘗稽覈逃民簿籍凡二十餘萬戶此輩悉轉徙南陽唐鄧襄樊間羣聚謀生安保其不爲盜宜及今年豐遺近臣循行督有司籍爲編戶給田業課農桑立社學鄉約義倉使敦本務業生計既定徐議賦役可無他日患矣明臣奏議

成化中令順天府查勘在逃富戶應清勾者造冊送部發各該司府州縣拘解補役會典

宏治五年始免解在逃富戶每戶徵銀三兩與廂民助役嘉靖中減爲二兩以充邊餉食貨志

附籍

明會要卷五十一

十一

英宗初山西參政王來言流民所在成家及招還故土每以失產復逃去乞請隨在附籍便王來傳

正統十三年令老疾致仕事故官家屬離本籍千里者許收附不及千里者發還

景泰三年令民籍者收附軍匠竈役冒民籍者發還已上食貨志

嘉靖六年詔巡城御史嚴督該兵馬司官查勘京師附住軍民人等其年久置立產業者令附籍宛大二縣一體當差仍暫免三年以示存恤會典

四十四年九月編畿南流戶入籍大政記

明會要卷五十一

十一

明會要卷五十一終

明會要卷五十一

永新龍文彬纂

民政二

風俗

洪武元年御史高元侃言京師人民循習舊俗凡有喪葬設宴會親友作樂娛尸無哀戚之情請禁止以厚風俗乃令禮官定民喪服之制洪武聖政記

四年諭羣臣曰世之治亂本乎風俗京師天下之根本四方所取則而積習之弊以奢侈相高浮藻相誘非所以致理也禮部尚書陶凱曰道之以政齊之以刑欲整齊風俗

明會要卷五十一

十一

必以政刑先之然後教化可行太祖曰教化必本諸禮義徒急於近效而嚴其禁令是欲澄波而反汨之也世法錄

魏觀為蘇州知府以明教化正風俗為治本傳

五年詔曰天下大定禮儀風俗不可不正諸遭亂為人奴隸者復為民凍餒者里中富室假貸之孤寡殘疾者官養

之鄉黨論齒相見揖拜無違禮婚姻毋論財喪事稱家有無母或陰陽拘忌停柩暴露流民復業者各就丁力耕種

毋以舊田為限僧道齋醮雜男女恣飲食有司嚴治之閩粵豪家母闈人子為火者犯者抵罪本紀

二十二年太祖與劉三吾論治民之道三吾言南北風俗

不同有可以德化有可以威制太祖曰地有南北民無兩

心帝王一視同仁豈有彼此汝謂南方風氣柔弱可以德

化北方風氣剛勁可以威制然君子小人何地無之君子

懷德小人畏威施之各當烏可拘以成見世法錄

洪熙時李信圭為清河知縣設教戒十三條令里民書於

牌月朔望儆戒之且令書其民勤惰善惡以聞俗為之變本傳

張統為雲南左布政使民間喪祭冠婚咸有定制務變其

俗滇人遵用之本傳

宣德二年朱鑑擢御史巡按湖廣按行所部問民疾苦湖

明會要卷五十一

十二

湘俗男女婚嫁多踰三十鑑申明禮制其俗遂變本傳

正統中御史陳鑑言京師風俗澆漓其故有五一事佛過

甚二營喪破家三服食靡麗四優倡為蠹五博塞成風章

下禮部格不行本傳

景泰五年段堅為福山知縣刊布小學俾士民誦俗素

陋至是一變村落皆有絃誦聲本傳

周濟為安慶知府為定婚喪制禁侈費懲嫁葬期者有罰

風俗一變本傳

陳綱為黔陽知縣楚俗居喪好擊鼓歌舞綱教以歌古哀

詞民俗漸變本傳

宏治中給事中賀欽言陛下紹基之初舉行朱子喪葬之禮而頹敗之俗未變乞申明禮制革去教坊俗樂以廣治化夢餘錄

丁積為新會知縣申洪武禮制參以朱子家禮擇耆老誨導百姓良家子墮業聚廡下使日誦小學書親為解說風俗大變本傳

里老

洪武二十七年四月壬午命有司擇民間高年老人公正可任事者理其鄉之詞訟若戶婚田宅鬪毆者則會里胥決之事涉重者始白於官若不由里老而徑訴縣官此之

明會要卷五十一

三

謂越訴實錄

二十八年命天下人民每村置一鼓凡遇農月晨起擊鼓會田所怠惰者里老督責之里老不勸督者亦罰授時通考

洪熙元年七月御史何文淵言太祖令天下州縣設立老人必選年高有德眾所信服者使勸民為善鄉閭爭訟亦使理斷下有益於民事上有助於官司比年所用非人或出自僕隸規避差科縣官不究年德如何輒令充應使得憑藉官府肆虐閭閻天下州縣類有此等請加禁約上命申明洪武舊制有濫用匪人者并州縣官置諸法實錄給事中郭永清疏乞令有司如舊制嚴督里老百姓以時

闕田園脩陂堰種桑棗從之農政全書

宣德七年正月乙酉陝西僉事林時言洪武中天下邑里皆置申明旌善二亭民有善惡則書之以示勸懲凡戶婚田土鬪毆常事里老於此剖決今亭宇多廢善惡不書小事不由里老輒赴上司獄訟之繁皆由於此實錄

廣西總兵官山雲所至詢問里老撫善良察誣枉土人皆愛戴之本傳

松江知府趙豫和易近民凡有詞訟屬老人之公正者剖斷有忿爭不已者則已為之和解實錄

正統時于謙巡撫山西陝西令布政使年富安輯流民授

明會要卷五十一

四

田給牛種使里老司察之本傳

天順八年三月詔軍民之家有為盜賊曾經問斷不改者有司即大書盜賊之家四字於其門能改過者許里老親鄰人相保管方與除之實錄

糧長

洪武四年九月命有司料民田以田多者為糧長專督其鄉賦稅糧萬石長副各一人輸以時至得召見語合輒蒙擢用三編

八年十二月上諭御史臺曰自今糧長有雜犯死罪及流徒者止杖之免其輸作使仍掌稅糧御史臺臣言自今糧

長有犯許納銅贖罪制可通紀

十五年革糧長令里甲催徵圖書編

十八年八月癸丑復設糧長

三十年七月編定郡縣糧長已上大政記

宣德五年周忱巡撫蘇州請敕工部頒鐵斛下諸縣準式

革糧長之大入小出者舊例糧長正副三人以七月赴南

京戶部領勘合既畢復齎送部往返滋費皆科斂充之忱

止設正副各一人循環赴領訖事有司類收上之部民大

便忱見諸縣收糧無團局糧長即家貯之曰此致逋之由

也遂令諸縣於水次置團圍設糧頭團戶各一名轄收

明會要卷五十一 五

至六七萬石以上始立糧長一人總之名總收民持帖赴

團官為監納糧長但奉期會而已周忱傳

是年閏十二月御史李安吉六年四月御史張政各言糧

長之害倍收糧石包攬詞訟屢經禁飭而其患稍息日知錄

宣德四年令江南府縣官督察各屬糧長凡有倚恃富豪

交結有司承攬軍需買辦移用糧米假以風濤漂沒為詞

重復追徵者嚴加究治

景泰三年革湖廣所屬各縣糧長令里甲催徵

六年革江北直隸揚州等府縣糧長已上王圻考

七年七月罷福建糧長以里甲催徵大政記

世宗初御史馬錄疏言江南之民最苦糧長白糧輸內府

一石率費四五石他如酒醋局供應庫以至軍需牌襖顏

料之屬輸內府者費皆然戶部請從錄言命石加耗一斗

毋得苛求馬錄傳

諭德顧鼎臣言成化以前里甲催徵糧戶上納糧長收解

州縣監收糧長不敢多收斛面糧戶不敢攙雜水穀糠秕

兌糧官軍不敢阻難多索公私兩便近者有司不復比較

經催里甲負糧人戶但立限敲扑糧長令下鄉追徵豪強

者大斛倍收多方索取孱弱者為勢豪所陵耽延逋負不

免變產補納至或舊役侵欠責償新僉一人逋負株連親

明會要卷五十一 六

屬無辜之民死於箠楚困圍者幾數百人且往時每區糧

長不過正副二人近多至十人以上其實收掌管糧之數

少而科斂打點使用年例之數多州縣一年之間輒破中

人百家之產害莫大焉宜令戶部議定事例轉行所司審

編糧長務遵舊規食貨志

六年尙書李承勛奏糧長之設責在收納蘇湖等處糧長

所管稅糧既多解納雜費尤甚州縣不肖者以糧長為囊

橐上司過刻者視糧長為寇仇兌軍起運包賠無算家有

千金之產充糧長一年有即為乞匄者矣家有壯丁十餘

充糧長一年有即為絕戶者矣以致民避糧長之役過於

謫戍官府無如之何或有每歲一換之例或為數十家同充之條始也破一家數歲則遍鄉無不破矣糧長之家既破國課何由得充數十年來各州縣逋負動數十萬多出於此伏乞通行兩京內府及兌運等官同恤民隱本分之外毋肆需索有司不得科派糧長敢有故違聽撫按科道官查參明臣奏議

尊高年

明初養老令貧者給米肉富者賜爵惟及於編民天順以後始令致仕官七十以上者皆得給酒肉布帛或進階其大臣八十九十者特賜存問

明會要卷五十一

七

洪武元年八月詔民年七十以上者許一丁侍養免其雜泛差役

五年五月壬子詔中外學官行養老之政會典上

十九年六月詔有司存問高年貧民年八十以上者月給米五斗肉五斤酒三斗九十以上者歲加帛一疋絮一斤有田產者罷給米應天鳳陽富民年八十以上賜爵社士九十以上鄉士天下富民年八十以上里士九十以上社士皆與縣官均禮復其家本紀

二十年命禮部申諭有司行養老之政會典

二十二年八月詔天下舉高年有德識時務者大政記

二十六年詔免天下耆民來朝先是詔天下民年五十以上來朝京師訪民疾苦有才能者拔用之其年老不通治道則宴賚而遣之自是來者日眾上諭詹徽遣人馳傳於所在止之鄭曉今言

建文元年二月賜民高年米肉絮帛

永樂七年二月乙亥遣使於巡幸所經郡縣存問高年八十以上賜酒肉九十加帛

十一年二月乙丑車駕發京師令給事中御史所過存問

高年賜酒肉及帛已上本紀

十四年九月車駕次鳳陽賜耆民酒肉帛明政統宗

明會要卷五十一

八

十九年詔民年八十以上有司給絹二疋酒一斗肉十斤二十年令民年七十以上及篤廢殘疾者許一丁侍養不能自存者有司賑給

天順二年詔軍民年八十以上者不分男婦有司給絹一疋絮一斤米一石肉一斤九十以上者倍之男子百歲給與冠帶

八年詔凡民年七十以上者免一丁差役有司歲給酒十瓶肉十斤八十以上者加絮二斤布二疋九十以上者給與冠帶

成化二十三年詔在京文職以禮致仕五品以上年及七

十者進散官一階廉貧不能自存者歲給米四石

宏治十八年詔文職官員五品以上以禮致仕在家者各進階一級其二品以上大臣年及八十者有司備采幣羊

酒問勞九十以上者具奏遣使存問已上會典

正德六年五月賜京民八十以上粟帛大政記

嘉靖元年詔文職致仕一品未受恩典者有司月給米二

石歲撥人夫二名二品以上年及八十者備采幣羊酒問

勞九十以上者具奏遣使存問五品以上年及七十者進

散官一階廉貧不能自存者歲給米四石會典

十五年三月帝如天壽山謁陵賜高年粟帛本紀

明會要卷五十一

九

恤鰥寡孤獨

洪武元年七月庚寅振恤中原貧民八月己卯詔鰥寡孤

獨廢疾者存恤之本紀

五年五月詔天下郡縣置養濟院

八年正月癸酉命有司察窮民無告者給屋舍衣食論中

書省曰昔吾在民間目擊鰥寡孤獨飢寒困踣之徒心常

惻然今代天理物已十餘年若民有流離失所者非惟昧

朕之初志於代天之工亦不能盡爾等為輔相當體朕懷

不可使有一夫不獲也已上明政統宗

十二年二月乙巳詔曰今春雨雪經旬天下貧民困於飢

寒者多有其令有司給以鈔

十九年四月甲辰詔鰥寡孤獨不能自存者歲給米六石

已上本紀

二十二年四月賜江西山東湖廣貧民鈔大政記

二十三年二月發河南山東倉粟振貧民同上

二十七年正月發天下豫備倉穀貸貧民本紀

建文元年二月詔鰥寡孤獨貧不能自存者歲給米三石

令親戚收養篤廢殘疾者收養濟院例支衣糧昭代典則

宣德元年十一月諭順天府尹加意孤窮悉收入養濟院

大政記

明會要卷五十一

十

天順元年令收養貧民於大興宛平二縣各設養濟院一

所日給二餐會典

成化二年十一月收京城貧民盡入養濟院從禮部尚書

姚夔請也明政統宗

四年五月詔順天府存恤孤貧大政記

十年正月丁亥朔振京師貧民本紀

十六年戶部言大興宛平歲廩孤老七千四百九十餘人

凡贍糧二萬六千九百餘石布如人數近有司疎於稽察

董其事者日肆侵牟無告之民不濡實德宜敕府尹月再

巡視俾惠澤下流毋負朝廷惻憐至意帝命其請且詔天

下有司殫心存恤所在巡按御史廉其怠者奏聞治罪三編

宏治十五年四月壬寅朔詔恤京城貧民

嘉靖元年正月詔收養京城貧民已上大政記

六年詔在京五城地方各設養濟院一區盡數收養又令

巡城御史行各城地方有在街號乞食者民籍送順天

府發養濟院軍籍送旆竿蠟燭二寺給濟會典

九年二月詔天下脩舉養濟院實政

十年十二月詔收養京師貧民已上大政記

十一年詔順天府發銀二百七十五兩於五城市衣給貧

民會典

明會要卷五十一

十一

十六年正月發大倉米平糶收養在京窮民大政記

二十二年御史何贊言京師苦寒小民凍餒枕籍乞多方

振救併行江北諸郡加惠以廣德意帝曰今歲嚴寒困窮

可憫亟行一體振之實錄

三十九年十二月己亥振京師貧民大政記

恤流民

洪武初韓政移鎮河北招撫流民復業甚眾韓政傳

永樂四年九月戊辰振蘇松常杭嘉湖流民復業者十二

萬餘戶本紀

六年六月詔流民來歸者復三年同上

宣德三年七月工部郎中李新自河南還言山西飢民流

徙南陽諸郡不下十餘萬官司遣人捕逐民愈窮困死亡

日多帝命遣官撫輯發廩振之農政全書

正統四年令流民勘籍編甲互保屬所在甲長管轄之設

撫民佐貳官歸本籍者勞徠安集給牛種口糧又從河南

山西巡撫于謙言免流民復業者稅食貨志

六年山東陝西流民就食河南者二十餘萬巡撫于謙請

以河南懷慶二府積粟振之令布政使撫集其眾授田給

牛耕種流民以安于謙傳

十四年十一月遣官招撫河南流民農政全書

明會要卷五十一

十二

景泰三年五月辛丑河南流民復業者計口給食五年八

月乙酉振兩畿河南山東流民十一月甲戌安輯畿內山

東山西逃民復賦役五年本紀

六年馬謹巡撫河南撫流民三萬一千餘戶馬謹傳

成化元年添設陝西按察司副使一員於漢中府撫治流

民王圻考

時荆襄寇亂流民百萬項忠楊璿為湖廣巡撫下令逐之

祭酒周洪謨著流民說引東晉時僑置郡縣之法使近者

附籍遠者設州縣以撫之都御史李賓上其說上命原傑

出撫招流民十二萬戶給閒田置鄖陽府立上津等縣統

治之河南巡撫張瑄亦請輒西北流民帝從其請食貨志

給事中袁芳等上言南陽荆襄流民十餘萬兩京浙豫或

水或旱禾麥絕收乞敕官司振濟於是命王恕及浙豫撫

按各振其屬編三

成化十年山東巡撫牟俸以民多轉徙請救鄰境撫按官

隨所在安輯秋成資遣復業牟俸傳

十七年添設四川按察司副使一員於重慶保順四府撫

治流民王圻考

宏治二年四川流民逐食四出巡撫謝士元檄所部置廣

室十餘區作糜食之且令所在給符遣歸道經郡縣驗而

明會要卷五十一

三

廩之粟乃漸復業編三

六年十一月庚申振京師流民紀本

孫需撫鄖陽安輯流民占籍者九萬餘孫原貞傳

八年添設河南布政司參政一員於南陽府撫治流民王圻考

十六年副使汪舜民振淮揚災用便宜發粟活饑民百二

十萬人流民復業者八千餘戶編三

宏治十八年四月戊寅刑部侍郎何鑑撫輯荆襄流民

正德十三年正月給京師流民米人三斗

十四年五月己亥詔山東山西陝西河南湖廣流民歸業

者官給廩食廬舍牛種復五年已上本紀

嘉靖十九年二月湖廣清軍御史姚虞上流民圖言承天

工所流民宜行拯卹詔侍郎顧璘會同撫按等官設法振

濟編三

二十四年二月戊申詔流民復業者予牛種開墾閒田者

給復十年紀本

四十年四月壬辰上以流民來京數多發京倉米四千石

內庫錢三百萬給貧民歸費仍視道里遠近以為多寡之

差實錄

隆慶元年七月辛巳招撫山東河南被災流民復五年本紀

明會要卷五十一

四

萬曆二十七年十二月戊子振京師就食流民同上

四十年三月順天府以飢民流移皆集京師請給米煮粥

振濟從之編三

明會要卷五十一終

明會要卷五十二

永新龍文彬纂

民政三

治豪猾

永樂初黃宗載為湖廣按察使僉事巨奸宿猾多謫戍銅鼓五開間陰持官吏短長宗載榜數其罪曰不改必置之法眾莫敢犯本傳

陳本深知吉安府多豪強好訐訟巨猾彭博等十九人橫閭里本深遣人為具召與飲伏壯士後堂拉殺之皆曳其屍以出一府大驚本傳

明會要卷五十二

况鍾知蘇州豪猾舞文為奸利鍾立捶殺數人一府大震本傳

倪敬巡按山西豪猾斂迹本傳

李秉為延平推官沙縣豪誣良民為盜而淫其室秉捕治豪豪誣乘坐下獄副使侯軌直之論豪如法李秉傳

年富巡撫山東官吏習富威名望之嘗服豪猾屏迹本傳

黃紱為南京刑部郎中大猾譚千戶者占民蘆場莫敢問紱奪還之民及擢副都御史巡撫延綏計捕奸豪張綱黃紱傳

海瑞巡撫應天力摧豪強撫窮弱豪有力者至竄他郡以

避本傳

丁積為新會知縣中貴梁芳邑人也其弟長橫於鄉責民通過倍復訴於積積追券焚之且收捕繫獄由是權豪屏迹丁積傳

徐九思為句容知縣於單赤務加恩而御豪猾特嚴本傳天啟時吳麟徵除建昌府推官禽豪猾捕劇盜治聲日聞本傳

奴婢

明律凡收留人家迷失子女不送官司而賣為奴婢者坐徒若得迷失奴婢而賣者各減良人罪一等若收留在逃子女而賣為奴婢者亦坐徒若得在逃奴婢而賣者各減等其被賣在逃之人又各減等其自收留為奴婢妻妾子孫者罪亦如之隱藏在家者並杖

明會要卷五十二

甲辰四月乙巳太祖聞諸功臣家僮僕多有橫肆者召徐達常遇春等諭以宜早懲治勿隱忍姑息終為身害世法錄

太祖初賜公侯卒百二十人曰奴軍史稿

何真攻王成募禽成者子鈔十千成奴縛成以出真予之鈔命具湯鑊趣烹奴號於眾曰有奴叛主者視此何真傳

洪武五年五月詔諸遭亂為人奴隸者復為民本紀又令蒙古色目人民既居中國許與中國人結婚姻不許

與本類自相嫁娶違者男女兩家抄沒入官爲奴婢

十七年令各處抄割人口家財就解本處衛分成丁男子

同妻小收充軍役其餘人口給軍官爲奴已上王圻通考

御史裴承祖劾武定侯郭英養家奴百五十餘人郭英傳

李增枝蓄僮僕無慮千百李文忠傳

二十四年定役使奴婢公侯家不過二十人一品不過十

二人二品不過十人三品不過八人王圻通考

永樂五年指揮僉事俞讓買番人爲奴奴殺人叛去事連

讓罪應流上諭兵部曰讓之罪惟不能檢束奴耳可恕遂

令復職大訓

明會要卷五十二

三

仁宗初詔禮部建文諸臣家屬在功臣家爲奴者悉宥爲

民本紀

會昌侯孫忠家奴貸子錢於濱州民規利數倍有司望風

奉行民不堪訴諸朝言官交章劾之命執家奴戍邊忠不

問外戚傳

景泰中楊傑上言臣家蒼頭得官者十六人乞停蒼頭楊

釗等職詔許之楊洪傳

宏治九年屠瀟言永樂間榜例王公僕從二十人一品不

過十二人今勳戚多者以百數大乖舊制乞令裁定通紀

正德時京師勢要家子弟僮奴苟竊爵賞戴冠傳

嘉靖時后父陳萬言奴何璽毆人至死上命釋之刑科都

給事中劉濟執奏曰萬言縱奴殺人得不坐爲幸今並釋

璽等是法不行於畹奴也劉濟傳

明制軍中俘獲子女及犯罪抄沒人口多分給功臣家爲

奴婢至萬曆二十九年兵部郎中奏逆酋楊道漢等分給

功臣王承勳徐文璧家仍遵前旨嚴加約束不許婚配王圻通考

考

禁自宮

洪武五年五月詔閩粵豪家毋闖人子爲火者犯者抵罪

本紀

明會要卷五十二

四

永樂十九年七月丁卯嚴自宮之禁犯者皆發充軍續錄

二十二年令凡自宮者以不孝論餘冬序錄

仁宗初卽位長沙府民有自宮求爲內侍者上曰游惰不

孝之人忍自絕於父母豈可在左右發爲卒戍邊野獲編

洪熙元年興州左屯衛軍餘徐翼奏有子自宮入爲內豎

乞除軍籍上曰爲父教子爲子養親爾有子不教自傷其

體背親恩絕人道皆原於爾出其子使代軍役又諭刑部

曰今後有自宮者死不貸若加宮刑者朕亦惡之宮刑下

死刑一等須嚴禁止同上

宣德二年七月令禮部榜諭天下禁止自宮昭代典則

天順二年五月嚴自宮之禁詔凡自宮者自首悉宥其罪

天順日錄

成化元年七月嚴自宮之禁大政記

九年令私白淨身者本身處死家發邊遠充軍日知錄

十年十月因自宮謫戍者三百餘人復逃至京希用命錦

衣衛重杖遣之大政記

十一年二月永清縣民徐義自宮其幼子以求進詔發南

丹衛軍同上

十二月丁酉申自宮之禁本紀

宏治五年令私白淨身者本身并下手之人處斬全家發

明會要卷五十二

五

邊遠充軍王圻通考

正德二年九月申嚴自宮之禁野獲編

萬曆十一年奏准嚴禁小民私割王圻考

瘞遺骸

洪武三年八月乙酉遣使瘞中原遺骸

十七年四月庚寅因雲南平收陣亡遺骸

十八年三月乙亥命天下郡縣瘞暴骨

建文元年二月詔瘞暴骨

永樂元年二月壬申瘞戰場暴骨

九年十一月遣使督瘞戰場暴骨

二十二年五月次開平瘞道中暴骸

宣德元年五月丙午敕郡縣瘞暴骸

十年六月丁未令天下瘞暴骸

正統九年閏七月甲申瘞暴骸

十四年九月甲午祭宣府土木陣亡將士瘞遺骸

景泰四年六月辛亥瘞土木大同紫荆關暴骸

天順二年閏三月己卯瘞暴骸

成化元年八月辛巳瘞暴骸

七年五月辛巳瘞京師暴骸

九年四月戊辰瘞京畿暴骸

明會要卷五十二

六

正德六年十一月乙亥瘞暴骸

嘉靖二十四年八月丙午瘞暴骸本紀

四十二年十一月己亥命瘞暴骸實錄

崇禎十六年七月瘞五城暴骸本紀

優免

帝鄉

洪武十六年三月諭戶部曰鳳陽朕故鄉皇陵在焉昔

漢高帝生於豐起於沛豐沛之民終漢世受惠朕今永

免鳳陽臨淮二縣稅糧徭役其榜諭之三編

嘉靖十八年三月謁顯陵給復承天三年

二十年二月乙丑顯陵成給復承天三年已上本紀

大臣

洪武十八年秦遼為工部侍郎帝念其勤勤詔有司復

其家薛祥傳

十九年七月丙寅上以左都御史詹徽戶部侍郎楊靖

左通政茹瑄任職公勤詔復其家大政記

永樂十三年兵部尙書金忠卒命復其家本傳

宣德五年戶部尙書夏原吉卒敕戶部復其家世無

所與本傳

十年七月復故少師蹇義家大政記

明會要卷五十二

七

萬曆十年詔免故大學士楊榮後裔賦役本紀

聖賢後裔

洪武元年十一月復孔氏子孫及顏孟子孫徭役昭代典則

四年正月免闕里孔氏子孫二十六戶徭役大政記

正統元年七月令有司訪求南宋孔端友及宋儒周敦

頤程顥程頤司馬光朱熹後裔蠲其徭役三編

萬曆十五年五月庚申免先師孔子及宋儒朱熹李侗

羅從彥蔡沈胡安國游酢真德秀劉子翬後裔賦役有

差本紀

京民

洪武五年三月應天府言運輸官物悉役京民帝曰京民自開國以來勞費倍於外郡今兵革漸息正當休養命免其役三編

京官外官

洪武十三年七月詔京官復其家大政記

嘉靖二十四年議定京官一品免三十丁糧三十石二

品免二十四丁糧二十四石三品免二十丁糧二十石

四品免十六丁糧十六石五品免十四丁糧十四石六

品免十二丁糧十二石七品免十丁糧十石八品免八

丁糧八石九品免六丁糧六石內官內使亦如之外官

明會要卷五十二

八

各減一半教官免二丁糧二石世法錄

致仕

洪武十二年八月辛巳詔凡致仕官復其家終身無所

與本紀

永樂二十二年十月戶部尙書郭資致仕命復其家大政記

洪熙元年祭酒胡儼乞休復其子孫本傳

正統初都御史顧佐致仕命戶部復其家本傳

宏治十八年議以禮致仕官員免雜泛差徭王圻考

嘉靖二十四年議定以禮致仕者免十分之七閑住者

免一半世法錄

王親

宏治元年奏准親王王親雜役免二丁郡王王親一丁

鎮國等將軍夫人親父一丁世法錄

從軍

洪武三年令各府縣軍戶悉免雜役

七年令山東正軍全免差役已上世法錄

十九年六月詔士卒戰傷除其籍賜復三年本紀

宣德四年令各衛所軍每名免一丁

正統四年令雲南土馬軍從征者免四丁

明會要卷五十二

九

六年令陝西土軍免五丁

景泰元年令各處操備民壯每名免三丁已上世法錄

義民

宣德五年三月詔旌出穀振荒者為義民復其家大政記

正統二年詔旌出穀振荒者為義民復其家三編

五年正月詔天下置豫備倉軍民出穀佐官者旌其義

復其家通紀

嘉靖八年令有仗義出穀二十石銀二十兩者給與冠

帶三十石三十兩者授正九品散官四十石四十兩者

正八品五十石五十兩者正七品俱免雜泛差役王圻考通

老民

洪武元年八月詔民年七十以上者一子復本紀

十九年六月詔天下富民八十以上復其家同上

二十二年二月賞賜耆民復其家大政記

監生生員

洪武間令生員之家除本身外戶內免二丁差役

宣德三年令增廣生員照例優免差役

正統十年令監生家免二丁

嘉靖二十四年令舉人監生生員各免二丁糧二石世法錄

明會要卷五十二

十

移徙

洪武元年八月詔鎮江避亂民復業者聽墾荒田復三

年本紀

三年五月徙蘇松杭嘉湖民無業者田臨濠復三年三編

二十一年八月徙澤潞民無業者墾河南北田復三年

二十二年徙江南民田淮南復三年已上本紀

三十年戶部請徙山西民就山東屯種給復三年大政記

成祖初徙山西民無田者實北平復五年

永樂九年令自願徙北京為民及免杖而徙者免徭役

五年徙流而徙者免徭役二年已上世法錄

被兵

成祖初詔山東北平河南被兵州縣復徭役三年

本紀

嘉靖二十年十月癸丑振山西被寇者復徭役二年

同上

永樂六年六月詔流民歸來者復三年

十四年十一月徙山東山西湖廣流民於保安州賜復

三年

宣德五年正月令招流民賜復一年

正統十四年十一月乙未侍郎耿九疇撫安南畿流民

賜復三年

明會要卷五十二

十一

景泰三年十一月安輯畿內山東山西逃民復賦役五

年

宏治二年八月丁酉復四川流民復業者雜役三年

正德十四年五月己亥詔山東山西陝西河南湖廣流

民歸業者復五年

嘉靖二十四年二月戊申詔流民復業開墾閒田者給

復十年

隆慶元年七月辛巳招撫山東河南被災流民復五年

已上本紀

節婦

洪武三年定凡民間寡婦例合旌表者復其家

世法錄

匠役

秦達爲工部侍郎定工匠更番力役之制置籍爲勘合

薛祥傳

養馬戶

洪武二十八年令江南十一戶江北五戶養馬一復其

身兵

土官

正統十二年令雲南土官四品以上免十六丁五品六

品免十二丁七品十丁八品九品八丁雜職六丁

明會要卷五十二

十一

至若天文生陰陽生糧長里長水馬驛夫陵戶墳戶海戶

廟戶壇戶園戶瓜戶菓戶米戶藕戶窯戶羊戶酒戶旗校

力士吏典各戶優免有差

已上世法錄

嘉靖八年七月提督海子太監孫瑞乞優免海戶雜差戶

部言海戶多殷實每戶優免三丁載在會典近者畿輔災

傷差徭繁重奸民多投充影射偏累良民根本之地深爲

可慮海戶優免宜如故報可

通紀

明會要卷五十二終

明會要卷五十三

永新龍文彬纂

食貨一

田制

洪武元年正月甲申帝謂中書省臣曰兵革之餘郡縣版籍多亡田賦之制不能無增損今遣周鑄等往浙西覈實田畝定其賦稅無令妄有增擾昭代典則

三年五月帝以中原地多荒蕪命省臣議計民授田設司農司開置河南臨濠之田驗其丁力計畝給之不得兼并北方近城地多不治召民耕種人給十五畝蔬地二畝免

明會要卷五十三

租三年通典

五年詔流民復業者各就丁力耕種毋以舊田為限同上

二十年二月戊子命國子生武滄等分行州縣隨糧定區區設糧長四人量度田畝方圓次以字號悉書主名及田之丈尺編類為冊號魚鱗圖冊食貨志

凡典賣田土過割稅糧各州縣年終通行造冊解府毋令產去稅存大明令

永樂元年發流罪以下墾北京田通典十年以兗州東昌定陶等縣地廣民稀令青登萊諸郡擇丁多者分居耕種蠲役三年王圻通考

正統三年詔各處凡有入額納糧田地不堪耕種另自開墾補數者有司勘實不許重起科通典

四年奏准江西浙江福建并直隸蘇松等府凡官民田地有因水塌漲去處令所在有司逐一丈量給與附近小民承種照民田起科塌沒無田者悉與開豁稅糧王圻通考

五年令北直隸府州縣將富豪軍民人等包耕田地除原納糧田地外其餘均撥貧民及衝塌田地人戶耕種照例起科其貧民典當田宅年久無錢取贖及富豪軍民占種逃民田地待復業之日照舊斷還原主

明會要卷五十三

十三年令各處寺觀僧道除洪武年間置買田土其有續置者悉令各州縣有司查照散還於民若廢弛寺觀遺下田莊令該府州縣踏勘悉撥與招還無業及丁多田少之民每戶男子二十畝三丁以下者三十畝若係官田照例減輕則例每畝改科正糧一石俱為官田如本戶絕仍撥貧民不許私自典賣

景泰二年令各處寺觀量存六十畝為業其餘撥與小民佃種納糧已上通典

天順二年敕皇親公侯伯文武大臣不許強占官民田地起蓋房屋事發坐以重罪其家人及投託者俱發邊衛永遠充軍

又令各處軍民有新開無額田地及願佃種荒閒地土者俱照減輕則例起科

成化六年巡視河南戶部侍郎原傑奏洪武間恩例除常稅荒地許民耕種永不起科景泰間乃勅起科例至今奸民互相告許徵斂日重請如舊例凡軍民有告許不起科者不聽已上王

二十一年令遼東地方軍人有開墾拋荒土田分上中下三等起科通典

洪武二十六年覈天下土田總八百五十萬七千六百二十三頃宏治十五年天下土田總計四百二十三萬八千

明會要卷五十三

三

五十八項內官田五十九萬八千四百五十六頃民田三百六十萬九千六百一頃

宏治二年令順天等六府入官田地俱撥與附近無田小民耕種起科每名不過三十畝

嘉靖六年令各處板荒積荒拋荒地不拘本府別府軍民匠宦儘力耕墾給與田帖永遠管業已上通典

八年霍韜奉命脩會典言自洪武迄宏治百四十年天下額田已減強半而湖廣河南廣東失額尤多非撥給於王府則欺隱於猾民廣東無藩府非欺隱即委棄於寇賊矣司國計者可不究心是時桂萼郭宏化唐龍簡霄先後疏

請覈實田畝而碩鼎臣請履畝丈量丈量之議由此起江西安福河南裕州首行之而法未詳具人多疑憚其後福建諸州縣為經緯二冊其法頗詳然率以地為主田多者猶得上下其手神宗初建昌知府許孚遠為歸戶冊則以田從人法簡而密矣食貨志

是年令陝西拋荒田土最多州縣分為三等第一等召募耕種量免稅銀三年第二等許諸人承種三年後方納輕糧每石照例減納五年第三等召民自種不徵稅糧王圻十三年題准各處但有拋荒堪種之地聽招流移小民或附近軍民耕種照例免稅三年如地主見其耕種成熟復

明會要卷五十三

四

業爭種者許赴官告明量撥三分之一給主二分仍聽開荒之人承種各照畝納糧十年之上方行均分敢有恃強奪占者官司問罪通典

十七年詔各處衛所官舍餘丁人等置買民田一體坐派糧差不許抗拒違者奪田入官

隆慶元年巡按御史董堯封奏查出蘇松常鎮四府投詭田一百九十九萬五千四百七十畝花分田三百三十一萬五千六百六十畝因條上便宜八事戶部酌行已上王萬曆八年十一月閣臣張居正議天下田畝通行丈量遂用開方法以徑圍乘除畸零截補於是豪猾不得欺隱里

甲免賠累而小民無虛糧總計田七百一萬三千九百七十六頃視孝宗時贏三百萬頃居正頗以溢額為功有司短縮步弓以求田多或措克見田以充虛額後遂按溢額增賦編三

閩臣沈一貫山東營田疏曰該省六府大抵地廣民稀而地東海上尤多拋荒請令巡撫得自選廉幹官員將該省荒蕪土地逐一查覈頃畝的數多方招致能耕之民如江西福建浙江山西及徽池等處不問遠近凡願入籍者悉許報名擇便官為之正疆定界署置安插凡拋荒積逋一切蠲貸與之更始或聽和買或聽分種其新籍之民則為

明會彙卷五十三

五

編戶排年為里為甲循阡履畝勸耕勸織毋籍為兵毋重其課相生相養不出數年可稱天府農政全書

屯田

明太祖初命諸將於龍江等處屯田惟康茂才所屯田穀一萬五千餘石乃下令褒之因以申諭將士昭代典則

洪武四年中書省言河南山東北平陝西山西及直隸淮安諸府屯田凡官給牛種者十稅五自備者十稅三詔且勿徵三年後畝收租一斗食貨志

是年徐達請徙山後民一萬七千餘戶屯北平又以沙漠遺民三萬二千餘戶屯田北平凡置屯二百五十四開田

一千三百四十三頃通典

六年太僕丞梁額森特穆爾言甯夏四川土膏沃宜招集流亡屯田從之明年命都督僉事王簡往彰德王誠往濟甯平章李伯昇往真定經理屯務又命鄧愈等諸將分屯陝西河南北平官吏犯罪謫鳳陽屯種民犯流罪者鳳陽輪作一年然後屯種命李善長朱亮祖俞通源撫諭諸屯勸課農事又因海運餉遼有溺死者遂益講屯政天下衛所州縣軍民皆事墾闢其制移民就寬鄉或召募或罪徙者為民屯領之有司而軍屯則領之衛所邊地三分守城七分耕作內地二分守城八分屯種人投田五十畝給牛

明會彙卷五十三

六

種教樹植復租賦民以不困而軍餉益饒編三

十九年西平侯沐英鎮雲南奏雲南土地荒蕪宜置屯田以備儲蓄乃諭戶部曰邊地久荒榛莽蔽翳用力實難宜緩其歲輸數年後徵之可也英奉詔自永甯至大理六十里設一堡留軍屯田後景川侯曹震屯田品甸普定侯陳桓靖甯侯葉昇屯田定邊姚安畢節諸衛通典

二十一年九月敕天下衛所屯田歲得糧五百餘萬石編三
二十三年延安侯唐勝宗督貴州各衛屯田
二十五年八月丁卯命馮勝傅友德帥常昇等分行山西籍民為軍屯田於大同東勝立十六衛

三十年正月己巳左都督楊文屯田遼東本紀

建文四年令直隸屯田差御史比較各都司屯田巡按御

史比較後改增按察使僉事盤查屯田或令各省布按三

司提督或令巡按御史提督或令總兵官鎮守提督或差

戶部郎中巡屯隨時更改沿革不一

永樂元年命靖安侯王忠往北京整理屯田

二年定屯田官軍賞罰例歲食米十二石外餘六石為率

多者賞鈔缺者罰俸又以田肥瘠不同法宜有別命官軍

各種樣田以其歲收之數相考較太原左衛千戶陳淮所

種樣田每軍餘糧二十三石帝命重賞之甯夏總兵官何

明會要卷五十三

七

福積穀尤多賜救褒美已上通典

仁宗即位諭戶部尚書夏原吉曰古寓兵於農不奪其時

民無轉輸之勞而兵食足先帝所立屯種法甚善後來所

司數以征徭擾之既失其時遂無其效其令天下衛所凡

屯田軍士自今不許擅差妨農務違者處重法大訓

宣德二年正月申明屯田之法令兵部移文所司選老成

軍官提督屯田仍命風憲官以時巡察編三

三年四月給事中戴弁奏自山海關至薊州守關軍萬人

操練外無他差遣若稍屯種亦可實邊請取勘營所附近

荒田斟酌分給且屯且守實為兩便上命戶兵二部遣官

與都督陳景先經理昭代典則

五年工部尚書黃福上言永樂間雖營建北京南討交趾

北征沙漠費用未嘗之比國無大費而歲用僅給卽不幸

有水旱征調將何以堪請役操備營繕軍士十萬人於濟

甯以北衛輝真定以東緣河屯種初年自食次年人收五

石三年收倍之既省京食口糧六十萬石又省本衛月糧

一百二十萬石歲可得二百八十萬石帝善之遣郎中趙

新等經理福總其事既有言軍民各有常業若復分營田

役未免勞擾事竟不行編三

六年二月丁酉命侍郎羅汝敬督陝西屯田四月己酉侍

明會要卷五十三

八

郎柴車經理山西屯田本紀

正統元年正月發京軍屯田畿輔編三

二年免軍田正糧歸倉止徵餘糧六石又免沿邊開田官

軍子粒減各邊屯田子粒有差世法錄

景泰初學士商輅言邊外田地極廣先因在京功臣等將

附近各城堡膏腴之產占作莊田其餘閒田又為鎮守總

兵參將等占為己業以致軍士無田可耕夫且耕且守如

漠趙充國諸葛亮晉羊祜皆有明效今日守邊之策莫要

於此下所司議行同上

宏治十四年秦紘總制三邊見固原迤北延袤千里閒田

數十萬頃請各築屯堡募人屯種每頃歲賦米五石可得五十萬石下詔行之編三

宏治間屯糧愈輕有畝止三升者治及正德時遼東屯田較永樂間田贏萬八千餘頃而糧乃縮四萬餘石初永樂時屯田米常溢三之一常操軍十九萬以屯軍四萬供之而受供者又得自耕邊外軍無月糧以是邊餉恆足及是屯軍多逃死常操軍止八萬皆仰給於倉而邊外數擾棄不耕劉瑾擅政遣官分出丈田責逋希瑾意者偽增田數揆括慘毒至遼卒脇眾為亂撫之乃定通典

明會要卷五十三

九

五百頃本傳

僉都御史劉天和督甘肅屯政請以肅州丁壯及山陝流民於近邊耕牧且推行於諸邊奏當興革者十事田利大興本傳

宣大總督翟鵬脩邊牆三百九十餘里得地一萬四千九百餘頃募軍千五百人人給五十畝省倉儲無算本傳

大同巡撫詹榮以守邊當積粟而近邊宏賜諸堡三十一所延互五百餘里闢治之皆膏腴田可數十萬頃乃奏請召軍佃作復租徭帝從之本傳

給事中管懷理言屯田不興其弊有四疆場戒嚴一也牛

種不給二也丁壯亡徙三也田在敵外四也如是而管屯者猶欲按籍增賦非扣月糧即按丁賠補耳食貨志

隆慶二年令宣大開墾田已成業每十頃內給將官五十畝為養廉之資若副參開種不及百頃守備以下或不及十頃參論戒飭四年令各邊自墾田地照永樂二年事例永不起科如歲增粟十萬五萬石自墾至百頃千頃者重加陞賞世法錄

萬曆十一年議准陝西延甯二鎮丈出荒田但不在屯田舊額之內者俱聽軍民隨便領種永不起科各邊但有屯餘荒田堪墾者俱照例行王圻通考

明會要卷五十三

十

時計屯田之數六十四萬四千餘頃視洪武時虧二十四萬九千餘頃田日減而糧日增其弊如此時則山東巡撫鄭汝璧請開登州海北長山諸島田福建巡撫許孚遠墾閩海檀山田成復請開南日山澎湖又言浙江濱海諸山若陳錢金塘補陀玉環南麂皆可經理食貨志

天津巡撫汪應蛟疏言天津葛沽一帶咸言斥鹵不可耕臣謂地無水則鹹得水則潤以閩浙治地之法行之未必不可為稻田今募民墾田五千餘畝內水稻畝收四五石種葛荳者得水灌溉亦畝收二三石惟旱稻以灘立涸始信閩浙之法可行於北地而斥鹵可變為膏腴也天津屯

兵四千歲費餉六萬俱斂諸民間今荒土連封蒿萊彌野若開渠置堰規以爲田可七千頃頃得穀三百萬石近鎮年例可以兼資非獨天津之餉取給也因條畫墾田丁夫及稅額多寡以請得旨允行

汪應蛟傳通典

崇禎時兵部尙書王洽上言祖宗養兵百萬不費朝廷一錢屯田是也今遼東永平天津登萊沿海荒地及寶坻香河豐潤玉田三河順義諸縣閒田百萬頃元虞集有京東水田之議本朝萬厯初總督張佳允巡撫張國彥行之薊鎮爲豪右所阻其後巡撫汪應蛟復行之河間今已墾者荒未墾者置不問遺天施地生之利而日講生財之術爲

明會要卷五十三

十一

養軍資不大失策乎乞敕諸道監司遵先朝七分防操三分屯墾之制實心力行庶國計有裨軍食無缺帝稱善卽命行之

王洽傳

水利田

太祖立國之初以康茂才爲都水營田使論之曰比因喪亂隄防頽圯民廢耕耨故設營田司以脩築隄防專掌水利春作方興慮旱澇不時其分巡各處務在蓄洩得宜毋負付任之意遂詔所在有司民以水利條上者卽陳奏

通典

洪武四年脩復廣西興安縣馬援故所築靈渠三十六陡水可溉田萬頃

農政全書

八年命耿炳文濬涇陽洪渠堰溉涇陽三原醴泉高陵臨潼田二百餘里

二十四年濬定海鄞二縣東錢湖灌田數萬頃

已上河渠志

二十七年諭工部陂塘湖堰可蓄洩以備旱澇者皆因地勢脩治之乃分遣國子生及人才遍詣天下督脩水利凡

開塘堰四萬九百八十七處

明政統宗

三十一年洪渠堰圯命耿炳文脩治之濬渠十萬三千餘丈

河渠志

永樂元年命夏原吉治蘇松嘉興水患原吉請循禹三江入海故蹟濬吳淞下流上接太湖而度地爲牖以時蓄洩

明會要卷五十三

十一

從之事竣還京師言水雖由故道入海而支流未盡疏洩非經久計明年正月原吉復行浚白茆塘劉家河大黃浦九月工畢水洩蘇松農田大利

夏原吉傳

二年諭工部安徽蘇松浙江江西湖廣凡湖泊卑下圩岸傾頽亟督有司治之

九年麗水民言縣有通濟渠截松陽遂昌諸溪水入焉上中下三源流四十八派溉田二千餘頃上源民洩水自利下源流絕沙壅渠塞請脩隄堰如舊部議從之

十三年吳江縣丞李昇言蘇松水患大湖爲急宜洩其下流若常熟白茆諸港崑山千墩等河長洲十八都港汊吳

縣無錫近湖河道皆宜循其故迹濬而深之仍脩蔡涇等
屆候湖來往以時啟閉則泛溢可免而民獲耕種之利從
之

宣德二年浙江歸安知縣華嵩言涇陽洪渠堰溉五縣田
八千四百餘頃洪武時長興侯耿炳文前後脩濬未久堰
壞永樂間老人徐齡言於朝遣官脩築會營造不果乞專
命大臣起軍夫協治從之

三年臨海民言胡巉諸牐瀦水灌田近年牐壞而金龍大
浦湖濶舉嶼等河遂皆壅阻乞為開築帝曰水利急務使
民自訴於朝此守令不得人耳命工部即敕郡縣秋收起

明會要卷五十三

三

工仍詔天下凡水利宜興者有司即舉行毋緩視已上河渠志

江南巡撫周忱嘗詣松江相視水利見嘉定上海間沿江
生茂草多淤流乃濬其上流使崑山顧浦諸所水迅流駛

下壅遂盡濬周忱傳

四年福清民言光賢里官民田百餘頃隄障海水隄壞已
久田盡荒永樂中嘗命脩治迄今未舉民不得耕帝責有
司亟治而諭尙書吳中嚴飭郡邑陂池隄堰及時脩濬慢
者治以罪

七年脩眉州新津通濟堰堰水出彭山分十六渠溉田二
萬五千餘畝

正統四年甯夏巡撫金濂言鎮有五渠資以行漑今明沙
洲七星漢伯石灰三渠久塞請用夫四萬疏濬漑蕪田千
三百餘頃從之已上河渠志

五年從楊士奇言令天下有司秋成時脩築圩岸疏浚陂
塘具實奏聞俟考滿以此為殿最明政統宗

十四年浚和州姥鎮河張家溝井建牐以漑降福等七十
餘圩及南京諸衛屯田時范衷知壽昌縣闢荒田二千六
百餘畝興水利三百四十六渠通典

明會要卷五十三

西

滇池一從黑窯村流至雲澤橋亦入滇池舊於下流築堰
溉軍民田數十萬頃霖潦無所洩請令受利之家自造石
牐啟閉以時報可

五年疏靈寶黎園莊渠通鴻瀘澗溉田萬頃已上河渠志

七年尙書孫原貞言杭州西湖為勢豪侵占湖水淺狹牐
石毀壞今民田無灌溉資乞敕有司興濬築禁侵占以便
軍民從之

天順二年脩彭縣萬工堰灌田千餘頃

五年僉事李觀言涇水出涇陽仲山谷道高陵至櫟陽入
渭袤二百餘里漢開渠溉田宋元俱設官主之今雖有瓠

口鄭白二渠而隄堰摧決溝洫壅滯民弗蒙利乃命有司
濬之已上通典

七年巡撫陝西項忠請疏鄭白二渠溉涇陽醴泉三原高
陵臨潼五縣田七萬餘頃項忠傳

成化十二年巡按御史許進言河西十五衛東起莊浪西
抵肅州綿互幾二千里所資水利多奪於勢豪宜設官專
理詔屯田僉事兼之

十八年濬雲南東西二溝自松華壩黑龍潭抵西南柳壩
南村灌田數萬頃

二十年脩嘉興等六府海田隄岸特遣京堂官往督之已上

明會要卷五十三

五

河渠志

宏治七年七月命工部左侍郎徐貫經理蘇湖水利三編

嘉靖中年呂光洵按吳奏蘇松水利五事廣疏濬以備滯
洩脩圩岸以固橫流復板牘以防淤塞量緩急以處工費
重委任以責成功詔如所議

二十六年給事中陳斐請仿江南水田法開江北溝洫以
祛水患益歲收報可

三十八年尚書楊博請開宣大荒田水利從之已上河渠志

萬曆四年七月壬寅遣御史督脩江浙水利本紀

十三年三月以尚寶司少卿徐貞明督治京畿水田初貞

明為給事中嘗請興西北水利如南人築圩之制則水利
與水患亦除時以財匱不能舉後貞明被謫南行著潞水

客談一書論水利當興者十四事兵部尚書譚綸見之謂
其議可行於是貞明召還為尚寶丞會巡撫張國彥等方

開水利於薊州永平間有效遂加貞明尚寶司少卿兼監
察御史領墾田使令與撫按等官講求疏濬滯洩之法貞

明先詣永平募南人為倡及明年三月已墾三萬九千餘
畝又遍歷諸河周覽水田分合將大行疏濬而閩人勦戚

之占田者爭言不便乃罷三編
三十年保定巡撫汪應蛟言易水可溉金臺滹水可溉恆

明會要卷五十三

六

山澹水可溉中山澹水可溉襄國漳水來自鄴下西門豹
嘗用之瀛海當諸河下流視江南澤國不異其他山下之

泉地中之水所在而有咸得引以溉田請通渠築防量發
軍夫一準南方水田法行之所部六府可得田數萬頃益

歲穀千萬石畿民從此饒給無旱澇之患即不幸漕河有
梗亦可改折於南取糴於北報可汪應蛟傳

四十七年御史左光斗出理屯田言北人不知水利一年
而地荒二年而民徙三年而地與民盡矣今欲使旱不為

災澇不為害惟有興水利一法因條上三因十四議詔悉
允行水利大興北人始知藝稻左光斗傳

天啟元年御史左光斗用應蛟策復天津屯田令通判盧觀象管理屯田水利明年巡按御史張慎言言自枝河而西靜海興濟之間萬頃沃壤河之東尚有鹽水沽等處為膏腴之田惜皆蕪廢今觀象開寇家口以南田三千餘畝溝洫蘆塘之法種植疏濬之方皆具而有法人何憚而不為章下所司河渠志

屯田都御史董應舉疏臣近到天津見汪司農往日開河舊蹟猶存可作水田甚多荒廢不久開之甚易一畝農工止用八錢可得粟三石三斗久荒者畝用農工一兩其挑濬舊河為力不多止挑濬數尺明年萬石之糧可必也餘

明會要卷五十三

七

錄

莊田

洪武十年賜勳臣公侯丞相以下莊田多者百頃親王莊田千頃又賜公侯暨武臣公田又賜百官公田以其租入充祿指揮沒於陣者皆賜公田二十四年公侯復歲祿歸

賜田於官

食貨志

洪熙時有仁壽宮莊其後又有清甯未央宮莊上同

天順二年敕皇親公侯伯文武大臣不許強占官民田地

違者治以重罪世法錄

憲宗即位以沒入曹吉祥地為宮中莊田皇莊之名由此

始其後莊田遍郡縣給事中齊莊言天子以四海為家何必置莊田與民爭利弗聽食貨志

成化四年禁勳戚請民田已而慶雲伯周壽求涿州田壽弟長甯伯或求武強武邑田六百餘頃皆予之明年或又欲於其外籍民田帝遣官往視皆民所墾闢輸賦者因據籍步之每畝百步餘沒入為閒田得七十餘頃或不滿復言於帝改命郎中彭韶御史季琮覆視韶琮往不復步田周視徑歸上疏自劾曰真定田自祖宗時許民墾種即為恆產除租賦以勸力農功臣戚里家與國戚休豈當與民爭尺寸地臣誠不忍奪小民衣食附益貴戚請伏奉使無

明會要卷五十三

六

狀罪疏入詔以田歸民編三

宏治初戶部尚書李敏言今畿輔皇莊五為地萬二千八百餘頃勳戚中官莊三百三十有二為地三萬三千一百餘頃請盡革莊戶賦民耕畝概徵銀三分充各宮用度無皇莊之名而有足用之實時不能用李敏傳

二年因御史言罷仁壽宮莊還之草場食貨志

三年禁宗室勳戚奏請田土若軍民人等妄自投獻者發

邊衛充軍世法錄

十一年何孟春奏言皇莊之始先朝畿內空間之地籍之公家佃民耕種而收其入其地廣狹有定界其入有定額

非以病於民也近年看莊人役罔恤國體近莊田土小民衣食之資橫加侵占求益不已非九重厚民之意也昔漢宣帝詔池籩未御幸者假與貧民流民還歸者假公田種食今縱不能以假貧民忍於民衣食租賦所出者而奪之乎伏乞陛下敕官往勘皇莊地面從實丈量造冊繳部歲收其入以備經費若遇水旱與民田一例開除既不失本莊之賦亦不病近莊之民畿甸之內庶無侵奪之害疏入帝從之明臣奏議

武宗即位踰月建皇莊七其後增至三百餘處諸王外戚求請奪民田者無算食貨志

明會要卷五十三

九

世宗初命夏言樊繼祖張希尹等往順天府查勘莊田地土共二十萬九百一十九頃又外係先年侵占民者共二萬二百二十九頃請各給其主而宦戚輩復中撓之通典嘉靖二年九月丙子復命戶部清覈畿輔莊田尙書孫交上各宮莊田數視舊籍不同帝詰其故交言舊數多者以奏乞投獻數多妄報也新數少者以奉命清覈田多除豁也帝命查成化宏治間原數以聞春明夢餘錄六年戶部侍郎王軌清勦戚莊田言宜量等級爲限尙書梁材奏成周班祿有土田祿由田出非常祿外復有土田今勦戚祿已踰分而陳乞動千萬請申禁之自特賜外量

存三之一以供祀事帝命並清已賜者額外侵據悉還之民梁材傳

時中旨各宮仍置皇莊遣官校分督戶部侍郎秦金言西漢盛時以苑囿賦貧民今奈何剝民以益上乞勘正德間額外侵占者悉歸其主而盡撤管莊之人帝從其議秦金傳

三十九年遣御史沈陽奪隱冒莊田萬六千餘頃食貨志

隆慶時御史王廷瞻言勦戚莊田太濫請於初給時裁量田數限其世次爵絕歸官制可王廷瞻傳

二年復定世次遞減之數勦臣五世限田二百頃戚晚七百頃至七十頃有差食貨志

明會要卷五十三

十

神宗賚予過侈福王分封括河南山東湖廣田爲王莊至四萬頃羣臣力爭乃減其半熹宗時桂惠瑞三王及遂平甯國兩公主莊田動以萬計蓋中葉以後莊田侵奪民業與明相終云同上

勸農桑

洪武元年楊思義爲戶部尙書以農桑積儲爲急請令民間皆植桑麻四年始徵其稅不種桑者輸絹不種麻者輸布如周官里布法詔可思義傳

五年十二月敕中書令有司今後考課必書農桑學校之績憲章錄

八年八月己亥敕李善長等勸督農事大政

十四年上加意重本抑末下令農民之家許穿紬紗絹布

商賈之家止許穿布農民之家但有一人為商賈者亦不

許穿紬紗農政全書

十八年九月諭戶部曰人皆言農桑衣食之本然業本必

先於黜末自什一之塗開奇巧之技作於是一農執耒而

百家待食一女躬織而百夫待衣欲民之母貧得乎朕思

足食在於禁末作足衣在於禁華靡宜令天下四民各守

其業不許游食庶民之家不許衣錦繡大訓

二十五年令鳳陽滁州廬州和州每戶種桑二百株棗二

明會要卷五十三

三

百株柿二百株世法錄

二十七年三月庚戌課民樹桑棗木棉紀本

二十九年五月給桑種於湖廣諸郡明政統宗

西平侯沐英在滇簡守令課農桑沐英傳

三十一年正月乙丑上以山東河南多惰於農事詔戶部

遣所舉人才分詣各郡縣督民耕種具籍所種田地與歲

收穀粟之數以聞明政統宗

永樂元年命寶源局鑄農器給山東諸被兵處徵耕牛於

朝鮮分給遼東諸屯士謂戶部曰近因兵戈蝗旱民流徙

廢業不及今勸相使盡力南畝將不免有失所者其遣人

督勸毋忽農政全書

二年諭戶部曰今春時和東作方興宜申明教術勸課農

桑授時通考

四年六月諭廣東布政司自今番夷入貢如值農務之時

其方物並於南雄收儲俟十一月農隙令運赴南安著為

令世法錄

十一年九月壬午詔郡縣官每歲春初行視境內蝗蝻害

稼即捕絕之不如詔者並罪其布按二司紀本

宣德二年四月設江南勸農官大政

四年九月申明栽種桑棗之令同上

明會要卷五十三

三

五年三月帝奉太后謁陵歸見道中耕者取耒三推顧侍

臣曰朕三推已不勝勞况吾民終歲勤動乎命賜所過農

民鈔紀本

四月命侍郎成均督江南農務大政

六年二月改江南治農官為催糧官其正官仍督農務同上

七年命揭幽風圖於殿壁嘗夏日午朝退咏聶夷中鋤禾

日當午句謂侍臣曰吾每誦此未嘗不念農人帝又嘗以

所賦織婦詞示侍臣以見蠶事之勞苦三編

十年十一月令都布二司嚴督所司種桑棗大政

英宗初山西參政王來言郡縣官不以農桑為務致民多

游惰田日荒閒租稅無出累及良民宜擇守長賢者以課農爲職其荒田令附近之家通力合作供租之外聽其均分原主復業則還之蠶桑可裨本業者聽其規畫仍令提學風憲官督之庶人知務本從之王來傳

正統九年七月申明種桑聚法大政記

張需爲霸州知州見州民游食者眾每里置簿列男女大小口數計其耕桑樹畜爲設方略暇復躬自巡視分別勸懲於是民皆勤力州以饒富編三

景泰二年二月癸巳詔畿內及山東巡撫官舉廉能吏專司勸農授民荒田貸牛種紀本

明會要卷五十三

三

四年十月庚寅詔天下鎮守巡撫官督課農桑同上

成化時姜洪除盧氏知縣單騎勸農桑本傳

九年七月復設江南勸農官大政記十一月添設各府州縣

判丞官專司勸農明政統宗

十年五月增順天永平府州縣勸農官十月增山東勸農

參政一員大政記

正德時泰和知縣陸震親行鄉落勸課農桑本傳

泗州知州汪應軫因土瘠民貧不知農桑應軫勸之耕買

桑植之募江南女工教以繅蠶織作由是民足衣食本傳

嘉靖時台州知府羅僑歲時循行阡陌課農桑本傳

六年諭令各該巡撫所屬官帶農田衙者不許營別差務督令舉職循行勸課其原未設官者委佐貳主之歲嚴課其殿最農政全書

萬厯十年四月戊子朔諭禮部令民及時農桑勿事游惰紀本

陳幼學爲確山知縣墾萊田八百餘頃給貧民牛五百餘頭里婦不能紡者投紡車八百餘輛栽桑榆諸樹三萬八千餘株調繁中牟給貧民牛種貧婦紡具倍於確山循吏本傳

明會要卷五十三

三

明會要卷五十三終

明會要卷五十四

永新龍文彬

食貨二

田賦

明初定官民田賦凡官田畝稅五升三合五勺民田三升三合五勺重租田八升五合五勺沒官田一斗二升蘆地五合三勺草塌地三合一勺世法錄
洪武元年正月詔遣周鑄等一百六十四人往浙西定稅額時處州之糧以軍加徵至十倍章溢屢以為言至是請定處州七縣稅糧視宋制畝加五合餘悉除之通紀

明會要卷五十四

九年天下稅糧令民以銀鈔錢絹代輸其後以米麥為本色諸折納稅糧者謂之折色食貨志

十三年三月減蘇松嘉湖糧額初帝平吳怒四府為張士誠守乃籍諸豪族及富民田以為官田按私租簿為稅額楊憲為司農卿又以地膏腴增其賦畝加二倍視他方倍蕞洪武七年詔減四府極重田租之半然重者猶徵至七斗以上至是復命戶部裁其額畝科七斗五升至四斗四升者減十之二四斗三升至三斗六升者概徵三斗五升以下仍舊編三

十四年正月定賦役籍詔天下編造黃冊冊有丁有田丁

有役田有租租曰夏稅曰秋糧夏稅無過八月秋糧無過明年二月食貨志

御史解縉太平十策言天下稅糧當一切盡徵本色除漕運京倉之外其餘則儲之於通都大邑而使司計之臣略仿劉晏之遺意量其歲之豐凶稽其價之高下糶銀解京以資國用一年計之不足十年計之有餘小民免稱貸之苦官府省敲扑之煩郡國有凶荒之備一舉而三善隨之矣百知錄

建文二年正月詔減江浙田賦畝不得過一斗有司違者罪之後永樂中盡革建文政浙西賦復重編三

明會要卷五十四

永樂元年湖廣夏稅至後期戶部尚書郁新請治府州縣官稽緩罪帝曰賦入但無失經制可矣耕種有先後地里有遠近何能概論任官牧民當察其難易而悉其情苟以稽緩罪其官必急責於民吾民殘矣其勿問春明夢餘錄
三年令凡開墾官湖作官田每畝夏稅麥二升秋糧米三斗世法錄

宣德四年令推陞之郎中員外御史長史等六員為各部侍郎分往浙江江南湖廣河南山東山西等布政司並南北直隸府州縣督收稅糧通典
又詔各處官田每畝舊納糧一斗至四斗者各減十之二

四斗一升至一石以上者減十之三王所通考

正統元年令浙江直隸松蘇等處官田准民田起科每畝

四斗一升至二石以上者減作三斗二斗一斗以上至四

斗者減作二斗一斗一斗一斗者減作一斗同上

副都御史周銓言行在各官俸支米南京道遠費多所餘

無幾請於直省不通舟楫之州縣折收布絹白金解京充

俸江西巡撫趙新尙書黃福亦以爲言帝問尙書胡濙濙

言太祖時嘗折納稅糧於陝西浙江民以爲便遂倣其制

米麥一石折銀二錢五分南畿浙江江西湖廣福建廣東

廣西米麥共四百餘萬石折銀百萬餘兩入內承運庫謂

明會要卷五十四

三

之金花銀其後概行於天下自起運兌運外糧四石折銀

一兩解京以爲永例由是諸方賦入折銀者幾半而倉廩

之積漸少矣世法錄

天順時令鎮守浙江尙書孫原貞等定杭嘉湖則例以起

科重者徵米宜少起科輕者徵米宜多凡重者輕之輕者

重之欲使科則適均而畝科一石之稅未嘗減云食貨志

成化八年二月謀搜河套兵部尙書白圭建豫徵之議檄

下山西河南諸府縣內地騷然兵科給事中梁璟以爲言

侍講倪岳亦言山西河南之民飛芻挽粟徒步千里夫運

而妻供父輓而子荷乃轉輸不足又有豫徵水旱不可先

知豐歉未能逆卜徵如何其可豫也俱不省三編

嘉靖二年御史黎貫疏言國初夏秋二稅麥四百七十一

萬石今少九萬米二千四百七十餘萬石今少二百五十

餘萬而宗室之蕃官吏之穴內官之眾軍士之增悉取給

其中賦入則日損支費則日加請覈祖宗賦額及經費多

寡之數一一區畫於是戶部議令天下官吏考滿遷秩必

嚴覈任內租稅徵解足數方許給由交代帝納之食貨志

三年應天巡撫歐陽鐸以蘇松田不甚相懸下者畝五升

上者至二十倍乃令賦最重者減耗米派輕齊最輕者徵

本色增耗米陰輕重之賦乃均歐陽鐸傳

明會要卷五十四

四

諭德顧鼎臣條上錢糧積弊四事一曰察理田糧舊額請

責州縣官於農隙時令里甲等仿洪武正統間魚鱗風旗

之式編造圖冊細列原額田糧字圩則號條段冊荒成熟

步口數目官爲覆勘分別界址履畝檢塌丈量具開墾改

正豁除之數刊刻成書收貯官庫給散里中永爲稽考一

曰催徵歲辦錢糧成宏以前里甲催徵糧戶上納糧長收

解州縣監收糧長不敢多收斛面糧戶不敢攪雜水穀糠

糝兌糧官軍不敢阻難多索公私兩便近者有司不復比

較經催里甲負糧人戶但立限敲扑糧長令下鄉追徵豪

强者則大斛倍收多方索取孱弱者爲勢豪所凌不免變

產補納至或舊役侵欠責償新僉且往時每區糧長不過正副二名近多至十人以上其實收掌管糧之數少而科斂打點使用年例之數多州縣一年之間輒破中人百家之產害莫大焉宜令戶部議定事例轉行所司審編糧長務遵舊規其二則議遣官總理及復豫備倉糧也議雖切中時弊有司遷延不行

時又有網銀一串鈴諸法網銀者舉民間應役歲費丁四糧六總徵之易知而不繁猶網之有網也一串鈴則夥收分解法也已上食貨志

明皇卷五十四

五

御史龐尙鵬巡按浙江奏請行一條鞭法其法總括一州縣之賦役量地計丁丁糧畢輸於官一歲之役官爲僉募力差則計其工食之費量爲增減銀差則計其交納之費加以贈耗以及土貢方物悉併爲一條皆計畝徵銀折辦於官故謂之一條鞭立法頗爲簡便嘉靖間數行數止萬厯時張居正當國請下制申飭海內通行春明夢餘錄隆慶元年四月戶部尙書葛守禮言國初徵糧戶部定倉庫名目及石數價值通行所司分派小民隨倉上納完欠之數瞭然可指近乃定爲一條鞭法計畝徵銀不問倉口不論石數吏書黃緣爲奸灑派增減弊端百出至於收解乃又變爲一串鈴法謂之夥收分解收者不解解者不收

收者獲積餘之貲解者任賠補之累夫錢穀必分數明而後稽覈審今混而爲一是爲那移者地也願救所司酌復舊規詔悉舉行於是奏定國計簿式頒行天下自嘉靖三十六年以後完欠起解追徵之數及貧民不能輸納備錄簿中自府州縣達布政送戶部稽考以清隱漏那稽侵欺之弊葛守禮傳

四年巡撫保定朱大器條陳田賦五弊一責全徵一革截解一清存留一嚴侵冒一除兌支王圻考萬厯時給事中蕭彥上言察吏之道不宜視催科爲殿最昨隆慶五年詔徵賦不及八分者停有司俸至萬厯四年

明皇卷五十四

六

則又以九分爲及格仍令帶徵宿負二分是民歲輸十分以上也有司憚考成必重以敲扑民力不勝則流亡隨之臣以爲九分與帶徵二議不宜並行所謂寬一分民受一分之賜也部議允行蕭彥傳

賜田租

吳元年正月戊戌賜太平田租二年應天鎮江甯國廣德田租各一年本紀

洪武元年四月以山東州郡新附詔免今年夏稅秋糧通紀二年正月庚戌詔以海內戡定民尙未甦免山東北平燕南河東山西今年夏稅秋糧其北京河南除徐宿等州已

免外西抵潼關北界大河南至唐鄧光息一體蠲免

又詔免應天鎮江太平宣城廣德及無爲州田租

三年三月庚寅詔曰成武功者必資民力各郡邑供給有

先後豐歉有不同凋弊之餘未能蘇息其蠲應天鎮江徽

州甯國池州太平廬州廣信饒州金華嚴州衢州處州廣

德滁和十六府州及河南山東北平今年田租又免徐邳

二州夏稅

五年十月免應天太平鎮江甯國廣德田租已上三編

九年三月己卯詔曰比年西征燉煌北伐沙漠軍需甲仗

皆資山陝又以秦晉二府宮殿之役重困吾民平定以來

閭閻未息國都始建土木屢興畿輔既極煩勞外郡疲於

轉運今蓄儲有餘其淮揚安徽池五府及山西陝西河南

福建江西浙江北平湖廣今年租賦悉免之

十三年五月己亥詔免天下田租

十四年十月甲寅免應天太平廣德鎮江甯國田租

十五年四月壬辰免畿內浙江江西河南山東稅糧已上本紀

十六年五月免應天太平鎮江甯國廣德田租詔曰五郡

爲興王之地其民助朕居多故數免稅以酬其勞明政統宗

十七年七月丁巳免畿內今年田租之半

十八年三月免畿內今年田租已上本紀

明會要卷五十四 七

二十八年九月以山東民供給遼東山西北平軍需詔蠲

其租又免應天等五府秋糧編三本

惠帝即位賜天下明年田租之半本紀

建文四年成祖即位十二月癸丑蠲被兵州縣明年夏稅

永樂三年正月庚申免順天永平保定田租二年以數年

用兵供給特勞故休息之編三

十二年八月丙午蠲北京州縣田租二年

宣德元年十二月辛酉免六師所過秋糧

七年三月辛酉諭禮部曰朕以官田賦重十減其三乃聞

異時蠲租詔下戶部皆不行甚者戒約有司不得以詔書

爲辭是廢格詔令使澤不下究也自今令在必行毋有所

遏

景帝即位免景泰二年田租十之三

憲宗即位免明年田租三之一

世宗即位賜天下明年田租之半

嘉靖十五年三月如天壽山謁陵免昌平今年稅糧三之

二

十八年三月帝幸承天免湖廣明年田賦五之二畿內河

南三之一

明會要卷五十四 八

穆宗即位免明年天下田賦之半

萬厯八年三月謁陵天壽山免所過田租已上本紀

蠲逋賦

惠帝即位詔行寬政蠲逋賦

永樂六年二月丁未除北京永樂五年以前逋賦三月乙

卯除河南山東山西永樂五年以前逋賦

九年十一月戊午蠲陝西逋賦

十年二月辛酉蠲山西河南逋賦

十四年正月己酉免北京河南山東永樂十二年逋租

十九年四月乙巳蠲十七年以前逋賦已上本紀

明會要卷五十四

九

宣德元年二月悉除開荒田逋稅三編

七年四月免山西逋賦二百四十萬石有奇同上

正統三年九月癸巳蠲兩畿湖廣逋賦

五年四月壬申免山西逋賦九月壬寅蠲雲南逋賦

十年二月己未免陝西逋賦

景泰元年三月癸亥免畿內逋賦及夏稅十月癸巳免畿

內逋賦

七年蠲畿內山東逋賦

武宗即位除宏治十六年以前逋賦

正德五年三月免正德三年逋賦

世宗即位免正德十五年以前逋賦

穆宗即位免嘉靖四十三年以前逋賦

隆慶六年五月壬辰免廣東用兵諸郡逋賦

萬厯六年四月乙未免湖廣四川逋賦

七年三月甲子免淮揚逋賦已上本紀

十年正月本紀系之免天下逋賦張居正言百姓財力有

限卽年歲豐收一歲之入僅足供一歲不幸荒歉目前尙

不能辦豈能更完逋賦有司移新抵舊年分混雜甚至不

肖者因而混獵與其賸民以實奸貪之藁孰若盡蠲以施

曠蕩之恩帝從之凡免一百餘萬有奇三編

明會要卷五十四

十

十二年六月辛亥以雲南用兵免稅糧及逋賦

二十年七月癸酉免陝西逋賦

二十九年正月壬子以播州平蠲四川貴州湖廣雲南加

派田租逋賦

崇禎九年五月癸酉免畿內五年以前逋賦十一月丁未

蠲山東五年以前逋賦

十五年正月戊子免天下十二年以前逋賦已上本紀

荒政

洪武元年八月詔曰今歲水旱各處所在官司不拘時限

從實踏勘實災蠲免租稅農政全書

三年正月西安鳳翔二府饑戶部奏請運粟濟之帝曰民且暮待哺若待運粟死者多矣卽命戶部主事李亨馳驛往振之戶給粟一石

五年四月山東行省言濟南萊州連年旱澇傷禾麥民食草實樹皮帝卽命於淮安運粟振之

六年饒陽知縣郭積見邑中大饑民食草實木皮遂以上聞帝覽其奏復咨訪得晉冀等州皆饑乃命尙書劉仁等往各州縣振之蠲其租賦已上世法錄

費震擢漢中知府歲凶盜起發倉粟十餘萬斛貸民俾秋成還倉盜聞皆來歸令占宅自爲保伍得數千家揚思義傳

明彙卷五十四

十一

二十六年四月諭戶部曰歲荒民饑必待奏請道途往返動經數月民之饑死者多矣自今遇歲饑先貸後聞著爲令

永樂元年十二月乙酉尙書郭資等奏眞定棗強民饑乞遣人覈實振濟上曰民困如此濟之當如救焚拯溺少緩卽無及矣今遣人覈實展轉往復民命迫於旦夕其可待乎命戶部速遣官振之

三年三月丙午淮安邳州言饑民計其口數請得粟九千石振之上曰此可給三月耳秋成之期尙遠恐不免於餓死國家惠民豈可爲旦夕計宜倍其數給之已上世法錄

五年五月辛未諭都察院曰河南郡縣薦罹旱澇有司匪不以聞有言雨暘時若禾稼茂實者及遣人視之民所收十不及四五或十不及一至掇草實爲食聞之惻然亟發粟振之已有饑死者此朕任用匪人之過已悉置於法其榜諭天下有司凡災傷不以聞者罪之不宥大訓記

七年江淮饑命都御史虞謙給事中杜欽巡視啟請振貸皇太子諭之曰軍民嗷嗷待哺尙從容啟請待報獨不聞汲黯事耶亟發廩振之毋緩通紀

九年七月戶部言振北京臨城縣飢民三百餘戶給糧三千七百石有奇上曰國家儲蓄上以供國下以濟民故豐年則斂凶年則散今後但遇水旱民饑卽開倉振給無令失所農政全書

明彙卷五十四

十二

十六年七月己巳敕責陝西諸司比聞所屬歲屢不登致民流莩有司坐視不恤又不以聞其咎安在其速發倉儲振之稽遲者必誅不宥

十八年青萊二府大饑皇太子過鄒縣命亟發官粟以振至京以聞帝是之曰昔范仲淹子猶能舉麥舟濟其父之故舊况百姓吾赤子乎

十九年二月振河南饑復遣御史蔡新等檢覈振濟不及者三千一百戶補給之典賣男女者官爲收贖

二十年戶部奏直隸開州諸處民饑帝嘆曰有司必至饑民嗷嗷始達於朝又待命下始振之餓死者已不逮矣其令自後遇災先振後聞已上世法錄

洪熙元年四月壬寅帝聞山東及淮徐民乏食有司徵夏稅方急乃御西角門召大學士楊士奇草詔免今年夏稅及秋糧之半士奇言上恩至矣但須戶工二部預聞帝曰有司慮國用不足必持不決救民之困當如救焚拯溺不可遲也趣命中官具楮筆令士奇就門樓書詔帝覽畢即用璽付外行之顧士奇曰今可語部臣矣

明會要卷五十四

幸

備荒之政已上本紀

十年七月巡撫于謙言山陝饑民二十餘萬皆就食於河南訪得懷慶河南二府倉糧見存六十餘萬石乞減價糶與饑民收鈔解京上諭戶部曰此古名臣救荒良策也其諭謙速行之典

景泰四年三月鳳陽淮安徐州大水道殫相望王竑巡撫江北奏聞不待報開倉振之山東河南饑民就食者至竑以徐州廣運倉有餘積欲盡發之典守中官不可竑曰民旦夕且為盜若不吾從脫有變當先斬若然後自請死耳中官憚竑威名不得已從之竑乃自劾專擅罪因言廣

運所儲僅支三月請令死罪以下得於被災所入粟自贖帝復命侍郎鄒幹齎金馳赴聽便宜竑乃躬自巡行散振不足則令沿淮上下商舟量大小出米全活百八十五萬餘人勸富民出米二十五萬餘石給饑民五十五萬七千家賦牛種七萬四千餘復業者五千五百家他境流移安輯者萬六百餘家王竑傳

五年正月甲戌命平江侯陳豫學士江淵撫輯山東河南被災軍民三月辛酉學士江淵振淮北饑民王文撫卹南畿本紀

明會要卷五十四

古

天順元年命侍郎周瑄振北畿僉都御史林聰振山東帝恐暄聰巡歷不能周遍復遣侍郎黃仕備繼往聰屢請發帑帝詔徐有貞李賢議有貞曰發帑振濟徒為里胥乾沒耳賢曰慮乾沒而不貸坐視民困是因噎廢食也帝卒從賢議三編

成化六年山東河南旱給事中邱宏請振因言四方告災部臣拘成例必覆實始免上雖蠲租下鮮實惠請自今遇災撫按官勘實即與蠲除從之邱宏傳

九年牟俸巡撫山東歲祲請發濟南倉儲減價以糶令臨清關稅收米麥助振又以民多轉徙請救鄰境撫按官隨所在安輯秋成資遣復業且乞開中淮浙鹽百萬引盡蠲

州縣逋課詔如所請更命移臨清倉粟十萬石以振俸_尋
乞截留漕糧并貸饑民布棉免柴夫折價銀移河南輪邊
粟濟山東而別給銀爲邊餉山東輸京租二十萬石給本
地用帝皆嘉納明年又饑請發倉儲出貨俸撫山東五年
盡心荒政活饑民不可勝數_{年傳}

十八年淮揚巡撫張瓚以鳳陽淮安饑入告發兩淮鹽直
五萬振之南京給事中劉璣復告南直隸諸府州災命以
淮安常盈倉糧三萬石振鳳陽以蘇松常鎮四府歲儲餘
米徐州廣運倉糧一萬石各振其地之民以南京常平倉
糧三萬石振應天滁州以揚州鈔關及稅課司夏季應徵

明會要卷五十四

五

之鈔準貫納米振淮安揚州救瓚與蘇松巡撫王恕董其

事編三

二十一年詔曰往者災沴迭興天時亢旱歲竟不登河南
山東畿內率多饑饉陝西山西尤劇至有棄恆產家室不
顧者元元何辜罹此危阨博採羣議發內帑倉儲救所司
多方振濟期此矜人咸歸樂土_{上同}

二十二年王恕奏邇來禮部因陝西山西山東河南北直
隸災傷請令僧道關給度牒就彼納米給振又聞湖廣鎮
守太監章貴奏稱饑民南流日有萬口請敕巡撫將新舊
流民招撫復業又聞大學士萬安等奏令生員納米准監

民人等納米准投軍職俱赴災處上納給振有以見皇上
憂民恤患之心無所不至臣惟陝西山西地方連年災傷
米價騰貴小民貧難多殷實少雖奉上項恩例恐願納者
寡焉能濟眾臣思流民缺食無計聊生拊循失策必爲盜
賊勞師動眾所費益多合無將湖廣今年該起運南京各
倉及兌軍秋糧量留一二十萬石並河南該兌軍秋糧量
留一二十萬石俱赴荆襄水次倉振濟流民不令失所臣
深慮各項納米急不能待有誤賑貸合無先出內帑銀二
三十萬兩速發振濟仍乞將被災府縣今年稅銀買辦等
項盡行蠲免帝從之_{明臣奏議}

明會要卷五十四

未

宏治三年二月以河南當河決後民困未甦特詔蠲其秋
糧越三日戶部以鳳陽淮揚鄖襄南陽諸郡水旱請免徵
芻糧及麥絲之稅帝曰凶歲當損上益下必欲取盈如民
病何部臣言甚稱朕旨亟如所請行

五年餘杭致仕尙書鄒幹疏言浙江水旱相仍民窮且盜
乞急行蠲恤於是命侍郎吳厚巡視浙江督有司振濟時
給事中吳世忠請振災無俟勘覆略云近者南畿及山東
諸行省各以災告而浙江爲甚致塵宸衷屢飭百司經畫
乃振恤之典有加而惠澤之實未究良由府縣官吏發粟
不時文書勘報動淹旬月俟既得食而饑者已死流者已

遠又况書吏胥役因緣為奸更有不可勝言者今欲約之以法莫若稽諸冊籍以產之多寡驗民之窮富凡遇給振視此為則富者不得濫支貧者獲沾實惠庶弊革而惠行因條上興水利復常平倉二事詔舉行之

六年閏五月以水災蠲瀋陽諸衛屯糧六萬四千餘石順天州縣夏稅萬五千餘石及河間保定山西太原諸府平陽諸縣夏稅河南開封諸府夏稅之半祥符諸縣秋糧而蘇松與山東仍皆饑從應天巡撫佶鍾請留蘇松常湖四府漕糧三十萬石畀鍾分振山東巡撫王霽先後請發帑金五十餘萬米二百餘萬石選廉能吏驗口給之活饑民二百六十餘萬

明會要卷五十四

七

八年四月振應天浙江饑凡給穀米五十六萬三千餘石帑金三千九百五十餘兩所活饑民百二十萬有奇已上三編十四年十一月癸巳分遣侍郎何鑑大理寺丞吳一貫振

郵兩畿山東河南饑民紀本

正德十三年正月給事中邵錫言自去年雨水為災順天保定河間被害尤甚真定大名等五府次之陛下軫念災傷既發戶部及德州倉糧遣郎中二人振濟竊恐待哺者眾所發不足供所需郎官權輕無以督率羣吏請別遣重臣增給銀穀以往其稅糧物料仍乞例外蠲免以蘇民困

帝可其奏編三

嘉靖元年七月己酉以南畿浙江江西湖廣四川旱詔撫按官講求荒政紀本

二年七月南畿大水吏部侍郎何孟春奏郵災八事曰禁奢靡曰慎賞罰曰減百官俸薪阜隸曰革冗費曰廣聽納曰安撫江淮百姓曰不許鄰近州縣遏糶曰免來歲被災州縣稅糧帝命文武官俸如故餘悉從之編三

明會要卷五十四

六

振之非二十萬不可請將淮揚折糧及運司餘鹽銀兩分派振濟從之復命南京兵部侍郎席書兼左僉都御史振濟江北地方錄實

四年五月甲戌賜廬州知府龍誥官秩詔天下做誥備荒振濟法紀本

河南歲大饑巡撫潘垣駁諸請振文牒候勘實乃發河南知府范鏞不待報輒開倉振之全活十餘萬范鏞傳

八年二月河南襄陽大饑巡按湖廣御史張祿繪圖以獻帝憫之詔有司亟振時廣東僉事林希元上言救荒有二難三便六急三權六禁三戒因輯為書以上詔有司舉行

編三

十七年席書疏言臣考求荒政於古多有礙於今惟作粥一法不須審戶不須防奸但赴局者一體給粥振濟大約大縣設粥十六處中縣減三之一小縣減十之五設粥分廠約日並舉計自十一月起至麥熟為止四個半月為率此法非但宜於兩畿并可推於天下農政全書
十八年九月河南大饑命侍郎王杲往振杲請發帑金詔發臨清倉銀五萬兩以行既至復請增發銀十五萬兩全活不可勝計王杲傳

明會要卷五十四

九

有餘請將今年糧米四百萬石徵本色七折色三分以避民困其被災之地行令撫按官動支贖罪銀給振從之編三

二十四年二月帝諭戶工二部曰今歲以來天時少順若有水旱之慮所應振卹諸務亟行撫按及各鎮總兵官加意察理又詔曰近來水旱災傷皆由官不得人甚或貪殘殃民致干和氣如有貪酷害民者撫按官具奏處治上
徐九思為句容知縣歲祿穀湧貴巡撫發倉穀數百石使平價糶而償直於官九思曰彼糶者皆豪也貧民雖平價不能糶乃以時價糶其半還直於官而以餘穀煮粥食餓

者穀多則使稱力分負以去其山谷遠者則就旁富人穀而官為償之全活甚眾嘗曰即天子布大惠安能人人獨租賜復第在吾曹酌緩急而已徐九思傳

三十一年二月宣大二鎮大饑人相食兵部請量借軍餉銀振之帝切責本鎮守臣不先入告令各自陳狀命督餉侍郎馬坤馳往經理振濟事宜仍發庫銀二十萬給之坤臨行奏請增給錢十萬從之

三十二年十月吏部侍郎程文德上言今直隸河南山東徐邳淮揚等處方數千里水災異常民不聊生流離載道言官陳振卹未見且夕亟行臣聞救荒莫便乎其人莫不

明會要卷五十四

三

便乎拘以常格請於兩直隸二省各遣行人齎詔諭宣布德意慰拊顛連令各州縣自為振給聽其便宜處置凡官帑官廩贖納勸借苟可以濟民者一不限制又近日戶部申明開納事例亦暫許本地上納隨其所有粟黍麥菽之積可救饑者皆得輸官計直視其合例者官為請部劄而授之仍令守令造冊登記全活之數定為等則以課殿最疏入下部議行

三十八年遼東饑巡撫侯汝諒言臣被命入境見其巷無炊烟野多暴骨蕭條慘楚問之則云去年凶饑斗米至銀八錢母棄生兒父食死子父老相傳咸謂百年來未有之

災於時布種入土遺民盼盼方望有秋乃夏秋之交淫雨田蟲交作今西成在候斗米猶至七錢冬春不知作何狀矣乞大出內帑金錢以拯阡危疏入詔戶部即發太倉銀六萬兩差御史一員亟往召糴設法轉運歲終仍給發牛具銀五萬兩以備來春布種已上三編

萬曆八年戶部言有司積穀振荒先年立法俱止貶州縣不知各府為州縣表率亦當照例存積以備振濟從之同上

明會要卷五十四

三

二十三年湖廣巡按徐兆魁以地方災傷具四事上請一議改折一議緩徵一議蠲免一議振濟戶部議緩徵徒貽小民他日之累不若勘被災輕重量為蠲振詔如部議三編御史翟鳳翀請所在建常平倉括贖緩節公費易粟備荒帝善其議本傳

三十七年各省皆報災傷重大詔戶部借馬價二十五萬并工部稅銀十五萬解給各鎮支用其北直山東河南山西陝西福建四川常年徵在官聽解內帑稅銀惟留以二分解部充軍餉一分振饑民三編

崇禎間應天府丞張瑋以四方大旱軍食可虞奏請禁江西湖廣邊糶而令應天常鎮淮揚五郡折輸漕糧銀赴彼

易米則小民免催科之苦太倉無顆粒之虧他十庫所收銅錫顏料皮布非州縣土產者悉改折色且盡改民解為官解以救民湯火所司多議行張瑋傳

加派

正德九年十二月營乾清宮加天下賦百萬三編

嘉靖三十年京邊歲用至五百九十五萬戶部尚書孫應奎乃議於南畿浙江等州縣增賦百二十萬加派於是始食貨志

東南被倭南畿浙閩多額外提編江南至四十萬提編者加派之別名也其法以銀力差排編十里為一甲不足則

明會要卷五十四

三

提下甲補之故謂之提編同上

萬曆四十六年九月戶部以遼餉缺乏援征倭征播例請加派直省正賦惟貴州地磽有苗變不派其浙江十二省南北直隸照會計錄所定田畝七百餘萬頃每畝加三釐五毫共派額銀二百萬三十一兩有奇

四十七年十二月再加天下田賦於舊加外復加三釐五毫增二百萬有奇

四十八年三月復加天下田賦畝再加二釐連前二次加派共增九釐賦五百二十萬遂為歲額所不加者畿內八府及貴州而已

崇禎三年十二月兵部尙書梁田棟請增田賦下戶部議請畝加九釐之外再增三釐於是增百六十五萬有奇合舊所增凡六百八十餘萬天下益耗矣已上三編

八年總督盧象昇請加官戶田賦十之一民糧十兩以上同之既而概徵每兩一錢名曰助餉食貨志

十年三月楊嗣昌督師請行因糧法因舊額量加畝輸六合折銀八錢歲得銀百九十二萬九千有奇帝改因糧為均輸三編

均輸三編

十二年六月嗣昌復請於餉外加徵練餉七百三十萬御史郝晉言萬厯末年合九邊餉止二百八十萬今加派

明會要卷五十四

重

遼餉至九百萬餉餉三百三十萬業已停罷旋加練餉七百三十餘萬自古有一年而括二千萬以輸京師又括京師二千萬以輸邊者乎疏語雖切直而時勢危急不能從也食貨志

力役

洪武元年二月乙丑命中書省定役法於是省臣議田一頃出丁夫一人不及頃者以他田足之名曰均工夫每歲農隙赴京供役三十日遣歸田多丁少者以佃人充夫而田主出米一石資其用非佃人而計畝出夫者畝資米二升五合又諭省臣曰民力有限而徭役無窮自今凡有興

作不獲已者暫借民力至於不急之務浮泛之役宜悉罷之昭代典則

十三年帝以徭役不均命戶部尙書范敏編造黃冊敏議百一十戶為里丁多者十人為里長鳩一里之事以供歲

役十年一周餘百戶為十甲後遂仍其制不廢范敏傳

十七年令各處賦役必驗丁糧多寡以均其力會典

十八年令有司第民戶上中下三等為賦役冊凡遇徭役取驗以革吏弊同上

明會要卷五十四

重

等入戶點差世法錄

宣德八年三月李信圭言自江淮達京師沿河郡縣悉令軍民輓舟若無衛軍則民夫盡出有司州縣歲發二三千人晝夜以俟而上官又不分別雜泛差役一體派及致土

田荒蕪民無蓄積稍遇歉歲輒老穉相屬緣道乞食實可憫傷請自儀真抵通州盡免其雜徭俾得盡力農田兼供夫役從之李信圭傳

正統五年令各府州縣每歲查見在人戶凡有糧而產去及有丁而家貧者為貧難戶止聽輕役王圻通考

葉宗人為錢塘知縣縣為浙江省會徭重豪有力往往構

黠吏得財役貧民宗人令民自占甲乙書於冊以次簽差役乃均葉宗人傳

景泰元年令里長戶下空閒人丁與甲首戶下人丁一體當差若隱占者許甲首首告世法錄

成化十五年令各處差徭戶分九等門分三甲務因上司所派定民輸納會典

東鹿徭役不均知縣盛頤為立九則法繼者莫能易成化十九年巡撫山東又推行九則法於諸府民甚德之楊瑄傳

孔鏞知都昌縣分戶九等以定役孔鏞傳朱英為廣東參議立均徭法十歲一更民稱便後歷福建

明會典卷五十四

五

陝西左右布政使皆推行均徭法朱英傳

正德中歐陽鐸為福州知府議均徭曰郡多士大夫其士大夫又多田產民有產者無幾耳而役則盡責之民請分

民半役士大夫率不便巡按御史汪珊力持之議乃行歐陽鐸傳

凡均徭解戶上供為京繇主納為中官留難不易中納往復改質率至傾產且役民自里中正辦外如糧長解戶名

色甚繁因事編僉歲有增益嘉隆後行一條鞭法通計一省丁糧均派一省徭役於是均徭里甲與兩稅為一小民

得無擾而事亦易集然糧長里長名罷實存諸役卒至復

僉農氓條鞭法行十餘年規制漸紊不能盡遵也食貨志

龐嵩攝應天府尹留都民苦役重力為調劑凡優免戶及寄居客戶詭稱官戶寄莊戶女戶神帛堂匠戶俾悉出以

供役民困大蘇龐嵩傳

嘉靖十五年令今後審編徭役務查照律例申明禁約分為三等九則隨其丁產量差輕重務使貧富適均毋致偏

累違者問罪

十七年令遼東各衛所徭役照腹裏地方五年一次審編四十四年議准江南行十段錦冊法總計十甲之田派為

定則如一甲有餘則留二三甲用不足即提二甲補之鄉

明會典卷五十四

美

宦免田十年之內止免一年一年之內止於本戶寄莊田畝已經原籍優免者不許再免

隆慶四年題准江西府州縣各項差役逐一較量輕重照依丁糧編派立限徵收有丁無糧者為下戶仍納丁銀有

丁有糧者為中戶及丁多糧少與丁糧俱多者為上戶俱照丁糧併納著為定例已上世法錄

崇禎三年河南巡撫范景文言民所患苦莫如差役錢糧有收戶解戶驛遞有馬戶供應有行戶皆僉有力之家充

之名曰大戶究之所僉非富民中人之產輒為之傾自變為條鞭法以境內之役均於境內之民宜少甦矣乃民間

仍歲奔走罄資津帖是條鞭行而大戶未嘗革也食貨志

明會要卷五十四

毛

明會要卷五十四終

明會要卷五十五

永新龍文彬纂

食貨三

錢法

太祖初置寶源局於應天鑄大中通寶錢與歷代錢兼行以四百文為一貫四十文為一兩四文為一錢

即位頒洪武通寶錢其制凡五等當十當五當三當二當一錢止各行省皆設寶泉局與寶源局並鑄

洪武四年改鑄大中洪武通寶大錢為小錢已上食貨志

八年罷寶源寶泉局十年復設寶泉局鑄小錢與鈔兼行

明會要卷五十五

一

稅課錢鈔兼收錢三鈔七百元以下止用錢世法錄

二十二年詔更定錢式生銅一斤鑄小錢百六十折二錢半之當三至當五準是為差食貨志

二十三年復定錢制每小錢一文用銅一錢二分其餘四等錢依小錢制遞增世法錄

二十六年復罷寶泉局時兩浙江西閩廣民重錢輕鈔有以錢百六十文折鈔一貫者由是物價翔貴而錢法益壞

不行食貨志

永樂九年鑄永樂通寶錢

宣德九年鑄宣德通寶錢

天順四年令民間除假錢錫錢外凡歷代并洪武永樂宣德銅錢及折二當三依數准行不許挑揀

成化元年七月丙辰詔通錢法商稅課程錢鈔中半兼收每鈔一貫折錢四文無拘新舊年代遠近悉驗收以便民

用法錄

宏治元年因洪武永樂宣德錢積不用詔發之令與歷代

錢兼用戶部請鼓鑄乃復開局鑄錢凡納贖收稅歷代錢制錢各收其半無制錢即收舊錢二以當一食貨志

十六年鑄宏治通寶

大學士邱濬言自古論錢法者惟南齊孔顛不惜銅不愛

明會要卷五十五

二

工二語為萬世不易之良法體質厚而肉好適均製作工而輪廓周正本多而工費雖驅之使鑄彼亦不為矣况冒禁而盜為之者哉然自太府圓法以來以銅為泉或半兩或榆莢或八銖四銖惟漢之五銖為得其中五銖之後或赤仄或當千或鵝眼縱環或荷葉惟唐之開元為得其中二者之外當三當十當百皆行之不久而遽變惟其質製如開元者則至今通行焉惜古鑄之存世者無幾凡市肆流行而通使者皆盜鑄之偽物耳為今之計莫若拘盜鑄之徒以為工收新造之錢以為銅本孔顛此說別為一種以新天下之耳目革天下之宿弊每錢以十分為重中間

錢文必以古篆或用年號別製佳名輪廓之旁周迴鑿以

花紋每文計用銅十五分令天下輸舊錢於官以易新錢

所得舊錢遇以細紋如新錢製式然後散之天下仍詔非

此二樣錢勿用則錢法流通而公私俱便又曰本朝製銅

錢寶鈔相兼行使然錢之弊在於偽鈔之弊在於多請稽

古三幣之法以銀為上幣錢為中幣鈔為下幣以中下二

幣為公私通用之具而準上幣以權之焉蓋自國初以來

有銀禁恐其或闖錢鈔也而錢之用不出於閩廣宣德正

統以後錢始用於西北自天順成化以來鈔之用益微矣

欲如初制每一貫準錢一千銀一兩以復初制之舊必不

明會要卷五十五

三

可也今莫若銀與錢鈔相權而行每銀一分易錢十文新

製之鈔每貫易錢十文四角完全未中折者每貫易錢五

文中折者三文昏爛而有一貫字者一文通詔天下以為

定制而嚴立擅自加減之罪則銀與錢鈔交易之數一定

而永不易矣

正德三年以太倉積錢給官俸十分為率錢一銀九已上通典

七年令稅課俱收舊錢與制錢相兼行用世法錄

嘉靖六年大鑄嘉靖錢每文重一錢三分且補鑄累朝未

鑄者

三十二年鑄洪武至正德九號錢每號百萬錠每錠五千

續修四庫全書 史部 政書類 四七八

文嘉靖錢千萬錠錠五千文又用給事中李用敬言以制錢與前代雜錢相兼行上品者俱七文當銀一分餘視錢高下爲三等下者二十一文當銀一分私造濫惡錢悉禁不行

四十三年大學士徐階奏言錢曰金背以金塗其背使黑錠邊錢邊皆鑄色黃質堅工料重大一條棍色雜貨輕其邊到磨麤棍工費輕省蓋四名矣然其實寶源局所鑄一條棍之數多而南京所解金背之數少故今所通用僅得十分之五也臣竊謂一條棍既不能強民行使若寶源局仍鑄不已有五害焉戶工二部每年以二萬八千有用之銀投諸無用之地一也中奸猾

明會要卷五十五

四

計開私鑄之門二也朝廷以此給賞而蒙恩者受無益之賜三也官府給與民商有虧抑之怨四也錢法因之阻滯禁治之令不行虧損國體五也不若停寶源局鑄造部中合給錢者以鑄錢之銀代給則奸弊革而私鑄止矣從之四十四年寶源局鑄嘉靖錢行於市後因錠邊勞費以錠錫代之而鑄工競用鉛錫以便判奸徒盜鑄并金背亦不售後部議止勿鑄公費惟用白銀

隆慶初錢法不行兵部侍郎譚綸言欲富民必重粟帛而賤銀欲賤銀必置錢法以濟銀之不足今錢惟布於下而不以輸於上故其權在市井請令民得以錢輸官則錢法

自通於是課稅銀三兩以下復收錢

高拱再相言錢法朝議夕更迄無成說小民恐今日得錢明日不用是以愈更愈亂請勿多爲制亂人耳目帝深然之錢法稍通已上通典

山西巡撫靳學顏上書議鑄錢曰臣觀天下之民皇皇以匱乏爲慮者非布帛五穀不足也銀不足耳夫銀寒不可衣饑不可食不過貿遷以通衣食之用獨奈何用銀而廢錢錢益廢銀益獨行獨行則藏益深而銀益貴貨益賤而折色之辦益難豪右乘其賤收之時其貴出之銀積於豪右者愈厚行於天下者愈少更踰數十年臣不知所底止

明會要卷五十五

五

矣錢者泉也如水之在地中不得一日廢計者謂錢法之難有二利不售本民不願行此皆非也夫朝廷以山海之產爲材以億兆之力爲工以賢士大夫爲役何本之費誠令民以銅炭贖罪而匠役取之營軍一指磨問錢徧天下矣至不願行錢者獨奸豪耳請自今事例罰贖徵稅賜賚宗祿官俸軍餉之屬悉銀錢兼支上以是徵下以是輸何患其不行哉靳學顏傳

萬曆四年命戶工二部準嘉靖錢式鑄萬曆通寶金背及火漆錢一文重一錢二分五釐又鑄錠邊錢一文重一錢三分頒行天下後宮費稍侈令工部鑄錢給用大學士張

居正疏曰臣伏見先朝鑄造制錢原以通幣便民鑄成之後進少許呈樣非所以進供上用者也萬曆二年鑄造之初亦止進樣錢一千萬文其後以一半進用已非通幣便民之本意今若以賞用闕錢鑄造通用大失舊制且京師民用嘉靖錢最多自鑄萬曆錢後愚民謾為止行新錢不行舊錢甚以為苦今若廣鑄新錢則嘉靖舊錢必至阻滯不行於民甚為不便伏望暫停鑄造從之通典

雲南巡按郭庭梧言國初京師有寶源局各省有寶泉局迨至嘉靖間省局停廢民用告匱滇中產銅不行鼓鑄而反以重價購海肥非利也遂開局鑄錢尋命十三布政司

明會要卷五十五

六

皆開局採工部言以五銖錢為準用四火黃銅鑄金背二火黃銅鑄火漆纒惡者罪之蓋以費多利少則私鑄自息也久之戶部言錢之輕重不常輕則斂重則散故無壅闕匱乏之患初鑄時金背十文直銀一分今萬曆金背五文嘉靖金背四文各直銀一分火漆鏤邊亦如之僅踰十年而輕重不啻相半錢重而物價騰踴宜發庫貯以平其直從之

天啟元年鑄泰昌錢兵部尚書王象乾請鑄當十當百當千三等大錢略仿白金三品之制後有言大錢之弊者詔南京停鑄大錢收大錢發局改鑄

崇禎三年御史饒京言鑄錢開局本通行天下今苦於無息旋開旋罷各局所鑄之錢不盡歸朝廷復苦無鑄本蓋以買銅而非採銅也乞遵洪武初及永樂九年嘉靖六年例遣官各省鑄錢採銅於所產之地做銀礦法十取其三銅山之利朝廷擅之小民所採仍予直以市從之已上食貨志荆州抽分主事朱大受專督鑄錢定錢式每文重一錢每千直銀一兩南都錢輕薄乃定每文重八分初嘉靖錢最重隆萬錢加重半銖自啟禎新鑄出舊錢悉棄置然日以惡薄末年救鑄當五錢通典

初制歷代錢與制錢通行自神宗初從僉都御史龐尙鵬

明會要卷五十五

七

議古錢止許行民間輸稅贖罪俱用制錢啟禎時廣鑄錢始括古錢以充廢銅民間市易亦擯不用矣莊烈帝初即位御平臺召對給事中黃承昊疏有銷古錢之語大學士劉鴻訓言北方皆用古錢若驟廢之於民不便帝以為然既而以御史王燮言收銷舊錢但行新錢於是古錢銷毀頓盡蓋自隋世盡銷古錢至是凡再見云食貨志

錢禁

太祖初即位嚴私鑄之禁通典

洪武六年禁民間私鑄銅錢世法錄

正統十三年五月從御史蔡愈濟言詔交易用錢者以阻

鈔論追一萬貫全家戍邊後至天順中乃弛其禁編三
成化十七年令京師內外止許行歷代及洪武永樂宣德
舊錢不得以私造新錢攪入阻壞錢法如違依律治罪法世

正德三年申私鑄之禁食貨志

嘉靖六年戶部請申明禁約若有藏蓄私鑄小錢許赴所
在官司出首照鉛錫價給與官銀仍免其罪違者照私鑄
例究治

二十八年嚴私鑄假錢及商賈販解之禁

三十二年題准錢法行使悉依歷代年號咸得通行有銷

明會要卷五十五

八

新舊錢及以銅造像製器者罪比盜鑄

四十三年以私鑄盛行錢法阻滯令內外各衙門嚴加訪
治寶源局匠役人等侵料減工致輕小濫惡不堪行使者
送法司從重問罪已上世法錄

崇禎十六年十一月十七日諭疏通錢法本欲足國便民
近聞賤濫愈甚小民反成苦累皆由經管官通未遵行姑
免察究再行申飭將一切低假薄小之錢概禁行用五城
御史仍遵旨收買勒限十日內一奏其京城所有錢桌錢
市著廠衛五城衙門嚴行禁飭巡緝春明夢餘錄

鈔法

洪武七年帝以商賈沿元之舊習用鈔多不使用錢乃設
寶鈔提舉司食貨志

八年三月辛酉詔造大明寶鈔令民間通行以桑穰爲料
其等凡六日一貫日五百文四百文三百文二百文一百文每鈔一貫準錢千文

銀一兩四貫準黃金一兩禁民間不得以金銀貨物交易

違者罪之以金銀易鈔者聽商稅兼收錢鈔錢三鈔七典通

十三年立倒鈔法令所在置行用庫諸軍民商賈以昏鈔

納庫易新鈔量收工墨直

十五年置戶部寶鈔廣源庫廣惠庫入則廣源掌之出則

廣惠掌之

明會要卷五十五

九

二十二年更造小鈔自十文至五十文

二十四年論權稅官吏凡鈔有字貫可辨者不問爛損即
收受解京抑勒與僞充者罪之已上食貨志

二十五年設寶鈔行用庫於東市凡三庫庫給鈔三萬錠

爲鈔本倒收舊鈔送內府

二十七年罷寶鈔行用庫令軍民商賈所有銅錢有司收

歸官依數換鈔不許行使已上世法錄

三十年三月甲子以鈔法阻滯禁用金銀交易大政記

永樂元年復申其禁犯者以姦惡論二年詔犯者免死徙

家戍興州

都御史陳瑛言比歲鈔法不通皆緣朝廷出鈔太多收斂
無法以致物重鈔輕莫若暫行戶口食鹽法天下人民不
下千萬戶官軍不下二百萬家誠令計口納鈔食鹽可收
五千餘萬錠帝令戶部會羣臣議大口月食鹽一斤納鈔
一貫小口半之從其議已上食貨志
七年設北京寶鈔提舉司八年令稅糧課程俱折收鈔
仁宗即位革南京戶部行用庫罷金銀交易之禁并廣收
民間鈔入官取昏輒者悉燬之乃詔增市肆門攤課程收
鈔

明會要卷五十五

十

宣德元年令各處贓罰俱折收鈔又令商賈以金銀交易
及匿貨增值者皆罰鈔已上世法錄
時范濟詣闕言八事其一言楮幣之法助於漢唐元造元
統交鈔後又造中統鈔久而物重鈔輕公私俱敝乃造至
元鈔與中統鈔兼行子母相權新陳通用又令民間以昏
鈔赴平準庫中統鈔五貫得換至元鈔一貫又其法日造
萬錠共計官吏俸精內府供用若干天下正稅雜課若干
斂發有方周流不滯以故久而通行太祖皇帝造大明寶
鈔以鈔一貫當白金一兩民權趨之迄今五十餘年其法
稍弊亦由物重鈔輕所致願陛下因時變通重造寶鈔一
準洪武初制使新舊兼行取元時所造之數而增損之審

國家度支之數而權衡之俾鈔少而物多鈔重而物輕嚴
偽造之條開倒換之法推陳出新無耗無阻則鈔法流通
永永無弊范濟傳

四年戶部尙書郭資言鈔法不行由商居貨不稅請行納
鈔例御史羅亨信等相繼言之乃沿兩京水道設關收鈔
編又禁交易用銀一錢者罰鈔千貫贓吏受銀一兩者追
鈔萬貫更追免罪鈔如之
正統初弛用銀之禁朝野率皆用銀其小者乃用錢惟折
官俸用鈔鈔壅不行十三年復申禁令阻鈔者追一萬貫
全家戍邊已上食貨志

明會要卷五十五

十一

景泰四年令民間將銅錢折鈔阻壞鈔法者依律究治世法錄
憲宗令內外課程錢鈔兼收官俸軍餉亦兼支錢鈔是時
鈔一貫不能直錢一文而計鈔徵之民則每貫徵銀二分
五釐民以大困食貨志
宏治元年京城稅課司順天山東河南戶口食鹽俱收鈔
各鈔關俱錢鈔兼收同上
二年令勢要之家賣鈔事覺依律論罪鈔沒官司府州縣
受囑聽從者以枉法論世法錄
崇禎十七年戶部主事蔣臣請行鈔法言歲造三千萬貫

一貫價一兩歲可得銀三千萬兩侍郎王鼐永贊行之帝特設內寶鈔局晝夜督造募商發賣無一人應者閣臣蔣德璟言百姓雖愚誰肯以一金買一紙幣不聽蔣德璟傳

鹽法

吳元年二月置兩浙都轉運鹽司於杭州設三十六場大政記

太祖初起卽立鹽法置局設官令商人販鹽二十取一以資軍餉後於產鹽之地次第設官其鹽一引歲額多隨時酌辦因所產之地制法不同故課亦各有多少通典

洪武三年五月山西行省言大同糧儲自陵縣運至太和

明會要卷五五

主

嶺路遠費煩請令商人於大同倉入米一石太原倉入米一石三斗給淮鹽一小引商人鬻畢卽以原引赴所在官司繳之如此則運費省而邊儲充帝從之請召商輸糧而與之鹽謂之開中其後各行省邊境多召商中鹽以備邊儲計道里遠近自五石至一石有差三編
三十年二月工部尙書嚴震直疏言廣東舊運鹽八十五萬餘引於廣西召商中買今終歲所運纔十之一請分三十萬八千餘引貯廣東別募商人粟廣西乏糧衛所而支鹽廣東鬻之江西之南安贛州吉安臨江四府便帝從之廣鹽行於江西自此始嚴震直傳

成祖卽位以北京諸衛糧乏悉停天下中鹽專於京衛開中唯雲南金齒衛楚雄府四川鹽井衛陝西甘州衛開中如故不數年京衛糧米充羨而大軍征安南多費甘肅軍糧不敷百姓疲轉運迨安南新附餉益難繼於是諸所復召商中鹽他邊地復以次及矣

仁宗立以鈔法不通議所以斂之道戶部尙書夏原吉請令有鈔之家中鹽宣德元年停中鈔例已上通典

正統元年始命侍郎何文淵王佐副都御史朱與言提督兩淮長蘆兩浙鹽課未幾召還遂令御史視釐依巡按例歲更代以爲常食貨志

明會要卷五五

主

三年甯夏總兵官吏昭以邊軍缺馬而延慶平涼官吏軍民多養馬乃奏請納馬中鹽中馬之始驗馬乃掣鹽既而納銀於官以市馬銀入布政司宗祿屯糧脩邊振濟展轉支銷銀盡而馬不至而邊儲亦自此告匱矣於是召商中淮浙長蘆鹽以納之令甘肅中鹽者淮鹽十七浙鹽十三淮鹽惟納米麥浙鹽兼收豌豆青稞因淮鹽直貴商多趨之故令淮浙兼中然舊例中鹽戶部出榜召商無徑奏者富人呂銘等託勢要中兩淮存積鹽中旨允之戶部尙書馬昂不能執正鹽法之壞自此始勢豪多擾中商人失利江南北私販愈多課亦漸減通典

宏治元年以鹽法日壞邊儲匱乏戶部尚書李敏請簡風憲大臣整理上以刑部侍郎彭韶方在浙卽命韶理浙鹽而別遣戶部侍郎李嗣清理兩淮鹽法嗣至淮請令商人置餘鹽補官引且停各邊開中俟通課完日官爲賣鹽三分價值二充邊儲而留其一以補商人未交鹽價由是以餘鹽補充正課而鹽法小變韶以浙商苦抑配爲定折價額綱逋負惻愷戶煎辦徵賄折閱之困給八圖以上條其利弊奏行之錄

明會要卷五十五

古

五年商人困守支戶部尚書葉淇請召商納銀運司類解太倉分給各邊每引輸銀三四錢有差視國中米直加倍而商無守支之苦一時太倉銀累至百餘萬然赴邊開中之法廢商屯撤業菽粟翔貴邊儲日虛矣食貨志

三編發明曰葉淇召商納銀之議論者多咎其更開中法以致邊儲日匱而不知明代邊儲之匱自在屯政不脩而不盡關於鹽法其鹽法之壞又在勢家乞中而不關淇之變法也蓋產鹽有盈有絀邊地不能懸知則但知召商開中而初不爲支鹽計故守支之弊在永樂時已不免逮憲宗之時勢家爭先奏乞所賜鹽引動以萬計且許其越場支鹽不限年次於是商人益困守支而鹽亦壅遏不行夫商人輓輸數千里外守支至數十年

之久而不得鹽及旣得鹽復爲奏乞鹽所壅闕而不獲速售然則商人病開中亦極矣雖曰下令招之其誰應哉淇見報中之怠乃爲更制以利商商利則報中多報中多則國課裕是亦救弊之策也如云商屯撤業邊粟翔貴獨不思塞下之地商可屯軍不可屯乎明食貨志稱成化時屯田法廢戍卒多役於私家子粒不歸於公廩論者不深咎此而徒責其變法亦昧於輕重之計者矣

明會要卷五十五

五

正德十一年梁儲奏近年鹽法太壞由奏討數多客商守支艱難日漸貧困今太監劉允差往烏斯藏奏討長蘆運司見鹽一萬引兩淮運司見鹽六萬引跟隨人役各支一萬引乃夾帶至八九萬引以此載運船隻填滿河道南北官商舟楫一切阻塞非惟有壞鹽法抑恐激成他變乞亟將劉允取回今後凡有奏討鹽引者一概不與疏入帝不納明臣奏議

十三年十月南贛巡撫王守仁請疏通鹽法初廣鹽止行於南贛而淮鹽行於袁臨吉三府因灘高民苦之鹽守仁乃上議以爲廣鹽行則商稅集而軍餉足廣鹽止則私販興而奸弊滋請復開廣鹽便從之王圻考嘉靖四年奸商遂俊等夤緣近倖以奏買殘鹽開中宣府

戶部秦金言淮浙長蘆等處引鹽俱爲供邊之用必邊臣
奏討經部覆允未有商人擅自奏討及專開淮鹽者故宏
治間存積鹽甚多正德間權奸用事奏開殘鹽遂使鹽法
大壞皇上登極詔首命裁革鹽法疏通今以奸商之奏復
開兩淮額鹽三十萬引於宣府臣恐奸人占中淮鹽賣窩
罔利使山東長蘆等鹽別無搭配積之無用虧國用誤邊
儲莫此爲甚御史高世魁亦爭之詔減淮引十萬分兩浙
長蘆給之金復執奏宣大俱重鎮不宜令奸商自擇便利
但中宣府上然之已而俊等請以十六人中宣府十一人
中大同竟從其請錄

明會要卷五十五

未

五年二月乙丑戶科給事中管律言兩淮鹽課舊制七十
二萬引有奇其常股四分以給工役振濟之需其存積六
分非國家大事邊鎮有警未嘗擅開糧草皆輸本色未嘗
濫收銀價正德中改常股存積皆爲正課破例生奸遂令
商人自請開中又皆折收銀價緩急無備請自嘉靖五年
始盡復舊規戶部覆議從之上
時延綏用兵遼左缺餉盡發兩淮餘鹽之引於二邊開中
自是餘鹽行又設處置科罰名色於是正鹽未派先估餘
鹽商竈俱困給事中管懷理言鹽法之壞其弊有六開中
不時米價騰貴召糴之難也勢豪大家專擅利權報中之

難也官司科罰吏胥侵索輸納之難也下場挨掣動以數
年守支之難也定價太昂息不償本取贏之難也私鹽四
出官鹽不行市易之難也有此六難正課壅矣而司計者
因設餘鹽以佐之餘鹽利厚商固樂從然不以開邊而以
解部雖歲入鉅萬無益軍需嘗考祖宗時商人中鹽納價
甚輕而竈戶煎鹽工本甚厚今鹽價十倍於前而工本不
能十一何以禁私鹽使不行也故欲通鹽法必先處餘鹽
欲處餘鹽必多減正價大抵正鹽賤則私販自息定價之
後不必解赴太倉俱令開中關支餘鹽以盡收爲度正鹽
價輕既利於商餘鹽收盡又利於竈未有商竈既利而國

明會要卷五十五

七

課不充者也事下所司戶部覆以爲餘鹽銀仍解部如故
而邊餉虛矣食貨志
二十一年正月戶部尙書李如圭條上鹽法四事一革餘
鹽一禁權勢囑託及占窩買賣之弊一商人報中俱置印
信簿籍行各邊郎中或巡撫收掌收納事完轉行巡鹽御
史查驗一各邊急缺糧草者方令商人上納其孤城遠堡
不得以兌支爲名致多侵冒時御史吳瓊又請各邊中鹽
者皆輸本色詔皆從之然令甫下而尙書許瓚復請開餘
鹽以足邊用部議從之於是餘鹽卒不能禁實錄
江西故行淮鹽三十九萬引後南安贛州吉安改行廣鹽

既而私販盛行袁州臨江瑞州三府私食廣鹽撫州建昌廣信三府私食閩鹽於是淮鹽僅行十六萬引國計大絀巡撫都御史馬森疏其害請於峽江縣建橋設關扼閩廣要津盡復淮鹽額增至四十七萬引食貨志

四十一年十一月壬寅巡鹽御史徐熿言兩淮餘鹽額徵六十萬兩後開工本鹽增至九十萬總理鹽法鄧懋卿復增至百萬每半年解銀五十萬商人苦之夫正鹽之外加以餘鹽餘鹽之外又加工本工本不足乃有添單添單不足又加添引懋卿趨利目前不顧其後是誤國亂政之尤者方今災荒疊告鹽場淪沒若欲取盈百萬必致逃亡弦

明會要卷五十五

末

急欲絕莫棘於此於是悉罷懋卿所增者實錄四十四年九月庚申罷工本鹽自工本例開增收鹽課至三十五萬引戶部以國用方絀藉以抵年例不能罷也至是巡鹽御史朱炳如言工本鹽不罷不惟無益邊餉而商竈兩困並往時正鹽常例一切失之益逋欠日多有名無實也下戶部議請自明年為始悉數停罷同上隆慶二年九月屯鹽都御史龐尙鵬疏言邊商報中內商守支事本相須但內商安坐邊商遠輸勞逸不均故掣河鹽者以惠邊商也然河鹽既行淮鹽必滯內商無所得利則邊商之引不售今宜停掣河鹽酌定邊商引價邊商倉

鈔已到內商不得留難蓋河鹽停則淮鹽暢引價定則開中自多邊商內商各得其願矣詔從之食貨志

萬厯二十六年以鴻臚寺主簿田應璧奏命官魯保響沒官餘鹽給事中包見捷極陳利害不聽保既視事遂議開存積鹽戶部尙書楊俊民言明旨覈沒官鹽而存積非沒官也額外加徵必虧正課保奏不可從御史馬從聘亦爭之俱不聽保乃開存積鹽越次超掣壓正鹽不行商民大擾而姦人爭起董璉吳應麒等爭言鹽利山西福建諸稅監皆領鹽課而鹽法更壞通典

明會要卷五十五

九

巡鹽御史龍遇奇立鹽政綱法以舊引附見引行淮南編為十綱淮北編為十四綱計十餘年則舊引盡行從之食貨志

茶法

明制有官茶有商茶皆貯邊易馬官茶間徵課鈔商茶輸課略如鹽制初太祖令商人於產茶地買茶納錢請引引茶百斤輸錢二百不及引日畸零別置由貼給之無由引及茶引相離者人得告捕置茶局批驗所稱較茶引不相當即為私茶凡犯私茶者與私鹽同罪食貨志洪武初令賣茶之地宜課司三十取一戶部言陝西四川茶宜十取其一以易番馬從之於是諸產茶地設茶課司

一第 2 2 反文句

定稅額設茶馬司於秦洮河雅諸州自礪門黎雅抵朶甘
烏斯藏行茶之地五千餘里西方諸部落無不以馬售者

三編

三十年改設秦州茶馬司於西甯敕右軍都督曰近者私
茶出境互市者少馬日貴而茶日賤啟番人玩侮之心檄
秦蜀二府發都司官軍於松潘礪門黎雅河州臨洮及入
西番關口外巡禁私茶之出境者食貨志

永樂七年申茶禁洪武中以茶易馬上馬給茶八十斤中
下以次減之帝初年招徠遠人遞增其數至是礪門茶馬
司至用茶八萬餘斤僅易馬七十匹且多瘦損乃申嚴茶

明會要卷五十五

三

禁增設茶馬司後又特遣御史巡督三編

文彬按明史兵志洪武中聽西番納馬易茶上馬茶百
二十斤中馬七十斤下馬五十斤證之食貨志明會典
皆同與三編所載互異蓋洪武五年置茶馬司二十三
年定茶馬例志與會典所載據二十三年例三編據初
制言之本之實錄

先是洪武末置成都重慶保甯播州茶倉四所令商人納
米中茶宣德中中茶者赴甘州西甯而支鹽於淮浙商人
持文憑恣私販官課數年不完正統初都御史羅亨信言
其弊乃罷運茶支鹽例令官運如故通典

成化三年命御史巡茶陝西番人不樂御史馬至日少乃
取回御史仍遣行人且令按察使巡察已而巡察不專兵
部言其害乃復遣御史一員歲一更著為令又以歲饑待
振復令商納粟中茶

宏治十二年御史王憲言自中茶禁開私茶莫過易馬不
利遂停中茶之制

十六年都御史楊一清兼理馬政復議開中言召商買茶
官買其三分之一每歲茶五六十萬斤可得馬萬匹帝從所
請

正德元年一清又建議商人不願領價者以半與商令自

明會要卷五十五

三

賣遂著為例永行焉已上食貨志

嘉靖十五年六月巡茶御史劉良卿言律例私茶出境與
關隘失察者竝凌遲處死蓋西陲藩籬莫切於諸番番人
恃茶以生故嚴法以禁之易馬以酬之以制番人之死命
壯中國之藩籬斷匈奴之右臂非可以常法論也洪武初
例民間蓄茶不得過一月之用宏治中召商中茶或以備
振或以儲邊然未嘗禁內地之民使不得食茶也今減通
番之罪止於充軍禁內地之茶使不得食又使商私課茶
悉聚於三茶馬司夫茶司與番為鄰私販易通而禁復嚴
於內郡是毆民為私販而授之資也以故大姦闖出而漏

網小民負升斗而罹法今計三茶馬司所貯洮河足三年西甯足二年而商私課茶又日益增積久腐爛而無所用茶法之弊如此番地多馬而無所市吾茶有禁而不得通其勢必相求而制之之機在我今茶司居民竊易番馬以待商販歲無虛日及官易時而馬反耗矣請救三茶馬司止留二年之用每年易馬當發若干正茶之外分毫無得夾帶令茶價踴貴番人受制良馬將不可勝用且多開商茶通行內地官權其半以備軍餉而河蘭階岷諸近番地禁賣如故更重通番之刑如律例洮岷河責邊備道臨洮蘭州責隴右分巡西甯責兵備各選官防守失察者以罷

明會要卷五十五

三

輓論奏上報可於是茶法稍飭矣實錄

三十六年戶部以全陝災震邊餉告急國用大絀上言先時正額茶易馬之外多開中以佐公家有至五百萬斤者近者御史劉良卿亦開百萬後止開正額八十萬斤并課茶私茶通計僅九十餘萬宜下巡茶御史議召商多中御史楊美益言歲祲民貧卽正額尙多虧損安有贏羨今第宜守每年九十萬斤招番易馬之規凡通內地以息私販增開中以備振荒悉宜停罷毋使與馬分利戶部以帑藏方匱請如宏治六年例易馬外仍開百萬斤召納邊鎮以備軍餉詔從之

萬曆二十九年陝西巡按御史畢三才言課茶徵輸歲有定額先因茶多餘積園戶解納艱難以此改折令商人絕跡五司茶空請令漢中五州縣仍輸本色每歲招商中五百引可得馬萬一千九百餘匹部議西甯河洮岷甘莊浪六茶司共易馬九千六百匹著爲令

明初嚴禁私販久而奸弊日生洎乎末造商人正引之外多給賞由票使得私行番人上駟盡入姦商茶司所市者乃其中下也番得茶叛服自由而將吏又以私馬竄番馬官支上茶茶法馬政邊防於是俱壞矣已上食貨志

明會要卷五十五

三

明會要卷五十五終

明會要卷五十六

永新龍文彬纂

食貨四

漕運

河運 洪武元年十月置京畿漕運司以龔魯薛祥為都

轉運使統宗命浙江江西及蘇州等九府運糧三百萬石於

汴梁食貨志

六年十二月浚開封漕河明年春轉漕粟於陝西世法錄

二十六年九月命崇山侯李新開胭脂河以通浙運諭之

曰兩浙賦稅漕運京師歲費浩繁一自浙河至丹陽舍舟

明會要卷五十六

登陸轉輸甚難一自大江泝流而上風濤之險覆溺者多

今欲自畿甸近地鑿河流以通於浙俾輸者不勞商旅獲

便故特命爾往督其事自此漕運悉由常鎮矣昭代典則

永樂九年因海運險遠多失亡而河運則由江淮達陽武

陸輓百七十里入衛河民苦其勞濟甯州同知潘叔正請

復舊會通河帝命尚書宋禮侍郎金純治之二十旬而功

成宋禮傳

十年宋禮言海運經歷險阻每歲船輒損敗有漂沒者有

司脩補迫於期限多科斂為民病而船亦不堅計海船一

艘用百人而運千石其費可辦河船容二百石者二十船

用十人可運四千石以此而論利病較然請撥鎮江鳳陽

淮安揚州及兗州糧合百萬石從河運給北京同上

宋禮既治會通河成朝廷議罷海運以平江伯陳瑄董漕

運瑄議造淺船二千餘艘初運二百萬石寢至五百萬石

國用以饒江南漕舟抵淮安陸運以達清河勞費甚鉅十

三年瑄用故老言請開清江浦引漕舟直達於河陳瑄傳

時淮徐臨清德州各有倉江西湖廣浙江民運糧至淮安

倉分遣官軍就近輓運自淮至徐以浙直軍自徐至德以

京衛軍自德至通以山東南軍以次遞運歲凡四次可

五百萬餘石名曰交運由是海陸二運皆罷食貨志

明會要卷五十六

宣德四年以官軍多所調遣仍用民運道遠數愆期瑄及

尚書黃福建議復支運法乃令江西湖廣浙江民運百五

十萬石於淮安倉蘇松甯池廬安廣德民運二百七十四

萬石於徐州倉應天常鎮淮揚鳳太滁和徐民運二百二

十萬石於臨清倉令官軍接運至京

六年瑄言民運糧諸倉往返經年誤農業令民運至淮安

瓜州兌與衛所官軍運載至京給與路費耗米則軍民兩

便是為兌運命羣臣會議吏部蹇義等言官軍兌運加耗

則例以地遠近為差如有兌運不盡仍令民自運赴諸倉

不願兌者亦聽其自運軍既加耗又給輕齎銀為洪牘盤

撥之費且得附載他物皆樂從事而民亦多以遠運為艱於是兌運者多而支運益少三編上

正統初運糧之數四百五十萬石而兌運者二百八十萬餘石淮徐臨德四倉支運者十之三四耳土木之變復盡留山東直隸軍操備蘇松諸府運糧仍屬民景泰六年乃復軍運

天順末兌運法行久倉人覬耗餘入庾率兌斛而且多求索軍困甚憲宗即位諭律令明言收糧令納戶平準石加耗不過五升今後令軍自槩每石加耗五升毋溢勒索者治罪已上食貨志

明倫彙編

卷五十六

成化七年戶部因應天巡撫滕昭議變瓜軍兌運為長運令運軍徑赴江南水次交兌加耗外復石增米一斗為渡江費後數年命淮徐臨德四倉支運七十萬石之米悉改水次交兌而官軍長運遂為定制三編

三編發明曰明代轉漕之法由民運而支運由支運而兌運至是始定為長運官任轉輸之責民免飛輓之勞其法可謂善矣顧交兌之際弊竇易生即責成於地方有司尙不能保無吏胥耗蠹乃聽民自兌於運軍則額外之需求必且日滋增益況既經改為長運則凡有漕糈皆當量為酌劑俾達之輦下以供官府廩食之需乃

考食貨志稱淮徐臨德四倉由支改兌者止限以七十萬石之額其餘交兌不盡者仍令民運赴四倉民力既未能紓而其後久無支銷遂致有紅朽陳腐者又其時蘇松常嘉湖五府之白糧船俱仍令民運如故此皆立法未為周詳奉行不能盡善所致非長運之不可行也厥後漕臣邵寶徒見流弊之滋轉謂長運之未善而欲復行支運是何異因噎而廢食哉

明倫彙編

卷五十六

軍衛任三分舊船抵三分軍衛無從措辦皆軍士賣資產鬻男女以供之此造船之苦也正軍逃亡數多而額數不減俱以餘丁充之一戶有三四人應役者春兌秋歸艱辛萬狀船至張家灣又雇車盤撥多稱貸以濟用此往來之苦也其所稱貸運官因以侵漁責償倍息而軍士或自載土產以易薪米又格於禁例多被掠奪今宜加造船費每艘銀二十兩而禁約衛官及有司科害搜檢之弊庶軍困少甦詔從其議
五年戶部尙書葉淇言蘇松諸府連歲荒歉民買漕米每石銀二兩而北直山東河南歲供宣大二邊糧料每石亦

銀一兩今請推行於諸府而稍差其直災重者石七錢稍輕者石仍一兩俱解部轉發各邊抵北直隸三處歲供之數而收三處本色以輸京倉則省費而事易集從之自後歲災輒權宜折銀以水次倉支運之糧充其數而折價以六七錢為率無復至一兩者已上食

正德五年令漕運衙門以漕運水程日數列為圖格給與各幫官收掌逐日填註送部查覈

六年戶部侍郎邵寶言支運之法支者不必出當年之民納納者不必供當年之軍支蓋通數年以為哀益雖歲有豐歉而常數不缺及支變為兌繼而又有改兌向者轉輸

明會要卷五十六

五

今也直達派徵兌納叢於一歲之中於是軍無餘力而缺於常數豈得已哉夫支運之難難於腳價不足今若復支運之法豫處腳價以擬兵荒之事於舊例支運七十萬石之外每遇兌缺則支以補之歲不失四百萬石之數於國計為便

十四年題准運料船價以十分為率軍辦三分民辦七分

已上世法錄

隆慶元年正月增設江浙巡漕御史時漕政廢弛有司怠緩軍衛遷延重以運官科求旗甲侵費弊端百出以致漕運失期舊制江北糧米當十二月以內過淮遠者不過次

年之三月時有遲至次年六月者山東糧米當四月運完遠者不過七月時有遲至十一月者至是戶科給事中何起鳴請於南直隸浙江杭嘉湖增設御史一員令專理漕運其濟甯以南河道舊屬兩淮巡鹽御史者亦并委之監兌時則巡歷淮安以南水盛時則巡歷徐州以北庶河道漕運可兼攝而並舉從之編三

萬厯元年題准官軍兌糧江北各府州縣限十二月內過淮應天蘇松等府縣限正月內過淮湖廣江西浙江限二月過淮山東河南限正月盡數開幫如有違限分別久近治罪世法錄

明會要卷五十六

六

漕運總督舒應龍言國家兩都並建淮徐臨德實南北咽喉自兌運久行臨德尚有歲積而淮徐二倉無粒米請自今山東河南全盛時盡徵本色上倉計臨德已足五十餘萬則令納於二倉亦積五十萬石而止從之食貨志

時折銀漸多萬厯三十年漕運抵京僅百三十八萬餘石而撫臣議截留漕米以濟河工倉場侍郎趙世卿爭之言大倉入不當出計二年後六軍萬姓將待新漕舉炊爨輸納愆期時勢不可問矣原其初災傷折銀本折漕糧以抵京軍月俸其後更以給邊餉世卿故力爭之自後倉儲漸匱漕政益弛矣通典

海運 明初海運因元之舊洪武元年二月癸卯命平章湯和提督海運時大軍北伐使造舟於明州運糧輸之直沽以給軍食明政統宗

二年令戶部於蘇州太倉儲糧二千萬石以備海運世法鄭遇春督金吾諸衛造海船百八十艘運餉遼東本傳

二十年封張赫為航海侯命督遼東海運歲一行軍食賴之其後朱壽海運有功封舳艫侯歲運七十一萬石春明錄

三十年海運糧七十萬石於遼東旋以遼餉贏羨令遼軍屯種其地而罷海運世法錄

明會要卷五十六

七

永樂元年上以北方軍儲不足命平江伯陳瑄與都督僉事宣信皆充總兵官帥舟師由海道運糧四十九萬石於遼東北京自是歲以為常續錄

十二年海運糧四十八萬四千八百一十石於通州又衛河僭運糧四十五萬二千七百七十六石於北京所謂海陸兼運也王圻考

十三年會通河既濬漕運大通遂罷海運三編

成化二十三年禮部侍郎邱濬奏海運之法自元至元迄國初舉行不廢永樂十三年會通河通利始罷海運臣竊謂自古漕運所從之道有三曰陸曰海曰河河漕視陸運

費省十三四海運視陸運費省十七八蓋河漕雖免陸行而人輓如故海運雖有漂溺之患而省牽卒之勞撥淺之費挨次之守其利害蓋亦相當今國家都燕蓋極北之地而財賦之入皆自東南而來會通一河譬人身之咽喉也

一日食不下咽立有死亡之禍迂儒過慮請於無事之秋尋元人海運故道別通海運一路與河漕並行江西湖廣

江東之粟照舊河運而以浙西東海一帶由海通運使人習知海道一旦漕渠少有滯塞此不來而彼來亦思患豫防之計也疏入帝不納明臣奏議

嘉靖九年桂萼欲復海運延公卿議得失工部尙書章拯言海運雖有故事而風濤百倍於河且天津海口多淤自古不聞有濬海者議遂寢

明會要卷五十六

八

三十八年十二月乙丑詔行海運轉粟入遼東初宏治開金龍口決有議復海運者朝議弗是嘉靖二十年總河王

以旂以河道艱阻言海運雖難行然中間平度州東南有南北新河一道元時建牘直達安東南北悉由內洋而行

路捷無險所當講求上以海道迂遠卻其議至是遼東巡撫侯汝諒以遼東大饑議開山東之登萊直隸之天津二

海道轉粟入遼陽因勘上天津入遼之路自海口至右屯

河通堡不及二百里其中曹泊店月沱桑沱姜女墳桃花

島皆可灣泊請動支該鎮拯濟銀五千兩造船二百艘約每舟容粟一百五十石委官督發至天津通河等處戶部議覆從之其登萊海道仍俟徐議勘行錄

三十九年三月侯汝諒復請開登萊海道詔弛海禁未幾遼商利之私載貨物往來山東守臣以海禁漸弛恐有後患疏請禁止海運從之同上

隆慶四年朝議通海運山東巡撫梁夢龍言海道南自淮安至膠州北自天津至海倉島人商賈所出入臣等遣人自淮安轉粟二千石自膠州轉麥千五百石入海達天津無不利者由淮安至天津大要兩旬可達歲五月以前風

明會要卷五十六

九

勢柔順揚帆尤便況舟由近洋島嶼聯絡遇風可依苟船非朽做按占候以行自可無虞請以河爲正運海爲備運萬一河未易通則海運可濟而河亦得悉心疏濬以圖經久章下戶部部議海運久廢請令漕司量撥十二萬石自淮入海以達天津報可梁夢龍傳

五年漕運總督王宗沐上疏曰東南之海天下眾水之委也茫渺無山趨避靡所近南水暖蛟龍窟宅故元人海運多驚以其起自太倉嘉定而北也若自淮安而東引登萊以泊天津是謂北海中多島嶼可以避風又其地高而多石蛟龍有往來而無窟宅故登州有海市以石氣與水氣

相搏映石而成石氣能達於水面以石去水近故也北海之淺是其明驗可以佐運河之窮計無便於此者因條上便宜七事明年三月遂運米十二萬石五月抵天津王宗沐傳

萬曆元年海運至卽墨颶風大作覆七舟給事中賈三近御史鮑希顏及山東巡撫傅希摯俱言不便遂罷之同上

四十六年八月議行登萊海運軍餉至遼山東巡撫李長庚言自登州望鐵山西北口至牛頭凹歷中島長行島抵北信口又歷兔兒島至深井達蓋州剝運一百二十里抵娘娘宮陸行至廣甯一百八十里至遼陽一百六十里每石費一金部議以爲便遂行之編三

明會要卷五十六

十

崇禎十六年有崇明人沈廷揚者獻海運策戶部尙書倪元璐奏聞命試行乃以廟灣船六艘聽運進月餘廷揚見元璐元璐驚曰我已奏聞上謂公去矣何在此廷揚曰已去復來矣運已至元璐又驚喜聞上上亦喜命酌議乃議歲糧艘漕與海各相半行焉倪元璐傳

豫備倉

洪武三年令州縣東西南北設豫備倉四以振凶荒卽前代常平之制選耆民運鈔糴米卽令掌之

永樂中令天下府縣多設倉儲豫備倉之在四鄉者移置城內已上通典

元年三月直隸北京山東河南饑編修楊溥上疏言洪武
 閒定制每縣四境設倉官鈔糶穀儲貯以備荒歉振貸斂
 散有定規自有司雜務日繁便民之事率不暇及一遇荒
 歲莫知所措聞南方官倉貯穀十處九空甚至倉亦無存
 伏乞命部行移各布政司令有司遵依舊制整理除近被
 災傷外凡豐稔之處於見有官鈔支糶穀粟儲以備荒郡
 縣考滿吏部計績以定殿最通紀
 二十年十月癸巳分遣中官及朝臣八十人覈天下倉糧
 出納之數本紀

明會要卷五十六

十一

宣德七年六月巡按湖廣御史朱鑑言洪武年間府州縣
 四鄉皆置倉積穀多者百萬餘石少者四五千石倉遺老
 人監之富民守之遇水旱以貸貧民今皆廢毀宜遵舊制
 俾旱澇有資從之三編
 八月南畿巡撫周忱置蘇州府濟農倉同上
 正統四年大學士楊士奇上言太祖篤意養民備荒有制
 天下郡縣悉出官鈔糶穀貯倉以時斂散歷久弊滋豪猾
 侵漁穀盡倉毀風憲官不行舉正守令漫不究心事雖若
 緩所繫甚切請擇遣京官廉幹者往督有司凡豐稔州縣
 各出庫銀平糶儲以備荒具實奏聞郡縣官以此舉廢為
 殿最風憲巡檢各務稽考有欺蔽怠廢者具奏罰之通紀

六年巡撫于謙疏言今河南山西積穀各數百萬請以每
 歲三月令府州縣報缺食下戶隨分支給俟秋成償官而
 免其老疾及貧不能償者州縣吏秩滿當遷豫備糧有未
 足不聽離任仍令風憲官以時稽察詔行之于謙傳
 八年給事中姚夔上言豫備倉本振貧民而里甲慮貧者
 不能償轉隱不報致轉貸富室倍稱還之收穫甫畢遽至
 乏絕是貧民遇凶年饑豐年亦饑也乞敕天下有司歲再
 發廩必躬勘察先給其最貧者帝立命行之姚夔傳
 成化初廣東布政使周瑄按行所部督建豫備倉六十二
 周瑄

明會要卷五十六

十一

三年大學士商輅疏各處豫備倉所儲米穀本以賑濟饑
 民每歲官司取勘里老將中等人戶開報其鰥寡孤疾無
 所依倚饑民一概不報蓋慮其無力還官負累賠納臣思
 宋時朱子社倉之法豐年取息二分中年取息一分凶年
 無息止收其本數年之後息米不可勝計此誠良法也今
 後各處豫備倉飢民關過米穀不拘豐年中年歲通取息
 一分有係鰥寡廢疾戶內別無人丁無所依倚之人俱照
 數關給不必追徵將所取之息抵補其數抵補之後或有
 餘贖自作正數入倉非惟饑民得濟而數年之後倉廩亦
 漸充實矣明臣奏議

二十三年十一月令各省覈實豫備倉明政統宗

宏治三年三月限州縣十里以下積萬五千石二十里積二萬石其上以是為差至八百里以下限積十九萬石衛千戶所萬五千石百戶所三百石考滿之日稽其多寡以為殿最不及三分者奪俸六分以上者謫官初豫備倉皆設倉官至是革之令州縣官及管糧倉官領其事食貨志三編御批輯覽曰豫備倉之設固欲廣為儲蓄以濟凶荒但良法善意亦當措置有方期於通行無阻若必十里而積粟萬石則窮鄉僻壤何所取資勢必購糴繹騷欲興利而反以滋弊況令州縣軍官皆以及數者為旌擢則有

明會要卷五十六

三

司惟志在取盈必至橫徵苛派累及閭閻向何實惠之足言乎

潘璜議查得戶部奏行天下府州縣官各照里社積穀備荒立格勸懲不為不密但如每一小縣十里之地三年之閒不問貧富豐凶概令積穀萬五千石限數既多責效太速以致中才剝削取盈貪夫因緣為利往往歲未及饑民已坐斃及遇凶荒公私俱竭為困愈甚臣聞縣鄙者財之本也倉廩者財之末也與其聚民脂膏以實倉儲孰與盡力溝洫以興水利春明夢餘錄嘉靖初諭德顧鼎臣言成宏時每年以存留餘米入豫備

倉緩急有備今秋糧僅足兌運豫備無粒米一遇災傷輒奏留他糧及勸富民借穀以應故事乞急復豫備倉糧以裕民帝乃令有司設法多積米穀仍做古常平法春振貧民秋成還官不取其息府積萬石州四五千石縣二三千石為率既又定十里以下萬五千石累而上之八百里以下至十九萬石其後積粟盡平糶以濟民儲積漸減隆慶時劇郡無過六千石小邑止千石久之數益減科罰亦益輕萬麻中上州郡至三千石止而小邑或僅百石有司治為具文屢下詔申飭率以虛數欺罔而已食貨志

三十六年三月山東御史毛鵬請修復豫備倉從之明政統宗

明會要卷五十六

四

社倉

宏治中江西巡撫林俊請建常平及社倉食貨志嘉靖八年三月從兵部侍郎王廷相言令各府按設社倉令民二三十家為一社擇家殷實而有行義者一人為社首處事公平者一人為社正能書算者一人為社副每朔望會集別戶上中下出米四斗至一斗有差斗加耗五合上戶主其事年饑上戶不足者量貸稔歲還倉中下戶酌量振給不還倉有司造冊送撫按歲一察覈倉虛罰社首出一歲之米其法甚善然其後無力行者明政統宗二十年十二月御史沈越請申飭社倉法令有司亟行整

理撫按以此為考成吏部據此行黜陟以備荒政從之上同
 隆慶時山西巡撫靳學顏上言臣近者疏請積穀業蒙允
 行第恐有司從事不力無以塞明詔敢申言之其一曰官
 倉發官銀以糴也其一曰社倉收民穀以充也官倉非甚
 豐歲不能舉社倉雖中歲皆可行唐義倉之開每歲自王
 公以下皆有入宋則準民間正稅之數取二十之一以為
 社誠傲而推之就土俗合人情占歲候以通其變計每歲
 二倉之入以驗其功著為令而歲歲脩之時其豐歉而斂
 散之在官倉者民有大饑則以振在民倉者雖官有大役
 亦不聽貸借此藏富於民即藏富於國也疏入下所司議
 卒不能盡行夢餘錄

明會要卷五十六

五

軍儲倉

明初京衛有軍儲倉洪武三年增置至二十所且建臨濠
 臨清二倉以供轉運各行省有倉官吏俸取給焉邊境有
 倉收屯田所入以給軍食貨志
 二十八年置皇城四門倉儲糧給守禦軍增京師諸衛倉
 凡四十一又設北平密雲諸縣倉儲糧以資北征同上
 永樂中置天津及通州左衛倉且設北京三十七衛倉迨
 會通河成始設倉於徐州淮安德州臨清並天津凡五倉
 以資轉運既又移德州倉於臨清之永清壩設武清衛倉

於河西務設通州衛倉於張家灣會典
 宣德中增造臨清倉容三百萬石增置北京及通州倉
 英宗初命廷臣集議天下司府州縣有倉者以衛所倉屬
 之無倉者以衛所倉改隸

正統中增置京衛倉凡七自兌運法行諸倉支運者少而
 京通倉益不能容乃毀臨清德州河西務倉三分之一改
 為京通倉已上食貨志

正統三年設倉場公署糧儲抵通分貯京通二處在京者
 曰舊大倉百萬倉南新倉北新倉海運倉祿米倉新大倉
 廣備庫倉在通者曰大運西倉大運南倉中倉東倉春明夢餘錄

明會要卷五十六

末

景泰初移武清衛諸倉於通州

成化初廢臨德豫備倉在城外者而以城內空廢儲豫備
 米名臨清者曰常盈德州者曰常豐已上食貨志

天順以來通州各倉設總督太監監督內官宏治中言者
 極言內官剝削之害請量裁罷之不聽至正德中穴食冒
 支益甚監督內官賄賂公行世宗詔罷革

隆慶初御史蔣機言漕儲通倉者三百二十餘萬石而京
 倉僅二百餘萬石根本之地出多入少非所以備緩急請
 無拘三七四六之例凡兌運者悉入京倉改兌者入通倉

詔可

御史楊家相言通倉多放一月則京倉省一月之積京倉多折銀一月則京糧餘一月之儲非必減通倉而後可實京倉也戶部請除改兌盡入通倉以省腳價其兌運入京倉者仍於中撥六十萬石足通倉如額詔如議行已上錄

庫藏

承運庫貯絨匹金銀寶玉齒角

廣積庫貯硝石

甲字庫貯顏料布匹

乙字庫貯軍士裘帽

明會要卷五十六

七

丙字庫貯絲織花

丁字庫貯皮蘇木

戊字庫貯胡椒

贓罰庫貯官物

廣惠庫貯錢

廣盈庫貯綾錦細羅

已上乙字庫屬兵部戊字廣積廣盈庫屬工部餘六庫

皆屬戶部

天財庫亦名司鑰庫貯各衙門管鑰亦貯錢鈔

供用庫貯上供物

已上十二庫通謂之內庫

丙東裕庫

寶藏庫

已上謂之裏庫其會歸門寶善門迤東及南城磁器諸

庫則謂之外庫

行用庫洪武十三年置於京師及諸府州縣以收易昏爛之鈔仁宗時罷

戶部太倉庫亦謂之銀庫正統七年設

節慎庫嘉靖八年三月修工部舊庫以貯礦銀

其在外諸布政司都司直省府州縣衛所皆有庫以貯金

銀錢鈔絲帛贓罰諸物

明會要卷五十六

末

永樂十九年十一月遣使覈天下庫藏出納之數編三

正統元年八月始徵金花銀入內承運庫編三初歲賦不徵

金銀惟坑冶稅有金銀入內承運庫其歲賦偶折金銀者

俱送南京供武臣祿而各邊有緩急亦取足其中至是改

折漕糧歲以百萬為額盡解內承運庫不復送南京自給

武臣祿十餘萬兩外皆為御用所謂金花銀也

七年九月始置太倉庫各直省派贖麥米十庫中綿絲絹

布及馬草鹽課關稅凡折銀者俱入太倉籍沒家財變賣

田產追收店錢援例上納者俱入焉專以貯銀故又謂之

銀庫已上食貨志

成化十七年十一月戊子取太倉銀三分之一入內庫自
正統設太倉庫後積至數百萬兩續收者又分老庫中庫
之目至是以內府供應繁多仍取中庫三分之一以供內
庫之用錄

宏治時內府供應繁多每收太倉銀入內庫又置南京銀
庫食貨志

給事中曾昂請以諸布政司公帑積貯征徭羨銀盡輸太
倉尙書周經力爭之以爲用不足者以織造賞賚齏土
木之故必欲盡括天下之財非藏富於民也至劉瑾用事
遂令各省庫藏盡輸京師食貨志按周經傳曾昂作
魯昂證之明史稿亦兩歧

明會要卷五十六

充

正德五年十二月詔發太倉庫銀三十萬兩入寶藏庫應
用戶部尙書楊一清言太倉銀專備三邊軍餉宏治閒各
邊皆有積餉自劉瑾括天下之財斂之京師半入公帑半
歸私橐故太倉雖稍有蓄積而四方庫藏爲之一空卽今
大同邊警各省災傷乞省無益之費爲天下惜財詔以十
萬兩送庫錄

時內承運庫中官數言內府財用不充請支太倉銀戶部
執奏不能沮

嘉靖二十二年特令金花子粒銀應解內庫者並送太倉
備邊用然其後復入內庫

三十七年令歲進內庫銀百萬兩外加豫備欽取銀後又
取沒官銀四十萬兩入內庫

隆慶中數取太倉銀入內庫承運庫中官至以空劄下戶
部取之廷臣疏諫皆不聽已上食貨志

萬曆二十七年閏四月以諸皇子婚詔取太倉銀二千四
百萬兩戶部告匱命嚴覈天下積儲紀本

天啟三年括天下庫藏盡輸京師葉向高言郡邑庫藏已
竭藩庫稍餘尙盡括之有如山東白蓮教之亂將何以應
帝不納葉向高傳

明會要卷五十六

丰

明會要卷五十六終

明會要卷五十七

永新龍文彬

食貨五

商稅

太祖初收官店錢卽吳王位減收官店錢改在京官店爲宣課司府縣官店爲通課司凡商稅三十而取一過者以違令論

洪武初彰德稅課司稅及蔬果飲食畜牧諸物帝聞而黜之

九年山西平遙主簿成樂秩滿來朝上其考曰能恢辦商

明會要卷五十七

稅帝曰稅有定額若以恢辦爲能是剝削下民失吏職也州考非是命吏部移文以訊

十三年諭戶部曰曩者奸臣聚斂稅及織悉朕甚恥焉自今軍民嫁娶喪祭之物舟車絲布之類皆勿稅罷天下抽分竹木場

先是戶部奏天下稅課司局徵商不如額者百七十八處遂遣中官國子生及部委官各一人覈實立爲定額至是吏部言稅課司局歲收額米不及五百石者三百六十四處宜罷之報可已上食貨志

二十年戶部言天下稅課視舊有虧宜以洪武十八年所

收爲定額帝曰商稅多寡歲有不同限以定額豈不病民不從編三

永樂十年令各處巡按御史及按察司官體察課程凡有加倍增收及將瑣碎之物勒稅者治以重罪王圻考

洪熙元年增市肆門攤課鈔

宣德四年以鈔法不通由商居貨不稅由是於京省商賈湊集地市鎮店肆門攤稅課增舊凡五倍已上食貨志

英宗初減稅鈔悉如洪武舊額編三

景泰元年大理卿薛瑄言抽分薪炭等匿不報者準船商匿番貨罪盡沒之過重請得比匿稅律帝從之

明會要卷五十七

正德元年令蘆溝橋張家灣二司今後客貨就於彼處發賣者照例徵稅經過者止令在京宣課司報稅毋得似前重複已上王圻考

孝宗初御史陳瑤言崇文門監稅官以培克爲能非國體乃命客貨外車輛毋得按阻又從給事中王儆言取回蕪湖荊州杭州抽分御史以府州佐貳官監收其稅十三年復遣御史食貨志

倪岳疏祖宗舊制設有鈔關俱委各府通判等官管理行之百年雖不能無弊然課鈔亦未見虧蓋通判等官職卑責重上受巡撫巡按分巡分守等官節制少有不才隨加

罷黜近年以來改委戶部官員出理課鈔往往以增課為能事常法之外巧立名色有本課該銀十兩勸借科罰至二十兩者蓋此等官員出部各處巡撫官視為賓客巡按官待以頡頏是以肆無忌憚莫敢誰何以致客商懼徵求賣船棄業此豈祖宗設關通商之初意敕該部遵復舊制仍敕鎮巡等官時常糾察各府委官如法奉行庶公私兩便春明夢餘錄

世宗初抽分中官及江西福建廣東稅課司局多所裁革又革真定諸府抽印木植中官京城九門之稅食貨志

嘉靖元年八月令廣東江西商貨納稅自北而南者於南

明會要卷五十七

三

安自南而北者於南雄不許違例重徵明政統宗

隆慶元年十月刑部孫枝言都城九門稅課定有則例近年倍徵橫索弊孔滋多請自今分屬五城御史各委兵馬司一員監收歲中會同部官覆奏其原設監生吏典悉行裁革上從之

二年五月工部言荆杭二廠蘆溝橋等局漏稅甚多有欺隱抵換包納侵克等弊自今廠稅責成主事督同該府佐貳官親自驗收互相稽察局稅責巡視御史及各主事查盤估計如法上是之

工部吳時來請停差中官之榷木真定者以其事屬之府

佐從之已上王圻考

萬曆十一年革天下私設無名稅課然自隆慶以來凡橋梁道路關津私擅抽稅罔利病民雖累詔察革不能去也食貨志

後增設各省稅使都邑關津中使某布水陸行數十里即樹旗建廠所至納奸民為爪牙肆行攘奪又立土商名目窮鄉僻壤米鹽雞豚皆令輸稅由是民不聊生變亂蠶起編三

三十三年詔罷天下開礦以稅務歸有司然中使不撤吏民尤苦之

明會要卷五十七

四

四十三年六月免許墅蕪湖關稅三分之一先是李太后遺詔免近京畸零雜稅因允臺臣所請罷蘆溝稅應天巡撫王應麟言兩京並重而陪京尤為根本乞罷兩關額稅故有是命

四十四年陝西巡按龍遇奇言秦民包稅其苦有三一曰包賠無著之苦天下稅課例屬商賈若秦則三面臨邊商賈罕至向來稅額皆派之丁畝及津梁陶穴築備之輩今凶荒死徙村里為墟即向來瑣科無從矣一曰稅額獨多之苦秦邊地也瘠土也遠在江南腹裏者勿問即與秦連界者東則山西西則四川稅皆萬計即大藩如河南亦六

萬餘秦肥瘠視三省迥殊而稅額多至十萬即蒙恩減而
已減之額尚浮於三省未減之額矣一日牽誤邊餉之苦
民止此財官司既督以賠稅自不能並力以輸邊計秦民
十八年已輸過一百五十萬而坐通邊餉則已二百四萬
足此誤彼明驗不爽此包稅所以不可不罷也疏入不報
光宗立始盡蠲天下額外稅撤回稅監其派入地畝行戶
人丁間架者概免之已上三編

天啟五年戶部尚書李起元請復榷水陸衝要依萬曆二
十七八年例量徵什一允行之

明會要卷五十七

五

崇禎初關稅銀每兩增一錢通許八關增五萬兩未幾復
增二錢惟臨清僅半而崇文門河西務俱如舊戶部尚書
畢自嚴議增南京宣課司稅額一萬為三萬南京戶部尚
書鄭三俊以宣課所收落地稅無幾請稅蕪湖以當增數
自嚴遂議稅蕪湖三萬兩而宣課仍增一萬三俊悔疏爭
不能已十三年以度支日絀增關稅二十萬兩而商民益
困矣

凡諸課程始收鈔間折收米已而收錢鈔半後乃折收銀
而折色本色遞年輪收本色歸內庫折色歸太倉已上食

船料

洪武定制有商稅而無船稅宣德四年戶部尚書郭資請

沿兩京水道設關收鈔於是置灤縣濟甯徐州淮安揚州
上新河許墅九江金沙洲臨清北新諸鈔關量舟大小修
廣而差其額謂之船料不稅其貨惟臨清北新則兼收貨
稅各差御史及戶部主事監收編三自南京至通州經淮安
濟甯徐州臨清每船百料納鈔百貫及鈔法通船料百貫
者減至六十貫

正統四年罷濟甯徐州及上新河船料鈔移灤縣鈔關於
河西務船料當輸六十貫者減為二十貫景泰元年于謙
柄國令減至十五貫已上食

明會要卷五十七

六

令各處船料俱錢鈔中半兼收
二年差主事二員於九江金沙洲監收船料鈔定為則例
嘉靖六年革上新河鈔關已上會典
始時鈔關估船料定稅既而以估料難覈乃度梁頭廣狹
為準自五尺至三丈六尺有差嘉靖中帝令以成尺為限
勿科畸零食貨

塌房

初京師軍民居室皆官所給比舍無隙地商賈至或止於
舟或貯城外駟僮上下其價商人病之太祖乃命於三山
諸門外瀕水為屋名塌房以貯商貨食貨

洪武二十四年令三山門外塌房停積商貨分定各坊廂長看守貨物其小民鬻販者不入塌房投稅

永樂七年令京城官店塌房照南京三山門外塌房例稅銀一分已上王

宣德四年塌房庫房店舍居商貨者悉令納鈔食貨志

侍郎曹宏言塌房月鈔五百貫良苦有鬻子女輸課者帝令覈除之同上

正統九年置官房於彰義門收商稅課鈔

景泰二年令大興宛平二縣於和遠店等塌房每塌房僉殷實大戶二名或四名看管巡視塌房御史務禁官店小

明會要卷五十七

七

脚不得有攬納課程邀截客貨等弊已上王

魚課

大誥詔所在湖池河泊地里辦集課程一定不易之所近年小人生事凡不係辦課所在將小溝渠灌溉池塘養魚池澤皆照地起科按求無厭將取魚罾網罩籠之類一概按挐虐民如此今後敢有仍前奪取民採蝦魚器具者許民人拏赴有司議罪 又令所在湖池民舟經涉河泊之官敢有妄取水面錢者罪不赦 又令各處魚課有湖池堙塞坍塌無從採捕累民包納者所在官司踏勘分豁 洪武十八年令各處魚課皆收金銀錢鈔

三十年令自懷慶以下至沙河口黃河兩岸聽百姓取魚不收課程

宣德七年令湖廣廣西浙江魚課辦納銀者每一兩折鈔一百貫

正統十年奏准雲南大理府所屬河泊所魚課米中半納鈔

景泰六年令湖廣等布政司各委官取勘漁戶凡新造船有力之家量船大小定課米編入冊內以補死絕業戶課額

天順元年令各處河泊所業戶逃亡事故者有司查勘以

明會要卷五十七

八

新增船隻罾網照名補替

正德十五年奏准寶應縣原額魚戶專辦課鈔麻翎鱧料其別項雜差照舊除免已上王

雜課

令甲所載凡客商匿稅及賣酒醋之家不納課程者笞五十物貨酒醋一半入官其造酒醋自用者不在此限 大明令凡買賣田宅赴務投稅除正課外每契本一紙納工本銅錢四十文不許多取已上王 太祖初徵酒醋之稅洪武十三年詔自今軍民嫁娶喪祭之物舟車絲布之類皆勿稅明年令以野獸皮輪魚課製

表以給邊卒食貨志

十八年今魚茶酒醋礬鉛粉黑錫粉錫石膏窯課諸色課俱折收金銀錢鈔會典

永樂元年奏准凡嫁娶喪祭時節禮物白織布帛農器食品及買既稅之物車船運已貨物魚蔬雜果非市販者俱免稅正折

宣德四年令兩京蔬果園不論官私種而嚮者驟驢車受雇裝載者悉令納鈔及鈔法通減北京蔬地課鈔之半食貨志

十年令稅課司添收麻油等物料

明會要卷五十七

九

嘉靖十年令宣課司今後小民發賣瓜果蔬菜毋得取稅

二十四年題准煤炸免抽分已上王
寶坻銀魚廠永樂時設穆宗時止令估直備廟祀上供及萬麻中始以中官坐採又徵其稅後并稅武清等縣非產魚之處增葦網諸稅食貨志

土貢

洪武元年四月漸州進竹篔簹卻之命四方毋妄獻本紀

二十四年九月詔建甯歲貢上供茶聽茶戶採進有司勿與敕天下產茶之處歲貢皆有定額而建甯茶品爲上其所進者必碾而揉之壓以銀板爲大小龍團上以重勞民

罷造龍團惟採茶芽以進其品有四曰探春先春次春紫

笋王折

明初上供簡省郡縣貢香米人參葡萄酒太祖以爲勞民卻之仁宗初光祿卿井泉奏歲例遣正官往南京採玉面狸帝叱之食貨志

宏治十八年三月吏部尙書馬文升疏其略云南京進鮮若青梅小竹笋蒿苔菜宣州梨蓋因高皇帝踐阼之初所用故猶進奉供薦今京師果品蔬菜雪梨青杏比南京所產者尤佳隨時供薦亦可將敬伏望將前項薦新如青梅蓮藕宣州梨苔菜之類於中量免其楊梅枇杷鱸魚北方

明會要卷五十七

十

不產者照舊進奉供薦

凡貢獻金銀器皿珍珠段疋等先日具奏次日進內府付內使收受凡貢獻蘇木胡椒香蠟藥材等所在布政司卽會同都司按察司官檢視物貨呈報數目差人解京

嘉靖四年甯波知府楊最言本郡僻處海隅地不產桑所貢綺繒乞改貢價料從之

四十五年張紳疏停額外貢獻其略云查得會典內府織造所用紅花於所產之處稅糧內折收如山東河南二處俱有定數而甯夏鎮總衙門所貢紅花非其所產不係令甲之內特一時獻諛之臣以誤先朝前大學士楊一清嘗

請停免未得俞旨遂為厲階昔皇祖卻竹箠之進仁宗動色於黃驥賈胡之奏英宗拒海浦馬駝之進祖宗典則具在皆當遵承伏願陛下亟為停免凡不係有司額貢者不許貢獻以擾軍民

已上王圻考

坑冶

金銀課 初徐達下山東近臣請開銀場太祖謂銀場之弊利於官者少損於民者多不可開其後有請開陝州銀礦者帝曰土地所產有時而窮歲課成額徵銀無已言利之臣皆戕民之賊也臨淄丞乞發山海之藏以通寶路帝黜之

食貨志

明會彙卷五十七

土

永樂中藺芳為吉安知府吉水民詣闕言縣有銀礦遣使覆視父老遮芳訴曰聞宋季嘗有言此者卒以妄得罪今皆樹藝地安所得銀礦芳詰告者知其誣奏上帝曰朕固知妄也得寢

宋禮傳

十三年差御史及郎中等官至湖廣貴州於辰州銅仁等處金銀場採辦金銀課

十九年差御史監生人等開辦福建浙江銀課

英宗即位令罷浙江福建等處銀課

正統十年令開雲南福建浙江銀礦

已上王圻考

浙福之交故多銀場英宗初詔封坑冶福建參政宋彰浙

江參政俞士悅以盜礦日熾言開銀場則利歸於上而盜無所容下三司議浙江按察使軒輓奏曰復開銀場雖一時利然凡百器用皆出民間恐有司橫加科人心搖動其患尤深為今之計莫若擇官典守嚴加禁捕盜自衰息朝廷是輓言乃止及礦盜葉宗留陳鑑等肆行劫掠給事中陳傅復請開礦乃命侍郎王質往經理定歲課福建銀二萬一千餘兩浙江銀四萬一千餘兩雖比宣德時減半已十倍洪武時自是供億紛繁民因而盜益眾

三編

明會彙卷五十七

土

路深遠礦脈細微亦有堅石深泉之處實難開煎伏望仍前封閉乃罷

同

天順七年詔封閉各處坑場

成化七年令浙江福建四川雲南採辦銀課

九年奏准各處山場有新生礦脈者從各鎮巡三司等官

勘實開採

已上王圻考

十年戶部檄所司開黑山金場遼東巡撫彭誼奏永樂中太監王彥等開是山督夫六千人三閱月止得金八兩請罷之遂止

彭誼傳

時命湖廣寶慶等郡採金歲役五十五萬人死者無算僅得金三十餘兩撫臣劉敷奏請已之

三編

宏治二年令封閉四川密勒山銀場王圻考

十三年雲南巡撫李士實言雲南九銀場四場礦脈久絕乞免其課報可四川山東礦穴亦先後封閉食貨志

正德十五年令雲南銀礦新興場并新開處所一律封閉

嘉靖十九年令四川建昌衛會昌衛及陝西甘州等處大

黃山礦洞俱照舊封閉已上王圻考

三十四年十二月開四川山東銀礦實錄

三十五年五月丁亥遣左通政王槐採礦銀於玉旺峪六

月己丑戶部主事張芹進山東寶山諸礦金二百十七兩

銀二百兩有奇上以為少命從實開取嚴禁官民隱匿侵

明會要卷五十七

圭

盜者同上

四十五年令浙江雲霧山場等處嚴加封閉王圻考

隆慶初罷薊鎮開採南中諸礦山亦勒石禁止食貨志

萬曆二十四年營建兩宮府軍前衛副千戶仲春請開礦

助大工帝允之自是獻礦洞者踵至無地不開中使四出

皆給以關防併借原奏官往礦脈微細無所得勒民償之

而奸人假開採之名乘勢橫索民財有司稍忤意罪以阻

撓富家巨族則誣以盜礦良田善宅則指為下有礦脈卒

役圍捕辱及婦女其橫暴如此

二十八年鳳陽巡撫李三才再疏陳礦稅之害言陛下愛

珠玉民亦慕溫飽陛下愛子孫民亦戀妻孥奈何崇聚財

賄而使小民無朝夕之安又言近日章奏凡及礦稅悉置

不省此宗社存亡所關一旦眾畔土崩小民皆為敵國陛

下即黃金盈箱明珠填屋誰與守之不報已上三編

光宗即位以遺詔盡罷天下礦稅

崇禎九年十月丙申命開銀鐵銅鉛諸礦已上本紀

銅鐵課 明初唯江西德興鉛山有銅場其後四川梁山

山西五臺陝西甯羌略陽及雲南皆採水銀青綠太祖時

廉州巡檢言州界西戎有水銀坑冶及青綠紫泥願得兵

取其地帝不許

明會要卷五十七

齒

洪武六年置江西湖廣山東陝西山西各鐵冶凡十三所

歲輸鐵七百四十六萬餘斤河南四川亦有鐵冶

十五年廣平吏王允道請開磁州鐵冶帝曰朕聞治世無

遺賢不聞無遺利今軍器不乏若復設此必重擾民杖之

流海外

十八年罷各布政司鐵冶末年復盡開令民得自採鍊每

三十分取其一已上食貨志

正統初諭工部軍器之鐵止取足於遵化收買後復命虞

衡司官主之春明夢餘錄

成化十七年令封閉雲南路南州銅坑王圻考

宏治十七年廣東歸善縣請開鐵冶有司課外索賂因以致亂旋復討平

正德九年軍士周達請開雲南諸銀礦因及銅錫青綠詔可逐次第開採

十四年廣州置鐵廠以鹽課提舉領之禁私販如鹽例

嘉靖三十四年開建甯延平諸府鐵冶

嘉靖隆萬間因鼓鑄屢開雲南諸處銅場久之所獲漸少

崇禎時遂括古錢以供爐冶焉已上食貨志

珠池

建文四年差內官於廣東布政司起取蠶戶採珠蠶戶給

明會要卷五十七

五

與口糧王圻考

宣德三年錦衣衛指揮鍾法保請採珠東莞上曰是欲擾

民以求利也乃下之獄實錄

宏治十二年命採珠於廉州舊制廣東珠池十年一採英

宗始設中官監守天順間嘗一採之至是以中官請復有

是命遂罷監守中官明書

時中人爲皇后治袍請開廣東珠池帝命內庫擇藏珠爲

之而以責中人曰若不過欲自得珠不思困吾赤子耶明臣

奏議王世貞疏

嘉靖八年兩廣巡撫林富言五年採珠之役死者五十餘

人而得珠僅八十兩天下謂以人易珠恐今日雖以人易

珠亦不可得給事中王希文言雷廉珠池祖宗設官監守

不過防民爭奪正德間逆豎用事傳奉採取流毒海濱陛

下御極革珠池少監未久旋復驅無辜之民蹈不測之險

以求不可必得之物而責以難足之數非聖政所宜有皆

不聽食貨志

四十三年五月廣東進珠二千兩少之命戶部別選大者

隆慶六年詔雲南進寶石二萬塊廣東採珠八千兩神宗

立停罷食貨志

明會要卷五十七

未

萬曆二十六年六月兵仗局內使王朝奏開採廣東雷廉

瓊三府珠池命李敬督原奏人採辦

二十八年太監李鳳進廣東珍珠二千四百七十三兩比

王圻考

廣東珠池自萬曆三十二年罷採至四十一年以指揮倪

英言復開給事中郭尙賓極論其害不報通紀

市易

洪武元年令兵馬司并管市司二日一次校勘街市斛斗

秤尺并依時估定其物價在外府州各城兵馬一體兼理

市司王圻考

二年令凡內外軍民官司並不得指以和雇和買擾害於民如果官司缺用之物照依時直兩平收買典通又令凡斛斗秤尺司農司照依中書省原降鐵斗鐵升較定式製造頒行各司府州縣會典既又令宮禁中市物視時估率加十錢食貨志又令天下府州縣各鎮市不許有官牙私牙一切客商貨物投稅之後聽從發賣敢有稱係官牙私牙許擎獲赴京遷徙化外

又定時估仰府州縣行屬務要每月初旬取勘諸物時估逐一覆實毋致虧官損民上司收買一應物料仰本府州縣照依按月時估兩平收買隨即給價毋致虧損於民已

明會要卷五十七

七

王折考

二十六年定斛斗秤尺已有定式頒行各司府州縣收掌務要如式成造印烙降給民間行用會典

仁宗初敕自今官司所用物料於所產地計直市之科派病民者罪不宥

宣德八年令各處買辦諸色物料聽差殷實大戶齋價於出產地方收買供用

九年令應天府買辦物料於都稅司支鈔給主已上王折考

正統二年令買辦物料該部委官一員會同府縣委官拘集該行鋪戶估計時價關出官錢仍委御史一員會同給

與鋪戶收買送納典通

九年令歲用果品廚料照舊支領官錢不許於存留糧內折徵王折考

成化四年給事中陳越言光祿市物概以勢取負販遇之如被劫掠大學士彭時亦言光祿寺委用小入買辦假公營私民利盡為所奪請照宣德正統間例斟酌供用禁止買辦食貨志

嘉靖二十七年戶部言京師召商納貨取直富商規避應役者皆貧弱下戶請覈實編審給事中羅崇奎言諸商所以重困者物價賤則減而貴則不敢增且收納不時一遭

明會要卷五十七

六

風雨遂不可用多致賠累既收之後所司更代不常不即給直或竟沈閣幸給直矣官司折閱於上番役齟齬於下名雖平估所得不能半諸弊若除商自樂赴奚用編審帝雖納其言而仍編審如戶部議食貨志

隆慶四年戶部條議恤商事宜言物價與時低昂而錢糧因時辦納若先期估計則貴賤無憑或倉場遠近所用多寡迤度懸斷豈盡合宜此後九門鹽法委官與十三司掌印官及巡青科道估價務在隨時定其價直其內庫鹽局召買物料亦倣此典通

市舶

洪武四年諭福建行省占城海船貨物皆免征以示懷柔之意王圻考

七年正月戶部奏言海外諸國入貢許附載方物與中土貿易因設市舶司置提舉官以領之初設於太倉黃波尋罷復設於甯波泉州廣州以通日本琉球及占城暹羅西洋諸國上以日本叛服不常獨限以十年之期計通市一次尋以海禁日嚴恐瀕海居民及守備將卒私通取賂并罷市舶司實錄

永樂初西洋刺泥國回回哈只馬哈沒奇等來朝附載胡椒與民互市有司請徵其稅帝曰商稅者國家抑逐末之

明會要卷五十七

九

民豈以為利今夷人慕義遠來乃侵其利所得幾何而虧辱大體多矣不聽

三年以諸番貢使益多乃置驛於福建浙江廣東三市舶司以館之尋設交趾雲南市舶提舉司接西南諸國朝貢者

嘉靖二年日本使宗設宋素卿分道入貢互爭真偽市舶中官賴恩納素卿賄右素卿宗設大掠甯波給事中夏言言倭患起於市舶遂罷之

二十八年浙江巡撫朱紘言長澳諸大使林恭等勾引夷舟作亂而巨寇關通射利因為嚮導躡我海濱宜正典刑

部覆不允而通番大猾執輒以便宜誅之御史陳九德劾紘措置乖方專殺啟豐帝逮紘聽勘紘既黜姦徒益無所憚外交內訌釀成禍患汪直徐海陳東麻葉等起而海上無甯日矣已上食貨志

四十四年九月巡撫浙江劉畿言甯波故設市舶以通貿易前以近海奸民規利啟豐爰議裁革今人情狃於近利輒欲議復不知沿海港多兵少防範為艱此費一開島夷嘯聚禍不可測市舶之議遂寢王圻考

隆慶四年宣大互市復開

萬厯時崔景榮巡撫甯夏歲市費不貲景榮議省之在任

明會要卷五十七

十

三年僅一市而已其後延鎮吉能等挾款求補市卒勿許歲省金錢十餘萬崔景榮傳

馬市

洪武二十四年哈瑪爾請開馬市於延安綏安平涼等衛上曰番人黠而多詐互市之求安知非藉以覘我利其馬而不虞其害所喪必多宜勿聽西域傳哈瑪爾舊作哈梅里

永樂四年三月甲午設遼東馬市一在開原南關以待海西一在開原城東五里一在廣甯皆以待朶顏三衛既而城東廣甯皆廢惟南關市獨存

正統三年因巡撫盧睿請設大同馬市十四年額森貢馬

互市中官王振裁其馬價額森大舉入寇遂致土木之變已上食貨志

成化十四年陳鉞撫遼東復開三衛馬市繼令入市開原廣甯等處典通

十七年十月申嚴遼東馬市禁例昭代典則

嘉靖三十年以總兵仇鸞言開馬市宜府大同兵部員外郎楊繼盛奏言十不可五謬楊繼盛傳

三十一年諸達以羸馬索厚直弗予輒大譁大同市則寇宜府宣府市則寇大同甚者朝市暮寇併羸馬掠之去帝惡之詔罷馬市編三

明會要卷五十七

三

萬厯二十三年開遼東義州木市二十六年從巡撫張思

忠奏罷之遂並罷馬市

三十九年復開馬木二市後以為常已上食貨志

明會要卷五十七終

明會要卷五十八

永新龍文彬纂

兵一

京營

五軍都督府 初太祖建統軍元帥府尋改大都督府京城內外置大小二場分教四十八衛卒十三年分前後中左右五軍都督府

三大營 一曰五軍營永樂八年北征分步騎為中軍左右掖左右哨亦謂之五軍既旋師則仍五軍營之名營兼步馬隊一曰三千營得邊外降丁三千立營分五司隊皆

明會要卷五十六

下

騎一曰神機營征交趾得火器法立營肄習營有中軍左右掖哨如五軍隊皆步各督以公侯伯二曰提督而諸分理官曰坐營曰分司已上世法錄

居常五軍肄營陣三千肄巡哨神機肆火器大駕征行則大營居中五軍分駐步內騎外騎外為神機神機外為長圍周二十里樵採其中三大營之制如此兵志

自三大營立五都督府雖仍舊制其掌府者治常行文書而已非特命不預營事編三

宣德五年以成國公朱勇言選京衛卒隸五軍訓練明年命科道錦衣官覈諸衛軍數巡視京營昉於此帝親征高

煦及巡邊破烏梁海皆以京營取勝焉史

十國營 景泰二年兵部尙書于謙以營政久弛京軍分

隸三營各為教令臨期徵發挑選湊撥兵將不相習請選

三營軍十萬分五營團操名曰五國營明年十二月謙又

請益兵五萬并前五營為十國營監以內臣兵部尙書或

都御史一人為提督其餘軍歸本營訓練以衛京師名曰

老營三編

十二國營 英宗復辟罷團營憲宗即位用會昌侯孫繼

宗言於五軍神機三千營選壯勇官軍一十二萬分立十

二營而區其名有奮耀練顯四武營敢果鼓効四勇營立

明會要卷五十六

二

伸揚振四威營各命侯伯都督等官坐營團練命繼宗同

太監劉永誠總管提督每週操時仍遣給事中御史各一

員巡察憲章錄

成化二年正月罷團營命還歸三營分一等級訓練尋

選得一等軍十四萬有奇帝以數多仍令分十二營團練

名其軍曰選鋒不任者仍回老家以供役同上

二十年立殫忠效義二營練京衛舍人餘丁未幾從御史

言糜費無益令選入團營餘罷之世法錄

憲宗在位久京營特注意然缺伍至七萬五千有奇大率

為權貴所隱占又用汪直總督團營禁旅專掌於內臣自

帝始也兵志

宏治二年馬文升為兵部尙書提督團營時營軍久苦工

役成化末余子俊嘗言之文升復力陳不可又請於每營

選馬步銳卒二千遇警徵調且遵洪永故事五日一操以

二日走陣下營以三日演武從之同上

承平既久兵政廢弛文升嚴覈諸將校黜貪懦者三十餘

人奸人大怨夜持弓矢伺其門或作謗書射入東長安門

內帝聞詔錦衣緝捕給騎士十二衛文升出入馬文升傳

十七年帝欲宿兵近地為左右輔劉大夏言保定設都司

統五衛祖宗意當亦如此請遣還操軍萬人為西衛納京

明會要卷五十六

三

東兵密雲薊州為東衛報可中官監京營者志失兵揭飛

語宮門帝以示大夏曰宮門豈外人能至此曹不利失

兵耳由是間不行大夏傳大夏復奏減修乾清宮卒內臣謂

其不恤大工大學士劉健曰愛惜軍士司馬職也帝納之

武宗即位十二營銳卒僅六萬五百餘人稍弱者二萬五

千餘人給事中葛嵩請選五軍三千營精銳歸團操而存

八百餘人於營以共役惠安伯張偉謬引舊制以爭事遂

已隱占如故

正德五年安化王寘鐸反太監張永將京軍往討中官權

益重兵志

東西兩官廳 正德七年十一月邊將江彬等請調邊軍入衛於是集九邊突騎家丁數萬人於京師名曰外四家立兩官廳選團營及勇士四衛軍於西官廳操練九年所選官軍操於東官廳自是兩官廳軍爲選鋒而十二團營且爲老家矣兵志已而詔改團營西官廳爲威武團練營以江彬許泰等提督之別擇地爲團營教場給事中汪元錫言拓地則擾居民興工則費財力以朝廷自將之軍而彬等概加提督則僭名分不從汪元錫傳

世宗立選文臣知兵者一人領京營
嘉靖十五年都御史王廷相提督團營條上三弊語頗切

明會要卷五十八

四

中已上兵志

戎政府 嘉靖二十九年九月吏部侍郎王邦瑞攝兵部因言國初京營勁旅不減七八十萬自三大營變爲十二團營又變爲兩官廳雖寢不如初然額軍尙三十八萬有奇今武備積弛見籍止十四萬而操練者不過五六萬支糧則有調遣則無比敵騎深入戰守俱因此其弊不在逃亡而在占役不在軍士而在將領蓋提督以下諸官多世胄紈袴平時占役營軍以空名支餉臨操則集市人呼舞博笑而已乞遣官精覈帝是其言於是悉罷團營兩官廳復三大營舊制更三千曰神樞設戎政府總督京營武臣

以仇鸞爲之協理文臣以邦瑞充之其下設副參等官二十六員又從部議以四武營歸五軍營中軍四勇營歸左右哨四威營歸左右掖各設坐營官一員爲正兵備城守參將二員備征討兵志

故事五軍府皆開府給印主兵籍不與營操營操官不給印戎政之有府與印自仇鸞始鸞選各邊兵六萬八千人分番入衛與京軍雜練復令京營將領分練邊兵於是邊軍盡隸京師塞上有警邊將不得徵集邊事益壞鸞死乃罷同上

隆慶四年二月大學士趙貞吉言舊制內外衛兵分隸五

明會要卷五十八

五

府永樂時因聚府兵北伐旋師之後遂結營團操乃以三千神機二營附之因號爲三大營其實皆五府之兵也夫五府之兵因調發而聚之爲營既歸即當散還各府矣所以久聚團操而不散者以當時常有戒嚴征伐之事故不暇耳然猶以五軍名營實未變五府之舊制也治至正統末年變爲十團營矣宏治間又加爲十二團營矣正德間又增置東西兩官廳矣然舊營之制尙存老家軍之籍則五營之號未泯而五府之意猶存也至嘉靖庚戌嚴嵩建議於五府之外特設戎政府括內外兵籍鑄總督戎政印而授之仇鸞於是祖制大壞臣竊謂分府設將之制未易

驟復而分營統兵之法猶可遵行蓋將才難得以一人統
十萬之眾非韓白不能以十萬眾分委之數人則稱職易
耳請將見操官軍分爲左右中前後五營各擇一將以
分統之責令訓練而以文臣巡覈之加賞罰焉收戎政府
印歸之內府有事則領敕挂印而命將於閩外事完則繳
敕納印而歸將於營中是則太阿之柄獨持於上而輦轂
之下常有數萬精兵可戰可守隨所用而無不宜矣疏入
詔下廷臣議尙書霍冀與貞吉不協不然其言廷臣亦多
言強兵在擇將不在變法冀等乃上議三大營宜如故惟
以一人爲總督權太重宜三營各設一大將而罷總督以

明會要卷五十六

六

文臣爲總理報可於是三大營各設總兵一副將二其參
佐等官互有增損各均爲十人而五軍營兵均配二營以
侯伯充總兵官尋改提督又用三文臣亦稱提督自設文
武六提督後各持意見遇事旬月不決給事中溫純言其
弊乃罷仍設總理協理二員貞吉不能爭三編文彬按憲
宗卽位立十二
團營成化二年罷三年復貞吉此疏
云宏治年間加爲十二團營誤也

員志

五年巡視京營給事中林景暘請廣召募以實行伍務足
十萬之數立選鋒以倡勇敢務足四千八百人總督京營

伯楊楷覆奏增選鋒二百人報可史

三十六年戎政尙書李化龍以京營根本奏陳十一濫十
二苦十九宜敕下部議卒無所振作化龍傳

總督京營伯趙世新請改設教場城內便演習太常少卿
胡來朝請調京軍戍邊可變弱爲強皆無濟於用兵志

崇禎二年協理戎政侍郎李邦華加兵部尙書時戎政大
壞邦華先陳更操法滇練選改戰車精火藥專器械責典

守節金錢酌兌馬練大礮九事京營故有占役虛冒之弊
邦華覈還占役萬清虛冒千三大營軍十餘萬半老弱故

事軍缺聽告補率由賄得邦華必親校非年壯力強者不
錄自是軍鮮冒濫三營選鋒萬壯丁七千餉倍他軍而疲

明會要卷五十六

七

弱不異邦華下令每把總兵五百月自簡五人年必二十
五以下力必二百五十斤以上技必兼弓矢火礮月一解
送補選鋒壯丁之缺自是人人思奮三大營領六副將又
分三十六營官以三百六十七人計所用掾史皆積猾邦
華按罪十餘人又行一歲二考察之令自是諸奸爲戢舊
制三大營外復設三備兵營營三千人餉視正軍而不習
技擊益爲豪家隱冒邦華覈去四千餘人又汰老弱千疏
請歸併三大營不另設由是戎政大釐諸失利者銜次骨
而怨謗紛起言官交章論列遂罷歸自是代者以爲戒率

因循姑息戎政不可問矣李邦華傳

南京營

永樂北遷始命中府掌府事官守備南京節制在南諸衛所

宣德末設參贊機務官景泰間增設同守備官兵志

景泰元年命王驥總督南京機務南畿軍素偷惰驥至以

所馭軍法教之王驥傳

成化末命南京兵部尙書參贊機務視五部特重兵志

嘉靖二十四年於南京置振武營簡諸營銳卒充之益以

淮揚趨捷者用防海警從尙書張鼐議也然振武營卒多

明會要卷五十八

八

無賴子督儲侍郎黃懋官稍裁抑之遂譁毆懋官至死事

聞懋官官止誅叛卒三人而三人已前死兵自此益驕

世法錄

隆慶元年七月罷振武營以其卒分隸二教場及神機營

同上

萬曆十一年正月參贊尙書潘季馴言操軍原額十有二

萬今僅二萬餘祖軍與選充參半選充例不補營伍由是

虛請如祖軍收補已而王璘代季馴言大小二場新舊官

軍二萬三千有餘請如北京各邊三千一百二十人爲一

枝每枝分中左右哨得兵七枝餘置旗鼓下備各營缺從

之兵志

侍衛上直軍

明初置拱衛司領校尉隸都督府洪武二年改親軍都尉

府而設儀鑾司隸之十五年罷府及司置錦衣衛所屬有

南北鎮撫司十四所所隸有將軍力士校尉掌直駕侍衛

巡察緝捕已又擇公侯伯都督指揮之嫡次子置勳衛散

騎舍人而府軍前衛及旗手等十二衛各有帶刀官錦衣

所隸將軍初名天武後改稱大漢將軍凡千五百人力士

先隸旗手衛後改隸錦衣衛及騰驤四衛校尉原隸儀鑾

司司改錦衣衛仍隸焉

明會要卷五十八

九

永樂中置五軍三千營增紅盔明甲二將軍及叉刀圍子

手之屬以備宿衛掌領率公侯伯駙馬等官官六員世法錄

居常當直將軍朝夕分候午門外夜則司更共百人而五

軍又刀官軍悉於皇城直宿掌侍衛官輪直日一員惟掌

錦衣衛將軍及叉刀手者每日侍尤嚴收捕之令及諸脫

更離直者兵志

宣德四年有將軍擅帶刀入直上曰昔唐長孫無忌入閣

忘解佩刀以勳戚乃免今若輩何人擅帶刀入侍其令都

察院同錦衣衛推問主者以聞必罪毋赦

正統間御史言上直將軍多有夜攜金牌外宿因而私糾

盜賊混入朝門為害不細宜令所司嚴為點閱從之

宏治元年兵部郎中陸容疏請重禁兵謂國家上直用衛

士操備有營軍即古南北軍遺制今營兵頗覺偏重而宿

衛之兵顧若贅旒宜以時蒐補練習用戒不虞先是諸衛

士下直則於京營團操月三日而錦衣衛將軍自為一營

如例訓練至是稍耗廢故容奏及之已上世法錄

嘉靖中錦衣衛匠餘陳岳輸金求遷部授本衛指揮僉事

子孫襲一世給事中楊日新言國家錦衣之職非特恩不

授無軍功不襲縣官即急財何至藉工匠餘資濫朝廷名

器乃改岳千戶而奪部司員俸

明會要卷五十六

十

萬厯間直衛官軍多占役賣閒隱匿雇替於是定例離直

不到者奪月糈有差

天啟元年二月帝御文華門有直駕校尉突出陳奏語多

恣謬下法司鞫問因敕部院申飭守衛朝儀禁仗並諭錦

衣衛嚴察旗尉名籍按驗明白方許執牌應役已上史彙

皇城守衛

凡守衛官軍分定皇城四門等處地方各領銅符收掌守

衛遇巡城官至將銅符比驗相同方許點閱王圻考

洪武初命守衛都督官日輪一員領符牌於內直宿且覈

諸衛士士率三日一更番又定門禁法凡內臣出入悉令

合符其有以兵器雜藥入門者論如律失察者罪同每駕

出則用御史一人察視

六年更造守衛金牌凡隨駕應直宿衛官及將軍俱佩之

二十七年諭兵部臣曰自古君天下者立兵衛任將帥申

明約束以嚴守衛而皇城四門尤重邇來將佐怠於鈐轄

致有離析隊伍覓代他人或操之過嚴使不得休息夫人

竟日勞苦暴露於外至不能有父母妻子而責令奉公無

過豈為上馭下之道哉今朕親著為令凡有事關不得已

者許上聞放歸事已復直其無事欺謾及當直離次或雇

賃者治之已復申皇城之禁凡朝參門始啟直日都督將

軍及帶刀指揮千百戶鎮撫散騎舍人入然後文武官以

次入諸出入內臣銅符守衛官不加比驗者悉治以法民

有事陳奏不許固遏

永樂中因尙書方賓言守衛軍不足命調羽林濟川洛陽

燕山四衛軍相參宿直已又改造衛士懸牌以銅為之

洪熙初親軍缺伍衛士多不獲代帝命選他衛軍守端直

諸門俟親軍補伍如舊

宣德二年新建伯李玉言衛士多羸弱請簡精銳以充上

可其奏命於五衛軍選補凡一千三百餘人

正統四年御史言守衛官軍當於未明時應直以待辨色

明會要卷五十六

十一

始入已上世
法錄

宏治十年兵部尙書馬文升疏言歷代兵制不使權歸一人漢制有南北軍南軍守王宮主禁衛北軍護京師聽征討各有所掌而南軍尤託以心腹我太祖法古置十六衛親軍指揮使司不隸五府爲禁兵卽古之南軍也其他衛屬五府以備征討卽古之北軍也永樂中增置十二衛又選精壯數千人屬御馬監更番上直近年禁兵廢弛請敕大臣揀選操練令更番直各門官爲鈐束出入從之編三
正德初令留守衛日輪指揮五員督內外夜巡軍而兵部郎中主事各一人同御史錦衣帥稽閱毋攝他務世法錄

明會要卷五十六

士

嘉靖六年尙書李承勛奏京師天下之根本皇宮又京師之根本故居守環列周防鍵閉其制甚重今京軍將領多膏粱債帥卒徒多竄名影射失今不治恐寢失居重馭輕之權昔周勃仗北軍之強乃能制產祿之死命李林甫壞府兵之制而范陽之變莫可救藥殷鑒不遠患須豫防乞下兵部嚴爲選擇以壯根本明臣奏議
七年增直宿官軍衣糧五年一給兵志
萬厯中門禁益弛衛軍役於中官每至空伍賃市兒行勾應點閱又刀紅盜日出始一入直直廬虛無人末年有失金牌久之始覺者同上

四十三年五月御史牟志夔請飭皇城以內四門內臣出入必稽啟閉以時毋撓巡視之權因論門禁本宜嚴密令該部及巡城科道官通飭嚴加盤詰仍著廠衛巡捕衙門及守門官員密切體訪擒拏奸宄編三

京城巡捕

洪武初置兵馬司稽察奸偽夜發巡牌旗士領之覈城門扃鑰及夜行者已改命衛所鎮撫官而掌於中軍都督府永樂中增置五城兵馬司兵志

明會要卷五十六

士

末年所司奏撥給團營軍二百人併捕賊從之
宏治五年設把總都指揮職巡捕又三年寇警敕內外城守官嚴加稽察而廉其怠玩溺職者
正德中增選邏卒至四千人特置參將以署都督桂勇爲之已上世法錄
嘉靖初巡捕官軍增至五千又十選一立尖哨五百騎厚其月餼命參將督操而監以兵部郎兵志
萬厯十二年從兵部議京都內外盜發自卯至申責兵馬司自酉至寅責巡捕官賊眾則協力捕剿及後軍額倍增而士馬實凋弊不足用盜賊縱橫至竊內中器物獲其種

索竟不能得也同上

四衛營

永樂時以迪北逃回軍卒供養馬役給糧受室號曰勇士後多以進馬者投充而聽御馬監官提調名隸羽林身不隸也兵志

宣德六年專設羽林三千戶統之凡三千一百餘人尋改武驤騰驤左右衛稱四衛軍選本衛官四員為坐營指揮督以太監別營開操稱禁兵同上

成化中令兵部覈其數無得冒濫即絕例不清句有戶丁告補者必審實始得收役著為令世法錄

明會要卷五十六

古

宏治十八年廷臣言四衛軍詭冒者眾宜遣官覈實既而兵部奏勇士萬一千七百八十八人旗軍三萬一百七十七人歲支廩粟五十萬之多請如前覈議從之世法錄時兵部侍郎熊繡受命清釐未竟而孝宗崩朝政漸變繡力持不顧得詭冒者萬四千人熊繡傳

武宗即位中官甯瑾乞留所汰人數言官持不可下兵部議尙書劉大夏言四衛軍士多四方逋逃冒充禁兵耗費國用先帝特命稽覈歲省金錢數十餘萬百年宿衛一旦廓清今德音猶昨莅事者輒敢壞沮之大不敬請如給事御史言仍治理等熒惑之罪不聽其後遂遣四衛勇士隸

西官廳聽操世法錄

四衛營改編各衛者奉詔撤回而各衛遺籍仍支糧糜倉儲八十七萬餘石御史程啟充力言之冒支弊絕程啟傳

世宗嗣位詔自宏治十八年存額之外悉從裁革越五年中官請如團營例選四衛餘丁補額兵部言自宏治十八年清稽後存者數多使皆在直供役有餘無如主者脫賣何耳當武廟時率用賄投充規免差徭糜費數百萬計皇上痛革斯弊曾幾何時而復自啟之且抽選壯丁百年來無此故事况監軍直役最簡比之團營勞逸緩急萬有不侔若比例抽選冒濫之弊將復見於今無補國家萬一而

明會要卷五十六

古

徒為太倉之蠹臣愚未見為可不聽世法錄嘉靖七年兵部尙書李承勛請以四衛屬部覈詭冒制可中官言曩彰義門破額森東市勦曹賊皆四衛功以直內故易集隸兵部不便承勛言彰義門之戰禍由王振東市作賊即曹吉祥也帝卒從承勛議歸兵部李承勛傳戶部言四衛弊竇日滋今後補役宜行兵部審覈而後支糧其考選點閱之政一同他衛從之世法錄

十六年又命收復登極詔書所裁者凡四千人後五年內臣言勇士僅存五千餘請令子姪充選以備邊警部臣言故額定五千三百三十人八年清稽已淨其數且此營本

非為備邊設者帝從部議然隱射占役冒糧諸弊率如故
萬曆四十二年給事中姚宗文點閱四衛營言官勇三千
六百四十七僅及其半馬一千四十三則無至者官旗七
千二百四十止四千六百餘馬亦如之乞下法司究治帝
不能問

天啟末巡視御史高宏圖請視三大營例分弓弩短兵火
器加以訓練至莊烈帝時提督內臣曹化淳奏改為勇衛
營以周遇吉黃得功為帥遂成勁旅出擊賊輒有功其得
力出京營上云已上兵志

幼軍

明會要卷五十八

六

洪武時府軍等衛皆有習技幼軍永樂十三年為皇太孫
特選幼軍置府軍前衛設官屬統所二十有五職官志
永樂十年四方送幼軍數萬至悉隸薛祿操習之薛祿傳
宣德八年以幼軍聽操者不足三丁至七八丁者選一餘
聽治生給軍裝正軍有故即令補伍毋再勾攝兵志
正統初給事中年富上言府軍前衛幼軍本選民間子弟
隨侍青宮今死亡殘疾僉補為擾請於二十五所內以一
所調補勿更累民年富傳

明會要卷五十八終

明會要卷五十九

永新龍文彬纂

兵二

衛所

衛所者分屯設兵控扼要害錯置京省統於都司而總隸
五軍都督府五府無兵衛所兵即其兵屯操城守運糧番
易倣唐府兵遺意明史

洪武元年正月定衛所官軍自京師達於郡縣皆立衛所
大率以五千六百人為衛千一百二十人為千戶所百十
有二人為百戶所每百戶所設總旗二名小旗十名官領

明會要卷五十九

十

鈴東通以指揮使等官領之通紀
洪武七年八月申定兵衛之制征調則統於諸將無事則
散歸各衛管軍官員不許擅自調遣操練撫綏務在得宜
違者俱論如律三編
八年改在京留守都衛為留守衛指揮使司在外都衛為
都指揮使司兵志
十三年革中書省因改大都督府為五分統諸軍司衛所
同上
十六年勅天下衛所習射農隙選善射者十之一更番赴
京較試不中者罰及指揮及百戶尋令邊衛士止於本衛

課習復詔都司上衛所城池水陸地里圖明史

二十年命兵部置軍籍勘合載從軍履歷調補衛所年月

在營丁口之數給內外衛所軍士而藏其副於內府志兵

二十六年二月遼東開元衛軍士馬名廣上書言五事其

末言唐太宗初年置府兵分隸禁衛天下八百而在關中

者五百舉天下之兵不敵關中此居重馭輕之法也請自

今外衛軍士老死者免補且漸收蕃衛移置京畿不勝社

稷之福世法錄

惠帝初詔興州營州開平諸衛軍全家在伍者免一人天

下衛所軍單丁者放爲民紀通

明皇卷五十九

二

永樂二年更定衛所屯守軍士臨邊險要者守多於屯在

內平僻或地雖險要而運輸難至者皆屯多於守志兵

十八年北京建在南諸衛多北調同上

二十二年十一月丙子遣御史巡察沿邊諸衛稽部曲申

號令紀通

宣德五年從平江伯陳瑄言以衛官職漕運東南之卒由

是困

八年減衛軍餘丁正軍外每軍留一餘悉遣歸

崇禎三年范景文以兵部侍郎守通州上言祖制邊腹內

外衛所基置以軍隸衛以屯養軍後失其制軍外募民爲

兵屯外賦民出餉使如鱗尺籍不能爲衝鋒之事井不知帶甲之人陛下百度振刷豈可令有定之軍數付之不可問有用之軍精投之不可知因條上清覈數事不果行志兵

四年朝議召募討閩海盜給事中王家彥言舊制衛所軍

餉於官無別兵亦無別將統於各衛之指揮塞設號船聯

絡呼應又添設游擊等官雖支洋窮港戈船相望臣愚以

今日策防海莫若復舊制勤訓練練則衛所軍皆勁卒不

練雖添設召募兵猶驅市人而戰之糜餉擾民無益賊終

不能盡時以爲名言王家彥傳

明皇卷五十九

三

洪武二十六年定天下都司衛所

都司十七 留守司一 內外衛三百二十九 守禦

千戶所六十五

永樂以後定天下都司衛所

都司二十一 留守司二 內外衛四百九十三 守

禦屯田羣牧千戶所三百五十九 儀衛司三十三似皆後

添設 宣慰使司二 招討使司二 宣撫司六 安

撫司十六 長官司七十 番邊都司衛所等四百七

班軍

永樂十三年詔邊將及河南山東山西陝西各都司中都

留守司江南北諸衛官簡所部卒赴北京以俟臨閱京操自此始兵志

仁宗初因英國公張輔尙書李慶言令直隸及近京軍番上操備論以畢農而來先農務遣歸已復論慶曰王道在順人情比更調官軍率遠近而就遠無益若使陝西之軍就彼備禦而調河南山西軍來京不兩便耶可卽議行宣宗初張輔言京操軍在邊方者悉放歸今京軍少請調河南山東中都淮陽諸營校閱制曰可又勅河南山東山西大甯陝西及中都將領凡軍還取衣裝者以三月畢務七月至京老弱別選代官給之馬歲春秋番上共十六萬人

明會要卷五十九

四

九年成國公朱勇言河南軍千餘人期不至當逮上曰法有三令五申者其移文趣之明年放回已并放還陝西班軍已上世法錄

正統中京操軍悉戍邊迺令御史於江北山東北直隸選精銳爲京師備

景泰初邊事棘班軍悉留京閒歲乃放還取衣裝於是于謙石亨議三分之留兩番操備保定河閒天津放五十日河南山東九十日淮揚中都百日紫荆倒馬白羊三關及保定諸城戍卒屬山東河南者亦如之明年謙又言班軍

分十營團練久不得休請仍分兩番報可已上兵志成化八年河南秋班軍二千餘人不至下御史趣之罰操如例是後海內燕安外衛卒在京祇供營繕諸役勢家私占復半之

宏治中兵部言占役之害罰治如議於是選衛兵八萬團操內外各半外衛四萬兩番迭上末年發保定卒歸大甯等衛以掖京師已上世法錄

嘉靖六年兵部尙書李承勛奏自永樂中調附近官軍番上京師後遂踵爲故事河南山東南北直隸俱京師咽喉山陝又中原形勝要地各處官軍輪班上操本地無軍可

明會要卷五十九

五

守後盜入商洛鎮巡官欲赴救無軍可遣河南山東直隸武備單弱尤甚以故盜賊縱橫莫可禁禦劉六趙燧足爲前車之戒臣知備操官軍在京止備工作之役不若省行糧之費以募工作何憂役乏章下所司議不果行明臣奏議

後班軍益耗減豐城侯李熙請改徵銀召募而以見軍四萬歸營操練嚴嵩議以各衛兵雖有折乾之弊然清駁令下猶懍懍畏罪若奉旨徵銀恐借爲口實祖宗良法深意一旦蕩然帝是之已而從平江伯陳圭奏仍令中都山東河南軍分春秋兩班別爲一營春以三月至八月還秋以九月至來歲二月還工作毋擅役兵志

隆慶初大發卒治河軍人憚久役逃亡多部議於見役軍中簡銳者著伍而以老弱供舂鋪河成即止從之世法錄

萬曆二十九年帝以班軍多老弱雇倩令嚴飭之職方主事沈朝煥給班軍餉皆備諸句因言本處有大糧到京有行糧又有鹽斤銀所費十餘萬金今皆虛冒請解大糧貯庫有警可召募有工可雇役部議請先申飭俟工竣行之三十四年內廷有小營繕中官陳永壽請仍用班軍可節省給事中宋一韓爭之謂班軍輪操即三大營軍所繫甚重今邊鄙多事萬一關吏不謹而京師團練之軍多召募游徼之軍多役占皇城宿衛多白徒四衛扈從多廝役即

明會要卷五十九

六

得三都司健卒三萬猶不能無恐況動以興作股削名存實亡緩急何賴哉兵志上
班軍舊額十六萬後減至七萬至崇禎時止二萬有奇更有建議盡徵行糧月糧免其番上者給事中王家彥巡京營力陳不可且請免其工役盡歸行伍帝哀納之王家彥傳

屯田卒

洪武元年命諸將分軍屯種於滁和廬鳳地方開立屯所京衛旗軍七分下屯三分守城世法錄
六年遣鄧愈湯和諸將屯陝西彰德汝甯北平永平食貨志
二十一年九月勅天下衛所屯田凡衛係衝要都會及王

府護衛以十之五屯田係衛所以五之四三編

二十五年詔天下衛所軍以十之七屯田馮勝傅友德帥常昇等分行山西籍民為兵屯田於大同東勝立十六衛永樂二年定屯田官軍賞罰例通典
廣西開設屯所撥官軍屯種不納稅糧會典
又更定屯守之數臨邊險要者守多於屯地僻處及運糧艱者屯多於守屯兵百名委百戶三百名委千戶五百名以上指揮提督之食貨志

九年七月壬午命屯田軍以公事妨農務者免徵子粒著為令本紀

明會要卷五十九

七

仁宗初禁所司擅役屯田軍士大政記
宣宗之世屢覈各屯以征戍罷耕及官豪勢要占匿者減餘糧之半分遼東各衛屯軍為三等丁牛兼者為上丁牛有一為中俱無者為下食貨志

宣德七年從戶部議令他衛軍戍宣府者悉遣還屯種左都督譚廣上言臣所守邊一千四百餘里敵人窺伺竊發無時脫有警徵兵數百里外勢豈能及屯種之議臣愚未見其可帝以邊卒戍守有餘但命永樂中調戍者勿遣廣傳

正統元年楊士奇言國家歲用糧儲皆自東南轉運軍民

勞苦今京軍操練外餘卒尙多宜令於北京入府屯田可
省南方轉運之費帝命戶部兵部議行之於是發京軍三
萬就近地下屯又言先因巡邊調選大甯都司及南北直
隸衛所官軍更番赴京操備今天下已靖請不必赴京俱
令下屯既省轉運之勞又養精銳之氣帝善其策俟從容
行之通紀

景泰五年孫原貞疏臣竊見近者各處屯軍率以營繕轉
輸致妨耕作宜簡其精銳實伍餘悉歸之農苟增萬人屯
卽歲省支倉糧十二萬石且積餘糧六萬石兵食豈有不
足哉明臣奏議

明會要卷五十九

八

時邊方多事令兵分爲兩番六日操守六日耕種食貨志

成化初都御史滕昭於操練馬軍內遴選弓馬生疏者三
千餘人退歸屯田歲省各軍所支糧豆六萬餘石十二年
都御史陳鉞仍以昭所選之軍勤加操練遂罷徵糧又減
除無名屯軍六萬餘石世法錄

萬厯時給事中郝敬上疏曰臣閱李大用等奏畿輔附近
濟陽等衛屯牧額兵共四十八萬願以萬人隨行征倭眾
軍自貼糧餉臣訪其故自永樂時靖難功成贖精兵四十
八萬內一十二萬選入十二團營餘三十六萬給賜屯田
牧地分置七十八衛於順天所屬州縣俱屬三千營統轄

聽調征勦今生齒繁衍與民混雜有司派以馬戶撐船運
米等役眾軍脫卸無計茲倭奴告警各餘丁議自備糧隨
行征勦求免前差蓋彼以三十六萬眾止出萬人是三十
六人中抽一人耳以三十六萬眾共餉萬人是三十六家
共贍一軍耳又得免差圖此便利今東征師可勿復用此
惟是遼左空虛宜因羣情爲轉移之計卽於各衛原籍中
十名抽一據三十六萬原數除六萬作耗外可得壯丁三
萬人擇幹廉官數員統領赴遼東開種屯田於存留三十
六萬中各十名幫貼屯田一名牛種廬舍之費令概免前
差開墾田成卽給本兵爲永業因願赴之人心蠲不急之
徭役一呼而得勝兵三萬坐收兵食兩利之效備門庭之
警扶肘腋之危何憚而久不爲此通典

明會要卷五十九

九

民壯

太祖初立民兵萬戶府簡民間武勇之人編成隊伍以時
操練有事用以征戰無事復還爲民會典

周德興理福建軍務至閩按籍僉練得民兵十萬餘人周傳

正統二年募所在軍餘民壯願自效者陝西得四千二百
人人給布二匹月糧四斗兵志
七年五月河南州縣始設機兵捕盜大政記

十四年九月令各處召募民壯就令本地官司率領操練

遇警調用紀通

景泰初遣使分募直隸山東山西河南民壯而紫荆倒馬

二關亦用民兵防守志兵

二年于謙劾指揮郭亨吳能賣放民壯盜支月糧并石亨

通同作弊首領官金以惠及掾吏人等合提送法司明正

其罪明議

時京師戒嚴募四方民壯分營訓練歲久多逃或赴操不

如期廷議編之尺籍御史練綱言召募之初激以忠義許

事定罷遣今展轉輪操已孤所望況其逃亡實迫寒餒豈

明會要卷五十九

十

可遽著軍籍邊方多故倘更召募誰復應之詔即除前令

左鼎傳

天順元年召募民壯鞍馬器械悉從官給本戶有糧予免

五石仍免戶下二丁以資供給會典

成化二年以邊警復紫荆倒馬二關民兵志兵瑪拉噶舊作毛里

孩屢入塞延綏巡撫盧祥言邊民驍果可練為兵於是敕

御史往延安慶陽選壯者編什伍號為土兵原僉民壯者

亦改此名得五千餘人錄世法

九年刑部主事張鼎言今官軍對敵罔有克捷蓋由腹裏

官軍怯弱惟土兵驍勇而邊將多侵奪其功故多畏避宜

立法召募特加優恤有功不得隱蔽則土兵效募而向導

可得矣王圻考

宏治二年令州縣選民壯七年給事中孫儒奏州縣七八

百里以上里僉五人五百里四人三百里三人百里以下

二人有司訓練遇警調發給以行糧而禁役占放買之弊

富民不願則上直於官官自為募或稱機兵在巡檢司者

稱弓兵明政統宗世法錄

六年兵部奏有司不操練民壯私役雜差者如役占軍人

罪報可會典

十一年十二月詔各處民壯十年編審同上

十三年吏部尚書倪岳奏言山西陝西非無民壯但句補

或破其家役使致妨其業編之尺籍遂同世軍今復僉點

恐合家咨怨曷若於已役者勞而勞之未役者賞以來之

守禦止留於本境征調不至於遠行民何所畏而不從乎

昭代典則

十四年九月遣大理寺丞劉憲太僕少卿王質分往陝西

四鎮召募民兵大政記

正德初年邊事告急議以參政韓福為大理少卿操練畿

輔民兵徐問疏

十一年王守仁巡撫南贛汀漳開府贛州選民兵行十家

牌法明政統宗

嘉靖二十年都御史翟鵬言直隸山東河南民壯多缺乞補如額而別簡壯丁為義勇於農隙操練其在山西者專戍三關上曰虜入山西由雁門諸關失守三關別無兵馬僅賴民壯非可捍禦況今所在災傷不宜騷動其姑已之
二十二年兵部因延議復請增州縣民壯額大者千名次六七百小者五百報可

二十三年尚書戴金言州縣民壯有額設有新增又有義募有馬快手而往往不獲實用則以經理未善故也宜屬之兵憲官督所司簡練民兵練則無藉客兵而軍衛亦漸

免清句已上世法錄

明會要卷五十九

主

二十九年京師新被寇議募民兵以二萬為率歲四月終赴近京防禦兵志

三十四年兵部尚書楊博言自庚戌虜患之後倉卒召募類多烏合今欲盡汰之則細民遽失月糧於情不堪且巡捕京城分布不足與其取之於營兵不若議處民兵之為便也請勅所司汰老弱存精銳在外者發各道為民兵在京者隸之巡捕參將逃者不補帝以影占數多耗糧無用遣官覈宜罷宜還者以聞明政統宗
四十二年譚綸奏各縣額設民壯責之駐紮守巡兵備等

官通行查出汰其老弱與市井棍徒補以精悍丁壯給以堅甲利兵編成隊伍分為班次分屬知縣巡捕官以把總為之統督知府為之監察駐紮該道以時閱視別其勤怠而賞罰之明臣奏議

四十五年楊博奏今之郡縣即古之諸侯昔人謂與之土地人民而不與兵是以匹夫而守一州誠為至論尚書馬文升選設民壯量里社多寡為編次深合古人寓兵於農之制邇年寢失原意或以之調防邊塞或以之抽補軍役徒有民壯之名未見兵勇之實應即行各省巡撫著府州縣官查本處原額守城民壯若干或逃亡未補或守邊抽

明會要卷五十九

主

軍即將本處快手機兵等項改補期復原額之數編列隊伍更立民壯校場春夏秋三季日操六次至冬操三歇三駐紮該道不時教閱撫按官巡閱同衛所軍士一體操練疏入帝從之上同

隆慶中張居正陳以勤復請籍畿甸民壯謂直隸八府人多健悍總按戶籍除單丁老弱者父子三人籍一子兄弟三人籍一弟州與大縣可得千六百人小縣可得千人中分之為正兵奇兵登名尺籍隸撫臣操練歲無過三月月無過三次練畢即命歸農復其身歲操外不得別遣命所司議行兵志

四年浙江撫按官以浙中舊額設民壯一萬六千三百九十名每名日給工食銀二分率市井營差無裨實用請量留四千二百一十一名備各府州縣守城之役而以一萬二千六十九名工食銀儲之各府令別選壯丁以充原額從之

王圻考

萬曆初治河之役給事中張貞觀請益募土兵捍淮揚徐邳畿南盜起給事中耿隨龍請復民壯舊制專捕賊盜播州之亂工部侍郎趙可懷請練土著兵部因言各省官軍民壯皆宜罷老釋易以健卒軍操屬印官操官民操屬正官捕官郡守監司不得牽制立營分伍以憑調發先後議

明會要卷五十九

西

行志

天啟二年徐鴻儒反山東巡撫趙彥任都司楊國棟廖棟

檄所部練民兵

馬世龍傳

崇禎時兵部尚書楊嗣昌議令責州縣訓練土著為兵兵部侍郎張愼言言其不便者數事而御史米壽圖又言其害有七謂不若簡練民兵增民壯快手備禦地方為便後嗣昌死練兵亦不行

兵志

鄉兵

洪武初李文忠征閩章溢子存道以所部鄉兵萬五人從閩平詔存道以所部從海道北征溢持不可曰鄉兵皆農

民許以事平歸農今復調之是不信也

章溢傳

嘉靖時東南倭患熾朝議練鄉兵禦賊台州知府譚綸練千人立束伍法未久即成精銳

譚綸傳

浙兵義烏為最處次之台甯又次之善狼笏閒以又槩

兵志

總兵戚繼光以金華義烏俗稱標悍請召募三千教以擊刺法長短兵迭用由是一軍特精後鎮劄門請募浙人為一軍用倡勇敢

繼光傳

閩漳泉兵習鏢牌水戰為最泉州永春人善技擊正統間郭榮六者破沙尤賊有功

兵志

明會要卷五十九

五

漸減客兵一說持之甚堅總督譚綸亦以為可行今第當

散遣其懷土願歸者而更募紹甯金台兵補足九千之數

王圻考

東粵俗喜擊刺習長牌砍刀而新會東莞之產強半河南

嵩溪諸縣曰毛葫蘆兵長於走山習短兵而嵩及盧氏永甯靈寶多礮兵又曰角腦曰打手山東有長竿手習長竿

徐州有箭手善騎射

世法錄

延綏固原多邊外土著善騎射英宗命簡練以備秋防韓

雍征大藤峽用之以摧獠獍之用牌刀者

兵志

成化初瑪拉噶寇陝河東鹽徒千百羣自備火礮戰車精

駑雜官軍隊中逐寇柵載皮角私鹽以歸嘉靖中松江曹
涇鹽徒逐倭至島上焚其舟後倭見人家有饑囊者輒相
戒勿犯世法錄

土司兵

湖南九溪苗兵即永順保靖兵也世法錄景泰七年命調保
靖兵協勦銅鼓五開黎平諸蠻先頒賞犒之天順三年諭
永順宣慰調土兵會勦貴州東苗成化三年兵部尚書程
信請調永順兵征都掌蠻已上土六年總督項忠奏調永
順保靖兵討荆襄賊項忠傳嘉靖三十三年總督張經調永
順保靖兵勦倭明年保靖兵敗賊於石塘灣永順兵邀擊

明會要卷五十九

六

賊奔王江涇大潰保靖兵最永順次之土司傳

湖廣土兵永順爲上保靖次之其陣法每司立二十四旗
頭每旗十六人其調法初檄所屬照丁揀選宣慰籲天祭
以白牛牛首置几上銀副之下令曰多士有敢死衝鋒者
收此銀啖此牛首勇者報名彙而收之更盟誓而食之即
名旗頭標下十六人是也其節制甚嚴止許擊刺不許割
首違者與退縮者皆斬故所戰必捷人莫敢擾王折考

四川石砮土兵萬麻時從征播州援遼東天啟時討奢崇
明崇禎時勦流賊酉陽土兵景泰四年從征五開銅鼓苗
宏治十二年協勦貴州賊婦米魯萬麻四十六年援遼見

土司傳

廣西諸狼兵正統二年總兵官山雲上言左右兩江土官
所屬狼兵素勇爲賊所畏若量撥田州土兵於近山屯種
分界耕守斷賊出入不過數年賊必坐困報可嗣後東南
有急輒調用狼兵自此始也山雲傳嘉靖三十三年七月總
督張經調兩廣狼土兵禦倭明年田州瓦氏兵先至東蘭
諸兵繼至經以瓦氏兵隸總兵官俞大猷屯金山衛以東
蘭那地南丹兵隸遊擊鄭繼芳屯閩港以歸順及思恩東
莞兵隸參將湯克寬屯台浦令相機進守世法錄右江柳慶
參將沈希儀謂欲大破賊非狼兵不可請於制府調那地

明會要卷五十九

七

狼兵二千來成沈希儀傳

明會要卷五十九終

明會要卷六十

永新龍文彬纂

兵三

教練

洪武六年正月定教練軍士律凡騎卒必善馳射槍刀步兵必善弓弩槍射以遠可到近可中為式槍以進退熟習為式在京衛所各以五千人為率內取千人所司官領赴御前驗試及格者官各以能受賞否則降罰外衛所亦然世法錄

十六年五月甲辰朔敕天下衛所習射選善射者十之一

明會要卷六十

於農隙更番赴京較試各邊軍士本衛較射王圻通考

二十年命衛士習射於午門丹墀明年復令天下衛所馬步軍士各分十班冬月至京閱試仍先下操練法俾遵行不如法及不嫻習者罰

二十二年詔五軍府比試軍士分三等賞鈔已上兵志

二十五年十月己酉朔申諭較試軍士之令大政記

文皇即位五駕北征六師嘗自較閱
宣德五年以成國公朱勇言選京衛卒隸五軍訓練已上兵志

景泰二年于謙請擇精銳十五萬分十營團操于謙傳
成化間增團營為十二命月二次會操起仲春十五日止

仲夏十五日秋冬亦如之

成化十年立殫忠效義二營練京衛舍人餘丁

宏治二年兵部尚書馬文升申明洪永操法五日內二日走陣下營三日演武

嘉靖六年更營制分兵三十枝設將三十員各統三千人訓練擇精銳者名選鋒總督大臣一月會操者四餘日營將分練已上兵志

隆慶四年朝議練鄉兵禦賊台州知府譚綸練千人立束伍法自裨將以下節節相制分數既明進止齊一未久即成精銳譚綸傳

明會要卷六十

譚綸督師薊遼集步兵三萬徵浙兵三千請專屬戚繼光訓練繼光又請願更予臣浙東殺手礮手各三千再募西北壯士足馬軍五枝步軍十枝專聽臣訓練嘗著練兵實紀談兵者遵用焉戚繼光傳

選舉

初太祖攻和陽精選三千勇敢士佯為元兵紀事本末

洪武三十年沐春拜征虜前將軍選卒五千人令何福與瞿能將沐英傳命耿炳文為征西將軍選陝西甘肅步騎巡西北邊備胡世法錄

永樂四年征安南敕大理卿陳洽選廣西土軍往會太平

府發者三萬人
十九年北征敕左通政樊敬於河南運磚官軍選精壯二
萬人至京

正統二年募所在軍餘民壯於陝西得四千二百人已上世法錄

葉禎為慶遠同知兩廣徭賊蠶起禎募健兒日訓練葉禎傳

景帝即位遣御史十五人募兵畿內山東山西河南紀本

成化中總督王越視師多選跳盪士為腹心將王越傳

宏治十四年九月丁亥遣使募兵於延綏甯夏甘涼紀本

韓雍計峒賊最强方設策進剿新會縣丞陶魯自請征雍

明會要卷六十

三

曰所將幾何而辦魯曰三百人足矣曰何少也曰魯猶以
為多兵貴精請任選擇雍從之魯乃標約式令曰有力能
舉百鈞矢射二百步者來三軍之士十五萬人比於式者
二百五十人曰未也復募數日始定魯乃為別將日操練
陣法椎牛犒軍甘苦共之士爭願為死率以先登大破賊

通典

蜀盜藍鄙叛僉事馬昊佐治兵甫至閱所部曰將不知兵
若何求勝擇驍勇才力千人分四隊隊立長會賊來逼城
昊夜出百騎舉礮擊賊賊營亂自蹈藉昊悉兵從後乘之
斬首四千級再前遇賊賊方陣於左而伏兵於右為應昊

以正兵當左乃身與百騎直擣伏賊賊驚潰趨左左陣亦
潰遂合兵縱擊火其柵大破之同上

世宗初陳九疇巡撫甘肅抵鎮言額軍七萬餘存者不及
半且多老弱請召募許可陳九疇傳

嘉靖二十九年諳達薄都城發帑金五千兩命商大節使
宜募壯士商大節傳

戚繼光守台金嚴三郡請召募三千人教以擊刺法長短
兵迭用由是繼光一軍特精戚繼光傳

萬曆時張滄為浙江副使時浙江有召募兵撫按議散之
兵皆洶洶滄曰是僥悍者留則有用汰則叵測不若汰其

老弱而留其壯勇則留者不思亂汰者不能亂矣從之張滄傳

天啟元年四月戊寅募兵於通州天津宣府大同甲午募
兵於陝西河南山西浙江紀本

宿衛

初太祖取婺州選富民子弟充宿衛曰御中軍兵志

太祖降陳兆先擇驍勇者五百人為親軍宿衛帳中馮勝傳

王弼帥所部來降太祖知其才使備宿衛王弼傳

胡大海以功授右翼統軍元帥宿衛帳下胡大海傳

王銘以驍勇選充宿衛王銘傳

明會要卷六十

四

費聚召領宿衛傳本

吳元年四月選江西精兵二千人宿衛大政

洪武三年華高封廣德侯請得宿衛華高

九年選公侯都督各衛指揮嫡長次子才可試用者為散

騎參侍舍人隸都督府佩弓刀充宿衛史

韓觀以舍人宿衛忠謹為太祖所知授桂林右衛指揮韓觀

建文時都督廖鏞宿衛殿廷廖永

成祖初選力士長大者充將軍備宿衛大政

永樂中增紅盔明甲二將軍及叉刀圍子手之屬備宿衛

明會要卷六十

五

志兵

三年二月辛巳兵科給事中言奉天征討官有已陞都指

揮仍於京衛更番宿衛者與軍士同列名實不稱上曰此

曹於戰則勇而才智不堪任方鎮故使之日在左右廣見

聞識大體俾他日不負任使且得以永保祿位大訓

張輒入宿衛為錦衣衛指揮僉事張玉

宣宗初以吳成嘗宿衛東宮錄舊勞封清平伯吳成

正統中張輓三遷至中府右都督領宿衛張玉

景泰中宋傑典禁兵宿衛宋晟

成化十二年二月揀選宿衛官軍大政

宏治初楊瑾領將軍宿衛楊洪

番戍

永樂間始命內地軍番戍謂之邊班

正統初山西河南班軍守偏頭大同宣府塞不得代巡撫

于謙言每歲九月至二月水冷草枯敵騎出沒乘障卒宜

多若三月至八月邊守自足乞將兩班軍每歲一班如期

遣放甘肅總兵官蔣貴亦言沿邊墩臺守瞭軍更番有例

惟坐事謫發者不許困苦甚乞如例踐更從之已上

五年山西總兵李謙請偏頭關守備軍如大同例半歲更

番部議首班二月還五月戍次班六月還九月戍詔雖如

明會要卷六十

六

議而戍卒率以歲為期有久而後遣者世法

初甯夏備邊軍半歲一更後邊事亟三年乃更軍士日久

疲罷又益選軍餘防冬家有五六人在邊者軍用重困正

統九年三月靖遠伯王驥請歲一更當代者以十月至而

代者留至來年正月乃遣歸帝善其議行之諸邊王驥

十四年發太原平陽民戍邊後久不代宏治中山西巡撫

顧佐奏令更代韓文

天順中山西巡撫李侃奏言塞北之地與窮荒無異非生

長其間者未有能甯居而狎敵者也今南人戍西北邊怯

風寒聞寇股栗而北人戍南亦不耐暑多潛逃宜令南北

清句之軍各就本土更補人情交便戎備得脩時不能用

成化十二年陝西巡撫余子俊奏免岷河洮三衛之戍南方者萬有奇易置南北之更戍者六千有奇就戍本土

余子俊傳

宏治中三邊總制秦紘言備禦延綏官軍自十二月上班既周一歲至次年三月始下班在軍日多宜定例歲一更

代俱以三月初為上下班邊軍便之

嘉靖中兵部范總總理邊關陜言長戍之兵介胄不備量給鎧仗番上者悉予行糧毋俾荷戈枵腹

范總傳

明會要卷六

七

二十三年諸鎮苦虜患乃建議各練本鎮戍卒省徵發費十之六從之

時倭難起南中諸要地亦分兵戍守操江柴經言南京新

江口營舊以鎮江衛軍班戍今有旨撤回請於留守及安

慶等衛選餘丁補之而揚州淮安等衛卒赴鎮江操備者

做新江口例分春秋二班以休其力部覆報可

四十年十二月命選京營番戍從兵部尚書楊博請也

宗統

山西巡撫靳學顏言欲京兵強宜責以輪番戍守夫京師去宣府薊鎮纔數百里京營九萬卒歲以一萬戍二鎮九

年而一周未為苦也而怯者與邊兵同其勁矣

靳學顏傳

萬厯中郭惟賢巡撫湖廣言長沙寶慶衡州三衛軍戍武岡而永州甯遠諸衛遠戍廣西死瘡痍無數請分番迭戍

武岡罷其戍廣西者

郭惟賢傳

調發

明會要卷六

八

洪武五年命馮勝北征發河南衛兵三萬人何文輝領山東步騎從李文忠出應昌凡發二萬八千人

十八年命馮勝北征凡發北平騎步軍五萬人山西陝西各三萬人

二十年征雲南調湖廣官軍五萬六千五百六十人又調

陝西山西五萬六千餘人

二十八年申調兵捕賊之律限之期日官不躬率或調兵失律者罪之

永樂四年征安南發浙江福建江西廣東湖廣軍往廣西

聽征凡八萬人復發鎮江蘇州等十二衛馬步軍萬人

已

世法錄

七年以上以邊戍調遣止憑敕書慮或有詐乃以勇敢鋒銳神奇精壯強毅克勝英雄威猛十六字編為勘合有事調發比對相合方准發兵王圻考

九年命張輔征交趾發四川廣西江西湖廣雲南貴州六都司安慶等十四衛兵凡二萬四千人

宣德元年命王通討交趾發楚蜀二護衛步兵各千人又發福建廣東雲南貴州四川湖廣各都司南直隸各衛馬步軍萬五千人而於思明田州調弩手三千為嚮導復敕廣西總兵官顧興祖調官軍五千人赴之聽通節制已又

明會要卷六

九

調南北京衛中都留守司武昌護衛江西福建浙江山東河南湖廣廣東貴州官軍共七萬人屬柳升沐晟分統討之

正統元年敕右都督蔣貴發京兵二千五百人調潼關甘肅精銳戰士五千人勦達賊

四年調湖廣貴州四川官軍共五萬人命都督吳亮馬翔率之征麓川聽沐晟節制已上世法錄

十四年英宗北狩邸王監國于謙請王檄取兩京河南備操軍山東及南京沿海備倭軍江北及北京諸府運糧軍亟赴京師于謙傳

天順五年命顏彪征兩廣猺賊調南京江西及直隸九江等衛官軍一萬隸之

成化三年貴州山都掌蠻作亂命襄城伯李瑾尙書程信發川廣雲貴番漢兵討之

四年命都督劉玉副都御史項忠發京邊軍五萬人討滿俊已上世法錄

鎮守大同中官汪直言小王子將大舉請發京兵援兵部尙書張鵬等言大同士馬已足用所請宜勿許張鵬傳

宏治十四年秦紘總制三邊軍務奏言京師天下本邊將手握重兵而一遇有事輒請京軍非強幹弱枝之道請自

明會要卷六

十

今京兵毋輕發臨鞏甘涼諸軍亦宜各還本鎮秦紘傳

正德六年始調邊兵入討賊時霸州盜起京軍不能制詔徵宣府延綏兵討之

是年河南賊滋蔓調湖廣土兵近河南者五千人征之聽仇鉞節制已上世法錄

七年江彬欲藉邊兵自固盛稱邊軍驍悍勝京軍請互調操練言官交章諫大學士李東陽疏稱十不便皆不聽於是邊軍入衛編三

十三年十一月庚子以火牌調西官廳及四衛營兵赴宣大楊廷和等言祖宗以來凡有政令下各衙門均以旨意

批紅經由內府司禮監傳奉發出並無火牌發與外衙門
施行者且調遣官軍事體重大乃不由旨意惟用火牌萬
一奸人乘機真偽莫辨意外之患將由此起況禁兵所以
擁護宗社防守宮闈豈可無故遠調以失居重馭輕之勢
伏望恪遵舊制亟賜收回仍停所調官軍勇士不報實錄
嘉靖八年宣大總督翟鵬請調陝西薊遼客兵八支及宣
大二關主兵翟鵬傳

明會要卷六十

十一

十六年虜寇大同調遼東游兵備之已出邊遣回而令此
後非重警勿調

二十五年薊州告急宣大總督翁萬達請調山東河南保
定兵及京營軍挑選者下樞臣議止調保定兵已給事中
齊譽言京師之兵居重馭輕不宜以小警輕出帝然之世法錄

二十九年諳達犯京師發諸邊兵萬二千騎京營兵二萬
四千騎分布宣薊諸關隘世法錄

三十年詔徵宣府兵衛京城先是諳達入寇大臣計調邊
兵精銳者別將統之歲番入居庸關屯駐要害防不測自
是終嘉靖世選鎮兵入衛歲三千人世法錄

初世宗從楊博言命薊鎮入衛兵聽宣大調遣薊遼總督
王忬言古北諸口無隘可守獨恃入衛卒護陵京奈何聽
調發帝怒曰曩令薊鎮練兵今一卒不練遇防秋輒調他
鎮兵兵部詳議以聞嗣帝問嚴嵩邊兵入衛舊制乎嵩曰
祖宗時無調邊兵入內地者正德中劉六猖獗始調許泰
卻永領邊兵討賊庚戌之變仇鸞選邊兵十八支護陵京
未用以守薊鎮至何棟始借二支防守忬始盡調邊兵守
要害去歲又徵全遼士馬入關致寇乘虛入犯遼左一空
若年復一年調發不已豈惟糜餉更有他憂王忬傳

明會要卷六十

十二

三才言調登州兵一千五百名南京水陸二營兵三千名
赴援世法錄

崇禎二年十一月京師戒嚴宣大總督及宣府保定河南
山東山西巡撫皆奏請帥師入衛並詔徵應天鳳陽陝西
浙江各巡撫及撫治鄖陽都御史統部卒勤王同上

料敵

劉基初見太祖太祖問征取計基曰士誠自守奴不足慮
友諒劫主脅下名號不正地據上流其心無日忘我宜先
圖之陳氏滅張氏勢孤一舉可定然後北向中原王業可
成也會友諒陷太平謀東下勢甚張諸將或議降或議奔

據鍾山太祖召基入內基奮曰主降及奔者可斬也太祖曰計安出基曰賊驕矣待其深入伏兵邀取之易易耳天道後舉者勝取威制勝以成王業在此舉矣太祖用其策誘友諒大破之劉基傳

常遇春因陳友諒來援安慶料其必攻池州乃伏銳士於九華山敵果來攻伏起擒斬萬餘人紀事本末

張士誠攻新城李文忠率朱亮祖等馳救去新城十里而軍胡德濟使人告賊勢盛宜少駐以俟大軍文忠曰兵在謀不在眾乃下令曰彼眾而驕吾少而銳以銳遇驕必克之矣彼軍輜重山積此天以富汝曹也勉之乃分左右軍

明史卷六十

十三

文忠橫槊引鐵騎數千乘高馳下大軍繼之敵遂大潰李文忠傳

洪武元年太祖命將北伐常遇春欲直搗元都太祖曰元都守備必固懸師深入餽餉不繼援兵四集危道也吾欲先取山東撤其屏蔽旋師河南破其籬籬拔潼關而守之扼其戶檻然後進兵元都勢孤援絕不戰自克本紀庫庫特穆爾將由居庸攻北平徐達聞之與諸將謀曰庫庫遠出太原必虛北平有孫都督在足以禦之今乘敵不備直搗太原使進不得戰退無所守所謂批亢搗虛者也彼若西還自救此成禽耳二年常遇春下鳳翔李思齊走

臨洮達會諸將議所向皆曰張思道之才不如李思齊而慶陽易於臨洮請先慶陽達曰不然慶陽城險而兵精猝未易拔也臨洮北界河湟西控羌戎得之其人足備戰鬪物產足佐軍儲感以大兵思齊不走則束手縛矣臨洮既克於旁郡何有徐達傳

太祖嘗謂徐達等曰初與二寇相持士誠尤逼近或謂宜先擊之朕以友諒志驕士誠器小志驕則好生事器小則無遠圖故先攻友諒鄱陽之役士誠卒不能出姑蘇一步以為之援向使先攻士誠浙西負固堅守友諒必空國而來吾腹背受敵矣二寇既除所以先山東次河洛止潼關

明史卷六十

十四

之兵不遽取秦隴者蓋庫庫特穆爾李思齊張思道皆百戰之餘未肯遽下急之則併力一隅猝未易定故出其不意反旆而北燕都既舉然後西征張李望絕勢窮不戰而克然庫庫猶力抗不屈向令未下燕都驟與角力勝負未可知也本紀

三年命傅友德等伐蜀論之曰蜀人聞我西伐必悉精銳東守瞿塘北阻金牛以抗我師若出不意直搗階文門戶既隳腹心自潰兵貴神速患不勇耳傅友德傳正德十四年王守仁起兵討宸濠至樟樹鎮或請救安慶守仁曰不然九江南康已為賊守我趨安慶與賊相持江

上二郡兵絕我後是腹背受敵也不如直搗南昌賊守備
虛我軍新集氣銳攻必破賊聞南昌破必解圍自救逆擊
之湖中茂不勝矣三編

誘敵

太祖因元兵圍六合率師救之設伏澗側令耿再成佯敗
誘之渡澗伏發城中亦鼓譟夾擊之元兵大敗

郭英與元兵戰於河西務大捷翼日大霧英令千人伏道
傍率精騎三千直抵城下元將率敢死士萬餘張兩翼出
戰良久英佯敗敵乘勝來追伏兵起截其軍為二斬首數
千級通典

明會要卷六十

五

徐達克沂州進取青州遇元將伊蘇兵乃命傅友德率騎
與戰佯北伊蘇來追達麾後軍前進俘斬甚眾通典

沐春鎮雲南討阿資趨越州分道逼其城伏精兵道左以
羸卒誘賊縱擊大敗之沐英傳

正統十四年額森深入窺德勝門于謙令石亨設伏空舍
遣數騎誘敵敵以萬騎來薄伏起齊擊之于謙傳

成化中項忠討滿俊賊倚愛將兵楊虎狸為謀主夜出汲
被禽忠賞其死論以購賊賞格示之金且賜金帶鉤縱歸

使誘俊出戰伏兵禽焉項忠傳

嘉靖三十四年倭犯江北參將劉顯防浦口測賊將遁方

暑披單衣率四騎誘賊伏精甲岡下賊出誘至岡下大敗
之劉顯傳

間諜

太祖攻安慶使人陽與普勝門客交而陰間之置書與客
故達普勝客懼來歸重以金幣資之潛往友諒所間普勝
友諒遂殺普勝紀本

吳良與弟禎從太祖並為帳前先鋒良能沒水偵探禎每
易服為間諜吳良傳

徐達攻平江不下時莫天佑為張士誠守無錫更相唇齒
其將楊茂善泗數從水中為偵達獲茂釋而厚賞之使往

明會要卷六十

六

來為間因盡得其虛實遂破之通典

景泰初額森多所挾于謙因謀用間特釋忠勇伯把台
家許以封爵使陰圖之額森始有歸上皇意于謙傳

正德十四年王守仁討宸濠恐其直趨南京多遣間諜檄
府縣言京師湖廣廣東西江浙等處各發兵數十萬直搗

南昌所至有司缺供者以軍法論又以蠟書遣偽相李士
實劉養正等敘其歸國之誠令德應早發兵東下而縱謀

洩之宸濠果疑士實等勸濠直趨南京濠不聽以至於敗

王守仁傳通典
參將沈希儀討廣西猺獠陰求得與猺通販易者數十人

釋其罪而厚撫之使詞賊賊動靜希儀無不知之人皆以爲神希儀初至令熟糴得出入城中無所禁因厚賞其黠者使爲謀後漸令糴婦入見其妻賚以酒食繪布其夫常以賊情告者則陰厚之諸糴婦利賞爭勸其夫輸賊情或自入府言之以故賊益無所匿形多易面爲熟糴自是數百里無敢攘奪者沈希儀傳

鄉導

李道明攻信州胡大海擒之赦爲鄉導大政記

明會要卷六十

七

徐達規取河北克臨清獲李寶臣等用爲鄉導通典

宣德元年命王通討交阯於思明州田州調弩手三千爲鄉導世法錄

王守仁既諭降土番盧蘇王受即因其兵攻斷藤峽使蘇受等爲鄉導以土兵分道深入大破之

守仁攻橫水左溪賊至賊巢三十里駐兵夜募鄉兵善登山者四百人各執旗懷銃礮由間道入險分布近巢左右

伏高山頂規賊度我兵至險舉礮應之賊大驚潰林俊巡撫四川值賊首藍廷瑞廖惠等攻破諸郡邑俊以官兵不諳地勢乃召各處土兵協力剿之已上通典

處降

陳兆先就禽盡降其眾三萬餘人眾疑懼太祖擇驍勇者五百人爲親軍宿衛帳中悉屏舊人獨留馮國用侍榻側五百人始安馮勝傳

胡美守龍興遣使詣九江請降且請無散部曲太祖初難之劉基蹴所坐胡牀太祖悟賜書報之美得書來降太祖慰勞之俾仍舊官胡美傳

繆大亨有眾二萬人屯橫澗山太祖遣其叔貞諭降之命將所部從征擢元帥總兵又命大亨攻張明鑑降得眾數萬繆大亨傳

吳允誠名巴圖特穆爾舊作把都帖木兒永樂三年與其黨倫都爾輝舊作倫都爾輝都兒舊作倫都爾輝率妻子及部落五千來歸帝賜姓名倫都爾輝賜姓名柴秉誠俱授都督僉事使領所部居涼州耕牧自是降附者眾邊境日安由允誠始吳允誠傳

明會要卷六十

末

金忠者蒙古名額森托噶舊作也先土干永樂二十一年率妻子部屬來降帝賜姓名封忠勇王金忠傳

阿魯台既爲衛拉特托歡舊作瓦剌脫歡所殺子諤博爾濟舊作阿魯台俺款塞來歸宣宗授以左都督賜第京師和勇傳

永樂十九年侍講鄒緝言漠北降人賜居室盛供帳意欲招其同類也不知來者皆懷窺覘非真遠慕王化甘去鄉

土宜於來朝之後遣歸本國不必留為後日子孫患鄒緝傳

正統初兵部侍郎柴車建言漠北降人朝廷留之京師雖

厚爵賞其心終異如長脫脫木兒者昔隨其長來歸未幾

叛去今乃復來安知他日不再叛宜徙之江南離其黨類

事下兵部請處之河間德州帝報可後降者悉以此令從

柴車傳

景帝即位編修劉定之言臣於上皇朝乞徙漠北降人未

蒙採納比乘國覺奔歸故土寇掠畿甸者屢見告矣宜乘

大兵聚集時遷之南方使與中國兵民相錯雜以牽制而

變化且可省俸給減漕輓其事甚便劉定之傳

明會要卷六十

十九

景泰元年額森入寇永樂中降人安置近畿者多為內應

于謙謀散遣之因西南用兵每有征行輒選其精騎厚資

以往已更遣其妻子內患以息于謙傳

正德中贛州知府邢珣招降劇盜滿總等授廬給田撫之

甚厚後討他盜多藉其力伍文定傳

嘉靖中王守仁既降田州土酋盧蘇王受因請復設流官

於田州置十九巡檢司以蘇受任之並受約束於流官知

府帝從之王守仁傳

天啟初朱變元征奢崇明有諸生陷賊中遣人言賊將羅

象乾欲反正變元令與象乾俱至呼飲戍樓中不脫其佩

刀與同臥酣寢象乾誓死報復縋而出自是賊中舉動無
不知乃遣部將詐降誘崇明至城下伏起崇明跳免象乾
自內縱火以眾來歸城圍遂解朱變元傳

明會要卷六十

二十

明會要卷六十終

明會要卷六十一

永新龍文彬纂

兵四

軍伍

洪武十六年命五軍府檄外衛所速速缺伍士卒給事中潘庸等分行清理之

二十一年詔衛所覈實軍伍已上兵志

潮州牛員陳質父在戍籍父沒質被句捕請歸卒業帝命除其籍兵部尙書沈潛以缺軍伍持不可帝曰國家得一卒易得一士難遂除之唐鐸傳

明會要卷六十一

二十三年七月詔五軍府清理天下衛所將卒部伍大政記

睢州同知盧熙行知府事適御史奉命按舊軍睢民濫入伍者千人檄熙追送熙令民自實得嘗隸尺籍者數人昇之御史怒繫曹吏必盡得不則以格詔論同官皆懼熙曰吾民牧也民散安用牧乃自詣御史曰州軍籍盡此矣迫之民且散獨有同知在耳請以充役御史知不能奪乃罷去盧熙傳

宣德初張宗連謫常州同知朝遣御史李立理江南軍籍檄宗連自隨立受黜軍詞多逮平民實伍宗連數爭之立怒宗連輒臥地乞杖曰請代百姓死免株累甚眾宗連傳

兵部尙書張本言軍政久敝奸人用貨脫籍而援平民實伍帝擇廷臣四出釐正之張本傳

范濟上言八事其四曰民病莫甚於句軍衛所差官至六七員百戶差軍旗亦二三人皆有力交結及畏避征調之徒重賄得遣既至州縣擅作威福迫脅里甲恣爲姦私無丁之家誅求不已有丁之戶詐稱死亡託故留滯久而不還及還則以所得財物徧賄官吏朦朧具覆究其所取之丁十不得一欲軍無缺伍難矣自今軍士有故令各衛報都督府及兵部府部牒布政按察司令府州縣準籍貫姓名句取送衛則差人騷擾之弊自絕范濟傳

明會要卷六十一

山雲鎮廣西歲調貴州軍萬人春秋更代還多逃亡則取原衛軍以補不逐逃者貴州按察使應履平奏貴州四境皆苗蠻軍伍虛有急孰與戰守今衛軍逃於廣西而以在衛者補不數年貴州軍伍盡空邊釁且起帝乃命雲嚴責廣西諸衛追還逃軍俟足用卽遣歸罷貴州戍卒正統元年履平以軍伍不足請令衛所官旗犯雜死及徒流者俱送鎮將立功期滿還伍應履平傳

英國公張懋及鄭宏各置田莊於邊境歲役軍耕種年富効之還軍於伍年富傳
三年大學士楊士奇等上言今遣御史清軍以北人往南

邊補伍南人往北邊補伍水土不宜多致死亡深為可憫且西北二邊急於防守而所在勇壯之人乃發戍南方自今邊卒清解者請從南北所宜發戍庶幾水土相習兵政有裨兵部侍郎鄺埜以為紊祖制寢之紀通

宏治十一年兵部主事何孟春奏各處府州縣皆有清軍官又有御史上下相兼其查出軍丁例行批解軍丁到衛例加存恤清軍官查出數少者考滿行黜解人縱軍在家延住及在道賣放者并坐衛所官旗侵剝所管軍丁致其逃者降級調衛立法之密如此日積月累宜衛所尺籍歲有增益今視祖宗時額數反損何也軍之新舊相乘出入

明會要卷六十一

三

參差不齊丁從衛所逃逸冊從原籍查句又為軍者南北互易族姻永棄於水土人情均有弗便乞敕部議行各處清軍御史稽查伍冊凡缺伍失句及句而未到衛者造冊繳部將所屬府州縣區其衛所南北於南北又各度其遠近合計查出軍丁之數與之兌換使南解補南北解補北近及五百里遠止二千里入伍之後舊伍不許再句逃者將自行首官居者將樂於就役豈憂額數之不復乎疏入帝從之明臣奏議

正德時御史蔣瑤言內府軍器局軍匠六千中官監督者二人今增至六十餘人人占軍匠三十他局稱是行伍安

得不耗蔣瑤傳

嘉靖二十九年諳達犯京師集諸營兵僅四五萬是時禁軍冊籍皆虛數半役內外提督大臣家不歸伍在伍者半皆老弱涕泣不敢前編三

兵部尚書鄭曉言兵事方棘而所簡聽征京軍三萬五千人乃令執役赴工何以備戰守乞令歸之營伍帝從之傳

萬曆十三年南京兵部尚書郭應聘復請各就近地南北改編令下求改者相繼明年兵部言什伍漸耗邊鎮軍人且希圖脫伍有旨復舊而應聘之議復不行兵志

明會要卷六十一

四

兵占

太祖自將救洪都問張中曰此行何如對曰吉五十日當大勝亥子之日獲其渠帥紀通

太祖與陳友諒大戰鄱陽湖一日數十接太祖坐胡床督戰劉基侍側忽躍起大呼曰難星過太祖急更舟坐未定舊所御舟已以礮碎矣紀事本末時湖中相持三日未決劉基請移軍湖口扼之以金木相犯日決勝劉基傳

劉基以馮勝將兵請授方略書片紙授之使夜半出兵至某所見某方青雲起者是賊伏也慎勿妄動日中後黑雲漸薄回與青雲接者是賊歸也即擊之可盡擒也已而皆

驗通

李文忠帥師救新城會有白氣自東北來覆車上占之曰必勝李文忠傳

太祖議北征賜徐達書曰金火二星會於丑分後火逐金踰齊魯以時進取毋失通典

胡深與朱亮祖攻建甯友定將阮德柔固守深視氛祲不利欲緩之亮祖曰師至此庸可緩乎且天道幽遠山澤之氣變態無常何足徵也未幾深執遇害胡深傳

馮勝練兵河南會有星變占在大梁帝使使密敕勝且曰并以此語馬兒知之馬兒即徐司馬既復敕二人曰天象屢見大

明會要卷六十一

五

梁軍民錯處尤宜慎防何文輝傳

洪武三十一年十月熒惑守心時四川岳池教諭程濟上書言北方兵起在明年某月日已而燕兵起如其言牛景先傳

馬軾從都督董興勦賊黃蕭養經清遠峽有白魚入舟軾曰此逆賊授首之徵有大星墜於河南岸軾曰四旬內必破賊矣通典

成化四年項忠圍石城適有星孛於台斗中朝多言占在秦分師不利忠曰李晟討朱泚熒惑守歲此何害項忠傳

嘉靖二年金獻民為兵部尚書五星聚營室其占主兵獻民因請救天下鎮巡官豫守戰之備金獻民傳

萬曆四十七年正月彗星見東南長數百丈光芒下射未曲而銳或曰蚩尤旗時方議進師援遼識者以為兵敗之徵三編

四十八年二月日暈方從哲言日生交暈背氣戟氣並見占者謂戈戟相傷之象人心皇皇皆以邊事為憂同上

崇禎二年正月元日有黑氣起東北互西方申甫見之大驚趨語劉之綸金聲曰天變如此汝知之乎今年當喋血京城下可畏也劉之綸傳

軍功

明初論功行賞皆臨時取旨不著為令承平以來意存激

明會要卷六十一

六

勸率以首功定賞格條例漸廣其論功以擒斬北虜為首

功遼東女真次之西番及苗蠻次之內地反賊又次之會典洪武三年十一月告武成於郊廟大都督府兵部上諸將功績帝自定其次第班爵行賞三編

趙庸從李文忠北伐出野狐嶺克應昌師還論功最以在應昌私納奴婢不得封公封南雄侯廖承昌傳

四年太祖製平西蜀文盛稱傅友德功為第一廖永忠次之師還受上賞傅友德傳又以湯和功由周德興賞德興而面

責和德興克泗州功復出諸將上賞倍於大將周德興傳耿炳文守長興功最高太祖榜列功臣以炳文附大將軍

達爲一等文獻炳

十二年定凡交鋒之際突出敵背殺敗敵眾者勇敢入陣斬將擐旗者本隊已敗敵眾別隊勝負未決而能救援克敵者受命能任事出奇破敵成功者皆爲奇功齊力進前者首先破敵者前隊交鋒未決後隊向前殺敗敵眾者皆爲頭功凡建立奇功頭功者其親管頭目卽爲報知妄報者治以重罪行營及下營之時擒獲奸細者陞賞準頭功哨馬生擒敵一人賞銀三十兩斬首一級者二十兩通典成祖卽位論邱福三十人功封爵有差三編永樂初以將士久勞命禮部依太祖陞賞例參酌行之乃

明會要卷六十一

七

分奇功首功次功三等兵志

交趾旣平帝問夏原吉遷官與賞孰便對曰賞費於一時有限遷官爲後日費無窮也從之原吉傳

宣宗征高煦還楊榮以決策功受上賞楊榮傳

正統十四年十月造賞功牌有奇功頭功齊力之分以大臣主之凡挺身突陣斬將奪旗者與奇功牌生擒衛拉特或斬首一級與頭功牌雖無功而被傷者與齊力牌蓋專爲衛拉特入犯設也兵志

御史丁瑄破賊延平監軍張楷馳至攘其功瑄被脅依違具奏指揮劉福不能平愬之詔責瑄具狀楷等皆獲罪瑄

有功不問功亦竟不錄丁瑄傳

景泰三年右都御史王來討貴州苗賊平召還保定伯梁瑤以來功大乞加旌異都給事中蘇霖駁之乃止王來傳南和侯方瑛討川湖貴州諸苗克寨二千俘斬四萬餘平苗之功前此莫與比者三編天順四年曹欽反將士妄殺至割乞兒首報功市人不敢出戶林聰署院事亟令獲賊者必生致濫殺爲止林聰傳成化元年四川山都掌蠻數叛進程信兵部尙書提督軍務賊平錄功進兼大理寺卿言官劾信上首功不實信四疏乞休不許程信傳

明會要卷六十一

八

十四年兵部尙書余子俊列上軍功賞格北邊爲上一人斬一級者進一秩至三秩止不願陞者賞銀五十兩東北邊及西番苗蠻以次而差至內地反賊六級當北邊之一紀通

正德七年正月兵部奏議平賊賞格各官軍能禽斬賊三名賞加一級獲賊首一人者授世襲正千戶賞銀千兩其將領亦陞三級賞如之有能禽滅劉六楊虎之等者如甯夏例待以封爵無所吝報可時賊黨雖眾多脅從者自首功令下官軍追賊賊輒驅良民當之故捷書屢奏而賊勢不衰明政統宗

四月太監谷大用奏請陞賞陸完許泰等下兵部議宜通俟功成之日奏請定奪其有功者且令紀功官勘實以聞

同上

正德中御史程啟充言定制軍職授官悉準首功今倖門大啟有買功冒功寄名竄名併功之弊權要家賄軍士金帛以易所獲之級是謂買功衝鋒斬馘者甲也而乙取之甚者殺平民以為賊是謂冒功身不出門閭而名隸行伍是謂寄名賄求掾吏洗補文冊是謂竄名至有一人之身一日之間不出京師而東西南北四處報功者按名累級驟至高階是謂併功此皆壞祖宗法解將士體乞嚴為察

明會要卷六十一

九

革帝不能用程啟充傳

十年王瓊為兵部尚書時四方多盜將士以首功進秩瓊言此羸秦弊政行之邊方猶可未有內地而論首功者今江西四川妄殺平民千萬縱賊貽禍皆此議所致自今內地征討惟以蕩平為功不論首級從之王瓊傳

世宗即位深知王守仁功趣召入朝受封廷臣言國哀未畢不宜舉宴行賞已論功封特進光祿大夫柱國新建伯世襲歲祿一千石然不予鐵券歲祿亦不給諸同事有功者惟吉安守伍文定至大官當上賞其他皆名示遷而陰

王守仁傳

嘉靖元年七月王守仁再疏辭封爵為諸臣訟冤其略曰宸濠變初起勢焰猖熾人心疑懼退阻當時首從義師自伍文定邢珣徐連戴德孺諸人外又有知府陳槐曾瑛胡堯元等知縣劉源清馬津傅南喬李美李楫及楊材王冕顧必劉守緒王軾等鄉官都御史王懋中編修鄒守益御史張鼐山伍希儒謝源等或摧鋒陷陣或遮邀伏擊或贊畫謀議監錄經紀所謂同功一體者也帳下之士若聽選官雷濟已故義官蕭禹致仕縣丞龍光指揮高睿千戶王佐等或許為兵檄以撓其進止壞其事機或偽書反間以離其心腹散其黨與今聞紀功文冊改造者多所刪削舉

明會要卷六十一

十

人冀元亨為臣勸說甯王反為奸人構陷竟死獄中尤傷心慘目負之冥冥之中者今臣獨崇封爵而此同事諸人或賞不行而并削其績或賞未及而罰已先行或虛受陞職之名而因使退閒或冒蒙不忠之號而隨以廢斥臣竊痛之奏入卒寢不行伍文定傳

舊制軍功論敘有生擒斬首當先殿後奇功頭功諸等其後濫冒日多嘉靖十年兵部尚書王憲定軍功襲替格自承樂至正德酌其輕重大小之差臚析以上詔著之會典為成式王憲傳

時寇屢盜邊邊臣多匿不奏小勝文臣輒冒軍功給事中

王治請臨陣斬獲第錄將士功文臣及鎮將不親搏戰者止賜資從之王治傳

隆慶元年兵部侍郎譚綸奏論功行賞視首級之多寡以為殿最然臣以為論小敵則可若遇大敵則當先破敵者勢難取功奪首級者未必殺賊此不惟功賞不明人心解體往往又因爭首級馴至誤事臣等以為宜於臨事之際以密雲等三大營之兵分為三大枝專備衝鋒破敵而於各路調到之兵分配於三大枝之後以為應援遼東宣府入援之兵張布兩翼或資之夾擊或聽其出奇事定之後主將總取其首合而分之以十分為率衝鋒破敵夾攻出

明會要卷六十一

十一

奇者各得其三應援之兵共分其四臨陣斬獲之功願紀錄者以親斬論秋防之時御史委推官二員隨營稽察各枝軍所獲功次即赴紀功委官處紀驗轉解紀功御史覆驗無異即具奏陞賞帝從之明臣奏議

故事兩粵惟大征得敘功鵬勦不敘故諸將不樂鵬勦隆慶六年總督殷正茂與總兵張元勳計令鵬勦得論功諸

軍爭奮張元勳傳

軍法

陳友諒陷安慶趙仲中棄城走還龍江法當誅常遇春請原之太祖不許曰法不行無以懲後遂誅仲中而以官授

其弟庸廖承忠傳

太祖與陳友諒戰於鄱陽湖友諒悉巨艦出戰諸將舟小仰攻不利有怖色太祖親麾之不前斬退縮者十餘人皆殊死戰本紀

李文忠入杭州下令曰擅入民居者死一卒借民釜斬以徇李忠傳

吳元年徐達圍平江城將破達與常遇春約曰師入我營其左公營其右又令將士曰掠民財者死毀民居者死離營二十里者死徐達傳

洪武元年胡美由江西取福建帝諭之曰左丞何文輝為爾副參政戴德孺聽調發二人雖皆吾親近勿以其故廢

軍法胡美傳

明會要卷六十一

十一

三年徐達北伐以胡德濟失律械送京師帝釋之而以書諭達曰將軍效衛青不戮蘇建耳獨不見穰苴之待莊賈乎且將軍在軍中誅之則已今下廷議吾且念其信州諸暨功不忍加誅繼自今將軍毋事姑息胡大傳

四年廖承忠入重慶下令禁侵掠卒取民七茄立斬之廖承忠傳

張溫守蘭州元兵乘夜梯城而登千戶郭佑被酒臥圍既解溫將斬佑天策衛知事朱有聞爭曰當賊犯城時將軍

斬佑以令眾軍法也賊既退始追戮之無及於事且有擅殺名温謝曰非君不聞是言遂杖佑釋之藍王傳

十五年三月乙丑頒軍法定律凡二十九條大政記

永樂九年張輔征交趾都督黃中素驕違節制詰之不遜斬以徇將士惕息無敢不用命者張輔傳

十二年七月戊子次紅橋詔六師入關有踐田禾取民畜產者以軍法論紀本

宣德二年薛祿奉詔巡視畿南諸府城池嚴戒軍士毋擾民違者以軍法論薛祿傳

正統二年命王驥往甘涼許便宜行事驥疾驅至軍問往

明會要卷六十一

三

時追敵魚兒海子先退敗軍者誰僉曰都指揮安敬遂縛敬斬轅門諸將皆股栗王驥傳

郕王監國額森入窺京師于謙列陣九門外下令臨陣將不顧軍先退者斬其將軍不顧將先退者後隊斬前隊于謙傳

景泰元年王驥總督南京軍務南畿軍素偷惰驥至以所

馭軍法教之王驥傳

成化元年陝西巡撫項忠上言三邊大將遇敵逗遛雖云才怯亦由權輕士卒畏敵不畏將是以戰無成功宜許以

軍法從事項忠傳

韓雍征廣西徭獞至桂林斬失機指揮李英等四人以徇韓雍傳

嘉靖中命自今遇敵逗遛者都指揮以下卽斬總兵官以下先取死罪狀奏請翟鵬傳

十五年梁震爲大同總兵大同鎮兵素驕悍震受命率家丁五百人馳至軍中申明約束曰我無爾陵爾無我叛王

法軍令具在我不敢破國家紀綱家丁時時向鎮兵語曰爾敢犯主將者恃眾耳兒郎輩無不一以當百五步之內

恐爾不得用其眾鎮兵由是斂戢通典隆慶二年戚繼光爲薊鎮總兵言邊卒木強律以軍法將

明會要卷六十一

四

不堪請募浙人爲一軍用倡勇敢督撫上其議許之浙兵三千至陳郊外天大雨自朝至日昃植立不動邊軍大駭

自是始知軍令三編

兵器

洪武初設軍器鞍轡二局永樂間京師設局亦如之後併歸軍器局會典

四月以腳踏弩給各邊將士仍令天下軍衛如式製造王考

十一年五月定天下歲造軍器之數甲冑之屬一萬三千四百六十五馬步軍刀二萬一千弓三萬五千矢一百七

十二萬省直郡邑分造多寡有差

十五年海警衛官請令民間造兵器給軍上以軍匠付藩司置局與民相參而造

十七年稽天下衛所軍器之數已上世法錄

二十年令天下都司衛所各置軍器局軍士不堪征差者習弓箭穿甲等匠免致勞民

二十三年以天下歲造弓箭擾人令工匠輪班赴京成造已上王折考

二十六年下進賢弓於諸司令製如法世法錄

又令造柳葉甲鎖子頭盔六千副給皇城守衛軍士王折考

明會要卷六十一

五

二十七年十月命工部收藏兵甲編三

三十年令天下都司衛所各置軍器局典會

定制軍器非應操備者悉貯官庫其有損壞就各衛軍器局修理不宜私造鄧真傳

永樂元年從黃福言製弓凡四等量力給受世法錄

十五年嚴兵器出境之禁犯者雖勳戚不宥同上

宣德二年設盜甲廠典會

四年令天下各衛所造軍器每月具報湖廣銅鼓等衛所歲終一報同上

正統元年增鑄鐵蒺藜給開平赤城分布要害世法錄

三年二月命工部侍郎李庸專造兵器大政記

行在兵部言洪永間諸司衛所各局造兵器所需物料出自軍民今動請之武庫非國初置局意於是南京等府請

以在官贖緩給造不足則以在軍鈔戶食鹽稅鈔給之

是年以兵器闕敕工部擇京操餘軍協作復令給事中御史按季試驗

四年御史李果言各衛軍器初無定額或倍取物料於民而苟於成造宜量軍匠多寡定與物料使如數造之其收

內放支置簿書具奏已上世法錄

十四年八月取南京軍器三分之一輪京師大政記

景泰二年八月禁廣東福建浙江等處軍民之家不得私藏兵器匿不首者全家充軍造者本身與匠俱論死其知情者亦連坐之日知錄

郭登嘗以意造攪地龍飛天網鑿深塹覆以土木如平地敵入圍中發其機自相撞擊頃刻皆陷郭登傳

宏治八年六月補造南京軍器大政記

兵部尙書馬文升奏近年在京盔甲廠所造軍器多不合式其浙閩齊洛各衛所軍器料價多被管局官員侵欺入已間有成造者多不堪用一遇查盤大半損壞那移搪塞有名無實去歲內府戊字庫軍器被火燒燬數多見存不

明會要卷六十一

未

知幾何乞敕工部覈內府見藏之數如有不足令兵仗局制為成式發浙閩各省依式成造有不如法者照例參問

發落明臣奏議

十三年正月己卯禁民間收鬻軍器六月造拒馬木竹牌

滾刀神臂弓飛槍等軍器大政記

正德六年奏定應禁軍器除弓箭刀槍外凡盔甲旁牌火

筒火牌旗幟不許私家製造會典

九年江彬用事以上命趣造兵器萬計將作不能辦豫徵

來歲物價金給之世法錄

江西巡撫孫燧恐宸濠劫兵器假討賊盡出之他所及宸

明會要卷六十一

七

濠反大索兵器於城中不得賊多持白梃孫燧傳

嘉靖元年御史言諸衛歲解軍器經年不至至或逃亡比

驗入筦庫之官百計為難莫若徵其直於京置造便所司

以歲造成規不宜輒變第令御史嚴督其成侵費漁索不

貸上以為然

十五年總制劉天和言陝西會城所貯神臂強弩相傳百

餘年而無其矢嘗以私見製矢射可三百步復準漢耿恭

之法傳矢以藥中人無不立斃者命造之已上世法錄

四十三年閏二月令內府軍器聽工部委官查驗大政記

隆慶元年議准各門存留器械清查脩換仍貯各門指揮

等官看守每年五月委官查盤王圻考

隆慶時詔停造南京軍器尙書裴宇言留都天下根本備

不可弛遂命如例造之世法錄

萬曆十年令在京兩廠造明盔甲五千副給京營軍士以

五年為期王圻考

四十七年五月盔甲廠災尙書黃嘉善議應造盔甲器械

聽工部議動項速造從之編三

天啟二年孫承宗經略薊遼造甲冑弓矢礮石渠答鹵楯

之具合數百萬孫承宗傳

火器

明會要卷六十一

末

永樂八年征交趾得神機槍礮法特置神機營肄習火器

世法錄

十年詔自開平至懷來宣府萬全興和諸山頂皆置五礮

架二十年增置於山西大同天城陽和朔州等衛以禦敵

兵志

宣德二年設王恭廠會典

五年敕宣府總兵譚廣神銃國家所重在邊墩堡量給以

壯軍威毋輕與

正統六年邊將黃真楊洪立神銃局於宣府帝以火器外

造恐傳習漏洩敕止之

十四年御史楊善請鑄兩頭銅銃兵志

景泰元年巡關侍郎江潮言真定藏都督平安火繳可用

應州民師鞠製銃有機頃連三發及三百步外俱試驗之

世法錄

五年令各處守備官製銃箭火藥操演不得漏洩法武典

天順八年延綏參將房能言麓川破賊用九龍筒一線然

則九箭齊發請頒式各邊世法錄

宏治九年令神槍神礮在外不許擅造遇邊官奏討工部

奏行內府兵仗局鑄給會典

嘉靖八年從右都御史汪鉉言造佛郎機礮謂之大將軍

明會要卷六十一

九

發諸邊鎮兵志

二十五年總督翁萬達奏所造火器兵部試之言三出連

珠百出先鋒鐵棒雷飛俱便用母子火獸布地雷礮止可

夜劫營御史張鐸亦進十眼銅礮大彈七百步小彈百步

四眼鐵槍彈四百步詔工部造同上

隆慶元年譚綸奏火器之利莫踰於佛郎機用銅計費十

餘金用鐵少亦五六金點放不得其宜易破破必傷人以

故不能多具具亦不敢輕用臣在南方見有木佛郎機因

教武生舒明臣造而試之其利與銅佛郎機同連發七八

銃不破破亦不傷人法用堅木為體外束以鐵箍六道計

其工費共用銀三錢三分壞則止易其木而鐵箍則長存

費省而用巨莫善於此請敕工部支銀一萬一千兩分發

薊易二鎮照式制造三萬三千架分布緊要關口以備戰

守之用帝從之明臣奏議

福清石竺山多猴千百為羣戚繼光勦倭時屯兵於此每

教軍士放火器狙窺而習之乃命軍士捕數百善養之仍

令習火器以為常比賊至伏兵山谷中而令羣狙闖其營

賊不虞也少頃火器俱發霹靂震地賊大驚駭伏發殲焉

通典

萬厯中大西洋船至得巨礮曰紅夷長二丈餘重者至三

明會要卷六十一

三

千斤能洞裂石城震數十里天啟中錫以大將軍號遣官

祀之兵志

天啟六年五月王恭廠災三編

崇禎時大學士徐光啟請令西洋人製礮發各鎮光啟故

從西洋人利瑪竇學火器及遼陽敗光啟力請多鑄西洋

大礮以資城守光啟傳

登萊巡撫孫元化善西洋礮法得之光啟賊攻萊州即輦

元化所製西洋礮日穴城城多頽徐從從治傳

崇禎十五年御史楊若橋薦西洋人湯若望善火器請召

試劉宗周曰邊臣不講戰守屯戍之法專恃火器近來陷

城破邑豈無火器而然我用之制人人得之亦可制我不見河間反爲火器所破乎國家大計以法紀爲主大帥跋扈援師逗遛奈何徒爲此紛紛無益之舉劉宗周傳

明會要卷六十一

圭

明會要卷六十一終

明會要卷六十二

永新龍文彬纂

兵五

戰車

洪武五年造獨轆車北平山東千輛山西河南八百輛命徐達李文忠董成焉

正統十二年九月大同總兵朱冕上車戰議每隊用火車三以備行陣

十四年給事中李侃請以羸車爲戰車帝命造一千輛下車式於邊境用七馬駕然宜於平原遇敵甯夏多溝總兵

明會要卷六十二

下

官張泰請更制用獨馬小車中藏兵器遇險則以人力舉而越之京兆箭工周四章言神機槍一發難繼請以車載槍二十箭六百車首置五槍架一人推二人扶一人執爨試可乃造已上世法錄

景泰元年定襄伯郭登製造偏箱車四輪車中藏火器上建旗幟鉤環聯絡布列成陣戰守皆可用郭登傳

二年吏部郎中李賢請造戰車長丈五尺高六尺四寸四圍箱板穴孔置銃上闢小牕每車前後占地五步以千輛計四方可十六里芻糧器械輜重咸取給焉帝令亟行兵志天順八年都督同知趙輔上戰車制

成化二年從郭登言造京營步隊小車每隊六輛輜九人
二人輓七人番代上用鐵索鉤連前置牌畫猊首遠望如
城壘然

八年甯都諸生何京上禦敵車制車施鐵網網穴發槍弩
行則斂之戰則展之五十車為一隊用士三百七十五人
十三年從甘肅總兵官王璽奏造雷火車

宏治十五年陝西總制秦紘請造隻輪車長丈四尺上下
共六人直衝敵陣倚角夾攻扼賊歸路名曰全勝已上世法錄

十七年奏定造戰車百輛送營操習會典
嘉靖十一年南京給事中王希文請制戰車倣郭固韓琦

明會要卷六十二

二

隨地險夷廣狹而更其制下邊鎮酌行世法錄

十三年奏定造戰車九百輛火車五十輛會典

十五年劉天和總制三邊軍務兵車皆雙輪用二十八人遇
險即因又行遲不適於用天和請倣前總督秦紘隻輪車

上置礮槍斧戟廂前樹狻猊牌左右虎盾連二車可蔽三
四十人一人挽之推且翼者各二人戰則護騎士其中敵

遠則施火器稍近發弓弩又近乃出短兵敵走則騎兵追
之劉天和傳

三十年奏定造單輪車一千輛雙輪車四百輛單輪弩車
四十輛會典

俞大猷造獨輪車大同巡撫李文進上其制於朝遂置兵
車營京營有兵車自此始俞大猷傳

四十三年題准京營用兵車每營四百輛共二千輛每輛
容步卒五人發營教演會典

隆慶初戚繼光議立車營車一輛用四人推輓戰則結方
陣而馬步處其中繼光傳

三年遼東巡撫魏學曾請設戰車營於廣甯倣偏箱之制
從之世法錄

楊博總督宣大山西軍務請造偏箱車百輛有警則右衛
車東左衛車西使相聲援楊博傳

明會要卷六十二

三

萬曆四十八年經略遼東熊廷弼請造雙輪戰車兵志

崇禎元年劉之綸造單輪火車偏箱車獸車劉之綸傳

戰船

太祖初起廖永安兄弟偕俞通海等以舟師自巢湖來歸
廖永安傳

沿海衛所每千戶所設備倭船十隻每百戶船一隻每衛
五所共五十隻每船旗軍一百戶春夏出哨秋冬回守月

支行糧四斗船有虧折有司補造損壞者軍自修理王圻考
洪武五年詔瀕海九衛造海舟六百六十艘已復命改造

輕舟多其樁以便追逐

六年德慶侯廖永忠請令廣洋江陰橫海水軍四衛增造多櫓快船沿海巡徼已上世錄

十三年六月命延安侯唐勝宗督造海船大政記

十七年命滎陽侯鄭遇春東川侯胡海於金吾諸衛造一百八十艘

二十三年衛卒陳仁言蘇州太倉所造之舟歲久圯一有緩急假漕舟以代器用不利願留意上是之二十七年遂敕都督率舟師鎮太倉

成祖卽位屢命浙江等都司各增造凡千一百八十艘

正統中御史李奎按浙江言洪武時所存舟七百三十未

明會要卷六十二

四

足備用請更造命侍郎周忱往計之

成化初濟川衛楊渠言巡江之備宜多設槳舟風便則眾帆齊舉風止則眾槳並發水戰長技也因具圖進

嘉靖中倭闖入南都新江口額設四百艘後爲當事者減其半於是江防益弛魏國公徐鵬舉以爲言乃命復之已上世錄

錄

新江口戰船永樂五年額設一百三十一隻宣德以後增至三百一十九隻至成化十年堪操者止一百四十隻嘉靖四年添造蜈蚣船四隻每船架佛郎機銃十二副七年奏准新江口造完戰巡等船共四百隻每十隻爲一幫日

輪軍一人看守

萬曆二十五年南京給事中鄭明選奏備倭之策有補水兵造戰艦二條已上王圻考

烏艚閩制耐風濤且禦火戰以下皆海舟

十裝標號輒風蒼山皆越制利追逐

大福船容百人底尖上闕柁樓三重可順風行不能逼岸泊

海蒼船視福船稍小艚船視海蒼更小

沙船可接戰上無翼蔽不能禦火器矢石鷹船兩端銳進退如飛

明會要卷六十二

五

網梭船形如梭定海臨海象山俱有之

蜈蚣船象形也能駕佛郎機銃兩頭船旋轉在柁因風四馳諸船無逾其速又有八卦六花船車輪舸破船舸鴛鴦

槳子母舟等名已上明史彙

馬政

馬之屬內廐者曰御馬監中官掌之牧於大壩蓋倣周禮十有二閑意牧於官者爲太僕寺行太僕寺苑馬寺及各軍衛卽唐四十八監意牧於民者南則直隸應天等府北則直隸及山東河南等府卽宋保馬意兵志洪武八年二月命刑部尙書劉惟謙申明馬政論曰馬政

國之所重近命設太僕寺俾畿甸之民養馬恐所司牧養失宜或擾害養馬之民皆當告戒昔漢初一馬值百金天子不能具鈞駟及武帝時眾庶街巷有馬千百成羣遂能北伐強胡威服戎狄唐初纔得馬三千及張萬福為太僕至七十餘萬此非官得其人馬政修舉故耶其為朕申明馬政嚴督有司盡心芻牧務底蕃息違者罪之昭代典則隆慶元年奏准有司貪縱馬政廢弛駁其瘵損分數以輕重議罪兵備道所轄有種馬州縣者於敕中增入帶管馬政每歲令查點二次毋滋煩擾是年十月兵部以軍興缺馬請量派各府州縣加徵本色

明會要卷六十二

六

惟南直隸收折色上從之三年十一月從巡撫沈應時請發太僕寺銀一萬二百兩給甯夏鎮為買馬之費已上王圻考民閒孳牧 洪武七年設羣牧監二十八年廢牧監專令民牧江南十一戶江北五戶養馬一復其身太僕官管理歲正月至六月報定駒七月至十月報顯駒十一月二月報重駒兵志永樂元年七月丙戌諭兵部臣曰比聞民間馬價騰貴蓋民不得私畜故也漢文景時閭里有馬千百為羣民有即國家之有其榜諭天下聽軍民皆畜馬官吏不得禁三五

年後馬漸蕃息日知錄之餘十二年令北畿民計丁養馬十五丁以下一匹十六丁以上二匹為事編發者七戶一匹得除罪兵志十四年北京行太僕寺卿楊砥定牧馬法請令民五丁養種馬一匹十馬立羣頭一人五十馬立羣長一人養馬家歲蠲租糧之半楊砥傳十五年定南方養馬例江北五丁一匹江南十丁一匹二十五年令民養官馬者二歲納駒一匹已上會典宣德三年定北直隸三丁養騾馬一二丁養兒馬一免糧草之半

明會要卷六十二

七

四年令山東濟南兗州東昌民養馬五丁養騾馬一三丁養兒馬一不在免糧之例正統十一年令河南彰德衛輝開封民養馬已上世法錄景泰三年奏准凡兒馬十八歲以上騾馬二十歲以上免算駒王圻考成化二年以南土不產馬改徵銀六年吏部侍郎葉盛言向時歲課一駒而民不擾者以芻牧地廣民得為生也自蒙右莊田漸多養馬漸不足洪熙初改兩年一駒成化初改三年一駒馬愈削民愈貧然馬卒不可少乃復兩年一駒之制民愈不堪請救邊鎮隨俗

所宜凡可以買馬足邊軍民交益者便宜處置已上兵志
二十三年鎮江知府熊佑奏賣種馬兵部尙書余子俊議
養馬課駒祖宗百年之成法解徵價銀乃官府一時之權
宜今若盡去種馬歲出銀三千兩以抵馬價然必有種馬
始可科駒既賣種馬而徵馬價是猶無田而徵租上有無
藝之征下出無名之賦馬政益廢民情不堪其後有論去
種馬者兵部輒奏報罷

邱濬陳編戶養馬之害甚於熙甯保馬之法民既供芻糧
以給公家之用復備芻秣以爲官馬之養又生必報數死
必責償生者歲增而供之者愈難死者日繼而償之者無

明會要卷六十二

八

已民安得而不窮且盜也夫使百姓竭力破產以供馬而
官得其用猶可言也今所養之馬率皆小弱羸劣使馳逐
數十里固已頓憊况望其驍騰禦敵乎是官民胥失之也
宏治六年太僕少卿彭禮言民間戶口有限而課駒無窮
請定種馬額止十萬匹歲取駒二萬五千著爲令不復增
添已上世法錄
正德時御史王濟言民苦養馬馬日瘵削無濟實事今種
馬地畝一丁歲取有定額請以其額數令民買馬而種馬
孳生縣官無與兵部是其言自後責駒於民遺母求子矣

兵志

嘉靖三十七年鳳陽巡撫李遂奏江北原隰曠野本爲騎
射之地倭夷兇狡善於衝突我兵新集置陣不堅必須借
以馬力用爲前驅臣查得前任巡撫蔡克廉請於種馬內
暫借應用已經欽遵施行緣今錢糧缺乏收買無資春氣
已深措處不及臣請於各屬種馬內選撥一二千匹暫時
借用分給客兵騎坐以便馳突期以二月初旬領出至六
月終交還官爲餵養不致瘵損無虧於孳息而有益於戰
守揆之事理似亦相應疏入帝從之明臣奏議

明會要卷六十二

九

隆慶二年太常少卿武金言種馬之設原爲孳生備用備
用馬既別買則種馬可遂省今備用馬已足二萬宜令每
馬折銀三十兩解太僕種馬盡賣輸兵部一馬十兩則直
隸山東河南十二萬匹可得銀百二十萬且收草豆銀二
十四萬御史謝廷傑謂祖制所定關軍機不可廢兵部是
廷傑言而是時內帑乏竭方分使括天下逋賦穆宗可金
奏下部議部請養賣各半從之兵志
萬曆九年盡賣民間種馬上馬八兩下至五兩又折徵草
場地租銀以供團營買馬及各邊之請迨帝晚年師役繁
興往往借支太僕銀久之銀與馬兩竭固政大壞三編
軍衛孳牧 凡在京在外衛所俱有孳牧馬匹以給官軍
騎操之用在京及南北直隸衛所屬兩京太僕寺在外屬

各該行太僕寺苑馬寺及都司皆委官提督每衛指揮一員所千百戶一員專管孳牧其搭配科駒起解比較等項悉照民間事例會典

洪武二十三年令飛熊廣武英武等衛每五戶養馬一匹同上

永樂三年令衛所孳牧馬匹三年一次造冊管馬官齋執赴京比較世法錄

十四年令薊州山海諸衛屯軍每人養種馬一匹免納子粒會典

十七年以馬益蕃命薊州迤東等衛分牧

明會要卷六十二

十

十九年太僕寺言順聖川牧養蕃息命給懷來薊州衛各千匹宣府等衛萬匹已上世法錄

二十二年九月諭兵部曰今太僕馬增數倍而畿民一夫或畜三匹四匹畢力於此耕桑盡廢其散馬給諸衛所及臨邊戍卒養習之

宣德元年七月均薊州軍戶畜馬初以薊州之東地廣草肥宜畜牧令永平衛軍人牧牝馬一免他役後軍士調發既多畜者皆老幼殘疾之人一人有畜至二三十匹者兩歲責納一駒人愈窮困馬亦耗巡按御史李驥奏請變通帝命兵部視薊州諸衛馬少者分給均養已上三編

成化時馬文升巡撫陝西極論邊軍償馬之累請令屯田卒田多丁少而不領馬者歲輸銀一錢以助賠償

宏治三年敕陝西巡撫蕭禎曰洪武永樂間陝西遼東各設苑馬寺專領孳牧當時官得其人提督有方每寺所畜官馬不下二三萬匹供各邊之用自正統十四年驚擾之後無官查驗遂至耗廢凡遇邊方缺馬動輒來京奏討所費不貲凡各寺所設官員與其養馬軍丁牧馬草場視昔不減而馬數迥異如此蓋繫乎官之得人與否耳近因廷臣建議修舉馬政慮各寺種馬數少宜先添補已齋銀委官收買種馬二千匹爾宜嚴加比較務臻實效以裨國用

明會要卷六十二

十一

四年南京御史吳海言比者兵部尙書張瑩奏查南京各衛牧養草場悉令還官南京各衛馬少原額草場數多若盡留爲空閒之區不惟遺棄地利抑且無益馬政宜先儘各衛馬數多寡量留牧放其餘俱佃與原種軍民照畝徵科以備買馬之費俟各衛馬多之日仍將草場還官爲便

十三年撫甯侯朱永奏奮武等十二營出征馬每歲於草場牧放止留三千六百匹今邊警方急請增萬五千匹以備調用戶部以芻豆不足若增馬不免橫徵於民上命增一千如例給以芻豆

十五年楊一清督理陝西馬政奏言我朝以陝右宜牧設

監苑跨二千餘里後皆廢惟存長樂靈武二監今牧地止數百里然以供西邊尙無不足但苦監牧非人牧養無法耳兩監六苑開城水泉便利宜爲上苑牧馬萬廣甯萬安爲中苑黑水草場逼窄清平地狹土瘠爲下苑萬安可五千廣甯四千清平二千黑水千五百六苑歲給軍外可常牧馬三萬二千五百足供三邊用然欲廣孳息必多畜種馬宜增滿萬匹兩年一駒五年可足前數請支太僕馬價銀四萬二千兩於平慶臨鞏買種馬七千又兩監六苑原額養馬恩隊軍共一千二百二十人縱使句補完足數亦不多若不增置牧軍難收蕃息之效陝西衛請以各處逃

明會要卷六十二

三

亡流民編爲養馬軍人給撥草場使之住牧已上世法錄

京府寄牧 正統十四年北虜入寇言者以馬遍在民間猝不及調發遂命取所在備用之馬寄牧近京盡以故時種馬給俵永平諸府

宏治七年令保定府所屬易州新城雄定興容城新安涞水七州縣河間府所屬靜海任邱青三州縣照丁給發舊例計地編戶戶養一馬初年五萬六百餘戶十年一編嘉靖開改五年一編減存三萬戶後實編二萬一千八百五十八戶

順天府二十七州縣原額寄養馬四萬一千一百六戶除

嘉靖等年奏減外後實編一萬七千二百九十六戶內昌平州隆慶六年豁免保定府七州縣原額六千四百七十六戶後實編三千一百二戶河間府三縣原額三千三十六戶後實編一千四百六十戶

宏治中王鏊言太僕印駒散牧近甸一旦有事取之爲近恐一家不能獨任使數家朋牧之然牧無常主姦弊百出於是有故病其馬以規免而官刑日滋民有養馬之苦官無得馬之利其法不可少變乎

九年太僕寺卿楊廷儀言寄養者計五十畝之人以爲經年之費前馬纔免於官後馬復俵而至馬不給軍苦於供

明會要卷六十二

三

養馬或倒失慮其賠償比之孳牧其害常十之七往年太僕驗發馬匹皆精神臚壯及至差官點視則皆老瘠不堪蓋水草不時必至多病兌驗不得遂至衰老是以寄養之害常十之九

十三年兵部尙書王瓊奏山西鎮巡等官奏稱見在官軍萬五千餘名有見馬四千八百餘匹乞於寄養馬內量撥四五千匹今太僕寺寄養馬少正德九年山西三關有給銀買馬之例宜與動支三萬兩委官收買嘉靖四十五年御史顧廷對奏前命寄養馬戶田地拋荒悉免養馬止留三萬戶今冊內除減免外尙存四萬戶計

馬墩一萬九千一百八十七匹點驗之後續發三千餘匹求其堪兌軍者僅七千匹餘俱老瘠難作實數蓋近京地稱瘠薄舊規養馬田地俱有免徵今一概徵派以一人之身應各項之役如是而責馬之臆壯難矣今惟減額以協眾力請寄養人戶以二萬五千爲額每年養馬以二萬爲準多不過二三千其餘人戶編入二萬五千戶內相助餵養各該州縣宜分別上中下三等以二萬五千額數照等酌派庶貧富不偏苦樂適均

隆慶二年兵部言祖宗舊制寄養馬二萬餘匹拱衛京師其後各邊有警調用名曰借兌乃一時之權但寄養於小

明會要卷六十二

十四

民依解每愆其期消耗於邊鎮裁節未定其數宜覈邊鎮耗馬之弊杜奏討之門

四年定寄養州縣各掌印官審別上中戶領養單丁寡婦殘疾者不得僉派已上世法錄

崇禎時遼東督師袁崇煥以缺馬請於兩京州縣寄養馬內折三千匹價買之西邊太僕卿涂國鼎言祖宗令民養馬專供京營騎操防護都城非爲邊也後來改折無事則易馬輸銀有警則出銀市馬仍是爲京師備禦之意今折銀已多給各鎮如并此馬盡折萬一變生奈何帝是其言卻崇煥請兵志

印馬

洪武間令孳生馬駒每年三月江南赴南京牧馬千戶所印俵江北赴南京太僕寺印俵

舊例印馬差公侯伯或駙馬一員兵部委官一員景泰閒罷侯伯等官差御史二員已上世法錄

宣德八年奏准江北賠補馬匹俱從南京太僕寺印烙考

成化十六年令凡馬非經官印驗者不收

二十三年令買補備用馬免其用印止令起解以備選擇宏治四年定凡印烙馬匹民馬照舊印左給軍則印右如

明會要卷六十二

十五

京營邊關馬無右印卽係盜買追究問罪已上世法錄

六年令孳生兒駒看驗不堪及騾駒多餘者俱免印烙從其變賣以充買補之數王折考

茶馬

洪武五年立茶馬司於川陝聽西番納馬易茶賜金牌信符以防詐僞每三歲遣廷臣召諸番合符交易上馬茶百二十斤中馬七十斤下馬五十斤以私茶出者罪死雖勳

戚無貸末用茶五十餘萬斤易馬至萬三千五百餘匹世法錄

三十年改設秦州茶馬司於西甯撤秦蜀二府發都司官

軍於松潘蜀門黎雅河州臨洮及入西番關口外巡禁私茶之出境者

永樂七年以茶禁稍弛用茶八萬三千餘斤止易馬七十

匹且多瘵損乃申嚴茶禁已上兵志

十三年遣御史巡督陝西茶馬

正統十四年罷茶馬金牌歲遣行人巡察

成化十四年定差御史一員領敕專理茶馬每歲一代為定則

定則

十五年令巡茶御史招番易馬不拘年例願來者聽已上世法

錄

明會要卷六十二

六

宏治三年以各邊缺馬令招商報茶西甯河州各四十萬

斤洮州二十萬斤運赴原按茶馬司以茶百斤易上馬一

匹八十斤易中馬一匹會典

大學士李東陽言金牌制廢私茶盛行有司又屢以敝茶

給番族番人抱憾往往以羸馬應宜嚴敕陝西官司揭榜

招諭復金牌之制嚴收良茶頗增馬直則得馬必蕃

十五年御史王紹奏成化初易馬歲以萬計近年十不及

一緣私茶之禁不行而召商報中之弊復有以啟之請自

今停開中之例嚴私茶之禁世法錄

是年命楊一清督理陝西馬政遂并理鹽茶因奸人多挾

私茶闖出為利番馬不時至一清嚴為禁盡籠茶利於官

以服致諸番番馬大集一清傳

正德元年一清請令巡茶御史兼理馬政報可

嘉靖三十年令改造勘合分給諸番每歲齎執納馬酬以

茶斤如有背違調軍征剿又令年例馬完番有餘馬司有

餘茶聽其增中報解

三十一年題准馬政茶法二事相須令巡茶御史兼管馬

政督理二寺事務

三十七年議令茶商收買民馬抽稅給票許其販賣禁其

夾帶至四十年仍禁止茶商販賣民馬

明會要卷六十二

七

四十一年置甘肅茶馬司照例中茶易馬

四十二年題准每年開茶止五六十萬斤商人以一百五

十名為上勒限買茶報中

隆慶四年議准各茶易中馬除年例馬數外儘調番族好

馬通融招易毋拘定數以病商番已上世法錄

草場

洪武六年置草場於湯泉滁州等地三十年定北邊牧馬

草場自東勝以西至甯夏河西察罕腦兒以東至大同宣

府開平又東南至大甯遼東抵鴨綠江又北千里而南至

各衛分守地又自雁門關西抵黃河外東歷紫荊居庸古

北口抵山海衛荒閒平野非軍民屯種者聽諸王駙馬以至近邊軍民樵採牧放在邊藩府不得自占已上世法錄

永樂中置草場於畿甸尋以順聖川至桑乾河百三十餘里水草美令以太僕千騎使懷來衛卒百人分牧兵志

二十二年令戶部錦衣衛各委官查勘五府牧馬草場有妨占民田者另撥官地與民為業

成化九年侍郎焦宏奏臣等踏勘灞上大馬房諸處草場多被內官侵占以致馬日瘵損乞悉令還官歲遣科道巡視敢如前侵占者罪之

十年令陝西榆林等處各營堡草場界限明白敢有那移

盜耕者依律問擬已上世法錄

宏治八年兵部尚書馬文升奏洪武永樂閒京衛於空野官地置立牧馬草場在京各營草場不下數千餘頃夏秋之閒足資牧放今京營草場俱被勢要之家或親王占為已有亦有被軍民開耕占種者凡遇馬匹下場牧放無處存住乞敕科道清查已耕者係親王管業另撥無礙地補還退出草場牧馬其餘不分內外勢要之家俱令退出仍立石鐫刻四至以示久遠自後不許一人奏請明臣奏議

九年遣官踏勘各處牧馬草場凡占種者均令退出內堪種地土佃與近場軍民耕種每畝徵租上等七分中等五

分收存各府州縣庫給民幫助買馬不堪種地土仍舊牧馬

十四年以草場租銀太重從科道奏減額徵銀解太僕寺收儲以備買馬支用已上王圻通考

十五年楊一清督理陝西馬政諸監草場原額十三萬三千七百餘頃存者已不及半一清覈之得荒地十二萬八千餘頃又開武安苑地二千九百餘頃兵志

十八年題准京外牧馬草場除各衛所存留蓄草牧馬外其勘定上中下等則田地原有軍民佃種者每畝上地徵銀五分中地三分下地二分王圻通考

正德初榮王祐樞乞霸州信安鎮田故牧地也部臣言永樂中設立草場蕃育馬匹以資武備至成化中近倖始陳乞為莊後岐壽二府相沿莫之改正及孝宗皇帝留神戎務清理還屯不以私廢公也今榮王就國有期所請宜勿與榮王傳

正德九年四月御馬房太監陳貴葉陽以馬房屋宇傾圮奏欲開耕草場地以資修理戶科都給事中張文等言我朝養馬倣周人牧師之制於內地民耕之外各營設置草場每夏秋牧放縱其馳逐馬太蕃息而武事以修所以尊國勢而防寇患也近日錦衣指揮傅聰御馬太監錢能各

緣父兄之故請草場為業既誤許之於是貴陽遂有此奏
臣等考之正統時提督人員有侵其地者英宗令改正戒
再犯必殺母赦成化閒太監李良都督李玉等各侵苜蓿
地詔罰玉俸三月仍遣官覈實以正其經界近年太監覃
昌陸愷奏討香河等縣草場壽府仁壽宮奏撥永清等縣
草場給事中周旋查出先帝令照數還官今貴陽聰能何
人乃敢以香火為詞而留數百畝以修理為詞而乞數千
畝欲以一時之私情壞累世之成憲將必至於草場蕩廢
馬政空虛而後已乞絕其私請令原差科道官通行覈實
辨別定界並揭累朝禁約之旨使知遵守不敢輕犯上是

明會要卷六十二

三

之仍令修理工完即止世法錄

嘉靖二年清覈勸戚田土并覈御馬監草場備得谷大用
竊柄時侵占民業萬餘頃皆李璽希旨妄勘以奉大用者
言官請置於理上難之楊廷和請追其半以備賑不報王
考

明會要卷六十二終

明會要卷六十三

永新龍文彬纂

兵六

邊防

明初設遼東大同宣府延綏四鎮繼設甯夏甘肅薊州三
鎮鎮守皆武職大臣提督皆文職大臣又以山西鎮巡統
馭偏頭三關陝西鎮巡統馭固原亦稱二鎮遂為九邊
洪武二年命大將軍徐達等備山西北平邊兵志
三年淮安侯華雲龍上言北平邊塞東自永平薊州西至
灰嶺下隘口一百二十一相去可二千二百里其王平口

明會要卷六十三

一

至官坐嶺隘口九相去五百餘里俱衝要宜設兵紫荊關
及蘆花仙嶺尤要害宜設千戶守禦所從之華雲龍傳

又詔山西都衛於雁門關太和嶺并武朔諸山谷間凡七

十三隘俱設戍兵兵志

六年鄧愈以右副將軍從徐達巡西北邊鄧愈傳李文忠行

山西北平邊李文忠傳

九年敕燕山前後等十一衛分兵守古北口居庸關喜峯

口松亭關烽墩百九十六處參用南北軍士兵志

十一年周武出理河南鹽務巡撫北邊吳復傳

十九年十二月命馮勝分兵置衛控制大甯諸邊昭代典則

二十年置北平行都司於大甯封皇子權為甯王調各衛

戍守二十五年築東勝城於河州東受降城之東設十六

衛與大同相望自遼以西數千里聲勢聯絡兵志

三十年武定侯郭英副征西將軍耿炳文備邊陝西郭英傳

永樂元年三月徙大甯都司於保定以大甯地界烏梁海

舊作兀良哈自是洪武中所築諸城盡廢北邊失一重鎮至天

順末遼河東西及三岔河北故地悉為烏梁海所有遼東

宣府聲援隔絕矣編三

六年顧成上書請嚴備西北諸邊顧成傳

十年敕邊將治濠垣自長安嶺迤西至洗馬林皆築石垣

深濠塹以固防禦編三

十二年徐亨守開平將輕騎往來興和大同備邊徐亨傳

宋晟四鎮涼州前後二十餘年成祖以晟有大將材專任

以邊務敕便宜行事晟嘗請入朝報曰西北邊務一以委

卿非召命毋輒來宋晟傳

二十一年劉才偕隆平侯張信理永平山西邊務徐亨傳

宣德五年六月遷開平衛於獨石永樂間大甯既棄開平

勢孤至是棄地三百里盡失龍岡灤河之險邊備益虛編三

正統元年總兵史昭以甯夏孤懸河外東抵綏德二千里

曠遠難守請於花馬池築哨馬營增設烽埃直接哈刺兀

速之境邊備大固史昭傳

二年遣兵部尚書王驥經理甘肅邊務編三命都御史陳鑑

巡延綏甯夏邊已又命與王驥巡視甘肅甯夏延綏邊聽

便宜處置陳鑑傳

命刑部侍郎魏源整飭大同宣府諸邊許便宜行事源按

行天城朔州諸險要令將吏分守設威遠衛增脩開平龍

門城自獨石抵宣府增置墩埃儲火器為邊備魏源傳

四年詔塞紫荊關諸隘口增守備軍時衛喇特漸強從成

國公朱勇請也兵志

六年大舉征麓川侍講劉球上疏曰臣聞帝王之馭四裔

必有其小而防其大所以適緩急之宜為天下久安計也

周伐崇不克退脩德教以待其降至於獯豸則命南仲城

朔方以備之漢征南越不利即罷兵賜書通好至於匈奴

雖已和親猶募民徙居塞下入粟實邊復命魏尚守雲中

拒之今麓川殘寇思任發素本羈屬以邊將失馭致勤大

兵雖渠魁未殲亦多戮羣醜為誅為舍無繫輕重璽書原

其罪費使得自新甚盛德也邊將不達聖意復議大舉欲

屯十二萬眾於雲南以趣其降不降則攻之不慮王師不

可輕出蠻性不可驟馴地險不可用眾客兵不可久淹况

南方水旱相仍軍民交困若復動眾紛擾為憂臣竊謂宜

明會要卷六十三

二

明會要卷六十三

三

緩天誅如周漢之於崇越也至衛拉特終為邊患及其未
即騷動正宜以時防禦乃欲移甘肅守將以事南征猝然
有警何以為禦臣竊以為宜慎防邊如周漢之於獯狁匈
奴也伏望陛下罷大舉之議推選智謀將帥輔以才識大
臣量調官軍分屯金齒諸要害結木邦諸蠻以為援乘間
進攻因便撫諭寇自可服至於西北障塞當救邊臣巡視
濬築溝垣增繕城堡勤訓練嚴守望以防不虞有備無患
之道也劉球傳

九年正月右都御史王文出視延綏甯夏邊務八月敕諸
將嚴邊備九月命靖遠伯王驥右都御史陳鑑經理西北

明會要卷六十三

四

邊防紀本

十二年三月徙沙州衛之眾於山東初太祖成祖以次置
哈密沙州罕東赤斤四衛於嘉峪關外屏蔽西陲至是從
甘肅總兵任禮請遷沙州內地諸衛亦漸不能自立肅州
遂多事

十四年十一月癸未脩沿邊關隘

景泰元年二月遣武清侯石亨都指揮同知楊能巡邊已上三編

成化元年延綏總兵官張傑言延慶等境廣袤千里所轄
二十五營堡每處僅一二百人難以應敵宜選精銳九千
為六哨分屯府谷神木二縣龍州榆林二城高家安邊二

堡庶緩急有備又請分布鄜慶防秋軍二千餘人於沿邊
要害從之兵志

二年八月遣兵部尚書王復出視陝西邊備復上言延綏
東起黃河岸西至定邊營接甯夏花馬池縈紆二千餘里
險隘俱在內地而境外乃無屏障止憑墩堡以守軍反居
內民顧居外敵一入境官軍未行民遭掠已盡矣又西南
抵慶陽相去五百餘里烽火不接寇至民猶不知其迤北
墩墩率皆曠遠非禦邊長策請移府谷響水等十九堡置
近邊要地而自安邊營接慶陽自定邊營接環州每二十
里築墩臺一計凡三十有四隨形勢為溝牆庶息響相聞

明會要卷六十三

五

易於守禦其經略甯夏則言中路靈州以南本無亭燧東
西二路營堡遼絕聲聞不屬致敵每深入亦請建置墩臺
如延綏計為臺五十有八其經略甘肅則言永昌西甯鎮
番莊浪俱有險可守惟涼州四際平曠敵最易入又水草
便利輒經年宿留遠調援軍兵疲銳挫急何能濟請於甘
州五衛內各分一千戶所置涼州中衛給之印信其五所
軍伍則於五衛內餘丁選補且耕且練斯戰守有資兵威
自振又言洪武間建東勝衛其西路直達甯夏皆列烽墩
自永樂初北寇遠遁因移軍延綏乘河不守誠使兵強糧
足仍準祖制據守黃河萬全計也今河套未靖豈能遠復

然亦宜因時損益延綏將校視他鎮爲少調遣不足請增
置參將二人統軍九千使駐要地互相援接實今日急務
奏上皆從之王復傳

三年大學士商輅疏臣惟禦敵之要邊城爲急邊關次之
大同宣府等處軍馬宜多糧草宜廣若不豫爲處置一旦
有警倉卒調遣遲則緩不及事速則人馬疲乏虛費糧賞
迄無成功乞救該部會議凡前項緊關城堡酌量添撥軍
馬糧草增置墩臺器械遇有聲息相機行事不必臨期調
撥其山海至雁門關中如喜峯古北居庸白羊紫荆倒馬
關口雖有官軍守備然各關地方散闊多有山坡小徑可

明會要卷六十三

六

通人馬如往年邊警何曾經由正關率皆越山而來後雖
差官脩理恐歲月經久或被雨水衝突或因樵採開通徒
守正關敵至莫禦乞差大臣一員督同各關守備官員帶
領軍夫逐一營築堅固則邊關謹嚴內地人心不致驚疑

明臣奏議

六年三月命撫甯侯朱永都御史王越禦敵延綏

八年五月命武靖侯趙輔偕王越帥師撥河套次於榆林
十年延綏巡撫余子俊築邊牆東起清水營紫城砦西抵
花馬池延袤千七百七十里凡築城堡十一邊墩十五小
墩七十八崖砦八百十九牆內地悉分屯墾歲得糧六萬

餘石已上三編

十二年兵部侍郎滕昭英國公張懋條上邊備言居庸關
黃花鎮喜峯口古北口燕河營有團營馬步軍萬五千人
戍守請益軍五千分駐永平密雲以策應遼東涼州鎮番
莊浪賀蘭山迤西從雪山過河南通靖虜直至臨鞏俱敵
入犯之路請調陝西官軍益以甘涼臨鞏秦平河洮兵戍
安定會甯遇警截擊以涼州銳士五千扼要屯駐彼此策
應報可兵志

明會要卷六十三

七

正德元年總制三邊楊一清言受降據三面險當千里之
蔽國初舍受降而衛東勝已失一面之險其後又輟東勝
以就延綏則以一面而遮千餘里之衝遂使河套沃壤爲
寇巢穴深山大河勢乃在彼而甯夏外險反南備河此邊
患所以相尋而不可解也誠宜復守東勝因河爲固東接
大同西屬甯夏使河套方千里之地歸我耕牧屯田數百
萬畝省內地轉輸策之上也如或不能及今增築防邊敵
來有以待之猶愈無策因條其便宜帝可其奏楊一清傳
嘉靖十六年山西巡撫韓邦奇奏山西三關一帶沿邊地
方甯武以東隘口及山岡平漫之處雖敵騎可通然有險
可據得人以守敵終不能長驅而入甯武以西與敵切近
爲鄰地平曠敵騎可以長驅無阻而原設兵將比之他邊

甚少城堡亦稀疏然前此敵人少侵犯者以大同重兵爲之屏蔽也今者大同之境時被侵犯勢難他及三關之地已爲大邊極塞而老營堡一路平曠兵馬寡弱將官城堡稀少敵騎擁眾南下其何能支各處大邊如宣府延綏等處敵皆不得肆然而入一則兵力強盛一則關山險隘一則百戰之餘豪傑彙生皆未有如老營堡之空虛爲可乘者也敵若圖入中國惟此途甚便以臣計之岢嵐州實中外之界有險可據宜設參將益兵三千神池堡要害之地宜拓一城設一守備益兵五百八角之東甯武之西八角之西偏頭之東適中之地亦各爲一堡各設一守備或於

明會要卷六十三

八

五塞前後設立據險以便截殺亦各益兵五百所益之兵聽臣等召募或於民壯中戶大者僉取推選謀勇都督領之駐紮甯武其山西汾州等衛所防禦大同官軍仍撤回三關防守遇有警急與大同互相應援如此不惟三關之兵威可振而大同之軍勢亦壯疏入從之明臣奏議十八年山西巡撫陳講請以兵六千戍老營堡東略之長峪以山西兵守大同三關形勢甯武爲中路莫要於神池偏頭爲西路莫要於老營堡皆宜改設參將雁門爲東路莫要於北樓諸宜增設把總指揮而移神池守備於利民堡老營堡遊擊於八角所各增軍設備帝悉許之兵志

二十二年程鵬總督宣大疏請東自平刑西至偏關畫地分守遊兵三支分駐雁門甯武偏關寇攻牆戍兵拒游兵出關夾攻此守中有戰東大同西老營堡因地設伏伺寇所向又於宣大三關間各設勁兵而別選戰士六千分兩營遇警令總督武臣張鳳隨機策應此戰中有守帝從其議程鵬

二十四年巡按御史陳豪言敵犯山西傷殘百萬饋餉六十億曾無尺寸功請定計決戰盡復套地兵志二十五年曾銑總督陝西三邊軍務上疏言賊據河套侵擾邊鄙將百年孝宗欲復而不能武宗欲征而不果使吉

明會要卷六十三

九

囊據爲巢穴出套則寇宣大三關以震畿輔入套則寇延甯甘固以擾關中深山大川勢顧在敵而不在我封疆之臣曾無有以收復爲陛下言者蓋軍興重務也竊嘗計之秋高馬肥弓矢勁利彼聚而攻我散而守則彼勝冬深草枯馬無宿橐春寒陰雨壤無燥土彼勢漸弱我乘其敝則中國勝臣請以銳卒六萬益以山東槍手二千每當春夏交攜五十日餉水陸交進直搗其巢材官驍發礮火雷激則寇不能支此一勞永逸之策萬世社稷所賴也遂條八議以進帝壯其言命諸邊臣議之銑復條上十八事降旨優獎者再尋爲嚴嵩讒構竟棄市自是無敢言邊事者銑

傳

宣大總督翁萬達言山西保德州河岸東盡老營堡凡二百五十四里西路了角山迤北而東歷中北路抵東路之東陽河鎮口臺凡六百四十七里宣府西路西陽河迤東歷中北路抵東路之永甯四海治凡一千二十三里皆逼臨巨寇險在外者所謂極邊也老營堡轉南而東歷甯武雁門北樓至平刑關盡境約八百里又轉南而東為保定界歷龍泉倒馬紫荆吳王口插箭嶺浮圖峪至治河口約一千七十餘里又東北為順天界歷高崖白羊抵居庸關約一百八十餘里皆峻嶺層岡險在內者所謂次邊也敵

明會要卷六十三

十

犯山西必自大同入紫荆必自宣府未有不經外邊能入內邊乃請修築宣大邊牆千餘里烽埃三百六十三所後以通市故不復防遂半為敵毀

兵志

二十六年翁萬達議撤山西內邊兵併力守大同外邊巡撫孫繼魯抗疏爭言紫荆居庸山海諸關東枕溟渤雁門甯武偏頭諸關西據黃河天設重險以藩衛國家豈可聚師曠野洞開重門以延敵夫紫荆諸關之拱護京師與雁門諸關之屏蔽全晉一也今議者不撤紫荆以併守宣府豈可獨撤雁門以併守大同耶况自偏頭甯武雁門東抵平刑關為山西長邊自右衛雙溝墩至東陽河鎮口臺為

大同長邊自了角山至雙溝百四十里為大同緊邊自了角山至老牛灣百四十里為山西緊邊論長邊則大同為急山西差緩論緊邊則均為最急此皆密邇河套譬之門闔山西守左大同守右山西併力守左尚不能支又安能分力以守大同之右近年寇不敢犯山西內郡者以三關備嚴故也使三關將士遠離堡戍欲其不侵犯難矣全師在外強寇內侵即紫荆倒馬諸關不將徒守哉

孫繼魯傳

明會要卷六十三

十一

彼知不可驟期必不為苟且且夕計又必稍寬文網非大千憲典言官毋得輕劾以壞其成功又寇貪而好利我誠不愛金帛東賂黃毛三衛以牽其左西收亦不刺遺種子善地以綴其右使首尾牽掣自相狼顧則我可起乘其敝坐收全勝矣

胡松傳

三十八年尙書楊博言九邊薊鎮為重請救邊臣逐大同寇使不得近薊宣大諸將從獨石偵情形豫備黃花古北諸要使一騎不得入關即首功也帝是之

楊博傳

隘之險難以突入以故薊鎮山西雖春夏之交猶當戒嚴况茲秋高月朗萬一不慎未免墮其計中臣等節次申飭各該督鎮巡官在薊鎮則畫地分區步兵拒牆擺守騎兵按伏援應以守為戰在宣府則山南山北添布兵馬在大同則遠哨廣備清野堅壁在山西則嚴拒陽方等口在保定則分防紫荆等關以戰為守其餘一切機宜臣等逐一參酌舉行疏入從之明臣奏議

四十三年王崇古巡撫甯夏具知諸邊阨塞身歷行陣脩戰守納降附數出兵擣巢寇屢殘他鎮甯夏獨完王崇古傳

隆慶元年譚綸總督薊遼保定實務言薊鎮練兵十年然

明彙卷六十三

三

竟不效者任之未專而行之未實也今宜責臣綸繼光令得專斷勿使巡按巡關御史參與其間穆宗用張居正言悉以兵事委綸而論巡撫劉應節無撓綸相度邊隘衝綏道里遠近分薊鎮為十二路路置一小將總立三營東駐建昌備燕河以東中駐三屯備馬蘭松大西駐石匣備曹牆古石諸將以時訓練節制詳明譚綸傳二年五月命戚繼光以都督同知總理薊州昌平保定三鎮練兵事繼光上疏言薊之地有平原廣陌內地百里以南之形也半險半易近邊之形也山谷仄隘林薄翳翳邊外之形也寇入平原利車戰在近邊利馬戰在邊外利步

戰三者迭用乃可制勝今邊兵惟習馬耳未嫻山戰林戰谷戰之道也惟浙兵能之願更予臣浙東殺手礮手各三千再募西北壯士足馬軍五枝步軍五枝專聽臣訓練戚繼光傳

五年張學顏巡撫遼東遼鎮邊長二千餘里城寨一百二十所三面鄰敵官軍七萬二千月給米一石折銀二錢五分馬則冬春給料月給銀一錢八分即歲稔不足支數日自嘉靖戊午大饑士馬逃故者三之二前撫王之誥魏學曾相繼綏輯未復全盛之半繼以荒旱餓殍枕藉學顏首請振卹實軍伍招流移治甲仗市戰馬信賞罰黜懦將數人創平陽堡以通兩河移遊擊於正安堡以衛鎮城戰守具悉就經畫張學顏傳

明彙卷六十三

三

萬厯初方逢時總督宣大山西軍務上疏曰獨石在宣府北三面鄰敵勢極孤懸懷永與陵寢止限一山所繫尤重其地本相屬而經行之路尙在塞外以故聲援不便若設盤道之險舍迂就徑自龍門黑峪以達甯遠經行三十里南山獨石皆可朝發夕至不惟拓地百里亦可漸資屯牧於戰守為利方逢時傳四十七年以熊廷弼經略遼東甫至督軍士造戰車治火器濬濠繕城為守禦計令嚴法行數月守備大固乃上方

略請集兵十八萬分布畿陽清河撫順柴河三岔兒鎮江諸要口首尾相應小警自為堵禦大敵互為應援更挑精悍者為游徼乘閒掠零騎擾耕牧徐議相機用兵帝從之

天啟二年以孫承宗經略薊遼在關四年前後築城堡數十練兵十一萬造鎧仗數百萬拓地四百里開屯五千頃

孫承宗傳
海防
洪武五年命浙江福建建造海舟防倭

六年命總兵官於顯出海巡倭
十七年正月壬戌信國公湯和巡視沿海諸城防倭二十年湯和還凡築甯海臨山等五十九城

明會要卷六十三

古

二十年四月戊子命江夏侯周德興置福建沿海防倭衛所築城十六遂抽福興泉漳四府三丁之一為兵戍守

二十七年二月命都督僉事劉德商曷巡視兩浙防倭八月又遣魏國公徐輝祖安陸侯吳傑練兵海上防倭帝素

厭日本詭譎絕其貢使故終洪武建文世不為患

永樂六年十二月命安遠伯柳升平江伯陳瑄帥舟師沿海捕倭

十四年五月命都督同知蔡福等率兵萬人於山東沿海巡捕倭寇

十七年倭寇遼東總兵官劉江殲之於望海埭自是倭大懼百餘年間海上無大侵犯

正統七年六月遣戶部侍郎焦宏備倭

嘉靖三年六月嚴海禁
二十八倭寇起朝議設重臣巡撫浙江兼統福建沿海諸府以都御史朱統為之統至嚴申海禁獲通番者輒以便宜斬之又騰疏於朝言大姓通倭狀閩浙人咸惡之御史周亮閩人也上疏詆訐請改巡撫為巡視以殺其權御

明會要卷六十三

古

史陳九德復劾統擅殺遣官按問罷統職統仰藥死自是海禁復弛倭亂滋甚

三十三年命張經總督軍務討倭便宜行事三十四年復命趙文華督視海防經敗倭於王江涇斬一千九百餘級焚溺死者甚眾為軍興戰功第一而文華攘之以奏反誣

經論死自後倭患益熾

三十六年總督胡宗憲誅海賊徐海汪直直部三千人復句倭入寇閩廣益騷

南京御史屠仲律論守海口云守平陽港黃花澳據海門之險使不得犯温台守甯海關湖頭灣遏三江之口使不

得窺甯紹守蟹子門乍浦峽使不得近杭嘉守吳淞劉家河七了港使不得掩蘇松且宜脩飭海舟大小相比或百或五十聯爲一鯨募慣習水工領之而充以原額水軍於諸海口量緩急置防部是其議未幾兵部亦言防禦之法守海島爲上宜以太倉崇明嘉定上海沙船及福倉東莞等船守普陀大衢陳錢山乃浙直分路之始狼福二山約束首尾交接江洋亦要害地宜督水師固守報可已上兵志四十二年總兵官俞大猷副總兵戚繼光等擊倭於福建斬級二千二百有奇還被掠者二千人遂復興化其侵犯他州縣者亦爲諸將所破閩患少熄自倭起以來二十餘

明會要卷六十三

六

載攻破城邑天下騷然至是大創而去其後繼光大猷復連敗之東南始得安枕矣三編

巡撫福建譚綸請復五水寨舊制扼海口薦繼光爲總兵

官以鎮守之譚綸傳

萬曆二十年八月乙巳兵部右侍郎宋應昌經略備倭軍務十月壬寅李如松提督薊遼保定山東軍務充防海禦倭總兵官救朝鮮紀本

四十一年正月海上有倭警巡按御史張五典議用南兵教朝鮮水兵北兵教朝鮮陸兵兵部尙書王象乾謂出水陸兵寄食彼中餽餉不繼惟以中國之事責中國以屬國

乏事責朝鮮所以爲屬國謀者如是止耳因申諭朝鮮招募訓練防倭簡除戎器整備兵船務求實用以壯聲援三編

江防

太祖定鼎金陵藉長江爲天險於城南新江口置營練習水兵八千已增至萬二千人造舟四百艘又設陸兵於北岸浦子口相犄角上自安慶九江下抵蘇松通泰令巡捕寇盜鹽徒兼以防倭

永樂時特勅勳臣爲總帥視江操其後兼用御史

成化四年錦衣衛僉事馮瑤言鹽徒出沒不常官軍疲於追逐宜令江軍依地防守於瓜儀太平九江要害處置將

明會要卷六十三

七

領鎮守

十年守備定西侯蔣琬奏奉命操江官軍半皆散逸請調

建陽鎮江諸衛軍補原額

十三年命擇武職大臣一人專操江之職以定襄伯郭嵩爲之

宏治十三年尙書秦民悅言江防疏略兵不習水戰宜敕內外守備官勤閱視其後兵部言新江口兩班軍宜如京

營團操例首班歇卽以次班操從之

正德中葉昇疏防禦策謂大江之險以長淮爲蔽邇烏合之寇絡繹徐充淮泗間是故備先淮淮安故有總兵都御

史參將三人歲以領運赴京今宜定制歲一人行留二人
居守

嘉靖初都御史胡瓚條江防四事曰專委任明約束實軍
伍豫舟航

八年命增設鎮守江淮總兵官已而寇平總兵罷不設仍
以其事屬操江已上世法錄

十九年沙賊黃良等復起帝詰樞臣以罷總兵之故乃復
設給旗牌符敕提督沿江上下諸郡後復裁罷兵志

二十三年給事中萬虞愷言南京軍衛隸兵部而沿江諸
屯屬操江重江防也今浦子口遠在北方亦屬兵部都御

明會要卷六十三

六

史節制僅行於新江事權不攝宜以浦口改屬操江便且
沿江地方數千里上則安慶下則鎮江尤為要害今總兵
既罷設莫若令操江都御史駐鎮江或安慶上下其議

四十二年給事中范宗吳言故事操江都御史防江應鳳
二巡撫防海後因倭警遂以鎮江而下通常狼福諸處隸

之操江以故二撫臣得諉其責操江又以向非本屬兵難
遙制亦漠然視之非委任責成意宜以圖山三江會口為

操撫分界報可其後增上下兩江巡視御史而以南京僉
都御史兼理操江不另設已上世法錄

萬曆二十年以倭警言者請復設京口總兵南京兵部尙

書衷貞吉等謂既有吳淞總兵不宜兩設乃設兵備使者
每春汛調備倭都統衛所水陸軍赴鎮江兵志

崇禎十六年檢討汪偉上江防綱繆疏言金陵城周圍百
二十里雖十萬眾不能守議者謂無守城法惟有防江法

賊自北來淮安為要自上游來九江為要禦淮所以禦江
守九江所以守金陵也淮有史可法屹然保障九江一郡

宜設重臣鎮之自是而上之至於武昌下之至於太平采
石浦口命南京兵部大臣建牙分閫以接聲援而金陵之

門戶固矣南京兵部有重兵而無用操江欲用兵而無人
宜使緩急相應而府尹府丞之官重其權久其任聯百萬

明會要卷六十三

九

士民心以分兵部操江之責帝嘉納之汪偉傳

明會要卷六十三終

明會要卷六十四

永新龍文彬

刑一

刑制

五刑之圖凡二首圖五曰笞曰杖曰徒曰流曰死笞刑五自一十至五十杖刑五自六十至百徒刑五自一年至三年流刑三自二千里至三千里死刑二絞斬次圖七曰笞曰杖曰訊杖曰枷曰杻曰鐵索曰鑊大惡有十曰謀反曰謀大逆曰謀叛曰惡逆曰不道曰大不敬曰不孝曰不睦曰不義曰內亂雖常赦不原貪墨之賊有六曰監守盜曰

明會要卷六十四

一

常人盜曰竊盜曰枉法曰不枉法曰坐贓當議者有八曰議親曰議故曰議功曰議賢曰議能曰議勤曰議貴曰議賓

凡內外問刑官惟死罪及竊盜重犯始用拷訊餘止鞭扑常刑酷吏若用挺棍夾棍腦箍烙鐵及一封書鼠彈箠攔馬棍燕兒飛或灌鼻釘指用徑寸賴杆不去稜節竹片或鞭脊背兩踝致傷以上者俱奏請罪至充軍

凡刑部問發罪囚所司通將所問囚數不問罪名輕重分南北人各若干送山東司呈堂奏聞謂之歲報每月以見監罪囚奏聞謂之月報其做工運炭等項每五日開送工

科填寫精微冊月終分六科輪報之凡法官治囚皆有成法提人勘事必齋精微批文京外官五品以上有犯必奏聞請旨不得擅句問罪在八議者實封以聞民間詞訟非通政司轉達於部刑部不得聽理誣告者反坐越訴者笞擊登聞鼓不實者杖許告問官必覈實乃逮問至罪囚打斷起發有定期刑具有定器停刑有定月日檢驗屍傷有定法恤囚有定規籍沒亦有定物惟復讎者無明文刑法

志

吳元年九月戊寅太祖謂中書省臣李善長等曰法有連坐之條謂侵損傷人者吾以為鞠獄當平恕先王之政罪

明會要卷六十四

二

不及孥忠厚之至也自今除大逆不道毋連坐

世法錄

洪武元年八月詔凡決重囚須待秋後無得非時以傷生意

意

十四年九月辛丑敕刑部尚書胡禎等曰唐虞罪疑惟輕四凶止於流竄今天下已安有司不能宣明教化使民無犯及有小過加以苛刑朕甚閔焉自今惟十惡真犯者決之如律其餘雜犯死罪皆減死論

世法錄

十五年正月己丑諭刑官曰方春萬物發生而無知之民乃有犯法至死者雖有決不待時之律然於朕心有所不忍其犯大辟者減死論

春明錄

初洪武五年二月令各府州縣建申明亭大政記十五年八

月禮部議自今犯十惡奸盜詐偽干犯名義有傷風俗及

犯罪至徒者書於亭以示懲戒其餘雜犯公私過誤非干

風化者除之以開良民自新之路其有私毀亭舍除所懸

法令及塗抹姓名者御史按察司官以時按視罪如律通典

十六年嚴犯贓官吏之禁刑法志

十七年建三法司於太平門外鍾山之陰命之曰貫城下

敕言貫索九星如貫珠環而成象名天牢中虛則刑平官

無邪私故獄無囚人貫內空中有星或數枚者即刑繁刑

官非其人有星而明為貴人無罪而獄今法天道置法司

明會要卷六十四

三

爾諸司其各慎乃事法天道行之令貫索中虛庶不負朕

肇建之意刑法志

十八年命內外職官犯法罪狀明白者揭於申明亭以示

懲戒通典

二十八年六月己丑諭羣臣曰朕起兵至今四十餘年灼

見情偽懲創奸頑或法外用刑本非常典後嗣止循律與

大誥不許用黥刺刑剗鬪割之刑臣下敢以請者置重典

皇親惟謀逆不赦餘罪宗親取上裁法司祇許舉奏毋得

擅逮本紀

永樂二年七月戊辰大理寺言有犯法者當黥上曰免黥

人孰無過如既黥之雖有遷善之意亦自息矣故朕於此

刑不輕用大訓記

九月丙寅刑部言有千戶違法縫夾皮為鞭灌桐油其中

以決罰人罪當杖成祖曰皮鞭刑具之輕者示辱而已今

用心殘酷如此傷人甚矣杖之仍罷其職世法錄

三年六月大理寺卿呂震言近例官犯杖罪者記罪還職

停俸三月蓋欲使之改過自新然有玩法者恃恩輕犯恬

無畏憚不正其罪無以示懲請自今有再犯者論如律

四年七月丁巳申誹謗之禁本紀十月申匿名文書之禁上

通典

明會要卷六十四

四

洪熙元年三月己酉詔文武諸司不得鞭囚背及加人宮

刑有自宮者以不孝論人之為非父子不相謀是以舜罰

不嗣文罪不孥自今非謀反不連坐親屬並除誹謗禁有

告者一切勿治大訓記

十月行在吏部郎中陳叔剛上言吏犯杖罪律斷決為民

近時吏胥謀欲求去則私約相許多以杖罷去乞命法司

自今吏犯杖罪以下依舊例的決復役徒罪以上准工滿

日安置別郡死罪如律公罪附過則奸狡之塗可以漸塞

命法司議行通典

宣德三年八月御史鄭道甯言犯姦婦女律當去衣受刑

以勵風俗今法司亦聽納米贖罪其間無米輸納拘繫於獄益縱淫穢乞救治之如律從之上同

宣宗一日御文華殿與羣臣論古肉刑侍郎對漢除肉刑人遂輕犯法帝曰此自由教化豈關肉刑之有無舜法有流宥金贖而四凶之罪止於竄殛可見當時被肉刑者必皆重罪不濫及也況漢承秦敝挾書有律若概用肉刑受傷者必多矣著帝訓五十五篇其一恤刑也

正統初禁內外諸司鍛鍊刑獄

二年評事馬豫上言臣奉敕審刑竊見各處捉獲強盜多因仇人指攀拷掠成獄不待詳報死傷者甚多今後宜勿

明彙卷六十四

五

聽妄指果有賊證御史按察司會審方許論決若未審錄有傷死者毋得准例升賞已上刑志

侍講劉球疏古者人君不親刑獄悉付之理官蓋恐徇喜怒妄有輕重以致刑失其中也近者法司所上獄狀有奉赦旨減重為輕加輕為重者法司既不敢執奏至於訊囚之際又多有所觀望以求苟合聖意是以不能無枉臣竊以為一切刑獄宜從法司所擬設有不當調問得情則罪其原問之官其運輒納米贖罪等項亦非古法且使貪者倖免而廉者蒙辜宜令法司今後文武臣除犯公罪許贖外其餘俱依律問擬春明夢餘錄

十三年刑部尚書金濂奏姦義男婦洪永以來有論依姦子孫之婦應斬者有論姦妻前夫之女應徒者乞聖斷遵守三法司奉詔議親男與義男情有親疎宜比姦前夫之女徒罪科斷敕分別通姦強姦之條著為令通典

初官吏故勘平人致死者論死不宥給事中于泰言其意本非故殺宜在所宥由是坐故勘者悉得貸罪景泰中御史左鼎等言小民無知犯法可以情貸若官吏以法律從事操威福之柄豈可懷私受賄殺無罪人原其情與故殺何異先朝屢有恩宥皆不及此誠以法者天下之公不可以私意妄有輕重也章下刑部議自後故勘者宜論死不

明彙卷六十四

六

宥從之春明夢餘錄

景泰六年湖廣按察副使呂淵奏原告在逃將及一年者將事內證佐人犯對問推理依律發落如告實原告免提如虛別行擒執問罪帝敕法司通行之通典

成化十一年定制凡盜賊贓仗未真人命死傷未經勘驗輒加重刑致死獄中者審勘有無故失明白不分軍民職官俱視酷刑事例為民刑法志祭酒周洪謨言天下有司聽訟輒用夾棍等刑具百姓不勝苦楚請救法司禁約除人命強盜竊盜奸犯死罪須用嚴刑其餘止用鞭扑違者風憲官錄其酷暴以備考劾詔

可憲章錄

宏治六年太常少卿李東陽奏言五刑最輕者笞杖然杖有分寸數有多寡今在外諸司笞杖之罪往往致死縱令事覺不過以因公還職以極輕之罪置之不可復生之地多者數十甚者數百積骸滿野流血塗地可為傷心律故勘平人者抵命刑具非法者除名偶不出此便謂之公一以公名雖多無害此則情重而律輕者不可以不議也請凡考訊輕罪即時致死累二十人或三十人以上本律外仍議行降調或病死不實者併治其醫命下所司議處刑法志

明會要卷六十四

七

十四年五府六部衙門言今後惟叛逆等事方差錦衣衛官校齋駕帖其餘但下法司轉行巡撫巡按官勘問有應解京者就彼差官押解帝命准行通典
十六年御史劉洪奏浙江人張悅以罪發充軍託病回籍醫治至家援例納粟授衛指揮請革職仍發原伍其浙江布政司官許令納粟者亦宜逮問兵部復奏當從仍行令各處有似此者通治以罪同上
嘉靖五年六月戊辰給事中謝賡疏請革嚴刑以全民命上曰人命至重死者不可復生問刑官於罪輕宜用常刑者率以酷刑拷訊傷人因而致死朕甚憫焉其即以朕意

示各撫按官諭諸問刑者務為寬恤自今有嚴刑死傷人者罪之並所司同坐錄實

八年刑部覆給事中霍韜疏言官以賊敗及故禁故勘平人致死者律當斬絞後人惡其厲已於賊罪得贖刑而致人死者置之不問以致賊暴之吏得肆帝是其言詔今後官吏犯枉法賊酷刑致死人命及故禁故勘者論如律通典
萬曆二十年刑部尚書孫丕揚言折獄之不速由文移牽掣故耳議斷既成部寺各立長單刑部送審挂號次日即送大理大理審允次日即還本部參差者究處庶事體可一至於打斷相驗令御史三六九日遵例會同餘日止會

明會要卷六十四

八

寺官以速決遺徒流以上部寺詳鞫笞杖小罪聽堂部處分命如議行刑法志

律令

陳修從太祖平浙東授理官援引律令悉本寬厚盡改元季弊政陳修傳

吳元年十月命左丞相李善長為律令總裁官參知政事楊憲傅璘御史中丞劉基翰林學士陶安二十人為議律官諭之曰法貴簡當使人易曉若條緒繁多或一事兩端可輕可重吏得因緣為奸非法意也十二月書成凡為令一百四十五條律二百八十五條又恐小民不能周知命

大理寺卿周楨等取所定律令自禮樂制度錢糧選法外凡民間所行事宜類聚成編訓釋其義頒之郡縣名曰律令直解刑法志

洪武元年以周楨為刑部尚書時懲元寬縱用法太嚴奉行者重足立楨既定律令吏士始知循守其後數有釐正皆以楨書為權輿云周楨傳

二年八月御史睢稼言周官有懸法象魏之文禮經載鄉飲讀法之說皆導民知禮法而遠刑辟也今新律頒布天下鄉井細民猶有不通其說者宜倣古人吉月讀法之典命府州縣長吏凡遇月朔會鄉之老少令儒生讀律解析

明彙卷六十四

九

其義使之通曉則人知畏法而犯者寡矣太祖曰威人以法者不若感人以心敦信義而勵廉恥此化民之本也卿言讀律固可禁民為非若欲使民無犯要當深求其本也世法錄

六年夏刊律令憲綱頒之諸司刑法志八月定親屬相容隱律通典

十一月命刑部尚書劉惟謙更定新律每一篇成繕書上奏上為之裁定務協厥中而後頒降七年二月新律成其篇目一準於唐采用舊律二百八十八條續律一百二十八條舊令改律三十六條因事制律三十一條綴唐律以

補遺一百二十三條合六百有六條分為三十卷聖政記九年十月辛酉太祖覽大明律猶有未當者命胡惟庸汪廣洋詳議釐正十有三條世法錄

十六年三月定詐偽律大政記十八年十月采輯官民過犯條為大誥其目有十曰攬納戶曰安保過付曰詭寄田糧曰民人經該不解物曰灑派拋荒田土曰倚法為奸曰空引偷軍曰黥刺在逃曰官吏長解賣囚曰寰中士夫不為君用罪至抄劄次年復為續編三編皆頒學宮以課士里置塾師教之囚有能讀大誥者罪減等刑法志

明彙卷六十四

十

文彬按貴溪儒士夏伯啟叔姪斷指不仕蘇州人才姚潤王謨被徵不至皆誅而籍其家此寰中士夫不為君用之科所由設也太祖立法嚴峻而此一條尤非國體興嶽之雲沛膏澤在山之泉砥風節有三傑即有四皓有馮鄧即有嚴周或出或處皆於世道有裨必欲盡天下士夫而科以不臣之罪雖秦隋不忍出此

二十二年八月戊午更定大明律大政記時太孫請更定五條以上太祖覽而善之又請凡與五倫相涉者宜皆屈法以伸情乃命改定七十三條復諭之曰吾治亂世刑不得不重汝治平世刑自當輕所謂世輕世重也刑法志

是年八月刑部言比年條例增損不一以致斷獄失當請編類頒行俾中外知所遵守遂命翰林院同刑部官取比年所增者以類附入改名例律冠於篇首爲卷凡三十爲條四百有六十上同

二十八年刑部奏律與條例不同者宜更定俾所司遵守上曰法令者防民之具有經有權律者常經也條例乃一時之權宜也朕御天下將三十年命有司定律久矣何用更定春明夢餘錄

三十年五月作大明律誥成自律誥出而大誥所載諸峻令未嘗輕用蓋太祖之於律令也草創於吳元年更定於

明皇卷六十四

十一

洪武六年整齊於二十二年至是命刑官取大誥條目撮其要畧附載於律既成上御午門諭廷臣曰古人謂刑爲祥刑欲民並生於天地閒也朕作大誥以示民使知趨吉避凶之道而行之既久犯者猶眾故令刑官撮要附於律文各條下凡榜文禁例悉除之除謀逆及律誥該載外其雜犯大小罪悉依贖罪例論斷合編次成書刊布中外俾天下知所遵守

惠帝卽位諭刑官曰大明律皇祖所親定命朕細閱較前代往往加重蓋刑亂國之典非百世通行之法也朕前所改定皇祖已命施行然罪可矜疑者尙不止此夫律設大

法禮順人情齊民以刑不若以禮其諭天下有司務崇禮教赦疑獄稱朕嘉與萬方之意

成祖卽位詔法司問囚一依大明律擬議毋妄引榜文條例爲深文已上刑志

永樂十年十二月癸酉行在刑部奏決囚其閒有律輕而情重者請置重法上曰律者法之平今欲輕重之罰雖當民弗信矣其如律世法錄

正統四年御史陳祚言法司論獄多違定律專務刻深如戶部侍郎吳璽舉淫行主事吳軌宜坐貢舉非其人罪乃加以奏事有規避律斬及軌自經死獄官卒之罪明有遞

明皇卷六十四

十一

減科乃概杖之夫原情以定律祖宗防範至周而法司乃抑輕從重至此非所以廣聖朝之仁厚也今後有妄援重律者請加以罪從之

景泰中大理少卿薛瑄言法司發擬罪囚多加參語奏請變亂律意詔法官問擬一依律令不許妄加參語從之成化元年三月遼東巡撫滕昭言大明律乃一代定法而決斷武臣獨舍律用例武臣益縱蕩不檢請一切用律從之

十五年閏十月南直隸巡撫王恕言大明律後有會定見行律百有八條不知所起如兵律多支廩給刑律罵制使

及罵本管長官條皆輕重失倫流傳四方有誤官守乞追
板焚燬命即焚之有依此律出入人罪者以故論已上刑
法志
十六年給事中王坦言竊盜犯罪律有明條在京法司具
有成案今在外問刑衙門於竊盜初犯再犯不論贓數多
寡輒杖殺之請嚴加禁約從之通典

十八年定挾詐得財罪例刑法志

宏治元年都御史馬文升疏近年兩京法司官員或由進
士初除寺正寺副主事評事或由知州行人就陞員外郎
郎中御史亦多知縣所除到任後未經問刑就便斷獄公
差所以律條多不熟讀律意亦未講明所問囚人不過移

明會要卷六十四

三

情就律將就發落且笞杖徒流縱有所枉爲害未大至於
人命一有所冤關係匪輕臣愚乞敕兩京法司堂上官督
令所屬官布按二司督令斷事理問各官要將大明律熟
讀講解深明其意若有不能講解不曉律意者依律施行
具奏發落疏入帝不納明臣
奏議

十三年二月詔更定律例初洪永閒定制法司斷獄一依
律擬議英憲以後巧法吏往往舍律用例條例由此日繁
前八年以鴻臚少卿李鏊請命刑部尙書彭韶刪定問刑
條例及是給事中楊廉復言高皇帝肇造之初特命劉基
陶安等詳定律例百三十年來律行既久條例漸多近令

法司詳議革其繁瑣臣以爲非深於經者不足以議律非
深於律者不足以議例望特選素有經術深明律意者專
理其事以太祖立法貴簡之心爲主一切近代冗雜之例
悉爲革去俾以例通律之窮不以例淆律之正庶刑官有
所遵守帝嘉納之乃下尙書白昂會九卿定議擇條例可
行者二百九十餘條與律並行詔如所請頒之中外編三
嘉靖二十八年刑部尙書喻茂堅言自宏治閒定例垂五
十年乞敕臣等會同三法司申明問刑條例及嘉靖元年
後欽定事例永爲遵守宏治十三年以後嘉靖元年以前
事例雖奉詔革除有因事條陳擬議精當可採者亦宜詳

明會要卷六十四

十四

檢若官司妄擬條例故入人罪者當議黜罰會茂堅去官
詔尙書顧應祥等定議增至二百四十九條三十四年又
因尙書何鼐言增入九事刑法志
隆慶五年四月令以律書諸家註解折衷定論參以續定
事例附條例後刊布中外
六年正月令刑部申飭諸司參酌律令可矜可疑剖析情
罪毋致牽混已上
通典

萬曆十三年刑部尙書舒化言大明律一書高皇帝揭之
兩廡手加更定今未經詳斷者或命從重擬議已經定議
者又詔加等處斬是謂律不足用也去冬雨雪不時災異

頻見咎當在此會續修會典因輯嘉靖三十四年以後事例與刑名相關者三百八十二條奏之詔頒示中外舒化時法司議胡榘龍宗武殺吳仕期獄傳以謫戍大理寺卿王用汲駁奏曰按律刑部及大小官吏不依法律聽從上司主使出入人罪者罪如之蓋謂如上文罪斬妻子爲奴財產入官之律也仕期之死槓非主使者乎宗武非聽上司主使者乎今僅謫戍不知所遵何律也王用汲傳崇禎十四年刑部尙書劉澤深請議定問刑條例帝以律應恪遵例有上下事同而二三其例者刪定畫一爲是然時方急法百司救過不暇議未及行三編

明會要卷六十四

五

明會要卷六十四終

明會要卷六十五

永新龍文彬纂

刑二

詳讞

洪武十四年五月刑部奏決重囚帝諭之曰朕嘗命汝等凡有重獄必三覆奏以人命至重恐不得其情則刑罰濫及死者不可復生也故必欲詳審今汝等概以重刑來奏其間固有瀆倫亂法罪不可原者亦有一時迷誤情有可矜者若混而同之則輕重不分矣自今凡十惡常赦不原者則云重刑其餘雜犯死罪許聽收贖者母概言也世法錄

明會要卷六十五

十

十月命法司錄囚會翰林院給事中及春坊正字司直郎會議不允然後覆奏論決刑法志是年始分遣御史錄囚通典十五年十月命刑部都察院斷事等錄囚論之曰錄囚務在情得其真刑當其罪大抵人之隱曲難明獄之疑似難辨往往有經審錄尋復翻異汝等必稽閱前牘詳審再三其有所訴卽與辨理其實以聞十六年正月諭刑部尙書開濟都御史詹徽等曰凡論囚須原情不可深入人罪蓋人命至重常存平恕之心猶恐失之况深文乎自今凡有論決必再三詳讞覆奏而行毋重傷人命

七月辛亥遣御史往浙江等處錄囚帝諭之曰古人有言議獄緩刑刑當其罪猶在可矜若濫及非辜豈可復悔草木微物有仁心者方長不折況於人而可忽乎爾往慎之十七年閏十月癸丑命天下諸司刑獄皆送刑部都察院詳議平允又送大理寺審覆然後決之其直隸諸府州刑獄亦準此令庶幾民無冤抑因諭刑官曰王良善御豈在於策周公善治豈在於刑刑者輔治之具用之不可不慎故母令三審五覆無非求其生而已已上世法錄

明倫彙編

二

後遣官審決楊靖傳

洪武初決獄笞五十者縣決之杖八十者州決之一百者府決之徒以上具獄送行省移駁繁而賄賂行乃命中書省御史臺詳讞改月報為季報以季報之數類為歲報凡府州縣輕重獄囚依律決斷違枉者御史按察司糾劾至二十六年定制令布政司及直隸府州縣笞杖就決徒流遷徙充軍雜犯死罪解部審錄行下具死囚所坐罪名上部詳議如律者大理寺擬覆平允監收候決其情詞不明或失出入者大理寺駁回改正再問駁至三改擬不當將當該官吏奏問謂之照駁若亭疑讞決而囚有翻異改調

隔別衙門問擬二次翻異不服則具奏會九卿鞫之謂之圓審三四訊不服而後請旨決焉

三十年令五府六部都察院六科通政司詹事府詳審罪囚會典又置政平訟理二廳諭刑部曰自今惟武臣死罪朕親審之餘俱以所犯奏然後引至承天門外命行人持訟理旛傳旨諭之其無罪應釋者持政平旛宣德意遣之上

刑法志惠帝為太孫時邏者獲盜七太孫目之言於帝曰六人者盜其一非是訊之果然帝問何以知之對曰周禮聽獄色聽為上此人眸子瞭然顧視端詳必非盜也帝喜曰治獄

明倫彙編

三

貴通經信然編

常州陳理以子弑父送太孫處分太孫從容詳審竟脫之理父原抱病經年醫者誤投一藥而斃繼母素憎理因力證成之無以自解太孫條其情而讞之太祖未信拘鄰里婢僕及原醫訊之得其實錄建文中劉季箴為刑部侍郎河陽逆旅朱趙二人異室寢趙被殺有司疑朱殺之考掠誣服季箴獨曰是非夙仇且其裝無可利緩其獄竟得殺趙者楊州民家盜夜入殺人遺刀屍傍刀有記識其鄰家也官捕鞫之鄰曰失此刀久矣不勝掠誣服季箴使人懷刀就其里潛察之一童子識

曰此吾家物也盜乃得劉季

永樂元年上以囚多淹滯命三法司引奏依洪武中例會

官於承天門覆審施行王圻

二年帝御奉天門錄囚召錦衣衛鴻臚寺等官諭曰囚入

於獄則雖冤而不求辨初至朕前則畏威而不敢言有此

二者刑法豈能盡當爾等更以朕言從容審之果尙有冤

抑卽來奏聞通典

四年八月丙辰三法司奏教誘齊王爲不軌者數人罪當

棄市上曰旣死則不可復生齊王朕親弟其素性剛愎朕

尙不能化之何可盡誅他人再詳審之

明會要卷六五

四

六年十一月丁巳法司奏大辟囚三百餘人已覆訊得實

請處決上曰三百餘人未必人人皆得實情一不實則死

者銜冤爾等更從容審之一日不盡則二日三日甚至十日

亦何害須詳悉以聽不可以刑迫之已上世法錄

七年令大理寺官引法司囚犯赴承天門外行人持節傳

旨會同府部通政司六科等官審錄如洪武制刑法志

九年四月癸巳刑部都察院言各布政司按察司所鞫重

囚審覆明白者請遣官臨決上曰雖云審覆明白能保其

中悉無冤乎京獄有冤者得擊登聞鼓自陳彼在數千里

外或有冤欲自陳難矣其再遣人審覆來聞而後遣官決

之

九月戊寅諭法司曰朕敬於用刑故令再三詳讞爾等面

承朕訓然聞屬吏因循苟且未盡得中自今除謀反大逆

審覆無異決不候時其餘死罪可具疏進朕詳覽之仍五

覆奏然後加刑已上世法錄

九年有指揮首天城衛千戶犯罪繫刑部獄其母致貨託

己賂部官求免己不敢從因併贓首事聞帝命法司訊之

乃指揮察千戶家饒給言與部官厚可代以賂免母遂致

貨旁有欲發其奸者指揮懼遂自首而隱之法司覆奏法

當千戶之母准與贓律指揮罷職屯種帝曰愛其子以賂

明會要卷六五

五

求免人之常情且婦人烏知律法其宥之指揮始則欺人

取貨終則隱情罔上又污蠟朝臣但罷職耕種何以示懲

卽解送交陞充軍大訓

十七年諭法司曰刑者聖人所慎匹夫匹婦不得其死足

傷天地之和召水旱之災甚非朕寬恤之意自今在外諸

司死罪咸送京師審錄必三覆奏然後行刑三編

周新爲浙江按察使初入境羣蚋迎馬頭跡得死人榛中

身繫小木印新驗印知死者故布商密令廣市布視印文

合者捕鞠之盡獲諸盜一日視事旋風吹葉墜案前葉異

他樹詢左右獨一僧寺有之寺去城遠新意僧殺人發樹

果見婦人屍鞠實磔僧一商暮歸恐遇劫藏金叢祠中歸以語其妻旦往求金不得訴於新新召商妻訊之果商妻有所私商驟歸所私向匿妻所聞商語夜取之妻與所私

論死周新傳

魯穆為福建僉事漳州民周允文無子以姪為後晚而妾生子因析產與姪屬以妾子允文死姪言兒非叔子遂去盡奪其資妾訟之穆召縣父老及周宗族密置妾子羣兒中咸指兒類允文遂歸其產通典

洪熙元年大理寺論囚上命府部通政司六科同法司於奉天門會審已特召大學士楊士奇楊榮金幼孜等至榻

明會要卷六十五

木

前論曰比年法司之濫所擬大逆不道往往出於羅織先帝數切戒之故死刑五覆奏而法司略不加意自今審決重囚卿三人必往同讞有冤抑者雖細故必以聞閣臣同審錄始此春明夢餘錄

嚴本為大理寺正良鄉民失馬疑其鄰告於丞拷死丞坐決罰不如法當徒而告者坐絞本日丞罪當告者因疑而訴律以誣告致死是丞與告者各殺一人可乎駁正之莒縣屯卒奪民田民訟於官卒被笞夜盜民驢民按得之卒反以為誣擒送千戶民被禁死法司坐千戶徒本日千戶生則死者冤矣遂正其故勘罪蘇州衛卒十餘人夜劫客

舟於河西務一卒死懼事覺誣鄰舟解囚人為盜其侶往救見殺皆誣服本疑之曰解人與囚同舟為盜囚必知之按驗果得實遂抵卒罪虞謙傳

宣德元年義勇軍士閻羣兒等九人被誣為盜當斬家人擊登聞鼓訴冤覆按實不為盜命釋羣兒等而切責都御史劉觀

二年奏重囚帝令多官覆閱之論曰古者斷獄必訊於三公九卿所以合至公重民命卿等往同覆審毋致枉死英國公張輔還奏訴枉者五六十人重命法司勘實因切戒焉已上刑法志

明會要卷六十五

七

五年御史李驥巡視倉場軍高祥盜倉粟驥執而鞫之祥父妾言祥與張貴等同盜驥受貴等賄故獨罪祥刑部侍郎施禮遂論驥死驥上章自辨帝曰御史既擒盜安肯納賄命偕都察院再訊驥果枉帝乃切責禮而復驥官夢餘錄

八年九月遣使鞫天下重囚帝曰三法司所決重囚憑案牘耳豈能察顏色其遣廉明者分臨覲囚審覆不厭其心者奏讞之毋輕率枉死人三編

帝嘗夜讀周官式敬爾由獄以長我王國慨然興嘆以為立國基命在於此乃敕三法司朕體上帝好生之心惟刑是恤令爾等詳覆天下重獄而犯者遠在千萬里外需次

當決豈能無冤因遣官審錄之刑法志

正統元年兵部侍郎于謙言在京法司重囚凡遇隆寒盛暑會官審錄冤枉者得以辨明可矜者獲蒙寬宥在外重囚豈無冤抑可矜者乞如在京審錄庶獄無冤枉命議行

二年四川按察使龔璘奏四川強盜繫三司者不下三百長年淹禁恐傷和氣乞敕廷臣會議或遣重臣四出審錄可疑者釋之帝命行之

明會要卷六十五

八

錄以問從之已上通典

六年四月以災異頻見敕遣三法司官詳審天下疑獄刑法志

刑部郎中林厚言在京監禁重囚有累訴冤枉逮人照勘久不獲斷者請敕各衙門類錄各犯緊關冤情付諸審錄官卽與辨理具奏在外見監重囚有嘗經訴冤及申詳三法司以議論不明駁回再詰請亦錄各犯所訴冤情及駁回詞語付諸審獄官令詳讞具奏從之通典

九年山東副使王裕言囚獄當會審而御史及三司官或踰年一會囚多瘐死往者常遣御史會按察司詳審釋遣

甚眾今莫若罷會審之例而行詳審之法敕遣按察司官一員專審諸獄部持舊制不可廢帝命審例仍舊復如詳審例選按察司官一員與巡按御史同審失出者姑勿問涉賊私者究如律刑法志

成化七年刑科給事中白昂等奏言大理寺審錄有詞稱冤人犯駁回再問者多行移調問者少及巡撫巡按官并在外衙門詳議所屬申詳囚犯內有情弊者亦皆駁回再問致被偏執已見不與辨明多用非法重刑鍛鍊成獄囚人慮其駁回必加酷刑雖有冤枉不敢再言今後乞命在內法司使遵諸司職掌事例行之在外參審所屬申詳囚

明會要卷六十五

九

犯中間如有問招不明擬罪不當及有詞稱冤者俱聽改調別衙門問理不許仍行原問官問理奏下法司議如所言從之通典

八年分遣刑部郎中劉秩等十四人會巡按御史及三司官審錄敕書鄭重造之刑法志

十四年奏准凡真犯死罪重囚推情取具招辭依律擬罪明白具本連證佐干連人卷俱發大理寺審錄如有招情未明擬罪不當稱冤不肯服辨者俱駁回再問若招情明白擬罪合律輪情服辨者本寺將審允緣由奏奉欽依准擬依律處決方回報原問衙門監候照例具奏將犯人引

赴承天門會同多官審錄其審錄之時原問原審並接管
官仍帶原卷聽審情真無詞者覆奏處決如遇囚翻異稱
冤有辭各官仍親一一照卷陳其始末來歷並原先審問
過緣由聽從多官細心參詳果有可矜可疑或應合再與
勘問通行備由奏請定奪

宏治二年令法司每年立秋時將在外監候聽決重囚備
查籍貫姓名及在外見監問一應死罪囚犯通行具奏轉
行各該巡撫會同有司官從公研審除情真罪當者照例
處決冤抑即與辨理情可矜疑徑自具奏定奪著為令上
通典

明會要卷之五

十

十七年詔每歲審錄重囚毋限一日故事每年會官錄囚
率一日告竣兵科給事中潘鐸言審錄數多一日不能詳
定恐致冤濫太宗皇帝時刑部上大辟三百餘人論各官
再訊遲十日不為害祖宗好生之仁萬世所當遵也帝從
之乃有是詔三編

正德元年掌大理寺工部尚書楊守隨言每歲熱審事例
行於北京而不行於南京五年一審錄事例詳於在京而
略於在外今宜通行南京凡審囚三法司皆會審其在外
請審錄亦依此例詔可刑法志
嘉靖二十年當五年差官審錄之期刑科給事中龍遂乞

敕所司移文所遣官凡一應重囚務虛心研審必得情真
有可釋放發遣審豁者皆速與施行若果有冤枉而初為
審辦官所辨出者原勘原問官仍置不論如所辨官明知
冤抑故不與辨或忌原問而誣入後為他官所辨出原問
經審官皆宜追論若本無冤枉而徇私曲縱者亦宜重譴
從之通典

崇禎十五年二月詔刑獄所繫甚重朕每加意詳慎有批
駁以期允當乃法官不能仰體不肯執持始多失之輕縱
繼輒務為深文不識不提經時累月以致獄案叢積貫索
幾盈釀疹干和深可警痛茲特遣元輔周延儒前去會同

明會要卷之五

十一

三法司將大小一應獄情悉心清理除事干重大案已確
審照舊監候外其餘成遣配杖等項俱著詳審招案依律
定罪倘有事係冤抑情可矜疑雖重罪不妨奏請裁奪錄

朝審 天順三年十月令每歲霜降後三法司同公侯伯
會審重囚謂之朝審歷朝遂遵行之刑法志

大審 成化十七年四月命司禮太監一員會同三法司
堂上官於大理寺審錄謂之大審南京則命內臣守備行
之自此定例每五年輒大審自萬曆二十九年曠不舉四
十四年乃行之刑法志

熱審 永樂二年四月丁丑論三法司曰天氣向熱獄囚淹久令五府六部六科協同爾等盡數日決遣死罪獄成者秋後處決輕罪即遣有未能決者令出獄聽候世法錄

舊例每年熱審自小滿後十餘日司禮監傳旨下刑部即會同都察院錦衣衛題請通行南京法司一體審擬具奏京師自命下之日至六月終止南京自部移至日為始亦

滿兩月而止 宣德二年五六七月連論三法司錄上繫囚罪狀凡決遣二千八百餘人已上刑志 成化二十一年

夏熱審命徒流以下發落重囚有可矜疑及枷號者具奏定奪會典 嘉靖二十三年刑科羅崇奎言五六月間笞罪

明會要卷六十五

三

應釋放徒罪應減等者亦宜如成化時欽恤枷號例暫與蠲免至六月終止南京法司亦如之報可刑志 萬曆二

十九年給事中楊應文奏祖制五歲熱審將見監罪囚從公審錄情實罪當監候聽決情可矜疑者具奏處治徒流

以下發落今歲屆五年熱審之期見監法司者俱有更生之望獨鎮撫司所監犯人未經法司奏擬其中豈無株連

蔓引情可矜疑之人伏乞敕下法司將見監犯人送該司詳鞫定擬分別上請俟熱審之時得共沐矜恤之仁王圻考

四十五年五月閣臣有司循例請熱審不報三編 春審 宣德七年二月甲午以春和論法司錄囚本親閱

所進繫囚罪狀決遣千餘人減等輸納春審自此始刑法志 寒審 歷朝無寒審之制崇禎十年代州知州郭正中因天變請舉寒審之典帝命考故事尚書鄭三俊稽歷朝寶訓得祖宗冬月錄囚數事洪武二十三年十二月永樂四年十一月九年十一月十二年十一月 備列上奏寢不行刑志鄭三俊傳

決斷

洪武元年民父以誣逮其子訴於刑部法司坐以越訴帝日子訴父枉出於至情不可罪通典

是年十月己卯民有告富人謀反者勘問不實刑部言當抵罪帝問秦裕伯對曰元時若此者罪止杖一百蓋以開

明會要卷六十五

三

來告之路也帝曰奸徒不抵善人被誣者多矣自今告謀反不實者抵罪按通典此條系之十七年後用時字連書惟大訓記則實有年月日可憑故據書之

四年三月戊申贛州民有止宿逃囚者初不知其囚刑部逮問坐之罪上曰斷獄貴得其情彼不知其為囚舍宿者

人情之常何為罪之遂命釋之大訓記 五年楊卓為廣東行省員外郎田家婦獨行山中遇伐木

卒欲亂之婦不從被殺官拷同役卒二十人皆引服卓曰卒人眾必善惡異也可盡抵罪乎列二十人庭下熟視久

之指兩人曰殺人者汝也兩卒大驚服罪王觀傳 十五年五月乙卯御史雷勵坐失入人徒罪太祖責之曰

朝廷所以使頑惡懾伏良善得所者在法耳少有偏重民無所守爾為御史而執法不平將何以激濁揚清申理冤枉且徒罪尙可改正若死罪論決可以再生乎命法司治

勵罪以戒深刻者世法錄

十七年左都御史詹徽奏民毆孕婦至死者律當絞其子乞代大理卿鄒俊議曰子代父死情可矜然死婦係二人之命犯人當二死之條與其存犯法之人孰若全無辜之子帝從俊議刑法志

二十四年嘉興通判龐安獲贖私鹽者送京師而以鹽賞獲者戶部以其違例罰賞鹽入官且責取罪狀安言律者

明會要卷六十五

刑

萬世之常法例者一時之旨意今欲依例而行則於律內非應捕人給賞之言自相違悖失信於天下也太祖然其言詔如律上同

永樂二年十一月丁未刑部尙書鄭賜等奏奉天征討官有以罪繫獄者請論功定議上曰刑賞者治天下之大法不以功掩過不以私廢公此輩征討之功既酬以爵賞矣今有犯不罪是縱惡也何以治天下其論如律

四年五月戊午有告駙馬都尉富陽侯李讓家人中鹽虛買實收下錦衣獄又行賄衛官事聞侯之子謝過求免上曰法度當與天下共不為私親廢夫欺謾以苟利與賄賂

以逃刑雖爾曹且不免况家人乎其治之如律

九月癸未法司引奏浙西人告誹謗罪及追至面訊皆不嘗相識告者當抵罪上曰此譬之蛇蝎留則毒人其速誅之即日棄市

通政司言黃巖縣民告豪民持建文時士人包彝古所進楚王書稟與眾觀中有干犯語請法司治之帝曰此必與豪民有怨而欲報之朕初即位命有司凡建文中上書有干犯言語皆朕未即位以前事悉毀之有告者勿行今復行之是號令不信矣况天下之主豈當念舊惡所告勿聽中書舍人芮善弟夫婦為盜所殺心疑其所親訟於官刑

明會要卷六十五

刑

部驗非盜縱之善白帝刑部故出盜帝命御史鞠治果非盜陳瑛因劾善妄奏當下獄帝曰兄弟同氣得賊惟恐逸之善何罪其勿論已上通典

宣德三年顧佐為右都御史臺綱肅然或告其不理冤訴帝曰此必重囚教之命法司會鞠果干戶臧清殺無罪三人當死使人誣佐帝曰不誅清則佐法不行磔清於市佐傳

四年上元人有為姪毆者憤甚詣通政司告時方令納米贖罪而越訴禁甚嚴犯者戍遼東刑部侍郎段民上言依定例卑幼之罪得贖而尊長反遠竄揆諸理有未安請更

擬帝是之傳段民

六年二月己亥棗強縣典史周宗本挾私杖殺阜隸御史任祖壽受其馬減為因公事覺應流上曰御史不能正直而與罪人交徇私枉法若相率成風法度廢矣如律罪之以警其餘大訓記

宏治元年民呂梁山等四人坐竊盜殺人死遇赦都御史馬文升請宥死戍邊帝特命依律斬之刑法志

十六年撫州人江緣一擊殺其弟緣四遺一女其母吳氏以許嫁李氏緣一又欲取所受聘財母不從緣一怒罵劫奪之母忿而自縊有司擬罵母律絞巡撫王哲以律毆父母者斬緣一手殺親弟逼死親母使得全首領情重律輕具獄以聞法司議覆依毆父母律斬決不待時仍請後有威逼祖父母者悉依此斷

明會要卷六十五

夫

正德十三年九月刑部斷囚有子糾他人劫其父及弟劫其兄者循舊例以同居卑幼將引他人為盜及私擅用財擬罪止徒大理寺劉玉因奏律以弼教此係人倫之變即使律文未載亦當權輕重以正法援比例以上請如前議是置倫理於不論盜賊日肆而莫禁矣於是改擬重刑仍著為令

神宗時副都御史王世貞撫治鄖陽有好僧偽稱樂平王

次子奉高皇帝御容金牒行遊天下世貞曰宗藩不得出城而講張如此必偽也捕訊之服辜已上通典

明會要卷六十五

七

明會要卷六十五終

明會要卷六十六

永新龍文彬纂

刑三

守正

洪武初御史中丞劉基謂宋元寬縱今宜肅紀綱時帝幸汴梁宿衛宦侍有過者皆啟皇太子置之法中書省都事李彬坐貪縱抵罪左丞相李善長素暱之請緩其獄基不聽馳奏報可方祈雨即斬之劉基傳

八年造鳳陽宮殿帝坐殿中若有人持兵鬪殿脊者李善長奏諸工匠用厭鎮法帝將盡殺之工部尚書薛祥為分

明會要卷六十六

一

別交替不在工者並鐵石匠皆不預活者千數營謹身殿有司列中匠為上匠帝怒其罔命棄市祥在側爭曰奏對不實竟殺人恐非法得旨用腐刑祥復徐奏曰腐廢人矣莫若杖而使工帝可之薛祥傳

九年詔官吏有罪者笞已上悉謫屯鳳陽至萬數僉事韓宜可疏爭之曰刑以禁淫慝一民軌宜論其情之輕重事之公私罪之大小今悉令謫屯此小人之幸君子殆矣乞分別以協眾心帝可之韓宜可傳

永樂七年有二指揮冒月廩帝欲斬之夏原吉曰非律也假實為盜將何以加乃止夏原吉傳

都察院論誑謫罪準洪武榜例梟首以徇大理寺少卿虞謙奏比奉詔準律斷罪誑謫當杖流梟首非詔書意帝從之虞謙傳

正統中法司因旱恤刑有王綱者惡逆當辟或憫其少欲緩之吏部左侍郎魏驥持不可曰此婦人之仁天道不時正此故也獄決而雨降魏驥傳

宏治末年帝親鞠吳一貫將置大辟刑部尚書閔珪曰一貫推案不實罪當徒帝不允珪執如初帝怒戴珊從旁解之帝乃霽威令更擬珪終以原擬上帝不悅召語劉大夏對曰刑官執法乃其職未可深罪帝默然卒如珪議閔珪傳

明會要卷六十六

二

世宗即位七月因日精門災疏理冤抑命再問緩死者三十八人而廖鵬王璵齊佐等與焉給事中李復禮等言鵬等皆江彬錢甯之黨法所必誅乃令禁之如故後皆次第伏法刑志

嘉靖元年七月中官葛景等奸利事覺為言官所糾詔下司禮監察訊刑部尚書林俊言內臣犯法法司不得訊是官府異體也乞下法司公訊以昭平明之治明年四月中官崔文家人李陽鳳索匠師宋鉅賄不獲嗾文杖之幾死下刑部治未決而中旨移鎮撫司俊留不遣力爭不納明日又奏帝怒責陳狀俊言祖宗以刑獄付法司以緝獲奸

盜付鎮撫訊鞫既得猶必付法司擬罪未有奪取未定之囚反付推問者文先朝漏奸罪不容誅茲復干內降臣不忍朝廷百五十年紀綱爲此輩壞亂帝憚其言直乃不問

林俊傳

后父陳萬言奴何璽毆人至死上命釋之刑科都給事中

劉濟執奏曰萬言縱奴殺人得不坐爲幸今並釋璽等是

法不行於晚奴也劉濟傳

中官黃錦誣劾高唐判官金坡詔逮之連五百餘人御史

馬錄言祖宗內設法司外設撫按百餘年刑清政平先帝

時劉瑾錢甯等蠱惑聖聽動遣錦衣官校尉致天下洶洶

明會要卷六十六

三

陛下方勤新政不虞復有高唐之命給事中許復禮等亦

以爲言獄得少解馬錄傳

王世貞爲刑部郎中奸人閻姓犯法匿錦衣都督陸炳家

世貞按得之炳介嚴嵩請不許王世貞傳

隆慶元年高拱當國路楷楊順以構殺沈鍊論死拱欲庇

楷謂順首禍順死楷可勿坐給事中舒化取獄牘示拱曰

獄故無鍊名有之自楷始楷誠罪首拱又議方士王金等

罪化言此遺詔即欲勿罪宜何辭萬麻中潞王府小校以

事爲兵馬司吏目所笞帝怒逮吏目下詔獄論死又罪其

捕卒七人化爭之詔罪爲首一人餘並獲宥舒化傳

萬麻五年九月司禮太監孫得勝傳旨大昏期近命閣臣於三覆奏本擬旨免行刑大學士張居正言祖宗舊制凡犯死罪鞫問既明依律棄市嘉靖末年世宗皇帝因災醮始有暫免不決之令或閒從御筆所句量行取決此特近年姑息之弊非舊制也臣等詳閱諸囚罪狀皆滅絕天理傷敗彝倫今獨見犯罪者身被誅戮之可憫而不知彼所戕害者皆含冤蓄憤於幽冥之中使不一雪其痛怨恨之氣上干天和所傷必多若不行刑年復一年充滿囹圄既費關防又乖國典其於政體又大謬也給事中嚴用和等亦以爲言詔從之

明會要卷六十六

四

崇禎三年大學士成基命救立決科道疏頃奉諭旨欲將

杜齊芳李長春二犯會官取決臣等不勝悚惶夫論罪至

於大辟大辟至於決不待時乃法之至重而無以復加者

也今二犯此律未免稍過夫罪浮於法則人皆仰覆載之

寬而其罪狀因之愈著法過其罪則人皆惕雷霆之震而

其本案反涉可矜祖宗之制雖其正犯罪無可矜疑者猶

必再三覆奏今臣等非爲二犯求寬但求皇上稍假須臾

再行擬議拜疏後復入會極門長跪至日哺上意解各官

俱荷遣戍已上夢餘錄

寬恕

吳元年十一月甲午太祖嘗行郊壇太子從指道旁荆楚曰古用此為扑刑取能去風雖寒不傷也古人用心仁厚如此大訓

洪武元年諭省臣鞫獄當平恕古者非大逆不道罪止及身民有犯者毋得連坐尚書夏竦嘗引漢法反者夷三族請著律帝以漢仍秦舊法太重卻其奏不行通典

四年二月戊午以劉惟謙為刑部尚書論之曰仁義者養民之膏梁也刑罰者懲惡之藥石也舍仁義而專務刑罰是以藥石養人豈得謂善治乎爾宜體古人欽恤之意張釋之于定國皆可法也世法錄

明倫彙編卷之六

五

五月辛巳與廷臣論刑法御史中丞陳甯曰法重則人不輕犯吏察則下無遁情太祖曰不然古人制刑以防惡衛善故唐虞畫衣冠異章服以為式而民不犯秦有鑿顛抽脅之刑參夷之誅而囹圄成市天下怨叛今施重刑而又委之察吏則民無所措手足矣朕聞帝王平刑緩獄而人服從未聞用商韓之法可致堯舜之治也大訓
八年二月甲午諭刑官曰天道好生人情惡死朕夙夜靡甯常懼刑罰失中所以特降寬宥之典凡雜犯死罪令輪作屯種以全其生且冀其悔罪改過復為善人爾等宜體此意無負委任

十六年四月庚寅尚書開濟議法密太祖諭之曰竭澤而漁害及鯢鮪焚林而田禍及穀麋法太巧密百姓其能免乎已上世法錄

二十二年更定大明律書成帝諭太孫曰此書首列二刑圖次列八禮圖者重禮也顧愚民無知若於本條下即註寬恤之令必易而犯法故以廣大好生之意總列名例律中善用法者會其意可也刑法志

二十三年十二月癸亥諭刑部尚書楊靖曰愚民犯法如啗飲食設法防之犯者益眾推恕行仁或能感化自今惟犯十惡及殺人者死餘皆令輸粟北邊大訓

明倫彙編卷之六

六

二十六年有陝西民坐事當戍邊妻病留中途其弟夫婦請代往監送者聽之御史責弟不當代兄并劾監送者其人訴於朝帝曰弟之代兄義也監送者聽其代亦有仁心命賜其弟道里費而賞監送者昭代典則
永樂元年十月己酉大理寺奏各布政司上所部具獄凡死罪百餘人請分遣御史臨決上從之顧謂陳瑛曰治獄得情為難鎗楚之下罪成於鍛鍊者往往有之今百餘人中豈能無冤爾分遣御史宜具書慎刑之意授之使論決之際詳探其情必不可生然後刑之則彼雖死無所恨世法錄

二年二月戊寅大理寺臣奏市民以小秤交易者請論違例律上曰官府雖有令民未悉知民知令則不犯令不從則加刑不令而行之不仁其釋之上同

刑部尙書鄭賜等言比來軍士初犯罪者皆蒙宥免小人作過豈當全無懲戒帝曰天不以惡木廢生君子不以小人忘矜恤朕特矜其初犯耳若怙終固不宥也通典

四年四月庚辰錦衣衛奏民有與外國使人交通者宜執付法司罪之帝詰其實對曰以氈衫市之而交語甚久帝曰立法以禁奸過輕則民慢用法在體情過重則民急彼小民治生錢物交易議值豈一語可決彼何知國法其釋之

明會要卷六十六

七

五年五月指揮僉事俞讓買番人爲奴奴殺人叛去事述讓罪應流上知讓前征交趾有功且才能可用諭兵部曰讓之罪惟不能檢束奴耳可恕遂令復職

洪熙元年二月己丑詔曰刑者所以禁暴止邪導民於善非務誅殺也吏或深文傅會以致冤濫朕深憫之自今其悉依律擬罪或朕過於嫉惡法外用刑法司執奏五奏不允同三公大臣執奏必允乃已古之盛世採聽民言用資戒儆今奸人往往撫拾務爲誹謗法吏刻深鍛鍊成獄刑之不中民則無措其除誹謗禁有告者一切勿治已上大訓記

御批輯覽曰法令之當否詳審至於再三斯已可矣必令法司五奏徒滋煩冗人主詳求庶獄或覆勘以得其平或集議以衷於是自不致猶有枉縱如必待臣下執奏乃允又開權勢下移之漸

宣宗寬詔歲下閱囚屢放遣有至三千人者諭刑官曰吾慮其瘵死故寬貸之非常制也帝每遇奏囚色慘然御膳爲廢或以手撤其牘謂左右曰說與刑官少緩之刑法志宣德二年五月丙午上親錄囚雜犯死罪皆就徒流徒流笞杖論輕重罰工因謂侍臣曰與其殺不辜甯失不經彼能因事改過卽爲良善若怙終不悛終亦不免又曰唐太宗號稱明君除斷趾法禁鞭背而悔殺張蘊古帝王用刑不可不慎

明會要卷六十六

八

三年七月甲戌諭行在刑部侍郎施禮等曰京師人眾鬪毆罵詈之案非有重罪宜卽剖斷發遣今天氣炎熱豈可久淹或有因病而死卽爲枉殺無辜卿等宜深存惻隱母枉人命已上大訓記

宏治四年四月敕法司曰曩因天道示異敕天下諸司審錄重囚發遣數十百人朕以爲與其寬之於終孰若謹之於始嗣後兩京三法司及天下問刑官務存心仁恕持法公平詳審其情罪所當毋姑息母苛刻母傅致於一時冀

不坐於他日編三

嘉靖二十六年命凡經審錄官奏審過重囚奉有欽依饒死者撫按官即遵照發遣不許仍報決單故行奏擾三司官如有故違欽恤敢為翻異致人於死者巡按御史指實具奏通典

三十七年十一月諭法司曰朕念人命至重惓惓矜恤近來司牧者未盡得人任情立威顛倒是非湖廣幼民楊一魁二命枉刑母又就捕情迫無告萬里叩闥以此推之冤抑者不知其幾爾等宜亟體朕心加意矜恤仍通行天下咸使諭之明政統宗

矜老弱

明會要卷六十六

九

洪武元年令禁繫囚徒年七十以上十五以下及廢疾必散收輕重不許混雜會典凡未老疾犯罪而事發於老疾以老疾論幼小犯罪而事發於長大以幼小論犯死罪非常赦所不原而祖父母老無養者得奏聞取上裁

永樂元年縣令以賊戍擊鼓陳狀帝為下法司其人言實受贓年老昏眊所致惟上哀憫帝屈法宥之已上刑志二年二月己丑刑科奏強盜死罪其中有年十五以下者二人蒙恩宥死沒入習匠輪作終身但彼雖年幼既能行

劫亦當被刑上曰童穉無知覺非成人誘之豈能為盜古辜悼不加刑三兒去悼之歲不遠朕特推此情矜之耳訓記

宏治六年十二月令凡誣告人罪年在七十以上十五以下及廢疾者依律論斷例應充軍瞭哨口外為民者仍依律發遣若年八十以上及篤疾有犯應永戍者以子孫發遣應充軍以下者免之明史刑法志系之憲宗時茲據通典

凡年七十以上十五以下及廢疾犯流以下收贖八十以上十歲以下及篤疾盜及傷人者亦收贖刑法志或八十九犯死罪九十事發得勿論不在收贖之例同上

囚繫

明會要卷六十六

十

吳元年十一月中書參政傅巖言應天府有滯獄當斷決者上曰淹滯幾時矣曰逾半歲上惕然曰京師而有滯獄郡縣受枉者多矣有司得人以時決遣安有此弊自今獄囚審鞫明白須依時決遣毋使淹滯世法錄

洪武十五年定制獄囚貧不自給者人給米日一升功臣及五品已上官禁獄者許令親人入侍通典

永樂四年十一月己卯法司進月繫囚數凡數百人大辟十之一成祖諭呂震曰此等既非死罪而久繫不決天氣沍寒必有聽其枉死者誰之過耶凡雜犯死罪下約二百

悉准贖發遣

六年九月己酉給事中張信劾奏刑部都察院淹禁罪囚致有瘕死者上召呂震等切責之期三日除大辟罪餘雜犯死罪以下疏決違者不宥

九年十一月丙子刑科曹潤等言昔以天寒審釋輕囚今囚或淹一年已上且一月間瘕死者九百三十餘人獄吏之毒所不忍言帝召法司切責遂詔徒流以下三日內決放重罪當繫者恤之無令死於飢寒

十年十月己未勅三法司出繫囚之輕者輸作贖罪有病令順天府遣醫療之已上世法錄

明會要卷六十六

士

宣德元年五月甲午朔錄囚論三法司曰古者孟夏斷刑出輕繫仲夏拔重囚益其食所以順時令重人命也祖宗時遇隆寒盛暑必命法司錄囚今天氣向炎不分輕重悉繫之非欽恤之道卿等當體此心即量輕重區別之務存平恕毋致深刻十二月辛未錄囚令行在刑部都察院錦衣衛三日內悉上所鞠獄囚罪狀帝親覽決真犯死罪依律連坐以下免死謫戍追贓流徒以下運輒贖罪及罰鈔釋免有差凡宥免三千餘人編三
正統二年令囚徒仍日給米一升洪武二十四年革去且令有贓罰敝衣得分給刑法志

六年刑部郎中林厚奏言辯過重囚若依奏允方與疎去枷杻歷日既久未免瘕死乞將合奏者暫去枷杻仍繫鎖錄俟奏允處之各處有貪酷官員或挾怨故禁勘平人或受賕故入人死罪者除軍職及文職五品已上官奏請外其六品以下即彼逮問械京從之通典

成化十二年令有司買藥餌送部又廣設惠民藥局療治囚人刑法志

正德十四年囚犯煤油藥料皆設額銀定數同上

嘉靖四年二月乙卯御史王鼎言禮月令仲春命有司省囹圄去桎梏今所犯笞杖徒流罪業已在獄淹繫經年不

明會要卷六十六

士

即遣釋多以禁死足以干天地之和上是之詔內外理刑官獄成者各即放遣毋得久禁違者罪之實錄
六年以運炭等有力罪囚折色糶米上本部倉每年約五百石乃停收歲冬給棉衣褲一事提牢主事驗給之刑法志
是年給事中周瑯言比者獄吏苛刻犯無輕重概加幽繫案無新故動引歲時意喻色授之間論奏未成囚骨已糜又况偏州下邑督察不及姦吏悍卒倚獄為市或扼其飲食以困之或徒之穢溷以苦之備諸痛楚十不一生臣觀律令所載凡逮繫囚犯老疾必散收輕重以類分枷杻薦席必以時飭涼漿暖匣必以時備無家者給之衣服有疾

者予之醫藥淹禁有科疏決有詔此祖宗良法美意宜敕臣下同為奉行凡逮繫日月并已竟未竟疾病死亡者各載文冊申報長吏較其給竟之遲速病故之多寡以為殿最而黜陟之帝深然其言同上

明會要卷六十六

七

明會要卷六十六終

明會要卷六十七

永新龍文彬纂

刑四

贖罪

明律頗嚴凡朝廷有所矜恤限於律而不得伸者一寓之於贖例所以濟法之太重也又國家得時藉其入以佐緩急而實邊足儲振荒官府頒給諸大費往往取給於贖贖二者故贖法比歷代獨詳

贖例有二一罰役一納鈔而例復三變罰役者後多折工值納鈔鈔法既壞變為納銀納米然運灰運炭運石運甌

明會要卷六十七

十

之名尚存也

初令罪人得以力役贖罪死罪拘役終身徒流按年限笞杖計日月或修造或屯種或煎鹽炒鐵滿日疏放疏放者引赴御橋叩頭畢送應天府給引甯家合充軍者發付陝西司按籍編發後皆折納工價惟赴橋如舊已上刑志洪武六年正月辛酉江西行省商民坐沮壞鹽法刑官擬以亂法罪當死太祖曰愚民沮壞鹽法原其情不過貪利初無他心乃悉免死輸作臨濠

工部尚書王肅坐法當笞太祖曰六卿貴重不宜以細故尋命以俸贖罪後羣臣誥誤許以俸贖始此

八年二月甲午敕刑官自今凡雜犯死罪者免死輸作終身徒流罪限年輸作官吏受贓及雜犯死罪當罷職役者謫鳳陽屯種民犯流罪者鳳陽屯種一年然後輸作

二十五年十二月癸亥諭刑部尚書楊靖等曰自今惟犯十惡并殺人者論死其餘死罪皆令輸粟北邊以自贖力不給者或二人或三人并力輸運仍令還家備貲以行世法錄

三十年命部院議定贖罪事例凡內外官吏犯笞杖者記過徒流遷徙者俸贖之三犯罪之如律刑法志

明會要卷六十七

二

米贖罪以省轉輸之勞近聞有貧不能致米憂感而死者期欲生之乃速之死非朕本意自今凡人命十惡死罪強盜傷人者依律處決其餘死罪及流罪令挈家赴北平種田流罪三年死罪五年後錄為良民其徒罪令煎鹽杖罪輸役如故自願納米贖罪者聽世法錄
永樂十一年五月命法司定議死罪情重者殺之情輕者得納贖斬八千貫絞六千貫流徒以下納鈔有差無力者發天壽山種樹編三
仁宗即位諭都察院言輸罰工作之令行有財者悉倖免宜一論如律刑法志

宣德元年正月赦死罪以下運糧宣府自贖編三

二年七月令官吏軍民入米贖罪自死罪至笞四十分十等納米百石至二百石有差納者贓罪得不死徒流以下皆復用不能納者雖笞杖久繫不釋編三御史鄭道甯言納

米贖罪朝廷寬典乃軍儲倉拘繫罪人無米輸納自去年二月至今死者九十六人刑部郎中俞士吉因奏囚無米者請追納於原籍匠仍輸作軍仍備操若非軍匠則追還所隸州縣遣之詔從其奏刑法志

四年六月詔賊吏不得贖罪編三
五年九月更定在外罪囚贖罪例除真犯外文職官吏犯

明會要卷六十七

三

賊者送京師如律處治軍職犯死罪者令納米贖罪畢日送京師調衛非贓罪則不分輕重俱盡納米畢日還職役同上
正統間侍講劉球言輸罪非古自公罪許贖外宜悉依律時不能從刑法志
成化二年二月定納豆贖罪例八月定納馬贖罪例大政記
嘉靖七年重脩條例奏定贖例在京則做工運囚糧運灰運甄運水和炭五等運灰最重運炭最輕在外則有力稍有力人等其有力視在京運囚糧稍有力視在京做工年月為折贖刑法志

明充軍之例最嚴有終身有永遠永遠者罰及子孫皆以實犯死罪減等者充之嘉靖間有請開贖軍例者世宗曰律聽贖者徒杖以下小罪耳死罪矜疑乃減從謫發不可贖御史周時亮復請廣贖例部議審有力者銀十兩得贖三年以上徒一年稍有力者半之而贖軍之議卒罷御史胡宗憲言南方之人不任兵革其發充邊軍者宜令納銀自贖部議以為然因擬納例以上帝曰豈可豫設此例以待犯罪之人復不允同上

萬厯中浙江饑或請令罪人出粟除罪刑部尙書李世達言法不可廢甯赦毋贖赦則恩出於上法猶存贖則力出

明皇卷六十七

四

於下人滋玩識者避之李世達傳

赦宥

洪武元年八月己卯大赦本紀

七年十一月丙寅詔曰釋罪宥愆前代未嘗輕發蓋恐姦徒得為漏網之魚良善含冤而不伸古人謂小人之幸君子之不幸豈不信然爾中書其條款獄情若果真犯但笞罪以上俱各不原其餘註誤過失因人致罪者悉宥之大記

十三年五月甲午雷震謹身殿乙未詔告天下曰朕以菲德託於萬姓之上奉天勤民於茲十有三年矣間者宰輔

非才肆奸亂政朕按法誅之然昧於知人實朕之過上天垂戒豈偶然哉可大赦天下昭代典則

十四年三月丙戌詔曰朕撫育黔黎十有四年獄訟未清

良由委任非人致陷刑辟今大赦天下與民更始編三

十七年三月甲子大赦天下

三十一年閏五月己卯惠帝即位大赦天下

永樂四年十二月辛卯赦

五年六月甲午詔自永樂二年六月後犯罪去官者悉宥

之八月庚子錄囚雜犯死罪減等論戍流以下釋之

七年三月丙寅詔起兵時將士乃北京効力人民雜犯死

明皇卷六十七

五

罪咸宥之充軍者官復職軍民還籍伍已上本紀

十九年正月遷都北京赦

二十二年八月丁巳仁宗即位大赦天下十一月壬申朔

詔禮部建文諸臣家屬在教坊司錦衣衛浣衣局及習匠

功臣家為奴者悉宥為民還其田土言事謫戍者亦如之

已上三編

洪熙元年六月庚戌宣宗即位大赦天下

宣德元年十二月辛未錄囚宥免三千餘人

二年十一月己亥以皇長子生大赦天下

八年四月理冤獄減殊死以下赦軍匠在逃者罪

十年正月壬午英宗即位大赦天下

正統四年三月己酉詔赦天下

六年十一月甲午朔以宮殿成大赦

八年五月戊寅雷震奉天殿鴟吻敕脩省壬午大赦

十四年九月癸未景帝即位大赦天下十二月丙辰大赦

景泰元年八月庚寅以上皇還京師赦天下

三年五月甲午立子見濟為皇太子大赦天下

天順元年正月丙戌詔赦天下

五年七月庚戌大赦

八年正月乙亥憲宗即位大赦天下

明會要卷六十七

六

七年十一月甲寅立皇子祐極為皇太子大赦

十一年十一月癸丑立皇子祐樞為皇太子大赦

二十一年正月庚寅以星變詔赦天下

二十三年九月壬寅孝宗即位大赦天下

宏治五年三月戊寅立皇太子大赦

十一年十二月壬子以清甯宮災詔赦天下

十八年五月壬寅武宗即位大赦天下

正德五年四月辛亥詔赦天下

十六年四月癸卯世宗即位大赦天下

嘉靖三年四月己酉大赦

九年十一月己酉郊祀禮成大赦天下已上本紀

十二年八月乙未以皇子生詔赦天下惟大禮大獄得罪

者及建言諸臣馮恩等皆不原三編

十五年十一月戊午以皇子生詔赦天下按邵經邦傳嘉靖十六年皇子

生大赦茲據本紀及史概十二月癸亥以上兩宮徽號詔赦天下

十七年十一月辛卯祀天於南郊詔赦天下

十八年二月庚子朔立皇太子辛丑詔赦天下

四十五年十二月壬子穆宗即位大赦天下

隆慶二年三月辛酉立皇太子詔赦天下

六年六月甲子神宗即位詔赦天下

明會要卷六十七

七

萬曆十年九月丙辰以皇長子生詔赦天下已上本紀

三十三年十二月乙卯以皇長孫生詔赦天下本紀吏部尙書楊時喬列上選謫鄒元標等九十六人削籍范雎等一

百人皆不報楊時喬傳

四十二年四月丙戌以大行皇太后遺命赦天下

四十八年八月丙午光宗即位大赦天下

泰昌元年九月庚辰熹宗即位詔赦天下

天啟三年閏十月壬寅以皇子生詔赦天下

五年十月庚子以皇子生詔赦天下

七年八月丁巳莊烈帝即位大赦天下

崇禎二年二月庚寅皇長子生赦天下

三年二月庚申立皇太子大赦已上本紀

赦宥雜錄

洪武六年七月有子犯法父賄求免者御史欲并論其父太祖曰子論死父救之情也但論其子赦其父世法錄

二十年四月己酉詹徽奏有軍人犯罪當杖其人嘗兩得罪而免今復不悛宜并論前罪誅之太祖曰前罪既宥今復論之則不信矣仍杖而遣之同

二十五年十二月天策衛卒吳英父得罪繫獄英詣闕陳情願沒入為官奴贖父罪太祖曰汝父罪不可貸念汝愛

明會要卷六十七

八

父至性特曲法宥之大訓記

二十六年十月乙亥大理寺奏四川民以輸糧踰期及移易者坐法當誅太祖曰四川水陸險峻輸輓良難故有失期及移易者其悉宥之給道里費遣還上同

沅陵知縣張傑當輸作自陳母賀當元季亂離守節今年老失養帝謂可勵俗特赦之赦傑令終養刑法志

給事中彭興民坐繫獄其父上表訴哀立釋之且免同繫十七人同上

永樂元年十二月丁丑錦衣衛臣奏福建送至亂寇若干人法當棄市上曰朕嘗許以不殺今殺之是不信來者之

路塞矣俱宥之謫戍邊世法錄

江浦知縣周益以罪當刑妻梅訴益母老無養請代死帝憫而宥益通典

永樂四年五月丁酉都督程達有罪上特宥之命隨西平侯沐晟立功自贖世法錄

九年五月新進士王彥白陳臣家與奸惡外親有連今聞朝廷已下本貫籍沒臣家臣實罪人應就繫上諭三法司曰學至於中進士亦成材矣成材勿棄其有罪能自陳可矜併其家宥之同

明會要卷六十七

九

仁宗即位錦衣衛指揮王節等奏上直校尉屢失所懸銅牌請治罪上曰昨日下午詔赦有罪今日遽罪赦前事何以示信其勿治大訓記

宣德七年八月宥誹謗者罪有男子大呼西華門外語涉訕謗守門者執至帝前呼仍不已羣臣請下法司帝曰聖人之世設誹謗木以來告者此人甯可罪耶其釋之編三

八年詔書罪囚自十惡外並減一等有重囚三十餘人例不得赦刑部侍郎段民於詔書未下之先奏請寬減後有旨報決乃復追還而逃已數人民自陳狀帝責之復命宥

民等罪給事中年富等執奏民等不當宥上曰已宥之矣不欲反覆其封章示之自勵大訓記

景泰中陽穀主簿馬彥斌當斬其子震請代死特宥彥斌

編震充邊衛軍通典

成化元年二月詔釋戍邊陳循江淵俞士悅並王文于謙

子瑁回籍同上

世宗雖屢停刑尤慎無赦廷臣屢援赦令欲宥大禮大獄

暨建言諸臣益持不允

嘉靖四十一年三殿成羣臣請頒赦帝曰赦乃小人之幸

不允已上刑志

萬曆十二年二月釋建文諸臣外親之謫戍者自齊泰黃

子澄外其坐方孝孺連及者俱免之於是浙江江西福建

四川廣東得免者凡三千餘人至光宗時併泰子澄戚屬

後裔亦俱放還三編

登聞鼓

洪武元年十二月己巳置登聞鼓於午門外一御史日監

之非大冤及機密重情不得擊擊即引奏敢阻告者罪後

移設於長安右門外六科錦衣衛輪收以聞會典

七年議准重囚於臨決前一日即訴鼓狀該科薄暮封進

凡應決應留囚數姓名次日午前傳出午後不須覆奏即

便行刑

十年議准重囚家屬於二覆奏命下之日投遞鼓狀該科

參詳與三覆本同封進取旨行刑已上王圻考

二十四年六月龍江衛吏以母喪乞終制吏部尚書詹徽

不聽吏徑至午門外擊登聞鼓訴之上切責徽聽吏終喪

刑法

龍陽瀕洞庭數罹水患逋賦數十萬典史青文勝詣闕上

疏為民請命再上皆不報復具疏擊登聞鼓以進遂自經

於鼓下上聞大驚詔寬龍陽租二萬四千餘石定為額青文勝傳

傳勝

宣德元年直登聞鼓給事中林富奏重囚二十七人以姦

盜當決擊鼓訴冤煩瀆不可宥帝曰登聞鼓之設正以達

下情何謂煩瀆自後凡擊鼓訴冤阻遏者罪刑志

二年二月乙亥諭直登聞鼓給事中曰朝廷慮刑獄有冤

下情不能達故設登聞鼓然前代置院設官託耳目於一

人非兼聽廣覽之道我國家命六科輪直最得其當爾等

毋畏權勢無欺孤莞惟其所言即時為達庶幾事無壅蔽

幽隱畢聞大訓記

天順七年錦衣衛門達誣袁彬罪軍匠楊墳不平擊登聞

鼓為彬訟冤三編

成化六年給事中宮榮言近年鼓下詞狀不與覆奏辦理

致使冤抑控訴無所自後當與研審明白回奏不許一概

立案其直鼓官亦須詳看曾經他處具告不行者方與封進從之典通

正德十三年十月帝在大同大學士楊廷和等言祖制行刑之日許各犯家屬訴冤於登聞鼓下直鼓給事中封進或暫停刑者特遣校尉批予留之今冬至將近又當處決之時該科三覆奏本送下擬票臨刑之時有鳴鼓訴冤狀者臣下未敢擅便伏望聖駕還京以遵舊制不報錄實

嘉靖元年廖鵬父子及錢甯王欽等皆以從逆論斬鵬等實緣中人冀脫死給事中劉濟上言自死囚臨斬鼓下猶受訴詞奏上得報已及日昨再請而後行刑則已薄暮殊

明會彙卷六十七

三

非與眾棄之之意乞自三請後鼓下不得受詞鵬欽等罪甚當陛下勿疑詔自今以申酉行刑不報劉濟傳

廷杖

洪武六年工部尚書王肅坐法當笞太祖曰六卿貴重不宜以細故辱命以俸贖罪然永嘉侯朱亮祖父子皆鞭死工部尚書夏祥斃杖下廷杖之刑實自太祖始刑法志

景泰六年八月庚申南京大理少卿廖莊以請復沂王為太子杖於闕下并杖章綸鍾同於獄本紀

成化十五年五月癸酉以馬文升牟俸事杖給事中李俊御史王濬輩五十六人於闕下同上

南京行杖始於成化十八年南御史李珊等以歲祲請賑帝摘其疏中譎字令錦衣衛詣南京午門前人杖二十至正德間南御史李熙劾貪吏觸怒劉瑾矯旨杖三十正德十四年以諫止南巡廷杖舒芬黃鞏等百四十六人死者十一人

嘉靖三年羣臣爭大禮廷杖豐熙等百三十四人死者十六人中年刑法益峻雖大臣不免笞辱宣大總督翟鵬薊州巡撫朱方以撤防早宣大總督郭宗皋大同巡撫陳燿以寇入大同刑部侍郎彭黯左都御史屠僑大理卿沈良才以議丁汝夔獄緩戎政侍郎蔣應奎左通政唐國相以

明會彙卷六十七

三

子弟冒功皆逮杖之已上刑法志

四年林俊疏論曰古者鞭扑之刑辱之而已非必欲糜爛其體膚而致之死者也又非所以加於士大夫也成化時臣及見廷杖二三臣容厚綿底衣重氈疊裏然且沈臥久乃得痊正德時逆瑾竊權始令去衣致末年多杖死臣又見成化宏治間惟叛逆妖言劫盜下詔獄始命打問他犯但言送問而已今一概打問亦非故事乞聖明留念林俊傳

三十二年正月朔以賀表語乖文體逮禮科給事中楊思忠於午門外杖之百三十三年正月朔以賀表違式逮六

科給事中張思靜等各廷杖四十三編三

隆慶間給事中石星李已御史詹仰庇尙寶司丞鄭履瀆

先後以言事廷杖錄餘

萬曆六年以爭張居正奪情杖吳中行五人其後盧洪春

孟養浩王德完輩以進言被杖多者至一百刑法志自十二

年至三十四年內外官杖戍爲民者共百四十人錄餘

十六年給事中李沂以劾中官張鯨下詔獄予廷杖閣臣

王錫爵言廷杖非正刑祖宗雖間一行之亦未有詔獄廷

杖并加於一人者故事惟盜賊大獄則有打問之旨今豈

可加之言官不聽李沂傳

明會要卷六十七

刑

天啟時太監王體乾奉敕大審重笞戚畹李承恩以悅魏

忠賢於是萬燝吳裕中斃於杖下臺省力爭不得閣臣葉

向高言數十年不行之弊政三見於旬日萬萬不可再行

忠賢乃罷廷杖而以所欲殺者悉下鎮撫司士大夫益無

噍類矣刑法志

枷

宣德三年怒御史嚴體方鼎何傑等沈涵酒色不朝參命

枷以徇刑法志

正統二年七月御史王學敏枷三月九月給事中金昭伯

吳繪枷一月言路之辱甚矣至六年枷及戶部尙書劉中

敷侍郎吳璽陳瑞等未幾王振用事祭酒李時勉駙馬都

尉焦敬皆受此辱天順復辟後坐法荷校者不可勝紀及

憲宗嗣位此禍稍解野獲編

正德二年正月尙寶卿崔璿湖廣按察副使姚祥工部郎

中張璋以違例乘轎下獄璿以冊封還祥以御史外陞璋

以巡河舊例奉使遠出者率乘轎以爲常至是劉瑾欲厲

法禁以示威具內批枷號兩月大學士王鏊謂瑾曰士可

殺不可辱今辱且殺之吾輩何顏居此於是李東陽復上

言璿等罪犯自有法司論擬若枷號乃至重之典死生係

焉由儒生而入官者豈能忍死至一兩月之久命在旦夕

明會要卷六十七

刑

實可矜憐今枷號已數日亦足示懲伏乞稍霽威嚴曲賜

矜宥詔始釋之憲章錄

是年直隸御史王時中荷校於都察院門戶部郎中劉譯

荷重校於戶部門大政記

衛獄

洪武十五年罷儀鑾司改置錦衣衛掌侍衛緝捕刑獄之

事鎮撫司隸焉帝時有所誅戮輒下鎮撫司雜治三編

二十年正月焚錦衣衛刑具時有富民繫衛獄用事者非

法凌虐帝聞之怒曰訊鞫法司事也或令錦衣衛審之欲

先得其情耳豈令其鍛鍊耶執用事者治之悉焚其刑具

以囚送刑部二十六年復申明其禁詔內外獄毋得上錦衣衛大小咸付三法司同上

成祖即位寵幸紀綱令治錦衣親兵復典詔獄綱遂用其

黨莊敬袁江王謙李春等緣借作奸數百千端久之族綱

而錦衣典詔獄如故刑法志

英宗復辟錦衣指揮門達鎮撫遠臬俱得幸臬更強驚日

遣校尉偵事四方縱橫無所忌大學士李賢請撤還官校

不許編三

初衛獄附衛治至門達掌問刑又於城西設獄舍拘繫狼

籍達敗用御史呂洪言毀之刑法志

明會要卷六十七

去

成化十年都御史李賓言錦衣鎮撫司累獲妖書圖本皆

誕妄不經之言小民無知輒被幻惑乞備錄其書名目榜

示天下使知畏避免陷刑辟報可緝事者誣告猶不止同上

宏治九年刑部吏徐珪上言鎮撫司理刑不宜專用錦衣

官乞推選在京各衛一二人及刑部主事一二人共莅其

事或三年六年一更則巡捕官校當無有作好擅刑誣及

無辜者矣不聽孫肇傳

十三年令鎮撫司從公審察究問務得真情若有冤枉即

與辦理不許拘定成案濫及無辜王圻考

世宗立革錦衣傳奉官十六汰旗校十五復論緝事官校

惟察不軌妖言人命強盜重事他詞訟及在外州縣事毋

得與未幾事多下鎮撫司尚書林俊言祖宗朝以刑獄付

法司事無大小皆聽平鞠自劉瑾錢甯用事專任鎮撫司

文致冤獄法紀大壞更化善治在今日不宜復以小事撓

法御史曹懷亦諫曰朝廷專任一鎮撫法司可以空曹刑

官為冗員矣俱不聽刑法志

嘉靖元年山東參議韓邦奇奏國家錦衣衛之設以待夫

隱罪極惡天子非時震怒特遣下之非以為常者也然其

制列聖相承止行於畿內正德二年以來權奸用事官校

四出如豺虎天下洶洶幾至大亂使非聖明繼世中興革

明會要卷六十七

七

而正之天下未可知也近者聖母駕過山東高唐州同知

金波供應有缺陛下詔錦衣衛官校挈至京師天下愕然

驚疑謂聖明在上亦復有此夫金波小官何足動天下之

聽聞而錦衣官校出京挈人則固天下聽聞之所繫也伏

惟陛下特宥金波之罪自後在外府州縣官有犯付之撫

按官撫按官有犯付之三法司如此則內外相承體統不

紊疏入下都察院覆題明臣奏議

二年給事中劉最以劾中官逮下詔獄尋編成給事中劉

濟言國家置三法司專理刑獄或主質成或主平反權臣

不得以恩怨為出入天子不得以喜怒為重輕自錦衣鎮

撫之官專理詔獄而法司幾成虛設如最等小過耳羅織於告密之門鍛鍊於詔獄之手旨從內降大臣初不與知為聖政累非淺帝怒奪濟俸一月劉濟傳

錦衣革職旗校王邦奇屢乞復職給事中安磐言邦奇等在正德時貪婪搏噬有若虎狼其捕奸盜也或以一人而牽十餘人或以一家而連數十家鍛鍊獄詞付之司寇謂之鑄銅版其緝妖言也或用番役四出按愚民詭異之書或購奸僧潛行誘愚民彌勒之教然後從而掩之無有解脫謂之種妖言數十年內死者填獄生者號冤今不追正其罪使得保首領亦已幸矣何敢肆然無忌屢瀆天聽何

明會要卷六十七

六

為者哉宜嚴究治絕禍源帝不能從安磐傳

給事中霍韜言刑獄付三法司足矣錦衣衛復橫撓之昔漢光武尚名節宋太祖刑罰不加衣冠其後忠義之徒爭死效節夫士大夫有罪下刑曹辱矣有重罪廢之誅之可也乃使官校眾執之脫冠裳就桎梏朝列清班暮幽狂獄剛心壯氣銷折殆盡及覆案非罪即冠帶立朝班武夫悍卒指目之曰某吾辱之某吾繫執之小人無所忌憚君子遂致易行此豪傑所以興山林之思而變故罕仗節之士也願自今典東廠勿預朝議錦衣衛勿典刑獄士夫罪謫廢誅勿加笞杖鎖梏以養廉恥振人心勵士節帝不納

天啟時魏忠賢啟楊左之獄掌鎮撫司許顯純畫定爰書坐賊比較立限嚴督之五日一追比輸金不中程者受全刑曰械曰錄曰棍曰棰曰夾五毒備具呼暑聲沸自天血肉潰爛宛轉求死不得顯純叱咤自若一夕令諸囚分舍宿於是獄卒曰今夕當有壁挺者壁挺獄中言死也明日漣死光斗等次第皆鎖項拉死

崇禎十五年姜採熊開元下獄帝諭掌衛路養性潛殺之養性洩上語且言二臣當死宜付所司書其罪使天下明知若陰使臣殺之天下後世謂陛下何如主會大臣多為採等言遂得長繫已上刑法志

明會要卷六十七

九

東廠西廠附

永樂十八年十二月立東廠於東安門北以內監掌之成化十三年正月別設西廠以太監汪直督之大學士商輅上言陛下委聽斷於直直又寄耳目於羣小擅作威福賊虐善良陛下若謂摘奸禁亂為有益則前此數年何以帖然無事近自直用事以來人心疑畏卿大夫不安於位商賈不安於途庶民不安於業若不亟去直天下安危未可知也疏入帝不悅翼日兵部尚書項忠亦倡九卿劾之帝不得已令直歸御馬監散諸旗校還錦衣衛未幾以御史戴縉上書頌汪直功乃復開西廠嗣直數出邊監軍大

學士萬安奏罷西廠

宏治九年刑部吏徐珪上言臣在刑部三年見鞫問盜賊多東廠鎮撫司緝獲或校尉挾私誣陷或為人報仇或受首惡贓令傍人抵罪刑官洞見其情無敢擅更一字以致枉殺多人臣願陛下革去東廠以絕禍源則太平可致不聽已上編

正德元年邱聚領東廠復設西廠以命谷大用皆劉瑾黨也兩廠爭用事瑾又改惜薪司外薪廠為辦事廠榮府舊倉地為內辦事廠自領之京師謂之內行廠雖東西廠皆在伺察中加酷烈焉瑾誅西廠內行廠俱革獨東廠如故

明皇卷六十七

手

刑法

隆慶三年十二月命廠衛刺部院事給事中舒化等上言廠衛徼巡輦下惟詰奸宄禁盜賊耳駕馭百官乃天子之權而糾察非法則責在臺諫豈廠衛所得干今命之刺訪將開羅織之門逞機穿之術禍貽善類使人人重足累息何以為治且廠衛非能自廉察必屬之番校陛下不信大臣反信若屬耶御史劉思賢等亦極陳其害帝並不從化舒傳

萬厯初馮保以司禮兼廠事建廠東上北門之北曰內廠而以初建者為外廠保與張居正興王大臣獄欲族高拱

衛使朱希孝力持之拱得無罪衛猶不大附廠也天啟時魏忠賢提督東廠用衛使田爾耕鎮撫許顯純之徒專以酷虐鉗中外而廠衛之毒極矣刑法志

莊烈帝即位忠賢伏誅而王體乾王永祚鄭之惠李承芳曹化淳王德化王之心王化民齊本正等相繼領廠事告密之風未嘗息也崇禎十年御史劉之勃疏陳東廠三弊言東廠司緝訪而內五城外巡按以及刑部大理皆不舉其職此不便於官守假捏姓名一紙株連萬金立罄此不便於民生子弟訐父兄奴僕訐家主部民訐官長東廠皆樂聞此不便於國體帝納其言劉之勃傳

明皇卷六十七

手

十五年御史楊仁愿疏自東廠興緝事之害積而益重臣聞番役懸價以買事件甚至誘人為姦盜而賣與番役則誘者獲利挾仇忿以首告而證以惡棍則挾者逞志廠臣豈不三令五申禁之然比較事件而又欲令其不買事件是吹薪止沸必不得之數也夫設阱布罟以待魚鳥人猶哀之况餌人以陷禍惟恐其不即罹吾網羅揆之皇上泣罪解網之心豈不傷哉伏望先寬東廠事件而後比較可緩比較緩而後買事件與賣事件亦息皇上勿急於求彼亦不必急於得如是而積重之勢稍殺匪惟輦轂蒙休內外關通之事且不期自息矣夢餘錄

駕帖

故事廠衛有所逮必取原奏情事送刑部發簽駕帖駕帖發下須從刑科批定若科中退止即主上亦無如之何如王振汪直二豎用事時緹騎徧天下尚不敢違此例也野獲編

正統元年令重囚三覆奏畢仍請駕帖赴錦衣衛監刑官領校尉詣法司取囚赴市通典

成化十二年王恕疏近聞雲南中衛百戶汪清自京師齎駕帖與刑部郎中鍾蕃錦衣衛百戶宋鑑臣竊疑焉臣聞駕帖下各衙門則用司禮監印信該科挂號皇城各門印

明會要卷六十七



照出關防所以防詐偽也今齎來駕帖既無監科印信字號又無各衙門關防且原差郎中鍾蕃等於本年九月初六日到雲南提犯人盧安等到官鞫問百戶汪清又齎駕帖於本月十一日到送與蕃等事體不一非唯啟人之疑且使投間抵隙者得以行其詐而濟其私敢據實為陛下言之疏入改恕南京兵部明臣奏議宏治元年刑部尚書何喬新言舊制提人所在官司必驗精微批文與符號相合然後發遣此祖宗防微杜漸深意也近者中外提人止憑駕帖既不用符真偽莫辨奸人矯命何以拒之請給批文如故帝曰此祖宗舊例不可廢命

復行之刑法志

十八年奸人徐俊等造謠言帝遣官齎駕帖至南京有所捕治已而知其妄南京御史李熙等言陛下於此事威與明少損矣倘奸人效尤妄以蜚語中善類害何可勝言事下法司亦力言駕帖之害帝納之陸崑傳

嘉靖元年十二月辛丑刑科都給事中劉濟言故事廠衛有所逮必取原奏情事送刑科發簽駕帖今千戶白壽齎帖至并無原奏索之不與未便簽發而壽執自來駕帖送科皆開寫事略會同署名實不係御批原本兩人列詞並上而帝先入壽言竟紕濟議劉濟傳

明會要卷六十七



萬厯元年王大臣事起馮保密差數校至高拱所脅令自裁拱呼校面詰索駕帖觀之諸校詞窘謂廠衛遣來奉慰耳野獲編天啟中魏忠賢遣使者逮黃尊素至蘇州適城中擊殺逮周順昌旗尉其城外人并擊逮尊素者逮者失駕帖不敢至黃尊素傳

明會要卷六十七終

明會要卷六十八

永新龍文彬集

祥異一

符瑞

太祖生於元天厯戊辰之九月丁丑其夕紅光滿室自是夜數有光起鄰人望見驚以為火輒奔救至則無有本紀太祖西至合肥歷光固汝潁諸州道病輒見兩紫衣人與俱病瘥遂不見嘗夜陷麻湖中遇羣兒呼迎聖駕叱之絕迹劉基遊西湖有異雲起西北諸同遊者皆以為慶雲將分賦詩基獨縱飲不顧大言曰此天子氣也十年後應在

明會要卷六十八

金陵我當輔之紀事本末

洪武二年十月甲戌甘露降於鍾山羣臣請告廟不許本紀三年鳳翔進瑞麥有一莖五穗三穗二穗者帝謂廷臣曰朕觀自古以來無金革鬪爭之事時和歲豐風俗樸厚方足為瑞若此麥一物之異非天下之瑞也大訓記時甘露屢降帝問宋濂災祥之故對曰受命不於天於其人休符不於祥於其仁春秋書異不書祥為是故也宋濂傳十九年四月癸巳五色雲再見禮部請表賀不許大政記永樂二年九月丙午周王橚來朝獻騶虞百官請賀帝曰祥瑞之來易令人驕是以明主遇祥自警未聞因祥自怠

騶虞若果為祥在朕更當脩省三編

四年十一月己巳甘露降孝陵松柏醴泉出神樂觀薦之太廟賜百官大政記

十一年五月丁未曹縣獻騶虞禮官請賀不許同上

十三年貴州布政使蔣廷瓚言去年班師詔至思南大巖山有呼萬歲者三呂震言此山川效靈帝曰山谷之靈空虛相應理或有之震為國大臣不能辯其非又欲因之進媚豈君子事君之道金水河太液池冰具樓閣龍鳳花卉狀帝召羣臣觀之震因請賀不許而隆平侯張信奏太和山五色雲見侍郎胡濙圖上瑞光椰梅震率羣臣先後表

明會要卷六十八

賀云呂震傳

宣德八年閏八月辛亥朔西域貢麒麟禮官請表賀帝曰遠方之物朕非有愛但念其盡誠遠來故受之不足賀也三編十年英宗嗣位龍州宣撫司以瑞麥獻有一莖六穗七穗者詔曰今旱蝗相望獨一方稱瑞如天下飢民何自今有若此類者毋獻嘉靖七年四月甘露降告於郊廟是年春靈寶人言黃河清者五十里遣太常往祭告於是告祥瑞者踵至矣二十五年十月以醴泉出承華殿停諸司封奏三編上

三十七年七月胡宗憲獻白鹿者再帝告謝元極寶殿及
大廟百官表賀宗憲傳自是靈芝白龜白雁玉兔西苑嘉禾
顯陵甘露無不告廟稱賀者陶仲文傳

十月禮部進瑞芝一千八百六十本詔廣求徑尺以上者
初四方所獻芝皆積苑中中使竊出市人復進以邀賞王
金乃厚結中使得芝萬本聚為一山號萬歲芝山編三

四十四年六月甲戌芝生睿宗廟柱告廟受賀遂建玉芝
宮同上

日食

洪武十六 二年五月甲午朔四年九月庚戌朔六年三

明會要卷六十八

三

月癸卯朔七年二月丁酉朔八年七月己未朔九年七月

癸丑朔十年十二月乙巳朔十四年十月壬子朔十六年

八月壬申朔十九年十二月癸未朔二十一年五月甲戌

朔二十二年九月丙寅朔二十三年九月庚寅朔二十四

年三月戊子朔二十六年七月甲辰朔三十年五月壬子

朔

建文一 二年三月丙寅朔

永樂八 四年六月己未朔七年九月庚午朔十一年正

月辛巳朔先是鴻臚寺奏習元旦賀儀楊士奇曰日食天

變之大者前代元旦日食多不受賀帝從之敕曰朕垂治

理上累三光眾陽之宗薄食元旦羣臣尚勉輔朕消弭災
變朝賀宴會其悉罷免十三年五月丁酉朔十八年八月
丁酉朔十九年八月辛卯朔二十年正月己未朔罷朝會
二十一年六月庚戌朔

宣德三 五年八月己巳朔陰雨不見禮部請表賀不許
七年正月辛酉朔免朝賀十年十一月戊辰朔

正統四 六年正月己亥朔欽天監言日食不應禮官請
表賀不許九年十月丙午朔十年四月甲辰朔十二年八

月庚申朔

景泰四 二年六月戊辰朔日當食不見三年十一月己

明會要卷六十八

四

未朔五年四月壬午朔六年四月丙子朔

天順四 四年七月乙亥朔五年十一月丁酉朔七年五

月己丑朔八年四月癸未朔日當食不見憲宗下天文生

賈信於獄

成化九 三年二月丁酉朔五年六月癸丑朔六年六月

戊申朔九年四月辛酉朔十年九月癸丑朔十一年九月

丁未朔十二年二月乙亥朔二十年九月乙酉朔二十一

年八月己卯朔

宏治七 元年六月癸巳朔本紀系之癸巳證之大政記

亥系已二年十二月甲申朔八年二月乙卯朔十一年閏

十一月壬戌朔十三年五月甲寅朔十四年九月丙子朔十五年九月庚午朔

正德六 二年正月乙亥朔九年八月辛卯朔十年十二

月癸丑朔是日車駕當出視郊祀牲禮部請改次日因言

祀牲乃郊祀之始日食乃天變之大今大禮將舉忽違此

變上天示戒昭然伏望順承天意益加敬畏則天心感格

災變不足弭矣不納十二年六月乙巳朔十三年五月己

亥朔十六年三月癸丑朔

嘉靖十五 四年閏十二月乙卯朔六年五月丁丑朔八

年十月癸亥朔十二年八月辛未朔本紀不載 二十一

七月己酉朔二十二年正月丙午朔二十四年五月壬戌

朔二十八年三月辛未朔三十二年正月戊寅朔日當食

不見三十四年十一月壬辰朔三十五年十月丙戌朔四

十年二月辛卯朔本紀不載 七月己丑朔四十三

壬寅朔四十五年四月壬戌朔

隆慶二 四年正月己巳朔本紀作乙巳 乙以正旦日食

罷元會帝避殿減膳是月月復食給事中陳吾德疏言歲

首日月並食天之大災陛下宜屏斥一切玩好應天以實

報聞六年六月乙卯朔

萬曆十六 三年四月己巳朔日有食之既帝感日食之

明會要卷六十六 五

變於宮中製牙牌手書十二條於其上所至懸座右以自

警五年閏八月乙酉朔日食不見八年二月辛未朔十年

六月丁亥朔十一年十一月己卯朔十五年九月丁亥朔

日當食不見十六年八月壬午朔本紀未載 十七年正月

己酉朔以日食免元旦朝賀嗣後每元旦皆不視朝矣十

八年七月庚子朔二十二年四月己酉朔二十四年閏八

月乙丑朔三十一年四月丁亥朔是日當享太廟禮部侍

郎郭正域言當祭而日食牲至未殺則廢况時維四月又

為正陽變異非細是日辰時食至巳時若救護後午刻祭

享曾未踰時兩興大禮精禋不肅宜以朔旦救日詰朝享

廟詔改享太廟於初五日三十二年四月辛巳朔三十八

年十一月壬寅朔禮部侍郎翁正春言前兩歲食四月朔

純陽之月也今食十一月朔陽生之月也仲冬之月於律

為黃鍾於卦為復乃羣陰已極一陽初生之候而有此虧

蝕其災異尤甚君德象日宜照臨宣布不宜闔汶閉藏自

萬曆二十年後財貨日斂聚人材日剝落閭閻徒號天聽

愈杳天下不見陽和舒育之氣如在窮陰沍寒之中是以

上天譴告如此然日之食與更止在一時而皇上之寢與

行止在一念誠翻然轉移日中之治可保無疆矣疏入不

省四十年五月甲午朔四十三年三月丁未朔四十四年

明會要卷六十八 六

三月辛未朔四十五年七月癸亥朔

天啟一 元年四月壬申朔

崇禎六 二年五月乙酉朔四年十月辛丑朔七年三月

丁亥朔十年正月辛丑朔十四年十月癸卯朔十六年二

月乙丑朔已上皆天文志三編

日月變異

洪武三年自正月至十二月日中屢有黑子詔求直言起居注萬鎰言日者陽精而有黑子陰奸乎陽也德為陽刑為陰君子為陽小人為陰宜慎刑黜奸三編
正統元年八月癸酉至己卯月出入時皆有游氣色赤無

明彙卷六十八

七

光天文志九月白虹貫日二申錄

十四年八月辛未月晝見與日爭明

天順二年閏二月己巳日無光旋赤如赭

六年十月丙子日赤如血七年四月癸未如之

八年二月己亥日無光

成化十三年三月壬申日白無光

十八年四月壬寅日赤無光

宏治元年十一月己卯月生芒如齒長三尺餘色蒼白

十八年八月癸酉至九月甲午日無光已上天文志

正德四年正月蘇州見日初出如日並出者十數至清明

日止二申錄

嘉靖元年正月丁卯日慘白變青無光天文志

七年正月日重暈生珥右有戟氣

二十四年十二月日輪外屢有黑氣如盤二十九日日忽

暗有青黑紫色如日狀者數十相摩久之千百飛蕩滿天

向西北而散

隆慶六年五月通州月光晝見月下有二星已上二申錄

萬曆二十五年三月癸丑黑日二三十餘迴繞日旁移時

雲隱不見五月辛卯朔日光轉蕩旋為黑餅

三十五年十一月丙午日赤無光燭地如血已上天文志

明彙卷六十八

八

四十六年四月日中有黑子

四十八年日生交暈如連環下生背氣一道黃白色左右

生戟氣青赤色白虹彌天良久始散

天啟元年二月遼陽有數日並出

二年五月日中月星並見孫慎行上疏請脩省已上三編

四年正月癸未日赤無光有黑子二三蕩於旁漸多至百

許

崇禎四年正月戊辰日色如血照人物皆赤二月乙巳朔

日赤如血無光十月丙午月晝見

十一年十一月癸亥日中有黑子及黑青白氣日入時日

光摩蕩如兩日

十二年二月庚子日旁有紅白九

十三年九月己巳兩日竝出辰刻乃合為一入時又分為

二

十四年正月壬寅日青無光已上天 文志

彗孛

洪武元年正月庚寅彗星見於昴畢三月辛卯彗星出昴

北大陵天船間長八尺餘指文昌近五車

六年四月彗星三入紫微垣已上天 文志

九年七月有星孛於北斗二申 錄

明彗卷六十八

九

二十四年四月丙子彗星二入紫微垣天文 志

永樂五年十一月丙寅彗星見諭趙王高燧曰彗星見燕

分爾宜謹慎出入伺察邊境毋或怠忽三編

十三年八月有星孛於南斗二申 錄

宣德六年四月戊戌有星孛於東井

七年正月壬戌彗星出東方

八年閏八月壬子彗星出天倉旁

正統四年閏二月彗星見張宿旁大如彈六月戊寅彗星

見畢宿旁

九年七月庚午彗星見太微東垣

十四年十二月壬子彗星見天市垣市樓旁厯尾度

景泰元年正月壬午彗星出天市垣外掃天紀星

三年三月甲午朔有星孛於畢已上天 文志

七年四月壬戌彗星東北見於胃敕內外羣臣脩省三編

天順元年五月丙戌彗星見於危

五年六月戊戌彗星見東方指西南入井度

成化元年二月彗星見已上天 文志

四年七月有星孛於台斗二申 錄九月癸亥有客星蒼白色

芒長三丈尾指西南變為彗星掃三台越五十八日乃滅

七年十二月甲戌彗星犯紫微光長竟天正晝猶見帝避

明彗卷六十八

十

正殿撤樂敕羣臣脩省條時政得失彗至明年正月乃滅

已上 三編

八年正月彗星見軒轅二申 錄

宏治三年十一月戊戌有星孛於天津詔羣臣言闕失

十三年四月甲午彗星見室壁間至五月辛巳入紫微垣

正德元年七月庚子彗星見光流東南長三尺越三日長

五尺許掃下台入太微垣時八黨竊柄朝政日非而災異

疊見於是南京御史陸崑偕同官上疏極諫帝不省已上 三編

十五年正月彗星見

十六年正月有星孛於東南已上 二編

嘉靖二年六月有星孛於天市天文志

十年六月乙巳彗星見東井閏月甲寅彗星見東井二申錄

十一年八月彗星見東井芒長丈餘掃太微垣及角宿天

門凡一百五十有五日乃滅南京御史馮恩上疏以張孚

敬為根本之彗汪鉉為心腹之彗方獻夫為門庭之彗三

彗不除庶政終不可理帝得疏大怒逮下獄論死編三

十二年六月彗出昴畢射天漢八月彗星復出東井

十五年三月彗星見東南已上二申錄

十八年四月庚戌彗星見光長三尺許指東南旬日始滅

三十三年五月癸亥彗星見天權旁犯文昌二十七日而

沒

三十五年正月庚辰彗星見進賢旁西南指

三十六年九月戊辰彗星見天市垣列肆旁東北指

隆慶三年十月辛丑朔彗星見天市垣東北指已上天文志

萬曆四年七月彗星見二申錄

五年十月戊子彗星從東南方起長亙天人情洶洶指目

張居正至懸謗書通衢帝詔諭羣臣再及者誅無赦謗乃

已編三

八年八月庚申彗星見東南方每夜漸長縱橫河漢凡七

十日有奇天文志

明會要卷六十八

彗

九年三月彗星見紫微垣尾光芒射西北二申錄

十年四月丙辰彗星見西北形如匹練尾指五車

十三年九月戊子彗星出羽林傍長尺許每夕移東行芒

漸小

十九年三月丙辰彗星見於西北厯胃室壁至閏三月入

婁

二十一年七月乙卯彗星見東井乙亥逆行入紫微垣犯

華蓋王錫爵密奏古帝王禳彗之法或更張新政或更用

新人一切以除穢布新為義若彗入紫微垣王者之宮則

咎在君身必非區區用人行政之間所能消弭竊惟天子

之象曰帝星太子之象曰前星臣以為方今禳彗之第一

義無過早行冊立之典

二十四年六月彗星見

三十五年八月辛酉朔彗星見於井指西南漸往西北至

丁丑厯於房兵科給事中宋一韓上言春秋二百四十年

字見者一終綱目之世彗見十七今彗星復見東井其咎

安在臣謹按星野東井秦分彗尾指西南漸往西北又指

秦地秦其急乎且彗者掃除之象刑人之職也小人用之

以掃除為職君子用之以除舊布新今李鳳鯨噬於粵東

潘相蝮螫於江右其他諸處內使其為掃除之役等耳宜

明會要卷六十八

彗

因此變悉撤之因而一新舊令整飭政事以紓萬民之困
不報

四十六年十月乙丑彗星見於氏

四十七年正月彗星見東南長數百丈光芒下射末曲而

銳或曰蚩尤旗時方議進師遼陽識者以為兵敗之兆已上

編三

崇禎十二年十月彗星見

十三年十月丙戌彗星見已上天

五星陵犯

洪武元年七月熒惑犯上將九月太白犯上將二申

明書卷六十八

七

六年三月戊申熒惑犯填星六月壬辰太白犯歲星

八年三月癸亥熒惑犯填星已上天

九年七月熒惑犯上將九月太白又犯之二申

二十二年六月丙辰辰星犯太白

二十七年三月乙丑熒惑犯歲星於奎已上天

三十一年惠帝即位十月熒惑守心詔求直言編三

永樂三年三月戊戌太白犯歲星十一月癸巳朔太白犯

辰星於箕

四年正月癸卯太白犯歲星

五年七月甲子熒惑犯填星

十二年十一月丁卯太白犯歲星

十四年七月乙巳太白犯填星

二十年九月乙亥太白犯歲星十月己酉太白犯填星

洪熙元年十一月丙午太白犯填星

宣德元年十一月戊戌辰星犯填星已上天

六年九月熒惑犯南斗二申

七年六月己酉太白犯歲星七月辛巳太白犯熒惑

九年十一月己亥太白犯填星

十年十月庚子熒惑犯填星

正統元年五月戊寅太白犯熒惑於井

明書卷六十八

南

二年五月辛丑熒惑犯填星

三年十二月戊寅太白犯歲星

五年五月丙午太白犯填星

七年九月戊午太白犯熒惑於氏

十一年九月丁亥太白犯歲星

十二年七月戊午熒惑犯填星

十四年二月己卯太白犯熒惑已上天六月熒惑入南斗

時侍講徐理頗知天文私語其友劉溥曰禍不遠矣編三七

月丙午熒惑犯填星

景泰元年閏正月丁卯熒惑犯歲星

天順七年十一月乙卯朔熒惑犯填星

成化六年九月己亥太白犯歲星

十一年七月戊辰太白犯填星

十三年九月丙寅熒惑犯填星

十六年六月壬申太白犯歲星已上天

二十三年八月甲申夜太白犯亢宿二申

宏治二年正月戊辰太白犯歲星十一月壬午太白犯填星

三年正月庚申太白犯填星五年八月丁未熒惑犯歲星六年十一月己未太白犯填星

明會要卷六十八

五

七年九月甲寅及十年正月丙辰熒惑犯歲星十二月庚辰辰星犯歲星

十七年閏四月癸酉歲星犯填星已上天

正德元年八月五星凌犯星斗畫見二申

二年十月癸未熒惑犯填星

八年正月壬午及十六年十二月丙午俱太白犯歲星

嘉靖元年正月己未太白犯歲星十二月甲戌太白犯填星

三年正月癸酉太白犯歲星已上天

二十三年六月熒惑犯南斗二申

二十九年六月庚辰熒惑犯歲星守井

萬曆五年十二月辛丑太白犯填星於斗

九年十二月癸巳太白犯填星入危

十一年六月丁丑太白犯熒惑

十五年五月己亥太白犯填星

二十四年四月己酉太白犯歲星

二十五年七月甲辰熒惑犯歲星

二十七年閏四月庚寅辰星犯太白於井

三十四年十一月庚辰熒惑掩歲星於危甲辰熒惑犯歲星已上天

明會要卷六十八

未

三十六年三月熒惑犯填星於斗牛二申

三十八年十一月辛亥太白犯填星於虛

四十七年三月壬子太白犯歲星於壁

天啟元年八月丙申熒惑與太白同度者兩日

崇禎九年六月己亥太白犯歲星於張已上天

十五年四月熒惑犯歲星二申

明會要卷六十八終

明會要卷六十九

永新龍文彬纂

祥異二

星聚

洪武十四年六月癸未辰星熒惑太白聚於井

十七年六月丙戌歲星填星太白聚於參

十八年三月戊子填星歲星太白聚於井

二十四年七月戊子太白熒惑填星聚於翼十一月乙未

辰星歲星合於斗十二月甲子熒惑辰星合於箕

二十五年正月辛丑熒惑歲星合於牛

明會要卷六十九

永樂二年四月戊子太白熒惑合於井

正統十四年九月壬寅太白填星熒惑聚於翼十二月辛

未太白歲星合於尾

景泰元年十一月壬申太白歲星合於箕

二年九月庚申太白熒惑填星聚於軫

四年三月乙丑太白歲星合於壁

五年正月戊辰太白歲星合於奎六月己酉熒惑歲星合

於胃十一月己未太白填星合於氏

七年三月戊戌太白熒惑合於奎十月戊申歲星熒惑合

於鬼

天順元年五月乙丑太白歲星合於井十二月丙辰太白

填星合於心

二年九月甲寅太白填星合於斗

三年九月乙巳太白歲星合於角

四年十月壬申歲星熒惑辰星太白聚於氏

五年十一月己亥填星熒惑合於牛甲子太白熒惑合於

虛

六年九月甲午太白熒惑合於張

七年十月庚寅歲星熒惑合於女庚戌太白歲星合於女

八年二月丙午填星歲星太白聚於危

成化四年四月癸巳歲星熒惑合於井壬子及七年七月

庚子太白歲星合於井

宏治十三年四月癸丑熒惑太白辰星聚於井

十六年八月庚申熒惑歲星填星聚於井

十八年五月丙申太白歲星合於星

正德二年九月戊辰辰星歲星太白聚於亢已上天

嘉靖三年正月壬午五星聚於營室光祿少卿樂鵬疏自

古五星之聚非大福即大禍聚房周昌聚箕齊霸漢興聚

東井宋盛聚奎天寶聚於尾箕而有祿山之亂皇上中興

五星聚室宜亟圖脩德以承此大慶占曰天下兵謀星聚

明會要卷六十九

二

營室凡所爲內脩外攘以銷邊疆盜賊之謀者何可不加意也

十八年閏七月庚申辰星熒惑太白歲星聚東井已上二

十九年九月乙卯太白辰星填星聚於角

二十三年正月癸卯熒惑歲星填星聚於房

四十二年七月戊戌太白歲星填星聚於井

四十三年四月庚子歲星填星熒惑太白聚於柳

萬曆二十年六月壬子太白辰星填星聚於井

三十二年九月辛酉歲星填星熒惑聚於危

天啟四年七月丙寅五星聚於張

明會要卷六十九

三

崇禎七年閏八月丙午至九月壬申填星熒惑太白聚於尾

十一年十一月己卯歲星熒惑合於亢已上天

星隕

洪武三十一年七月長星西隕有聲如雷惠帝詔行寬政

赦有罪蠲逋稅三編

宣德元年十二月己巳有星大如椀出卷石東行過東井

墜地聲如雷天文志

景泰元年三月有大星隕於廣州

成化九年七月有星隕於山東莒城縣

十二年四月流星隕於榆林城中有聲已上二

二十年五月有大星墜番禺縣東南聲如雷天文志

二十一年正月甲申朔星隕有聲詔羣臣言闕失吏科給

事中李俊率科臣上疏言今之弊政最大且急者近倖干

紀也大臣不職也爵賞太濫也工役過煩也進獻無厭也

流亡未復也天變之來率由於此帝優詔答之三編

宏治四年十月丁巳有星隕光山縣化爲石如斗十一月

甲戌星隕真定西北紅光燭天

七年五月宣府山西河南有星晝隕

八年四月辛未星隕鉛山縣其聲如雷

明會要卷六十九

四

十年正月壬子有星大如斗光長三十餘丈一小星隨之

隕於甯夏西北隅九月乙巳有星隕於永平有聲

十一年正月癸亥有流星隕於肅州大如房響如雷

十四年閏七月辛巳山東有星大如車輪自東南往西北

隕於壽光縣

正德元年十二月庚午有星如椀隕甯夏中衛已上天

十二年八月星隕泉州二申錄

十五年正月丁未酉刻有星隕於山西龍舟谷巡檢司廳

嘉靖七年十月河間星隕如雨天文志

十二年十月辛巳京口星隕如雨瓊州潮州星隕亦如之
已上二 中錄

十九年五月辛丑星隕棗強為石四天文志

三十二年九月高唐有星起自東北飛向西北而隕如日光燭天

四十五年十一月有大星下隕羣星數百如雨隨之已上二 中錄

萬曆三年五月癸亥有二流星晝隕景州城北化為黑石
四年十一月甲午有四星隕費縣質明落赤點於城西北
色如硃砂長二里闊一二尺

明彙卷六十九

五

十三年七月辛巳有星如盃隕於沈邱蓮花集

十五年六月丙寅平陽晝隕星丁卯辰刻有星如斗隕於

平陰已上天 志

十六年九月岢嵐隕星化為石青黑色長三尺餘形如枕

二 申 錄

十七年正月庚申有星隕西甯衛大如月天文志

十八年三月代州星隕

十九年七月西甯星隕已上三 編

二十七年三月庚子蓋州衛連隕大星三

三十三年十一月有星隕於南京教場

三十五年十一月癸巳有星隕於涇陽淳化諸縣

四十一年正月庚子真定流星晝隕有光

四十三年三月戊申晝星墜清豐東流村聲如雷

四十六年十月辛酉有星如斗隕於南京安德門外聲如
霹靂化為石

天啟三年九月甲寅固原州星隕如雨已上天 志

五年八月廣州見大星如毬光長數丈自東流入於南散
作十餘道

崇禎十二年四月有星隕於鳳翔

十四年十二月高郵星隕大如屋

明彙卷六十九

六

十七年三月己丑朔營頭晝隕聲如雷怪星晝行名曰營 頭已上二 申 錄

雪

洪武十四年五月丁未建德雪六月己卯杭州晴日飛雪

五行 志

天順四年四月大雨雪月餘乃止三 編

成化十三年四月開原大雨雪

十六年七月越嶲雨雪交作已上五 志

十七年六月癸亥雨雪三 編

宏治六年九月鳳陽大雪二 申 錄

十七年六月癸亥雨雪三 編

萬曆二十四年四月己亥林縣雪

四十四年正月雨紅黑黃三色雪

四十六年四月辛亥陝西大雨雪

崇禎十一年五月戊寅喜峯口雪三尺已上五行志

霜

洪武二十六年四月丙申榆社隕霜損麥

成化二年四月乙巳宣府隕霜殺青苗已上五行志

十三年七月陝西隕霜傷稼二申錄

宏治八年四月庚申榆社陵川襄垣長子沁源隕霜殺麥

豆桑辛酉慶陽諸府縣衛所三十五隕霜殺麥豆禾苗

明會要卷六十九

七

九年四月辛巳榆次隕霜殺禾是月武鄉亦隕霜已上五行志

十六年八月鹽山隕霜殺稼二申錄

正德八年四月乙巳文登萊陽隕霜殺稼丙辰殺穀

十三年三月壬戌遼東隕霜禾苗皆死

嘉靖二年三月甲子朔郊城隕霜殺麥辛未殺禾已上五行志

九年六月慶元大霜殺禾

二十年六月鹽山隕霜殺禾已上五行志

二十二年四月己亥固原隕霜殺麥

隆慶六年三月丁亥南宮隕霜殺麥

崇禎元年三月義烏隕霜殺麥

十三年四月會甯隕霜殺稼

十六年四月鄆陵隕霜殺麥已上五行志

雹

洪武七年六月陝西雨雹五行志系之八月甲午

正統五年六月陝西大雨雹深尺許

天順元年六月大風震雷發屋拔木雨雹大如雞卵擊毀

奉天殿東吻正陽門外馬牌飛擲郊外都人震恐

八年五月大雨雹李賢上言天威可畏陛下當懍然加省

無狎左右近倖崇信老成共圖國是憲宗嘉納之

成化元年五月大雨雹避正殿減膳救羣臣修省

明會要卷六十九

八

宏治六年八月辛未京師雨雹大如彈丸平地壅積禮部

尚書倪岳疏弭災急務勸帝勤聖學開言路止無功之賞

停不急之役黜奸貪進忠直帝嘉納之已上三編

嘉靖十五年二月溧陽雨雹順德雨雹或如斗或如蘿墜

水中沈復浮起

十七年四月吳城大風雨雹大如李陽山雹如斗

十九年十一月臨高雨雹大者如車輪

隆慶二年三月遵化冰雹損麥五月京師河南陝西皆大

冰雹

五年四月京師大冰雹

萬曆元年正月雨雹

二年二月杭州雨雹

三年六月靜樂大雨雹圓如車輪片如門扇已上二錄

九年八月遼東定遠等衛雨雹如雞卵秋禾盡傷凡百餘里

里

三十一年七月京師大雨雹時祁州安肅並大風雨冰雹已上天文志

三十四年七月乙酉大雨雹

四十年八月瑞州大雨雹形似麒麟重有斤許

四十一年四月淮安雨雹如雞卵凡數百里已上二錄

明會要卷六十九

九

四十二年五月乙卯夜京師大雨雹天文志

崇禎四年五月大同雨雹襄垣亦雨雹大如伏牛小如拳斃人畜甚眾

斃人畜甚眾

十二年八月大雨雹

十三年四月諸暨雨雹害稼殺牛羊甚眾已上二錄

木冰

洪武四年正月戊申木冰

六年十二月乙丑雨木冰

十一年正月丁亥雨木冰

二十二年正月甲戌雨木冰

正統三年十月丁丑曉木介已上五志

景泰六年正月雨木冰編三

天順七年十月甲辰雨木冰

八年正月乙丑雨木冰成花

成化十六年正月辛卯曉雨木冰已上五志

嘉靖三十九年十一月江甯木冰如花二申錄

隆慶三年十一月癸巳木冰

萬曆十四年冬蘇松木冰

崇禎元年十一月陝西木冰樹枝盡折已上五志

總天變

明會要卷六十九

十

洪武元年八月甲戌夜京師天鳴如河傾海注二申錄

十九年九月丙子天雨絮

二十一年九月壬戌至甲子天鼓鳴晝夜不止

宣德元年八月辛未東南天鳴聲如萬鼓辛巳東南天有青氣狀如人叉手揖拜

正統四年七月蘇松常鎮四府大風拔木殺稼已上五志

八年六月雷震奉天殿鳴吻帝輟朝祭告勅修省求直言編三

十年三月庚寅西北天鳴如鳥羣飛五行志

景泰二年二月欽天監奏土星逆行太微垣帝曰上天仁

景泰二年二月欽天監奏土星逆行太微垣帝曰上天仁

景泰二年二月欽天監奏土星逆行太微垣帝曰上天仁

愛垂象示警朕當省悔五府六部都察院翰林院其詳議
寬恤條例以聞編三

成化四年三月昏霧蔽天不見星日者累晝夜

七年四月丙辰雨黑沙如漆

九年四月乙亥兩京雨土十三年六月壬子雨錢於京師

十四年八月丁未南京大風拔太廟樹

十五年八月辛卯南京大風拔孝陵木

宏治八年六月甲子黟縣雨豆

十年三月己酉雨土

十一年四月辛巳雨土

明會要卷六十九

十一

正德元年二月壬子夜東北天鳴如風水相搏五七次六

嘉靖元年正月丁卯雨黃沙七月己巳南京暴風雨拔樹

萬餘株

八年十月癸巳杭州雨黑水

二十一年象山雨黃霧行人人口耳皆塞已上五行志

三十年正月連江雨石有聲如雷錄二申

三十四年七月丙戌太風拔朝日壇樹五行志

三十五年四月仁化天雨赤水色如赤珠

四十五年八月華容天開日關已上二錄

隆慶二年四月天雨黑豆八月甲辰絳州西北天裂自丑
至寅乃合

六年閏二月癸酉遼東赤風揚塵蔽天

萬曆十六年九月乙丑甘肅石灰溝天鳴雲中如犬狀亂

吠有聲

二十五年二月癸亥湖州黑雨雜以黃沙

四十一年八月乙未青州大風拔樹傾城屋

四十三年四月戊寅石首雨豆

崇禎元年三月辛巳昧爽天赤如血射牕牖皆紅已上五行志

七年二月戊午海豐雨血黃梅天雨黑子如粟錄二申

明會要卷六十九

十三

十年山東雨黑水新鄉亦如之五行志

地震

洪武五年四月廣州地震八月又震有聲如雷七月建康

地震錄二申

八年七月京師地震十二月復震編三

建文元年三月京師地震詔求直言御史尹昌隆言奸臣

專政陰盛陽微謫見於天是以地震同上

三年正月辛酉朔常州地震錄二申

永樂元年十一月北京地震

二年十一月京師地震濟南開封亦震

六年五月京師地震

十一年八月北京地震

十三年九月北京地震

十五年九月京師地震

十八年六月北京地震

二十二年六月南京地震

洪熙元年二月南京地震凡十有六震四月又三震五月復震

宣德元年二月南京地震七月京師地震

二年正月南京地震是年凡十有一震

明會彙卷六十九

三

四年正月兩京地震

北京是年震者三南京震者七

五年十二月兩京地震

正統三年三月京師地震

四年六月京師地震八月又震

十年二月京師地震

十一年六月京師地震

景泰二年七月癸丑京師地震八月壬申南京地亦震

天順五年京師地震有聲已上三編

成化元年四月甲申河南鈞州地震有聲二申錄

三年四月四川地震自去年六月至於是月地凡三百七十五震敕所在官吏脩省遣使祭其

川山

四年八月京師地震已上三編

六年正月丁亥河南湖廣地震二申錄

十二年正月南京陰霾地震南京科道官上言弭災之策

乞進君子以正朝廷擇將帥以備邊郡設法制以弭盜賊

並乞飭天下鎮巡官及三司郡縣省刑薄斂拯飢緝盜毋

妄興土木毋因公科擾詔下所司行之

十三年九月京師地震

十七年二月甲寅南京地震鳳陽淮安揚州和州及山東

河南州縣同日皆震禮部言考之傳記春動者饑二月動

明會彙卷六十九

西

者水今地動踰千里况鳳陽南京宗廟社稷所在關繫尤

重乞敕有司卹冤矜寡施德澤以弭災異廣儲蓄以備歲

凶脩渠堰以防水患從之

二十年正月庚寅京師地震永平諸府及宣府大同遼東

皆同日地震敕諭羣臣曰朕仰惟祖宗丕緒夙夜惕兢圖

惟政理然治效未著地震京師天戒至矣齋心滌慮省愆

修德爾文武羣臣與朕共天職者得毋有竊位苟祿以召

致災咎者乎自宜痛自懲艾以毗朕志

二十一年三月泰山震五月京師地震

宏治三年十二月己未京師地震

四年六月辛亥京師地震八月乙卯南京及淮揚二府同日震

七年七月乙巳京師地震九月戊寅南京地震十一月壬子京師地復震已上三編

八年十一月貴州地震大政記

十三年七月乙巳京師地震

十四年正月庚戌朔陝西地大震時河南之永甯盧氏山西之蒲州安邑滎河亦於是日震二月乙未至三月癸亥蒲州地凡二十九震十月辛酉南京地震於是兵部尙書馬文升言陝西與敵爲鄰延慶二府尤密邇河套乃地震

明會要卷六十九

五

未已此外寇侵陵之兆今小王子部落日眾其酋長和碩往往以詐計敗我官軍其患非小伏乞脩德弭災行仁政以養民講武備以固國節財用停齋醮止傳奉冗官禁奏乞閒田撤回陝西織造內臣振恤被災之家帝從其言已上三編

正德五年七月四川地震二申錄

六年十一月地震三編

七年閏五月杭州地震七月八月連震二申錄

九年八月乙巳京師地震

十一年八月戊辰南京地震

十四年二月丁丑京師地震

嘉靖三年正月地震

四年八月南畿地震是歲天下地震凡六十有三

十五年十月地震

十八年四月山西地震

二十七年七月京師地震

二十九年正月山東地震

三十年九月乙未京師地震

三十五年八月冀州等處地震十一月陝西地震

三十八年七月南京地震已上三編

三十九年三月甯夏地震湖州大震竹溪地震出血二申錄

明會要卷六十九

未

四十五年正月福建地震

隆慶二年三月京師地震

三年十一月京師地震

四年四月京師地震已上三編

五年六月辛卯朔京師地震者三二申錄

萬曆二年三月福建地震

三年十月京師地震已上三編

五年七月廣州地震二申錄

七年七月京師地震

九年四月山西地震已上三編

十一年六月廣東地震七月又震二申錄

十二年二月京師地震

十三年三月山西地震八月復震

十四年四月癸酉京師地震申時行等奏曰恆暘不雨陽

亢也地震弗甯陰縱也願祇天戒恤民艱慎起居修政事

報聞

十五年九月山西地震

十六年六月京師地震

十七年五月西甯衛地震六月廬州鎮江地震七月福建

明會彙卷六十九

七

浙江地震

十八年二月順德地震

十九年六月山西地震七月甘肅廣西地震

二十三年五月京師地震

二十五年八月京師地震遼陽開原廣甯等衛宣撫薊鎮

等處俱震

二十六年八月丁丑京師地震

二十八年二月戊寅京師地震

三十年五月四川地震六月福建地震

三十一年四月承天地震五月京師地震

三十二年閏九月陝西地震已上三編十月江南地震二申錄

三十三年五月廣西地震九月京師地震

三十六年二月京師地震七月復震

三十七年正月永昌地震六月甘肅地震

四十二年九月地震

四十三年十月京師地震

四十四年七月地震

四十五年五月鳳陽地震

四十六年六月京師地震七月復震山西州縣十有七及

紫荆關偏頭神池同日震甘肅紅崖堡震聲如雷遼東寬

明會彙卷本十九

六

甸海蓋間亦震

四十八年二月地震

天啟二年九月地震

三年四月京師地震十二月兩京鳳陽蘇松淮陽泗滁同

日地震

四年二月京師地震十二月南京地震

六年六月地震十二月南京地震

七年十月南京地震

崇禎元年九月京師地震已上三編

十二年九月福建廣西地震二申錄

十三年十一月南京地震編三十二月宣府地震汝甯上蔡地裂

十四年正月湖廣地震八月陝西地震

十五年四月山西地震七月復震已上二申錄

十七年正月庚寅南京地震編三

山崩

洪武六年正月壬戌夜伏羌高山崩五行志

正統八年十一月浙江紹興山移於平田又陝西二處山崩一處山移有聲叫三日移數里二申錄

成化十七年十二月辛丑壽陽縣城南山崩聲如牛吼

明會要卷六十九

充

宏治三年六月乙巳河州山崩地陷

九年六月庚寅山陰蕭山二縣同日大雨山崩

正德五年六月癸巳秦州山崩

六年七月丙寅夔州獐子溪驟雨山崩已上五行志

十一年六月丙子陽江淫雨山崩二申錄

十三年五月癸亥雲南黑鹽井山崩

十五年八月丁丑雲南趙州大雨山崩

嘉靖四年七月乙酉清源賈家山崩已上五行志

六年四月高明山崩凡二百丈二申錄

隆慶二年五月庚戌永甯州山崩

四年八月湖州山崩成湖

萬曆二十五年六月泰山崩已上五行志

二十七年八月陝西山崩編三

三十七年六月辛酉甘肅南山崩五行志

崇禎二年五月羅浮山崩二申錄

隕石

成化六年六月壬申陽信雷聲如嘯隕石一碎為三外黑

丙青

十四年六月辛亥臨晉隕石入地三尺大如升色黑

宏治三年三月慶陽隕石無數大者如雞卵小者如芡實

明會要卷六十九

平

十二年五月戊寅朔州有聲如雷隕大石三

正德九年正月己卯濱州有聲隕石

十三年正月己未鄰水隕石一

嘉靖四十二年三月癸卯懷慶隕石

隆慶二年三月己未保定新城隕黑石二

萬曆十七年九月戊午萬載隕石演武廳畔

十九年四月辛酉遵化隕石二

崇禎九年九月丁未太康隕石已上五行志

明會要卷六十九終

明會要卷七十

祥異三

永新龍文彬纂

水災

洪武八年七月淮安北平山東河南大水五行志

十二月直隸蘇州湖州嘉興松江常州太平甯國杭州俱

水

九年蘇松嘉湖及常州太平甯國浙江杭州湖廣荊州黃

州諸府水已上三編

永樂二年六月蘇松嘉湖四府水七月湖廣江西水五行志

明會要卷七十

十一

九年浙江湖廣河南順天揚州水三編

十二年十月崇明朝暴至漂廬舍五千八百餘家五行志

正統元年兩畿山東河南陝西湖廣廣東大水

四年五月京師大雨水溢壞官廨民居三千三百餘區帝

祭告天地諭羣臣修省下詔寬卹求直言

五年六月兩畿山東河南浙江江西大水

十三年四月陝西江西水

景泰六年閏六月兩畿湖廣水

七年七月兩畿山東河南大水

成化元年七月兩畿河南山西湖廣江西浙江大水二申錄

六年六月順天河開永平諸府大水

八年七月南畿浙江大水

十四年七月京畿山東大水

十八年八月大水衛漳滹沱並溢河南霪雨自六月至於

是月漂損廬舍三十一萬四千二百餘閒泮死居民一萬

一千八百餘人

宏治十年濟兗青登萊五府大水

嘉靖二年七月南畿大水漂沒田廬人畜無算

十六年兩畿山東河南陝西浙江各被水災湖廣尤甚三編

明會要卷七十

二

四十年九月蘇松常鎮杭嘉湖七府大水

隆慶三年南畿浙江大水

四年九月陝西大水

五年十月河南山東大水

萬曆三年五月淮揚大水帝下詔曰近來淮揚地方無歲

不奏報災傷無歲不蠲免振濟若地方官平時著實經理

民事加意撙節多方設備卽有災荒豈至束手無措今爲

官者本無實心愛民一遇水旱卽委責於上事過依舊因

循不理豈朝廷任官養民之意吏部查兩府有司有貪酷

虐民及衰老無爲者黜之

八年六月南畿大水

九年八月揚州大水漂沒官民廬舍凡數千間已上三編

十四年夏江南浙江江西湖廣廣東福建雲南遼東大水五行志

五行志

三十一年六月山東泰安州大水溺死八百餘人屋宇傾圮千餘間

三十二年六月昌平大水壞長泰康昭四陵石梁七月永平府屬諸州縣大水溺死男婦無算

三十五年六月湖廣及徽甯太平嚴州大水

三十六年六月南畿大水南京科道等官揭報淫雨連綿

明會要卷七十一

三

江湖泛漲自留京至常鎮諸郡皆被淹沒蓋二百年未有之災乞速行振濟給事中胡忻言部院藩臬諸官懸缺不補人心愁怨召診宜籌所以修省之實不報

三十七年五月福建大水

三十九年廣東廣西兩畿湖廣皆大水諸大吏請罷榷稅以甦民命不報

四十年六月京師大水

四十年六月京師大水

崇禎五年六月京師大雨水給事中李世祺上言日者輔

理調變無聞精神為固寵之用統軍衛才無術緩急無可

恃之人中樞決策掩耳盜鈴主計持籌醫瘡剜肉州縣迫

功令鞭策不前六曹窘簿書救過不贍一人議疑及眾人

一事嘗疑及眾事黃衣之使頡頏卿貳之堂貂蟬之座雄

踞節鉞之上低眉則氣折強項則釁開各邊監視之遣已

將期月初雖閒有摘發繼亦同歸模稜伏願撤回監使以

明陰不干陽之分然後採公論以進退大臣酌事情以衡

量小臣釋疑忌之根開功名之路則天變可同時艱可濟

已上三編

火災

洪武元年閏七月丁酉京師火延燒永濟倉

明會要卷七十一

四

三年七月乙未寶源局火

五年二月壬辰至甲午京師火燬龍驤等六衛軍民廬舍

二十一年二月戊辰歷代帝王廟火

二十九年二月辛丑通州火燬屋千九百餘已上五行志

建文二年八月承天門災

永樂十九年四月奉天華蓋謹身三殿災詔曰朕仿古建

二京乃三殿同災朕心惶懼意者敬天事神禮有怠與祖

法戾政務乖與小人在位賢士隱避與刑獄冤濫與讒慝

交作與措克及田里與蠹財妄費用無度與租稅太重徭

役不均與軍旅未息征調無方饋餉乏與工作過度民力

疲與奸人附勢羣吏弄法有司闕茸不治與爾文武羣臣條陳無隱於是詔罷不便於民及不急諸務蠲十七年以前逋賦及十八年被災田租

二十年閏十二月戊寅乾清宮災已上三編

正統三年八月辛酉順天貢院火席舍多焚改期再試

十四年六月南京謹身奉天華蓋三殿災

景泰五年春南京火延燒數千家已上五行志

天順元年七月承天門災下詔罪己赦羣臣修省三編

三年九月庚寅肅州城中火延燒五千四百餘家五行志

成化十一年四月壬辰夜乾清宮門災越四日乙未以災

明會要卷七

五

告於奉先殿謹躬自責

二十二年六月臨海縣災延燒千七百餘家

宏治四年十二月鳳陽陵火已上三編

十一年自春徂夏貴州大火燬官民房舍千八百餘所死傷者六千餘人十月甲戌清甯宮災

十二年六月甲辰夜闕里至聖廟災十二月建陽縣書坊

火古今書板皆燼

正德元年十一月己亥臨海縣治火延燒數千家

八年六月辛酉豐城縣西南連隕火星如盆如斗既而火

作至七月初始熄燔二萬餘家已上五行志

九年正月乾清宮災楊廷和以宮災自劾請帝避正殿下詔罪己帝不省三編

嘉靖四年三月壬午仁壽宮災玉德安喜景福諸殿俱燼安喜景福皆宮名詳方域門

十三年六月甲子南京大廟火

二十年四月辛酉九廟災燬成仁二廟主

三十五年九月戊辰杭州大火延燒數千家已上五行志

三十六年四月奉天華蓋謹身三殿災帝下詔引咎修齋

五日止諸司封事停刑五月

四十年十一月永壽宮災已上三編

明會要卷七

木

隆慶二年四月承運庫火累朝寶器皆燬二申三月乙亥

乾清坤甯兩宮一時俱燼

萬曆十一年十一月庚午夜慈甯宮災

十二年二月己酉無逸殿災已上五行志

二十二年六月西華門災

二十四年三月乙亥乾清慈甯兩宮災

二十五年六月戊寅三殿災時帝銳意聚財多假殿工為

名言者謂天以民困之故災三殿以示警奈何復因天災

以困民帝不納已上三編

三十年十月丙申孝陵災五行志

三十一年三月遼東火

三十三年九月昭和殿災

三十八年四月正陽門災給事中周曰庠上言正陽門樓與正殿相對義取當陽正南面以臨天下者也自萬厯二十年來深居大內大小臣工莫能接見人材政事置之膜外昔年宮殿災業已示譴迄今十餘年玩愒如初所謂恭己正南面者杳無時日則何取於正陽之名為哉天故火之庶幾顧名思義耳願稍加振刷天下事尙可為也疏入不報

三十九年四月戊子怡神殿災五行志

明會要卷七

七

四十四年十一月己巳隆德殿災

四十六年九月壬子茂陵災

四十七年五月癸酉盍甲殿災

泰昌元年十月丁卯噉鸞宮災

天啟元年閏二月丙戌怡和殿災三月甲辰杭州火延燒

六千餘家七月戊子復災城內外延燬萬餘家

六年五月戊申王恭廠災

崇禎元年七月己卯公安縣火燬文廟延五千餘家已上行志

旱

洪武三年五月旱帝齋於西廡皇后躬執爨為農家食太子諸王饋於齋所帝素服草屨徒步至壇席藁曝日中夜

臥於地凡三日詔省獄囚越五日大雨三編

四年山西河南陝西及直隸常州臨濠北平河閒永平旱五行志

八年應天太平甯國鎮江及蕪黃諸府旱

二十六年四月旱詔羣臣言事理獄囚

永樂十三年鳳陽蘇州浙江湖廣旱

宣德元年夏江西旱湖廣夏秋旱

二年南畿湖廣山東山西陝西河南旱

八年三月兩京河南山東山西旱已上行志六月帝作閱旱

詩示羣臣

正統七年四月兩畿山東山西河南陝西旱

十年湖廣旱

十三年四月兩畿山東河南湖廣旱已上行三編

十四年六月順天保定河閒真定旱

景泰元年畿輔山東河南旱

七年八月浙江江西湖廣南畿山西旱

天順三年兩畿浙江湖廣江西四川廣西貴州旱已上行志

成化六年四月旱

八年京畿四月不雨運河水涸遣使禱於天地社稷山川淮瀆東海之神

十七年四月旱風霾敕羣臣修省

二十年六月大旱

宏治六年六月大旱

正德十一年夏大旱

嘉靖二年四月旱

四十五年六月旱帝親禱於凝道雷軒越三日雨

萬厯元年四月旱諭百官修省釋重囚

九年四月京師旱

明皇卷七

九

十年四月京師旱疫

十三年二月旱大雩四月京師旱大雩帝步禱於南郊面諭大學士等曰天旱雖由朕不德亦天下有司貪婪剝害小民以致上千天和今後宜慎選有司乃詔中外理冤抑免天下被災田租一歲

十五年四月旱

二十六年四月京師旱

二十七年夏旱

二十八年七月旱給事中王德完以祈禱雨澤奏言致旱有由縱其所以毒民者是也弭災有法衛其所以保民者

是也今出柙中之虎兕以吞糜羣黎怨憤無處伸鬱結無時解霖雨以天怒而屯肥蠶緣人妖而出如之何不旱亟改前絃將各省贖貨之使一旦撤回則修省以實不以文何旱災之不禱哉疏入不報

二十九年五月旱

三十五年十月山東旱

三十八年閏三月旱

三十九年四月京師旱

四十三年五月畿內山東旱

泰昌元年八月遼東旱

明皇卷七

十

崇禎四年四月旱

七年五月大旱帝因旱求言給事中黃紹傑乃疏言漢世災異策免三公宰執亦因罪以求罷今者久旱陛下修明政治納讜言可謂應天以實矣而雨澤不降天有所怒而不解也次輔溫體仁秉政數載上千天怒無歲不旱曠無日不風霾無處不盜賊無人不愁怨此召變之尤願陛下罷體仁以回天意體仁罷而甘霖不降殺臣以正欺君之罪

十年六月兩畿山西江西大旱

十二年六月畿內山東河南山西旱

十四年六月兩畿山東河南浙江湖廣旱已上三編

蝗

洪武六年六月山西北平河南山東蝗三編

建文四年京師飛蝗蔽天

永樂元年夏山東山西河南蝗

十四年七月畿內河南山東蝗已上五編

宣德五年遣使捕畿內蝗帝諭戶部曰往年捕蝗之使害民不減於蝗宜知此弊因作捕蝗詩示之三編

九年七月兩畿山西山東蝗蝻覆地尺許傷稼

十年四月兩京山東河南蝗蝻傷稼

明會要卷七十一

正統二年四月北畿山東河南蝗已上五編

七年夏兩畿山東山西河南陝西旱蝗

十三年七月乙酉朔京師飛蝗蔽天已上三編

十四年夏順天永平濟南青州蝗

景泰五年六月甯國安慶池州蝗

天順元年七月濟南杭州嘉興蝗

成化三年七月開封彰德衛輝蝗

宏治三年北畿蝗

四年夏淮安揚州蝗已上五編

六年六月飛蝗過京師自東南而西北日爲掩者三日戶

部請遣順天府丞畢亨行縣督捕

七年三月兩畿蝗命捕蝗一斗給米倍之三編

嘉靖三年六月順天保定河間徐州蝗

隆慶三年閏六月山東旱蝗已上五編

萬曆十九年秋畿內蝗

三十四年六月畿內蝗

天啟元年七月順天蝗

崇禎十一年六月兩畿山東河南大旱蝗

十四年六月兩畿山東河南浙江湖廣旱蝗已上三編

人異

明會要卷七十一

洪武二十四年八月河南龍門婦司牡丹死三年借袁馬頭之屍復生

成化十七年六月宿州民張珍妻王氏臍下右側裂生一子

二十年十一月徐州婦人肋下生瘤久之瘤漸大兒從瘤

出

宏治十六年五月應山民張本華妻崔氏生鬚長三寸是

時鄭陽商婦生鬚三線約百餘莖

嘉靖二年六月曲靖衛舍人胡晟妻生一男兩頭四手三

足

四年橫涇農孔方脇下產肉塊剖視之一兒宛然
五年江南民婦生妖六目四面有角手足各一節獨爪鬼聲

十二年貴州安衛軍李華妻生男兩頭四手四足

二十七年七月大同右衛舍人馬錄女年十七化為男子

隆慶二年十二月靜樂男子李良雨化為婦人

五年二月唐山民婦生兒從左脇出

萬曆十年浙川人化為狼

十八年南宿州民婦一產七子膚髮紅白黑青各色

三十七年六月繁峙民李宜妻牛氏一產二女頭相連手足各分

足各分

四十六年廣甯衛民婦產一猴二角四齒

崇禎十五年十一月曹縣民婦產兒兩頭頂上有眼手過膝已上五

滕行志

禽獸之異

宏治十四年華容民劉福家雞雛三足

十七年六月崇明民顧孟文家雞生雛猴頭而人形身長四寸有尾活動無聲

嘉靖四年長垣民王憲家雞抱卵內成人形耳目口鼻四肢皆具

肢皆具

萬曆二十二年六月靖邊營軍家雌雞化為雄

二十五年二月壬午岳州民有鴨含絮裹火飛上屋入竹

綠茅茨中火四起延燒數百家

四十三年四月壬午雙鶴銜火飛集掖縣海神廟殿明日

廟火

崇禎六年汝甯有鳥鳩身猴足鳳陽惡鳥數萬兔頭雞聲

鼠足供饌甚肥犯其骨立死

十年宣武門外民家白雞喙距純赤重四十斤或曰此鷲也所見之處國亡

十四年太倉衛指揮姜周輔家雞伏子兩頭四翼八足已上

異禽

明會要卷七十

南

宣德七年五月忻州民武煥家馬生一駒鹿耳牛尾玉面

瓊蹄肉文被體如鱗已上五

成化二十年七月泗州牛生麒麟錄二申

宏治元年二月景甯屏風山有異物成羣大如羊狀如白

馬數以萬計首尾相銜迤邐騰空而去

九年八月有黑熊自都城蓮池緣城上西直門官軍逐之

下不能獲噉死一人傷一人

十一年六月有熊自西直門入城郎中何孟春曰當備盜

亦宜慎火是年城內多火災

嘉靖五年七月南城縣有虎具人手足已上五

六年四月舞陽生麒麟雙角馬蹄口吐火焰其聲如雷錄漳浦有牛產犢三目三角

七年杭州民家有豕肉膜閉生字

四十二年四月海鹽有海馬萬數岸行二十餘里其一最巨高如樓記上五

隆慶三年松江有豕生八足三山牛產一黃犢七足腹下四足脊上三足皆輒前後竅各二錄二申

萬曆三年三河民家生八豕一類人形手足俱備額上一目

明會要卷七十一

五

四十四年七月常鎮淮揚諸郡土鼠千萬成羣夜銜尾渡江絡繹不絕幾一月方止

四十五年五月南京有鼠萬餘銜尾渡江食禾稼八月開州牛產犢兩口三眼

四十七年六月黃縣生豕雙頭四耳一身八足七月甯遠生豕身白無毛長鼻象嘴懷甯民家產一犬長五寸高四寸一頭二身八足狀如人

天啟四年三月神木生豕額多一鼻逆生目深藏皮肉合則不見

七年三月莒州牛產犢如麟

崇禎元年三月石泉生豕類象鼻下一目甚大身無皮毛肉皆白

十二年黃州鼠食禾渡江五六日不絕又秦州關山中鼠化鷓鴣者以數千計

十五年二月羣鼠渡江晝夜不絕七月聊城生豕一首二尾七蹄十月榆林定邊諸堡鼠生蝦蟆腹中一生數十食苗如割已上獸異皆見五行志

草木之異

正統八年十一月殿上生荆棘高二尺

十四年廣州獄竹床踰年忽生青葉

明會要卷七十一

六

宏治八年二月枯竹開花實如麥米苦蕒開蓮花

九年廣州民家瓜大如斗瓢皆出血

正德元年永嘉自冬至春麥穗桃李實崇禎四年五月河南草生人馬形如披甲持矛馳驅戰鬪者然

十三年徐州田中白豆多作人面眉目宛然已上草異

宏治八年長沙楓生李實黃蓮生黃瓜
九年三月長甯柑生蓮花李生豆莢
十六年九月安陸桃李華
正德六年八月霸州桃李華已上五行志

嘉靖三十年正月蕭山桃生橋象山柏樹開雞冠花李生黃瓜

隆慶二年十月桃李花開麥秀梅杏實已上二

五年四月杭州栗生桃

萬曆十八年五月丁卯祖陵大松樹孔中吐火竟日方滅

二十三年十二月癸亥皇陵樹頭火出延燒草木

天啟六年四月癸巳白露著樹如垂綫日中不散十月辛酉南京西華門外有烟無火禮臣往視乃舊宮材木瘞土

中久烟自生土石皆焦以水沃之三日始滅

崇禎六年五月癸巳霍山縣有木飢飛墮不知所自來已

明會要卷七十

七

木異皆見五行志

雜變異

洪武五年河南黃河竭行人可涉

十一年正月元旦甲戌早朝殿上金鐘始叩忽斷為二

建文二年四月乙卯燕王營於蘇家橋兵端火光如毬上

下相擊金鐵錚錚弓弦自鳴

宣德元年七月甲午京師地生毛

正統十一年二月異氣見奉天華蓋二殿

成化十二年七月庚戌京師黑眚見有物金精脩尾狀如

犬狸負黑氣夜入民家至則人昏迷徧城驚擾帝常朝奉

天門侍衛見之而譁頃之始定帝於禁中祭告天地以四事自責大學士商輅疏弭災八事帝優詔褒納

十三年二月甲午浙江山陰湧泉如血十四年八月戊戌

早朝東班官若聞甲兵聲辟易不成列久之始定

宏治九年六月庚辰宣府鎮南口墩驟雨火發龍起刀鞘

丙

十八年五月辛卯日午旋風大起雲翳三殿若有人騎龍

入雲者

正德元年正月辛丑鳳陽紅光發與日同色聲如雷

四年三月甲寅蓋州衛城樓鐘自鳴者三

明會要卷七十

六

七年文登秦始皇廟鐘鼓自鳴成山衛亦如之

八年七月甲申龍泉有赤彈二自空隕於縣治形如鵝卵

躍入民居相鬪久之

嘉靖三十三年四月戊子慈谿民家湧血高尺餘

三十七年五月戊辰東陽民張思齊家地裂五六處出血

如線高尺許血凝犬就食之掘地無所見

隆慶六年七月七日有物轟轟飛至直隸華亭海濱墮於

地乃鐘也鑄時年月具在識者謂其來自閩云

萬曆六年七月丁丑松門衛金鐘家湧血三尺有聲

十三年四月乙丑虹民王祿投宿姚壘家見血出於地驚

走至市市亦流血鄉人擊器物謀之乃止

十四年建昌民樵於山逢巨蛇一角六足如雞距不噬不驚或言此肥蠶也

十九年六月庚戌慈谿矛家浦湧血入處大如盆高尺許血濺船船即出血濺人足足亦出血數刻乃絕

二十一年十月甲申山東督撫令旗及刀槍頭皆火出且有聲

二十四年十二月辛卯同安生黑毛

二十六年五月庚寅古浪城樓大鐘自鳴者三

天啟元年六月庚寅肇慶民王體積中庭噴血如跑突泉

明會要卷七十一

九

六年五月丁未京師石獅擲出城外銀錢器皿飄至昌平

閱武場中

崇禎六年五月癸巳有鐵斧飛落霍山縣

八年十二月辛巳夜四鼓山東鎮南大礮鳴如鐘至黎明

大吼一聲乃止

十年錢塘江木柶化為魚有首尾未變者

十一年京師有黑膏狀如狸入民家為崇牛歲乃止五上

志

明會要卷七十終

明會要卷七十一

永新龍文彬纂

方域一

國都

初甯海布衣葉兌上書言天下大計略言金陵古稱龍蟠

虎踞帝王之都宜建都於此守淮以為藩屏守江以為門

戶如高祖之關中光武之河內以此為基藉其兵力資財

以攻則克以守則固葉兌傳

太祖詢馮國用天下大計對曰金陵龍蟠虎踞帝王之都

先拔之以為根本馮勝傳

明會要卷七十一

一

洪武元年初帝幸汴梁將營都而未果既克元都遂下詔

曰朕觀中原土壤四方朝貢道里適均然立國之規模固

重而興王之根本不輕其以應天為南京開封為北京朕

於春秋往來巡狩三編

初太祖將營中都劉基曰鳳陽雖帝鄉非建都地也劉基傳

二年帝召諸老臣問建都事或言關中險固或言洛陽天

下中汴梁為宋舊京或又言北平故元宮室就之可省民

力帝曰所言皆善惟時有不同耳長安洛陽汴梁實周漢

唐宋故都但平定之初民未甦息若建都於彼供給力役

悉資江南重勞其民若就北平宮室亦不無更作建業長

江天塹龍蟠虎踞足以建國臨濠前江後淮有險可恃有水可漕朕欲建爲中都何如皆曰善十月以臨濠爲中都營城郭宮殿如京師制三編時都御史胡子祺上言天下形勝地可都者四河東地勢高控制西北堯嘗都之然其地苦寒汴梁襟帶河淮宋嘗都之然其地平曠無險可憑洛陽周公卜之周漢遷之然嵩邱非有殺函終南之阻瀍澗伊洛非有涇渭瀍產之雄夫據百二河山之勝可以聳諸侯之望舉天下莫關中若也帝稱善至二十四年欲徙都關中命皇太子巡撫陝西太子還獻陝西地圖上言經略建都事明年薨遂罷興宗傳

明皇朝卷七十一

二

永樂十四年命文武羣臣集議建都之宜乃上疏曰北京乃聖上龍興之地北枕居庸西峙太行東連山海南俯中原沃壤千里山川形勝足以控四夷制天下誠帝王萬世之都也宜敕所司營建從之三編

吳元年作新內三殿曰奉天華蓋謹身洪武八年改建制度如舊規模益宏永樂十八年建北京宮殿規制仍如南京
皇極殿即奉天殿皇帝受朝賀之所嘉靖四十一年更
中極殿即華蓋殿在皇極殿後嘉靖四十一年更

建極殿即嘉靖四十四年更

文華殿在左順門外東

昭仁殿即東暖殿先名宏德

宏德殿即西暖殿先名蕭維

端凝殿乾清宮左

懋勤殿乾清宮右

省躬殿在乾清宮內

南薰殿武英殿之東凡遇徵號冊封大典篆寫金冊金寶在此

交泰殿乾清宮之北

端敬殿文華殿後

柔儀殿解給傳成祖命給等七人命婦朝后於柔儀殿

玉德殿俱行志嘉靖四年三月壬午玉德安喜景福諸殿二宮是安喜景福皆宮名證之趙瑣傳亦合而五行志誤作殿名

仁壽殿天安皇后於此

欽安殿坤寧後

元輝殿關雎右

奉先殿慈慶後

壽皇殿以下四殿俱在萬歲山

永壽殿

明皇朝卷七十一

三

觀花殿殿植牡丹

觀德殿北安門內習射

奉慈殿以下三殿日建

宏孝殿原名景雲殿

神霄殿原名崇

怡神殿以下四殿

聖哲殿鍾粹宮

一號殿光宗時楊漣倡議移宮李選

德政殿中左門之左小廂房能開元

養心殿以下二殿月

無梁殿世宗煉丹

隆德殿以下四殿

春仁殿

秋義殿

英華殿

重華殿以下十二殿屬南城在大

洪慶殿

觀心殿

翔鳳殿英皇居南城翔鳳等殿石闕干景

崇德殿龍觀

明會要卷七十一 四

含和殿

龍德殿以下英宗復

崇仁殿

廣智殿

乾運殿秀巖

永明殿乾運

環碧殿永明

後殿以下三十八

涼殿

暖殿已上三殿在西宮奉天

廣寒殿

清暑殿已上二殿在萬歲山宣德八年四月修葺以藏經

仁智殿萬歲山宣德八年四月修葺以藏經

延和殿萬歲山之半

介福殿右

仁壽殿

崇智殿椒園

無逸殿嘉靖九

承光殿太液池東嘉靖三

明會要卷七十一 五

元禧殿	大高元殿	景德殿	顯陽殿	太初殿	太始殿	大光明殿	大道殿	清福殿	紫極殿	祐甯殿	祐祥殿	承祐殿	凝一殿	明德殿	樂成殿	昭和殿	迎翠殿	太素殿	凝和殿
														崇禎十五年召閣部諸臣入對明德殿		賢遊西苑見李	靖十三年更嘉	正德十年修嘉靖四	以下三殿天順四年建

明會要卷七十一

六

延禧宮	啗鳳宮	噉鸞宮	昭儉宮	承華宮	勸勤宮	奉宸宮	慈慶宮	重華宮	仁壽宮	清甯宮	坤甯宮	乾清宮	清虛殿	嘉豫殿	乾德殿	嘉樂殿	騰禧殿	清復殿
精門東路	以下六宮日	已上二宮在仁壽宮內宮妃養老之處					嘉靖十五年即清甯宮後地更建光宗青宮時所居崇禎十五年改端本宮以下五宮在麟趾門內	東上南門之東	在乾清宮東已上	宮在乾清宮西	中宮所居	後為正寢			萬曆二十九年更為乾德閣	啟時更造	金海橋之北	已上四殿在

明會要卷七十一

七

承乾宮原名永甯東宮貴妃所居

永和宮原名永安

鍾粹宮原名咸陽皇太子所居

景陽宮原名長楊孝靖皇后會居之

景仁宮原名長甯

祥甯宮以下九宮月華門西路

慈甯宮嘉靖十五年即大善殿更建以奉皇太后

毓德宮原名安樂

啟祥宮原名未央獻皇發祥處嘉靖十四年五月更

咸安宮原名咸熙

明會要卷七十一

八

翊坤宮原名萬安西宮貴妃所居

長春宮

儲秀宮原名壽昌

咸福宮原名壽安

崇質宮俗云黑瓦廠景泰年間英宗居此所謂南城也以下十宮皆在南城

延福宮

嘉福宮

甯福宮

明德宮

永春宮

永甯宮

宜春宮

延喜宮

延春宮

萬壽宮在西苑文皇舊宮世宗初名永壽宮自二十一年徙居此至四十年永壽宮災明年更建命曰萬壽宮皆在西宮

壽源宮西宮後寢

萬春宮

萬和宮

萬華宮

萬甯宮

明會要卷七十一

九

仙禧宮更千秋宮

仙樂宮更千樂宮

仙安宮更千景宮

仙明宮更千安宮已上入宮皆嘉靖四十二年九月更

玉熙宮金海橋之北嘉靖四十年永壽宮災暫御玉熙宮

樓閣

文淵閣在文華殿前諸學士議政之所

東閣

文昭閣即文樓在皇極殿丹墀東嘉靖四十一年七月改

武成閣 嘉靖四十四年七月改

隆道閣 隆慶四年二月更

英明閣 隆慶四年

五鳳樓 即午門樓

翔鳳樓 見石亭

暖閣 乾清宮十一月獨召錫爵暖閣

宏文閣 洪熙元年正月建

清望閣 坤甯宮後

萬福閣 以下五閣

興隆閣

永康閣

延甯閣

興慶閣 萬曆四十年春樓

清和閣 以下二閣

湧福閣 原名激輝萬

紫光閣 以下四閣

乾佑閣 池北

天元閣 殿後

昭祥閣 原名福璠閣嘉靖

圓明閣 殿之西

明會要卷七十一

十

館

曲池館 坤甯宮後

玉食館 殿後

隆禧館 殿後

臻祥館 殿後

左毓秀館 以下四館

右毓秀館

嘉禾館

景明館

嘉樂館 以下六館

昭融館

桂香館

秋香館

浮金館

翠玉館

保和館 以下入館

念善館

仙輝館

仙朗館

鳳祥館 原名鳳祺嘉靖

明會要卷七十一

十一

集瑞館 在園右
迎祥館 在園左

齋

養德齋 乾清宮後
貞德齋 坤甯宮東露頂

游藝齋 坤甯宮北迴廊

樂志齋 坤甯宮後

九五齋 文華殿後

無逸齋 中正殿右

明會要卷七十一

十三

履仁齋 養心殿東

貞順齋 承乾宮東

始陽齋 以下苑西

正心齋

持敬齋 已上殿旁

壽祺齋 玉熙宮東

祿祺齋 玉熙宮西

龍吉齋 紫光閣西

清一齋 應殿西

室

忠義室 隆道閣東

恭默室 以下二室文華殿側

臨保室

涵春室 養心殿後

聚仙室 壽皇殿後

集仙室 以下二室在萬歲山

壽安室

清暇居 坤甯宮東披簷

省愆居 文華殿西

壽安居 即西御膳房萬曆二十二年十月更

鳳和居 以下四居在西苑

鸞鳴居

壽聖居

朗瑞居 紫光閣西

堂

大本堂 洪武元年十一月建見三編

臻祿堂 在壽皇殿後

明德堂 承乾宮西

安樂堂 在虎城成化間紀皇后居此

馭仙堂 以下五室在西苑北插口

明會要卷七十一

十三

靈安堂	精馨堂	演妙堂	輔國堂	軒	有容軒 中正殿東	養正軒 坤甯宮西	思正軒 乾清宮後	養德軒 乾清宮後	對育軒 坤甯宮西	遠趣軒 太素殿後	一德軒 養心殿西	臺觀 榭	雲臺 建極殿後	北臺	靈臺 西上南	回龍觀 東安橋北	南臺 瀛臺舊一名	圓臺	旋波臺 嘉靖二十八年
-----	-----	-----	-----	---	-------------	-------------	-------------	-------------	-------------	-------------	-------------	---------	------------	----	-----------	-------------	-------------	----	---------------

明會要卷七十一

酉

旋磨臺 即山兔	曲流觀 清虛殿前	水雲榭 亭在臨漪	亭	天光亭 以下五亭在南城	雲影亭 二亭在飛虹橋之東西	凌雲亭	御風亭 二亭在乾運殿左右	玩芳亭 崇智殿西	涵碧亭 東安橋北	方壺亭 以下三十五亭俱在西苑	瀛洲亭	玉虹亭	金露亭 已上四亭在廣寒殿左右	擁翠亭 以下二亭在太液池東	飛香亭 後更元潤亭	映輝亭	激波亭	龍澤亭 舊名會景亭嘉靖二十二年	滋香亭
------------	-------------	-------------	---	----------------	------------------	-----	-----------------	-------------	-------------	-------------------	-----	-----	-------------------	------------------	--------------	-----	-----	--------------------	-----

明會要卷七十一

壬

徵祥亭

湧瑞亭

浮翠亭

秋輝亭

錦芳亭

翠芬亭

宣恩亭

嚮祉亭

一陽亭

萬仙亭

幽風亭

省耕亭

省斂亭

飛鶴亭

浮香亭

寶月亭

激淵亭

臨漪亭

左臨海亭

已上五亭總謂之五龍亭

嘉靖二十二年四月更騰波亭三十五年五月更滋祥亭萬曆三十年七月更香津亭

已上四亭在大光明殿

明會要卷七十一

夫

右臨海亭 二亭在西苑門外

湧玉亭 北橋口

聚景亭

儀金亭 呂梁之前

擷秀亭

坊

金龍

玉竦 已上二坊在金水橋

福巒 迎仙亭南

祿渚 迎仙亭北

聖本肇初 啟祥宮北

元德永衍 啟祥宮南

福渚

壽岳 已上二坊太素殿後

戴鼈 以下二坊在南城飛虹橋之南北

飛虹

明會要卷七十一

七

明會要卷七十一終

明會要卷七十二

永新龍文彬

方域二

諸門城門

皇極門 即奉天門嘉靖三十七年改大

宏政門 即東角門

宣治門 即西角門

會極門 即左順門凡京官上下接本俱

歸極門 即右順門已上嘉靖

乾清門

明會要卷七十二

坤甯門

中左門 皇極殿左

中右門 皇極殿右

後左門 建極殿後之東亦曰平臺凡召對

後右門 建極殿後之西

永祥門 坤甯宮左

增瑞門 坤甯宮右

關雎左門 麟趾門之東

關雎右門 麟趾門之西

寶善門 麟趾門再

慈甯門

崇本門 文華殿西

思善門 仁智殿東南仁宗即位

廣運門 坤甯宮中門

景和門 宮後左

隆福門 宮後右

端則門 宮再北

基化門 宮再北

景運門 建極殿後又極殿

隆宗門 建極殿後又極殿

明會要卷七十二

日精門 乾清宮左以下十

龍光門 乾清宮小門

崇仁門 先祥名

順德左門 先景和名

咸和左門 先福名

麟趾門 南首先

千嬰門 北首先

嘉德左門 即嘉德門

廣和左門 先祥名

大成左門 先慶名

長甯左門即長甯門

瓊苑東門一名嘉福

月華門乾清宮右以下十門皆西長街

鳳彩門乾清宮小門

遵義門即膳廚

順德右門隆先名

咸和右門隆先名

螽斯門首南

百子門首北

嘉德右門景福先名

廣和右門廣生先名

大成右門即大成門

長甯右門麗先名

瓊苑西門隆一名

丹鳳門龍德殿南以下二門皆在南城

蒼龍門龍德殿東

重華門天順己卯建

永聚門南城中路

昭祥門

端拱門

明會要卷七十二

三

昭德門

廣定門

咸熙門

肅雍門

康和門

麗春門

廣順門以下五門南城東長街

中和門

景華門

景明門

宣明門

興善門以下五門南城西長街

麗景門

長春門

清華門

高明門

萬壽門以下二十二門在西苑

朗祿門萬壽宮右

曦福門萬壽宮左

含祥門

明會要卷七十二

四

成瑞門	
永康門	
永順門	
永綏門	
永祉門	
永和門	
迎祉門	
納康門	
衍慶門	
常甯門	
常和門	
常善門	
常輝門	<small>已上四門西苑西長街</small>
金甯門	<small>即授衣門嘉靖三十七年二月更</small>
攸順門	
攸利門	
金靜門	
金瑞門	<small>已上四門西苑東長街自宮殿至此據明史三編大政記野獲編夢餘錄涿化類編日下舊聞宮史</small>
關左右門	<small>諸書</small> <small>端門內東曰關左門西曰關右門按李時勉傳王指揮出端西旁門而前校尉已縛時勉從端</small>

明會要卷七十二

五

東旁門	<small>入闕左右門即端東西旁門也</small>
皇城內宮城外十二門	<small>東上門東上北門東上南門東中門北上門北中門</small>
紫禁城八門	<small>日承天門日端門日午門即俗所謂五鳳樓也東曰左掖門西曰右掖門再東曰東華門再西曰西華門</small>
皇城外六門	<small>日大明門日長安左門日長安右門日東安門日西安門日北安門俗呼厚載門仍元舊也</small>
京城九門	<small>正統十年定南日正陽南之左日崇文南之右日東直東之南日朝陽西之北日西直西之南日阜城</small>
城外七門	<small>嘉靖三十二年築正南日永定南之左日左安南之右日右安東日廣渠東之北日東便西日</small>
廣甯西之北	<small>日西便</small>
宮殿雜錄	
吳元年九月癸卯	<small>新內成命博士熊鼎編古人行事可為鑑戒者書於壁間又命侍臣書大學衍義於兩廡壁間帝曰前代宮室多施繪畫予用此以備朝夕觀覽豈不愈於丹青乎時有言瑞州文石可發地者帝曰敦崇儉樸猶恐習於奢華爾乃導予侈麗乎言者慚而退</small>
洪武元年十二月己巳	<small>上退朝還宮太子諸王侍上指宮中隙地謂之曰此非不可起亭臺館榭為游觀之所誠不忍重傷民力耳昔商紂瓊宮瑤室天下怨之漢文帝欲作</small>

明會要卷七十二

六

露臺惜百金之費當時國富民安猶不欲耗中人之產以爲一身之娛爾等宜以爲法鑒大訓

二年九月以臨濠爲中都營城郭宮殿如京師制八年四月以勞費罷其役三編

八年改建大內宮殿諭廷臣曰唐虞之時宮室樸素後世窮極侈麗去古遠矣朕今所作不事華飾惟樸素堅固可傳永久使吾子孫守以爲法至於臺榭苑囿之作勞民費財朕決不爲敕所司知之大訓

建文元年十二月省躬殿成殿在乾清坤甯二宮間爲退朝燕息之所置古書聖訓其中諭以尚父丹書之旨夏書

明會要卷七十二

七

聲色宮室之戒命學士方孝孺爲之銘昭代典則

二年八月癸巳承天門災詔求直言從方孝孺議改謹身殿爲正心殿午門爲端門端門爲應門承天門爲臯門前門爲路門

永樂四年閏七月壬戌營北京宮殿分遣大臣宋禮等詣川湖各省採木命秦甯侯陳珪等董治飭飭徵天下工匠

選在京諸衛及河南山東等處軍民赴北京供役期以明年五月興工

宣德八年七月揭幽風圖於殿壁

正統五年三月戊申建北京宮殿初永樂中宮闕未備奉

天華蓋謹身三殿成而復災以奉天門爲正朝至是重建三殿並修繕乾清坤甯二宮役工匠官軍七萬餘人三編

天順六年二月丙戌建東安東上二門大政

宏治十一年十月甲戌清甯宮災時太監李廣以符籙禱祀獲寵任勸帝建毓秀亭於萬歲山亭成幼公主殤宮復災日者謂建亭犯歲忌太后詈曰今日李廣明日李廣果然災及矣廣懼飲藥死

正德二年八月丙戌作豹房帝爲羣閣壘惑乃於西華門別構院築宮殿而造密室於兩廂句連櫺列謂之豹房

明會要卷七十二

八

九年正月庚辰乾清宮災十二月甲寅工部奏營建宮室

庀材鳩工計直白金百萬兩請均賦於民歲徵十之二恐徵輸不及暫於內帑借其半以給用帝終不欲假用內帑乃於一歲中請徵之於是催科旁午海內騷然矣三編

嘉靖四年三月壬午夜仁壽宮災昭聖皇太后所居也八月戊子工部會議修仁壽宮會世廟大工方興四川湖廣

貴州山林空竭所在災傷請發內帑銀兩及戶部鈔關兵部馬價工部料價各銀兩以佐工費上不許先是御史葉

忠以災變陳十事其一言修造仁壽宮宜稍損舊制以紓財力上頗然之仍勅四川巡撫王軌督採大木丁未上以

歲災民困欲暫停仁壽宮工役大學士費宏言昭聖皇太

后从處仁智殿意或未安請以漸修復庶足彰陛下之孝
上曰皇伯母孝奉不可缺小民亦當愛念自是仁壽宮之
建遂不果

十月丁亥作玉德殿景福安喜二宮工部尙書趙璜等以
歲饑財匱請暫停俟仁壽宮完徐議營建不許乙未璜等
復請停玉德殿等工費宏亦以爲言乃罷之遂并罷仁壽
宮召王軌還京

十六年五月戊戌雷震謹身殿鴟吻上問廷臣修省之宜
禮部言謹身殿卽古路寢天子肅容之所也上天示戒宜
求刑政之所以失者而改之報聞仍詔修省如例實錄

明會要卷七十二

九

十九年三月戊戌詔修西苑仁壽宮大政記

三十六年四月丙申奉天華蓋謹身三殿災初帝以殿名
奉天非題扁所宜敕禮部議之部臣會議言肇造之初名
曰奉天者昭揭以示虔爾然臨御之際坐而視朝亦似未
安於是重建奉天門成更名曰大朝門四十一年九月壬
午朔三殿成更名奉天殿曰皇極華蓋殿曰中極謹身殿
曰建極文樓曰文昭閣武樓曰武成閣左順門曰會極右
順門曰歸極大朝門曰皇極東角門曰宏政西角門曰宣
治又改乾清宮右小閣曰道心旁左門曰仁蕩右門曰義

平實錄

四十年十一月辛亥永壽宮災宮在西苑成祖舊宮也上
自二十一年宮婢之變卽徙居此是夜火作禁衛不及救
乘輿服御及先世寶物盡燬上乃暫御玉熙宮編十二月
丁巳工部尙書雷禮言玉熙宮殿湫隘且地曠近水非可
久御請及時營繕永壽宮先是公卿大臣欲請上還大內
巖崑復以徙居南城爲言上皆不悅大學士徐階因請以
三殿大工之餘材趨治永壽宮故工部希指奏之明年三
月宮成上卽日徙居之命曰萬壽宮實錄

明會要卷七十二

十

門曰奉天門殿曰奉天殿以至詔赦誥敕俱以奉天冠之
明人主不敢以一人肆於民上無往非奉天也義至精博

願詔門殿仍奉天故號昭象魏之重不報春明夢餘錄
萬曆七年四月張居正上雖肅殿箴其詞曰北辰紫宮惟
皇宅中身爲民表心與天通斯須不和則乖戾起斯須不
敬則傲慢叢念常生於所忽禍乃積於無窮是以聖人事
心天命是敕欽厥止日謹萬幾處深宮心周八極不以嗜
慾汨利不以逸豫滅德無作好無作惡藹藹熙熙如春斯
煦無荒色無荒禽兢兢惕惕如淵斯臨勿謂燕閒人莫予
觀一喜一怒作人燠寒絃急者絕氣平者安優優和衷爲
君實難勿謂密宥人莫予弼一動一言恆爲度律危懼則

存驕泰則失昭昭神明尙在爾室在昔成周宇內太和由
雖雖其在宮發琴瑟而不頗亦曰懿恭小民懷保由肅肅
其在廟克對揚於祖考我皇濬哲是謂知臨匪高明之不
足實育德於靜深我皇撫運是謂開泰匪豐亨之未臻懼
此心之或汰樂以平其情雖鐘簋不設而若聞希聲然後
心和氣和而天下平禮以飭其志雖升降未施而若持重
器斯謂無逸乃逸而天下治故曰沖和者養威澹泊者養
祿危懼者養安憂勞者養樂以古爲師於何不儀平平周
道惟皇所之以心爲鑑於何不見穆穆文王惟皇所憲朽
索在手勿謂無傷覆車在睫奈何弗防和不見流敬不可

明會要卷七十二

十一

忘慎終如始萬壽無疆

二十五年六月戊寅火起歸極門延至皇極中極建極三
殿文昭武成二閣周圍廊房一時俱燼時帝銳意聚財多
假殿工爲名言者謂天以民困之故災三殿以示儆奈何
復因天災以困民帝不納屢徵木於川廣令輸京師費數
百萬卒被中官冒沒終帝世三殿實未嘗復建也已上編

親王府

洪武三年七月詔建諸王府昭代
四年正月定親王宮殿制度大典則
七年定親王所居前殿名承運中曰圓殿後曰存心四城

門南曰端禮北曰廣智東曰體仁西曰遵義輿服志

九年正月丙寅命中書省臣作親王宮室務從儉樸省臣

奏親王宮飾殊紅室飾大青綠上曰惟儉養德惟侈蕩心

獨不見茅茨卑宮堯禹以興阿房西苑秦隋以亡諸子年

方及冠去朕左右豈可靡麗蕩心昭代

二十四年岷王榘封國岷州二十八年以雲南新附宜親

王鎮撫改雲南有司請營宮殿帝令暫居樓亭俟民力稍

紓後作岷王傳

二十八年四月辛未詔停造遼王宮室勅武定侯郭英曰

遼東軍務物情來者多言其艱苦邊境營繕不宜盡力以

明會要卷七十二

十一

困之今暫宜停止造作十年之後再爲之古人有言人勞

乃易亂之源深可念也昭代

三十年諭工部臣曰諸王在國宮室各有定制宜守禮安

分不許私有興作擾民若有應須造作而不可已者必奏

請方許同上

宏治時營造諸王府踰永樂宣德之舊禮部尚書倪岳請

頒成式倪岳傳

秀王見澍就藩汝甯王居隘左右請遷文廟廣之見澍不

聽曰居近學宮時聞絃誦聲顧不美乎本傳

宏治五年湖廣按察使林俊上疏言德安安陸建王府及

增修吉府工役浩繁財費鉅萬民不堪命乞循甯襄德府故事一切省儉勿用琉璃瓦及白石雕闌請著爲例不從

林俊傳

八年尙書馬文升奏洪武年間封建諸王惟秦晉等十府規模宏壯將以懾服人心藉固藩籬其餘諸王府俱各差減蓋恐費民財而勞民力也宣德以後各王府稍加宏麗而北方府州城闊民稀拆毀軍民房屋不致太多今江南府分多有城小人稠聞修造各王府必照北方王府周圍牆垣丈尺及起蓋軍校營房有將軍民房屋拆毀十之二三者甚有拆毀四五者斬山平地多傷風水軍民蕩析苦

明會要卷七十二

三

無所歸乞敕工部轉行湖廣江西諸省修葺各王府官員如係地狹人密之處周圍牆垣不必比照北方王府規式徒使府內空地太多以後起蓋離宮別殿致滋事端有違

祖訓明臣奏議

十八年江西巡撫林俊奏竊見甯殿下累乞琉璃瓦重荷聖諭於引錢內支二萬兩給換鎮巡議奏欲俟年豐定奪工部覆奏謂規制雖相應事體實可止又恐重累地方作例各府皆明言不當與也臣嘗見楚府殿燬久未葺荆府多敝漏淮府同一江西頽垣朽柱脫落大半惟甯府完美堅緻金碧輝煌且移封之初不用琉璃今歷百年傳數世

一旦遽改孝子慈孫所以順祖考者義不當如是伏望聖明篤懿親斷大義毋涉吳王几杖之賜叔段京鄙之求疏入帝不納明臣奏議系之宏治五年按明史本傳五年後江西諫甯王用琉璃瓦尋以母憂歸證之昭代典則此疏書於宏治十八年憂去之先與明史合今從之

嘉靖時胡松爲工部尙書伊王典模欲拓其洛陽府第計直十萬金以十二賂嚴嵩期必得松據祖制爭乃止胡松傳

伊王又以府牆壞請更築乃奪取民舍以廣其宮郎中陳大壯與邸鄰索其居不與使數十人從大壯臥起奪其飲食竟至餓死所爲宮崇臺連城擬帝闕伊王傳

明會要卷七十二

古

工明年四月道相上言三殿兩宮高不過十二丈今臺高八丈一尺加以殿宇又復數丈其勢反出宮殿之上禁中豈宜有此不報錄實

百官第宅

明初禁官民房屋不許雕刻古帝后聖賢人物及日月龍鳳獅子麒麟犀象之形官員任滿致仕與見任同其父祖有官身沒子孫許居父祖房舍會典

太祖嘗言徐兄功大未有甯居可賜以舊邸舊邸者太祖爲吳王時所居也達固辭帝命有司卽舊邸前治甲第表其坊曰大功徐達傳

洪武二十六年定官員營造房屋不許歇山轉角重簷重
拱及繪藻井惟樓居重簷不禁又詔品官房舍門牖不得
用丹漆庶民廬舍不過三間五架不許用斗拱飾彩色會典
宣德二年保定伯梁銘奏求韓觀南京故宅帝許之既聞
觀妻居其中曰觀功臣也雖沒豈可奪之遂不許令有司
以他宅賜銘韓觀傳

天順初帝命所司爲石亨營第宅既成壯麗踰制帝登翔
鳳樓見之問誰所居恭順侯吳瑾謬對曰此必王府帝曰
非也瑾曰非王府誰敢僭踰若此帝領之石亨傳

天順二年言官劾尙書陳汝言僭居駙馬第宅私役工匠
千餘人造舍違式春明夢餘錄

明會要卷七十二

五

嘉靖二年七月壬午賜后父都督同知陳萬言第於西安
門命工部營造工部言其地逼近宸居闕廣踰制宜裁其
半實錄

武定侯郭勛欲得虎賁左衛以廣其第使指揮王琬等言
衛湫隘不足居吏士而民郭順者願以宅易之順助家奴
也其宅更湫隘給事中鄭一鵬張嵩劾勛以敝宅易公署
驕縱罔上昔竇憲改沁水園卒以逆誅助謀朝廷武衛其
惡豈止憲比請正其罪鄭一鵬傳

趙文華掌工部時上於西苑造新閣不以時告成一曰登

高見西長安街有高藪問誰宅左右曰趙尙書新宅也旁
一人曰工部大木半爲文華作宅何暇營新閣上益愠文華傳

明會要卷七十二

未

明會要卷七十二終

明會要卷七十三

永新龍文彬纂

方域三

十三布政司分轄道

山東_{三分道} 濟南道轄濟南府 東兗道轄東昌兗州二府

海右道轄青登萊三府

山西_{四分道} 冀甯道轄太原府 河東道轄平陽府 冀

北道轄大同府 冀南道轄潞安府及沁澤遼汾四州

陝西_{五分道} 關內道轄西安府 關西道轄平涼鳳翔二府

關南道轄漢中府 河西道轄慶陽延安二府 隴

明會要卷七十三

右道轄鞏昌臨洮二府

河南_{四分道} 大梁道轄開封歸德二府 河南道轄河南

府汝州 汝南道轄南陽汝甯二府 河北道轄彰德衛

輝懷慶三府

浙江_{五分道} 杭嚴道轄杭嚴二府 嘉湖道轄嘉湖二府

甯紹道轄甯紹台三府 金衢道轄金衢二府 溫處道

轄溫處二府

江西_{五分道} 南昌道轄南昌瑞州二府 湖東道轄廣信

建昌撫州三府 湖西道轄吉安臨江袁州三府 九江

道轄饒州南康九江三府 嶺北道轄贛州南安二府

湖廣_{七分道} 武昌道轄武昌漢陽黃州三府 荆西道轄

安陸德安二府 上荆南道轄荊州岳州二府 下荆南

道轄襄陽鄖陽二府 湖北道轄常德辰州二府及靖州

上湖南道轄衡州永州二府及郴州 下湖南道轄長

沙寶慶二府

四川_{五分道} 川西道轄成都龍安二府及潼川州 川北

道轄保甯順慶二府 川東道轄重慶夔州二府 川南

道轄敘州馬湖二府及鎮雄東川二軍民府嘉定眉瀘印

四州 上川南道轄雅州府及建昌行都司

福建_{四分道} 福甯道轄福州興化泉州三府及福甯州

明會要卷七十三

武平道轄邵武延平二府 建甯道轄建甯府 漳南道

轄汀州漳州二府

廣東_{五分道} 嶺南道轄廣州韶州南雄三府 嶺東道轄

惠州潮州二府 嶺西道轄肇慶高州二府 海北道轄

廉州雷州二府 海南道轄瓊州府

廣西_{四分道} 桂平道轄桂林平樂二府 蒼梧道轄梧州

府 左江道轄南甯潯州太平三府 右江道轄柳州慶

遠思恩思明鎮安五府

雲南_{四分道} 安普道轄雲南曲靖尋甸三府 臨元道轄

澂江臨安廣西廣南元江五府及新化州 洱海道轄姚

安楚雄武定景東鎮沅五府 金滄道轄大理永昌鶴慶麗江順慶永甯蒙化七府及北勝州

貴州分道 貴甯道轄貴陽府 威清道轄安順等州

都清道轄鎮遠黎平都勻三府 思石道轄思州思南銅

仁石阡四府

州縣改置上

京師禹貢冀兗豫三州之域

順天府元大都路洪武元年改為北平府永樂元年建北

京改北平為順天府十九年改北京為京師 固安東

安二縣元皆為州洪武元年降為縣 香河縣元屬遼

明會要卷七十三

三

州洪武十年省入州十三年復置改屬府○通州洪武

初以州治潞縣省入 武清縣元屬遼州洪武十二年

來屬 遼縣元遼州洪武十四年降為縣來屬 寶坻

縣元隸大都路洪武十年來屬○霸州洪武初以州治

益津縣省入 保定縣洪武七年省入霸州十三年復

置○涿州洪武初以州治范陽縣省入○昌平州元昌

平縣隸大都路正德元年升為州 順義縣元順州洪

武元年改為順義縣屬府正德元年來屬○懷柔縣洪

武元年省入檀州尋復分密雲昌平二縣地置屬府正

德元年來屬 密雲縣元檀州洪武元年改為密雲縣

屬府正德元年來屬○薊州洪武初以州治漁陽縣省

入 平谷縣洪武十年省入三河縣十三年復置

保定府 滿城縣洪武十年省入慶都縣十三年復置

安肅縣元為州洪武二年降為縣 定興縣元屬易州

洪武六年改屬府 新城縣元屬雄州洪武初屬北平

府六年改屬府 雄縣元雄州洪武二年省州治歸信

縣入焉七年降為縣 容城縣元屬雄州洪武七年省

入州十三年復置來屬 博野縣元直隸保定路洪武

元年屬祁州六年還屬府 蠡縣元蠡州屬真定路洪

明會要卷七十三

四

武二年來屬八年降為縣 完縣元完州洪武二年降

為縣○祁州洪武二年以州治蒲陰縣省入○安州洪

武二年以州治葛城縣省入七年降為縣十三年復升

為州 高陽縣元屬安州洪武六年改屬府尋屬蠡州

八年省入蠡縣十三年復置還屬 新安縣元直隸保

定路洪武七年省入安州十三年復置來屬○易州洪

武初以州治易縣省入

河間府 獻縣元獻州洪武初省州治樂壽縣入焉八年

降為縣 阜城縣元屬景州洪武七年改屬府 任邱

縣元屬莫州洪武七年改屬府 交河縣元屬獻州洪

武八年改屬府十年省入獻縣十三年復置 青縣元

青州洪武八年改為青縣 興濟縣元屬青州洪武初
省十三年復置屬府 靜海縣元曰靖海屬青州洪武
初更名八年改屬北平十年來屬○景州洪武初以州
治舊縣省入 東光縣洪武七年省入阜城縣十三年
復置○滄州洪武初以州治清池縣省入 慶雲縣元
初分無棣縣之半置西無棣縣屬滄州永樂初避諱改
曰慶雲方輿紀要

真定府 井陘縣元屬廣平路威州洪武二年來屬 無
極縣元屬中山府洪武初廢四年復置屬定州七年來
屬 行唐縣元屬保定路洪武二年屬定州正統十三
年來屬

明會要卷七十三

五

定州元中山府洪武二年改定州三年以州治安喜縣省
入 曲陽縣元屬保定路洪武二年來屬○冀州洪武
二年以州治信都縣省入○晉州洪武二年以州治鼓
城縣省入○趙州洪武元年以州治平棘縣省入 隆
平縣洪武六年省入柏鄉縣十三年復置○深州洪武
二年以州治靜安縣省入
順德府 廣宗縣洪武十年省入平鄉鉅鹿二縣十三年
復置
廣平府 成安縣元屬磁州洪武初廢四年復置來屬

威縣元威州洪武二年降為縣 邯鄲縣元屬磁州洪
武元年來屬 清河縣元屬大名路洪武六年來屬
大名府 大名縣洪武十年省入魏縣十五年復置 清
豐縣元屬開州洪武七年來屬 內黃縣元屬滑州洪
武七年來屬 濬縣元滑州洪武二年降為縣 滑縣
元滑州洪武七年省州治白馬縣入焉七年降為縣○
開州洪武二年以州治濮陽縣省入 東明縣洪武十
年省入州及長垣縣宏治四年復置屬府萬厯中改屬
州

永平府 灤州洪武二年以州治義豐縣省入○

明會要卷七十三

六

延慶州元龍慶州屬大都路洪武初廢永樂十二年置隆
慶州直隸京師隆慶元年改曰延慶州 永甯縣本永
甯衛洪武十二年置永樂十二年置縣於衛所
保安州元屬上都路之順甯府洪武初廢永樂十三年復
置直隸京師

南京

應天府元集慶路太祖初改曰應天府洪武元年建都曰
南京十一年曰京師永樂二年以為行在正統六年定
為南京 溧陽溧水二縣元皆為州洪武二年降為縣
高淳縣宏治四年析溧水縣地置 江浦縣洪武九

年析六合縣及滁和二州地置 六合縣元屬眞州洪武三年隸揚州府二十二年來屬

鳳陽府元濠州太祖吳元年升爲臨濠府洪武二年建中都置留守司於此六年曰中立府七年曰鳳陽府 鳳

陽縣洪武七年析臨淮縣地置 臨淮縣元曰鍾離爲濠州治洪武二年改曰中立尋改曰臨淮 五河縣元

屬泗州洪武四年來屬 虹縣元屬泗州洪武七年來屬○壽州元安豐路太祖初改壽春府吳元年曰壽州

後以州治壽春縣省入來屬○泗州元屬淮安路明初屬臨濠府洪武四年來屬後以州治臨淮縣省入○宿

明會要卷七十三

七

州元屬歸德府洪武四年來屬○潁州元屬汝甯府洪武四年來屬○亳州元屬歸德府洪武初以州治譙縣

省入尋爲縣屬潁州宏治九年復升爲州 淮安府 安東縣元安東州洪武二年降爲縣 桃源縣

元曰桃園洪武初更名 沐陽縣元屬海甯州洪武初改屬○海州元曰海甯州洪武初曰海州以州治朐山

縣省入○邳州元屬歸德府洪武初以州治下邳縣省入十五年來屬

揚州府元爲路太祖初曰淮海府尋曰維揚府後復曰揚州府 江都縣元末廢太祖初復置 儀眞縣元眞州

洪武二年以州治揚子縣省入改曰儀眞縣○高郵州元高郵府洪武元年降爲州以州治高郵縣省入○泰州洪武初以州治海陵縣省入○通州洪武初以州治靜海縣省入

蘇州府元平江路明初改爲蘇州府 吳江崑山常熟嘉定四縣元皆爲州洪武二年皆降爲縣○太倉州明初置太倉衛宏治十年置州於衛所析崑山常熟嘉定三

縣地益之 崇明縣元崇明州屬揚州路洪武二年降爲縣八年改屬蘇州府宏治十年來屬

松江府 青浦縣嘉靖二十一年析華亭上海二縣地置三十二年廢萬厯元年復置

明會要卷七十三

八

常州府明初曰長春府尋曰常州府萬厯末避諱曰嘗州府 武進縣明初改曰永定尋以晉陵地省入復改曰武進 無錫宜興二縣元皆爲州洪武二年降爲縣

江陰縣元江陰州明初改曰連洋州尋復曰江陰州後降爲縣 靖江縣成化八年以江陰縣馬馱沙置

鎮江府明初曰江淮府尋曰鎮江府 廬州府 廬江縣元屬無爲州洪武初改屬府○無爲州

洪武中以州治無爲縣省入○六安州元隸廬州路洪武四年屬鳳陽府以州治六安縣省入十六年還屬

武四年屬鳳陽府以州治六安縣省入十六年還屬

霍山縣宏治二年析六安州地置

安慶府明初曰甯江府尋曰安慶府 潛山縣元末廢洪

武初復置

太平府

池州府明初曰九華府尋曰池州府

甯國府明初曰宣城府尋曰宣州府吳元年曰甯國府

徽州府明初曰興安府吳元年曰徽州府 婺源縣元婺

源州洪武二年降為縣

徐州元屬歸德府洪武四年屬鳳陽府十四年直隸京師

沛縣元屬濟州吳元年來屬按元史濟州領縣三沛

明會要卷七十三

九

無沛縣明史概言 豐縣碭山縣元屬濟甯路吳元年來

屬

滁州元隸揚州路洪武初以州治清流縣省入七年屬鳳

陽府二十二年直隸京師 全椒來安二縣皆洪武初

省十三年復置

和州元屬廬州路吳元年以州治歷陽縣省入洪武三年

復為和州屬鳳陽府尋直隸京師 含山縣洪武初省

十三年復置

廣德州元為路明初為廣興府洪武四年曰廣德州十三

年以州治廣德縣省入直隸京師

山東 禹貢青兗 二州地

濟南府 淄川縣元般陽路洪武初為般陽府九年為淄

川州以州治淄川縣省入十二年降為縣 長山新城

二縣元屬般陽路洪武十二年來屬 齊河縣元屬德

州洪武二年來屬 禹城縣元屬曹州洪武二十年來

屬 齊東臨邑二縣元屬河間路皆洪武初來屬 長

清縣元屬泰安州洪武二年改屬府 肥城縣元屬濟

甯路洪武二年來屬 青城縣元屬河間路洪武二年

省入鄒平齊東二縣十四年復置來屬 陵縣元德州

治安德縣洪武中省安德縣入州永樂七年改陵縣為

明會要卷七十三

十

德州而以故州為陵縣○泰安州洪武初來屬以州治

奉符縣省入 萊蕪縣洪武初屬濟南府二年改屬州

○德州元隸河間路陵州洪武元年降為陵縣永樂七

年改德州為陵縣而以故陵縣為德州乾隆○武定州

元棣州屬濟南路洪武六年改曰樂安州宣德元年改

為武定州 海豐縣元割無棣縣之半屬棣州曰東無

棣縣明永樂中避諱改曰海豐 樂陵縣元屬滄州洪

武元年改屬濟甯府二年來屬○濱州洪武初以州治

渤海縣省入 蒲臺縣元屬般陽路洪武二年來屬

兗州府 滋陽縣元曰磁陽洪武初省入州十八年復置

成化間改爲滋陽 鄒縣元屬滕州洪武七年改屬
滕縣元滕州治滕縣洪武二年州廢以縣屬濟甯府十
八年來屬 嶧縣元嶧州屬益都路洪武二年降爲縣
屬濟甯府後來屬 金鄉縣元屬濟甯路洪武十八年
來屬 魚臺縣元屬濟州洪武元年屬徐州二年屬濟
甯府十八年來屬 單縣元單州屬濟甯路洪武元年
省州治單父縣入州二年降州爲縣屬濟甯府十八年
來屬 城武縣元屬曹州洪武四年屬○濟甯州元濟
甯路洪武元年改爲府十八年降爲州以州治任城縣
省入 嘉祥縣元屬單州洪武二年來屬○東平州元

明會要卷七十三

十一

東平路洪武元年改爲府七年降爲州屬濟甯府以州
治須城縣省入十八年改屬 壽張縣洪武三年省入
須城陽穀二縣十三年復置屬濟甯府後來屬○曹州
元直隸省部洪武初廢正統十年復置來屬 曹縣洪
武初降曹州爲縣正統十一年別置曹州以縣屬焉
定陶縣元屬曹州洪武初屬濟甯府正統十年來屬○
沂州元屬益都路洪武元年屬濟甯府五年屬濟南府
七年屬青州府十八年來屬
東昌府 博平縣洪武三年省尋復置 清平縣元屬德
州洪武元年屬恩州二年屬高唐州三年省尋復置改

屬 冠縣元冠州洪武三年降爲縣○臨清州元臨清
縣屬濮州洪武二年改屬宏治二年升爲州 邱縣元
隸東昌路宏治二年改屬州 館陶縣元屬濮州洪武
二年屬東昌府宏治二年改屬州○高唐州洪武初以
州治高唐縣省入來屬 恩縣元恩州洪武二年改爲
縣來屬 夏津縣洪武三年省尋復置○濮州洪武二
年以州治鄆城縣省入來屬 范縣觀城縣朝城縣皆
洪武三年省尋復置

明會要卷七十三

十二

青州府元益都路吳元年爲青州府 博興縣元博興州
洪武二年降爲縣 昌樂縣元屬濰州洪武初改屬
安邱縣元屬密州洪武二年州廢屬府 諸城縣元爲
密州治屬益都路洪武二年州廢屬府 蒙陰縣元屬
莒州洪武二年改屬○莒州元隸益都路洪武初以州
治莒縣省入來屬
萊州府○平度州洪武二十二年置省膠水縣入之 濰
縣元爲州屬益都路洪武元年以州治北海縣省入九
年降爲縣屬萊州府二十二年改屬 昌邑縣元屬濰
州洪武十年省入濰縣二十二年復置來屬○膠州元
屬益都路洪武初以州治膠西縣省入九年來屬 高
密卽墨二縣元屬膠州洪武初省屬青州府九年屬萊

州府尋還屬州

登州府 蓬萊縣洪武初廢九年復置 招遠萊陽二縣

元屬萊州洪武九年來屬○甯海州洪武初以州治牟

平縣省入屬萊州府九年改屬 文登縣元屬甯海州

洪武九年屬登州府後仍屬州

山西 禹貢冀州之域

太原府元冀甯路洪武元年改爲太原府 孟縣元孟州

洪武二年降爲縣 靜樂縣元管州洪武二年改爲靜

樂縣 河曲縣元省洪武十三年復置○忻州洪武初

以州治秀容縣省入○代州洪武二年降爲縣八年復

明會要卷七十三

三

升爲州 五臺縣元臺州洪武二年改爲五臺縣屬太

原府八年來屬 繁峙縣元堅州洪武二年改爲繁峙

縣八年來屬 崞縣元崞州洪武二年降爲縣八年來

屬○崞嵐州本崞嵐縣洪武七年置八年升爲州 嵐

縣興縣元皆爲州洪武二年降爲縣 保德州洪武七

年降爲縣九年復升爲州屬府

平陽府元晉甯路洪武元年改爲平陽府 趙城縣元屬

霍州洪武三年改屬 太平曲沃翼城三縣元屬絳州

洪武二年改屬 蒲縣元屬隰州洪武二年改屬 靈

石縣元屬霍州萬厯二十三年屬汾州四十二年改屬

○蒲州元河中府洪武二年改爲蒲州以州治河東縣

省入○解州洪武初以州治解縣省入○絳州洪武初

以州治正平縣省入○霍州洪武初以州治霍邑縣省

屬

汾州府 汾陽縣元曰西河洪武初省入州萬厯二十三

年復置更名 石樓縣元屬隰州萬厯四十年改屬

臨縣元臨州屬冀甯路洪武二年降爲縣屬太原府萬

厯二十三年來屬○永甯州元石州屬冀甯路洪武初

以州治離石縣省入隆慶元年更名萬厯二十三年來

明會要卷七十三

古

屬

潞安府元潞州屬晉甯路嘉靖八年升爲潞安府 長治

縣元上黨縣洪武初省入潞州嘉靖八年復置更名

平順縣嘉靖八年析黎城壺關潞城三縣地置

大同府○應州洪武初以州治金城縣省入○朔州洪武

初以州治鄯陽縣省入○蔚州元蔚昌府直隸上都路

洪武二年爲州以州治靈仙縣省入改屬 廣昌縣元

曰飛狐洪武初更名

澤州元隸晉甯路洪武初以州治晉城縣省入九年直隸

布政司

沁州元屬晉甯路洪武初以州治銅鞮縣省入隸布政司
萬厯二十三年改屬汾州府三十二年仍直隸布政司
遼州元隸晉甯路洪武初以州治遼山縣省入直隸布政
司

河南禹貢豫冀揚
兗四州之域

開封府元汴梁路洪武元年曰開封府建北京尋罷京

儀封縣元屬睢州洪武十年改屬南陽府後來屬新

鄭縣元屬均州隆慶五年改屬○陳州洪武初以州治

宛邱縣省入商水縣洪武初廢四年復置沈邱縣

元屬潁州洪武初廢宏治十年復置來屬○許州洪武

明會要卷七十三

五

初以州治長社縣省入○禹州元曰均州洪武初以州

治陽翟縣省入萬厯三年避諱改曰禹州○鄭州洪武

初以州治管城縣省入榮澤縣元直隸汴梁路洪武

中改屬州

河南府 澠池縣元屬陝州洪武中改屬嵩縣元嵩州

屬南陽府洪武二年降為縣來屬盧氏縣元屬嵩州

洪武初屬陝州萬厯初改屬府○陝州洪武初以州治

陝縣省入

歸德府 商邱縣元曰睢陽洪武初省嘉靖二十四年復

置更名鹿邑縣元屬亳州洪武中改屬夏邑縣元

曰下邑洪武初更名永城縣洪武元年五月屬開封

府十一月來屬虞城縣元屬濟甯路洪武二年來屬

○睢州元屬汴梁路洪武初屬開封府以州治襄邑縣

省入十年降為縣十三年復升為州嘉靖二十四年改

屬考城縣元末省洪武四年置屬開封府十年省十

三年復置來屬柘城縣元末省洪武四年復置屬開

封府十年省入甯陵縣十三年復置來屬

汝甯府 汝陽縣洪武初廢四年復置真陽縣元屬息

州洪武四年省入汝陽縣宏治十八年復置來屬上

蔡縣洪武初廢四年復置新蔡縣元屬息州後廢洪

明會要卷七十三

六

武四年復置來屬確山縣洪武十年省入汝陽縣十

三年復置成化十一年改屬信陽州宏治二年仍屬府

○信陽州洪武元年置十年降為縣成化十二年復為

州羅山縣洪武十年直隸汝甯府成化十一年改屬

州○光州洪武初以州治定城縣省入屬鳳陽府十三

年改屬息縣元息州洪武四年降為縣屬潁州七年

改屬商城縣成化十一年析固始縣地置

南陽府 鎮平縣洪武二年省入南陽縣十三年復置

唐縣元唐州洪武初省縣入州後廢州為唐縣泌陽

縣洪武初省入唐州十四年改置泌陽縣於故北陽地

已上三縣 乾隆圖志 桐柏縣成化十二年以唐縣桐柏鎮置 南
召縣成化十二年以南陽縣南召堡置○鄧州元治穰
縣洪武初廢十三年復置縣十四年復省入州○浙川
縣成化六年析內鄉縣地置 裕州洪武初以州治方
城縣省入

懷慶府 濟源縣元屬孟州洪武十年改屬府 孟縣元

孟州洪武初以州治河陽縣省入十年降為縣 温縣

元屬孟州洪武十年改屬府

衛輝府 胙城縣洪武十年省入汲縣十三年復置 獲

嘉縣洪武十年省入新鄉縣十三年復置 淇縣輝縣

明會要卷七十三

七

元皆為州洪武初降為縣

彰德府 臨漳湯陰二縣皆元末廢洪武元年復置 林

縣元林州洪武三年省縣入州尋降州為縣○磁州元

屬廣平路洪武初以州治滏陽縣省入屬廣平府二年

改屬 武安縣元末廢洪武元年復置 涉縣元屬真

定路後廢洪武元年復置屬真定府二年改屬

汝州元屬南陽府洪武初以州治梁縣省入成化十二年

直隸布政司 寶豐縣成化十一年析汝州地置 伊

陽縣成化十二年析汝州及魯山嵩縣地置

陝西 禹貢雍梁
二州之域

西安府元奉元路洪武二年改為西安府 渭南縣元屬

華州明初因之嘉靖三十八年改屬 富平縣元屬耀

州明初因之萬厯三十六年改屬 三原縣元屬耀州

明初因之宏治初改屬 醴泉縣元屬乾州明初因之

嘉靖三十八年改屬○商州洪武七年降為縣成化十

三年仍為州 商南縣成化十三年析商縣地置 雒

南縣元曰洛南屬商州洪武七年改屬華州成化十三

年復來屬天啟初改洛為雒 山陽縣成化十二年析

商縣地置 鎮安縣景泰三年置屬府成化十三年改

屬州○邠州元隸陝西行省洪武初來屬以州治新平

明會要卷七十三

六

縣省入 三水縣成化十三年析涇化縣地置 長武

縣萬厯十一年以邠州宜祿鎮置

鳳翔府 郿縣元屬奉元路洪武二年來屬 汧陽縣元

屬隴州嘉靖三十八年改屬府 隴州元屬鞏昌總帥

府洪武二年來屬

漢中府元興元路洪武三年改名漢中府 褒城縣洪武

十年省入南鄭縣後復置 洋縣元洋州洪武三年降

為縣十年省入西鄉後復置 鳳縣元鳳州洪武七年

降為縣 沔縣元沔州隸四川廣元路洪武三年改屬

漢中府省州治鐸水縣入州七年降為縣成化二十一

年屬甯羌州嘉靖三十八年仍屬府○甯羌州本甯羌
衛洪武三十年以沔縣地置成化二十一年置甯羌州
屬漢中府 略陽縣元屬沔州洪武初屬府成化二十
一年來屬

延安府 青澗縣元屬綏德州明初因之嘉靖四十一年
改屬府○綏德州洪武十年省入府後復置○葭州洪
武七年降為縣屬綏德州十三年復升為州屬府 吳
堡縣元屬州洪武七年改屬綏德尋省十三年復置還
屬 神木府谷二縣皆洪武初省十三年復置

慶陽府 環縣元環州屬鞏昌路洪武初降為縣來屬

明會要卷七十三

九

真甯縣元屬甯州明初因之萬曆二十九年改屬府○
甯州元屬鞏昌路洪武中來屬

平涼府 鎮原縣元鎮原州屬鞏昌路洪武初降為縣來
屬 隆德縣元屬靖甯州明初因之嘉靖三十八年改

屬府○涇州元隸陝西行省洪武三年以州治涇川縣
省入來屬○靜甯州元屬鞏昌路洪武中來屬 莊浪
縣元為州洪武三年屬鳳翔府八年降為縣來屬○固
原州元開成州洪武初降為縣屬平涼府成化中廢宏
治十五年改置原州

鞏昌府 安定會甯西和成縣四縣元皆為州洪武十年

降為縣○秦州洪武二年省州治成紀縣入州 禮縣
洪武初置禮店千戶所成化九年改置禮縣屬州○階
州洪武四年降為縣十年復為州 文縣元文州洪武
四年降為縣○徽州洪武十年降為縣後復升為州
兩當縣洪武十年省入徽縣後復置

臨洮府 蘭州洪武初降為縣成化十三年復為州 金
縣元金州洪武二年降為縣屬府成化十三年改屬州
○河州元為路屬吐蕃宣慰司洪武三年置河州衛五
年改置河州府七年置陝西行都司十年置河州左右
二衛十二年省行都司及河州府仍改置河州衛景泰

明會要卷七十三

羊

二年復置河州屬臨洮府

靈州元屬甯夏路洪武三年罷宏治十三年復置直隸布
政司

興安州元金州屬興元路萬曆十一年更名二十三年直
隸布政司 平利縣元末省洪武三年置屬四川大甯
州五年來屬 石泉縣元末省洪武三年置屬四川大
甯州五年來屬嘉靖三十八年改屬漢中府萬曆十一
年還屬州 洵陽縣元末省洪武三年置五年來屬
漢陰縣元末省洪武三年置十年省入石泉縣後復置
屬州嘉靖三十八年改屬漢中府萬曆十一年還屬州

白河縣成化十二年析洵陽縣地置屬湖廣鄖陽府
十三年來屬 紫陽縣正德七年置紫陽堡明年升為
縣

四川禹貢梁荆
二州之域

成都府 雙流縣洪武十年省入華陽縣十三年復置
新繁縣洪武十年省入成都縣十三年復置 彭縣元
為州洪武十年降為縣 崇甯縣元屬彭州洪武四年
屬府十年省入灌縣十三年復置 灌縣元灌州洪武
中降為縣 金堂縣洪武十年省入新都縣十三年復
置 井研縣洪武六年置十年省入仁壽縣十三年復

明會要卷七十三

三

置 資縣明玉珍置資州洪武初降為縣 安縣元安
州洪武中降為縣○簡州洪武六年降為縣正德八年
又升為州 資陽縣洪武六年置十年省入簡縣成化
元年復置屬成都府正德中改屬州○崇慶州洪武中
以州治晉原縣省入○漢州明玉珍置雒縣為州治洪
武四年省縣入州 什邡縣洪武十年省入綿竹縣十
三年復置 德陽縣洪武十年省入漢州十三年復置
○綿州元屬潼川府洪武三年來屬十年降為縣十三
年復為州 羅江縣洪武六年省入綿州十三年復置
彰明縣洪武十年省入綿縣十三年復置○茂州洪

武中以州治汶山縣省入十六年復置縣後復省○威
州元以州治保甯縣省入明玉珍復置縣洪武二十年
復省縣入州 保縣洪武六年分保甯縣地置

保甯府 蒼溪南部二縣洪武十年省入閬中縣十三年
復置 廣元縣元廣元路洪武四年改為府尋降為州
以州治綿谷縣省入二十二年又降州為縣 昭化縣
洪武十年省入廣元州十三年復置○劍州元屬廣元
路洪武六年以州治普安縣省入來屬○巴州元屬廣
元路洪武九年以州治化城縣省入又改州為縣來屬
正德九年復為州 通江縣元屬府正德九年改屬州

明會要卷七十三

三

南江縣正德十一年置
順慶府 西充縣洪武十年省入南充縣十三年復置○
蓬州洪武中以州治相如縣省入 營山儀隴二縣洪
武十年省入蓬州十三年復置○廣安州元廣安府洪
武四年降為州十年以州治渠江縣省入 渠縣元渠
州屬順慶路洪武初以州治流江縣省入九年降州為
縣 鄰水縣元省入大竹縣成化二年復置 大竹縣
元屬渠州洪武九年來屬
夔州府 奉節縣洪武九年省十三年復置 大昌縣元
併入大甯州洪武十四年復置 大甯縣元為州洪武

九年降為縣 雲陽縣萬縣開縣元皆為州洪武六年降為縣 梁山縣元梁山州治梁山縣洪武六年省州存縣十年改屬忠州後來屬 新甯縣元屬達州洪武二年改屬重慶府十年省入梁山縣十三年復置來屬 建始縣元屬施州洪武中來屬○達州洪武九年省通川入州又降州為縣正德九年復升為州 東鄉縣 成化元年置 太平縣正德十年析東鄉縣地置 重慶府 璧山縣成化十九年析巴縣地置 永川榮昌二縣皆洪武六年置 大足縣元廢入合州洪武四年復置 安居縣成化十七年析銅梁遂甯二縣地置

明會要卷七十三

重

碁江縣元碁江長官司屬播州安撫司洪武初置碁江縣來屬 南川縣洪武十年省入碁江縣十三年復置 長壽縣洪武六年置屬涪州尋改屬府 黔江縣元屬紹慶府洪武五年省入彭水縣十四年復置來屬○合州洪武中以州治石照縣省入○忠州洪武中以州治臨江縣省入 豐都縣元曰豐都洪武十年省入涪州十三年復置曰豐都○涪州 武隆縣元曰武龍洪武十年省入彭水縣十三年復置曰武隆 彭水縣元紹慶府治洪武四年府廢改屬重慶府十年來屬州 遵義軍民府洪武五年歸附曰播州宣撫司六年升宣慰

司萬厯二十九年改置遵義軍民府 遵義縣洪武五年置播州長官司萬厯二十九年改縣 桐梓縣洪武初置桐梓驛萬厯二十九年改驛置縣○真安州洪武十七年置真州長官司萬厯二十九年置真安州 綏陽縣萬厯二十九年以舊綏陽縣地置 仁懷縣萬厯二十九年以舊懷陽縣地置

明會要卷七十三

重

敘州府 慶符縣洪武十年省入宜賓縣十三年復置 富順長甯二縣元為州洪武初皆降為縣 興文縣元戎州洪武四年降為縣萬厯二年改曰興文 隆昌縣 隆慶元年割榮昌富順二縣地置○高州元屬敘南宣撫司洪武五年降為縣屬府正德十三年復為州 筠連縣元為州隸永甯路洪武四年降為縣屬敘州府十年省入高縣十三年復置正德十三年來屬 珙縣明 王珍置珙州洪武四年降為縣十年省入高縣十三年復置屬府正德十三年來屬 龍安府元龍州洪武二十三年改龍州軍民千戶所尋復為州宣德七年改宣撫司嘉靖四十五年改龍安府 平武縣本名甯武萬厯十八年置後更名 江油縣洪武十年省入梓潼縣十三年復置屬劍州嘉靖四十五年改屬 石泉縣元屬安州洪武初屬成都府嘉靖四

十五年改屬

馬湖府 屏山縣本泥溪長官司洪武四年置萬厯十七年改縣

鎮雄府元芒部路洪武十五年為府十七年升為軍民府

嘉靖五年改府名萬厯三十七年罷稱軍民府

烏蒙軍民府

烏撒軍民府

東川軍民府元東川路洪武十五年為府十七年升為軍

民府二十一年廢二十六年復置

潼川州元潼川府洪武九年降為州以州治郵縣省入直

明會要卷七十三

五

隸布政司 射洪縣洪武十年省入鹽亭縣十三年復

置 中江縣洪武十年省入州十三年復置 遂甯縣

元為州洪武初以州治小溪縣省入九年降為縣

蓬溪縣元屬遂甯州洪武十年省入遂甯縣十三年復

置 安岳縣洪武四年於縣置普州九年省州入縣

樂至縣成化元年置屬州正德九年改屬簡州嘉靖元

年還屬

眉州元隸嘉定路洪武九年降為縣十三年復為州直隸

布政司 彭山縣洪武十年省入眉縣十三年復置

丹棱縣洪武六年置屬嘉定府十年省入眉縣十三年

復置來屬 青神縣洪武十年省入嘉定州十三年復

置

印州元隸嘉定路洪武九年降為縣成化十九年復為州

直隸布政司 大邑縣洪武十年省入印縣十三年復

置屬嘉定州成化十九年還屬 蒲江縣元省入州洪

武六年置屬嘉定府成化十九年還屬

嘉定州元為路洪武四年為府九年降為州以州治龍遊

縣省入直隸布政司 洪雅縣元省入夾江成化十八

年復置 榮縣本榮州洪武九年降為縣 威遠縣洪

武六年置十年省入榮縣十三年復置

明會要卷七十三

美

瀘州元屬重慶路洪武初直隸布政司

雅州元屬陝西行省吐蕃宣慰司洪武四年以州治嚴道

縣省入直隸布政司 名山縣洪武十年省入州十三

年復置 榮經縣元省入嚴道縣洪武十三年復置

蘆山縣元曰蘆山後省洪武六年復置改為蘆山

明會要卷七十三終

明會要卷七十四

永新龍文彬纂

方域四

江西禹貢揚州之域

南昌府元龍興路太祖初改洪都府尋改南昌府 豐城

縣元富州洪武九年改為豐城縣 甯州元分甯縣為

甯州治洪武初廢州為甯縣宏治十六年升縣為州

瑞州府 新昌縣元為州洪武初降為縣

九江府元江州路太祖初為九江府

南康府太祖初改西甯府尋曰南康府 建昌縣元為州

明會要卷七十四

十

洪武初降為縣 安義縣正德十三年析建昌縣安義

等五鄉置

饒州府太祖初改鄱陽府尋曰饒州府 餘干樂平浮梁

三縣元為州洪武四年降為縣 萬年縣正德七年割

鄱陽餘干樂平貴溪四縣地置

廣信府 鉛山縣元為州洪武二年降為縣 興安縣嘉

靖三十九年析弋陽上饒二縣地置

建昌府太祖初改肇慶府尋曰建昌府 南豐縣元為州

洪武初降為縣 瀘溪縣洪武三年置瀘溪巡檢司萬

麻六年改為縣

撫州府太祖初改臨川府尋曰撫州府 東鄉縣正德七

年析臨川金溪進賢餘干安仁五縣地置

吉安府 泰和吉水安福永新四縣元為州洪武二年降

為縣

臨江府 新淦新喻二縣元為州洪武初降為縣 峽江

縣嘉靖五年析新淦縣地置

袁州府 萍鄉縣元為州洪武初降為縣

贛州府 會昌甯都二縣元為州洪武初降為縣 瑞金

縣元屬會昌州洪武初改屬府 安遠龍南石城三縣

元屬甯都州洪武初改屬府 定南縣隆慶三年析龍

明會要卷七十四

二

南安遠信豐三縣地置 長甯縣萬曆四年析安遠縣

地置

南安府 上猶縣元永清縣洪武初更名 崇義縣正德

十四年析上猶大庾南康三縣地置

湖廣禹貢荆揚豫梁四州之域

武昌府○興國州元興國路明初為府洪武九年降為州

以州治永興縣省入來屬

漢陽府 漢陽縣洪武九年省十三年復置 漢川縣元

屬漢陽路洪武九年改屬武昌府十三年還屬

黃州府 黃安縣嘉靖四十二年析麻城黃岡黃陂三縣

地置 蘄水羅田二縣元屬蘄州路洪武十一年改屬
府○蘄州元為路明初為府洪武九年降為州以州治
蘄春縣省入來屬

承天府元安陸府洪武九年降為州嘉靖十年升為承天

府 鍾祥縣元曰長壽縣洪武九年省入州嘉靖十年

復置更名 潛江縣元屬中興路洪武十年來屬○荆

門州洪武初改為縣以州治長林縣入焉屬荊州府十

三年復為州嘉靖十年來屬 當陽縣元屬荊門州洪

武九年改屬荊州府十年省入荊門縣十三年復置還

屬○沔陽州元沔陽府洪武初改為州以州治玉沙縣

明會彙卷七十四

三

省入直隸湖廣布政司嘉靖十年來屬

德安府 應城縣洪武十年省入雲夢縣十三年復置

孝感縣洪武十年省入德安州十三年復置 隨州洪

武二年以州治隨縣省入九年降為縣十三年復升為

州 應山縣元隸隨州洪武九年省入隨縣十三年復

置

岳州府 巴陵縣洪武九年省入岳州十四年復置 平

江縣元為州洪武三年降為縣○澧州元為路明初為

府洪武九年降為州以州治澧陽縣省入屬常德府三

十年來屬 慈利縣元為州洪武二年降為縣

荊州府元中興路洪武初改荊州府 枝江縣洪武十年
省入松滋縣十三年復置○夷陵州元峽州路明初為

府尋降為州洪武九年改州名夷陵以州治夷陵縣省

入來屬○歸州元治秭歸縣洪武九年廢州入縣屬陵

州十年改縣名長甯十三年復改縣為歸州 興山縣

正統九年省入歸州成化七年復置尋又廢宏治二年

復置 巴東縣洪武九年屬夷陵州隆慶四年還屬

襄陽府 棗陽縣洪武十年省入宜城縣後復置 光化

縣洪武十年省入穀城縣十三年復置 均州洪武二

年以州治武當縣省入

明會彙卷七十四

四

鄖陽府元鄖縣屬均州明初因之成化十二年置府 房

縣元房州隸襄陽路洪武八年降州為縣屬襄陽府成

化十三年來屬 竹山縣元隸房州洪武十年省入房

縣十三年復置屬襄陽府成化十二年來屬 竹谿縣

成化十二年析竹山縣地置 上津縣洪武初置屬襄

陽府成化十二年來屬 鄖西縣成化十二年析鄖及

上津二縣地置 保康縣宏治十一年析房縣地置

長沙府元天臨路太祖初改潭州府洪武五年更名長沙

善化縣洪武十年省入長沙縣十二年復置 湘陰

湘潭瀏陽醴陵益陽湘鄉六縣元為州洪武初降為縣

攸縣元攸州洪武三年降為縣 茶陵州元置明初降為縣成化十八年復為州

常德府 桃源龍陽二縣元為州洪武初降為縣 沅江

縣元屬龍陽州洪武三年州廢來屬十年省入龍陽縣十三年復置

衡州府 衡山縣元屬天臨路洪武間改屬 耒陽常甯

二縣元為州洪武三年降為縣○桂陽州元為路洪武

元年為府九年降為縣以州治平陽縣省入十三年升

為州 藍山縣洪武元年屬郴州二年來屬 嘉禾縣

崇禎十二年析桂陽州臨武縣地置

明會要卷七十四

五

永州府○道州元為路洪武元年為府九年復降為州以

州治營道縣省入來屬 新田縣崇禎十二年析甯遠

縣地置

寶慶府 城步縣宏治十七年析武岡綏甯縣地置○武

岡州元為路洪武元年為府九年降為州以州治武岡

縣省入來屬

辰州府○沅州元為路洪武元年為府九年降為州以州

治郴陽縣省入來屬

郴州元為路洪武元年為府九年降為州以州治郴陽縣

省入直隸布政司

靖州元為路太祖乙巳年為靖州軍民安撫司洪武元年

降為州三年升為府尋復降為州以州治永平縣省入

直隸布政司 通道縣洪武十年省入州十三年復置

綏甯縣元屬武岡路洪武三年來屬 天柱縣洪武

二十五年置天柱守禦千戶所萬厯二十五年改置縣

又析綏甯會同二縣地益之

浙江禹貢揚州之域

杭州府 海甯縣元為州洪武初降為縣

嚴州府元建德路太祖初改建安府尋曰建德府洪武八

年改嚴州府

明會要卷七十四

六

嘉興府 秀水縣宣德五年析嘉興縣地置 嘉善縣宣

德五年析嘉興縣地置 崇德縣元為州洪武二年降

為縣 桐鄉縣宣德五年析崇德縣地置 平湖縣宣

德五年析海鹽縣地置 海鹽縣元為州洪武二年降

為縣

湖州府 長興縣元長興州明初為長安州洪武二年改

長興縣○安吉州元安吉縣正德元年升為州 孝豐

縣成化二十三年析安吉縣地置屬府正德二年改屬

州

紹興府 諸暨縣元為州明初改諸全州洪武二年改為

諸暨縣 餘姚縣元爲州洪武初降爲縣

甯波府元慶元路太祖初爲明州府洪武十四年改甯波

府 慈谿縣元曰慈溪永樂十六年改溪爲谿 奉化

縣元爲州洪武二年降爲縣

台州府 黃巖縣元爲州洪武三年降爲縣 太平縣成

化五年析黃巖縣地置

金華府元婺州路太祖初改甯越府尋改金華府 蘭谿

縣元爲州洪武三年降爲縣 湯溪縣成化七年析蘭

谿金華龍游遂昌四縣地置

衢州府太祖初改龍游府尋改衢州府

明會要卷七十四

七

處州府太祖初改安南府尋改處州府 慶元縣洪武初

省入龍泉縣十四年復置 雲和縣景泰三年析麗水

縣地置 宣平縣景泰三年析麗水縣地置 景甯縣

景泰五年析青田縣地置

温州府 瑞安平陽二縣元爲州洪武初降爲縣 泰順

縣景泰三年析瑞安平陽二縣地置

福建 禹貢揚州之域

福州府 福清縣元爲州洪武六年降爲縣

興化府 興化縣正統十三年省

建甯府 壽甯縣景泰六年析政和福安二縣地置

延平府 永安縣景泰三年析沙縣尤溪二縣地置 大

田縣嘉靖十五年析尤溪永安漳平德化四縣地置

汀州府 連城縣本蓮城洪武十七年後改連 歸化縣

成化六年析清流將樂沙縣甯化四縣地置 永定縣

成化十四年分上杭縣地置

邵武府

泉州府

漳州府 漳平縣成化七年分龍巖縣地置 平和縣正

德十四年析南靖漳浦二縣地置 詔安縣本南詔守

禦千戶所嘉靖九年改置詔安縣 海澄縣嘉靖四十

明會要卷七十四

八

四年割龍溪漳浦二縣地置 甯洋縣隆慶元年割龍

巖大田永安三縣地置

福甯州元屬福州路洪武二年降爲縣成化九年復升爲

州直隸布政司 甯德福安二縣洪武二年屬福州府

成化九年來屬

廣東 禹貢揚州之域

廣州府 順德縣景泰三年析南海縣地置 新安縣洪

武十四年置東莞守禦千戶所萬厯元年改置新安縣

三水縣嘉靖五年分南海高要二縣地置 龍門縣

宏治六年析增城縣地置 新甯縣宏治十一年析新

會縣地置 從化縣宏治二年析番禺增城二縣地置
○連州元桂陽州洪武二年省入連州尋廢十四年復置來屬 陽山縣元屬桂陽州洪武初州廢屬韶州府十四年改屬連州 連山縣洪武三年省入陽山十四年復置來屬

肇慶府 高明縣成化十一年分高要縣地置 新興縣元新州治洪武初州廢入縣 開平縣萬厯中割恩平新興新會三縣地置 陽春縣元屬南恩州洪武元年屬新州二年州廢屬府 陽江縣元南恩州治洪武初州廢以縣來屬 恩平縣成化十四年析陽江新興新

明會要卷七十四

九

會三縣地置 廣甯縣嘉靖三十八年分四會縣地置
○德慶州元爲路洪武初爲府九年降爲州以府治端溪縣省入來屬 封川縣元封州治直隸廣東道洪武初州廢改屬 開建縣元屬封州洪武二年改屬 韶州府 英德縣元爲州洪武初降爲縣 翁源縣元屬英德州洪武二年改屬

南雄府

惠州府 長甯縣隆慶三年析歸善英德翁源三縣地置 永安縣隆慶三年分歸善長樂二縣地置 龍川縣元循州治洪武二年州廢以縣來屬 長樂興甯二縣

元屬循州洪武二年改屬○連平州崇禎六年割和平縣地置以河源長甯翁源三縣地益之尋升爲州 河源縣洪武初屬府崇禎六年改屬州 和平縣正德十三年分龍川河源二縣地置

潮州府 程鄉縣元梅州治洪武二年省州入縣來屬 饒平縣成化十四年析海陽縣地置 惠來縣嘉靖四十年割潮陽海豐二縣地置 鎮平縣崇禎六年分平遠程鄉二縣地置 大埔縣嘉靖五年析饒平海陽二縣地置 平遠縣嘉靖四十一年分程鄉興甯二縣地置 普甯縣嘉靖四十三年分潮陽縣置普安縣萬厯十

明會要卷七十四

十

三年改曰普甯 澄海縣嘉靖四十二年析海陽揭陽饒平三縣地置 高州府 茂名縣洪武七年省十四年復置○化州元爲路洪武元年爲府八年降爲州省石龍縣入焉九年又降爲縣十四年復爲州 吳川石城二縣洪武初屬高州府十四年改屬州

雷州府

廉州府 合浦縣洪武七年省十四年復置○欽州元爲路洪武二年爲府七年降爲州以州治安遠縣省入九年降爲縣來屬十四年復爲州 靈山縣洪武九年屬

廉州府十四年仍屬欽州

瓊州府元乾甯軍民安撫司洪武元年改為瓊州府 定

安縣元改南建州洪武初復為定安縣○儋州元南甯

軍洪武元年改為儋州屬府正統四年以州治宜倫縣

省入○萬州元萬安軍洪武元年改為萬州屬府正統

四年以州治萬安縣省入○崖州元吉陽軍洪武元年

改為崖州正統四年以州治甯遠縣省入 感恩縣舊

屬儋州正統五年來屬

羅定州元瀧水縣洪武初屬德慶州萬曆五年升為羅定

州直隸布政司 東安縣萬曆五年分德慶州及高要

《明會要卷七十四

七

新興二縣地置 西甯縣萬曆五年分瀧水縣地置

廣西 禹貢荆 州之域

桂林府元靜江路洪武元年為府五年改為桂林府○全

州元為路洪武初為府九年降為州以州治清湘縣省

入屬湖廣永州府二十八年來屬○永甯州元古縣洪

武十四年為古田縣隆慶五年升為永甯州 永福義

甯二縣舊屬府隆慶五年改屬州

平樂府 富川縣元屬賀州洪武十年屬潯州府後來屬

賀縣元賀州洪武二年省臨賀縣入焉屬潯州府十

年改為賀縣來屬 荔浦脩仁二縣舊屬桂林府宏治

四年來屬 昭平縣洪武十八年省入平樂縣萬曆四

年復置 永安州元立山縣洪武十八年省成化十三

年復置曰永安州屬桂林府宏治五年來屬

梧州府 藤縣元藤州洪武五年省鐔津縣入州十一年

降為縣 容縣元容州洪武十年省普甯縣入州尋降

為縣 懷集縣元屬賀州洪武初屬平樂府十年來屬

○鬱林州洪武五年省南流縣入州來屬 北流陸川

二縣舊屬容州宏治十年來屬

潯州府 貴縣元貴州洪武三年降為縣來屬

柳州府 羅城縣洪武二年置屬融州十年州廢改屬

《明會要卷七十四

七

懷遠縣洪武十年廢十四年復置 融縣元融州洪武

初以州治融水縣省入來屬十年降為縣 來賓縣元

屬象州洪武十年來屬○象州洪武二年來屬以州治

陽奉縣省入 武宣縣元曰武仙宣德六年更名○賓

州洪武二年以州治嶺方縣省入來屬

慶遠府洪武二年改慶遠南丹軍民安撫司三年復曰慶

遠府○河池州元為縣宏治十七年升為州 思恩縣

舊屬府正德元年改屬州 荔波縣洪武十七年析思

恩縣地置屬府正德元年改屬州 南丹州洪武七年

置二十八年廢尋復置 東蘭州洪武十二年置以西

蘭州省入 那地州洪武元年省那州入地州改爲那地州

南甯府 隆安縣嘉靖十二年析宣化縣地置○橫州洪

武初以州治甯浦縣省入屬潯州府十年降爲縣來屬

十三年復爲州 永淳縣洪武十年省入橫縣十三年

復置 新甯州隆慶六年分宣化及忠州江州之地置

上思州洪武二十一年置屬思明府宏治十八年改

屬 歸德州洪武二年屬田州府宏治十八年來屬

果化州洪武二年屬田州府嘉靖九年來屬 忠州洪

武二十一年置屬思明府萬曆三年來屬 下雷州元

下雷峒洪武初屬鎮安府嘉靖四十三年來屬萬曆十

八年升爲州

思恩軍民府 奉議州洪武五年省入來安府七年復置

直隸行省嘉靖六年來屬 上峒州元屬鎮安路洪武

五年廢爲洞萬曆三十二年復置來屬 上林縣洪武

二年屬田州府嘉靖七年來屬 武緣縣元屬南甯路

萬曆五年來屬

太平府 永康州元永康縣萬曆二十七年升爲州 上

石西州洪武末省永樂二年復置萬曆三十八年來屬

上下陳州元屬龍州萬戶府洪武初來屬 思明州

洪武二年屬思明府萬曆十六年來屬

思明府 西平州祿州洪武三年省永樂二年復置宣德

元年與安南

鎮安府

田州元爲路洪武二年爲府嘉靖七年降爲州直隸布政

司

歸順州洪武初廢爲洞宏治九年復置屬鎮安府嘉靖初

直隸布政司

泗城州元屬田州路洪武九年改隸布政司

向武州洪武二年屬田州府二十八年廢建文二年復置

直隸布政司

都康州洪武二年屬田州府尋廢建文元年復置直隸布

政司

龍州元龍州萬戶府洪武初仍爲州隸太平府九年直隸

布政司

江州明初屬思明府洪武二十五年改隸布政司 羅白

縣洪武三年置屬思明府後來屬

思陵州洪武三年省入思明府二十一年復置直隸布政

司

憑祥州洪武十八年置憑祥鎮永樂二年升爲縣屬思明

明會要卷七十四

七

明會要卷七十四

古

府成化十八年升為州直隸布政司

雲南

雲南府元中慶路洪武十五年改雲南府 羅次縣元屬

安甯州宏治十三年改屬 嵩明州洪武十五年改曰

嵩盟成化十八年復故

曲靖府 亦佐縣元屬羅雄州永樂初改屬 羅平州元

羅雄州萬厯十五年更名

尋甸府元仁德府洪武初改尋甸軍民府成化十二年改

為尋甸府

臨安府 石屏州元曰石坪洪武十五年改曰石平後改

明會要卷七十四

五

今名 阿迷州元阿甯萬戶洪武十五年置州 通海

嶠峨二縣元屬甯州洪武十五年改屬 新化州明初

置馬龍他郎甸長官司宏治八年改為新化州萬厯十

九年來屬

澂江府

廣西府

廣南府元廣南西路宣撫司洪武十五年為府 富州元

屬廣南西路洪武十五年改屬府

元江軍民府元元江路洪武十五年為府永樂初升軍民

府

楚雄府元威楚開南路洪武十五年改為楚雄府 楚雄

縣元曰威楚洪武十五年更名 廣通縣元屬南安州

洪武中改屬 定邊縣元屬鎮南州洪武中改屬

姚安軍民府 姚州元屬大理路洪武十五年改屬 大

姚縣洪武初屬姚州後改屬府

武定府

景東府

鎮沅府

大理府 趙州洪武十五年改名趙喜州尋復 雲南縣

元為州洪武十五年降為縣 賓川州宏治六年析趙

明會要卷七十四

六

州及太和雲南二縣地置 雲龍州元雲龍甸軍民府

洪武十七年改為州來屬正統間屬蒙化府後還屬

鶴慶軍民府 劍川州元為縣洪武十七年升為州 順

州元屬麗江路洪武十五年屬北勝府尋來屬

麗江軍民府 蘭州元屬麗江路洪武中屬鶴慶府後仍

來屬

永甯府

勝州元北勝府洪武十五年改為州正統七年直隸布

政司

永昌軍民府 保山縣嘉靖三年改金齒永昌二千戶所

置縣 永平縣元屬永昌府洪武二十三年屬金齒軍
民司嘉靖元年仍屬府 騰越州元騰衝府洪武末改
騰衝守禦千戶所隸金齒衛正統九年升為騰衝軍民
指揮使司嘉靖二年改置騰越州屬府

蒙化府

順甯府

孟定禦夷府

孟良禦夷府

威遠禦夷州元威遠州隸威楚路後改威遠蠻棚府洪武
十五年仍為威遠州

明會要卷七十四

七

灣甸禦夷州本灣甸長官司永樂元年置三年改為州直

隸布政司

鎮康禦夷州元鎮康路洪武十五年改為府十七年降為

州直隸布政司

廣邑州本金齒軍民司之廣邑寨宣德五年升為州八年

直隸布政司

貴州禹貢荆梁
二州之城

貴陽軍民府本程番府成化十二年分貴州宣慰司地置

治程番長官司隆慶二年移入布政司城與宣慰司同

治三年改府名貴陽萬厯二十九年升為軍民府 新

貴縣隆慶六年改貴竹長官司置 貴定縣萬厯三十

六年析新貴縣及定番州地置 開州崇禎四年以副

宣慰洪邊舊地置 廣順州萬厯三十九年以金筑長

官司置 定番州萬厯十四年以程番長官司置

安順軍民府 鎮甯永甯二州洪武中屬普定衛正統三

年改隸貴州布政司萬厯三十年來屬 普安州洪武

十六年置普安軍民府二十年改置衛永樂十三年改

為州隸貴州布政司萬厯三十年改屬

都勻府洪武十六年置都雲安撫司二十三年改置都勻

衛宏治六年置都勻府 麻哈州洪武五年置麻哈長

明會要卷七十四

六

官司宏治八年升為州 獨山州洪武十九年置九名

九姓獨山州長官司宏治八年升為獨山州 清平縣

洪武二十三年置清平長官司宏治八年增置清平縣

平越軍民府元平月長官司洪武十四年置平越衛萬厯

二十七年增置平越軍民府 黃平州洪武八年置黃

平安撫司萬厯二十九年改為州 餘慶縣洪武十七

年置餘慶長官司萬厯二十九年改置縣 甕安縣洪

武十七年置甕水安撫司萬厯二十九年改置甕安縣

黎平府本思州宣慰司地永樂十一年置黎平府 永從

縣本永從軍民長官司正統七年改為縣

思南府元思南宣慰司永樂十一年改為府 安化縣本

水德江長官司萬厯二十八年改置縣 印江縣本思

印江長官司宏治七年改置印江縣 婺川縣元屬思

州安撫司洪武五年屬鎮遠府永樂十二年屬府

思州府元思州宣慰司永樂十一年改為府

鎮遠府 鎮遠縣洪武五年置鎮遠溪洞金容金達蠻夷

長官司宏治十一年改置鎮遠縣 施秉縣洪武五年

置施秉蠻夷長官司正統九年改置縣

銅仁府本思州宣慰司地永樂十一年置銅仁府 銅仁

縣本銅仁長官司萬厯二十六年改置銅仁縣

明會要卷七十四

九

石阡府洪武為石阡長官司永樂十一年置石阡府 龍

泉縣本龍泉坪長官司萬厯二十九年改為縣

土司改置

湖廣

施州衛 施南宣撫司洪武四年置宣慰司永樂三年改

長官司明年升宣撫司東鄉五路忠路忠孝三安撫司

皆洪武初置二十三年廢永樂五年復置 金峒安撫

司元置洪武四年改長官司永樂五年復故 散毛宣

撫司洪武四年置沿邊宣撫司永樂九年改長官司十

三年復升宣撫司龍潭安撫司洪武四年置二十三年

廢永樂五年復置大旺安撫司洪武六年置宣撫司永

樂五年改安撫司 忠建宣撫司洪武六年置十四年

更安撫司永樂四年復故忠峒安撫司洪武五年置沿

邊溪洞長官司後廢永樂四年改置高羅安撫司洪武

六年置明年廢永樂四年復置 容美宣撫司洪武四

年置尋廢永樂四年復置盤順長官司元軍民安撫司

洪武五年改置椒山瑪瑙五峯石寶石梁下峒水盡源

通塔平四長官司皆洪武六年置十四年廢永樂五年

復置 木册長官司元安撫司洪武四年廢永樂四年

復置長官司鎮南唐崖二長官司皆洪武中廢永樂中

明會要卷七十四

十

復置并木册皆隸施州衛

永順軍民宣慰使司洪武二年置軍民安撫司六年升軍

民宣慰使司

保靖州軍民宣慰使司明初置軍民安撫司洪武元年改

宣慰司六年升軍民宣慰使司 筭子坪長官司太祖

初置筭子坪洞元帥府後廢永樂三年改置

四川

馬湖府 沐川長官司元置洪武四年改為州尋復故

永甯宣撫司洪武七年置長官司八年升宣撫司 九姓

長官司元九姓羅姓黨蠻夷長官千戶洪武四年改置

太平長官司元大壩軍民府洪武中廢成化四年改置

酉陽宣慰司洪武五年置酉陽州兼置酉陽宣慰司州尋廢八年改宣撫司天啟元年升宣慰司 石耶洞長官司元軍民府洪武八年改置 邑梅洞長官司元佛鄉洞長官司洪武八年改置

石砭宣慰司洪武八年置宣撫司天啟元年升宣慰司 建昌衛 威龍長官司元威龍州洪武十五年以龍為隆永樂二年改置 普濟長官司元普濟州永樂二年改置

越雋衛 印部長官司元印部州洪武二十七年升軍民府後仍為州永樂元年改為長官司

明會要卷七十四

雲南 臨安府 納樓茶甸長官司洪武十五年置納樓千戶所十七年改置 教化三部長官司元強現三部洪武中改置 王弄山長官司元王弄山大小二部洪武中改置 虧容甸長官司元鐵容甸洪武中改置 溪處甸長官司元溪處甸軍民副萬戶洪武中改置 思佗甸長官司元和泥路洪武十五年為府十七年廢後改置 左能寨長官司本司佗甸寨洪武中改置 落恐甸

長官司元伴溪落恐軍民萬戶府洪武中改置 安南長官司元安南道防送軍千戶洪武中改置正德六年省入蒙自縣天啟二年復置

鎮沅府 祿谷寨長官司永樂十年以祿平寨置大理府 十二關長官司元十二關官防送千戶所洪武中改置

永昌府 潞江安撫司元柔遠路洪武十五年改為府二十三年改潞江長官司永樂元年升安撫司 瓦甸安撫司明初長官司正統五年升安撫司 鳳溪長官司本元永昌府地洪武二十三年改置 施甸長官司元

明會要卷七十四

石甸長官司洪武十七年更名 孟緬長官司宣德五年以景東之孟緬孟梳地置又有大猛麻猛撒二土巡司與猛緬稱為三猛

車里軍民宣慰使司元徹里軍民總管府洪武十五年改軍民府十七年改軍民宣慰使司永樂中廢宣德六年復置

緬甸軍民宣慰使司洪武二十七年置緬中宣慰使司尋廢永樂元年復置更名 木邦軍民宣慰使司元木邦路洪武十五年改為府永樂初改軍民宣慰使司

八百大甸軍民宣慰使司元八百等處宣慰使司洪武二十四年改置

孟養軍民宣慰使司元雲遠路洪武十五年為府十七年改為孟養府永樂二年改軍民宣慰使司正統十三年廢萬厯十三年改置長官司

南甸宣撫司元南甸路洪武十五年為府永樂十二年改一州正統八年升宣撫司

干崖宣撫司元鎮西路洪武十五年改府永樂元年析置干崖長官司正統八年升宣撫司

隴川宣撫司洪武十七年置麓川平緬軍民宣慰使司正

明會要卷七十四

三

統六年廢九年改置

孟密宣撫司明初為木邦宣慰司部落成化二十九年析

置孟密安撫司萬厯十三年升宣撫司

蠻莫安撫司萬厯十三年析孟密地置

鈕兀禦夷長官司宣德八年以和泥之鈕兀五隆二寨置

芒市禦夷長官司元芒施路洪武十五年為府正統八年

改置

孟連長官司舊為麓川平緬司地永樂四年置

茶山長官司本孟養部落永樂三年孟養叛茶山不從自

詣闕下授長官司方輿紀要下同

麻里長官司與茶山接壤亦以拒孟養功授長官司

貴州

定番州 小程番長官司元為安撫司洪武六年改置

韋番長官司元韋番蠻夷長官司洪武十五年改置

盧番長官司元盧番靜海軍安撫司洪武六年改置省

元盧番蠻夷軍民長官司入焉 方番長官司元方番

河中府安撫司洪武五年改置 洪番長官司元洪番

永盛軍安撫司洪武六年改置 臥龍番長官司元臥

龍番南甯州安撫司洪武六年改置 小龍番長官司

元小龍番靜蠻軍安撫司洪武六年改置 大龍番長

明會要卷七十四

五

官司元大龍番應天府安撫司洪武五年改置 金石

番長官司元金石番太平軍安撫司洪武五年改置

盧山長官司元盧山等處蠻夷軍安撫司洪武六年改

置 木瓜長官司元木瓜等處蠻夷軍民長官司洪武

五年改置 羅番長官司元羅番大龍邊蠻軍安撫司

洪武五年改置

貴州宣慰使司與府同城明初置復增置府治而宣慰司

如故 水東長官司元水東寨長官司洪武五年改置

後廢永樂元年復置 中曹蠻夷長官司元中曹百納

等處長官司洪武五年改置 白納長官司元茶山白

納等處長官司洪武五年併入中曹司永樂四年置
 乖西蠻夷長官司元乖西軍民府洪武五年改置後廢
 永樂元年復置 養龍坑長官司元養龍坑宿徵等處
 長官司洪武五年改置
 都勻府 都勻長官司元上都勻等處軍民長官司洪武
 十六年改置 邦水長官司元中都雲板水等處軍民
 長官司洪武十六年更名 平浪長官司元都雲安撫
 司洪武十六年分置 平州六洞長官司元六洞柔遠
 蠻夷軍民長官司洪武十六年改置 樂平長官司元
 犵狫峇地洪武五年置 陳蒙爛長官司元陳蒙蠻夷
 軍民長官司洪武十六年改置 豐甯長官司元都雲
 安撫司地洪武二十三年置
 平越衛 凱里長官司正統中分播州宣慰司地置凱里
 安撫司萬厯三十五年改長官司 楊義長官司元爲
 平月長官司地洪武十四年置
 黎平府 古州蠻夷長官司元古州八萬洞軍民長官司
 洪武三年改置 西山陽洞蠻夷長官司洪武初置後
 廢永樂元年復置 新化蠻夷長官司元新化長官司
 洪武三年改置後廢永樂元年復置 湖耳歐陽中林
 驗洞三蠻夷長官司皆洪武初置後廢永樂元年復置

明會要卷七十四

五

亮寨蠻夷長官司本洪武三年置八萬亮寨蠻夷長
 官司後廢永樂元年復置更名
 思州府 都坪戕異溪蠻夷長官司洪武六年置二十五
 年省永樂十二年復置 施溪長官司元施溪樣頭長
 官司洪武五年改名
 鎮遠府 偏橋長官司元偏橋中寨蠻夷軍民長官司洪
 武五年改置 印水十五洞蠻夷長官司元印水縣洪
 武五年改置 臻剖六洞橫坡等處長官司本臻剖六
 洞橫坡三長官司洪武十二年置後併爲一司
 銅仁府 省溪長官司元省溪壩場等處蠻夷長官司洪
 武初改名 大萬山長官司元大萬山蘇葛辦等處軍
 民長官司洪武初改名 烏羅長官司元烏羅龍干等
 處長官司洪武初改名 平頭著可長官司元平頭著
 可通達等處長官司洪武初改名

明會要卷七十四

五

明會要卷七十四終

明會要卷七十五

永新龍文彬纂

方域五

道路

洪武五年明史系之三十一年帝諭左都督徐增壽曰曩因礪門距長河西口道路險隘以致往來跋涉艱難市馬數少今聞有路自礪門出柘木場按方輿紀要礪門砦西有柘木場亦要口明史土司傳作柘木任傷誤徑抵長河西口通雜道長官司道路平坦往來徑直可即檄所司開拓以便往來方輿紀要

明會要卷七十五

十五年五月上諭東川烏撒烏蒙芒部諸部長曰今置郵傳通雲南宜率土人隨其疆界遠邇開築道路各廣十丈

準古法以六十里爲一驛土司傳

八月乙巳遣使諭傅友德沐英曰關索嶺非古道古道在西北大軍若開此道以接普定即芒部諸長可盡獲也同上

二十二年永甯宣慰司言所轄地水道有一百九十灘其八十餘灘道梗不利詔曹震往疏鑿治之震至瀘州按視

有支河通永甯乃鑿石削崖令深廣以通漕運又關陸路作驛舍郵亭駕橋立棧自茂州一道至松潘一道至貴州

以達保甯藍田傳

二十九年五月修我眉至越嶲道途畢工大政記

永樂七年令海子橋至西湖一路水道差官十員往來巡察會典

宣德三年十一月修南海子周垣橋道大政記

七年五月復開平涼府開城縣迭烈孫道路先是陝西參政楊善言西安諸府州歲運糧餉赴甘州涼州山丹永昌諸衛皆經平涼府隆德縣六盤山盤蜃嶺山澗陡絕人力艱難開城縣舊有路經迭烈孫黃河平坦徑直抵甘州諸衛近五百餘里洪武中官置渡船平涼撥軍造濟人以爲便既乃罷之今請如舊開通以利民從之昭代典則

明會要卷七十五

正統四年令各府州縣提調官常巡視橋梁道路隨時修理會典

成化初用兵河套戶部侍郎陳俊赴河南山陝籌餉俊以榆林道險遠轉輸難乃修西安韓城同官徑道以利飛輓

陳俊傳二年令京城街道溝渠錦衣衛官並五城兵馬司時常巡視

六年令皇城周圍東西長安街並京城內外大小街道溝渠不許官民人等作踐掘坑及侵占淤塞會典

十二年余子俊巡撫陝西通南山道直抵漢中以便行旅

余子俊傳

十五年奏定虞衡司添設員外郎一員巡視在京街道溝渠會典

朝鮮貢道故由鴉鵲關成化十六年貢使請改由鴨綠江

兵部尚書將許之職方郎中劉大夏曰鴨綠道徑祖宗朝

豈不知顧紆迴數大鎮此殆有微意不可許乃止劉大夏傳

嘉靖中徐九思為句容縣知縣縣東西通衢七十里塵土

積三尺雨雪泥沒九思節公費蠶以石行旅便之徐九思傳

萬曆時丁賓擢南京工部尚書自上元至丹陽道路盡易

以石行旅頌之丁賓傳

橋梁

明會要卷七十五

三

洪武二年三月辛卯徐達造咸陽橋

六年五月造渡淮浮橋

二十五年十一月戊子改建大內金水橋成

永樂十年七月蘆溝河水漲壞橋及堤下工部修築

正統三年二月修蘭縣黃河橋便甘肅餽運已上大政記

王源知潮州府城東有廣濟橋歲久圯壞源斂民萬金重

築之王源傳

九年重修蘆溝橋橋在宛平縣西南三十里金大定二十九年名曰廣利至是重修

十二年建永通橋已上明一統志

十三年九月工部侍郎王永壽建沙河等處石橋謂陵經行處

天順七年四月己巳建宏仁橋在南海子東牆外

成化十二年十二月造遼東浮橋從侍郎馬文升請也已上大政記

蓬州知州田鐸建大小二十四橋又鑿三溪山以便行者田鐸傳

宏治三年蘆溝橋成中官李興乞進文思院副使潘俊等

官因王恕言乃止已修京城河橋帝復從興請授四人官

許五人冠帶王恕傳

四年中官奏修沙河橋請發京軍二萬五千及長陵五衛

軍助役工部尚書賈俊執奏得寢賈俊傳

明會要卷七十五

四

嘉靖元年四月重修金水玉河二橋大政記

二十四年十一月建良鄉琉璃河橋會典

萬曆二年建涿州胡良河石橋修北關外浮橋大政記

二十七年都水主事胡瓚督修琉璃河橋三年橋成省費

七萬有奇胡瓚傳

關津

洪武十五年九月丁卯設北平沿邊要害關隘二百處以

各衛校卒戍守昭代典則

二十六年定凡天下衝要處設立巡檢司盤詰往來及販

賣私鹽犯人逃軍逃囚 凡運糧馬快商賈等船經由津
渡巡檢司照驗文引若豪勢之人不服盤詰聽所司拏送
巡河御史即中處究治已上會典

李驥授戶科給事中時關市譏商旅發及囊篋驥奏止之
李驥傳

宣德三年八月治各關稽留索賄之罪大政記

四年六月初設鈔關於是有灤縣濟甯徐州淮安揚州上

新河濟墅九江金沙州臨清北新諸鈔關三編

六年十一月罷各處關津把截軍以其邀阻索詐從御史

陳搏之奏也大政記

明會要卷七十五

五

憲宗詔勸戚家不得占據關津陂澤設肆開廛侵奪民利
違者許所在官司執治以聞外戚傳

街市

廟街太廟右門

社街社稷壇左門

十王街東安門外已見輿服志

成賢街儒林孔希學傳

東長安街會典

西長安街會典

棋盤街大明門前

長連街御坊後牆謂之廊下家

短連街已上見日下舊聞

內市禁城之左

東市洪武初設寶鈔行用庫於東市

西市李時勉傳

洪武元年命在京兵馬司并管市司每三日一校勘街市
度量權衡稽牙僧姓名時其物價職官志 在外城門兵馬亦

令兼領市司食貨志

道同為番禺知縣有土豪數十輩抑買市中物同械其魁
於通衢道同傳

明會要卷七十五

六

景泰元年京城勲戚所置市廛月徵稅給事中葉盛以國
用不足請籍其稅佐軍餉從之葉盛傳

四年以鈔法不通令兩京市肆園場稅悉納鈔商民以為
病或閉戶不敢市易拔園蔬伐果木以避

宏治五年刑部尚書彭韶言光祿寺經費不支牲物概除
之市肆大為賈人累已上食貨志

九年吏部尚書屠浦等言勲戚縱家人列肆通衢邀截商
賈都城內外所在有之伏望綸音戒諭所有店肆悉皆停

止更敕都察院揭榜禁戒擾商賈奪民利者聽巡城巡按
御史及所在有司執治憲章錄

武宗令內侍仿設塵肆身衣估人衣與貿易更令作市正調和之楊守隨疏所謂列市肆而親商賈之爲者以此編三正德十一年冬帝將置肆於京城西偏給事中齊之鸞上言近聞有花酒鋪之設或云車駕將臨幸或云朝廷收其息陛下貴爲天子富有四海乃至競錐刀之利如倡優館舍乎齊之鸞傳

尙書王瓊奏宏治元年百戶王敏建言請於京城內外小巷路口置立柵欄夜間關閉本部會議未及舉行今京城之內大街小巷巡捕官軍巡歷不周盜賊得以藏匿應各置立門柵遇夜關閉本部仍委官如法修置明臣奏議

明會要卷七十五

七

萬厯二十五年刑部侍郎呂坤疏言官店租銀收解自趙承勛造四千之說而皇店開夫市井之地貧民求升合絲毫以活身家者也陛下享萬方之富何賴於彼且馮保八店爲屋幾何而歲有四千金之課課既四千徵收何止數倍不奪市民將安取之今豪家遣僕設肆居民尙受其殃況特遣中貴賜之救書民困豈顧問哉呂坤傳四十二年四月福王常洵設店洛陽與民市葉向高言以藩國之尊下侵商賈之事於體甚褻不報編三四十三年五月御史劉廷元請禁內市以消隱禍因諭內地每月三市初四十四日相治年久以濟需用事不可缺但

不許持挾銅鐵鋒利弓矢等物入市違者必懲同

寺觀

洪武十二年二月建神樂觀於郊祀壇西永樂十八年建於北京

十六年九月鳳陽大龍興寺成卽皇覺寺

二十五年二月甲戌重建天界寺

永樂十六年十二月丁未朔武當山宮觀成賜名曰太嶽

太和山

二十二年三月甲辰重建天禧寺成賜名大報恩寺已上

記

明會要卷七十五

八

正統十三年太監王振修大興隆寺日役萬人糜帑數十

萬閱麗冠京都英宗爲賜號第一叢林單字

景泰時中官興安請帝建大隆福寺嚴壯與興隆並四年

三月寺成同上

成化八年修隆善寺陞工匠三十人爲文思院副使昭代典則

十四年六月英國公張懋以京營兵苦工作請止圓通寺

修造不聽大政記

十九年命襄城侯李瑾督軍萬人修大慈恩寺按明一統志大慈恩寺在順天府西海子舊名海印寺

二十年僧繼曉請建大永興寺於西市逼徙居民數百家

廢國帑數十萬繼曉傳

正德七年十一月詔建鎮國寺於大內西城大政記

嘉靖十年正月毀大慈恩寺同上

城郭

太祖初拓建康城東北盡鍾山之陽延互周圍凡五十餘里大政記

通州城相傳秦蒙恬舊址五代時修築元初壞洪武元年又修甃以磚石歷代沿革表

洪武四年八月李文忠築成都新城李文忠傳

十月丙寅修京師城垣大政記

明會要卷七十五

九

六年六月京師城成周九十六里門十有三後復建外郭

周一百八十里門十有六三編

十二年葉昇鎮遼東修海益復三城葉昇傳十二月永嘉侯

朱亮祖發卒三萬人拓廣東城百餘丈昭代典則

十四年鄭遇春從傅友德平雲南帥楊文等經略城池屯

堡鄭遇春傳

二十年湯和築瀕海五十九城備倭湯和傳馮勝等師出松

亭關分築大甯寬河會州富峪四城馮勝傳江夏侯周德興

至國相視要害築城十有六周德興傳

二十二年命藍玉督修四川城池藍玉傳

二十三年四月詔築京師外垣大政記

二十四年正月命都督劉真勅立甘肅城池明政統宗

永樂八年七月築開平衛城

十七年十一月拓北京南城

宣德元年正月脩築廣西南丹城

三年八月壬午修居庸關城

六年十一月脩宣大鎮城

正統九年十月拓甯夏城

十年六月脩京城內垣

景泰元年正月增築紫荆關城築倒馬關內城七月城臨

明會要卷七十五

十

清十月都督孫安修復獨石馬營等處邊城已上大政記

築永安城於天壽山之南以居陵衛官軍後遂移昌平縣

治焉憲章錄

二年十月復修宣大外邊城堡

天順五年四月築滄州城已上大政記

成化初廣東布政使張瑄增築廣州新會諸城垣一十二

傳張瑄傳

十年總兵蔣琬上言太祖肇建南京城外復築土城以衛

居民誠萬世之業今北京但有內城已已之變敵騎長驅

直薄城下可以為鑿今西北隅故址猶存亟行勸募之令

濟以工罰成功不難章下所司蔣貴傳

宏治十一年順天巡撫洪鐘繕復城堡二百七十所悉城

緣邊諸縣洪鐘傳

十四年秦紘總制三邊軍務修築諸邊城堡一萬四千餘

所秦紘傳

十七年二月都御史楊一清請勅立陝西各處城堡從之

嘉靖四年二月丁未發團營卒五千人修都城

七年三月添築甯夏邊城已上大政記

王儀遷山西右參政按行所部築城郭榆次平定間遂皆有城王儀傳

明會要卷七十五

十一

吳桂芳遷揚州知府建議增築外城揚有二城自桂芳始

吳桂芳傳

李承助巡撫遼東凡為城塹各九萬一千四百餘丈墩堡

百八十有一李承助傳

二十一年邊報日至都御史毛伯溫等言古者有城必有

郭宜築外城下戶工二部議以匱乏停止三十二年給事

中朱伯辰復言高皇帝定鼎金陵於時即築外城聖慮宏

遠蓋為萬年計也文皇帝移都北平密邇邊塞顧有城無

郭者則締造方始未暇盡制耳臣竊見城外居民繁夥無

慮數十萬戶且四方萬國商旅貨賄所集不宜無以圍之

矧今邊報屢警不可不及時圖之臣嘗履行四郊咸有土

城故址環繞周規可百二十餘里若仍其舊貫增庫培薄

補缺續斷即可事半而功倍矣疏入命相度外城舊址周

圍共七十餘里擇日興工築正南一面轉抱東西角三編

三邊總督王以旂在鎮六年修延綏城堡四千五百餘所

王以旂傳

四十二年十二月乙巳工部尚書雷禮奏京師永定等七

門當添築甕城東西便門接都城止丈餘又堞口卑隘濠

池淺狹悉宜崇甃深濬上諭禮亟行之實錄

萬曆三十三年正月重修京師外城同上

明會要卷七十五

十二

崇禎元年工部侍郎蔡國用督修都城需石甚急不克辦

國用建議取牙石用之牙石者舊列崇文宣武兩街備駕

出除道者也帝閱城嘉其功遂欲大用程國祥傳

邊牆

成化十年延綏巡撫余子俊築邊牆延袤千七百七十里

余子俊傳

十三年正月增修遼東牆堡

十五年十一月築甯夏沿河邊牆已上大政記

宏治六年二月御史李善請築遼東邊牆明政宗十年修大

同邊牆

正德十六年九月修延綏三山堡定邊營等處邊牆

嘉靖七年二月補築陝西邊牆從楊一清請也

十九年六月修甯武偏頭等處邊牆已上大政記

二十一年宣大總督翟鵬浚濠築垣修邊牆三百九十餘

里本傳

二十三年宣大總督翁萬達議築邊牆自宣府西陽河洗

馬林張家口諸處為牆六十四里自大同東路天城陽和

開山口諸處為牆百二十八里既又修大同西路宣府東

路邊牆凡八百里寇乃不敢輕犯翁萬達傳

三十三年賈應春總督宣大在鎮數載築邊垣萬一千八

百餘丈賈應春傳

明會要卷七十五

三

三十六年四月詔修薊鎮邊牆明政統宗十二月大築宣大邊

牆大政記

萬曆元年孫丕揚巡撫保定諸府築邊牆萬餘丈孫丕揚傳

驛傳

自京師達於四方設有驛傳在京曰會同館在外曰驛曰

遞運所以便公差來往有軍情重務必給符驗以防詐偽

至於公文遞送又置鋪舍以免稽遲

各驛馬夫置銅鈴遇緊急公務懸帶馬上前路驛聽候鈴

聲隨即供應已上會典

洪武元年正月庚子置各處水馬驛站遞運所急遞鋪九

月甲寅改各站為驛大政記

三年設開平衛置八驛東則涼亭沈河賽峯黃厓四驛接

大甯西則桓州威虜明安隰甯四驛接獨石開平廢而八

驛亦為棄地矣方輿紀要

五年九月諭中書省自今驛傳必以丁糧多者充之有司

務加存恤昭代典則

七年北平按察司副使劉崧請減僻地驛馬以益宛平帝

可其奏劉崧傳

八年三月定馬夫免糧則例自京會同館至宿州十三驛

明會要卷七十五

四

租全免自百善道至鄭州免三之二自滎陽至陝西山西

北平驛百二十一免三之一王圻考

延安侯唐勝宗坐擅馳驛騎奪爵唐勝宗傳

十六年四月松潘衛指揮僉事耿忠言臣所轄松潘等處

安撫司屬各長官司宜以其戶口之數量其民力歲令納

馬置驛而籍其民充驛夫供徭役從之土司傳

十七年景川侯曹震上言四川至建昌驛道經大渡河往

來者多死瘴癘詢之父老自眉州峩眉至建昌有古驛道

平易無瘴毒已令軍民修治請以瀘州至建昌驛馬移置

峩眉新驛從之後至瀘州又闢陸路作驛舍郵亭藍玉傳

二十年九月北平布政使請自河間景州至永平撫甯馬
驛吳橋至通州水驛各增馬及船從之

十月定勲戚出使非奉符驗不得乘驛已上大政記

二十三年正月庚午遣鳳翔侯張龍等往雲南置驛傳昭代

則典

二十七年六月增遞運驛夫糧額

永樂元年十一月丁亥定驛傳事例

二年六月令各處軍情急務方許給驛

三年九月命福建浙江廣東市舶提舉司各置驛以館海
外諸番朝貢之使

明會要卷七十五

五

宣德四年七月乙巳朔置驛勘合已上大政記

禮部侍郎鄒師顏卒命驛舟送之詔京官卒者皆給驛著
為令夏原傳

六年二月許進表官得宿驛舍御史得乘驛馬初止騎驢

五月令南京府部寺院堂上官以公事至京者得給驛

七年二月給衍聖公孔彥縉乘驛

八年三月令沿河州縣有驛遞者悉免其民雜役又詔方
面官按部許給驛已上大政記

兵部尚書張本疏驛馬之設本以報軍機重務今在外凡
有符驗官司及鎮守中官每以常事泛濫給驛皆宜禁今

請今年終各具一歲給驛起數及所幹事務所差人員造
冊奏聞以憑稽覈從之春明夢餘錄

正統中方面以公事行部者例不給驛貴州按察使應履
平言僦車舟必擾民請給驛便從之應履平傳

義門鄭氏族大不能自給又買馬出丁供山西郵傳困甚
以金華府通判劉實言獲免劉實傳

宏治三年四月定驛遞馬戶地遠者出銀所在自買通行
天下從浙江巡按陳金奏也大政記

萬厯初張居正議布按二司以下官雖公事毋許乘驛馬
而南京兵部主事趙世卿請寬驛傳之禁趙世卿傳

四十二年保定巡撫王紀言驛遞之設以供命使之往來
非以供寺令魚肉今中使李永妄作威福墩鎖驛夫非刑
拷打與寇盜何異請敕法司嚴拏究問不納明臣奏議

崇禎二年毛羽健陳驛遞之害言兵部勘合有發出無繳
入士紳遞相假借一紙洗補數四差役之威如虎小民之
命如絲帝即飭所司嚴加釐革毛羽健傳朝議裁驛卒韓爌言
驛傳疲累當責按臣覈減以甦民困其所節省仍還之民
帝然之韓爌傳四月甲午裁驛站穴卒山陝游民仰驛糈者
無所得食皆從賊編三

時大釐郵傳積弊減削過甚反累民范復粹巡按江西極

明會要卷七十五

六

明會要卷七十五 六

陳不便程國祥傳

三年給事中魏呈潤疏言驛站所裁纔六十萬未足充軍餉十一而郵傳益疲勢必再編里甲是猶剗肉醫瘡瘡未瘳而肉先潰也魏呈潤傳

明會要卷七十五

七

明會要卷七十五終

明會要卷七十六

永新龍文彬

方域六

黃河

洪武八年正月河決開封壞大黃寺隄百餘丈詔河南參政安然發民夫三萬人塞之

十七年八月河決開封東月隄自陳橋至陳留橫流數十里又決杞縣入巴河遣官塞之

二十三年二月河決歸德東南鳳池口經夏邑永城發興武等十衛士卒與歸德民併力築之

明會要卷七十六

一

二十四年四月河決原武黑羊山東經開封城北又東南由陳州項城太和潁州潁上東至壽州正陽鎮全入於淮而賈魯河故道遂淤又由舊曹州鄆城漫東平之安山元會通河故道亦淤

二十五年正月河決陽武旁浸陳州中牟原武封邱祥符蘭陽陳留通許太康扶溝杞十一州縣發民丁及安吉等十七衛軍士修築其冬大寒役遂罷

三十年八月決開封城三面受水詔改作倉庫於滎陽以備不虞冬蔡河徙陳州先是河決由開封北東行至是下流淤又決而之南

永樂八年八月河溢開封壞城二百餘丈民被患者萬四千餘戶沒田七千餘頃帝遣工部侍郎張信往視信言祥符魚王口至中灤下二十餘里有舊黃河岸與今河面平濬而通之使循故道則水勢可殺因繪圖以進時尙書宋禮侍郎金純方開會通河帝乃發民丁十萬命興安伯徐亨侍郎蔣廷瓚偕純相治并令禮總其役乃引河自封邱金龍口下魚臺塌場會汶水由徐呂二洪南入於淮是時會通河已開黃河與之合漕道大道而河南水患亦稍息

已上河渠志
景泰三年河決沙灣七載前後治者皆無功廷臣共舉徐

明會要卷七十六

二

有貞乃擢僉都御史往治之有貞至張秋上三策一置水門一開支河一濬運河議既定督漕都御史王竑以漕渠淤淺滯運請急塞決口帝敕有貞如竑言有貞守便宜言臨清河淺舊矣非因決口未塞也漕臣但知塞決口爲急不知秋冬雖塞來春必復決徒勞無益臣不敢邀近功詔從其言有貞於是大集民夫躬親督率治渠建牖起張秋以接河沁河流之旁出不順者爲九堰障之更築大堰槌以水門閘五百五十五日而工成名其渠曰廣濟牖曰通源徐有貞傳
天順七年河南布政司照磨金景輝上言國初黃河在封

邱後徙康王馬頭去城北三十里復有二支河一由沙注運河一由金龍口達徐呂入海正統戊辰決滎澤轉城南併流入淮舊河支河俱堙漕河因而淺澁夫河不循故道併流入淮是爲妄行今急宜疏導以殺其勢若止委之一淮而以隄防爲長策第恐開封終爲魚鱉之區乞敕部檄所司先疏金龍口寬闊以接漕河然後相度舊河或別求泄水之地挑濬以平水患爲經久計命如其說行之成化十四年九月河決開封壞護城隄五十丈河南巡撫李衍上言河南屢有河患皆下流壅塞所致宜疏開封西南新城地下抵梁家淺舊河口以洩杏花營上流而自八角河口抵南頓則當分導之以散其勢庶可免祥符鄆陵雖陳歸德之災帝敕衍酌行之

明會要卷七十六

三

已上河渠志
宏治二年五月河決開封命戶部侍郎白昂往治之乃役夫二十五萬築陽武長隄以防張秋引中牟決河出滎澤濬宿州古汴河又濬歸德津河使河流入汴汴入睢睢入泗泗入淮以達海南北分治水患稍甯
六年河決張秋命副都御史劉大夏往治之時河流湍悍決口闊九十餘丈大夏行視之曰是下流未可治當治上流乃自黃陵岡浚賈魯舊河復浚孫家渡四府營上流以分水勢而築長隄起胙城抵徐州互三百六十里水大治

更名張秋鎮曰安平鎮劉大夏傳三編

正德八年六月河決黃陵岡先是河自北徙至沛縣飛雲橋俱入漕河南河故道以塞水惟北趨單豐之間河窄水溢遂連年決黃陵岡入賈魯河汎溢橫流直抵豐沛御史林茂達以北決安平鎮為虞請濬儀封考城上流引河南流以分其勢然後塞決口築故隄工部侍郎崔巖奉命修理久之無功以待郎李鏗代鏗謂河流故道堙者不可復塞請築隄以障河北徙工未竣而河南盜起罷役河渠志嘉靖六年黃河水溢入漕渠沛北廟道口淤數十里糧艘為阻尙書胡世甯詹事霍韜僉事江良材請於昭陽湖東

明皇卷七十六

四

別開漕渠為經久計議未定召侍郎章拯還命盛應期為右都御史往代應期乃議於昭陽湖東北起江家口南出留城口開濬百四十餘里以通漕舟較疏舊河力省而利永會旱災修省言者多謂開河非計帝令罷役盛應期傳二十年五月以兵部侍郎王以旂督理河道時黃河南徙決野雞岡由渦河經亳州入淮舊決俱塞徐呂二洪竭漕舟膠以旂至上言國初漕河惟通諸泉及汶泗黃河勢猛水濁遷徙不常故徐有貞白昂劉大夏力排之不資以濟運也今幸黃河南徙諸牖如舊宜濬山東諸泉入野雞岡新開河道以濟徐呂而築長隄沛縣以南聚水如牖河制

務利漕運而已明年春總河郭持平請濬孫繼口及扈運口李景高三河使東由蕭楊入徐濟運其秋從以旂言於孫繼口外別開一渠洩水以濟徐呂凡八月三日工成二十六年九月河決曹縣水入城三尺漫金鄉魚臺定陶城武衝穀亭總河都御史詹瀚請於趙皮寨諸口多穿支河以分水勢詔可

三十一年九月河決徐州運道淤阻五十里總河副都御史曾鈞言劉伶臺至赤晏廟凡八十里乃黃河下流疏濬宜先次則築草灣老黃河口增高家堰長隄繕新莊等舊牖以遏橫流從之已上河渠志

明皇卷七十六

五

四十四年七月河決沛縣飛雲橋分為十數股潰入昭陽運道淤塞百餘里乃命朱衡為工部尙書督理河漕衡馳至決口舊渠已成陸而盛應期所開新河自南陽以南東至夏村又東南至留城故址尙存其地高河決至昭陽不能復東可以通運乃定議開新河築隄呂孟湖以防潰決河道都御史潘季馴以為濬舊渠便議與衡不合衡持益堅引鮎魚薛沙諸水入新渠築馬家橋堤以遏飛雲橋決口運道乃大通方工未成會河方決論者紛然謂衡故與難成之工以倖功及工竣羣議乃息未幾山水驟溢新河決壞漕艘數百給事中吳時來言新河受東兗以南費嶧

鄒滕之水以一隄捍羣流豈能不潰宜分之以殺其勢衡

朱衡傳及三編

乃開支河四洩其水入赤山湖隆慶三年七月河決沛縣漕艘不得進四年九月復決邳州自睢甯白浪淺至宿遷小河口淤百八十里漕道復阻河道侍郎翁大立言邈來河患不在豐沛而在徐邳臣以為權宜之計在乘故道而就新衝經久之策在開洳河以避洪水帝命大立躬自相度條利害以聞已而大立以誤漕削籍復以朱衡經理河道遂罷洳河議專事徐邳築長隄自徐州至宿遷小河口三百七十里并繕豐沛大黃隄正河安流運道乃通

明會要卷七十六

六

防今幸有數十年之安者以防守嚴而備禦素也徐邳為糧運正道既多方以築之則宜多方以守之請用夫每里十人以防三里一鋪四鋪一老人巡視伏秋水發時五月十五日上隄九月十五日下隄願攜家居住者聽詔如議

河渠志

六年命萬恭總理河漕恭築兩隄北自磨臍溝迄邳州直河南自離林迄宿遷小河口各延三百七十里六十日而成高寶諸河夏秋汎濫歲議增隄而水益漲恭緣隄建平水插二十餘以時蓄洩專令澗湖不復增隄河遂無患

恭傳

萬厯三年八月河決礪山而北淮亦決高家堰而東徐邳

淮南北漂沒千里河道淤淺阻漕者數年明年二月督漕侍郎吳桂芳言淮揚洪潦奔流惟雲梯關一徑入海致海湧橫沙河流迅溢而鹽安高寶諸州縣所在受災請益開草灣及老黃河故道以廣入海之路脩築高郵東西二湖以蓄湖水皆下所司議行

吳桂芳傳

未幾草灣河工告成五年八月河復決崔鎮宿沛清桃兩岸多壞黃河日淤墊淮水為河所迫徙而南河臣傅希摯議塞崔鎮決口束水歸漕而桂芳欲衝刷成河以為老黃河入海之路帝令急塞決口而俟水勢稍定乃從桂芳言

河渠志

明會要卷七十六

七

六年二月以潘季馴總理河漕季馴上兩河經略疏曰今談河務者皆以濬海為上策豈知海無可濬之理惟當導河以歸之海則以水治水即濬海之策也河亦非可以人力導也惟當繕治隄防俾無旁決則水由地中沙隨水出即導河之策也今欲濬海必先塞決以導河尤當固隄以杜決而欲隄之不決必真土而勿雜浮沙高厚而勿惜鉅費讓遠而勿與爭地則隄乃可固此以水治水之法也條上六事詔如議

季馴編

季馴凡四治河至二十年放歸條上辨惑者六事力言河不兩行新河不當開支渠不當濬又著書曰河防一覽大旨在築隄漳河束水歸漕築堰障淮通

淮注黃以清刷濁沙隨水去合則流急急則蕩滌而河深分則流緩緩則停滯而沙積上流既急則海口自闕而無待於開治隄之法有縷隄以束其流有遙隄以寬其勢有滾水壩以洩其怒法甚詳言甚辨

十六年三月給事中王士性上言黃河自徐而下河身日高而為隄以束之隄與徐州城等委全力於淮而淮不任黃水灌運河如建瓴淮安高寶鹽興諸生民託之一丸泥決則盡化魚鱉矣紛紛之議有欲增隄泗州者有欲開顏家灌口永濟三河南登高家堰北築滾水壩者總不如復河故道為一勞永逸之計也河故道由三義鎮達葉家衝

明倫彙編卷七十六

八

與淮合在清河縣北別有濟運河在縣南蓋支河耳河強奪支河直趨縣南而自棄北流之道然河形固在也自桃源至瓦子灘凡九十里窪下不耕無室廬墳墓之礙雖開河費鉅而故道一復為利無窮章下所司給事中常居敬言故道難復不行

已上河渠志

二十四年九月河決單縣時徐泗淮揚間無歲不苦水患總河楊一魁既議分疏黃淮於是役夫二十萬開桃源黃河壩新河起黃家嘴至安東五港灌口長三百餘里分洩黃水入淮闕清口沙七里建武家墩高良礮周家橋石牯洩淮水三道入海且引其支流入江於是泗陵水患平而

淮揚得無患然一魁專力桃源淮泗間而上流單縣黃壩口之決如故後以黃壩口不塞致衝祖陵斥一魁為民二十六年命工部侍郎劉東星總理河漕初季馴議開黃河上流循商邱虞城而下歷丁家道口出徐州小浮橋即元賈魯所浚故道也朝廷以費鉅不果東星即其地開濬起曲里鋪至三仙臺抵小浮橋又濬漕渠自徐邳至宿遷凡五閱月工竣明年濬邳伯界首二湖又明年開泇河南通淮海引漕甚便

已上三編

三十二年正月總理河道侍郎李化龍請開泇河口疏言河自開封歸德而下合運入海其路有三由蘭陽出茶城

明倫彙編卷七十六

九

向徐邳名濁河為中路由曹單豐沛出飛雲橋向徐溝名銀河為北路由潘家口入宿遷出小河口名符離河為南路南路近陵北路由運惟中路既遠於陵亦濟於運前河臣興役未竣然自堅城以至鎮口河形何在故為今計惟循故迹開泇河為便上從之九月分水工成

紀事本末

三編

道水利編三十三三年十月濬朱旺口先是化龍上言泇河既成河不能為運河害獨朱旺口以上決單則單沼決曹則曹魚及豐沛徐邳魚碭皆命懸一縷隄防宜急會化龍憂去曹時

聘代大濬朱旺口役夫五十萬六月工竣自朱旺達小
浮橋延袤百七十里渠廣隄厚河歸故道焉

同上

四十年九月河決徐州三山衝縵隄二百八十丈遙隄百
七十餘丈黎林鋪以下二十里正河悉爲平陸邵睢河水
耗竭總河都御史劉士忠開韓家壩外小渠引水由是壩
以束始通舟楫

天啟四年河決徐州魁山隄東北灌州城城中水深一丈
三尺徐民苦滄溺議集費遷城給事中陸文獻上徐城不
可遷六議而勢不得已遂遷州治於雲龍河事置不問矣
崇禎六年總河朱光祚議開高堰三廂淮揚在朝者合疏

明會要卷七十六

十

言建義諸口未成民田盡沈水底三廂一開高寶諸邑蕩
爲湖海而漕糧鹽課皆害矣高堰建廂始於萬曆二十三
年未幾全塞今高堰日壞方當急議修築可輕言開濬乎
帝是其言事遂寢

已上河渠志

運河

洪武元年河決曹州命大將軍徐達開塌場口入於泗以
通運而徙曹州治於安陵

九年令揚州修高郵寶應湖隄六十餘里以捍風濤

十六年儀真縣重建清口牐惠橋腰牐南門裏朝牐以蓄
洩水利以通漕舟從尙書單安仁請也

已上世法錄

二十六年九月命崇山侯李新開溧水臙脂河以通浙漕
免丹陽輸輓及大江風濤之險

昭代典則

永樂九年浚會通河河爲元轉漕故道岸狹沙淺元末已
廢不用洪武中復因河決遂淤至是命工部尙書宋禮與
侍郎金純往治之禮以會通之原必資汶水乃用汶上老
人白英策築壩東平之戴村遏汶流使南無入洗北無歸
海匯諸泉之水盡出南旺中分爲二道以四分南流接徐
沛六分北流達臨清南旺地勢高決其水南北皆注所謂
水脊也因相地勢置牐三十有八以時蓄洩禮又請疏東
平沙河合馬常泊之流以益汶運道乃成

編三

明會要卷七十六

十一

十二年平江伯陳瑄請鑿呂梁百步二洪置呂梁石牐又
建淮安五壩仁義二壩在東門外東北禮智信三壩在西
門外西北皆自城南引湖水抵壩口其外卽淮河遇清江
口淤塞則漕船由二壩官民商船由三壩入淮

世法錄

先是安城西管家湖鑿渠二十里卽宋喬維嶽所開沙河舊渠
爲清江浦導湖水入淮置四牐以宣洩又緣湖十里築隄
引漕舟直達於河十三年五月工成瑄又築沛縣刁陽
湖濟甯南旺湖長隄開秦州白塔河通大江築高郵湖隄
於隄內鑿渠四十里

陳瑄傳

並築寶應汜光白馬諸湖隄自

是漕運直達通州而海陸運俱廢河渠志

宣德六年用御史白圭言濬金龍口引河水達徐州以便漕同上

正統七年參將楊節因徐州洪水迅急敗舟建議於上流築堰逼水悉歸月河於月河南口設牐以蓄水勢世法錄

宏治二年河決張秋衝會通河命戶部侍郎白昂相治昂奏金龍口決口已淤河併為一大支由祥符合沁下徐州而去其間河道淺隘宜於所經七縣築隄岸以衛張秋下工部議從其請昂又以漕船經高郵暨社湖多溺請於隄東開複河四十里以通舟賜名曰康濟

明會要卷七十六

三

六年河決張秋東隄奪汶水入海漕流絕副都御史劉大夏奉敕往治先自決口兩岸鑿月河以通漕經營二年張秋決口既塞復築黃陵岡上流於是河復南下運道無阻自昂開康濟大夏塞張秋漕河上下無大患者二十餘年十六年巡撫徐源乞毀岡城石堰復易以土疏洗口壅塞以至濟甯而築岡城迤西春城口子決岸帝命侍郎李鏗往勘言岡城石堰一可遏淤沙不為南旺河之害一可殺水勢不慮戴村壩之衝不宜毀近堰積沙宜濬岡城稍東有元時舊牐引洗水入濟甯下接徐呂漕河東平州戴村則汶水入海故道也自永樂初橫築一壩遏汶入南旺湖

漕河始通今自分水龍王廟至天井牐九十里水高三丈有奇若洗河更濬而深則汶流盡向濟甯而南臨清河道必涸洗口不可濬岡城口至柳泉九十里無關運道可弗事柳泉至濟甯汶泗諸水會流處宜疏者二十餘口春城口外障汶水內防民田隄卑岸薄宜與戴村壩並修築從之

嘉靖六年詹事霍韜謂前議役山東河南丁夫數萬疏濬淤沙以通運然沙隨水下旋濬旋淤今運舟由昭陽湖入雞鳴臺至沙河迂迴不過百里若沿湖築隄浚為小河河口為牐以時蓄洩水溢可避風濤水涸易為疏濬三月而

明會要卷七十六

三

土隄成一年而石隄成較之役丁夫以浚淤土勞逸大不侔也尚書李承勛請於昭陽湖左別開一河引諸泉為運道自留城沙河為尤便與都御史胡世甯議合未幾總河盛應期從其策未畢工而罷後三十年朱衡濬而成之隆慶二年總河翁大立上言漕河資泉水而地形東高西下非湖漕之則涸故漕河以西皆有壑黃流逆奔則以昭陽湖為散漫之區山水東突則以南陽湖為蓄蓄之地宜由回回墓開道以達鴻溝令穀亭湖陵之水皆入昭陽湖即濬鴻溝廢渠引昭陽湖水沿渠東出留城三年又請鑿邵家嶺令水由地浜溝出境山入漕河帝皆從之

是年從維遵言修築茶城至清河長隄五百五十里接築茶城至開封兩岸隄從朱衡言繕豐沛大黃隄衡又言漕河起儀真訖張家灣二千八百餘里河勢凡四段各不相同清江浦以南臨清以北皆遠隔黃河不煩用力惟茶城至臨清則插諸泉爲河與黃相近清河至茶城則茶城卽運河也茶城以北當防黃河之決而入茶城以南當防黃河之決而出防黃河卽所以保運河故自茶城至邳遷高築兩隄宿遷至新河盡塞決口二處告竣故河深水東無旁決中潰之虞沛縣之窯子頭至秦溝口應築隄七十里接古北隄徐邳之間隄逼河身宜於新隄外別築遙隄詔

明會要卷七十六

西

如其議
萬厯元年總河侍郎萬恭言祖宗時造淺船近萬非不知滿載省舟之便以插河流淺不敢過四百石也其制底平倉淺用水不得過六拏伸大指與食指相距爲一拏六拏不過三尺許明受水淺也今不務遵行而競雇船搭運雇船有三害搭船有五害皆病河道請悉遵舊制從之恭又請復淮南平水諸插言插欲密則水疏無漲瀨患插欲狹則勢緩無蓄決虞又建天妃廟口石插復境山舊插部皆覆行之爲運道永利
十五年督漕侍郎楊一魁請修高家堰以保上流砌范家

口以制旁決疏草灣以殺河勢修禮壩以保新城詔從其請
十九年總河潘季馴言宿遷以南地形西窪請開縷隄放水沙隨水入地隨沙高庶水患消而費可省又請易高家堰土隄爲石築滿家插西攔河壩使汶泗盡歸新河設減水插於李家口以洩沛縣積水從之

明會要卷七十六

五

秋則漲冬春而涸無雨卽夏秋亦涸禮逆慮其不可恃乃於沿河昭陽南旺馬踏蜀山安山諸湖設立斗門名曰水櫃漕河水漲則瀦其溢出者於湖水消則決而注之漕積泄有法盜決有罪故旱澇恃以無恐及歲久禁弛湖淺可耕多爲勢豪所占昭陽一湖已作藩田比來山東半年不雨泉欲斷流按圖而索水櫃茫無知者乞敕河臣清覈亟築隄壩斗門以廣蓄儲帝從其請

天啟三年王家集磨兒莊澦溜日甚漕儲參政朱國盛謀改濬一河以爲漕計令同知宋士中自泃口迤東抵宿遷陳溝口復泝駱馬湖上至馬頰河往迴相度乃議開馬家

洲且疏馬頰河口淤塞上接泐流下避劉口之險又疏三
汜河流沙十三里開治莊河百餘丈濬深小河二十里開
王能莊二十里以通駱馬湖口築塞張家等溝數十道束
水歸清計河五十七里名通濟新河五年四月工成運道
從新河無劉口磨兒莊諸險之患明年總河侍郎李從心
開陳溝地十里以竟前工

崇禎十四年總河侍郎張國維言濟甯運道自棗林牯湖
師家莊仲家淺二牯歲患淤淺每引泗河由魯橋入運以
濟之伏秋水漲足資利涉而挾沙注河水退沙積利害參
半旁有白馬河匯鄒縣諸泉與泗合流而出魯橋力弱不

明會要卷七十六

夫

能敵泗河身半淤不為漕用然其上源寬處正與仲家淺
牯相對導令由此入運較魯橋高下懸殊且易細流為洪
流又減沙滲之患而濟仲家淺及師莊棗林有三便復上
疏運六策皆命酌行已上河渠志

明會要卷七十六終

明會要卷七十七

永新龍文彬纂

外蕃一

正東

朝鮮

朝鮮本箕子所封國也漢末有扶餘高氏據其地改國號
曰高麗居平壤後唐時王建代高氏闢地益廣以平壤為
西京迄宋遼金四百餘年未始易姓元至元中西京內屬
置東甯路總管府畫慈悲嶺為界其俗尚柔謹知文字喜
讀書士女服尚白

明會要卷七十七

一

洪武元年遣使賜王顯璽書二年顯表貢方物且請封詔
賜金印誥文封為高麗國王顯復遣成惟德等上表謝賜
以六經四書通鑑

三年正月命使往祀其國之山川頒科舉詔顯表謝貢方
物并納元所授金印

五年表請遣子弟入大學帝曰入學固美事但涉海遠不
欲者毋強時貢使失風洪師範等三十九人溺焉帝憫之
謂中書省臣曰高麗貢獻繁數既困敝其民涉海復虞覆
溺宜遵古諸侯之禮三年一聘貢物唯所產毋過侈其明
諭朕意

七年嶺爲權相李仁人所弑而立寵臣辛朮之子禍連年貢方物卻之

二十年命戶部咨高麗王鐵嶺北東西之地舊屬開元者遼東統之鐵嶺之南舊屬高麗者本國統之各正疆境毋侵越

二十一年禍表言鐵嶺之地實其世守乞仍舊便帝曰高麗舊以鴨綠江爲界今飾辭鐵嶺詐僞昭然其以朕言論之俾安分毋生釁端是年禍傳位子昌二十二年李成桂廢昌復立王氏裔定昌國院君瑤

二十五年瑤出居原州成桂主國事更名且遣使請改國

明會要卷七七

二

號命仍古號曰朝鮮王氏自五代傳國數百年至是始絕建文初且子芳遠襲位永樂元年芳遠請冕服書籍許之十六年芳遠陳已年老請以子禔理國事乃封禔爲國王時帝已遷北都朝鮮益近而事大之禮益恭朝廷亦待以加禮他國莫敢望也

宣德八年禔請遣子弟入學不許賜五經四書性理通鑑綱目諸書正統七年諭禔曰鴨綠江一帶東甯等衛密邇王境中多細人逃至王國或被國人誘脅去者無問漢人女真至卽解京九年春倭寇犯邊禔命禽獲五十餘人械送京師十年又獲餘黨來獻帝救獎之

天順三年邊將奏有建州三衛都督私與朝鮮結恐爲中國患因諭國王李瑋曰宣德正統年間以王國與彼互相侵掠敕解怨息兵初不令交通給賞授官也彼既受朝廷官職王又加之是與朝廷抗也王素秉禮義何爾文過飾非後宜絕私交以全令譽

成化十二年國王瑋因禁外國互市兵器奏小邦北連野人南鄰倭島高皇帝時嘗賜火藥火礮今望特許收買弓角不與外番同禁兵部議歲市弓角五十後以不足於用請無限額詔許倍市

十五年命瑋出兵夾擊建州女真十六年遣陪臣來獻捷

明會要卷七七

三

帝命齋救獎賜宏治十二年國王瑋奏本國人屢有違禁匿海島誘引軍民漸至滋蔓乞許本國自行撿刷其係上國地方請敕官追捕報可

嘉靖二十六年國王峒咨稱福建人從無泛海至本國者因往日本市易爲風所漂前後共獲千人以上皆挾軍器貨物致中國火礮亦爲倭有恐起兵端詔頃年沿海奸民犯禁福建尤甚往往爲外國所獲有傷國體海道官員令巡按御史查察仍賜王銀幣以旌其忠

三十一年冬以洪武永樂間所賜樂器做壞奏求律管更

乞遣樂官赴京校習之

三十五年有倭船四自浙直敗還漂入朝鮮境喧遣兵擊殲之得中國被俘及助逆者三十餘人帝賜璽書褒諭三十八年奏五月有倭寇駕船二十五隻來抵海岸臣命將李鐸等勦殺殆盡獲中國民陳春等三百餘人內招通倭嚮導陳得等十六人俱獻闕下復降敕獎勵厚賚銀幣初成桂之自立也與宰相李仁人本異族永樂間降祭海嶽祝文稱成桂為仁人子而祖訓亦載仁人子成桂更名旦後成桂子芳遠奏辨太宗許令改正及修大明會典仍列祖訓於朝鮮國貢使市以歸其王懌上疏備陳世系辨

明會要卷七七

四

先世無弒逆事乞改正詔曰可至嘉靖四十二年倂復上書辨先世非李仁人後今修會典雖蒙釐正乞著始祖旦父子春之名帝令附錄會典

萬曆元年朝鮮王叒請賜皇明會典以終前命許之

二十年日本關白平秀吉窺朝鮮無備分遣行長清正等率舟師逼釜山鎮叒棄王城奔平壤已復走義州八道幾盡沒遣使求援中國乃以宋應昌為經略李如松為提督分布諸將屢戰敗衄至二十六年平秀吉死諸倭撤兵去而朝鮮之禍始息

二十七年敕諭曰倭奴平秀吉肆為不道蹂躪爾邦朕

念王世篤忠貞深用憫惻七年之中日以此賊為事神惡凶盈陰殲魁首大師乘之追奔逐北鯨鯢盡戮海隅載清捷書來聞憂勞始釋惟王雖還舊物實同新造振凋起敝為力倍艱倭雖遁歸族類尙在茲命邢玠振旅歸京量留萬世德等分布戍守王宜臥薪嘗膽無忘前恥惟忠惟孝續紹前休

是年八月叒請留水兵八千以資戍守其撤回官兵駐紮遼陽備警二十八年四月請將義州等倉遺下米豆運回遼陽戶部議輸運維艱莫若徑與彼國振其彫敝以昭皇仁詔曰可

明會要卷七七

五

朝鮮與對馬島一水相望島地不產五穀資米於朝鮮兵興後絕開市因百計脅款秀吉死我軍盡撤朝鮮畏倭滋甚欲與倭通款又懼開罪中國二十九年叒以島倭求款來請命兵部以事難遙度令總督世德酌議詔可

四十七年楊鎬出師為我

大清兵所敗朝鮮助戰兵將或降或戰死國王瑄告急詔加優恤

天啟元年改朝鮮貢道自海至登州直達京師時毛文龍以總兵鎮皮島招集逃民為兵而仰給於朝鮮瑄奏力難饋餉乞循萬曆東征例發運山東粟從之

天啟七年二月

大清兵征朝鮮度鴨綠江朝鮮及毛文龍同告急朝命袁

崇煥發兵往援崇煥以水師援文龍遣趙率教等九將將

精卒逼三登河為牽制之勢而朝鮮已為

大清所服諸將悉引還崇禎二年崇煥殺文龍雙島既而

國王倥與我

大清背約陰持兩端編三

太宗文皇帝親征責其渝盟助明之罪朝鮮告急命總兵

陳洪範調各鎮舟師赴援方出海山東巡撫顏繼祖奏屬

國失守江華已破今大治舟艦來攻皮島鐵山請急救洪

明會要卷七十七

六

範及沈世魁堅守皮島無何皮島並為

大清兵所破朝鮮遂絕不數載而明亦亡矣

日本

日本古倭奴國唐咸亨初改日本以近東海日出而名也

地環海惟東北限大山有五畿七道三島東輿州出黃金

西別島出白銀水多陸少俗以捕魚為業國王以王為姓

文武僚吏皆世官

洪武二年寇山東帝遣行人楊載招諭其國日本王良懷

不奉命

四年遣僧祖來奉表稱臣貢方物帝以其俗佞佛可以西

方教誘之遣僧祖闖等送使者還賜良懷大統麻及文綺

紗羅祖闖等至良懷拘之二年始放還

七年遣僧來貢而無表帝命卻之其別島守臣亦遣僧奉

表來貢帝以無國王之命且不奉正朔亦卻之命禮臣移

牒責之

九年遣僧圭廷用等來貢且謝罪帝惡其表辭不誠降詔

戒諭宴賚使者如制

十七年遣僧如瑤來貢因與胡惟庸通謀事發帝怒日本

特甚決意絕之然王子勝祐壽者來入國學帝猶善待之

明會要卷七十七

七

朝貢不至而海上之警亦漸息

永樂二年遣使招諭海外諸番日本首先納款降敕褒獎

給勘合百道定以十年一貢船止二艘人止二百違例即

以寇論

是年十一月來賀冊立皇太子時對馬臺岐諸島賊掠濱

海居民因論其王捕之王發兵盡殲其眾繫其魁二十人

獻於朝帝嘉之賜王九章冕服及錢鈔錦綺加等

四年封其國中山為壽安鎮國之山御製碑文立其上

六年封源義持為日本國王時海上復以倭警告遣官諭

義持勦捕八年義持遣使謝恩獻所獲海寇帝嘉之

九年遣王進齋救褒賚其君臣謀阻進不使歸進從他道遁還自是久不貢

十五年倭寇松門金鄉平陽有捕倭寇數十人至京者廷臣請正法帝曰威之以刑不若懷之以德宜還之乃遣使責讓令悔罪自新明年其王遣使來貢謝罪帝以其詞順許之禮使者如故然海寇猶不絕

宣德七年帝念四方蕃國皆來朝獨日本久不貢命中官柴山往琉球令其王轉諭日本賜之敕明年夏王源義教遣使來帝嘉賚之又申定要約人毋過三百舟無過三艘而倭人貪利貢物外所攜私物增十倍給銀價數萬猶快

明實錄卷七十七

八

快去

英宗嗣位遣使來貢工部言宣德間日本諸國皆給信符勘合今改元伊始例當更給從之

景泰四年入貢至臨清掠居民貨有指揮往詰毆幾死所司請執治帝恐失遠人心不許倭性黠時載方物戎器出沒海濱得間則張其戎器而肆侵掠不得則陳其方物而稱朝貢

成化四年夏遣使貢馬謝恩禮之如制十一月使臣清啟復來貢傷人於市有司請治其罪詔付清啟奏言犯法者當用本國之刑容還國如法論治帝赦之自是使者益無

忌

宏治九年王源義高遣使來還至濟甯其下復持刀殺人所司請罪之詔自今止許五十人入都餘留舟次嚴防禁焉

嘉靖九年琉球使臣蔡瀚者道經日本其王源義晴附表言向因本國多事干戈梗道正德勘合不達東都以故素卿捧宏治勘合行乞貸遣望并賜新勘合金印脩貢如常禮官驗其文無印篆言倭譎詐難信宜敕琉球王傳諭仍遵前命

明實錄卷七十七

九

十九年二月貢使至京申前請乞賜嘉靖新勘合部議勘合不可遽給務繳舊易新貢期限十年人不過百舟不過三詔如議

二十三年復來貢未及期且無表文卻之其人利互市留海濱不去巡按御史高節請治沿海文武將吏罪嚴禁奸豪交通得旨允行而內地諸奸利其交易多為之囊橐終不能盡絕

二十六年遣使周良等先期來貢用舟四人六百泊於海外以待明年貢期事聞帝以先期非制且人船越額敕守臣勒回明年六月良復求貢浙江巡撫朱統以聞禮部言日本貢期及舟與人數雖違制第表辭恭順去貢期亦不

遠若概加拒絕則航海之勞可憫宜敕執循十八年例起送五十人餘留嘉賓館量加犒賞報可執力言五十人過少乃令百人赴都部議但賞百人良訴貢舟高大勢須五百人中國商舶入海往往藏匿島中爲寇故增一舟防寇非敢違制部議量增其賞從之當是時日本王雖入貢其各島諸倭歲常侵掠濱海奸民又往往句之執乃嚴爲申禁獲交通者輒以便宜斬之又數騰疏於朝言大姓通倭狀言官交章詆執執自殺自是海禁復弛倭患日劇萬厯十四年倭酋平秀吉起人奴因關白信長爲其下所弑秀吉遂統其兵僭稱關白征服旁近諸小國并欲滅朝鮮而有之二十年師渡海直逼王京朝鮮告急乃命李如松等討之互有勝敗久之秀吉死諸倭兵退朝鮮之患始平秀吉凡再傳而亡

明會要卷七十七

十

婆羅

婆羅又名文菜東洋盡處也永樂三年遣使齎璽書綵幣撫諭其王四年其國東西二王並遣使奉表朝貢王有金印一篆文作獸形永樂朝所賜民間嫁娶必請此印背上以爲榮萬厯時爲國王者閩人也或言鄭和使婆羅有閩人從之留居焉其後人竟據有其國

後佛郎機舉兵來擊王率國人走山谷中放藥水流毒殺佛郎機無算因得返國

馮嘉施蘭

馮嘉施蘭東洋小國永樂四年八月其酋嘉馬銀等來朝貢方物賜鈔幣有差六年八年復來朝貢

蘇祿

蘇祿在東海中近淳泥閩婆有珠池夜望之光浮水面土人以珠與華人市易大者利數十倍

洪武初發兵征勃泥大獲其人畜以閩婆援兵至乃還其國分東王西王峒王而以東王爲尊永樂十五年三王

明會要卷七十七

十一

並率其妻子來朝進金縷表文獻珍珠寶石等物因並封爲國王賜印誥襲衣冠帶及鞍馬儀仗器物居二十七日三王辭歸東王次德州卒於館帝遣官賜祭命有司營葬勒碑墓道賜諡曰恭定乃遣使齎敕封其長子爲蘇祿國東王

十八年西王遣使入貢

十九年東王母遣使來朝貢大珠其重七兩有奇明年東王妃還國厚賜遣之

二十二年復入貢自後不復至

合貓里

合貓里東海中小國近呂宋又名貓里務永樂三年遣使
附瓜哇使臣朝貢商船往來漸成富壤華人入其國不敢
欺凌市法最平華人爲之語曰若要富須往貓里務

美洛居

美洛居俗謬爲米六合處東海中地有香山雨後香墮治
流滿地居民取之不竭其酋委積充棟以待商船之售故
華人多往市易

萬麻時紅毛番與佛郎機交爭美洛居地每歲構兵華人
流寓者遊說二國令各罷兵分國中萬老高山爲界山以
北屬紅毛番南屬佛郎機始稍休息而美洛居竟爲兩國

所分

明會要卷七十七

三

東南

雞籠山

雞籠山在澎湖嶼東北故名北港又名東番去泉州甚邇
中多大溪流入海水淡故其外名淡水洋
永樂中鄭和遍至東西洋靡不獻琛恐後獨此番遠避不
至

嘉靖末雞籠山人遭倭焚掠避居山後嗣有紅毛番至此
因事耕鑿設閩閩稱臺灣焉

崇禎八年給事中何楷陳靖海之策以臺灣爲奸民之窟

欲逐去紅毛然後海氛可靖時不能用

琉球

琉球在東南海中與漳泉興福四州界相值其國有三王
曰中山曰山南曰山北皆以尙爲姓而中山最强

洪武五年命行人楊載招諭之中山王察度遂遣使人貢
賜賚有加於是山南王承察度山北王帕尼芝亦相繼臣
服

二十五年中山王遣子姪及其陪臣子弟入國學上喜禮
遇獨優賜閩人三十六姓善操舟者令往來朝貢淵鑿類函
永樂中三王屢入貢子弟俱入國學肄業其嗣王立俱遣

明會要卷七十七

三

使冊封之三王惟山北最弱故朝貢最稀後竟爲二王所
併而中山益強以其國富一歲常再貢三貢天朝雖厭其
煩不能卻也

宣德三年帝以中山王朝貢彌謹遣官齎敕往勞賜羅錦
諸物山南自三年兩貢終帝世不復至亦爲中山王所併
矣自是惟中山一國朝貢不絕

成化十一年禮官請定令二年一貢母過百人不得附攜
私物騷擾道途帝從之賜敕戒王其使者請如祖制比年
一貢不許十四年使來復請禮官言其國連章奏請不過
欲圖市易近年所遣之使多係閩中逋逃罪人殺人縱火

奸狡百端專貿中國之貨以擅外番之利所請不可許
宏治元年其貢使自浙江來禮官言貢道向由福建今既
非正道又非貢期宜卻之詔可其使臣復以國王移禮部
文來上言舊歲知東宮冊妃故遣使來賀非敢違制禮官
乃請納之而稍減僕從賜賚以示裁抑之意

嘉靖二年從禮官議敕琉球二年一貢如舊制不得過百
五十八

萬曆二十三年世子尙甯遣人請襲福建巡撫許孚遠以
倭氛未息據先世鄭曉領封之議請遣官一員齎敕至福
建聽其陪臣面領歸國或遣習海武臣一人偕陪臣同往

明會要卷七十七

西

禮官范謙議如其言且請待世子表至乃許

四十年日本入其國大掠而去已而其王復遣使脩貢然
其國殘破已甚禮官乃定十年一貢之例

天啟三年世子尙豐遣使請貢請封禮官言舊制琉球二
年一貢後爲倭寇所破改期十年今其國休養未久暫擬
五年一貢俟新王冊封更議從之

崇禎二年貢使請封命遣官如故事禮官何如寵復以履
險糜費請令陪臣領封帝不從乃命給事中杜三策行人
揚掄往成禮而還自是迄崇禎末並修貢如儀後兩京繼
沒唐王立於福建猶遣使奉貢其虔事天朝爲外蕃最云

呂宋

呂宋居東南海中在臺灣鳳山沙馬蹄洪武五年遣使入
貢永樂三年帝遣官齎詔撫諭其國八年復來貢自後久
不至萬曆四年官軍追海寇至其國國人助討有功復朝
貢時佛郎機強與呂宋互市久之築室其地竟乘其無備
襲殺其王而據其國名仍呂宋實佛郎機也

古麻刺朗

古麻刺朗東南海中小國永樂十五年遣中官張謙齎敕
撫諭賜之絨錦絳絲紗羅其王幹刺義亦奔敦率妻子陪
臣隨謙來朝貢方物禮之如蘇祿國賜以印誥冠帶金錢

明會要卷七十七

五

文綺明年還中途遭疾卒賜諡康靖命其子苾刺嗣爲王
賜鈔幣率眾歸

佛郎機

佛郎機又稱干系臘國地近滿刺加正德中據滿刺加地
逐其王十三年遣使貢方物請封詔拒之

十五年佛郎機入貢紀本御史邱道隆言滿刺加乃收封之

國而佛郎機敢併之且咄我以利邀求封貢決不可許御
史何喬言佛郎機最凶狡兵械較諸蕃獨精前歲駕大舶
突入廣東會城礮聲殷地留驛者違制交通入部者桀驁
爭長今聽其往來貿易勢必爭鬪殺傷南方之禍殆無紀

極祖宗時貢有定期防有常制近因布政吳廷舉謂缺上供香物不問何年來即取貨致番船不絕禁防益疎佛郎機遂乘機突至乞悉驅在澳番船及番人潛居京師者疏下禮部議從之

嘉靖二年佛郎機入寇官軍擊走之先是其別將都盧以巨礮利兵橫行海上官軍擊擒之獲二舟得其礮即名爲佛郎機副使汪鋹進之朝用以守墩臺城堡火礮之有佛郎機自此始然將士不善用迄莫能制寇也

已而定令諸番貢不以時及勘合差失者悉行禁止由是番船幾絕因巡撫林富言互市有四利自是佛郎機得入

明會要卷七十七

去

香山澳爲市而其徒又越境商於福建往來不絕至二十六年巡撫朱紱死海禁復弛佛郎機遂縱橫海上無所忌而其市香山澳壕鏡者至築室建城雄踞海畔若一國然將吏不肖者反視爲外府矣

四十四年僞稱滿刺加入貢已改稱蒲都麗家守臣以聞下部議言必佛郎機假託乃卻之

萬厯中破滅呂宋盡擅閩粵海上之利勢益熾三十五年番禺舉人盧廷龍會試入都請盡逐澳中諸番出居浪白外海還我壕鏡故地當事不能用

和蘭

和蘭又名紅毛番地近佛郎機所恃惟巨舟大礮舟長三十丈廣六丈厚二尺餘樹五桅桅下置二丈巨鐵礮發之可洞裂石城震十里世所稱紅夷礮即其製其柁後置照海鏡大徑數尺能照數百里

萬厯二十九年和蘭駕大艦攜巨礮薄香山旋引去

三十二年駕艦抵澎湖時佛郎機橫海上紅毛與爭雄復汎舟東來攻破美洛居國與佛郎機分地而守後又侵奪臺灣地築室耕田久留不去海上奸民闖出貨物爲市又出據澎湖築城設守漸爲求市計天啟三年巡撫南居益發兵討之遂揚帆去澎湖之警以息然其據臺灣者猶自

明會要卷七十七

去

若也崇禎中爲鄭芝龍所破不敢窺內地者數年已上外國傳

明會要卷七十七終

明會要卷七十八

永新龍文彬纂

外蕃二

正南

安南

安南古南交地唐以前皆隸中國五代時爲土人曲承美竊據宋初封丁部領子璉爲交趾郡王三傳爲黎桓所篡尋又爲李公蘊所篡隆興二年封公蘊安南國王安南國名自此始李氏八傳無子傳其壻陳日昞其地東距海西接老撾南渡海卽占城北連廣西之思明南甯雲南之臨

明會要卷七十八

十一

安元江人性獷悍驩演二州多文學交愛二州多僑儻士
洪武二年王陳日燿遣使來朝貢方物帝喜賜宴命張以甯牛諒往封爲安南國王賜駝紐塗金銀印
五年陳叔明弒其主日燿自立遣使入貢卻之叔明復朝貢謝罪且請封帝命叔明姑以前王印視事
七年叔明乞命弟熾攝政從之熾遣使謝恩請貢期詔三年一貢使者毋過三四人貢物無厚
二十一年遣使入貢帝以其頻煩且貢物侈命仍三歲一貢毋進犀象
建文元年國相黎季犛弒其主大殺陳氏宗族而自立更

姓名爲胡一元名其子蒼曰胡奩謂出帝舜裔胡公後僭國號大虞年號元聖尋自稱太上皇傳位奩朝廷不知也永樂元年奩遣使奉表朝貢詭言陳氏嗣絕臣陳氏甥爲眾所推乞賜封爵帝遣使齎敕諭其陪臣耆老詢以陳氏繼嗣有無及推立誠僞奩隨遣使還奏遂詔封奩

二年安南舊臣裴伯耆詣闕告難未幾老撾送前國王日燿弟陳天平至請兵復讐奩遣使賀正旦帝出天平示之皆錯愕下拜有泣者帝遣使詰責令具篡弒之實以聞奩復遣使謝罪請迎天平歸國帝信之三年冬遣都督僉事黃中呂毅將兵納天平於安南將至芹站奩伏兵邀殺

明會要卷七十八

十二

天平帝大怒決意討之
四年命征夷將軍張輔等大破之陳氏子孫耆老千餘詣軍門言陳氏已滅無可繼者安南本中國地乞仍入職方同內郡輔等以聞詔改安南爲交趾設交趾布政司領府十七州四十一縣一百五十七
大軍甫還復並起爲亂屢發兵征討皆敗沒宣宗卽位交趾黎利詭稱陳氏有後具書詣柳升軍乞罷兵立陳氏裔升不敢封遣使奏聞帝心知其詐欲藉此息兵乃遣使齎詔撫諭人民盡撤軍民北還
宣德六年命黎利權署安南國事利雖受敕命其居國稱

帝建東西二都署百官設學校以經義詩賦二科取士其制度多擬中國云

九年黎利死命其子麟權署國事正統元年封為安南國王

天順元年遣使入貢乞賜袞冕如朝鮮例不從其使者乞以土物易書籍藥材從之

安南貢道故由廣西時雲南鎮守中官錢能貪恣遣指揮郭景齋敕取其貨王黎灑素欲窺雲南遂以解送廣西龍

州罪人為詞隨景假道雲南入京索夫六百餘且發兵繼其後雲南大擾詔守臣詰之輒詭詞對廟堂雖屢降敕諭

明會要卷七十八

三

灑益玩侮無畏忌

成化十七年使臣入貢請如暹羅瓜哇例賜冠帶許之不為例

宏治三年占城王愬安南見侵兵部尚書馬文升召安南使臣曰歸諭爾王各保疆土享太平不然朝廷一旦赫然

震怒天兵壓境如永樂朝事爾主得無悔乎安南自是有所畏

十年賜王黎暉皮弁服金犀帶使臣言國主受王封賜服與臣下無別乞改賜禮官言安南名為王實中國臣也嗣

王新立必賜皮弁冠服使不失主宰一國之尊又賜一品

冠服俾不忘臣事中國之義今所請紊亂祖制不可許正德中陳嵩殺國王黎暉而自立明臣莫登庸起兵討嵩立暉兒子諶旋逐諶立其庶弟庶已復殺庶篡其位不通朝貢者二十年

嘉靖十五年皇子生當頒詔安南禮官夏言言黎諶黎庶均非黎暉應立之嫡莫登庸陳嵩均彼國篡逆之臣宜暫停使命遣官按問帝以安南叛逆昭然命言會兵部議征

討戶部侍郎唐胄力陳用兵七不可下兵部議會議諶卒子甯遣使告難乞興問罪師乃詔起右都御史毛伯溫於家

督軍討之兵部侍郎潘珍持不可廣東按臣余光言莫之

明會要卷七十八

四

篡黎猶黎之篡陳不足深較但當罪其不庭責以稱臣修貢不必遠征以疲中國帝怒奪光俸

十八年仍遣伯溫等南征伯溫駐師近邊登庸遣使乞降盡籍國中土地軍民職官悉聽處分疏聞帝大喜詔改安

南國為安南都統使司授登庸都統使秩從二品銀印舊所僭擬制度悉除去改其十三道為十三宣撫司各設宣

撫同知副使僉事聽都統黜陟廣西歲給大統麻仍三歲一貢以為常并令覈黎甯真偽果黎氏後割所據四府奉

其祀事否則已之至是而安南定黎甯據清華自為一國萬麻初莫氏漸衰黎氏後裔維譚

舉兵攻莫茂洽殺之即叩關求通貢因詔維潭爲都統使而莫氏但保安平一郡勢益弱

暹羅

暹羅在占城正南即隋唐赤土國後分羅斛與暹二國暹土瘠不宜稼羅斛地平衍種多穫暹仰給焉元時羅斛強併有暹地遂稱暹羅斛國

洪武四年其王參烈昭毘牙遣使奉表來貢

十年世子昭祿羣膺承其父命來朝帝喜賜之印文曰暹羅國王之印自是始稱暹羅比年一貢或一年兩貢正統後或數年一貢

明會要卷七十八

五

永樂二年有番船飄至福建海岸詰之乃暹羅與琉球通好者所司籍其貨以聞帝曰二國修好乃甚美事不幸遭風正宜憐惜豈可因以爲利所司其治舟給粟俟風便遣赴琉球

宏治十年入貢時四夷館無暹羅譯字官閣臣徐溥等請移牒廣東訪取能通彼國言語文字者赴京備用從之正德十年進金葉表朝貢館中無識其字者閣臣梁儲等請選留其使一二人入館肄習報可

萬曆二十年日本破朝鮮暹羅請潛師直擣日本牽其後中樞石星議從之兩廣督臣蕭彥持不可乃已其後奉貢

不替

彭亨

彭亨在暹羅之西洪武十一年其王麻哈刺惹答饒遣使齋表來朝貢方物宴賚如禮永樂九年王巴刺密瑣刺達羅息泥遣使入貢十二年十四年復入貢

占城

占城居南海中即周越裳地洪武二年王阿答阿者遣使來朝時安南與占城構兵帝遣使諭解又命使齋詔封爲占城國王

三年遣使往祭其山川頒科舉詔於其國

明會要卷七十八

六

四年占城入貢言安南侵擾因求兵器樂器樂人帝命禮部諭之曰占城安南同奉正朔乃擅自構兵毒害生靈既失事君之禮又乖交鄰之道已咨安南國王令即日罷兵王亦宜講信修睦各保疆土所請兵器於王何吝但兩國互構而賜占城是助王相攻甚非撫安之義樂器樂人語音殊異難以發遣王其選擇習華音者以來當令肄習永樂元年王占巴的賴奉表朝貢且告安南侵掠請降敕戒諭帝可之

五年攻取安南所侵地獻俘闕下貢方物謝恩帝嘉其助兵討逆遣使齋敕幣賜之

正統元年瓊州知府程瑩言占城比年一貢勞費實多乞如暹羅諸國例三年一貢帝敕其使如瑩言然番人利中國互市雖有此令迄不遵

成化七年安南破占城據其地改爲交南州王弟槃羅茶悅逃山中遣使告難兵部言宜遣官齎敕諭還其國王及眷屬帝慮安南逆命令俟貢使至日賜敕責之

二十年册封古來爲國王廷議遣大臣往勞檄安南存亡繼絕迎古來返占城帝命南京右都御史屠瀟往至廣東傳檄安南宣示禍福募健卒二千人駕海舟二十艘護古來還國安南以瀟大臣奉特遣不敢抗古來乃得入

明會要卷七十八

七

宏治三年遣使謝恩其國自殘破後民物蕭條貢使漸稀嘉靖二十二年貢使訴安南侵擾道阻難歸乞遣官護送報可

滿刺加

滿刺加在占城南國有山出泉流爲溪土人淘沙取錫煎成名曰斗錫田瘠少收民皆淘沙捕魚爲業

永樂元年遣中官尹慶使其地宣示威德及招徠意其酋大喜遣使至京因封爲滿刺加國王賜誥印使者言王慕義願同中國列郡歲效職貢請封其山爲一國之鎮帝從之

九年王率其妻子陪臣來朝宴賚極厚嗣後或連歲或間歲入貢以爲常

十七年王率妻子陪臣來朝及辭歸訴暹羅見侵狀帝爲賜敕諭暹羅暹羅乃奉詔

宣德六年遣使者來言暹羅謀侵本國王令臣三人附蘇門答刺貢舟入愬帝命附鄭和舟歸國令和齎敕諭暹羅責以輯睦鄰封毋違朝命初三人至無貢物禮官言例不當賞帝曰遠人越數萬里來愬不平豈可無賜遂賜如何例正統十年貢使請賜王護國敕書及蟒服繖蓋以鎮服國人從之

明會要卷七十八

八

正德末佛郎機舉兵侵奪其地王出奔遣使告難世宗嗣位敕責佛郎機令還其故土諭暹羅諸國王以救災恤鄰之義迄無應者滿刺加竟爲所滅

阿魯

阿魯亦名啞魯近滿刺加永樂九年王速魯唐忽先遣使附古里諸國入貢

十七年王子段阿刺沙遣使入貢

十九年二十一年再入貢

瓜哇

瓜哇在占城西南洪武二年遣使以卽位詔諭其國二年

又以平定沙漠頒詔於其國其王昔里八達刺蒲遣使奉表來朝貢方物其國有東西二王東王勿院勞網結西王勿勞波務各遣使朝貢

永樂元年西王都馬板遣使入賀命賜以鍍金銀印西王遣使謝印貢方物而東王孛令達哈亦遣使朝貢請印命遣官賜之自後二王並貢

四年西王與東王構兵東王戰敗國被滅適朝使經東王地部卒入市西王國人殺之凡百七十人西王懼遣使謝罪帝賜敕切責之命輸黃金六萬兩以贖自後比年一貢或間歲一貢或一歲數貢

明會要卷七十八

九

正統八年廣東參政張琰言瓜哇朝貢頻數供億費繁敝中國以事遠人非計帝納之其使還賜敕曰海外諸邦並三年一貢王亦宜體恤軍民一遵此制十一年復三貢後乃漸稀

真臘

真臘在占城南宋慶元中破占城而併其地改國名曰占臘元時仍稱真臘

洪武三年遣使齎詔撫諭其國四年其國巴山王忽爾那遣使奉表朝貢

十六年遣使齎勘合文冊賜其王凡國中使至勘合不符

者即屬矯偽許繫縛以聞其王遣使來貢

永樂二年王遣使朝貢初中國使真臘有部卒三人潛遁索之不得王以其國三人代之至是引見帝曰華人自逃於彼何預而責償且語言不通風土不習吾焉用之命賜衣服及道里費遣還

永樂中貢使以其國數被占城侵擾久留不去帝遣中官送之還並敕占城王罷兵修好景泰後其使不常至

三佛齊

三佛齊與占城爲鄰其地爲諸番要會俗富好淫下稱其上曰詹卑猶國君也洪武三年遣使詔諭其國王遣使奉

明會要卷七十八

十

金葉表隨入貢戶部言其貨舶至泉州宜徵稅命勿徵其國有三王先後來貢

九年王恒麻沙那阿者卒嗣子表貢請命使臣齎印敕封爲三佛齊國王時瓜哇強已威服三佛齊而役屬之間天朝封爲國王與已埒則大怒遣人誘朝使邀殺之天子亦不能問罪其國益衰貢使遂絕

三十年瓜哇據其國改名舊港亦不能盡有其地華人流寓者往往起而據之

淳泥

淳泥本閩婆屬國也洪武三年命張敬之沈秩往使其國

王既許三年後入貢閣婆人聞之王意中沮秩折之曰閣婆久稱臣奉貢爾畏閣婆不畏天朝耶乃遣使從敬之等入朝貢方物帝喜宴賚甚厚

八年命其國山川附祀福建山川之次

永樂三年詔封淳泥國王賜印符誥命

六年王率妃及弟妹子女陪臣凡百五十餘人來朝貢珍物賜宴奉天門妃以下饗於他所悉賜冠帶襲衣王乞封其國之後山為一方鎮乃封為長甯鎮國之山御製碑文賜之

十年嗣王遐旺復偕其母來朝宴賚如前

明會要卷七十八

十一

自十三年至洪熙元年四入貢嗣後貢使雖稀而商人來往不絕

巴喇西

巴喇西在南海去中國絕遠正德六年遣使臣來朝進金葉表貢祖母綠珊瑚樹等物帝嘉其遠來賜宴有加

西南

蘇門答刺須文達那附

蘇門答刺在滿刺加之西國俗頗淳惟王好殺殺人輒取血浴身謂可除疾四方商賈輻輳華人往者以地遠價高獲利倍他國

成祖初遣使以即位詔諭其國永樂二年命使齎賜招徠

明年其酋宰奴里阿必丁已遣使入朝貢方物詔封為蘇門答刺國王賜印誥時王與鄰國花面王戰中矢死子弱不能復仇其妻號於眾曰能為我報仇者我以為夫與共

國事有漁翁聞之率眾殺花面王其妻遂從之稱為老王既而王子年長率部眾殺老王而自立老王弟蘇幹刺逃

山中連年率眾侵擾王子遣使來訴十三年命中官鄭和率兵往捕蘇幹刺歸獻闕下國乃甯其王遣使入謝

宣德元年遣使入賀六年遣使入貢者再八年貢麒麟

成化二十二年其使者至廣東有司驗無印信勘合乃藏

明會要卷七十八

十二

其表於庫卻還其使別遣番人輸貢物京師稍有給賜自後貢使不至

洪武十六年有須文達那國王殊且麻勒兀達盼遣使來

朝貢馬布兜羅棉等物及薔薇水沈速諸香賜王大統麻綺鈔使臣襲衣或言須文達那即蘇門答刺洪武時所更

然其貢物與王之名皆不同無可考

覽邦

覽邦在西南海中其地多沙礫麻麥之外無他種商賈鮮至洪武九年王昔里馬哈刺札的刺札遣使奉表來貢宴賜如制

永樂宣德中嘗附鄰國朝貢

淡巴

淡巴在西南海中洪武十年王佛喝思羅遣使上表貢方物賜賚有差其國石城瓦屋王乘輿官跨馬有中國威儀男女勤於耕織市有貿易野無寇盜稱樂土焉

百花

百花在西南海中國多奇花異卉故名百花洪武十一年王刺丁刺者望沙遣使奉金葉表貢方物賜賚有差

那孤兒

那孤兒在蘇門答刺之西地狹止千餘家男子皆以墨刺

明會要卷七十八

三

面爲花獸之狀故又名花面國永樂中鄭和使其國其酋長常入貢方物

黎伐

黎伐在那孤兒之西南大山大海西接南渤利隸蘇門答刺聲音風俗多與之同永樂中常隨其使臣入貢

南渤利

南渤利與蘇門答刺相近王及居民皆回回人地少穀人多食魚蝦西北海中有山甚高大曰帽山山西大海名那沒黎洋西來洋船俱望此山爲準近山淺水內生珊瑚樹高者三尺許

永樂十年王馬哈麻沙附蘇門答刺使臣入貢賜印誥終成祖時比年入貢

宣德五年使鄭和遍賜諸國南渤利亦與焉

柯枝

柯枝或言卽古槃槃國王崇釋教佛座四旁皆水溝復穿一井每旦鳴鐘鼓汲水灌佛三浴之始羅拜而退人分五等一曰南昆王族類二曰回回三曰哲地皆富民四曰革全皆牙儉五曰木瓜木瓜最貧爲人執賤役者途遇南昆哲地人輒伏地俟其過乃起

永樂元年遣使齎詔撫諭其國王遣使入朝貢方物

明會要卷七十八

四

九年王可亦里遣使入貢請賜印誥封其國中之山十年遣鄭和齎印賜王並撰碑文命勒石山上自後閒歲入貢

小葛蘭

小葛蘭與柯枝接西洋小國也俗澹土薄收穫少仰給榜葛刺永樂五年遣使附古里蘇門答刺入貢賜賚如制

錫蘭山

錫蘭山或言卽古狼牙修東南海中有山三四座總名曰翠藍嶼中一山尤高大番名梭篤蠻山相傳釋迦佛昔經此山浴於水或竊其袈裟服誓云後有穿衣者必爛其皮

肉自是寸布挂身輒發瘡故男女皆裸體但紉木葉蔽其前後或圍以布故又名裸形國王崇釋教重牛日取牛糞燒灰塗其體又調以水徧塗地上乃禮佛手足直舒腹貼於地以為敬王及庶民皆如之

永樂六年鄭和使西洋過其地王亞烈苦奈兒欲害和和覺去之他國及歸王發兵劫和塞歸路和由閒道乘虛攻拔其城生擒王及妻子頭目獻俘於朝釋之命擇其族之賢者立之有邪把乃那者諸俘囚咸稱其賢乃遣使齎印誥封為王遂屢入貢

宣德正統天順開敷遣使來貢自後不復至

明會要卷七十八

五

朵甘

朵甘在四川徼外唐吐蕃地南與烏斯藏鄰洪武初遣使招撫遂來朝宴賚遣還繼改為行都指揮使司並賜銀印復增置宣慰司招討司萬戶千戶等官自是修貢唯謹永樂十八年帝以番俗惟僧言是聽乃寵以國師諸美號賜誥印令歲朝由是諸番僧來者多迄宣德朝禮之益厚正統初諸番相率朝貢者八百二十九寨悉賜賚遣歸天順四年四川三司言比奉敕書番僧朝貢入京者不得過十人餘留境上候賞今蜀地災傷若悉留之動經數月有司困於供億宜如正統間制宴待遣還報可成化六年

申諸番三歲入貢之例於是貢使漸稀

長河西魚通甯遠

長河西魚通甯遠在四川徼外地通烏斯藏洪武時長河土官遣使來貢方物宴賚遣還

三十年置長河西魚通甯遠宣慰司以其酋為宣慰使自是修貢不絕初魚通及甯遠長河西本各為部至是始合為一

永樂十三年貢使言西番無他產惟以馬易茶近年禁約生理實艱乞仍許開市從之

成化四年申諸番三歲入貢之例惟長河西仍比歲一貢

明會要卷七十八

六

六年頒定二年或三年一貢之例貢使不得過百人

十七年禮官言烏斯藏諸番王例三歲一貢彼以道險來少而長河西番僧往往詐為諸王文牒入貢冒賞請給諸番王及長河西董卜韓胡敕書勘合邊臣審驗方許進入或道阻不許補貢從之

二十二年禮官言長河西以黎州大渡河寇發連歲失貢至是補進三貢定制道梗者不得再補但今貢物已至宜順其情納之而量減賜賚報可

宏治十二年禮官言長河西及烏斯藏一時並貢使者至二千八百餘人乞諭守臣無濫送報可

嘉靖二年定令不得過一千人隆慶三年定五百人全賞遣八人赴京之制

董卜韓胡

董卜韓胡在四川威州之西永樂九年酋長南葛遣使奉表入朝貢方物置宣慰司

正統十三年四川巡按張洪等奏言雜谷內聯威州保縣外鄰董卜韓胡雜谷力弱欲抗董卜實倚重於威保董卜勢強欲通威保卻受阻於雜谷以此仇殺素不相能銅門及日駐諸寨乃雜谷威保要害地董卜欺雜谷妻寡子弱瞰我軍遠征麓川假進貢之名欲開通道路意在吞滅雜

谷構陷唐秦所請不可許

明會要卷七十八

七

景泰三年朝議獎其入貢勤誠進秩都指揮使尋饋四川巡撫李匡銀寶金珀求御製大誥周易尙書毛詩小學方輿勝覽成都記諸書匡聞之於朝因言唐時吐蕃求毛詩春秋於休烈謂予之以書使知權謀愈生變詐非中國之利裴光廷謂吐蕃久叛新服因其有請賜以詩書俾漸陶聲教休烈徒知書有權略變詐不知忠信禮義皆從書出明皇從之今茲所求臣以爲予之便惟方輿勝覽成都記形勝關塞所具不可概予帝如其言

成化五年四川三司奏言雜谷與董卜構兵維州諸地俱

爲侵奪貢道阻絕今雜谷恢復故疆將遣使來貢不知貢期未敢擅遣帝從禮官言許以三年爲期惟董卜許比年一貢

嘉靖二年定令貢使不得過千人隆慶二年董卜及別思寨貢使多至千七百餘人命予半賞遣八人赴京爲定制

烏斯藏大寶法王

烏斯藏在四川西南徼外其地多僧洪武初遣使招諭攝帝師納木扎勒巴藏布舊作喃加巴藏卜先遣使朝貢六年自入朝七年遣使來朝請封號賜以玉印

永樂元年遣使往徵其僧哈里馬舊作哈立麻入朝封爲大寶

明會要卷七十八

末

法王賜予優厚六年辭歸自是迄正統末入貢者八法王卒久不奉貢

宏治八年遣使來貢十二年兩貢禮官以一歲再貢非制請裁其賜資從之

正德十年來貢時帝惑近習言謂烏斯藏有活佛能知三世帝欣然欲見之考永宣間陳誠侯顯入番故事命中官劉允乘傳往迎閣臣梁儲等言祖宗朝雖嘗遣使西番蓋因天下初定藉以化導愚頑鎮撫荒服非信其教而崇奉之也承平之後止因其來朝厚加賞資未嘗輕辱命使遠涉其地今忽遣近侍往送幢幡朝野聞之莫不駭愕而允

奏乞鹽引至數萬動撥快馬船至百艘又許其便宜處置錢物勢必攜帶私鹽騷擾郵傳為官民患况自天全六番出境涉數萬之程道途絕無郵置人馬安從供頓脫中途遇寇何以禦之虧中國之體納外番之侮無一可者所齎敕書臣等不敢撰擬帝不聽及允入其地番僧恐中國誘害之匿不出見將士忽欲脅以威番人夜襲之奪寶貨器械以去將校死者二人卒數百人傷者半之允乘善馬疾走僅免

嘉靖中法王猶數入貢迄神宗朝不絕時有自稱活佛者求通貢許之此僧有異術即大寶法王及闡化諸王皆奉之諸番王徒擁虛位而已

明會彙卷七十八

充

大乘法王

大乘法王亦烏斯藏僧永樂十年來朝受封禮之亞於大寶法王洪熙宣德間並來貢

成化四年其王旺布舊作完卜遣使來貢禮官言無法王印文且從洮州入非制宜減其賜物使者言所居去烏斯藏二十餘程涉五年方達京師且所進馬多乞給全賜乃命量增

宏治元年其王桑節幹舊作加瓦遣使來貢故事法王卒其徒自相繼承不由朝命三年輔教王遣使奉貢奏舉大乘

法王襲職帝但納其貢賜賚遣還不命襲職

正德十年遣使來貢請襲封禮官失於稽考竟許之

嘉靖十五年偕輔教闡教諸王來貢使者至四千餘人帝以人數踰額減其賞並治三司官濫送之罪嗣後奉貢不絕

大慈法王

大慈法王亦烏斯藏僧永樂十二年入朝禮亞大乘法王賜之印誥

宣德九年入朝封大慈法王

英宗嗣位禮官奏汰番僧六百九十人命大慈法王及西

明會彙卷七十八

丰

天佛子如故餘遣還

永樂中自闡化等五王及二法王外授西天佛子者二灌頂大國師者九灌頂國師者十有八其徒禪師僧官不可悉數其徒交錯於道外擾郵傳內耗大官公私騷然帝不恤也英宗初雖多遣斥其後加封號者亦不少世宗初汰番僧法王以下悉被斥

闡化王

闡化王亦烏斯藏僧洪武五年封僧嘉木楊沙克嘉舊作加沙為灌頂國師以撫諭朵甘諸部明年其僧遣酋奉表入貢自是三年一貢

一第... 野... 參... 6... 人... 內

永樂二年遣使入貢四年封爲闐化王

十一年命中官楊三保復使其地令與贊善輔教闐教三王共修驛站自是道路畢通其後入貢益頻數特遣賜之綵幣

宣德九年貢使歸以賜物易茶至臨洮有司沒入之羈其使請命詔釋之還其茶

成化元年禮部言宣正間諸貢不過三四十人景泰時十倍天順間百倍今貢使方至乞敕諭闐化王令如洪武舊制三年一貢從之

二十一年遣使四百六十人來貢守臣遵新例但納其一

明會要卷七十八

王

百五十人禮官以使者已入境難固拒請順其情概納之爲後日兩貢之數從之

嘉靖三年偕輔教王及大小三十六番請入貢禮官以諸番不具地名族氏令守臣覈實以聞

隆慶三年再定令闐化闐教輔教三王俱三歲入貢貢使各千人半全賞半減賞全賞者遣八人赴京餘留邊上遂爲定制後遂奉貢不替

贊善王

贊善王者靈藏僧也其地在四川徼外視烏斯藏稍近永樂四年其僧珠卜巴勒舊作著思巴兒遣使入貢命爲灌頂國師

明年封贊善王賜印誥

自永樂迄正統貢無定期成化元年始定三歲入貢之制

五年四川都司言贊善諸王不遵定制遣使率各寺番僧百三十二種入貢且無番王印文今止留十餘人守貢物餘已遣還禮官言番地廣遠番王亦多若遵例並時入貢則內郡疲供億若令諸王於應貢之歲各具印文取次而來今貢使已至難拂其情乞許作明年應貢之數報可

十八年禮官言番王三歲入貢貢使百五十人定制也近贊善王連貢者再已遣四百十三人今因請封請襲又遣千五百五十人違制宜卻乞許其請封襲者而以三百人

明會要卷七十八

王

爲後來兩貢之數餘悉遣還從之

護教王

護教王者納木喀巴勒藏布衞確克僧也舊作南哥巴藏卜僧覺僧永

樂四年遣使入貢授灌頂國師明年遣使入謝封護教王賜印誥遂頻歲入貢洪熙宣德中並入貢後無嗣曾遂絕

闐教王

闐教王者巴勒恭噶僧也舊作必力工瓦僧永樂元年其國師端

珠卜舊作端竹宴賚遣還

四年又貢十一年加號大國師又封其僧琳沁巴勒濟特舊作領真爲闐教王賜印誥綵幣舊作巴兒吉

後比年一貢迄嘉靖時修貢不替

輔教王

輔教王者思達克藏僧也地遠於烏斯藏永樂十一年封其僧納木喀塔克巴舊作南渴烈思巴為輔教王通貢使賜予與諸法王等

宏治十二年輔教等四王及長河西宣慰司並時入貢嗣後奉貢不絕

西天阿難功德國

西天阿難功德國西方番國也洪武七年王卜哈魯遣其講主來朝貢方物賜文綺及布帛諸物後不復至

明會要卷七十六

重

又和林國師多爾濟辰數錫喇卜藏布舊作朶兒只怯烈失思巴藏卜亦遣其講主獻銅佛舍利及元所授玉印圖書等命宴賚遣還明年國師入貢和林非西番其國師則番僧與功德國同時來貢後亦不復至

尼八刺國 地湧塔國

尼八刺國在諸藏之西其王皆僧也洪武十七年命僧智光往其國並使其鄰境地湧塔國王馬達納羅摩遣使入朝貢金塔等方物賜以誥敕綵幣

二十三年再貢終太祖時數歲一貢

永樂七年遣使來貢以銀幣賜其嗣王沙葛新的及地湧

塔王可般

明年來貢封為尼八刺國王賜印誥

十六年來貢命使往報之所經罕東靈藏巴勒恭噶舊作

兀烏斯藏及野藍卜納皆有賜

宣德二年又遣使賜其王與地湧塔王自後貢使不復至

明會要卷七十八

重

明會要卷七十八終

明會要卷七十九

永新龍文彬纂

外蕃三

正西

沙州衛

沙州本漢敦煌郡距玉門陽關不遠永樂二年酋長昆濟
舊作昆 撈舊作撈 邁珠舊作邁 買住舊作買 率眾來歸命置沙州衛授二人指揮
使賜印誥

英宗初昆濟撈屢為哈密所侵且懼衛喇特見逼率其屬
二百餘人走塞下陳飢窘狀詔邊臣發粟濟之令議所處

明會要卷七十九

置邊臣請移之苦峪從之自是不復還沙州但遙領其眾
而已

正統四年部眾百三十餘家亡入哈密赤斤亦納其叛人
而罕東久駐牧沙州不去昆濟撈屢訴於朝朝廷數敕責

諸部多不奉命

九年昆濟撈卒長子訥格舊作訥 率其弟恭羅凌舊作凌 俄羅舊作俄 領

占來朝授訥格都督僉事其弟都指揮使既還兄弟乖爭

部眾攜貳甘肅鎮將任禮收其全部入塞居甘州沙州遂
空先是太宗於西北邊置哈密沙州赤斤罕東四衛於嘉
峪關外屏蔽西陲至是沙州先廢而諸衛亦漸不能自立

肅州遂多事

赤斤蒙古衛

赤斤蒙古漢敦煌郡地永樂二年塔爾尼舊作塔 率所部
來歸詔設赤斤蒙古所以塔爾尼為千戶賜印誥

八年回回哈刺馬牙叛於肅州約塔爾尼為援拒不應而
率部下禽賊六人以獻天子聞之喜詔改千戶所為衛擢

塔爾尼指揮僉司尋進秩指揮同知明年遣使貢馬
景泰二年額森遣使持書求婚赤斤以其書來上兵部尙

書于謙言赤斤諸衛久為我藩籬額森無故招降結親意
在撤我屏蔽宜令邊臣整兵慎防并敕阿速悉力捍禦有

明會要卷七十九

警馳報發兵應援從之

成化十九年鄰番默克塔舊作野 來侵大肆殺掠赤斤遂
殘破其酋長訴於邊臣給之粟又命繕治其城令流移者

復業赤斤自是不振

正德中土魯番犯肅州赤斤當其衝益遭蹂躪乃徙部眾
於肅州其城遂空

罕東衛

罕東在赤斤蒙古南嘉峪關西南洪武三十年酋索諾穆
濟喇斯舊作鎮南 遣使入貢詔置罕東衛授指揮僉事永
樂後數入貢

正統四年罕東安定合眾侵西番申藏族掠其馬牛雜畜以萬計其僧訴於邊將言畜產一空歲辦差發馬無從出帝切責二衛數其殘忍暴橫違國法毒鄰境之罪令悉歸所掠又諭僧不限舊制隨所有入貢

成化九年土魯番陷哈密都督李文西征罕東以兵來助後都督哈商舊作罕復哈密亦藉其兵賜救獎資

正德中蒙古大酋入青海罕東亦遭蹂躪其眾益衰後土魯番犯肅州遂棄城內徙

罕東部人安扎舊作奄與種類不相能率其眾逃居沙州境部落日蕃宣德七年命其子班麻思結為指揮使然猶居

明會要卷七十九

三

沙州不還本衛成化中部眾益盛奏請自為一衛兵部言近土魯番吞噬哈密罕東諸衛各不自保西鄙為之不甯而赤斤罕東苦峪及各懷嫌隙不相救援倘沙州更無人統理勢必為強敵所併邊方愈多事宜如所請即於沙州故城置罕東左衛從之

正德四年左衛只克部內有劫掠鄰境者守臣將勦之兵部言西戎強悍漢唐以來不能制我朝建哈密赤斤罕東諸衛授官賜敕犬牙相制不惟斷匈奴右臂亦以壯西土藩籬今番人相攻於我何預而遽欲兵之宜敕都督只克曉諭諸族悔過息兵報可

正德十一年土魯番以兵脅之左衛不克自立相率徙肅州

安定衛

安定本名薩里輝和爾舊作撒里畏兀兒東近罕東北邇沙州南接西番洪武七年遣使朝貢

太祖遣官厚賚其王而分其地為阿端阿真若先帖里四部各錫以印明年遣使來貢請置安定阿端二衛從之乃封卜烟特穆爾為安定王

十年王為其部沙喇舊作沙刺所弑王子巴勒桑實哩舊作板復仇誅沙喇尋又為沙喇部將所殺其眾遂衰

明會要卷七十九

四

二十九年復立安定衛授其首官以安部眾永樂間安定王孫雅布丹舊作亦攀丹來朝自陳家難詔仍令襲爵賜印誥自是朝貢不輟

阿端衛

正德時蒙古縱掠鄰境安定部眾從此散亡

阿端在薩里輝和爾之地洪武八年置衛後為多爾濟巴勒舊作朵兒舊作朵所破其衛遂廢

永樂間酋長小薛呼爾察舊作忽魯扎來朝請復置衛即授為指揮僉事

洪熙時察遜舊作曲先酋織濟斯舊作散脅阿端指揮蘇爾丹

舊作鎖 遼劫朝使蘇爾丹懼而遠竄

宣德中其子珠扎干舊作眞仍依察遜雜處西甯都督史

昭言珠扎干本別一部因其父助繖濟斯爲逆竄處察遜

其地當烏斯藏孔道恐復爲亂宜討之帝敕昭曰殘寇窮

迫無地自容宜遣人宥其罪令復故業於是珠扎干復率

所部還居本土迄正統朝數入貢後不知所終

察遜衛舊作

察遜在肅州西南漢西羌唐吐蕃地洪武時酋長入貢命

設察遜衛官其人爲指揮後遭多爾濟巴勒舊作朵兒只巴之亂

部眾竄亡併入安定衛居阿眞之地

明會要卷七十九

五

永樂初仍分爲二衛復先朝舊制察遜自是屢入貢

正德七年蒙古酋阿爾扎蘇舊作阿爾禿額布勒舊作亦不刺竄居

青海察遜爲所蹂躪部族竄徙其衛遂亡

哈瑪爾舊作哈梅里

哈瑪爾地近甘肅元諸王烏納實哩舊作兀里居之洪武十

三年濮英請略地開哈瑪爾之路烏納實哩懼遣使來朝

貢

二十四年遣使請於延安綏德平涼甯夏以馬互市帝曰

番人黠而多詐互市之求安知非覘我中國利其馬而不

虞其害所喪必多宜勿聽

時西域來貢者多爲哈瑪爾所遏有從他道來者又遣兵

邀殺之帝聞之怒命都督僉事劉眞偕宋晟督兵討之眞

等由涼州西出乘夜直抵城下四面圍之烏納實哩突圍

而出率家屬遁去眞等攻破其城二十五年遣使貢馬騾

請罪帝納之

羅密舊作魯迷

羅密去中國極遠嘉靖三年遣使貢獅子西牛給事中鄭

一鵬言羅密非常貢之邦獅子非可育之獸請卻之禮官

席書等言羅密不列王會其眞僞不可知近土魯番數侵

甘肅而邊吏於羅密冊內察有土魯番之人其狡詐明甚

明會要卷七十九

六

請遣之出關治所獲問謀罪帝竟納之而令邊臣察治

五年冬復以二物來貢既頒賜其使臣言長途跋涉費至

二萬二千餘金請加賜御史張祿言返其人卻其物薄其

賞明中國聖人不貴異物之意不納乃從禮官言如宏治

賽瑪爾堪例益之

二十二年偕天方諸國貢馬及方物二十七年三十三年

並入貢

坤城

坤城西域回回種宣德五年使臣來朝貢駝馬時有開中

之令使者輸米一萬六千七百石於京倉中鹽及辭還願

以所納米獻官帝曰回人善營利雖名朝貢實圖貿易可酬以直於是子帛四十匹布倍之其後亦常貢

自成祖威制萬方西域諸國無不稽顙稱臣宣德正統間猶多重譯而至然仁宗不務遠略撤西洋取寶之船停松花江造舟之役召西域使臣還京不欲疲中土以奉遠人宣德繼之雖間一遣使尋亦停止以故邊隅獲休息焉

阿蘇 舊作阿速

阿蘇與天方相近永樂十七年其酋遣使貢馬及方物宴賚如制以地遠不能常貢天順七年命都指揮白全等使其國後不復再貢

明皇朝卷七十九

七

天方 按海國圖志阿丹默德那皆天方也而明史分三傳蓋方其盛時皆并於天方其後分爲數國而教仍一教

天方古筠冲地亦名天堂又曰默伽宣德七年國王遣臣沙職貢方物賜賚有加

宏治三年遣使借賽瑪爾堪土魯番貢馬駝玉石

嘉靖四年遣使貢馬駝方物禮官言西人來貢陝西行都司稽留半年以上始爲具奏所進玉石悉屬惡而使臣所私貨皆良乞下按臣廉問自今毋得多攜玉石煩擾道途其貢不堪者治都司官罪從之

十一年禮官請敕督撫諸臣遇諸番人入貢分別存留起

送不得概遣入京帝可其奏後五六年一貢迄萬厯中不絕

默德訥 舊作默德那

默德訥回祖國也地近天方宣德間其酋長遣使借天方使臣來貢後不復至相傳其初國王瑪哈穆特舊作謨罕生而神靈盡臣服西域諸國尊爲巴延鄂拉舊作別諸扶爾猶華言天使也其教以事天爲主每日西向虔拜每歲齋戒一月隋開皇中始傳其教入中國迄元世其人徧於四方皆守教不替俗重殺不食猪肉嘗以白布蒙頭雖適他邦亦不易其俗

明皇朝卷七十九

八

阿丹

阿丹在古里之西永樂中遣使奉表貢方物凡四至宣德五年命鄭和齋敕宣諭八年復入貢自後不復至梁隋唐時並有丹丹國或言卽其地王及國人奉回教歲不置聞定時之法以月爲準如今夜見新月明日卽爲月朔四季不定自有陰陽家推算其日爲春首卽有花開其日爲秋初卽有葉落及日月交食風雨潮汐皆能預測其王甚尊中國聞鄭和船至躬率部領來迎入國宣詔訖遍諭其下盡出珍寶互易

榜葛喇

榜葛喇在西海中卽漢身毒國爲五印度之一卽東印度也永樂六年遣使朝貢七年再至攜從者二百三十餘人帝方招徠絕域頒賜甚厚自是比年入貢

十二年遣使貢麒麟及名馬方物禮官請表賀不許

正統三年又貢麒麟百官表賀其王敬天朝聞使者至遣官具儀物以千騎來迎其王拜迎詔叩頭手加額宴朝使不飲酒以薔薇露和香蜜水飲之

沼納樸兒附迪里

沼納樸兒在榜葛喇西或言卽中印度古所稱佛國也永樂十年遣使者齎敕撫諭其國賜王額布勒舊作亦不刺金絨

明會要卷七十九

九

錦金織文綺綵帛等物

十八年榜葛喇使者訴其國王數舉兵侵擾詔中官侯顯齎敕諭以睦鄰保境之義因賜之綵幣然其王以去中國絕遠朝貢不至

迪里國近沼納樸兒永樂十年遣使招諭賜賚之

忽魯謨斯

忽魯謨斯西洋大國也居西海之極自東南諸蠻邦及大西洋商船西域賈人皆來貿易故寶物填溢市列廛肆百物具備惟禁酒犯者罪至死書用回回字王及臣下皆遵回教婚喪悉用其禮

永樂十二年遣陪臣奉金葉表貢馬及方物自是凡四貢鄭和亦再使至其國宣德八年貢使至正統元年附瓜哇舟還國嗣後遂絕

溜山

溜山在西海中有石門如城關山下有八溜或言外更有三千溜船或失風入其處卽沈溺

永樂十年鄭和使其國十四年其王遣使來貢自後三貢並與忽魯謨斯諸國偕宣德五年鄭和使其國後不復至

西洋古里

西洋古里地最大與僧迦密邇諸番要會也去中國甚遠

明會要卷七十九

十

西瀕大海永樂三年遣使朝貢封爲國王賜印誥文綺遂比年入貢是時諸番使臣充斥於庭以古里大國序其使者於首嗣是屢偕諸國入貢國中半崇回教建禮拜寺數十處七日一禮王老不傳子而傳甥無甥則傳弟無弟則傳於國之有德者國事皆決於二將領以回回人爲之

西洋瑣里瑣里附

西洋瑣里洪武二年命使臣劉叔勉以卽位詔諭其國三年平定沙漠復遣使臣頒詔其王別里提遣使奉金葉表獻方物賜文綺紗羅諸物甚厚

永樂間復遣使偕古里阿丹等十五國來貢

瑣里國近西洋瑣里而差小洪武三年命使臣齋詔撫諭其國五年王卜納的遣使朝貢並獻其國土地山川圖帝顧中書省臣曰西洋諸國素稱遠蕃涉海而來難計歲月其朝貢無論疏數厚往薄來可也乃厚賜如西洋瑣里

意大里亞

意大里亞國居大西洋中自古不通中國萬曆時其國人利瑪竇至京師為萬國全圖言天下有五大洲第一曰亞細亞洲中凡百餘國而中國居其一第二曰歐羅巴洲中凡七十餘國而意大里亞居其一第三曰利末亞洲亦百餘國第四曰亞墨利加洲地更大以境土相連分為南北

明會要卷七十九

十一

二洲最後得墨瓦臘泥加洲為第五其說荒渺莫考初利瑪竇至以其方物進獻自稱大西洋人禮部言會典止有西洋瑣里國無大西洋其真偽不可知但諸番朝貢例有回賜乞給賜冠帶還國勿令潛居兩京與中人交往別生事端不報已而帝嘉其遠來假館授餐給賜優厚利瑪竇遂留不去後來者益眾有王豐肅者居南京專以天主教惑眾禮部郎中徐如珂惡之倡議驅斥與侍郎沈淮給事中晏文輝等合疏斥其邪說惑眾乞急行驅逐帝納其言令豐肅及龐迪我等俱遣赴廣東聽還本國命下久之遷延不行豐肅尋變姓名復入南京行教如故朝士莫能察

也

拂菻

拂菻在西海中即漢大秦國元末其國人尼古爾舊作捏入市中國元亡不能歸洪武四年太祖召見命齋詔書還諭其王復命使臣布拉舊作普刺齋書敕綵幣招諭之乃遣使入貢後不復至

明會要卷七十九

十一

明會要卷七十九終

永 新龍文彬纂

外蕃四

正西

哈密衛

哈密本漢伊吾盧地在燉煌北大磧之外為西北往來要路元末以威武王納固爾舊作納忽里鎮之尋改為肅王卒永樂二年其地恩克特穆爾舊作安克帖木兒嗣職遣使入貢封為忠順王尋設哈密衛以其頭目為指揮千百戶等官九年封推勒特穆爾舊作木兒帖木兒為忠義王賜印誥世守哈密自是修貢唯謹

明會要卷八十

二十

密自是修貢唯謹

正統初封達幹實哩舊作倒瓦答失里為忠順王五年遣使三貢

廷議以為煩乃令三年一貢王為衛喇特舊作瓦剌酋額森舊作瓦剌先所脅服外順朝命實懼額森不能自振

景泰三年遣使朝貢請授官先是使臣至京必加恩命是時于謙掌中樞言哈密世受國恩乃敢交通額森今雖納款心猶譎詐若加官秩賞出無名乃止

成化五年與額森土魯番遣使三百餘人來貢邊臣以聞廷議貢有定期今前使未回後使又至且額森強寇今乃與哈密偕非哈密挾其勢以要利即額森假其事以窺邊

帝乃卻其獻令邊臣宴賚遣還

十年命故王子哈商舊作罕慎權主國事時土魯番久據哈密哈商寄居苦峪至十八年糾罕東赤斤二衛夜襲哈密城破之乘勢連復八城還居故土

宏治元年封哈商為忠順王土魯番復誘殺哈商盡奪其地

嘉靖七年土魯番將伊蘭舊作牙蘭獲罪其主率所部二千人降邊臣處之內地哈商子莽蘇爾舊作速兒怒遂引衛喇特犯肅州為遊擊彭濬所敗乃遁走復因赤斤使人持番文求貢詞多悖謾王瓊言番人且悔宜原情赦罪罷兵息民

明會要卷八十

二十一

胡世甯上言番酋變詐多端方許之朝貢而寇騎已至閉關與通貢利害較然瓊等既言寇薄我城堡縛我士卒聲言大舉以恐喝天朝而又言番方懼禍宜仍許通貢何自相抵牾伊蘭本我屬番為彼掠去束身來歸事屬反正宜即撫而用之招彼攜貳益我藩籬至哈密三立三絕其王已為番酋所困民盡流亡借使更立他族彼強則入寇弱則從番難保為不侵不叛之臣故臣以為立之無益宜謝絕哈密專守河西圖自強之策帝深善其言而張璁等皆主瓊議遂從之自是置哈密不問而其地遂為土魯番所有迄隆慶後猶有入貢者然非忠順王苗裔矣

土魯番

土魯番即古高昌在哈密西八百里永樂十三年吏部員外郎陳誠使西域土魯番遣使隨入貢授都督都指揮等官

洪熙元年其酋音濟徹爾舊作尹躬率部落來朝宣德元年如之還國病卒三年其子滿哥特穆爾來朝

初其地介諸部間甚微弱後火州柳城皆為所併國日強其酋也密力火者僭稱王以景泰三年入貢天順三年復貢使臣進秩者二十有四人

成化元年禮官定議土魯番三年一貢或五年一貢貢不

明會典卷八十

三

得過十人

五年遣使來貢其酋阿爾舊作阿力自稱蘇勒坦舊作速檀時哈密

以無主削弱九年春阿爾襲破其城執王母奪金印分兵

守之而去嗣屢賜敕諭阿爾獻還哈密城印阿爾頻遣使

入貢而不還哈密

十四年阿爾死其子阿哈瑪特舊作黑麻嗣為速檀十八年

躬至哈密城下誘哈商盟執殺之復據其城而遣使入貢

宏治三年土魯番貢使還命內官張芾護行劉吉等言阿

哈瑪特負天恩殺我所立哈商宜遣大將直搗巢穴滅其

種類始足雪中國之憤即不然亦當如古帝王封玉門關

絕其貢使猶不失大體今寵其使臣厚加優待又遣中使伴送非所以折其叛逆之心也况阿哈瑪特聚集人馬謀犯肅州名雖奉貢意實叵測請令兵部議羈其使臣疏入帝止芾行

四年秋遣使再貢獅子願還金印及所據十一城邊臣以聞許之果以城印來歸明年封陝巴為忠順王

六年帝數召土魯番貢使入見耿裕等言朝廷馭外番宜惜大體番使自去年入都久不宣召今三月以來宣召至

再賜幣帛羊酒正當謏書投入之時小人何知將謂朝廷恩禮視昔有加乃畏我而然事干國體不可不慎帝即遣

明會典卷八十

四

其使還開嘉峪關永絕貢道其鄰邦不獲貢胥怨阿哈瑪特十年冬送還陝巴款關求貢廷議許之

嘉靖中伊蘭既降莽蘇爾失其所倚賴勢亦漸孤部下各

自雄長稱王入貢者多至十五人後定令五歲一貢貢期

如令而來使益多迄萬厯朝奉貢不絕

火州

火州地多山青紅若火故名東距哈密西連伊里巴拉南抵

于闐北接衛拉特地在嘉峪關外永樂五年其酋遣使入

貢使臣言回行賈京師者甘涼軍士多私送出境洩漏

邊務帝命御史往按且敕總兵官嚴束之

十一年遣使來貢命陳誠李暹等以璽書文綺往勞十三年遣使隨誠來貢正統十三年復貢後遂絕

柳城

柳城一名魯陳在火州城東七十里永樂中常遣使入貢宣德五年正統五年十三年並入貢自後不復至

凡中朝遣使及其酋長入貢多與火州及土魯番偕後土魯番強柳城及火州並為所滅

衛喇特

衛喇特蒙古部落也在韃靼之西土魯番之地元亡其強臣蒙克特穆爾舊作木兒據之死眾分為三其渠曰瑪哈

明會要卷八十

五

穆特舊作馬哈木曰太平曰巴圖博囉舊作巴

永樂六年瑪哈穆特等遣諾觀達什舊作暖來貢馬明年

封瑪哈穆特為順甯王太平為賢義王巴圖博囉為安樂王賜以印誥自是歲一入貢

後衛喇特漸驕十一年擁兵將入犯帝乃親征破其眾於和拉和錫哀舊作忽蘭追至圖拉河舊作土而還瑪哈穆

特等遁

十二年瑪哈穆特等貢馬謝罪且還前所留使詞卑帝曰衛拉特不足較受其獻館其使者

十六年順甯死子托歡嗣封復奉貢

宣德九年托歡襲殺阿噶台未幾內殺其賢義安樂兩王欲自稱汗而眾不附乃求元後托克托布哈舊作脫立之

自為丞相居漠北凡蒙古諸部俱屬焉

正統四年托歡死額森嗣稱太師眾益強托克托布哈不能制每入貢主臣並使朝廷亦兩敕答之

十四年額森脅諸番分道大舉入寇明師覆於土木英宗北狩

景泰二年額森弒其主自立以其次子為太師東自烏梁海西至赤斤蒙古哈密皆受約束額森入貢自稱田盛大可汗帝詔稱為衛喇特汗

明會要卷八十

六

五年知院阿拉舊作攻額森殺之未幾韃靼別部保喇舊來者復殺阿拉求托克托布哈子穆爾格爾舊作麻兒立之號小王子自是衛喇特遠衰額森諸子窮依哈密部眾分散嘉靖以後為哈密土魯番所隔其承襲代次無可考

于闐

于闐漢時通焉都葱嶺之北西域諸國葱嶺以南賽瑪爾

堪舊作撒最大其北則于闐最大東有白玉河西有綠玉

河又西有黑玉河源皆出崑崙山土人夜視月光盛處入水探之必得美玉

永樂閒屢遣使入貢成祖欲遠方萬國無不臣服故西域

之使歲歲不絕諸番貪中國財貨且利市易絡繹道途東西數千里開騷然煩費仁宗初給事中黃驥極陳其害自是不復使西域貢使亦漸稀迄萬厯時于闐猶開入貢

賽瑪爾堪舊作撒馬兒罕

賽瑪爾堪即漢罽賓至肅州九千里民居稠密西南諸番之貨皆聚於此

洪武中太祖欲通西域屢遣使招諭而遐方君長未有至者二十年賽瑪爾堪王特穆爾首遣回回瑪拉噶舊作滿刺哈

富實舊作非思等來朝貢自是頻歲貢馬駝一歲再至貢馬以千計

明皇朝卷八十一

七

永樂後或比年或閒歲或三年輒入貢皆有賞給

嘉靖十二年偕天方土魯番入貢稱王者至百餘人禮官夏言等謂西域稱王者止土魯番天方賽瑪爾堪如日落

諸國稱名雖多朝貢絕少今土魯番十五王天方二十七王賽瑪爾堪五十三王實前此未有宏治時回賜敕書止

稱一王若循賽瑪爾堪往歲故事類答王號人與一敕非所以尊中國制外蕃也帝納其言國止給一敕且加詰讓

示以國無二王之義然諸番迄不從十五年入貢復如故

甘肅巡撫趙載奏諸國稱王者至一百五十餘人皆非本朝封爵宜令改正且定貢使名數通事宜用漢人毋專用

色日人致交通生贖部議從之後入貢迄萬厯中不絕

布噶爾舊作卜花兒

布噶爾在賽瑪爾堪西北七百餘里永樂十三年陳誠自西域還所經哈喇等凡十七國悉詳其山川人物風俗爲使西域記以獻宣德七年命李達撫諭西域布哈爾皆與

沙喇斯舊作失刺思

沙喇斯近賽瑪爾堪永樂中遣使偕哈喇等八國入貢命李達等偕其使往勞之自後每偕他國來悉與厚賜

嘉靖三年與旁近三十二部俱貢馬方物從使者所乞量與蟒衣膝襪磁器布帛自後貢使不至

哈魯舊作黑魯布達實克附魯把丹沙

八

哈魯近賽瑪爾堪世爲婚姻其地山川草木禽獸皆黑男女亦然宣德七年遣使來朝貢方物

景泰四年偕鄰境三十一部來貢馬駝及玉石等物成化十九年與沙喇斯賽瑪爾堪來貢

又有布達實克景泰間嘗入貢至是亦遣使與哈魯偕至宏治三年又與天方諸國貢駝馬玉石

實喇哈雅舊作沙鹿海牙

實喇哈雅西去賽瑪爾堪五百餘里永樂閒李達陳誠使

其地其酋卽遣使奉貢宣德七年命中官李貴齋敕諭其酋賜金織文綺綵幣

默色爾舊作米昔兒

默色爾亦名密思兒永樂中遣使朝貢既宴齋命五日一給酒饌果餌所經地皆置宴正統六年王鎖魯檀阿失刺福復來貢禮官言其地過遠未有賜例昔賽瑪爾堪初貢時賜予過優今宜稍損從之自後不復至

哈喇舊作哈烈

哈喇一名黑魯在賽瑪爾堪西南二千里去嘉峪關萬二千餘里西域大國也洪武時屢遣使招諭不至

明會要卷八十

九

永樂六年遣傅安齋書幣往哈喇其酋遣使隨安朝貢賽瑪爾堪酋哈里者哈喇酋兄子也二人不相能數構兵帝因其使臣還命都指揮白阿兒忻台齋敕諭以一家之親恩愛相厚足制外侮自今宜休兵息民保全骨肉共享太平之福并敕諭哈里罷兵俱賜綵幣白阿兒忻台既奉使徧詣賽瑪爾堪諸國諭令入朝諸酋長咸喜各遣使偕哈喇使臣貢獅子西馬文豹諸物十一年達京師帝喜御殿受之犒賜有加自是諸國使並至皆序哈喇於首十三年哈喇諸國復遣使偕來貢文豹西馬及他方物明年再貢及還命陳誠齋書幣報之所過州縣皆宴餞

嘉靖二十六年甘肅巡撫楊博言西域入貢人多宜爲限制禮官言祖宗故事惟哈密每年入貢貢三百人送十一赴京餘留關內有司供給他若哈喇哈三土魯番天方賽瑪爾堪諸國道經哈密者或三年五年一貢止送三五十人其存留賞賚如哈密例宜敕邊臣怡遵此例制可

西北

伊里巴拉

伊里巴拉舊作力把力伊巴什伯里在肅州西北三千餘里洪武二十四年國王哈達拉和卓舊作黑的兒火者使貢馬賜其王綵幣十表裏其使者皆有賜

明會要卷八十

十

永樂四年貢璞玉十六年布色舊作歪思弒其從兄王諾果沙扎該舊作納黑只罕自立爲王徙其部落西去更號伊里巴拉宣德後屢入貢成化元年禮官定西域朝貢期令伊里巴拉三歲五歲一貢使者不得過十人自是朝貢遂稀

正北

韃靼

通典所載北邊惟韃靼朵顏三衛與明通東北諸部落皆斷自遼金後無可考

韃靼卽蒙古故元後也明初元順帝殂於應昌其子阿裕實哩達喇舊作愛猷識里達臘嗣立徙於和甯傳其次子特古斯特

穆爾舊作脫帖木兒駐捕魚兒海洪武二十一年為明將藍玉

所敗走至圖拉河舊作土刺河為其下伊蘇岱爾舊作也速迭兒所弑

部落多潰其族烏納實哩收散亡居和甯之西復為明都

督劉真等所破自特古斯特穆爾後五傳至昆特穆爾舊作

木兒坤帖皆被殺遠族果勒齊舊作鬼力赤篡位稱汗始去國號稱

韃靼

永樂六年知院阿魯台以果勒齊非元裔殺之而迎元後

布尼雅實哩舊作木雅失里立以為汗成祖以書諭之不報命洪

國公邱福統五將軍出塞擊之師殲焉

八年帝親征布尼雅實哩懼欲與阿魯台俱西阿魯台不

明史卷八

十一

從君臣始各自為部布尼雅實哩西奔阿魯台東奔明師

追敗之於鄂諾河舊作幹難河還師遇阿魯台東復破之

十年布尼雅實哩為衛喇特瑪哈穆特舊作馬哈木所殺

十一年阿魯台遣使來告願輸誠內附為故主復仇請發

兵討賊帝義之封為和甯王自是歲或入貢或再貢以為

常

十四年阿魯台敗衛拉特來獻捷賜賚有差

二十年阿魯台大入興和帝詔親征阿魯台大懼於是棄

其輜重以其孥北徙

洪熙元年阿魯台以數敗於衛拉特乃率其屬東走烏梁

海駐牧遼塞

宣德九年阿魯台為元裔托克托布哈舊作脫帖木兒所襲孳畜

略盡阿魯台與其子碩尼堪舊作失坦徙居穆納山舊作毋

未幾衛喇特順甯王托歡襲殺阿魯台而立托克托布哈

為汗以阿魯台之眾屬之托歡自為丞相

正統四年托歡死子額森舊作也先嗣益桀驁自雄托克托布

哈不能制每入貢主臣並使朝廷亦兩救答之

景泰三年額森疑其主托克托布哈與中國通攻殺之額

森自為汗五年為其下阿拉所殺部中求托克托布哈之

子穆爾格爾舊作麻兒可兒立之號小王子是時韃靼諸部多互

明史卷八

十一

相雄長至天順閒有阿勒楚爾舊作阿羅者率屬潛居河套

逼近西邊其後相繼稱小王子者屢往來套中出沒為寇

迄成化安治無甯歲

嘉靖時諸部落在西北邊者曰濟農舊作吉囊曰諸達舊作俺答據

河套為諸部長濟農死諸達獨盛歲數擾延綏諸邊

二十九年諸達大舉犯京師議開馬市而入寇如故遂罷

之

隆慶四年諸達孫巴噶奈濟舊作把漢那吉內附詔授指揮使明

年封順義王名所居城曰歸化由是西塞諸部歲來貢市

不用兵革者二十餘載

萬厯後邊事愈棘朝議愈紛諸部長恃其暴橫迭出與中夏抗其禍蓋與明相終始云

烏梁海舊作兀良哈

烏梁海在黑龍江南漁陽塞北洪武初相率內附遂置大甯都司營州諸衛封子權為甯王鎮焉數為韃靼所抄二十年詔分烏梁海之地置三衛指揮使司各領其眾以為聲援自大甯前抵喜峯口近宣府曰朵顏自錦義歷廣甯至遼河曰泰甯自黃泥窪踰瀋陽鐵嶺接開原曰福餘惟朵顏地最險而強

成祖自燕起兵患甯王躡其後因厚賂三衛說之來既誘

明會要卷八十

三

執甯王乃選烏梁海三千人為奇兵從戰

永樂元年徙甯王於南昌徙都司於保定而盡割大甯地畀三衛以償前勞

未幾三衛復叛附阿魯台二十年帝親征阿魯台還擊之

大敗其眾於奇拉爾河舊作屈烈河

宣德三年烏梁海入塞帝率諸將出喜峯口敗之於寬河

六年遣使撫諭聽其來朝及往來市易

正統開附衛拉特為之耳目雖歲來致貢止以利中國賜

賚十四年導衛拉特大入英宗遂以是役北狩

景泰初遣使撫諭三衛受額森旨不敢背數以非時入貢

稽察中國舊制三衛每歲三貢其貢使俱從喜封口驗入有急報則許進永平時三衛使有自獨石及萬全右衛來者邊臣以為言敕止之

大順以後陽順陰逆屢肆侵盜至萬厯初朵顏長安舊作長昂益強挾賞不遂數糾眾入掠截諸番貢道官軍禦之殺傷相當二十九年長安與董呼哩舊作董孤裡等皆納款請復甯前木市許之長安死諸子稍衰三衛皆靖

明會要卷八十

百

明會要卷八十終